

# 日本漢文史

籍叢刊

第四輯

傳記

十八



上海交通大學出版社  
SHANGHAI JIAO TONG UNIVERSITY PRESS

圖書在版編目(CIP)數據

日本漢文史籍叢刊. 第4輯, 傳記 / 周斌, 孫錦泉,  
粟品孝主編 — 上海: 上海交通大學出版社, 2014

ISBN 978-7-313-12132-5

I. ①日… II. ①周… ②孫… ③粟… III. 日本—  
歷史—史籍—叢刊②歷史人物—傳記—日本 IV. ①K313-55

中國版本圖書館 CIP 數據核字(2014)第 225726 號

日本漢文史籍叢刊 第四輯 傳記

主 編 周 斌 孫錦泉 粟品孝

副主編 陳小法 尤 佳

上海交通大學出版社出版發行 北京人天書店有限公司經銷

(上海市番禺路 951 號 郵政編碼 200030)

電話:64071208 出版人:韓建民

北京中獻拓方科技發展有限公司印刷

開本:889mm×1194mm 1/16

印張:1021 字數:14611 千字

2014 年 10 月第 1 版 2014 年 10 月第 1 次印刷

ISBN 978-7-313-12132-5/K

定價:26350.00 圓(全三十一冊)

版權所有 侵權必究

統 籌 陳建華 施 維 劉邦權

責任編輯 陳建華 劉邦權

裝幀設計 陳燕靜



第四輯目錄

第一冊目錄（總第90冊）

傳記

別傳

聖德太子傳曆……………一

右大臣吉備公傳纂釋……………四三

朱舜水記事纂錄……………二三三

義公行實……………三八七

津輕藩祖略記……………四〇三

藩祖盛烈記……………四一七

仙臺藩祖實錄……………四六五

第二冊目錄（總第91冊）

先考行狀……………一

櫻老加藤先生年譜……………一五

中洲三島先生年譜……………三七

津田永忠君年譜……………七五

欽仰錄……………八九

佐倉宗吾義民傳……………一〇九

福島安正君小傳及紀行梗概 ..... 一二五

蕃山先生年譜 ..... 一四一

蕃山先生行狀 ..... 一五九

松岡先生年譜 ..... 一六五

箕山浜野先生行實 ..... 一八三

加藤清正傳 ..... 二一一

水戸烈公行實 ..... 二二九

惺窩先生行狀 ..... 二四七

羅山先生年譜 ..... 二六九

羅山先生行狀 ..... 三〇五

鵝峰先生林學士自叙譜略 ..... 三二九

自叙譜略 ..... 三四七

煉霞翁年譜 ..... 三九五

先師澹齋長沼君行狀集成定本 ..... 四一一

國史館日録 (卷一—卷二) ..... 四三三

第三冊目録 (總第92冊)

國史館日録 (續 (卷三—卷十一)) ..... 一

第四冊目録 (總第93冊)

國史館日録 (續 (卷十二—卷二十二)) ..... 一

日間瑣事備忘録 (卷一—卷五) ..... 三八七

第五冊目録 (總第94冊)

日間瑣事備忘錄 續（卷六—卷二十五）……………一

第六冊目錄（總第95冊）

日間瑣事備忘錄 續（卷二十六—卷四十六）……………一

第七冊目錄（總第96冊）

日間瑣事備忘錄 續（卷四十七—卷六十七）……………一

第八冊目錄（總第97冊）

日間瑣事備忘錄 續（卷六十八—卷八十七）……………一

第九冊目錄（總第98冊）

日間瑣事備忘錄 續（卷八十八—卷一百七）……………一

第十冊目錄（總第99冊）

日間瑣事備忘錄 續（卷一百八—卷一百一十二、後編卷一—卷十四）……………一

第十一冊目錄（總第100冊）

日間瑣事備忘錄 續（後編卷十五—卷三十一）……………一

第十二冊目錄（總第101冊）

日間瑣事備忘錄 續（後編卷三十二—卷四十四）……………一

第十三冊目錄（總第102冊）

日間瑣事備忘錄 續（後編卷四十五—卷五十四）……………一

義魁清河正明傳……………三七九

叢傳

本朝言行錄……………四七一

第十四冊目錄（總第103冊）

本朝言行錄 續(卷三—卷四、跋) ..... 一

皇朝言行錄 附: 巡覺日記、枕上閑課 ..... 三五

名賢言行略 ..... 一二五

本朝名臣言行錄 ..... 一九七

先正傳 ..... 二二一

尾張名家誌初篇 ..... 二七一

仙臺人物史 ..... 三〇一

本朝遯史 ..... 三二九

扶桑隱逸傳 ..... 三七五

隱逸全傳 ..... 四四一

皇和表忠錄 ..... 四八七

三名家略年譜 ..... 四九九

第十五冊目錄(總第104冊)

今世武臣傳 ..... 一

明治史傳 ..... 二一

近古史傳 ..... 四五

南部五世傳 ..... 一〇九

足利將軍傳 ..... 一二一

豐臣四將傳 ..... 一五三

前賢故實 ..... 一七三

第十六冊目錄(總第105冊)

赤穂義人錄 ..... 一

補正赤穂四十七士傳 ..... 三七

本朝孝子傳 ..... 一六三

本朝列女傳 ..... 二六一

烈婦傳 ..... 四四七

大東列女傳 ..... 四六一

近世佳人傳 (初編卷之上、卷之下) ..... 四八九

第十七冊目錄 (總第106冊)

近世佳人傳 續 (二編卷之上——三編卷之下) ..... 一

婦女明鑒 ..... 六三

新譚 ..... 九七

先哲叢談 ..... 一一七

先哲叢談後編 ..... 二三七

先哲叢談續編 (序、凡例、目錄、卷之一——卷之十) ..... 三八一

第十八冊目錄 (總第107冊)

先哲叢談續編 續 (卷之十一——卷之十二) ..... 一

近世先哲叢談 ..... 三七

南木誌 ..... 一四三

三楠遺規 ..... 二四五

三忠傳 ..... 二七一

日本義烈傳 ..... 三一七

日本忠臣錄 ..... 三六九

尚友小史 ..... 四〇九

師友志 ..... 四三七

續浪華鄉友錄 ..... 四五五

大日本中興先覺志 ..... 四七五

第十九冊目錄（總第108冊）

河內名流傳 ..... 一

義勇芳軌 ..... 四三

高山正之傳 蒲生秀實墓表 ..... 七九

學古剩議 ..... 九一

近世人鏡錄 ..... 一二九

近世偉人傳（一編—五編卷之上） ..... 三〇三

第二十冊目錄（總第109冊）

近世偉人傳 續（五編卷之下、義集初編—義集五編、禮集初編） ..... 一

明哲純義典 ..... 三三五

名節錄 ..... 三四九

三名士傳 ..... 四〇七

明徵錄 ..... 四一九

第二十一冊目錄（總第110冊）

日本藩史（菊地序、自序、例言、引用書目、目次、卷之一—卷之七） ..... 一

第二十二冊目錄（總第111冊）



日本藩史 續(卷之八、正誤) ..... 一

柏原藩史 ..... 六九

津輕藩史 ..... 二五九

鹿島外史 ..... 三六九

求麻外史 (卷一—卷二) ..... 四七九

第二十三冊目錄(總第112冊)

求麻外史 續(卷三—卷四、跋) ..... 一

橘山遺事 ..... 四三

日本古今人物史 ..... 一三一

本朝武林傳 (序、凡例、卷一—卷八十八) ..... 二二五

第二十四冊目錄(總第113冊)

本朝武林傳 續(卷第八十九—卷第九十五) ..... 一

系譜

擊壤錄 ..... 二七

帝王御譜 ..... 一一三

帝皇略譜 ..... 二一三

本朝皇胤紹運錄 ..... 二五三

本朝紹運續錄 ..... 二九七

帝王譜略國朝記 ..... 三〇九

皇親譜略 ..... 三四一

皇國姓族誌 ..... 四四九

|        |     |
|--------|-----|
| 京都將軍家譜 | 四七一 |
|--------|-----|

|       |     |
|-------|-----|
| 織田信長譜 | 五一三 |
|-------|-----|

第二十五冊目錄（總第114冊）

|       |   |
|-------|---|
| 豐臣秀吉譜 | 一 |
|-------|---|

|        |    |
|--------|----|
| 鎌倉將軍家譜 | 七七 |
|--------|----|

|     |    |
|-----|----|
| 聿修錄 | 九五 |
|-----|----|

|          |     |
|----------|-----|
| 伊達世臣家譜略記 | 一三三 |
|----------|-----|

|        |     |
|--------|-----|
| 諸家知譜拙記 | 一六七 |
|--------|-----|

|      |     |
|------|-----|
| 源平系圖 | 二四一 |
|------|-----|

|          |     |
|----------|-----|
| 訂正增補百家系譜 | 二五五 |
|----------|-----|

|                |     |
|----------------|-----|
| 系圖綜覽（例言、目次、第一） | 四四三 |
|----------------|-----|

第二十六冊目錄（總第115冊）

|             |   |
|-------------|---|
| 系圖綜覽（第一、第二） | 一 |
|-------------|---|

第二十七冊目錄（總第116冊）

|             |   |
|-------------|---|
| 系圖綜覽（續（第二）） | 一 |
|-------------|---|

|                           |     |
|---------------------------|-----|
| 新編纂圖本朝尊卑分脈系譜雜類要集（卷第一—卷第二） | 三六七 |
|---------------------------|-----|

第二十八冊目錄（總第117冊）

|                              |   |
|------------------------------|---|
| 新編纂圖本朝尊卑分脈系譜雜類要集（續（卷第二—卷第六）） | 一 |
|------------------------------|---|

第二十九冊目錄（總第118冊）

|                               |   |
|-------------------------------|---|
| 新編纂圖本朝尊卑分脈系譜雜類要集（續（卷第七—卷第十四）） | 一 |
|-------------------------------|---|

第三十冊目錄（總第119冊）

新編纂圖本朝尊卑分脈系譜雜類要集 續（卷第十五—卷第二十、索引）……………一

柏原織田家臣系譜……………三三三

茶人大系譜……………四五一

華族鑑……………四七七

第三十一冊目錄（總第120冊）

平安人物志……………一

南山小譜……………四五

日本外史系譜……………八三

日本外史補系譜……………一〇九

詠史詩

國詩史略……………一二五

近世詩史……………一六一

東洋詩史……………一九三

詩史……………二一九

弔楠公詩編……………二四三

佛山堂詠史絕句鈔……………二五一

日本詠史百律……………二五五

日本詠史新樂府……………二六九

讀史雜詠……………二九一

征清詩史……………三二九

讀正續日本外史……………三九一

|        |       |     |
|--------|-------|-----|
| 日本外史樂府 | ..... | 四四一 |
| 北總詩誌   | ..... | 四七三 |
| 瀛史百詠   | ..... | 四九三 |
| 海外詠史百絕 | ..... | 五二一 |

第十八冊目錄(總第107冊)

|          |              |     |
|----------|--------------|-----|
| 先哲叢談續編   | 續(卷之十一—卷之十二) | 一   |
| 近世先哲叢談   |              | 三七  |
| 南木誌      |              | 一四三 |
| 三楠遺規     |              | 二四五 |
| 三忠傳      |              | 二七一 |
| 日本義烈傳    |              | 三一七 |
| 日本忠臣錄    |              | 三六九 |
| 尚友小史     |              | 四〇九 |
| 師友志      |              | 四三七 |
| 續浪華鄉友錄   |              | 四五五 |
| 大日本中興先覺志 |              | 四七五 |

先哲叢談續編卷之十一

信濃 東條耕子藏著

片北海

名猷字孝秩號北海通稱忠藏片山氏自修爲片越後人

北海之父曰默翁家世爲農娶三浦氏以享保八年癸卯正月十日生北海於矢彥邑邑接壤北海故長後以此爲自號

北海生而岐嶷及比十歲聰敏無倫族人等教以四書未至二句吾畔便通無誤句讀衆皆以爲不凡欲使

先哲叢談續編

卷之十一

北海

一

作書生僻邑無師友遊學於州之長岡新發田高田等諸鎮無一當意者而空還讀書於家三年曉通殆遍始有將爲逢掖之志云

歲甫十八負笈平安應接名流心無所可獨慕宇明霞委質師事之寄寓其門明霞有識鑒一見器遇之頗厚矣是爲元文五年冬請業受教六年于此明霞沒而失所倚賴落魄萬狀窮不可言時有大阪富商某遊明霞之門者信其學術故請北海將受經史遣寓其別墅遂寓居于此

北海在大坂僅三年而業漸行父默翁挈家來就會遭

歲歉荒至不能支朝夕之給窮迫殊甚而克奉其歡孝行之名顯于閭閻

北海爲人閒靖寡言絕思於人間之榮辱不與世競爭故未嘗以表襮措心故內充而外著根固而枝長聲名籍甚自強仕時至其晚暮殆三十餘年行束脩以上者前後蓋三千人

北海確信師說終始不變故奉崇明霞之業者莫不知北海者亦莫不稱之者學術之精核還在於其上

北海性樂音樂善吹橫笛其技之熟不下伶官殊精於樂律之諸書每嘆我土之先輩不知音律焉

先哲叢談續編

卷之十一

二

北海以寬延元年秋辭寓居始卜築阿波橋北畔住于此十餘年買故宅浚橋北橫街修葺破損移居對軒有老松一株故館曰孤松八月十六日初會諸友葛子琴有詩云清虛生白室澹泊草玄人占此鵲巢舊看陀燕賀頻屋楹未修補筵几既鋪陳弟子勞須服先生德已新雖無移竹地足格然藜神一雨寧漸漏孤雲不病貧社盟尋混沌郭處分沈淪月正東山夕樽猶北海春秋城通瀨氣夜市隔纖塵禱頌吾何敢趨陪漫飲醇

北海之家每社友相會交際甚昵酒饌極豐拈韻賦詩





矣持論常率如此

北海雖無意於當世。好爲論經濟。聞列國諸侯之所置分商議得失。其所言未嘗不察察中宵際。

北海作詩文。雖長篇巨章。未嘗草稿。其所構思盡在腹稿。服稿不熟。則不下筆。混沌一社。皆奉其說。人無巧拙。能倣之。每月既望。諸友會集。分題探韻。各賦詩成。取几上一紙書之。不別立稿。蓋腹稿已熟。故無有及書躊躇。又無有故紙狼藉。

北海歲四十後。聲價特高。諸侯聘招。峻拒不起。忽然若絕思於世務者。又似不辨時勢者。或問其故。對曰。竊

先哲叢談續編 卷之十一

五

以謂今收伯士太夫。未嘗見有爲之人。其所稱好學禮儒。徒不過爲虛驕。而誇於人之具。豈足與言之乎。柴栗山雖異學術。素與北海善。甚服其爲人。稱爲謹嚴確實。有特卓之操。北海長於栗山十三歲。不以後進遇之言曰。近時研窮宋學之人。多乏文藝。特余所識熊本。數孤山。岡山。近藤西涯。及子各有詞藻。世之奉崇程朱。若山崎派者。焉足以備顧問掌記室。子欲繼往聖。啓來學。祖述浴閭之旨。則當必精通於文藝。栗山能從其言。益講習詞藻。研窮理學。大家之稱。爲一時之魁。

栗山東下後。將薦北海爲一侯家儒員。雖然天明未料

理學政。講經之科條。一遵朱子。不得言其他。恐北海之不從其所告。竊書以告。故請姑如時令。講經用四書五經大全等耳。北海感謝其意。不忍廢棄舊學。作詩辭之。其詩云。北海鯁生甘逸民。年豐時泰不憂貧。江湖風月十分富。莫是虛名累老身。一其莫是虛名累老身。研田耕耨逐年新。華門縱有侯門聘。不染青黃清路塵。二不染青黃清路塵。勞心何似養心真。鯁魚兼得元難作。北海鯁生甘逸民。三其

先哲叢談續編 卷之十一

六

諸子議論峰起。北海詳悉得失。斷之明晰。暗記其注釋。尾藤二洲初自伊豫來於塾。北海暗誦史。屈原傳二洲持書聞之。又及索隱正義音注。更不一失。其強記皆類此。二洲以服南郭之文二三篇評議之。北海吹煙不答。二洲問而不止。曰勿以爲也。議之不如吹煙。

北海之爲人也。素朴敦厚。不修邊幅。無貴賤。無生熟。遇之恬然。特以其嗜點茶。富豪之家。偶作茗會。以得招致之爲榮。北海則不自知也。中井履軒曰。北海可納交。而彼顯著也。我是爲幽人。所以不交也。但其不自

知<sub>ラ</sub>幽顯<sub>ヲ</sub>甚<sub>ニ</sub>爲<sub>ス</sub>可<sub>ト</sub>重<sub>キ</sub>耳。

北海歲踰耳順。自奉甚薄。家人以其老且善病。請用帛。易布被。不<sub>レ</sub>肯<sub>ニ</sub>曰。吾嘗養親。不能使輕暖足於體。而適其用。於今吾獨用此。心甚不安。遂不爲矣。

北海寬政二年庚戌三月卧病。彌留至九月十二日。没于淀橋。北橫街之偶居。歲六十八。葬于城南梅松院。娶河原氏。先没。無子。養平井氏子蘊字子敬爲嗣。稱恭順業。醫別居於道修街第五坊。此地北海初所卜築也。故使蘊居于此。

北海不好著書。其所筆記皆係鈔錄。故無一卷成書。北

先哲叢談續編

卷之十一

七

海文集十二卷。尺牘三卷。詩集七卷。混沌社詩稿三卷。皆門人所編輯。孤松館遺稿八卷。蘊所集也。門人廣岡成美。給其費資。將上木曾大典作之序。蘊會罹病。未果而没。云。近時得大阪兼康。浪華詩話云。北齋詩草稿。其詩云。我本北越士。來客浪華濱。稗無歸著萍流。好誰因四三。結詩社。始與君相親。周旋無朝夕。里巷且比鄰。社明時出入。社友或化壞。心所向誰。想傳門自養。養衰弊。亦廢資。給誰是。仰舊盟。君獨在通財。重友誼。尚志有古訓。但恐虧一簣。以生以補。翼從史。意亦摯。又憫我無室。伐柯主其儀。納聘與諸期。期滿舟向尼崎。維春王正月。料峭如劈。肌沾酒。勞舟人佳期。不可移。失妻在今日。嗟呼誰之力。愧我老且懶。省視不自愛。忽爾聞訃音。狼狽奔且跼。結交三十年。永訣至此極。執紼臨墓門。默拜告胸臆。君亦遠國。庭自幼。辭父母。辛勤殖貨賄。夙夜終不負。芝蘭生庭階。馥郁繞左右。雖在市廛間。其生也亦厚。無忝爾。

所生古稀。非不壽。但憾君去後。誰愛此。迂叟此詩。可。以當先生小傳。耕案。阪道。齋者未詳。爲何許人。蓋與北海真。熟交者也。

立松東蒙

名懷之。字子玉。號東蒙山人。別號嘉德。通稱嘉兵衛。尾張人。

東蒙尾府通藩士也。自少壯不欲爲小吏。讓祿於弟。漫遊于平安及浪華。奈良伏見長崎。熊本等之諸方。歲三十二。初到江都。僑居市谷田街。教授爲業。

東蒙穎悟俊拔。欲以斯文振揚一世。數罹火災。窮甚。至無以給衣食。而一毫不妄取於人。日沽醇酒飲之。蓋無以給衣食。而一毫不妄取於人。日沽醇酒飲之。蓋

先哲叢談續編

卷之十一

東蒙

八

在都下三十餘年。未嘗罷此樂。有詩曰。東閣招賢競訪求。弊裘堪笑漢諸侯。一從豪氣甘盃酒。潦倒醉中窮九流。

東蒙始遊于京。受業伊藤蘭。嶠專修堀河。言以篤學敦行。被稱儒林。東來之後。僻居陋巷。遂無知其爲人者。可惜。

東蒙每語人曰。市井愚俗。觀雜劇院本。遇忠臣孝子義烈芳節。照映於世者。感觸淺發。秉彛之性。不可得掩。至悲傷歎賞。涕泣嗚咽。不能自禁。由是省檢有敦樸趣善者。有憤激修行者。而士大夫自少壯讀書。講道。

一出身後棄擲不顧至其終身不能會得一善其所志不過於飽煖適已雖謂之市井愚俗之罪人而可矣。

東蒙歲至知命家益窮迫自識世之不過我故愚弄朝野傲視富貴講業之暇傍通國學好詠和歌又以流俗所謂狂歌者著聞于世蓋狂歌出自國風之遺意雖其體不雅均是三十一言聲調也自明和安永以降好其技者陸續不斷至于近時傳播海內雖有其異同首唱之創於斯人矣。

東蒙於狂歌乃號平秩東作後以其技鳴於時者數人。

先哲叢談續編 卷之十一

九

若唐衣橘洲大屋裏住元木綱為唐九四方赤良等皆弟子也。

東蒙博洽餘暇傍及佛典講法華楞嚴維摩等諸經牛籠市谷諸寺院僧徒從學者眾矣書齋揭聯語曰言行未備博綜六藝徒如書獃不能識道施用心源未徹諳說三乘空似經藏不得知法濟世。

東蒙雖不過終於坎軻其所著極多矣武家盛衰記五十卷武野叢談十八卷東遷創業記十卷難波戰記三十卷羊野茗談一卷羊野雜談六卷筆塵四卷寒夜百談三卷嘉穗菴集二卷水乃行衛五卷四谷乃

風四卷是也尾代輪池為余言之世之明知真書太皆東蒙之所編著也書鋪松澤若泉以此言不為然曰此二書不出於一人手故體裁不一今姑記備異耳。

東蒙寬政元年己酉三月八日病肺歿于四谷新驛之寓居歲六十四葬邑里饅頭谷善慶寺浮圖氏法謚宗惠居士不娶無子太田南畝從學狂歌者四方赤良等與諸弟子謀建墓碣又刻悼東作夷曲歌一卷盡載諸友門人詩歌足以知遺事矣。

千葉芸閣

名玄之字子玄號芸閣通稱茂右衛門江戶人。

先哲叢談續編 卷之十一 芸閣

十一

芸閣學于熊本儒官秋玉山寓于其塾五年而玉山期滿西歸自此獨讀書又五年終以詩藻文章著稱于時云。

芸閣雖受業於玉山不好性理之說專為物徂來學僑居吳服門外三年無獎移居駒籠吉祥寺前。

寶曆中應古河侯之聘釋褐文學受俸十五口侍讀世子頗見眷遇居數年而遭妒忌者眾不得已致仕自是而後絕意于祿仕雖有厚聘堅辭不應自誓足不踏諸侯之門講說為業從遊之盛與當時高名井金峨紀平洲等鴈行世稱為大家。



芸閣長於談論。最善講說。蓋當時之所習業者。蒙求世說新語十八史略三體唐詩唐詩選嘉隆七子詩集等。皆所戶誦家讀也。故能從時情循環反覆。不廢講習。與眾俯仰。上其莛者不下六七十人。

芸閣嘗譏經於某侯。未終一章。侯適微睡。芸閣罷講。端坐營炊。候睡覺。改容謝罪曰。昨宵因防火。使出馬。至于今曉而歸。未少就寢。所以失禮於先生也。芸閣曰。以徹夜不就寢。豈可爲失禮於師輔乎。嗚呼。六十年前之先輩諸侯之禮貌大率如此。

井大室曰。關東之學治經者寡。修辭者衆。大抵文章則

先哲叢談續編

卷之十一

十二

文選軌範明。李王詩藻則唐詩選詩刪絕句。解史則左國史漢典詁。則世說蒙求。具多奇之相傳曰。某精於唐詩。某熟於蒙求。進聽其講說。退搜其訓註。童習白粉。以研求一語之所出。與一言之所據。有不得則不惜時日。不憚行露。必窮而止矣。以此成家。一大奇事也。是言見其所著讀書會意中。雖不知其所指爲誰。蓋以芸閣依前數書。眩曜於後進。而諷刺其所爲矣。

物少則貴。事多則賤。自然之勢也。安永中護社遺老彫喪殆盡。不論經義文詞。二傳若三傳。守其業者非太

宰氏之徒。則瀟水之徒。非服部氏之輩。則蘭亭之輩。不絕若綫。靡委不振。攻擊之者乘其虛而起。辯駁義老之業排詆修辭之說。將一洗其弊。不遺餘力。雖間有信其說者。疑惑其言者。猶尚不寡。故追慕舊習者。不辨醇疵。不得不尊信芸閣。是所以自能合于時好也。蓋芸閣之學出自玉山。玉山南郭弟子也。雖學奉其家世之訓。主朱子文章詩歌全傳指授矣。今人動輒以芸閣諸書笑斥學術之疎漏。是未知時勢而論其人也。古人嘗謂論人者宜先知其時勢。否則以己之所執臆斷得失。不得當衆矣。

先哲叢談續編

卷之十一

十三

寬政四年壬子十一月七日。以疾没于駒籠。僞居歲六十六。葬于東鄰總禪寺。要橫井氏生三男四女。皆大。門人植村士道。鹽野光廸相議後事。僅不絕香火云。芸閣質性溫和。雖無卓絕之才。刻苦述作。不輟筆所著若標箋孔子家語十卷。標箋荀子十卷。標箋莊子十一卷。標註國語廿一卷。孔子行狀圖解二卷。官職通解。年中吉事各一卷。唐詩選掌故。唐詩講釋各七卷。四聲韻選。詩學小成各四卷。文章小成。頓悟詩傳各六卷。芸閣文集十卷。皆刊行于世。

內田碩石

名外字叔明以字行號頑石道人冠嶽鵜洲皆別號通稱文道江戶人

頑石之系出自遠江相良三郎長賴之弟內田四郎宗賴足利將軍時受封於伊勢三重郡上鵜河原後屬國司十種氏織田右府時其六世孫彦太夫宗勝父子及一族五人戰死於美濃加賀井之役時天正十二年五月六日也宗勝第十右衛門宗信男忠太夫宗傳留守上鵜河原子孫皆為鄉豪高祖莊左衛門宗矩宗傳之仲子也曾祖宗榮宗矩之季子也寬永中來于江戶以醫為業稱忠菴祖彦太夫宗廉亦為

先哲叢談續編

卷之十一 頑石

十三

賢又善射士人從受其業者眾矣父意房字子長稱玄淳好學善書娶三宅氏生意滿而沒再娶城田氏生意興頑石意陸及一女而沒繼室以其妹生廷輝及二女廷輝名璚號玄對老人以渡邊漆水之遺訓以畫著聞於世頑石伯仲叔皆多病常事藥餌遂皆早沒頑石獨強健

頑石天資孝友能事父兄口訥不能言終日端坐與人

不語玄淳乃謂曰汝資性魯駘非依學問庸詎得愈

愚會伊藤竹里應久留米侯之聘來于江戶其居不甚遠大悅使頑石從學之

頑石篤奉父師之訓晝夜挾冊誦讀殆遍通曉經史無

幾竹里沒故從板美仲學修辭業美仲亦早沒又從

赤松荷甫受經義遂以此起家終身不變能奉其說

云

頑石歲十五歲喪父其翌年繼室城田氏為家道漸不

振仕一諸侯後宮以其俸資養育諸孤又給頑石兄

弟學業之費其所自生廷輝僅十歲頑石撫教之使

廷輝從通家渡邊漆水學繪事漆水以丹青名於時

又愛廷輝之為人愍其家貧遂請于養之明和丁亥

漆水沒時廷輝十九歲竟冒渡邊氏猶與頑石同居

先哲叢談續編

卷之十一

十四

友于最厚遂作高名之人未嘗不依頑石獎成

頑石居麻布古河其地雖離都不遠隔在于南郊而列

侯貴族自訪其廬或延為賓師崇其業者頗多矣

頑石不欲婚官人說之婚則曰一身之外亦復何須便

有婦吾恐劉伶之見捐酒毀器矣人說之官則曰山

野之性不愜元冠其真率自放如此

頑石性嗜酒酣暢之餘脫遺世埃飲多益溫醉甚愈克

杯鐺盤壘不去坐側無朝無暮常帶酒臭

頑石嘗使攝津伊丹造釀家某製醇粹酒其氣味清酸

而苦辛不似先是苦甘軟淡自題之銘云消憂散鬱



透徹黃泉。百藥之長。暢潤山川。蓋關東之人。性嗜酒。味。辛苦猛烈。不若關西之人。好醕醪。軟甘溫濃者。自依於土地。肥瘠。與人氣。強弱。自是以降。此造釀之法。盛行于時。江戶十里四方之所飲。以此爲稱。謂至今。號泉川。七十年来。飲客。無不愛泉川者。氣味殊以芳。辛。清。苦。被稱于世。

頑石知命之後。酒量益甚。或諫以。其節飲。則曰。糟邱數。仍是我。峭函之險也。爲我固守者。持壺抱樽而來。更。不與校。自號醉鄉太守。或酣樂都督。皆戲謔所表也。頑石以元文元年丙辰。六月十九日生。以寬政八年丙。

先哲叢談續編

卷之十一

狂齋

十五

辰十二月十二日。沒。歲六十一。葬于白金邑。光林寺。所著有林麓草堂雜記。群書校正錄。各十卷。鵜洲吟。草。醉客漫興集。各二卷。

余與渡邊赤水。談及頑石。赤水曰。吾伯父實非不欲嫁。官壯而可娶。值二兄多病。以撫養無人。託言不欲。加。旃。家極赤貧。不能費給。故如此。其友于厚。可以想見。矣。赤水名昂。字伯顯。稱忠藏玄對。長子也。屢與余驩。其人已就本錄。余所憶記亦如此。

原狂齋

名公逸。字飛卿。號狂齋。通稱約藏。淡路人。

狂齋家世。居于淡路。須本。須本阿波。家老稻田氏居之。高祖以降。皆入仕籍。狂齋兄弟五人。其仲也。早喪父。被養母氏。十八歲。伯兄夭。繼而喪母。性不好官。廿一歲。托家事於三弟。鮮祿。漫遊于浪華京師。應接諸名流。五年于此。後到江戶。入于井金峨之門。寓。執。五年。廿七歲。下帷。駒籠。教授爲業。

寶曆初。井金峨專唱折衷經義於漢宋歷代之衆家之說。排擊物徂來。修古文辭。始知古言之說。其業行于一時。狂齋奉崇。其說能贊成之。繼而和者。數家。畿園。赤羽之學。爲之寢衰。故堅守舊習者。視金峨狂齋等。

先哲叢談續編

卷之十一

十六

殆若仇讐。而不能與之爭。妒忌者甚多。

狂齋始居駒籠。是爲明和乙酉。二月。先是金峨創作所謂賣講者。吉祥寺龍光寺。及諸院之羈徒。來入其門。每侍講筵者數百人。江戶儒家。自有講說授徒之事。從遊之盛。所未曾有也。金峨作之數年。及移居於下谷。使狂齋代居之。故狂齋之講說。聽受者不讓金峨云。

狂齋故授駒籠三年。千葉芸閣。齋藤東海。松村梅岡。伊東藍田等之諸家。又教授于此。皆是奉崇時習之護國學者也。當時護國遺教。舊淪胥人之肺腑。不可容。

易洗之。狂齋不堪衆楚之咻。去移居於高輪。泉岳寺前。又移品川。東海寺前。又移谷中。瑞林寺前。又移愛宕。青松寺前。又移下谷車阪。前後不一。其所著狂齋諸器銘跋自書。云。乙酉始住江都。而來移居。凡二十八年。居無三年之久。食亡一日之儲。十七年於此。今姑息于承嶽之側。未可知。幾日而復違之。天明改元七月題。

狂齋少於金峨。僅三歲。金峨雖以弟子遇之。天資敏捷。出於金峨上。惟惜生長南鄙。浪遊數年。艱澁衣食。無良師友之資。益紆意。故雖從事於經史。無由於遂志。

先哲叢談續編 卷之十一

十七

業。因循束手。至其到東。入于金峨門。始識學之所向。而信服之。金峨愛之。踰他弟子爲之處分。辨給衣食。又謀治生宜。傾畧庇護。無所不至。狂齋師事之。倚賴之。終身不易。奉崇之意。其師弟品行之高。諒歎誠之輸寫。可以敬服矣。

狂齋初到浪華。觀其土風。蓋其民庶好氣。任俠。專爲廢著交易之事。自以爲我不諳市井販鬻之機。則去又到京師。其士夫好偽粉飾。輕薄纖蓄。狹陋殊甚。縉紳君子。尊大自喜。視布衣之士。如草芥。然自以爲皆無所遇也。必焉竟不得已。而到于江戶。既見金峨之後。

趣向自定。將皇張師說。以成一家之言。意竊先識士林之不可振起。其自視缺然。絕意仕進。放浪蕞苑。故其學術之醇。識見之粹。實非時流之所能企及也。雖然。不得志窮屈於白屋之中。無知爲其人者。真可惜焉。

狂齋荅石昆陵書中云。都會天下之士民輻湊。建業顯名之地。而不能有爲其時事可知也。故以遺逸之民自居。寔命不同。夫復何言。今在西毛。亦容跡而已。遠出遊山澤。感物而不能無情。常人庸夫。猶能有爲。而獨如此。遠去墳墓之地。親戚之存亡。不可得而聞。豈

先哲叢談續編 卷之十一

十六

人之情也哉。又與江子夢書中云。僕五年於洛。而後遂東來。竊窺海表之文物。最後見我師。聞所未嘗聞。知所未嘗知。如未嘗治學者。於是乎飲灰洗濯腸胃。不復揜於世人影響之時。習專以唐虞三代之道。折衷諸於洙泗之遺訓。而向所爲者。恬不復顧焉。雖才不及中人。而意旨較然。不背其志。置置不作於天下。自謂其役心也。不若是何。以慰從前之鬱悵。貧者士之常。而素所習也。行義確乎。不讓於世儒。我以吾道視縉紳君子。猶藐焉者。貴人達官。見僕鞠躬如也。豈往者之公逸乎。且爲滕薛之小吏。不欲爲趙魏之老。固

僕之志也。往者不爲足下輩所激。則徒長爲南海菰蘆中之人。何以得有此樂乎。讀此二書。可以知從事於金峨之厚。今按石川陽字東夫。號崑陵。堀江吉字子夢。號鳴門。皆淡海人。講業於大阪。與狂齋交歡者也。

近世江戸建立一家。言稱曰。大家者。有必羽翼之弟子矣。山崎闇齋之於佐藤剛齋。三宅尚齋。木順菴之於新井白石。室鳩巢。山兼山之於荻大麓。松葵岡等。皆能唱和其業。繼述師說。終身維持遺教者也。雖其間有少異。不至全背舊師也。金峨早負英邁之資。抱超

先哲叢談續編 卷之十一

九

倫之見於江戸滔滔淪胥。義社修辭。知古言之學盛時。崛起首唱。折衷經義之說。都下靡然。其齡未及六十而沒。才俊弟子不乏其人。狂齋及吉篁。龜田鵬齋等。尤羽翼之者也。不幸金峨沒後。狂齋無幾而繼。沒有識之士。無不爲愛惜之。

金峨復狂齋書中云。純卿雖寡交乎。以斯文視四方學者。殆且二十年無一當意者。而獨得足下耳。願足下努力。遇不遇者。天也。遺佚不怨者。獨善已也。不若施之空言待之來者。上顯父母。下償初志之爲勝矣。今之學者。夢寐中亦不置意於此。是僅可爲足下道耳。

來諭至其言世之修辭家。以李王爲孔顏。以詩賦爲典經。而盲史腐令。遂爲濫說之資矣。則又何傷時弊之切。而立言之快痛也。頃有書生乞純卿字者。爲之書目。不涉李王之集。行不爲恢達之事。而後始足免才子之名耳。二十四字與之。退後省渠師事於世。所謂修辭家熊耳餘先生者。先生歲時祀于鱗元美於其家。尊崇尸祝亦極至矣。渠當不滿意。強作人情之語。而謝去世間。失望亦多。類此足以發一大笑耳。按金峨在當時指譏時習。不置如此。其遇狂齋之厚。可見。

先哲叢談續編 卷之十一

十

狂齋自喪金峨。鬱悵不樂。自號修真道人。常著緇衣。不復佩刀劍。殆若僧侶。然面色憔悴。使人惻然。不堪見。當是之時。閨老相良侯意次。弄權於世。忌嫌文士。儒術之業。不振。縉紳賄賂公行。舉同排異。無所相憚。朝野箝口。時事可知。故絕意於時云。

狂齋深識時勢之不振。志業之不成。而自筮終身。可否遇遯之否。憂世慷慨。作一篇文。維天明乙巳秋七月。原子將削跡於塵埃。放志乎邱岳。自比古之逸民。遠遊名山。不知其所終。個然達此。不復顧焉。自今後有生亦猶死之久矣。因自作文祭云。天壤之間。物皆有

則而則多儀。有大人之儀。有小人之儀。其儀不忒。而不爽其要。若夫或易之者。必也自取。孽不可貲。我儕小人所乘者。少也。猶不如意。則傷悲。矧有道之君子。其自任者。重且至。小大雖殊。所歸者一也。戢身乎一棺。自爾止此。司馬牛卒。魯葬諸邱。與閔賢者失所。而錄之。我不肖。縱死行路。孰夫掩之。屍苟志之。不捐隊。非所與知。行尸走肉之質。質其斃。不可預期。投水則伴跡乎屈平。死山則同餓乎伯夷。上之為焉。下之為螻蟻。曷奪彼與此。而可為知我者。天乎。非損。歟。盡我何疑。自贊自祭。不煩人。晉陶徵士乃我師。萊散村醪。易

先哲叢談續編

卷之十一

廿一

給是寒士所宜。豈夫祭之必大牢。庶幾來享。毋辭。乃衍然飲茹。既醉且飽。覆其卮曰。嗟乎。狂齋居士。可謂論世識時。

狂齋自少壯。憂喘息。恒事藥餌。至四十後。暴起無時。寬政五年庚寅二月。卧病。竟不能救治。以四月廿日。沒於南芝高輪寓居。歲五十六。不要無子。門人相議。葬於小日向里金剛寺。寺主僧者。從遊之人也。所著有周易啓蒙圖說一卷。論語博義十卷。學庸私衡二卷。古詩十九首解。葢海蠹。狂齋諸器銘各一卷。原子內編。全外編各二卷。諸友贈答詩文三卷。師友談錄四

卷狂齋錄五卷。修真道人遺稿六卷。門人之所編。

狂齋先是有詩云。生涯五十果何為。老後沈淪素所知。吾已矣哉。名與實。將來惟欠道山期。其寄住人間半百年。許多辛苦。自糾纏。蓬心未了。無中有大夢醒來。知樂天。其身生南海。原為姓名逸。字飛狂。猶行。狂拋世事。沈煩襟焉。在彼知天與命。雖不典雅。可以充一部小傳。

赤松滄洲

名鴻。字國鸞。號滄洲。一號靜思翁。稱大川良平。播磨人。仕于赤穗侯。

先哲叢談續編

卷之十一

滄洲

廿一

滄洲。播磨。人。父曰舟洩。通益。十七歲。為赤穗。醫。負大川耕齋。所養。出。冒其氏。大川舟洩。皆出自州之望族。赤松氏。村上。庶族也。故於文詞。稱赤松。

滄洲弱冠。遊于平安。學方技於香川。修菴。受經義於宇明霞。而不欲為醫。留志書籍。誦讀惟耽。赤穗侯聞之。改父祖業。使之專。其所欲。未至三十歲。文學之聲。振于葢花。延享丁卯三月。侯擢為儒員。時歲二十七。滄洲自少壯。容貌魁偉。殊美鬚髮。雖婦人小子。一見。知其非凡。當時有兩鸞鳳之名。先是吉益周助。以古醫方。名於都鄙。其人自好修飾。邊幅極美。威儀自衣服。

刀劍至煙管懷佩華裝身具形樣相喜世呼曰鸞鳳姿。滄洲雖不作修飾自然有成重故又目之以爲物議。

滄洲豪邁峭直疾惡若讐至其所不可不避權貴嘗在君侯之側面折藩士某其勃然變色侯亦不敢然之乃抗言曰君其不容臣之言先斬臣首耶否則罷某之不堪其任順逆可否何待喋喋之爲其不屈撓率如此。

赤穗之地濱於西南海運甚便巨浸震蕩控牽九州雲物變幻山川形勢雖不甚大土風敦實自異於沿海

先哲叢談續編 卷之十一

三

諸州先是大石良雄等以義烈顯於天下故其遺俗自存治下民庶皆事然諾勇于爲義滄洲建議起學舍張文教自講說經史以實踐躬行鼓舞士風異行能言之輩繼踵而出所裨益於藩政頗多矣

余家藏滄洲所書行書一軸雖筆札之美不足稱其語警拔故附記于此云性情萬端起而復破水之性未嘗亡也萬燈明而復滅火之性未嘗亡也渥燈情也水火性也情與性魄與魂也能識此理可以言性滄洲起儒負歷諸官超遷竟至家老執藩政赤穗自受茅土所未曾有之舉也蓋赤穗先封爲嚴然一大藩

鎮慶長中始受封於美作全國十八萬六十石世之所謂鬼武州長可男忠政是爲侯家官閥之始祖襲封四世至曾孫長成一作時之時有狂疾國除爲郡別封長成男長紀於赤穗二萬石之地使之奉其祭祀自此而降雖有繼守比諸曩時小大不均貧富亦異及滄洲當路於此修典刑調賦役預設方略救濟士民百廢盡興封境富饒亦得不匱上下悉依賴焉者蓋以煮鹽法爲利至今云

滄洲嘗謂大文夫生不遇時則當凌厲宇宙睥睨人世飄然輕舉于塵表焉能局促仰食於人求仕於世之

先哲叢談續編 卷之十一

四

爲乎今之仕侯國者豈謂立身行道哉其所求不過入則有家室之安富出則有車騎之光榮百年之所爲徒飽暖之資矣耳我早登仕途羈絆于斗升之祿常以此自悔既而不及至其從事於藩政之後無可奈何故見人盛壯年就羈絆乞祿仕者未不爲之嗟嘆私心竊謂他日將有如我悔者忠告於人每每如此

滄洲激賞後進之士有立志於學者而不置以成就德器培養茂材爲專務故從遊士自然化其風習莫各不雄壯其氣開拓其心以豪杰而自任矣



寬政初柴栗山爲時相所優遇料理學政托言於崇奉  
漢魏傳疏之學者動輒訾訾程朱無所忌憚後進之  
士轉遷不一壞害人材不甚少矣將揉改其弊而易  
舊格新視聽者多矣其言雖似有理不能免偏頗不  
愜意合已者概受其排擯若皆川淇園佐野山陰村  
瀨栲亭龜井南冥篠邨州東藍田市川鶴鳴豐島豐  
洲崎波園紀平州冢大峰山本北山等皆名於時以  
各其所見不欲趨時好而改舊習藝苑之士相爲朋  
黨頗作門戶之見群議洶洶滄洲特憂之曰此事當  
熟講而緩行之人材不可遽得惟以一人之見積弊

先哲叢談續編 卷之十一

廿五

舊習不可頓革享保以降文學漸開治道益備焉大  
則廷論小則疏達上下相資公私互得是爲得體矣  
講學之要在自得之而不在分別流派今世之務在  
博求人材而變舊易故非敢所先故料理學政者當  
虛心公平以延衆議不可必謀自己出謀自己出則  
諂諛阿附獲乘間而迎合得其意方正之士將卷懷  
退避恐學術之衰自是不振其言果驗

自一變學政奔競趨于時習者觀望附勢栗山建議法  
令益峻非其講經依瀛洛關閩者不得作用故不論  
漢唐元明及我土伊藤堀河物赤城盡目稱異學而

辯駁排擯不遺餘力雖有久要挾僞求名循默其間  
依違不決者最衆矣獲異學之目者銜怨刻骨雖憤  
懣之不敵其勢分黨毀訾其害有不可言者滄洲以  
爲學術之要教訓之務隆替治亂休戚安危之所係  
事雖至微不可不慎若無矯揉則漸漸萎靡勢必不  
振吾道遂廢乃與書栗山云濶焉久矣乃擬修候而  
慮局務無閒更煩手教是以去秋奉呈小詩亦不敢  
附上隻字聊述相思之切而已伏惟文侯佳勝慶幸  
曷堪鴻不佞春來疎狂如故東山西澗曳履寬步觀  
花鳥弄烟霞除風雨外率無虛日追念昔時之同遊

先哲叢談續編 卷之十一

廿六

感來興盡悵然而還一日會今枝生問足下消息生  
乃詰曰去秋有貴恙且門生京客更病勞心可想而  
天相吉人今則霍然可喜也而傳得豚犬數也書有  
云云因審動止嘉亨渴望頓慰恭喜雀躍鴻不佞客  
歲以來有所聞乃思欲以國字書具陳區區亦復恐  
勞賢慮而妨機務乃止焉近有人自江戶至來見愚  
老談論移時乃語曰柴博士彥輔奉徵命而東也上  
自士大夫下至匹夫庶人苟讀書志學者識與不識  
咸謂柴子必非虛文固陋之儒來修學政上行下效  
教化之盛可以想經學文章從此益興矣今柴子所



建言施設其偏僻不啻山嶠閭齋而所薦引皆是迂闊陳腐不知四書小學近思錄外他書可讀者也柴子以其學專據程朱達投合於當時宰執之所好乃杖其權勢欲禁遏非宋學者是以大不合人意文學之士無不非議且乘世變欲傾奪累葉學士之職諸學士相憤怨之視如仇讐庶幾乎洛蜀朋黨之禍矣其言如此鴻於是趑趄不勝不知足下亦嘗聞其言而知其故乎鴻竊意諂諛之徒方且稱贊功業未嘗有一人以其是聞於左右者也非諂諛之徒則必曰彼方得時而恣意無爲觸之以取禍不若默而待之不

先哲叢談續編

卷之十一

廿

甚鴻於是不得已而具陳焉冀足下平正其心寬廣其意上請當路執事諸公速出令弛禁不專信程朱用漢唐傳疏或從事于王陽明或用于堀河學徂來說博取衆家學者唯其所好是從未爲害於道尚不然唯宋儒籍是讀汨沒於小學近思語類等數書間其弊終成不立文字教外別傳僅能以頭巾氣習飾其陋耳鴻不佞犬馬齡已過七十自少壯所相識儒生文士不爲少矣其好宋學而博覽有文字詞藻特肥後藪子厚浪華中井子慶及足下耳他無幾餘皆不肖從性理之言者也凡學道之勤在博讀群籍而

先哲叢談續編

卷之十一

廿一

過數年彼得自敗由是觀之當今讀書志學之士於足下也非諂諛則皆毀也要皆不利於足下者也若鴻則不然知交不淺情誼至深不得不忠告夫人心之不同如其面古人既言之讀書學道所見各異而其所尊信亦皆仲尼之教而不出於孝悌忠信仁義禮樂治國安民之外則必唯宋儒是據鴻欲以國字述愚意忽聞有一生好性理學乃作詩若書勸天下其意蓋盡焚後世諸家不敢冒從宋儒之論著書籍而欲滅亡之矣鴻竊謂此曹以私意熾足下足以益足下之過而不知海內躁擾噫無識小人其可醜已

知聖人之教不在於孝悌忠信仁義禮樂治國安民之外則其所據經解漢唐若後世衆家各從其所好何害之有唯在其智愚賢不肖所用之何如耳又聞足下謂程朱爲正學以諸家爲異學也夫異固不同之謂也謂諸家異于程朱可也而正者邪之反對也苟不學程朱者皆謂之邪耶果其言是乎他諸家姑置焉皇朝博士家說經自古至今遵用舊典專依注疏不從程朱豈謂皇朝用邪學而可也哉由是觀之唯宋儒學謂之正學是亦私言不通之論也鴻聞藤惺窩林羅山雖專從程朱其訓導未嘗如此偏

如其所言

先哲叢談續編

卷之十一

廿九

滄洲亭和元年正月八日沒。歲八十一。有二子。伯勲字大業。號蘭室。叔倫字大經。號魯齋。皆學術富贍。伯五十一。叔二十三先沒。

滄洲以寶曆庚辰告老再講業平安。以出於字士新門。崇信者多。士新高足。平安則滄洲。浪華則片北海。北海少滄洲。二歲能兄事之。滄洲與之五十年不變。交誼每著一書。使北海校之。云所著周易象微尚書獨斷論語省解各十卷。博物強識四卷。讀孟子。疏容談記。赤穗四十六士論各一卷。靜思亭雜著。靜思亭文。

集各十卷。遺集二十卷。

先哲叢談續編

卷之十一

三十

先哲叢談續編卷之十一終

先哲叢談續編卷之十二

信濃 東條耕子藏著

吉篁墩

名漢官。字學生。初名坦。字學儒。號篁墩。外史。通稱坦藏。吉田氏自修爲吉田人。

篁墩先世近江人。高祖祐益。出自佐佐木氏。與了以同族。仕豐太閤。娶前田德善院女。以女生慶也。初祐益致仕之後。遭亂稍衰。慶長中前田氏侍太田夫人於駿府。夫人水府威公母也。祐益晚年因此緣故。仕威公。賜采地若干。卒後前田氏爲尼。稱曰圓夫人。嘗有先哲叢談續編卷之十二 篁墩

功勞於大猷公。日圓亦與焉。每出入候起居。眷遇無比者。慶也以父母蔭。補醫員。加賜食邑。生二女。無男。以季女配長谷伊兵衛子宗山。爲嗣子。時歲十一。歷事威義肅三公。元祿中叙法橋。如例稱林菴。元配早歿。娶兩宮氏無子。養外戚戶次氏子。爲嗣。名訥言。字子敏。號慎齋。又爲醫員。生篤信。字興卿。以享保乙巳九月丙辰。歲四十九歿。篤信娶與山氏。以延享二年四月五日。生篁墩於小石川。邸篁墩家學殖多。自慎菴始云。

篁墩以家世蔭。補仕籍。襲祿三百石。時稱林菴。明和中

擢爲侍醫。嘗於當直日。私出官署。時數訪近街病者。府僚有司雖間知之。爲不認。知而不認。詰問蓋以其精於方技。請治者頗多矣。會有後宮病急症者。俄召當直侍醫。篁墩又私出不在。諸曹各回護之。不能密掩。執法憲吏以事狀聞。竟受呵責。依此罪科。沒收祿。籍放逐都外。自是而後。變姓名稱佐佐木坦藏。蓄髮爲儒。名坦字資坦。號竹門。無幾僑居淺草馬街。最後而復吉田氏。

篁墩雖精通方技。素不欲爲醫。當被逐時。暫作治療。有國手名其業大行。每歲所得謝貲。二百餘金。家產不先哲叢談續編卷之十二 二

匱。平生好書畫。長於鑒識。若有佳品。不惜數金。倒囊購之。自宋元明清諸家之真跡。金石彝尊衆物之奇器。至我土中世之舊記故錄。折軸敗卷之雜品。廣搜博收。無所不儲。最後家道爲之貧。而不敢爲憂。浪華水異齋好學嗜博。築菴葭堂。收藏古今之書。籍十萬餘卷。又儲集書畫法帖古器名物。尤長於賞鑑。其人風流好事之聲。傳播一時。累世素封富侔王侯。其所買購一擲千金。故珍器名物自輻湊。此海內之文人墨客。不招致而寓居其家者數十人。交遍寰宇。無不知其人。篁墩家道富庶。雖不逮及收藏儲集與之。

匹敵奇冊珍卷充滿於此。與齊使人訪問。其所有盡是世間絕無希有之品種也。故出千金請其所欲。篁墩踰知命。自識齡之不長。賣致之多。得資財為子孫購田宅若干畝云。

篁墩博通之餘。能辨書畫之真偽。傍成古器新舊之鑒定。今世所謂好事者流。蓋由篁墩早啓步徑而出於此。乃是以所置商書帕點估。稱揚之也。而亦由篁墩之說行。其所著眼不少。余所識市野。名光彥字子軒。高岡養拙。名秀成字實中。村佛菴。名連字仲達。狩谷掖齋。名望之字卿。等。各博洽多識。以鑒定精核。被

先哲叢談續編 卷之十二

三

稱於世。皆是祖述篁墩之遺論者也。

篁墩初學于井金峨。少於金峨十三歲。金峨屢稱其才學而不措。及改醫為儒。專奉崇漢學。首唱考據學於安永天明之間。近時清人考據之說盛行。而人爭知搜索元明以上之古鈔影本者。實自篁墩始。余曩序其所著近聞寓筆詳言其事。文長不贅于此。

篁墩好合古鈔數本。比對校勘於經史之異同。聞人之儲藏珍卷奇冊。百方求之。手自寫鈔。其所校定諸書。皆極精覈。今按篁墩之所為。多與近世清人。盧見曾。畢元。孫星衍。段玉裁。戴士震。阮元等諸家之所言暗

合者多矣。蓋考證精核。雖使氣運之然。先鞭之見在於諸家前。隔地而相同。真可謂卓絕矣。

篁墩常告子弟曰。解經當以近古為信。後世諸儒因己之所執。各成一家言焉。有所論著。其信道非不篤也。其講業非不精也。而要之明不如宋。宋不如唐。唐不如漢。以其近於古也。聖人述而不作。信而好古。吾徒豈不服膺哉。

篁墩左袒漢唐傳疏。盛唱古義。專以研究古文孝經孔傳。尚書孔傳。論語何氏集解。三書為主。三書皆有成書。其於尚書用力最勤。嘗著書說五卷。名曰孔傳廣

先哲叢談續編 卷之十二

四

要。蓋自宋元迨明清。疑尚書者尤多矣。篁墩為之禦侮。其辨論立說。實我邦人所未曾及也。

篁墩寬政十年戊午九月朔日病痢。歿歲五十四。葬于谷中里大雄寺。所著古文尚書孔傳指要五卷。論語集解考異。管氏本論語集解考異各十卷。真本古文孝經孔傳一卷。左傳杜解補苴五卷。真本墨子考十卷。五經經籍考二卷。活版經籍考。足利學校書目附考。廟略議。祭議略各一卷。留靈書屋儲藏志廿卷。近聞寓筆四卷。近聞雜錄一卷。清朝創業事略。欣然悅耳錄。骨董小說各二卷。箕林山房文鈔六卷。其所校定

陸德明經傳釋文三十卷。盧文弨攷證三十卷。書鋪松澤老泉奉其遺託刊行于歿後云。

薑墩之男。名唐臣。字士貞。通稱定吉。自幼聰慧。能作歌詩。學術大富。常誦杜詩韓文。諳記數百數篇。享和三年春病。麻疹歿。歲僅二十二。大田錦城爲余言。

吉雨岡

名桃樹。字甲夫。號雨岡道人。一號鼇嶼。通稱忠藏。

吉田氏。自修爲吉。江戸人。給仕于幕府。

雨岡本姓小橋氏。父友古出繼塚原氏。與司衛騎士吉田安立者善。爲之所養。弱冠襲職。雨岡亦然。

先哲叢談續編 卷之十二 雨岡

五

雨岡初從井金峨學經義。又從澤旭山嫻文章。又好和歌。與平春海橘千蔭友善。二子常稱其詞才。曰流暢典雅不減古人。

雨岡蚤有幹事名。擢爲匠作令屬吏。能以學術潤色吏務。煩劇之中不廢誦讀。

雨岡天稟明敏。達練時態。寶曆中本所失火。暮而寢熄。餘焰猶熾。梗支其翌日。幕府出狩之途程。故事若誤失火延燒。妨阻出狩。又登廟等之路。則其罪不輕。衆議諸廢出狩而改日。雨岡急命。擊望火樓鼓。版再集。招救火之役徒。白丁健夫星馳奔走。趣火所灑。燼

掃火燼淨如洗。而自得出狩之不廢矣。

明和中有獻謀。使造長橋於花川渡之津。衆議皆言。水底有礧石。不便於植柱。且以其費巨劇。遂不果。安永中再有旨。使諸曹衆議之。雨岡使善泳潛者檢之。能得按址法。斷然建言上策。官許容之。竟能造作。往來庶人官仕者。外不論農工及商。每人以錢二文爲稅。用費雖巨。不糜。官帑得速成之。既成之後。數日會江東吾妻神祠賽祭。都人士女始步新架。不煩舟楫。濟于此。呼曰吾妻橋。公私至今皆便之。按江戸郭外東渡之水。皆隅陀川下流。一曰永代。二曰大橋。三

先哲叢談續編 卷之十二

六

曰雨岡。皆長橋也。四曰厩渡。五曰花川渡。皆官津也。花川渡造營獨在最後。而貴賤速通。須臾不止。所以便於遞解兌運等。其舉全成于雨岡之所建言云。

天明丙午之歲。關東諸州洚水。利根川溢殊甚。隅陀瀕溝合。吾妻橋以在下流。忽將壞隤。雨岡時住居于本所南割溝。聞之不及以聞命。役徒數十人斷橋中間。數丈。水勢猛激。最所衝突。橋賴得不全壞隤矣。朝野之人皆歎服其捷敏。

明年丁未。天下歉荒。關東殊甚。米價騰躍。官長召議賑濟之方。雨岡率吏數輩。急趣深川。檢視所謂貸倉者。



穀也充滿封之以聞於是奸商黠賈偽訴所貯儲乃  
言曰諸侯給士俸稟請啓其封政府爲此遣其官署  
考覈實否使者數人項背相望不能辨白當是之時  
執政相良侯意次權傾朝野賄賂盛行兩岡議阻不  
行飛謗譁沸無獎免黜識者竊惜其屈抑

兩岡罷黜之後絕意官途不復以世務累心薙髮野服  
自號兩岡道人如游歷僧浪遊寮區名山高岳四方  
勝境無遠不至足跡半于天下以此爲娛其後有薦  
復舊職者問以其前僚陰惠煇嬰附和將告訐其賊  
檄事狀兩岡不敢言則及其再三不已乃漫言應之  
先哲叢談續編 卷之十二 天山 七  
以絕其意焉

享和二年壬戌九月卧病自知其不起經理後事無一  
闕漏澹然而歿歲六十六十一月九日也葬于日暮  
里南泉寺二子伯長融字川父叔孝善字志述皆好  
學兩岡平生所起稿稿木著述數十種皆未全成有  
盤遊餘錄八卷別錄八卷麓嶼雜錄四卷

阪本天山

名俊豈字伯壽號天山通稱孫八信濃人仕于高  
遠侯

天山之先近江佐佐木氏庶族有食邑阪本者因爲氏

矣後仕甲斐武田氏所見甲陽軍鑑阪本武士衛者  
此爲七世之祖其子主計殉難於新府其子隆息尚  
幼逃如出羽仕最上侯遭侯國除客死于江戶其子  
則俊以武技聞當是時海內始靖置鎮大阪防禦關  
西慕驍勇者隸副內藤信正之麾下使往守此則俊  
擢爲騎士將家移居于此其子俊政避讐出奔不知  
所終其季子俊英始仕高遠侯爲高遠人其子英臣  
遜爲郡宰在職十八年部下服其威惠生二子天山  
乃其季子也

英臣自少壯好演武技不留志學及其晚年自傷無文  
先哲叢談續編 卷之十二 八

思悔而不及故使天山繼其志以修學業嘗勵之曰  
藩中子弟未嘗慣文事頑陋爲習鄙野自甘吾欲救  
之不能從之汝其勉之自是志於學遂到江戶學文  
章於餘熊耳受經義於宇瀨水

天山雖學于餘宇二家奉崇畿園之言中年之後頗有  
異同特藏書富專事博涉無論百家九流以至我土  
近人之雜著無不研究雖身居遠鄙都下之人不能  
及之博聞宏見以成一家之言

天山意氣慷慨雖不好鳴鳴兒女老嫗聞其話說雀躍  
歡抃又不知一丁者聽其講經談史莫不敬而服矣

天山尤深於易學。不求之於字句間。專探象數。嘗曰。天地萬物皆是吾師也。視象生物。觀道活處。所謂道者。全在於此。默識神契。求之于此。三代以後。詩書禮樂。隨時制宜。所以創立也。堯自有堯之道。舜自有舜之道。禹湯文武周公孔子。亦皆無不然也。然則我自又有任我之道。而求之於此。不可拘泥于章句末節。文字支流。夫禮樂制度。非道之原。於此。聖人視道之所。形名之曰仁義。孔子專言仁。子思併知仁勇。說之。孟子比仁義禮智。論之。皆擴而言之也。蓋往古有其道。而無其名。故云立人之道曰仁與義。古未有仁義之

先哲叢談續編 卷之十二

九

稱。即孔子所連名也。世之益降。人之益薄。教法不得不細密。名亦隨時起。唐虞之廷。必戒以欽。蓋其人皆忠信懇實。故所告止于此。孔子之時。世已澆季。人皆偷薄輕佻。故教以忠信為主。慮其趨于末。先培于其本也。子思教以誠。慮其飾于外。先實于內也。孟子說性善論四端。亦皆莫弗因于此。豈以古無其言而廢乎。學而時習之。在於格物致知。格物致知。不在於論語。而在于大學。大學之書。齊魯之人所編。必在晚周。是。以其教法愈密。其辭亦不免淺近。學者尊以爲孔氏之遺書者。固非矣。而駁以爲非聖人之書者。亦不

爲得矣。若以格物致知爲孔子之不言。駁之。則知仁勇及仁義禮智等。亦皆在於所廢也。論道者當論其世。知其時也。強拘于一。則其見不得不必局。而今求之易。則自古。後世自後世。煥然明照。無少礙滯。學者專徵之論語。論語孔子沒後。數年而成。孔子欲垂教於萬世之意。非必存于此書。孔子手所制作。易春秋是也。其業專在於此。二書。春秋學者多皆爲褒貶之說。非也。呂大奎以爲正名分之書。余從之。然大奎專依左氏以辨其事實。余直以爲推不必據左氏。夫孔子作春秋。豈期後有爲之傳者乎哉。

先哲叢談續編 卷之十二

十

天山擢爲郡宰。欲改舊俗。愉情之弊。而民未熟化。以恩臨之。則橫而不遜。以嚴待之。則忿而以憾。因得刻薄之聲。而美刺相半。時會。有忌其方正。不利於己者。飛語相起。侯聞怒之。奪其祿秩。閉黜三年。無幾。尋命嗣子俊元。賜祿之半。閉黜赦解。承譴慎謹。三年之久。不見喜愠色。讀書惟耽。絕罷吟咏。其嚴敬如此。天明癸卯歲。甚凶荒。人民飢乏。餓殍相望。於是上毛州縣。兇賊競起。掠鹵民家。暴亂百出其勢。奮迅。徒黨已至數千萬人。諸侯鎮藩。悉皆有警。不能治之。數日之間。延蔓抵于信濃州界。天山時在于任。候命防之一

方預作之。禦受命之日。裝飾既飭。械具已備。將率其所屬步卒若干人。早先諸藩之所出。而發行一軍。鄰境鎮藩皆服。其敏疾。而稱平生有訓練規律之備矣。天山性資強識。眼所一過。終身不忘。或散置通志堂。經解數帙。紛措卷目。試舉其說。質問之。乃曰某氏之書。某氏之說。不差其一。

天山嘗視父以武技。教授藩士。自演習槍法銃術。學之既而精熟。槍特極奧。銃重亂善。發必的中。而有慷慨。明和戊子歲。告暇。到浪華。就銃名家荻野照良質之。意猶不滿。於此獨益研究。有所發明。喟然嘆曰。火技

先哲叢談續編

卷之十二

十一

之傳。天下無人。我豈不自任之乎。夫有力膝銅煩。以發數介。鐵丸殆若兒戲。實為癡騃。若乃小丸小藥。唯敵一人耳。非將師之任。於是其所初造。周發之術。銃炮要務。而實古今之所未曾有也。

周發之炮術。本之於孫子。火攻皆得之。易象云。蓋天山好研尋易說。遂得悟入於微。於是自出機巧。創製砲臺。名曰周發。取諸其轉旋無端。遇隨發擊。運動萬鈞之重。輕於鴻毛。東西南北向背無常。意之所赴。器相隨。無處不自在。竊謂所向無敵矣。

我邦自有火技。講究其術者。多無學殖。徒傳當時之制。

耳。天山旅寓浪華。講究之數年于此。無一所得而還。講經之暇。偏搜討蠻夷異域之傳世之從事於此者。以為彼皆其妙用神理。未有入處。徒守軌而所為近。乎虛誇。故不復屑。世尋常之砲技。別求其利用。專精。凝思。至以忘寢食。一旦有所發明。享保以降之人。始知西洋諸州橫文之書。益識於精妙于此技。天山在于僻地。獨造作之。其連發運用之簡便。合符于彼。雖時運之使之然。誰不謂千載之偉功乎。

天山嘗謂我居官不遂。志其為媿也。大矣。我惡知無再黜之媿乎。與為三黜之柳下惠。寧無再任之榮。因自

先哲叢談續編

卷之十二

十三

號天山。即取諸天山。邇以表其志。

天山罷仕之後。漫遊諸州。寬政己未歲五十。歸鄉。侯喜之。賜祿秩。上疏拜命。固辭不受。以為出處進止。不可不慎。其言凜乎。有餘意。抗辭不減。平素聞者。猶恟恟。侯亦悟其意。不敢強之。唯賜廩俸。以為養老資。任其所願。從遠遊之。藩法大夫致仕。則賜老後俸。固不及士士之有俸。蓋自天山始。一藩榮焉。

寬政戊午歲五十三。遊于關西諸州。縉紳逢掖。武弁方術之士。必踰館納。交者數十百人。嘗寓崎畧。平戶侯素聞其名。厚禮款待。遂到平戶。蓋平戶地抗拒蠻舶。

警備有法。其藩士大夫從學技。試術海濱。習熟有驗。平戶關國至今傳遺教。歿後立祠祭之。

天山嘗抵南紀。泰地浦。觀其捕海鱒。笑其術迂。用人甚衆。獲物極寡。自製火炮。欲以試其技。示泰地邑長。有詩云。見說鱒魚跳躍雄。蹴濤不與石鯨同。試施銃技。時相制取。讓昆明池水功。

天山著述頗多。而不容易示之。恐其誤人也。嘗曰。古人著書。其孰不自是。然今視之。未免有謬。我所著又焉保其無謬乎。人憂在好著書。著書抑好名之弊也。我則亡焉。

先哲叢談續編

卷之十二

十三

天山嘗著周易特解十二卷。最後自謂拘泥象數。却非易之本旨。聖人之意。殆非文字言筌所能及。遂廢棄之。不顧猶有易學源流論。火炮說各一卷。銃陣詳說四卷。周發發揮五卷。兵律論二卷。會心亭集。卧遊集。各六卷。天山遺稿四卷。

天山在平戶得疾。就醫崎嶇。叔子俊貞從看護之。病中作偶吟七律卅首。其卒章云。歷盡西州值病侵。留屬鸞嶠過春陰。呻吟未罷窮經業。鉛槧猶勤老翰林。無意匹夫懷白璧。何從方士問黃金。重章詞賦還多累。不若清胸止苦吟。自是後不再爲詠。神思自若。誦書

不輟。以享和三年癸亥二月廿九日歿。歲五十九。葬于崎嶇皓臺寺。子院真珠院。四男。伯俊元繼述家學。亦長火技。仲俊□早歿。叔俊貞爲宗家之嗣。在於大阪。李永貞。兄俊元早歿。無嗣。母皆吉田氏。又養甥岡部俊通。爲子。通稱八彌。以火技仕。諏訪侯。

天山在病薨。自識其不可起。既歿。乎不可言。勉疾執筆。遺書於平戶諸執事。曰。向遊崎嶇大藩。掌邸吏吉川忠行。得交執事。往復辯論。於文於武。遂及火煩周發之術。不圖蒙藩府之遇待。延爲上客。重賜優禮。幸得罄蘊蓄。私心竊謂大藩接海洋於異域。天下訖扼軍

先哲叢談續編

卷之十二

十四

國之備尤爲緊要矣。乃思竭致劣才。報萬一。於是新鑄鉅炮。寓以節制。具備利用。庶幾倖防禦之事。得以大備。無復遺漏。奈何中道罹重疾。不復能督事。而又爲給醫藥多方求治。乃至令就醫崎之藩邸。然會病日劇。命逼旦夕。激昂圖報。竟不可得也。因思今所携兒俊貞。年甫十三。稍長生後。若得被不捐而加之。大藩臣位之未列。以繼吾志。以述吾事。庶可或得以報恩也。單身爲歛葬。無資身歿之後。恐尚累藩也。倘蒙不棄溝壑。則幸甚。謹書此奉謝。千萬永訣。其志可以慰耳。天山歿後。平戶長邸鑒作墓碣銘。高遠中邸元恒撰行實。浪華藤應道製。舊里衣憤研文。



足以不朽元恒字文明號中史今為儒員與余交數

西山拙齋

名正字士雅初名思義字見利號拙齋備中人

拙齋本姓坂本氏備中鴨方邑人其先世仕于備中守大江元清高祖章琳自猿挂遷小坂曾祖志摩以其舅氏無嗣出冒西山祖茂長歸復坂本還于鴨方父諒字恕玄號蘭皋以有宗人奉家祀復冒西山以繼祖志以醫著稱母倉敷岡氏世之所謂岡龍洲之同族也以享保二十年乙卯八月十七日生

拙齋自齠齔好讀演史以當戲弄父恐以此致病時奪

先哲叢談續編

卷之十二

拙齋

十五

卷冊則窺父外出復竊讀之後不敢禁之任其所好嘗讀蒙求雖不能快誦略解事實不謬間乃評論之父奇焉

歲十六依父命負笈遊浪華受方技於古林見宜學經義於岡龍洲時龍洲齡已高使外孫那波魯堂代教之無幾以父病歸省父遂不起看護侍養無所不盡喪服已闋亦北上龍洲既歿魯堂居聖護院村下帷教授拙齋寄寓其塾研窮物徂來學奉崇時習之李王修辭說時附鳳字于翼

魯堂雖初主漢學服從物氏說愔然有所省悟刻意理

學訪索洛間諸家之書沈潛反覆有契於心會韓使來聘聞其製述官南玉書記玄仲舉等精密理學而

筆語客館又請從接伴使與俱東行旅次筆語參決所疑就正於此蓋當是時物氏學盛行韓使所經過往還四十餘日其所接見學士文人率不下數百人未嘗有一人及窮理脩身之事者魯堂每夜就旅館實問不置益識理學之是而時習之非也逮在江戶寄書拙齋諭以棄其舊習遵奉理學無幾韓使將還乃到浪華拙齋初見南元二子問其要務二子荅以自不妄語始傳其箋示講究終日不及尋常之筆語

先哲叢談續編

卷之十二

十六

應酬而辭去自是而後戚然有所感悟盡廢棄舊時之所為德文前非銳意鑽研發揮理學文宗唐宋詩奉韓白改名正字士雅時歲三十矣

魯堂嘗謂道宜擇所由學非從濶洛關閩焉得其方詩文則各從其所好無甚害之然依人門牆據人餘唾大夫不為蓋天明寬政之間攻擊物氏者紛然互出一變學風革改時習未嘗不由之拙齋斷然奉理學未必非魯堂之著鞭也

拙齋少時善病善怒後自悔艾手寫十戒以貼壁上旦夕視以自警以制抑暴怒為之條首中歲以降溫藉

雍容罕見圭角。病亦從安。是以精研之工。培養之力。老而加倍焉。

享保以後。文學殊盛。十室村里。無不有學究。而子弟僅知讀書解文。驕傲凌人。無論詞藻文章經史百家。徒以學術爲夸術之具。至天明初。不論都鄙上下貴賤。老弱風俗。愉薄弊習。極陋拙齋痛規戒之。其教人也。以行實爲先。以信義爲主。鄉閭化之。是以一入其門者。謙虛過人。間有恃才者。儀容語默。不敢倨慢。薰陶所資。既遍人心。童穉婦女。自然無有荒嬉惰遊。極爲可玩。買錫於巷市。族犬於街路者。

先哲叢談續編

卷之十二

十七

拙齋脩己矜莊而恭謙。雖歡笑時。未嘗有情容。童兒厮隸。辭去則起送。平生治家寬而有法。嚴而有恩。妻子有過失。無少假借。人或疑其苛。其他雍和。不見有比拙齋善言論。講說經史。每能感入。接物推誠。極盡歡情。有客輒出書画玩器。家所儲藏。咸布陳坐縱。以展觀傳弄於此。繼之以談諧。退去或至疲困。坐對怡怡。未見有倦色。是以俗吏取夫樂與之居。其優裕務不敢爲畦畛矣。

拙齋課業之暇。令子弟作象戲圍碁投壺等諸技。旁觀評品。陶然相娛。是以嬌穉懶童。終日坐待。無厭之者。

寬容溫厚。自然有餘。

拙齋讀書詳審。誤則改竄。疑則簽識。故一過眼。能記之云。余嘗觀字士新所句讀文獻通考。及太宰德夫所句讀管子全書。而識其讀書詳審。向得呂大圭春秋五論於書肆。乃言拙齋所句讀。余時歲十八。未知拙齋之爲何人。今追思之。始知其手澤。嗚呼。吾輩讀書。苟誦抄之。漫不省悟。真非強記者。十不記三四。謹念朱以句讀改誤簽疑。雖才不及中人。一讀之功。倍於數讀。先修之士。用心之深切。不可企及。

拙齋操行不苟。足師表於人。而好諧謔。嘗送賴春水到

先哲叢談續編

卷之十二

十八

大阪。因俱抵菅茶山。許伴爲送行。而出春水未知其意。既過數里。每到驛舍。輒將分袂。脫笠停杖。揖而謝之。拙齋曰。興盡則回。君莫顧念。且談且行。及一日程。春水始覺一行對笑路上。既抵茶山家。未及言寒暄。先語以其事。遊弄戲謔。更不似平生。

拙齋切磋理學。識量文才。超絕於魯堂。而敬事之至。老不衰。及魯堂辭聖護王府。侍讀舉拙齋薦之王。皇弟也。及其初謁。王親手出團扇煙蓐。數物賜之。又爲點茶吹笙。以慰樂之。優遇尤至。竟不就仕。

拙齋半百之後。信服者甚衆。里中有一姥。固不相識。而



每晨念咒之次。輒唱拙齋名字。蓋以領袖一鄉。模範後進也。拙齋始不知之。後聞之。賦詩云。蘇公廳下曾求字。白傳門前能解詩。嗟我於卿無寸効。枉教老嫗擬生祀。

拙齋有愛石癖。自許以米顛。所藏數十百品。自命華岳佳廬之稱。謂貯置堂廡。描其戶壁。以南宮拜石圖。無朝無暮。撫玩自娛。又有紫石英。四五寸許。高八分五釐。潤一寸二分。厚六分。大如棗栗。映日瑩徹。中含富岳真形。削成突兀。紫氣罩之。岳頂皎白。豆許若雪。光彩燦目。擊而瞰之。突如山峰戴雪狀。珍重特至。不啻

先哲叢談續編

卷之十二

九

連城名曰玉芙蓉。探勝訪人。不必離身。常在坐側。嘗遊平安。諸貴人傳聞其事。爭請撫覽。因遂經至尊宸覽。既製匣藏之。自題蓋上。以天覽二字。斯事藉甚。聞於四方。至有刻石顛印而贈者。是亦一奇行矣。阿波侯遣其儒員橫野允文。厚聘以辟拙齋。將給三百石。以為師表。固辭不就。因謝曰。既不答侯國之禮命。即使朝廷有徵辟。圖然無出山之意。請誓焉。使叔子謹往拜賜。無幾。加賀侯將聘拙齋。先使其儒員木下槌傳旨曰。矜式之人。敢屈高駕。若不肖仕。賔遊數年。惟其所欲。拙齋辭以荅阿聘之語。先是岡山支侯

賜長子慎月俸。蓋使之養拙齋。以終其高節也。

拙齋自少壯。好詠和歌。專之於備前。紀美領者。及至京。與伴嵩蹊。澤蘆菴。僧澄月。入江天愚等之諸家遊。名聲喧傳。洛攝間。然恥以此技被稱於世。後不甚為之。伊勢本居宣長。名於國字訓詁。學建立一家言。善多著書。以謗訕堯舜周孔語。及本朝列聖。肆辯雄論。無所忌憚。而百中之二三隱然。有足以扇動人心者。近時逢掖。不必攻國學。又不通國字訓詁。學聞其徒之所言。不必問其是非。更相標榜。拙齋夙知其妄。故熟讀萬葉等諸書。益識其所因述。乃擬作山上巨

先哲叢談續編

卷之十二

二十

掠反惑歌。又附別錄。以暴其妄。辨正其似是之非矣。嘗謂菅茶山曰。少壯學和歌及和文。全費十年許。歲月至此。其所學習。亦有少補於時矣。讀史有感。詩云。巍巍義公。筆削修祖。獲麟書。探石室。秘館。延老儒。紳彰考主。微闡文。實日彬彬。一洗前史。穢愈知。皇統真特書。分正閏。大子神后。于后妃傳。陞大朝之類。皆大義之所係。特筆直書。以革正前史之失者尤多。微意警君臣。謹嚴名器。重勸懲。衮鉞陳。豈止王家。衛抑為東府。親功當擬補洛志。在叙彞倫。永懸齊世美。寧效藏山珍。南董與遷固。瞠乎避後塵。猗歟君子國。有若君子人。達觀一

百世理亂目中。新誰成。繼述美。億齡輝王春。

天明末。白川侯定信。蚤以懿親。宰輔政務。頗有文思。寤

寐賢才。破格放程。累辟有學殖操行者。躁進奔競者。

上成。策以冀登庸。拙齋常厭薄之。素病時學之賤

行。檢習俗之趨浮靡。乃致書柴栗山。以勸建議。抑奔

競。勵愉情。禁異學等之事。栗山舊拙齋善時。補教官

訓。督諸生。蓋慶長以降。江都學政。一遵朱子。無有異

論。當是之時。衆家汎濫。以謗詆朱子。爲大家碩儒。政

駁理學者甚衆。栗山能洞視之。將糾正其弊。會奉

旨。料理學政。又得拙齋書。大喜奏之。侯其所區畫處

先哲叢談續編

卷之十二

廿一

置與拙齋所言。自相符合。遂能舉用其言云。

白川侯與栗山。談及當時儒人有學行者。歷舉海內者

宿。首及拙齋。侯欣然竊意向之。栗山因陳其高操清

節。難干以塵務者。再三。侯亦爲顧慮。恐敗其意而止。

自異學之禁起。修程朱學者。雖有其人物。護園之餘流。

猶未全漸。群議洶洶。不能了罷。赤穗。赤松。滄洲。憤惋。

作書贈栗山。栗山置而不校。拙齋迺作書與滄洲。其

言云。客歲讀先生與柴博士書。感然掩卷竊嘆曰。吁

先生何論學術之疎視公平之輕知博士之淺也。夫

學之有正邪。猶物之有真贋。事之有可否。世道升降。

民俗美惡。將必申之。是故聖王建學立師。以誨蒙士。

詩書禮樂。以時其教。博約培養。各循其序。鼓篋之孫。

其業。夏楚之收。其威。皆所以使學者。進由正路。能成

才德。而不趨邪徑也。學記曰。君子如欲化民成俗。其

必由學乎。設令教學失方。正邪不辨。何能化民成俗。

之爲。由是觀之。其方不可不擇。其辨不可不審也。何

謂之正學。致知力行。專講修己治人之道。所謂君子

儒是也。孔子謂子夏曰。汝爲君子儒。勿爲小人儒。蓋

深戒之也。易傳云。差若毫釐。謬以千里。亦言教學所

由。不可不正。研幾工夫。不可差跌也。袁周以還。學政

先哲叢談續編

卷之十二

廿二

廢。歐異端。興焉。楊朱爲我。疑於義。墨翟兼愛。疑於仁。

此皆說仁義而謬者。孟子闢之。以爲無君無父。充塞

仁義之賊。韓子推尊其功。曰。功不在禹下也。乃至陸

九淵之頓悟。王守仁之良知。亦皆稱聖賢而謬者。宋

明諸賢闢之。以爲陽儒陰佛。絕滅倫理之害。後儒亦

謂其功繼孟子也。譬諸稂莠之害嘉苗。鄭衛之亂雅

樂。不得不鋤之。放之。是孟子諸賢所以痛排峻擊。不

遺餘力。亦仁人君子之心。有不得已也。況若近世伊

藤荻生二氏。排學庸擊解。爲非孔子之舊。或毀思孟

程朱。謂悖聖人之道。詭辯飾辭。黃惑後進。藉口古學。

售已邪說。噫何物小人。無忌憚之甚。自有儒者以還。所未有之。漢儒所謂孔子訓而儀秦行者。其惑世誣民。充塞仁義之罪。奚止楊墨陸王之比乎。從此已降。俗儒效尤。驕傲自誇。各以異見。謬解經傳。罵呵洛閩。競立門戶者。數十百人。銜新奇號曰古學。要皆醉二氏毒。而微換頭尾耳。學術之弊至此。亦古來未之聞也。方今之世。有道君子。固當辭而闢之。禁而絕之。不待明者而後知也。而先生之言曰。讀書學道。所見各異。而其所尊信。亦皆仲尼之教。而不出乎孝悌忠信。詩書禮樂。治國安民之外。則何必唯宋儒是據哉。或用漢唐傳疏。或從事于王陽明。或用于堀河學。徂來說。博取衆家。學者唯其所好。是從未爲害於道。若果先生之所言乎。學聖人道者。不藉師儒。而教學之方。曾不與世道民彝相干也。竊意先生徒知釋老爲異端邪說也。夫釋老之徒。各道其所道。故爲異端。固自判然。至愚儒學。則依托經傳。以駕其邪說。故其似是之非。塗人耳目。惑世尤甚。此先修之所以深憂遠慮。力闢峻拒之也。若謂不然。則先王庠序之政。皆爲虛設。夫子警子貢。亦爲贅言。而孟子何。必闢楊墨。宋明諸賢何。必闢陸王乎。且漢土之人。亡論逢掖士子。武

弁俗吏。以至農工商估。若婢僕倡優。率皆識字讀書。間又解詩屬文。孝悌仁義之爲美。堯舜孔孟之可崇。莫不粗識之者也。則謂彼土男女。除黃繼外。皆知聖人之教。而不藉學政可乎。而漢唐以來。明王良相。動輒議其廢弛。而不措何也。亦唯知世道民彝。將必由學故爾耳。況又此土之與彼土。風俗殊異。教學之方。尤不可以不加慎也。今乃不擇教之馳駭。不論學之正邪。槩謂均是聖人之道。各從其所好。而無害。何其所見之汗漫也。有人於是。口漱濁水。手持假金。謂人曰。均是水也。吾奚擇其清濁。均是金也。吾奚論其真假。則不啻其疎狂者。發希呵先生之論學術。得毋類於此乎。正嘗聞漢唐注疏諸家。專治訓詁文字。而解經旨。槩乎膚淺。嚙蠟無味。至宋程朱。微旨與義。粲然復明白。始繼洙泗之統。經是漢土。學政歸一。洛閩制藝科場。專用程朱。傳注爲標準。以是策士。以此應舉。父師之所授。與子弟之所傳受。止是斯學而已。自宋季元初。歷明迨清。五百有餘歲。于今雖革命迭興。學政畫一無復異論焉。明叔世間有立異者。亦唯私議草野。未有公言於廟堂上也。非惟漢土爲然。即朝鮮琉球諸蕃。苟從事於斯者。亦皆率由不愆。吾崇朱子。

昉於滕惺窩。方是之時。閩國鼎沸。群雄尚武。絕無一人禮致逢掖。而問學講道者特。照祖大度卓識。首聘惺窩。習經史於干戈矢石之間。又舉其門人林道春爲博士。初學制此其所以異戴。王室戡定禍亂。而能創業垂統。貽其孫謀之端。蓋亦見于此。慶元鞅繫已還。相承益隆。至常憲公立類宮。建聖堂。仍令道春子孫世襲其職。總學政教士子焉。更辟木順菴。以備顧問。親講說經義。使侯伯聽之。於是斯文翕然興起。嗣後文昭公擢源君美。三宅縉明等。有德公延室直清。中村明遠等。爲直講官。是皆一世醇儒。

先哲叢談續編

卷之十二

三

函之固。則十剛鐵步障矣。雖然。是亦有說。請試言之。恭惟古昔。王化之盛。屢通信。李唐聘使學生。虛往實歸。各以其所傳習奏諸。天朝。朝建之學官。蓋當時經義止是。漢唐注疏。無復他說。比之宋學之東漸。海內播蕩。兵燹相尋。輦轂蒙塵。公卿星散。寧復追問學術。何如乎。逮僊武後。後光明帝。始信程朱特詔講官。初從未義。顯講正學。更徵布衣朝山素心。講周易。又。睿製惺窩文集序。以賞揚其首唱正學之功。天朝之學於是乎。幾乎維新矣。惜。聖壽不永。嗣後講官因循故常。未能之承行也。側聞。朝廷聖明。好文師。古典章文物。百廢皆興。而況斯文。又正朝旨。業已如是。獨無。聖斷乎。海內臣庶。刮目竢之耳。正往歲謁明經博士特進佩蘭清公。謂正曰。余曩祖賴業。嘗爲。後鳥羽帝侍讀。時於戴記中。標出大學中庸。併論孟孝經。目爲五書。以進朝廷。爾後百有餘年。而未子四書集注本。始傳于我土。其所表章。全與曩祖之所見相符。由是學庸二書。專用章句。進講其三書。或依漢注。或從宋注。又有家學說。唯遵。朝旨而說之。未有定論云。夫大學先聖教人之法。初學入德之門。中庸孔門傳授心法。學問極功也。經筵之

先哲叢談續編

卷之十二

其



講專宗朱子則大本既正歸趣不差明經家亦是洛  
閩之學也但其末稍微有異同耳視夫伊藤荻生二  
家誣聖叛經邪說膏壤懸絕豈可同日而論矣我先  
生之於清公金蘭不啻想亦飲聞其說矣今乃牽而  
合之以爲異學之黨接顧不亦誣乎嗚呼清公沒而  
有知其謂之何語云君子不黨又云不阿其所好惟  
先生其思之至若曰柴子之所薦舉皆是迂闊腐儒  
又曰欲乘勢傾奪累世學士之識之類誠是齊東野  
人之語以小人之心度君子之心者妒口醜談亦無  
所忌憚之甚豈所以議柴子諸學士乎先生與柴子  
嘗結社於洛周旋有年應知其爲人何遽信訛言浮  
說而責之柴子乎且曰文學之士非議柴子致海內  
之躁擾未審何地方誰氏子起此躁擾先生確目而  
徵耳之耶將謂冢田虎山本信有等之上書也耶彼  
徒以佛氏異宗武技分派視吾儒以謂亦當如彼多  
見其不知聖賢一本之道意者是蜀犬吠日桀狗吠  
堯恫其所怪耳猶猶紛爭不日當絕跡何躁擾之有  
又獨承高諭先生此舉擬司馬文正諫王安石云爾  
夫安石剛愎自用擅斥群賢特行新法釀宋室之禍  
文正先見之明忠告之言悉中其胃脰矣柴子遵奉

朝自釐正學政以贊升平之化其功偉矣先生乃  
比之安石何不知故人之至于此乎噫無識之小人  
如正不佞賴有父師遺訓向方欽化不惑如此以先  
生博洽文雅睨視一世尚且述懷自決恣情縱筆敢  
梗道化悍然不顧何也非異學弊習所錮雖高明不  
能免乎冀先生虛平其心廣寬其意再致書以謝前  
言之過且頌其稿本遍示海內知交及門下學徒以  
解其惑俾之革面洗心從事於正學則先生改過從  
善作人濟物之美逾光大於前日矣正也辱過交二  
十餘年于此盡一得之愚敢布腹心鄙辭草卒不避  
忌諱唐突濟覽悚懼尤深傳云惟善人能受盡言先  
生其受而聽之與笑而置之與或怒詬而絕之與抑  
言於當路而罪之與與正謹俟命而已今按諸家作門  
戶之見古今如一轍不破私黨之好尚則無得公平  
之論故記之以示其所執拘之醇粹焉此事在于寬  
政二年滄洲歲七十而拙齋五十六也  
寬政十年戊午九月欲往讚州看紅葉未首途而癰起  
腰遂以十月五日歿歲六十四葬于鴨山下妻阪本  
氏先歿五男伯慎字孝裕祿食于藩叔謹字孝恂教  
授鄉里餘皆夭所著有閑窗瑣言二卷松山遊記芳

野紀行各一卷。汗漫日記十二卷。拙齋詩文集二十卷。全和歌集十卷。全詩鈔三卷。

源琴臺

名世元字長卿。號琴臺。又號彩瀾。後號仁里。通稱源三郎。佐佐木氏。近江人。

琴臺近江源氏之嫡流也。自左衛門尉定綱始封于此。世襲食邑。其子信綱。至檢非違尉使。任近江守。其第三子。壹岐守泰綱。弟近江守氏信。分爲南北二宗。泰綱居六角氏信居京極。其子孫始有六角京極之族。而六角常爲江源大宗。泰綱生賴綱。賴綱生宗綱。宗

先哲叢談續編

卷之十二

琴臺

元

綱以弟時信爲嗣子。時信生氏賴。氏賴生滿高。滿高生滿綱。一作滿經滿綱生久賴。初高康一久賴生高賴。高賴生定賴。皆居六角鄉。觀音寺箕作和田等。定賴敘從四位下。任彈正大弼。室町幕府賜管領職。近江守如故。閭族一門尊崇之。曰箕作殿。其子左京大夫義賢。其子右衛門督義弼。一作義治有意於起霸業。與織田右府抗戰數年。元龜中。右府使柴田勝家等略近江諸邑。觀音寺箕作和田六角諸城靡風奔敗。特保餘江城。義賢父子出兵敢戰。右府軍屢苦之。無幾。右府幽幕府義昭於京師。滅朝倉義景於越前。殺淺井長

政於江中。數月之間。兵勢大振。義賢以募兵無援。不能拒支。棄國而棲遲於伊勢伊賀紀伊之山中。晦其蹤跡。近江一州悉屬右府。自遠祖兵庫助成賴始居佐佐木莊。五百有餘年。忽諸泯絕焉。義賢既沒。義弼在于高野山。及豐太閤混一海內。懲其華胄。殊以義弼達練射御之故事。召之使之候左右。備顧問。辭而不應。最後潛居於京師。加茂慶長十七年十二月廿三日。歲六十八而歿。義弼弟中務大輔高定居觀音寺城。及宗族淪沒。竊奔逃隱居於大溝。是爲琴臺六世之祖。按義賢父子之始末。諸家不記之。故詳及之。

先哲叢談續編

卷之十二

三

耳。

高定舊居大溝。慶長五年。照祖傳聞其事。慙隣名家陷淪。新賜千石。爲尾從隊。有四子。伯右近大夫高賢襲祿。仲民部少輔高和。叔桂治爲醫官。叙法眼。季四郎定好也。高和爲台德公。尾從別賜二千石。其子高秀。初名久高。通稱外記。延寶五年。歲四十二。歿。子定賢稱二郎。僅四歲。襲祿。九年四月。病痘而歿。故事未至十五歲者。不得立嗣。采邑除絕。絕其祀。當是時。家族遺臣四方流落。高秀有妾吉田氏者。大溝農家也。先是雖既有孕。辭還鄉里。生男名高久。稱源兵衛。冒母族吉



田氏其子高元稱源太家產頗豐饒大購田宅入稱之素封以延享元年甲子三月十六日生琴臺於大溝云

琴臺自幼不好產業讀書惟好父知其不凡欲使之爲

醫故不責以農衆稼穡遂遊平安寓于山脇東洋塾雖然非其所好竊將爲儒者執贄於松永淵齋之門

無幾聞父疾還于鄉時僅二十三歲淵齋名深原字貞夫號淵齋居

于京東堀河講習堂昌三之曾孫奉崇宋學而有時名者也

琴臺喪父爲之服三年能終禮制大溝候聞其異行將旌之門閭而警戒衆庶辭謝曰爲受賞賜不服親喪

先哲叢談續編 卷之十二

卅一

供爲子之職而已

琴臺自喪父後以田宅資財託之族人每年請遊學之

費金三十兩再遊平安博交名士歸復本姓稱佐佐

木源三郎僑居于下太刀賣街教授爲業

琴臺三十歲後到于江都僦居下谷車阪常往來于此

其稱熟知者僅三人林儼字雅瞻號松山人長崎人清客之胤子善書畫篆

刻三浦衛興字淳夫號鏡山石見人富山儒貞僧慈周字六如號葛原光祐近江

人居于東白皆以詞藝著聞者也

明和初琴臺將研究程朱學執贄於村士一齋名宗章字行藏

居于駿河臺一齋專修山崎氏學雖以性理著顯于世詞

藻文藝不能兼治唯以講習洛閩之諸書耳雖操行可見雖經義可聞博通宏覽記誦辭章之才不能逮

及于井金峨東藍田關松窗等常與菅野兼山稻葉

默齋等友善不苟交人琴臺雖已入于其門自少壯

所交遊者多是堀河畿社之徒故一齋心竊不平之

忌嫌之常爲其徒宮潛三者削正文一篇以示琴臺

其中有吹毛索癢之語一齋改作吹毛求疵悍然曰

不若從韓非琴臺曰苟讀書人誰不知此語出於韓

非乎後世苛責謂之吹求元明以還之人能每用之

朱子與董子才書云吹毛求疵洗垢索癢載在于文

先哲叢談續編 卷之十二

卅二

集先生未見之耶一齋赧然若此之類前後不一琴

臺嘗謂奉崇理學之人雖學行兩修自號大家至論

文章詞藻極爲疎陋宜哉堀河畿社之徒均是視之

如窮措大村學究寡聞狹見不得免談一齋聞之益

不悅之其他同門之士忌刻琴臺之才謗議沸起竟

被排擠而削除其門簾不許其爲徒云

自琴臺爲一齋所拒絕迎合師意附和之者以爲輕俊

之才陵轅先輩驕誇其器妒忌之者愈多矣雖然學

術之富文藻之賾不能與爭席謗議之所在聲價相

隨

琴臺將釋褐於諸侯。前後數回。至有聘之者。一齋之徒。讒間阻抑之。以爲愉薄而多欺詐。萬犬吠虛。遂不可得祿仕。故絕意於當世。優遊衡門。嗚呼。自古至今。有志之士。幸出於有爲時。爲群小所媚嫉。使其所抱負。不展于此。蓋復同伐異之弊習。固結肺肝。惡其學之所由。及其子弟。何狹隘之甚。不能洪量容於人。一齊之於琴臺。一則失之局屈。以小忌。至拒絕之一。則失寬緩。以細諱。至衝激之。真可以惜矣。

琴臺天資寬裕。不與物忤。四十歲後。人嘉其器宇。納交者不知其數。若松宮觀山。山縣柳莊。平賀鳩溪。林子

先哲叢談續編 卷之十二

三

平等。各悅琴臺。長於韜略。請裨益不少。此數士皆雖不凡士。不識明哲全身之故。不善其終。琴臺能禮貌之。稱謂難得之人。可謂有所見矣。

琴臺不矜細行。任俠自喜。推誠及物。自快於汝爾之間。故學就而身道窮。名立而志逾逸。是以世之介僻之輩。不論新。知與舊識。暗毀刺之。而不能覆沒其才學之美。琴臺亦雖自知犯世之清議。不欲俯仰於人。

琴臺常以知時世之勢爲事務。故論古評今。皆以此爲斷。其言曰。讀書者。不可不知時勢。陳壽著三國志。紀魏傳。蜀習鑿齒著漢晉春秋。繼漢而越魏。非闡其識

之有。高下時也。壽撰志於晉武受禪之初。晉受魏禪。魏之見廢。蜀已破亡。安得不算魏乎。鑿齒作春秋於元帝中興之後。蜀以宗室而存。漢緒猶元帝以藩緒而復晉統。安得不尊蜀乎。司馬溫公通鑑。朱文公綱目。理勢亦如是也。北宋受周之禪。溫公不得不以魏爲正統。南渡偏安。文公不得不以蜀爲正統。陳與習司馬與朱。易地則皆然。四子均能識時勢者也。此說我土之人所未及考也。

琴臺雖絕意仕途。其實不在此。將求通藉於幕府。故不願爲侯臣。忍侯正議。後守信其學術。徵以二

先哲叢談續編 卷之十二

十四

百石。秋田侯義真嘉其名族。聘以三百石。皆辭不應。東叡大王屢招致之。使講說經史。聽之優待甚渥。後賜居宅千步。地於半坂側。遂移居於此。

琴臺嘗應一侯家聘。曳裾其邸。遇以賓禮。後侯語曰。吾出自江源。均是佐佐木之庶流也。今與先生相遇一堂。嫡庶分不忘。祖宗之親。請先生自愛。蓋其侯家有傳舊譜。其言不文。不足以傳之於遠。欲假力於琴臺。修飾之。以爲完備矣。琴臺對曰。孤生無援。爲衰頹之所自。及不能以奉揚祖宗之休烈。實慚愧之至也。自古建國之君。興家之臣。皆出身於干戈間。櫛風沐雨。

備嘗艱難。以爲子孫立業。而爲之子孫者。生遇無事。時坐享富貴。般樂怠傲。不知祖宗之勤勞。可以嗟嘆。亦由學術之不明之故耳。侯有意於此。勿敢佚遊。以忘其職。則可矣。不必有修飾譜牒。炫耀時目之舉。侯大恥而止。

琴臺雖門衰祚薄。以現然名家之遺裔。閑閑之餘族。無自負於世之意。嘗曰。我雖貧甚。不爲猥冒他姓之虛托。此一言凜乎似砥。世冒他姓者之頭腦焉。

琴臺以寬政十二年庚申八月廿日。病歿于谷中半阪家。歲五十七。葬於同邑感應寺。不娶。無子。辛藤氏生。

先哲叢談續編 卷之十二

卅五

二女皆夭。遺言不許請碣銘於人。余向展其墓。墓表題仁里源先生之墓。七字耳。此蓋忍侯阿部正識所書也。

近時傳其學者頗多矣。北條蠖堂。名伸字士伸相模人教授生徒木村

鶴阜。名泉字子容江都人善書忍侯儒官海野蠖齋。名瑗字君玉鹿瀨侯儒官最後至執

政速藤葵岡。名信成字士九小倉侯儒官僧白石。名執字文暉江人居于東白

等是也。經義遺訓存於北條木村速藤三家。詩燈獨傳。蠖齋白石之二人。二人遵奉師教。辨駁護園之詩

學。繼之則山本北山市河西野相起於唐。則杜韓元

白。於宋則蘇陸范楊。以爲言志之規法。由是天下之

詩相一變。而爲清新流麗之風。其首唱之功。不得不讓之於琴臺矣。

余向編著津逮書目二十卷。本朝經籍通考八卷。侯家藏板書目六卷。補訂近世名家著述目錄六卷。等之四書。自慶長中。至今世。諸家遺編。盡收載之。包羅散逸。搜索最勤。然知其書名未得之者多矣。文化未嘗與速藤葵岡交歡。盡得覽琴臺之遺書若干種。因記其所目擊。葵岡亦既謝世。不可得復覽。僅示其梗槩。仁里周易說稿十二卷。反易辨二卷。易象起原一卷。仁里書說稿十五卷。今文尚書說稿三卷。書序辨一

先哲叢談續編 卷之十二

卅六

卷仁里詩說稿十五卷。詩大小序辨一卷。辨叶音說一卷。仁里論語鈔說六卷。春秋獨斷三十六卷。三禮獨斷二十六卷。史記律數解。史記生鐘分考。全生黃鐘術考各一卷。老子解二卷。管子律算概考各一卷。孫子合契。靜思堂詩話各二卷。靜思堂詩鈔十卷。琴臺文集六卷。琴臺雜著。仁里雜筆若干卷。未全成。余嘗得琴臺之所自筆。井田說一篇。於書估慶元堂莊司。其價銀六十錢。語曰。素非知其學術者。無購之人。余不論高直。倒囊買得之。現金不月。餘後檢其文集。所不載也。今而不記。則恐相散逸。故附之。井田說云。

先哲叢談續編 卷之十二

廿二

先儒言井田者皆云開方三百步井畫其內則一區百畝九區九百畝八家受之各百畝爲私田中區百畝爲公田公田之內以八十畝爲八家十一之賦餘二十畝八家各復受二畝半爲廬舍之地乃無餘地恰當十一之法也按如此則是十一而賦一也非十而賦一也既與其十一之不合而又以二畝半爲廬舍之地經文所無也其說不過餘地二十畝無可充賦乃以意設法以解孟子所謂五畝之宅也要未解井田之法也凡算法有法有實以量地言之其實則高下曲斜固不齊一乃設之法開方開平是也所謂井田法也非實也是故法有公田實無公田而其有公田乃賦法而已司馬法曰百畝爲夫夫三爲屋屋三爲井是其言實者也若果八家受一井之地則何設夫屋井之名以三言之乎而以三屋爲井則是中區百畝亦爲一夫之私田無疑矣以此言之則一井九百畝而九夫各出十畝之粟則一井九百畝出九十畝之粟正當十一之賦是井田之法也後儒不解司馬法之所言以意設法所以不合十一之法也其地形必有高下曲斜若執法畫形則雖僅十井而不可得平正必矣故聖人設法平正之乃雖地有高下曲

東京日本橋通壹

明治十四年六月廿九日版權免許  
明治十七年一月出版

著述

故人

東條琴臺

和歌山縣平民

出版人

北畠茂兵衛

東京日本橋通壹  
丁目拾五番地





松村操

編述

# 近世先哲叢談

明治三十一年（一八九八）東京刻本

據明治三十一年（二八九八）  
東京刻本影印

阪谷朗廬先生閱  
松村操著

近世先哲叢談  
正續全四冊

版權所有 文永堂藏版

210624

近世先哲叢談  
松村操著

近世先哲叢談  
松村操著

近世先哲叢談  
松村操著

# 序

文運之盛衰。以其時人物觀之矣。延喜天曆尚矣。保元以下數百年。世運歸武。迄德川氏執霸權。文物鬱興。元和慶應二百有餘年之間。人物之盛。粲然照壓前古。前賢先哲叢談之著。蓋不偶然也。然其書於二百餘年間。大要錄三分之二。其末一分。則爲著者生在前。缺之。有以待於後學。頃者。越後松村春風纂輯是編。問余以序。余一閱稱善。夫

近世先哲叢談序

近世先哲叢談序

霸府末年。歐學大開。文物一轉。以入明治。而來人物學術。將有大異前代者矣。蓋自源君美啓其緒。以至明治之今日。變化亦大矣。而所謂三分之一者。適當其轉換之樞節。人物之關文運。以此時爲甚。則是編之爲不可缺。亦大矣。春風曰。僕淺學寡聞。加以多事。豈獲能完備。姑以供他日大方編纂之資料而已。其言謙矣。然而事頗重大。不可驟責備。余願有力之士。更續擴是

編。網羅增益不拘和漢歐學術  
文字之異同。苟關文運而可稱  
先哲者。列舉叢揭。昭明所謂樞  
節之所重。以及方今諸哲。因述  
其意。以問于世。

明治十三年十月下浣

近世先哲叢談序

朗廬 阪谷素撰

東園青木隆書

近世先哲叢談正編目次

上卷

中井竹山

古賀精里

柴野栗山

山本北山

西山拙齋

藪孤山

菅茶山

尾藤二洲

賴春水附春風  
杏坪

中井履軒

市川寬齋

近世先哲叢談正編目次

下卷

太田錦城

藤田幽谷

賴山陽

田能村竹田

青山雲龍

松崎懋堂

齋藤竹堂

藤田東湖

會澤正志

鹽谷宕陰

安井息軒



近世先哲叢談正編卷上

權中 阪谷朗廬校閱

北越 松村 操編述

○中井積善。字子慶。號竹山。大坂人。

父曰梵菴。以碩學著。竹山少與弟履軒。俱師五井蘭洲。蘭洲死。兄弟相講習切劘。竹山豪邁卓犖。容貌瑰傑。與人接。襟懷伉爽。談笑豁如。間雜諧謔。毫無腐儒態。博學洽聞。貫綜古今。以家學崇尊程朱。然平生志業。以王魯齋自比。不喜吾邦一種朱學偏陋固滯之風。故至朱說有疑。則犖然明辨。以得經旨為主。

肥後教官辛島鹽井嘗見竹山。問其學淵源。竹山曰。吾學非林。非山崎。一家宋學。是時世間治宋學者。蓋非林子門人。則閭齋之裔也。故以此應之。

竹山慷慨有大志。為人謀事周備。又有幹蠱之才。詩文雄渾雅健。如其為人。雅好述作。網羅德川太祖遺事。撰逸史十二卷。幕府命進納其書。賞以時服。白河侯樂翁當路也。巡視大坂。厚禮引見。使講經義。又諮詢時務。竹山退為草茅危言。以獻焉。其所論

皆切時事云

初父梵菴創興懷德書院。竹山承為院長。大阪大火。書院亦罹災。竹山乃如江戸。上書請再建之。幕府賜黃金三百兩。以助土木之費。遂成學者益進。

竹山不好仕官。授徒以樂。薩摩肥後兩侯。皆重祿聘之。不應。及老。自號渌翁。為人腰腹肥大。憎暑愛寒。故又號雪翁。

藪孤山訪竹山。竹山乃命酒對酌。扼腕謂曰。予近作非微之書。於彼仁說。逐件排擊。死者而可作。徂徠必感服稱善。

角力者谷風。軀幹豐偉。強力無雙。竹山嘗寓京都。谷風來訪。時諸子會集。竹山素有方力。酒酣觴谷風。請為挽枕戲。谷風笑許之。於是竹山與谷風挽枕。枕壞更執他枕。為谷風所牽挽。周旋數反。手不離枕也。及老。酒間語次。及此。曰。谷風之力。不可敵。固無論也。但予雖見凌曳。枕不見奪。則謂不之負亦可。賴春水曰。中井竹山時有膽張氣傲之態。而不害為好人。其弟履軒。較偏僻。而亦事事超凡。竹山嘗如江都。撰東征稿。天皇詔賜。敬覽。時人以為榮。

竹山酒間戲語客曰。豪富鴻池善右衛門。執贄為弟子。角力者谷風亦出入吾家。我與此二人。其品雖殊也。均是天下第一流。試寫作二幅畫。何如。

竹山著詩律兆。援引該博。嘗語人曰。我邦先輩作詩。留心宮商者。唯新井白石。僧萬菴。

竹山嘗寓江戶。與澀井太室。細井平洲。井上大秋。井上四明。締交相歡。飲酒談笑。壘篴唱和。世目曰五井。

竹山素不以詩自處。然夜猿啼云。

裊裊哀猿叫晚秋。故牽客子幾多愁。峽間露重

壬子十二月二十二日

長征袂。湘岸燈殘久泊舟。嶺樹雲遮巖暗渡。江波月冷影纔流。誰知滿目瀟然後。人在岳陽百尺樓。

頗為合調。其五閨怨作云。

淒風一夜透繡帏。屏障泣題野草詞。他日殿前重召見。爭如新寵拜恩時。松王怨

緇衣換卻綺羅衣。薄命非緣恩幸稀。曾自中丞認琴調。生憎明月照柴扉。小督怨

中將南冠忼慨多。通宵春燕奈情何。幽閨幾度尋思處。夢斷虞兮一曲歌。十善怨

誰識綠珠自墜樓。百年恩遇一旬休。為君拭却

千行淚。強向舞筵添酒籌。紫微怨

被誤教坊第一身。舞衣扛向鶴陵春。簾前花暖

和風動。尤憶芳山雪裏人。靜女怨

○古賀樓。字淳風。號精里。佐賀藩人。

精里少而穎異。日夕力學。殆廢寢食。二親恐其或生疾禁之。乃夜潛起。入一室。剪燈讀書。不使二親知。

及長喜王學。游學於京師。初從福井小車。後入西

依西齋之門。最後寓大坂。與尾藤二洲。賴春水。交

壬子十二月二十二日

最密。反覆討論。終捨舊學。純於朱學。學成而歸。為藩侯所任用。參與機務。事無鉅細。展盡無所諱。居恒耻以世之所謂文人儒生見稱。每語人曰。學也者。將脩己而治人也。何暇終身矻矻攻文字乎哉。

佐賀侯創造學校。精里定其規制。兼行教授事。是時國用不給。諸吏束手無策。精里建議。剝剔蠹弊。終以有濟。

藩侯嘗命吏有罪者自首。咸以為自首必免。爭自首。既皆奪其祿。精里曰。是罔之也。力爭不聽。遂辭其職。專掌教授。

歲儉民饑。精里乃告以賑之。士民大悅。佐賀侯於是

歲儉民饑。精里乃告以賑之。士民大悅。佐賀侯於是

益敬重精里。精里所言無不聽。賞賜無虛日。

精里從藩侯來江戶。幕府命說經昌平學。藩臣入學說經。自精里始。人以為榮。

幕府召來江戶。衆知其為微庸。精里謂二親老矣。不可遠游。欲辭以疾。老臣咸曰。幕府之命。不可峻拒。遂來江戶。擢為儒員。賜歲俸二百苞。及月俸。與林祭酒。柴野栗山。尾藤二洲等。戮力振飾學政。既陞。教官增俸。班綴兩番上。

精里與諸儒慕輯孝義錄。賜白金及時服。又命往對馬。接待韓使。韓使敬服。且以多年勞學事。加歲俸。

北北先生遺稿卷一

米百苞。特命服布狩衣。

精里嚴密寡默。人有不善。直面規之。退無後言。崇尚理學。而深憎山崎門。固陋之弊。故其學極博洽。一時無比。詩文使事用字。他人所搜索而得者。皆取之腹笥。咄嗟而成。

精里又病理學者往往輕視文章而不攻。致囿於文義。嘗贈本生序云。譯者賤役也。然欲對漢人。則不得不先之。文章小技也。然欲讀聖賢之書。則不得不攻之。此理不難見。而世人不肯留心。何歟。渾煩也。恐妨功也。然今之穿鑿傳會之煩。倍倍乎義。

空談無根之妙功。甚於攻文章。况吾文章非求其必為相如楊雄班馬韓柳也。要解文理而不繇而已。何難而不為邪。蓋本莊生之學。原於三宅尚齋。故以是告之。

精里詩祖風骨於漢。守矩矱於唐。晚則縱橫變化。出入趙宋。嘗自曰。盛唐之堂堂正正。吾頗厭之。聊游戲為此耳。至其鍛鍊而就者。則風格高峻。不落中唐以下。或遂議其專師宋則誤矣。

北北先生遺稿卷一

嘗講經於某侯。講後。其老臣某。問重罪犯處刑。精里曰。請熟考。後數日。精里至其邸。老臣迎曰。今日非講期。先生何以辱臨。精里曰。前日之問。得其說。故求老臣曰。聊以供講後話柄。而致先生之勞。不勝恐懼。精里粲然曰。執一國之鈞。而以人命為一場之談。非吾所知也。即起欲去。老臣驚謝。弗聽。侯聞趨出。為反覆布謝。然後纔留。叙其說。

其待書生嚴厲。雖佳節慶日。未嘗置酒。然每有一美行一佳文。輒欣然稱揚。喜色溢面。故弟子亦以此相親。其塾生有甲乙相惡者。甲偵知乙遊劇場。告精里。精里徑呼乙。命退塾。即又顧甲曰。汝不規朋友之過。而訐之。罪大矣。即亦逐之。

其長子穀堂氣宇宏偉才識絕人精里任其所欲不苛責然亦時規之穀堂嘗泛舟於墨水同舟之上。鵬齋五山詩佛寺皆詩酒放浪一時稱為名家者好事者作畫上題各人所賦印刷為扇傳賞有一客以示精里大稱嘆其子之列名家精里不悅乃呼穀堂指點其畫曰舟中一鬼怪輩而已爾何曾伍此徒

精里作文誦法唐宋八大家常曰文法至八家而大備良無間然此特築室之規制耳梁棟之材丹雘之飾必不得不博採諸子百家且彼學周漢而成其為八家今所學局於八家欲為八家陪儻何可得也乃至明清諸家亦間取其長曰此豈無涓塵之補乎持論正大如此

嘗題飲中八儂圖云焚溺之害酷矣而水火不可以一日無也酒之流禍滔天然可以合人之歡娛雖人之五官亦何以殊哉善用之則為賢知否則謚為至愚吾於麴生無分不能頌其德而挈榼提壺三人行必有師姑以此意觀茲圖耳

精里事藩侯被任用其友石井鶴山亦以才藻風流見寵侯嘗謂左右曰淳風可用者仲車可愛者以

故仲車從侯東西而精里常在藩鶴山名有字仲車

精里軀幹豐偉履舄皆特製凡幕府士人賜時服者更裁令窄乃可服用精里則直穿之而稱其體其膂力亦絕人每感冒入庫左右挾米芑踴躍發汗每迅雷令兒子向庭列坐自執鞭坐其後兒子畏怖欲避則撻之以為常曰聊為兒輩養膽力

精里有三子長燾字博卿留仕舊藩穀堂者是也次燦字晦卿出承洪氏季煜字季暉從而東為後為昌平學教官伺菴者是也

○柴野邦彦字彥輔號栗山讚岐高松人仕幕

府

栗山少而東游學于林氏門英邁不群耽思經籍旁善詩文學成仕阿波侯為儒臣歲祿四百石住京都唱宋學以儒雅風流聞與西依西齋赤松滄洲皆川淇園等結交相歡

栗山年五十三被幕府辟來江戶為昌平學教官命與林祭酒岡田寒泉共修學政立五科目以造士享保中物徂徠排斥宋學立復古學而來七十年所主張其說者踵迹而興都下書生薰染其教久矣故每示諭下都下傳聞詆謗百出皆歸咎於栗

山。甚則入室執。備中有西山拙齋者。學崇程朱。以闢異衛道為任。寄栗山書。懇勸確立朱學。亦松滄洲在赤穗。寄書以為幕府立學。不可偏狹如此。栗山不答。拙齋為著書辨之。名曰論學書。栗山世間誇議。一切不問。唯以修學政為務。昌平學規模一新。都下學風亦從而變。稍稍知嚮程朱學者。栗山之力居多云。

栗山愛客容衆。風流自命。而談笑間。事涉節義。音吐激烈。如風雨。

朝鮮聘禮。下議昌平學。栗山執一事賜言。林祭酒曰。

近世先哲叢談卷一

此議所關非小。先生且低聲。栗山曰。奚妨。吾聲雖大。不至聞於朝鮮也。衆皆大笑。

賴春水嘗問其著書。栗山曰。無有。夫著書者。益於人也。僕之迂腐。為不急之書。或有閱之者。是損人之心目也。故僕不著書。乃所以益於人耳。謂之有著書亦可。

列侯厚禮延請。後進布衣班。遷西城侍讀。增賜俸米二百苞。朝每有大議。必列所詢。謀亦不少云。

栗山敬奉先祀。哀恤親舊。細心謀事。皆可以範世。平居破障敗席。衣帶稱之。然其延客。供給甚豐。四方

贈遺。日闢盈其門。都下儒門之盛。朱氏為最。

栗山常欽慕蘇公。壬戌夕。會諸名士。白河侯聞之。寄書遺鱸魚。以求坐客詩歌。栗山使肥後辛島鹽井為之記。一時傳寫。以為雅舉。

栗山嘗作壇浦懷古。以示皆川淇園。有黑鼠餐牛舟水乾之句。淇園憶其出處不得。沈吟數回。栗山哂曰。淇園大才。目窮萬卷。是此小故事。如何不曉得。淇園曰。僕實不知。栗山曰。是不秘書。出於野馬臺詩。二人拍掌大笑。

栗山有送高山彥九郎序。大要云。生善劍而好學。身

近世先哲叢談卷上

長八尺。高髻挿梁。面如紅玉。歲之二月。飄然入京。顧余古愚軒。入相揖而謂曰。吾喜觀天下奇人偉士之面。猶觀草木之英華。悅吾目焉。吾所適之邦。往往道子之名字。意或子之奇目之豎。而鼻之橫矣。是以來觀也。余起而延之。其衣弊垢。見綿劍鮫室漆已剝。粒脫。酒酣脾睨坐上。說天下形勢人物風俗。殷發金石。氣鬱勃。蓋人余因大得奇士異境焉。而生意類猶未厭者。曰。顧我猶未奇乎。恐奇人之不吾欲也。有所失焉。願因子更有所得。嗚呼。余有生之好。而性羸虛善病。尋常行步。過坂道。跛



陀既氣喘而背汗適誤一夕之養則為之數日。靡被而寢。安能獨身冒霜雪走千里之外。如生之為哉。故平生所得。不能生之千百之一也。則豈能有更所薦哉。雖然生之所悅者。華也。其所遇者。奇也。抑華不如實之可貴。而奇不如常之無射也。余將薦其實而常者焉。其在京者。生已見之矣。其草野僻遠者。不必見也。在東都者。曰保仲通。曰冢大佐。曰平明德。曰澤石仲。曰岡伯和。或以道德氣節。或以博覽多聞。或以文章翰墨。皆平實常德無射之士矣。我所畏與愛矣。目則面而橫鼻。則特而豎矣。

近世先哲叢談卷上

生還路由東都。其見之可也。

栗山學博經富才識絕一世。其文壯快俊逸。筆鋒無敵。詩不留意。然亦往往有佳作。在京時。嘗與淇園步月。過昌明門。栗山唱曰。上苑清風散桂香。昌明門外月如霜。既而遙聞絲竹之聲。乃再吟曰。何人今夜清涼殿。一曲霓裳勸御觴。淇園嘆賞。以為天來。

栗山嘗示塾生曰。籠養小鳥者。捕獲鶯雛。患其殼濕。濁就老鶯善鳴者。使學其聲。俗謂之附子。雛初在籠。遷躍上下。蹀然無少頃靜。忽聞老鶯一啼。便戢

翼凝立。如諦聽者。越時始能動身。既而低弄。如學之者。又如羞澀怕人聞者。如此一兩日。乃能放喉縱轉。音響瀏亮。可愛云。嗚呼。微彼小禽。尚思好其殼。而知希賢。可以人而不如鳥乎。

又嘗咏富士山。雄渾壓老杜。其詩曰。

誰將東海水。濯出玉芙蓉。蟠地三州盡。揀天八葉重。雲霞蒸大麓。日月避中峰。獨立原無競。自為眾獸宗。

○山本信有。字喜六。號北山。江戶人。

北山幼而警敏。其性巍巖。髫髻時既露頭角。其父發沒而孤。其母儉勤貞潔。雖甚愛北山。然教之有法焉。甫十五歲。就師受孝經。一聽其講。頓解其義。爾後執四書六經。獨自讀之。終不受人口授。自謂曰。

近世先哲叢談卷一

古人創事者。孰肯有師承哉。其有自立之志者。於是顯矣。

北山家資頗饒。乃購求奇書。牙籤滿架。年二十二。著孝經集說二卷。都下始知有北山。

北山為人豪邁卓絕。不屈於人。忼慨尚氣節。以功名自許。故學亦不欲傍人籬下。自構一格。經學以孝經為根據。文章以韓柳為標本。詩藻以清新為宗。



派乃將建赤幟於墮壇以掃蕩時文偽詩之弊風因為作詩志穀作文志穀二篇以痛排擊李王七子之陋習觀者翕然信從之當代宗工皆執麈尾而屬其旗下遂推北山以為文壇盟主於是海內詩文靡然一變革其面目

志穀中有藝龍說一篇其文奇傑無一陳語北山時年二十八矣其意蓋在許已以孔明出廬之歲而不過三顧之人其渾渾自雄者皆此類也

北山尚勇不撓自力不止是以博探典籍涉獵百家而洞究其義至經濟兵法天官曆象之學靡不兼

近世先哲叢談卷上

上

該矣四方之士聞風負笈聯翩至其門者無慮數百人。家資逾贍藏書尤富自命曰孝經樓蓋取諸家學之所據云。

北山其家世為關東武弁士至北山始好文學而耻處卑職是以輸納資錢終身不即職秋月侯問其名異禮際而召見之厚賜眷顧每事議咨焉侯有芻牧邑在於下野邑素稱多訟民狡猾不畏法藩老憂之北山訪其利害悉其情偽建或姦抑豪之議以革陋例救民困其說施行大有顯效

北山以氣自豪講經學到其發明自得之處則揚眉

拍案而言云漢唐守株之腐儒宋明捕風之理學

俱不能窺聖人之戶庭况堂與乎余出其範圍而別有所得者如斯如斯而後可謂不負聖人也又

觀復古脩辭李王七子氣習之詩文則振袂瞋目而言云咄咄時文偽詩晦食世間昧人目腐人腸

久矣是謂真惡道乃摘發其疵瑕痛加鍼砭不遺餘力說經濟到其自信處如詰廟拈筮卜將來吉

凶而有期焉乃云治民有道其道云云富國有術云云若自執國政而驗之矣說兵機到其自喜處

如躍馬橫戈喋血戰場乃墮手而言某之戰我若

近世先哲叢談卷上

上

執麾左右之當殲敵而無噍類可惜矣某之戰我若率眾城守之當破圍冒進以挫之可惜矣其勝敗之機攻守之方軍陳城地之圖指畫歷歷若親冒矢石而督兵雖平生說話至其軒舉自負之處則必攘臂盪腕以見其精采使聽者帖服

北山平生重諾輕財有古俠客風曾自稱儒中俠即鑲印用之

蒲生君平少壯好遊嘗自上國及江戶既窮殊甚適親人家不受請北山北山一見慨然手贈數金君

平駭辭焉北山曰足下遊學數年今將歸鄉而衣

敝囊罄非所以慰尊親也。君平感涕謝而受之。其任俠之氣可以想矣。

高田侯雅重北山。延禮請講。諮謀國事。北山裁決疑義。經理庶務。以輔藩政。其力不鮮。侯及聞北山之死。賻吊越禮云。

方北山病革也。龜田鵬齋往而視之。北山顧謂鵬齋曰。我生以英氣不屈而自處。死必為聰正神。不及他語。凜然而瞑。時年六十一。葬于府北白山本念寺之側。

所著書。凡二十餘部。刊行者十三部。皆布于世。

近世先哲叢談卷上

十五

○西山正。字士雅。號拙齋。一號至樂居。備中鴨方人。

拙齋幼穎悟。從父恕玄。受詩書。數過成誦。日讀演史。以當戲弄。父恐其以此致病。時或奪其卷。則伺父外出。復讀。又時讀蒙求。雖不能快誦。而畧舉其事。小謬。

拙齋年十六。負笈遊大阪。學醫術於古林某。學儒業於播磨人岡亭齋。亭齋老矣。使外孫那波魯堂代棧。聞父病。馳歸家。先是拙齋病瘕。雖治未全復常。猶能看護。廢寢食。而父遂不起。服除。復北上。亭齋

既沒。魯堂移居京都。乃往從焉。二十歲喪母。侍病居憂益謹。服除。復遊京都。刻苦學儒。與佐長史長秀。路宰源輔。及僧六如。諸子結盟。稱詩窮社。又學和歌于紀美鎮。及僧澄月。而與入阿大愚二師輩遊。名噪京坂間。

魯堂始信護國學。後頗覺其語多矛盾。文字亦多敗闕。幡然猛省。更取程朱書。從容潛翫。有會於心。朝鮮使來聘也。聞其參佐綱紀。選有學識者。請從接伴使。與俱東行。乃與其學士南玉。書記元重舉等。疑難討論。益知宋學之是。而時學之非也。遙寄書

近世先哲叢談卷上

十六

拙齋使指舊學。且勸見南玉等。拙齋乃復往大坂。從魯堂。會諸客於客館。綢人中。坐已定。問重舉以持敬工夫。以觀其所答。是時護國學盛行。聘使所經。西自筑前。東至江戶。往來垂六百里。其間所接見。率不下數百人。譯語筆話。非王李古文辭。則訓詁記誦。未嘗見一言及修省之事者。於是重舉大奇拙齋。即答以自不妄語始。相傳其言。徧示同人。乃互相目。滿坐翕然。屬目於拙齋。拙齋亦憬然。有所感悟焉。問答終日。不及雜事而退。

魯堂曰。道宜擇所由。學非從程朱。焉得其方。詩文各

徒其所好然依人門籬。據人餘唾。吾輩不為也。拙齋自羽翼贊成。文取達意。詩學白香山。而不復卑屈力。既歸倡求學於鄉里間。遠近群至。鴨方僻鄉也。以有拙齋鬱為一都聚。魯堂為賓師於聖學上府。及應阿波侯聘。舉拙齋代之。拙齋辭不就。

白河侯樂翁攬國務。累召文儒。修整學政。拙齋素情時學。賤行檢而俗趨浮靡。乃致柴野栗山書。勸建言禁偽學。會栗山奉旨督責昌平學。諸生不遵林祭酒家訓者。異學之徒不便之。群議洶洶。浮言百出。拙齋亦頗致謗咎。而論著言議不少。頗懷播磨。

近世先哲叢談卷上

人亦松良平。亦寄栗山書言。學且眾流雜用。不宜專由一途。且誣天朝學政專依古註。曾不用朱註。其徒傳誦。以非謗幕政。拙齋舊善良平。乃贈書忠告其非。拙齋嘗歷謁諸搢紳。最蒙伏原清公知遇。於是書中所證。天朝故實。皆舉所親聞於公者。鑒鑒有據。適囂言亦稍息。拙齋關異術道之志。識者嘉之。

伊勢人本居宣長。名善國字訓詁。連著書。以訛堯舜周孔。拙齋夙惡之。晚偶溫讀萬葉集諸書。益知其言無所根據。乃擬山上憶良作反感歌附別錄。

卷。以駁其說。拙齋自謂弱年學和歌和文。實上年時月。至是覺有補耳。

魯堂死。阿波侯使使厚聘迎拙齋。將給以二百五十石。拙齋固辭不往。謝使者曰。既不答召。乃禮命印使幕府有召。斷無出埋。請與使者誓焉。既而使次子謹往拜賜。加賀侯亦將聘拙齋。先使其儒員六下捷五郎傳命。曰。矜式之人。敢屈高賢。若不肯。賔遊數年。拙齋引前辭謝之。先是本藩池田侯賜長子慎。以俸二口。重加三口。以為侍醫。蓋以養拙齋餘年也。

近世先哲叢談卷上

拙齋為人長身美姿。容體如不勝衣。而神彩秀朗。人望而慕之。讀書極詳審。誤則改竄。疑則發識。最善言論。說書母能感服人。

拙齋修己矜莊而恭謙。雖歡笑寬綽之時。而未嘗有愔容。治家寬而有法。嚴而有恩。妻子有過。曾無一毫假借。人或疑其苛。而平時雍熙。不見他家有比云。

客至。拙齋輒出。所藏賓主相傳繙閱。撫弄書畫珍玩。狼籍坐間。繼以談諧。未嘗有倦色。

拙齋講讀之暇。令子弟作象戲。若投壺。傍觀評品。陶

陶施施是以頑兒。嬾童終日侍坐不厭。俗吏販父樂與拙齋居。拙齋亦不復為畦畛。故戶外之跡日衆。嘗謂管茶山仁待俗客不能嚴。有愧於我子明矣。子明同窓友。備前人。以抗直簡傲著者也。

拙齋好遊覽。花前月下。盤桓彷徨。目酣神醉。疲則熟寐。覺復吟嘯。從者促歸再四。而後纔起。猶有恨色。嘗賞春芳野。留連十有四日。及花盡始下山。

拙齋與管茶山往來最密。數氣相輔。拙齋以嚴。茶山以和。而其意歸於一。

近世先哲叢談卷上

九

拙齋嘗謁聖護院法親王。禮待極厚。手有賜焉。王又親點茶。為吹笙。曲闌謂拙齋曰。笙名鳳凰。德治中所製。藏在御府五百年。今上以賜我。不敢常用。曲則為老君子。為合歡鹽。特用此器。弄此曲者。所以寓敬意也。

平生高潔。口不談財利。嘗有負債。門人集議將各出金償之。而無一人能進告拙齋者。最後託拙齋所親愛之老人。微說之。拙齋笑曰。拙齋亦受無故之金者歟。一言之下。衆皆慙汗解散。不再言。

其耳順壽筵。門人又憚之。拙齋曰。此筵豈敢拒厚意。門人相喜曰。得先生許可。爭致衣服器物。粲然滿

堂。

門人一富家贈錦衾。乃題詩還之。其詩曰。

平生慣著木綿裘。寒暖適身還自由。錦被奇溫非我好。莫教高士減風流。

藝藩儒員贈春水。深敬拙齋。自執後輩之禮。東西往來。必迂路候起居。春水書名高一時。每其過。拙齋呼門人曰。乞先生之書。春水隨需揮寫數十卷。不敢告疲。唯命之謹。

近世先哲叢談卷上

十

其廬去茶山居二里。日常服卒然。送春水出戶。春水辭焉。曰。談緒未了。凡每半里。春水辭謝。拙齋輒曰。興未盡。遂到茶山門前。拙齋曰。今日拙齋惡謔。巧騙春水。吾實欲訪茶山也。三人相見大笑。拙齋基在鴨方山寺。豐碑巍然。柴野栗山撰文。賴杏坪書字。其兄春山題額。并其人。稱為四絕。

○數懸字士厚。號孤山。熊本藩人。

父曰慎菴。以文學節義聞。兄槐堂。大有吏績。孤山少力學。博涉經史。能屬詩文。鬱然有嚴。藩侯歲賜白銀二十錠。以為學資。命遊學江戶。翌年遂遊京都。與一時諸名流締交。留學三年。還乎肥後。是時年僅踰弱冠。擢時習館訓導。轉助教。賜俸百五十苞。

孤山於是以支子別立一家。無幾陞教授。

孤山歷山陽道。適京攝。與中井竹山履軒。賴春水定交。十旬而歸。孤山夙居教員。為藩侯所貴重。前後增賜俸米。至六百苞。由十砲長。進五十砲長。班級超等。

及字土侯入承宗國。勵心庶政。方鄉儒術。眷注甚篤。侯入學命孤山曰。古來人君得直言之多。未有如唐太宗者也。寡人襲封之初。首求直言。而少有應者。寡人竊疑。太宗何以多得直言。寡人何以未得直言。必有所以然者。卿其以此意策問學士諸生。

近世先哲叢談卷上

主

孤山退而傳命。他日上對策若干篇。副劄曰。臣願臺下勿釋今日之疑。勿忘今日之問。夫古人之所以能及古人者。以其能疑不及古人也。其能疑不及古人。故能求所以及古人。其能求所以及古人。此其所以終能及古人也。今人之所以不及古人者。以其不疑不及古人也。不疑不及古人。故不求所以及古人。不求所以及古人。此其所以終不能及古人也。由是觀之。疑則得之。不疑則不得。故臣願臺下。勿釋今日之疑。夫人之常情。未有不勤于初而怠於終者。如太宗初年勤于為治。而急於求

直言。開導引接。唯恐不言。及其末年。漸忘初心。不悅直言。此識者所以歎貞觀末年不及初年也。唯聖君則不然。慎終于始。始終如一。此所以其世愈久。其治愈隆也。由是觀之。忘則失之。不忘則不失。故臣願臺下勿忘今日之問。夫疑者得之本也。忘者失之由也。臺下誠能無釋今日之疑。則貞觀之直言。亦將源源而來也。臺下誠能無忘今日之問。則永無貞觀不如初之失也。二者臣之所願也。孤山六七歲時。父慎菴見其行止躁忙。勸聲叱曰。君子不重則不威。學則不固。既長。將遠遊。乞言諸友。

近世先哲叢談卷上

主

高本紫溟。適書斯語以贈。孤山乃歎曰。余病在於輕偷。先子察諸微兆。紫溟規諸已形。不可弗慎也。游學四年。還鄉。乃築讀書之齋。命之曰重。藩侯下王霸之問。孤山乃上學士對策。副劄曰。凡為人君者。先王之道。固不可不志。而先王之學。尤不可不講。夫徒志先王之道。而不講先王之學。譬猶欲魚而不修網罟。欲禽而不修矰繳。未有獲者也。臣聞先王之學。大學而已矣。而大學之要。修身而已矣。然身不可以徒修也。推而窮其始。則亦曰格物以致其知而已矣。知至而后。意可得而誠。意誠



而後心可得而正。心正而後身可得而脩矣。先王之修身也。其次第節目之詳如此。是以知行並至。內外維一。身脩而本立矣。民之所以觀感而興起。蓋有不待穀色歸令者也。是以舉而措之於家。則家齊。舉而措之於國。則國治。舉而措之於天下。則天下莫不平矣。此王道之所以可尊而法也。若夫霸者則不然。齊桓公如夫人者六人。以至有禽獸之行。管仲築三歸之臺。奢而不知禮。其身不可謂脩。以不脩之身。臨未服之民。是以不得不假權謀威力之末。此霸功之所以可賤而厭也。由是觀之。

近世先哲叢談卷上

三

王霸之分。由身之修與否也。而身之修否。由講先王之學與否也。今其說之詳。載在於大學之書。伏願臺下燕閒。讀而考之。尊王賤霸之說。又不待求乎外矣。

孤山患風痺。乞辭職納俸。不許。翌年疾篤。仍申前請。侯乃許之。使老職傳命曰。汝累年任教官。勲勞蓮群。是以許其致仕。特賜汝子泰記。以俸米四百石。但於教授職。汝雖病也。卧治之。於是賜養老俸二十口。以優之。

孤山嗜詩。務論聲律。今錄三首於此。

菊花開處媚清晨。朵朵叢叢相映新。素艷全欺姑射雪。紅光不減武陵春。樽前潦倒餐霞侶。籬下徘徊踏月人。底事折腰求五斗。陶家秋色未全貧。紅白二篇

孤夢何由到故鄉。愁聞蜀鳥一聲長。巴東三峽君休泊。不獨啼猿斷客腸。子規啼

棹郎移棹入烟蘿。為唱清溪款乃歌。十里春風香不斷。前山何處落花多。汎舟桂川

熊本藩中老島田貞子。為孤山遺稿序曰。先生自少受家學。尊崇程朱學術。既正矣。而又天資穎悟。洞

近世先哲叢談卷上

三四

達時勢。通曉人情。實有為之士也。故誨其弟子。鑄銘不偏。能知其才之所長。從而育成焉。故門下之士。有以德行見稱于世者。有以文學鳴于世者。或以政事著。或以經術聞。其餘論兵擊劍。醫卜。浮屠之類。遠邇請益之徒。日月滋衆。先生應接。應到。循循然誨之不倦。人咸悅服。各有所得者。以先生有為之才。能鑄銘之也。

孤山少壯遊學江戶。寄書家兄槐堂。誤封空書。得復書。始知其空書。乃賦詩以解嘲曰。

家書欲下字千行。一片愁心寫不成。空紙寄君

君認取。無言孰若有言情。

有優劇子弟。問其師曰。吾師當場。何以能使人悲泣喜躍如意也。師曰。無他。吾唯於悲泣喜躍事。能自悲泣喜躍已。無意使人悲泣喜躍也。孤山聞之曰。誠於己。而人能信之。苟欲人之信。而不立誠乎已。豈能動人者哉。吾儒亦如斯。

○管晉帥。字禮卿。號茶山。備後神邊人。

茶山少時與備中西山拙齋。同入京都。從那波魯堂受洛閩之學。與佐佐木良齋。中山子幹。及浪華中井竹山。葛森菴。篠崎安道等交遊。既歸。委家事於其弟。而益讀書。教授鄉里。拙齋以同門故。往來最密。拙齋歿之後。山陽諸國。苟欲子弟讀書者。皆就學焉。

近世先哲叢談卷上

茶山家于官道驛背。前築一塾。對古城址。曰黃葉山。因號黃葉夕陽村舍。其集亦命以此。其居。渠流垂楊。瀟灑絕塵。

茶山素嗜詩。詩名最高。福山侯初不知之。後在東見大學頭林述齋。述齋語次論詩曰。方今海內詩。無出管茶山右者。侯問之。始知其為米邑人。於是命吏訪問。乃欲擢用之。茶山以疾辭。乃給俸五口。後

准儒師員。時召對焉。

晚年生徒益進。塾不能容。乃請藩登為鄉校。名曰廉塾。藩歲給金。茶山不敢私也。并與四方束脩。盡以買塾田。納於藩。藩吏以時監其租入。以為建堂宇。置書籍。延諸塾師之資。又以其所息。修葺破敗。備器什衾被。資四方貧生有志之士。而茶山自奉儉朴。又戒子孫。不得侵蝕塾資云。

近世先哲叢談卷二

茶山為人。骨格岸異。方面高顴。及老。朱顏白髮。望之有威。而接物謙和。恂恂如田舍翁。嗜酒日醉二次。土木形骸。談諧橫生。而洞察人情世故。暗辨淑慝。截然不可欺。實有用之才也。初天明年飢荒。茶山出私蓄賑救者再。邑有過糴者。窮民將毀其家。茶山懇諭父老。以使無事。又有出死囚。免逮獄。招逋亡等事。各得其宜。

茶山說經一循朱子傳註。不敢立異。教生徒有常課。不必督促。雖居鄙僻。名重一時。侯伯時過訪其村居。初東遊也。諸侯爭欲識其面。昌平學學士。及諸藩儒雅。無不結交。平生與賴春水兄弟最善。神邊去廣嶋。二日程。每月往復一信。或遣使問安。

茶山年七十。藩侯賜金為壽。前後三加俸。為三十人

口進秩大目付以優之。年八十。賜章服及魚壽之。是歲病隔噎終不起。

茶山寓江都時。白河樂翁侯眷遇尤隆。嘗折梅花副以和歌賜之。及歸鄉。其病隔。為寄贈秘藥。

茶山於詩尤其所長。務叙實際而不苟。作淡雋穩秀。不見艱苦態。賴杏坪曰。近世詩体一變。然論其洪纖兼舉。風格高逸者。則識者獨推茶山云。

柴野栗山嘗招飲諸韻士。茶山亦與焉。賦詩云。

廿年泰斗仰榮名。侍坐深知胸宇清。已作醉翁思穎什。未酬狂客江湖情。銅盆品岫延春靄。畫

近世先考叢書卷上

七

軸烟波披夕陽。職重轉添漁釣想。時邀鷗侶結

幽盟。

栗山觀之忻然曰。後聯豈更無佳語。蓋以二物坐上所有焉爾。子詩貴實際。亦可以知也。

賴山陽嘗寓茶山塾。謂人曰。嘗以謂茶山之居。詩集

類書汗牛充棟。而茶山吟嘯其間。既來視之。僅僅

不過二三部而已。備中小寺廡之。亦嘗恠。茶山講

說之暇。時花廳鳥以為娛。而未嘗見其燃髻聳肩。

因質諸茶山。茶山曰。吾三十歲前後。頗用意雕鐫。

魯堂先生曰。子思作佳詩。不得不求佳境。欲求佳

境。不得不虛構競奇。是役於詩也。隨境寄興。可以取娛。可以遣憂。勿他求焉。吾服其言不復刻苦。

僧六如還茶山詩稿時。附書云。他人吟卷讀之。未過兩三號。已倦而睡。若茲集。似啖甘蔗。只恨其易了。

又如石蜜。中邊皆甜。每奇瑰橫陳。往往使人自視。缺然。禮卿足下。深自保重。天下後世。必有公論矣。

周白。

茶山詩七絕載文政絕句者。首首皆玉。尚有遊芳野

詩十數首。頗膾炙人口。今錄七首。

名藍何許是藏王。萬樹新櫻拆夕陽。行客揚鞭

近世先考叢書卷上

天

遙指點。花差疎處畫豐光。

一目千株花盡開。滿前唯見白皚皚。近聞人語

不知處。聲自香雲團裡來。

山脊連屢作市閭。入門凭檻即樓居。雲屯脚底

皆花木。欲把微吟學步虛。

三芳山上白櫻叢。日夜清香蒸半空。誰信孤筇

千里外。兩宵宿在彩雲中。

卅年前宿此山中。當日萱堂人不空。花下題詩

報進况。拾得花片附書筒。

彩雲夾路一堆堆。十里香風笑語偎。市店琳官

皆客滿。無人不道看花來。

勝賞堪誇有好緣。兩回來宿此山巔。館人笑我勞遊屐。身住花中五十年。

○尾藤孝肇。字志尹。號二洲。一號約山。伊豫川上人。

父某業操舟。二洲少有足疾。往大坂讀書於片山北海所。講習所謂復古學。是時安藝賴春水亦為社友。春水得洛閩書喜之。勸二洲讀之。二洲亦甚喜之。以為正學也。相共從事於斯。又與竹山履軒兄弟親善。

近世先哲叢談卷上

五

二洲內角大口。音吐爽亮。識悟超詣。純守程朱。幕府召為昌平學教官。賜俸米二百苞。以其足不良。特給官舍於昌平疊內。其奉朝請者。正會一謁而已。後賜第壹岐坂。退安養老。

二洲為人恬淡簡易。文愛歸震川。詩愛陶柳。皆高朗簡遠。逼古。及老又喜白傅。古賀精里以為不可論難往復。柴野栗山為調停之。終不合也。二洲又憎東儒淆亂名分。著稱謂私言。詳辨和漢名稱當否。所著有素餐錄。正學指掌。靜寄軒餘筆。冬讀書餘。靜寄軒集。

中井履軒不妄交遊。以幽人自居。嘗謂曰。聖人之德不可企及焉。若夫隱居放言。身中清。廢中權。則吾儕之地位。二洲聞之曰。學中行之士。猶恐其有失中。然而今學真仲夷逸。弊將奈之何。

二洲嘗名其居曰靜寄軒。本陶靖節停雲詩中句也。二洲因賦詩三章云。

靜寄東軒。千古尚友。尚友是誰。江左之叟。引觴獨歎。我生昌後。

遠思江南。靜寄東窓。江永可方。彼叟難逢。引觴獨憩。松菊之叢。

近世先哲叢談卷上

三

松菊方滋。載灌載吟。江水淪漪。孰識其深。引觴延佇。悠邈我心。

二洲又號約山。其約山說曰。余性淡而不靜。簡而不約。以其不靜也。嘗名其居為靜寄。近日又覺不約之害最甚。乃就官舍中扁偃息之所。號曰約山。欲以藥其病焉。昔者幽僻寄身。唯靜可以自適也。今也承乏教官。豈可專靜適乎。夫子曰。以約失之者鮮矣。蓋持己教人。煩固不可。又余性所不耐也。簡而又約。不失所守。或能應衆耳。且也吾輩平生所講上自六經。下逮子史。不可謂不博也。至於約諸

心身。則自知缺然。反覆思之。唯約可以自警。雖不能粹成。請從事于斯矣。

其稱謂私言中有言曰。近世文字稱東照宮曰神祖。神祖之號。嫌於神武天皇。不如稱烈祖。俗稱貴人。曰御前。御前天子之稱。為人臣者。豈忍坐受之耶。是可忍。孰不可忍也。然是其始由譯語而然。非有意僭禮也。御前國語於滿。故於有推尊意。故誤譯為御。御是統御之義。豈徒尊意云乎。然是等不入文字。不必辨正。源平氏也。武田三浦族也。武田之一條東條。三浦之有和田比田。則別族也。今人

近世先哲叢談卷上

皆以族為氏。猶秦漢以後以氏為姓。時世之變。亦自不得不然。必以古制律今姓者拘也。世儒不知名分。有謂皇家為共主者。皇家是大府所恭事。天子之尊。萬古不易。豈可謂之共主耶。大府總國之主。尊亞天子。政令行于四海。亦由有皇家冊命焉。事體自與異邦不同。不可取彼例此。

二洲自謂曰。詩不必作。不必不作。吟哦玩日。優游廢事。是不必作也。情性不詠。感興何寫。是不必不作也。其春帆細雨來詩云。

十里春塘暗柳條。片帆欲下影猶遙。雨微絲弱

不堪繫。輕掠青萍逐暮潮。

又聽蟲云

庭草秋深接薜蘿。陰蟲鳴盡月婆娑。遊人獨解聲聲恨。寒入客衣今夜多。

又赴淀城舟中作云。

北岸如行南岸走。遙山似畫近山屏。飽帆不待吾成句。勝處須臾屬杳冥。

二洲為正學說曰。學一也。何為稱正。世蓋有不正者也。何謂正。孔孟之所說。程朱之所傳是也。何謂不正。陸王之主知覺。陳葉之專功利是也。老佛奈何。

近世先哲叢談卷上

彼既殊類。何必舉之也。吾所謂不正者。名儒而實非者也。正不正何以辨之。質諸天而天不違也。徵諸人而人不悖也。斯之謂正。質諸天而天不違也。徵諸人而人不悖也。斯之謂不正。天人違悖。何以知之。天之所以為天理也。於理不安。天違也。人之所以為人。性也。於性不順。人悖也。性理如何。可以明之。循孔孟之所說。程朱之所傳而學之。斯可以明也。明而後擇之。何不可辨之有。

二洲素嗜松蘿。人或告曰。多食害人。二洲曰。余讀陳仁玉園譜云。松蘿生松陰。採無時。凡物松出。無不



可愛。松葉與脂伏靈琥珀皆松裔也。昔之遘山服食求長年者。寔然焉。依人有病。彼獨不禁者。偶撥松下菌。病良已。此其效也。果爾。是無害而有益矣。二洲嘗論文曰。學者弗學文則已。苟學矣。不可不尸祝韓柳。韓則正大。柳則精緻。亦不可不刻意歐蘇。歐則典重。蘇則縱橫。皆所謂千載無米者也。自漢以降。文氣寢萎。茶。譬如東周之衰。四公者桓文也。振而起之。後世得藉以免。被髮左衽。皆四公之力也。則今之學文。其捨此焉歸乎。老泉穎濱南豐半山雖稍小也。亦各構一家。不可不讀。乃秦穆楚莊。

近世先哲叢談卷上

之霸也。又曰。議論之文。孟子為宗。韓其世適。蘇則庶流。正學繼韓。規模迥小。青田承蘇。馳騁孔艱。又曰。方正學集。實是後進模範。雖之從容氣象。而初學學之無弊。又曰。陽明之文。諸家莫能及焉。渠以講學為事。人不敢以文士目之。以余觀之。竟是不免為文士。又曰。明文。劉青田方正學為盛。王新建首出一代。而持論謬戾。初學讀之。駭駭入彼窠窟。歸震川最近于古。但未免為小家數。余嘗語後生曰。韓柳猶堂。明文猶階。不歷階而登。徒躑躅庭上。而以自喜。則亦操觚家之擎鞋奴耳。

二洲生五歲。得足疾。進退不可。性又多病。十四歲時。大父觀翁強使二洲從里師受句讀。自十五歲春。至明年夏。病甚。不能步。及八月。始愈。觀翁又命就師。爾後雖病。手不釋卷。大父乃喜曰。吾孫如此。庶乎免為鄉人。

○賴寬字伯栗。一字千秋。通稱彌太郎。號春水。安藝人。

其先備後三原人。至高祖道圓。始徙安藝竹原。曾祖道喜。祖善祐。皆耕耨為業。善祐生亨氣。亨氣配道工氏。生春水。

近世先哲叢談卷上

春水多別號。在大坂曰春水。在江戶霞關邸號霞涯。古賀精里嘗箴其過。用聰明。為書贈明薛瑄拙巢記。故又號拙巢。自覺傷嚴急。則又號和亭。

春水生數歲。好弄筆研。父母相賀曰。家翁囑我。苟有男兒。當教之為儒。是其庶幾乎。而寒鄉絕無師友。家所蓄書。僅僅數冊。乃持就鄉醫識字者受句讀。又欲學字。無所得法帖。家與寺鄰。寺藏烏石山人千字文。乃請手鉤摹之。日摹兩字。持歸臨學。凡近地縑素稍名識字者。輒無不就。年十九。有疾求醫上國。至堺。逢趙陶齋。陶齋以善書著。一見春水。

奇之。謂其可教。後求師友於大阪。寓伏見港。明年移居新天滿港。尋移江戶港。始授徒為生。

春水始以詩著。又以筆札敏妙。名噪四方。既而讀洛閩書。有會於心。會尾藤二洲在片山門。春水誘之同學。多所相發明。又得古賀精里。於是奮然立志。棄其故所習。日講究仁義道德之要。又與中井竹山兄弟。西山拙齋。菅茶山等。為道誼交。每相切劘。名聲日起。

本藩安藝侯傳命。擢為儒員。食俸三十口。戊申進班與近士。與己酉新賜第。己未更賜祿百五十石。班待

近世先哲叢談卷上

三十五

臣列。側丁卯加祿三十石。十年癸酉進徒士將領。頭之列。職祿百二十石。并舊祿為三百石。本藩待儒臣。未有至此云。

春水有命來江戶藩邸。伴讀世子。世子甫髫髻。前此儒學進侍。概充故事而已。春水登自草野。孤立無援。而以輔導自任。誓不負所學。以為世子幼齡。就學苟厭倦。勢必廢棄。是可慮也。且人君之學。自小之大。宜慎次第。因首進講小學題辭。每節數句。引接和漢事跡。不必屑屑文義。遂說孝經論語。世子皆樂聽之。或說終賜坐。或不時召見。有所質問。保

傳諸臣。又感春水誠意。凡百之事。破格晉議。協力戮力。期於成立。而左右以童年充執御者。亦皆駁駁嚮學。因其遊戲玩好。觸物納約。使知民艱。養君德。不止講誦也。後世子襲封。仁而善斷。內外欣戴。蓋春水輔導之力也。

春水伴讀世子。凡十有一年矣。故事藩士東復。每一歲交代。獨春水不然。有疾。特賜西歸。半歲餘。其餘前後給暇。百餘日者。四而已。藩侯嘗使畫史畫傳說像。賜之。蓋寓意也。

近世先哲叢談卷上

三十六

春水在國。則日上學。督生徒。在東邸。又建議教學舍。弟杏坪。亦擢為儒員。與春水同理學政。又草釋菜禮。禮舉。春水為正獻官。特賜烏帽布直垂。行事。凡建學以來。藩侯月三臨學。執政以下。非當直者皆從。闔境翕然嚮風。經史文章。不乏其人。教導之盛。前此未有云。

藩侯嘗命一重臣。釐累世文書。春水為之副。又蒙命與杏坪編輯藝備孝義傳。凡大手筆事每屬焉。

春水素以方正見憚。一醫官以滑稽進。常狎戲諸臣。侯曰。逢賴彌太郎。亦能如此耶。醫默而退。

春水自謂筋力衰憊。坐享厚祿。不堪忝竊。因就重臣

言其意。重臣諭以公意。所以酬功勞優著。老侯宴見。則呼以先生。不名。母手書下問。或屏人諮詢。春水亦感其知遇。常念報効。凡事關君德。知無不言。春水為人。軀幹不偉。而望之有威。短面廣額。眼彩炯然。性剛方峻整。雖妻子。未嘗見其有惰容。衣雖久服。襤褸不亂。臨食。盥漱匙筋。措置有常。其忠孝之節。得之天資。而加以學識。終始力行如一。

春水少小。遠游衛生。慎疾。誓不毫髮憂其父。時歸省親。未嘗愆期。又痛母蚤世。不及見諸子成立。每見於言詠。及丁外艱。葬祭遵禮。雖年月久遠。每遇忌

近世先哲叢談卷上

三

日。悽愴溢面。保護遺體。跣步不忘。幼時所得二親戒飾之書。藏懷袖終身。臨終并其胎髮脫齒。納棺至不能言。又書片紙。囑曰。坐右第幾匣。有臍帶。亦欲自隨。其歸主之志。死而後已者如此。

春水為世子伴讀。初授句讀。數行而已。乃朝服盟漱。披卷按誦。乃出。每進講。宿齋戒。如在君前。憂國愛君之念。至形之夢寐。平日對家人言及君恩。未嘗不感激流涕也。將沒。令易其席。南首北嚮。蓋公館在北。死弗敢背君也。

春水處事勤敏。無文士疎慵之習。治家區處器什。明

晰帳簿。雖無用故紙。整頓題署。以儉素自律。一介不苟取。予自奉有人所不堪。而撫舊恤困。未嘗吝惜。先沒數年。緘封一書。付門人曰。及沒披之。披則悉處分後事。無不曲盡。曰。二刀一槍。是家舊物。其仕小早川氏。家陷。與失。其系譜。獨存二刀一槍。藏書自為處士。所辦置。為我膏血。子孫善愛護之。他復何憾。廉潔二字。是我家精神。我沒之後。唯慮吾眷族。或得汙名。以累祖德。他復何憂。臨沒。又倩人具錄。借某物當返。買某物當償。直其耿介類此。

春水在江戶。侯伯多延招之者。白河侯之始襲封。召

近世先哲叢談卷上

三

問道焉。及其入封。春水作文送之。略曰。為政在寬猛相濟。跡異趣一。或參之以術。而互用之。非正也。政之純駁。由學之正邪。方今學術日就卑薄。其人小害小。其人大害大。以有為之資。在育為之位。而其學不純正。上殘下慢。其不可勝道。侯敦尚古學。所志者正大。將發者高遠。他日施民糾氏。時寬時猛。振風俗感人心。無施不宜。豈惟白河之民。被其澤。乃為天下後世。開太平者。將在此人歟。侯秉國鈞革弊事。果如春水言。

春水憎邪嫉惡。往往面斥其非。至汙行敗德之人。不

欲聞姓名。而接物待衆。不設城府。酬應洒落。時雜談諧。皆盡歡心。當病劇煩悶。侍疾者。未嘗被呵責。平日吏屬僂從。雖不甚受恩者。亦服從不諉。及沒。無不哀戚。江戶郎小臣藤田雄佐者。嘗受業。聞春水疾篤。請官長來問。其年七十五。不遠二百餘里來訣。亦足見春水誠信孚物也。

柴野栗山。尾藤二州。古賀精里。相踵登庸。執學柄於上流。而春水與竹山。拙齊等。聲氣相應。衛正攘異。儒風一新。幕府傳命召春水。說書於昌平黌。薩藩文學赤崎彦齡。亦同蒙命。而藩有司以其異典。或

近世先哲叢談卷上

懷恐懼。使行人密訪之。後藝侯與薩侯皆得參。古賀精里出面諗曰。諸藩學士。幕府就而用之。天下之材。與天下共之。德意如此。後又有說書之命。皆賞賜銀五枚。先是土佐侯。就請說論語五美四惡章。後在國。天使四辻藤公。奉幣宇佐。路賜謁。徵詩。他侯伯貴人。請求詞翰。晚而愈多。

春水嘗揭示於學曰。子弟之習。不當係一家禍福。乃闡理教醇否。授書課業。當謹其初。而又宜揣其資稟。使樂習不倦。無暇外馳。或苛責嚴督。使蒙士視學舍。如圉圉視師。負如蜚蜩。或一無激勸。曲從曠

日。取媚父兄。賊無數才質。皆罪在教官。諸當以此意相戒。以副風勵養勵之盛意。

春水書初無常師。弱冠學趙翁。既博學諸帖。自成一家。道繁秀勁。操縱自如。中年愛顏魯公。蓋王氣勁骨有契於心。又獲寶晉帖中王大令卷。時臨學之。至老不已。楷法莊栗。雖蠅頭小字。波擊勾勒。氣力周到。行草骨肉停勻。圓健跳盪。而不失矩度。雖親戚往復書翰。疾書副急。絲連髮屬者。字字皆有意趣。及病且沒。猶作大書小字。筆力與少壯無異。四方爭索。綃索盈室。然挾勢用術。強逼巧致。則峻拒

近世先哲叢談卷上

不與一字。雖僕隸之請。或時欣然援筆。有一老圃貧甚。常獲數紙。售人自沽。又有實跡以致厚賞者。古賀精里知之最深。嘗對朝鮮聘使。論邦人書。稱春水為當時第一云。

春水建議創學舍。循奉程朱。或譏其狹陋。春水為作學統辨。其略曰。學不可無統。各學其學。而張皇之。非古也。或曰。聖學之大。不可局一學。猶武事弓馬劍槍數家並行。何為不可。曰。武事固數家。及其整旅行師。其帥一而已。苟有數將帥。我鼓彼金。一前一卻。豈能成師哉。學有數家。吾未知其可也。若夫



理民理兵。水利算數。詞章訓詁。各有所長。可以並行。是非統之謂也。至於學統。獨遵程朱。雖然。其他何歟。本於人倫。本末兼備。傳之無弊。唯程朱為然。是非程朱之學。乃古聖賢之學。爾。或陷卑近。或驚高遠。皆害其政者。是之謂異學。不可不斥。吾公有見於斯。乃有今命。教者休之。學者受之。使民志不差。咸歸醇正。所謂一道德。以同俗者。於是乎可見己。

近世先哲叢談卷上

十一

春水以躬行為學。施之事業。不屑著書。獨其叙平昔交游。曰師友志。曰在津紀事。從父東遊紀行。曰負劍錄。餘皆國字冊子。丁艱所錄。曰藤衣述。輔儲之體。曰石磯。世子納配時。陳閭範。曰養艸記。先公美事。曰竹館小錄。別有春水遺稿。

生三男一女。長男山陽。以病辭仕籍。二男皆夭。養弟春風之子元鼎。為嗣。又先沒有遺腹子猶孩。山陽之子元恔。成童以嫡孫承祖。

春水獻替之施於簡冊者。每用國字。又秘不漏。故文存稿者甚少云。

春水詩典質雅馴。晚益嗜之。侯在國。數召侍筵。應命所作。往往寓規諷。平居吟哦。亦有一飯不忘君之

風。良辰美景。輒集子弟。命酒闌韻。或杖策遊步。必有篇詠。衆方呻吟屬稿。而春水如不經意。或倚柱坐睡。腹稿忽成。及病甚。就卧床作十數篇。格律整齊。意每往來慕君念父之間。至困極。猶使人誦杜詩聽之。

諸名公會於懷德書院。木村巽齋。語次謂曰。僕虛名藉于世。四方之士。經過此地者。必被臨顧。日甚一日。自顧甚慙焉。春水憎其夸詡。進曰。他邦之士。訪足下者。非以足下為有道德也。非為有學術也。但以家多蓄古器奇物之故。來集耳。由是觀之。聲聞之高。實而不虛。何傷。巽齋有慙色。

比世子成童。春水賜暇歸國。因上疏曰。伏惟世子之學與齒俱進。所以成德就器。以立邦家基本者。正在今日。今日君德之厚薄。異時國勢之強弱繫焉。差以毫釐。謬以千里。不可不慎也。臣願世子以仁孝為德。以正大剛明為心。云云。時春水既拜訣矣。侯覽疏。方夜。有命召之。世子與傅皆在焉。侯呼春水前之曰。卿所陳可謂盡善。嗣後宜以此意從事。因賜坐。與語漏下三刻乃退。侯臨下深嚴。不輕假詞色。而春水以新進。蒙接納。衆以為異。蓋侯長識

鑒初拔春水於衆儒以屬世子至此益知其可任也歸國未幾復召之東。

附記

春水有二弟惟強字千齡號春風惟柔字子祺號杏坪春水尊之為學兄弟自相為師友親愛篤至春風以父命為醫隱居不仕杏坪後春水五年擢為儒員與春水同治學政又草釋菜禮文名亞兄晚為知郡治數万石地其治地方率在荒僻田磽确而多棄地居民鮮少生理甚微尤為難治矣而杏坪區處謀畫不遺其力遂

近世先哲叢談卷上

能扶植之民於是安其居大有政績矣任山陽嘗歸鄉之日從遊其山園作詩以贈曰連鋤強梗稱神明四郡何邊不底平却是家園無暇理賤蓬惡竹滿階生。

○中井積德字處叔號履軒大阪人竹山弟。

履軒志氣高尚交不苟合不妄出戶自號幽人以隱居放言自居談論奇僻動輒駭人聽有書生來謁則曰汝先學飲酒而後可以學文否則鬱悶發病而死矣。

履軒所著書編皆不錄己名氏又不輒示人焉曰我

俟後之子雲文辭圓活甚有奇致以為東坡後無文為詩必用古韻不奉沈約之政。

履軒姿貌魁秀器宇曠邁晚視一世然而與人語及民間孝子順孫事狀動容稱贊籍籍不已竹山亦然而履軒為甚云。

懷德書院集或進謝曰人事多忙未拜於門履軒曰不為來訪何賜若之。

履軒與子弟共遊住吉乞人相屬於途皆言朝不保夕請賜一錢履軒不堪其煩顧謂曰汝等生無益於世可過死何必俟夕。

近世先哲叢談卷上

履軒嘗謂曰四書五經性理三大全可謂儒者二大厄矣其放言類此。

江戶有塙檢校保己一者擢國學教授嘗遊大坂欲見履軒市尹命街長為紹介街長以告履軒履軒不可曰我聞塙氏沈湎源語勢語等書也與我道不同則無可與談者固辭不見。

市尹某欽慕履軒厚禮召之履軒辭不見使者使者反以聞市尹嘆曰所謂天子不得臣諸侯不得友者矣且不見吾使也。

履軒自少至老兀兀考索經旨手不釋卷始著七經



雖題畧。晚又著七經逢原。發明經旨。益致精緻。世罕其儔。歸然別為一家言。然而不求人知也。

兄竹山死之後。每月數次。於懷德書院。為門弟子說尚書。謂曰。伯氏經業。小子當學焉。若幽人之事。可不必傲焉。

履軒素善草隸。然性較偏僻。雖有乞焉者。痛拒之。不肯書也。

履軒評六歌仙曰。僧正遍照。則王昌齡也。在原業平。則王維也。小野小町。其韋應物與。文屋康秀。其杜牧與。大伴黑主。比之白樂天。未知其當否。喜撰法

近世先哲叢談卷上

五

師。將無太上隱者邪。紀貫之。則杜甫也。又曰。柿本人麿。天才秀逸。超出乎諸人。真可謂李白也。

松平和泉侯遣使聘履軒。則入壁櫺避之。不見焉。古賀精里評之曰。履軒天下偉人也。似段干木矣。

履軒目韓退之。三上宰相書。謂乞丐文。誹其急於求進。似化子丐物也。

尾邱守中西甲訪履軒。饋以餽餼。履軒乃戒其子曰。此所謂小倉野者。其味甚美。然毒物也。必勿食之。中西駭問其故。曰。糖之甜。皆易釀小兒病。其害不小。是以吾家不使兒食糖味也。中西憮然。

履軒過骨董舖。見古鐔。不問其價。以四方銀買之。舖主曰。此物價廉。何為如此。履軒強與之。獲鐔以還。門人一見。歎曰。嘉品也。請以八方銀獲之。不。固請。乃許之。履軒於是懷其所加四方銀。往與舖主。舖主怪迹之。審察名居。知其為大儒履軒也。以謂還金必不受也。藍盛鮮魚。朝投其家而去。

○市川世寧。字子靜。一字嘉祥。號寬齋。半江西野。皆其別號。上野甘樂郡人。

父好謙。號蘭臺。好筆札。受業細井廣澤。寬齋少志學。不願終老於畎畝。負笈游學江戶。登林氏門。業成

近世先哲叢談卷上

五

名顯。會昌平黌學員長。闕林氏。以寬齋補之。居五年。以病解去。富山侯聞其名。辟為豐舍教授。在職二十餘年。以老致仕。

寬齋學博才敏。最長乎詩。清麗奇峭。無所不有。初為樊川。一變而香山。再變而劍南。終又鎔陶諸家。別出杼軸。亦非一体。後進推以為領袖。承其指畫。能成家名世者。柏如亭。大窪天民。菊池五山等。是也。寬齋溫厚和易。不喜忤於物。然內懷氣節。常見一儒作。憲指。無所避。由是失意落魄。亦晏然不動。一友以冤繫獄。奮身往救。人皆危之。亦決然不顧其

風概多此類。

性耽山水。以上野桑梓之地。而多佳勝。屢游涉探討。編上毛志。晚遊長崎一年。與吳客唱和。為吳客所敬重焉。

寬齋嘗据唐詩逸存于我者。編為三卷。碩儒某目為全唐詩女媧氏。

寬齋評近人書曰。細井廣澤。如石勒卽帝位。雖不免倂父之態。要是豪傑。平林淳信。如藩國行人。略慣禮數。衣服整齊。舉止翩翩。獨所乏者。學術而已。葛烏石。如下邑社劇。打扮闊帝。寬袍大帶。時露本來

近世先哲叢談卷上

面目。高頤齋。如賣藥翁舞劍。非無一二好處。終是法外之物。關思恭。如替者鑒定古書畫。自己面貌猶未辨為如何。三井親和。如權家門吏。送迎賓客。事事言言皆俗惡。伊藤益道。如村里小兒。精勤冬學。略解文字体面。欲就吏部試。阿保壽。源東江。如剪綠作牡丹。非不美觀。奈無生色。又如山中枯禪。雖有菜色。漸近正覺。松山天姥。如新造贗鼎花文。勻貼。綠鏤清潤。但不堪一種臭氣。平林淳篤。如土豪子弟。草芥金錢。身不解得錐刀利。只倚父祖遺業。關其寧。如行商鬻磁器碗壺碟。以人人適用。而

無一物可寶。佐潤。如墜落沙彌。還俗。舉動甚謹。動露蔬荀舊習。又如布袋和尚。行由徑。腰腹肥大。步趨不自由。田順。如不學僧官。暫還故鄉。自居尊大。恐唱野老。無一語及法門。箕田騰。如寒夜念佛。五更聲澄。外貌雖寂。志在一紙半錢之巖。如雪中失途。求前人跡。步步疲勞。悉非己物。中井敬義。如蠅虎捉蠅。非不用力。惜不過捉一物。

寬齋所撰著頗多。日本詩紀五十卷。全唐詩逸三卷。陸詩意注七卷。陸詩考實三卷。宋百花詩七卷。金石私誌。青蛾私誌。各六卷。半江暇筆五卷。瓊浦夢

近世先哲叢談卷二

餘錄一卷。詩文集十卷。寬齋摘草四卷。寬齋遺稿四卷。上毛志若干卷。

大窪詩佛。題寬齋肖像云。出為昌平學員長。不是他人。維河先生。退稱江湖詩社長。不是他人。維河先生。排擊七子。首唱清新。不是他人。維河先生。先生之老益變益妙。混化諸家金玉其聲。嗚呼偉哉。先生於詩。變化無窮。猶龍難名。其為人也。溫厚和易。是以在世莫與人爭。好學之篤。老而不衰。故所撰著日課月程。教人之方。不欲桎梏。使其各自得其性情。晚年嗜酒。踴醉鄉侯。優遊自得。忘辱忘榮。醉

中乘興揮毫落紙。草際蛇走。天邊鴻驚。咨咨嗟嗟。  
泰山一顧。誰居復主。此詩壇盟。

寬齋嗜酒。自號醉鄉侯。漫作云。

人間富貴似雲浮。唯我榮華別有謀。開國醉鄉  
三万户。年過六十始封侯。

寬齋素富。篇什。今錄傑作四首於此。

孤舟月上水雲長。崖樹秋寒古戰場。一自風流

屬坡老。功名不復畫周郎。東坡赤壁圖

青灯孤照夜。感集讀書中。黯淡窓無月。蕭騷竹

有風。摸楷終黨錮。姦賊自英雄。欲洗胸懷去。長

近世先哲叢談卷二

宵瓶酒空。冬夜讀後漢書

寒雲斷續月如弓。蕭寂孤村未睡中。近有後山

狼乳子。一聲震地五更風。宿山家

三千世界作微塵。踏破風濤遂背人。柔面縱令

回一顧。也應難見本來空。背面達磨圖

寬齋享年七十二。門人胥議私謚曰文安先生。長子

三友。號米菴。以善書著。次祥胤。出冒鋪木氏。亦名

畫。

近世先哲叢談正編卷上終

近世先哲叢談正編卷下

備中

阪谷朗廬校閱

北越

松村操編述

○太田元貞字公幹一字才佐號錦城加賀大聖寺人。

錦城生而穎異五歲始識字十一作詩十三講說經史鄉里號曰神童登從其兄伯恒切劖家學然不甘為方技之人父女學精小遂有四方之志是時

京都有皆川淇園江戶有山本北山一時稱大儒

近世先哲叢談卷下

錦城乃西遊事淇園請益不滿其意也乃東行從北山質疑亦不滿其意也於是慨然欲求之古人勵精刻苦時年甫弱冠舌耕為業落魄無資且遭歉歲拮据大窘

錦城見北山之為人徃徃有不慊於人意者乃與大島无害山中怨之俱投書絕交既而漂游於二毛之間險阻艱難莫不備嘗而其執志益堅後再來江戶下惟教授

錦城志氣豪邁不肯屈於人貴富者寡遇獨幕府醫官多紀桂山容之桂山博學洽聞名震關東而愛

客下士一時知名之士多從之遊而特嘉錦城才學使其子弟受業錦城名顯都下者桂山為掄揚也

錦城學問淵博百家之書無所不讀而尤長於經學密乎考據上自先秦古文下至後世雜書苟有關經義者莫不旁引曲暢審其同異辨其是非者雖雅崇宋學而至其說不合己意者則糾駁無避竟自建一家學又至如老釋之書占相之說亦皆粗究其歸趣四方之士聞風登門者甚多矣

近世先哲叢談卷下

口辨講說經史雄辨如流近取譬喻解說爽快使聽者躍躍興起又於郡國利害亦竊究其故然獨好談邊塞事至時世得失則不敢妄議曰治亂之源在人主奢與儉而已

初水戶侯聞其奇材將欲辟之適有沮之者而不吉田侯重禮招之使為世子講說經書遇之甚厚世子嗣立就封錦城從焉明年乞暇再遊京都播紳學士聽其論說莫不驚嘆

是時加賀侯惜錦城北藩之產而為境外賓師屢遣使吉田侯請之吉田侯不肯乃倍其祿禮遇逾渥

然加賀侯請不止。不能峻拒。以命錦城。錦城亦以其父母之邦。起而應其聘。加賀侯授祿三百石。班。上士。不煩以職事。

錦城嘗論講武。練兵曰。威敵利器。固在弓銃。而養士。率之勇。莫如刀槍。或專恃長兵。而不。用短者。俗必弱矣。

吳客江稼圃。來寓長崎。求錦城九經談。多紀桂山醫。賸。村瀨栲亭藝苑日涉。携還。

錦城嘗論明清革命曰。天地淑靈精秀之氣。蔚勃磅礴。充塞于兩間。以生偉人者。豈中國之所專乎哉。

近世先哲叢談卷下

有時乎。鍾秀於中洲焉。有時乎。鍾美於夷狄焉。是

故中古以來。戡定亂逆。以主于天下者。中國與夷

狄。狎出之。是其常也。何必惡滿清乎。詩書春秋惡

夷狄。而尊中國者。惡其亂彝倫敗禮法也。雖然。弑

父弑君。兄弟相賊。父子聚麀。虎狼心。禽獸行。不知

忌憚者。中國之人世有之。是豈周公孔子之所尊

乎。春秋之時。以秦楚為夷狄。然秦有穆公焉。楚有

莊王焉。北魏孝文之恭。謙仁孝。金世宗之仁厚儉

素。元仁宗之溫潤慈儉。豈可以夷狄斥之乎。然則

聖人之貴華而賤夷者。在其所行之華夷。而不在

其所生之地也。儻以其生于邊隅荒陋之地。斥為

夷狄乎。孟子有言。舜東夷之人。文王西夷之人。聖

人亦在所斥乎。是呂留良曾靜之所悅。而豈古聖

賢之意乎。嗚呼。中原有菽。庶民采之。螟蛉有子。蜾

蠃負之。天命靡常。唯有德者得之。而無德者喪之。

則要可論其德如何也已。華夷天人之辨。措而不

講。亦可矣。其識見如斯。

錦城有六子。長德厚嗣。仕加賀。以善擊劍稱。三子敦

仕吉田。以才學聞。

錦城嗜詩。詩名亦著。所著有錦城百律。錦城詩稿。晚

近世先哲叢談卷下

發三鳥詩云。

滿天風露曉光清。殘月朧擔鷄未鳴。一路淒然

秋草裡。停轡幾度聽蟲聲。

○藤田一正。字子定。號幽谷。通稱次郎左衛門。

水戶人。

藤田氏之先。蓋出自參議小野篁。子孫世業商。居水

戶下谷。幽谷幼而穎悟絕人。初受句讀於志水元

禎。日誦數百言。後師立原東里。學業日進。年甫十

三。為長赤水壽序。讀者嗟異。稱為神童。東甲奇其

才。薦為館生。時年十五。文公就藩。數召見。令為詩



文以試之。授筆立成。公大奇之。累進祿秩。其後召至藩邸。侍讀國史。既而坐言事。免職。數年再入史館。與編修及文公補志表。命幽谷專掌其事。武公時擢為小納戶。總裁編修事。無幾遷郡宰。兼編修。及公獻新刻國史於天朝。代公為表。後罷郡職。不為總裁。食二百石。

幽谷為人豪邁。而有至性。少喪父。服心喪三年。為世罕聞。性嗜酒。有邀之者。對飲酣暢。不擇雅俗。盡歡而止。人以此愛之。

幽谷成童時。著讀孝經。長赤水示之。清人程赤城。亦

近世先哲叢談卷下

五

城大嗟賞。致書云。以吾土之大。妙年屬文。固不乏其人。然至論經義。則寥寥。聞貴國得才。實可貴也。

幽谷教人專在忠孝。成童讀保建大記。憤發興起。從此好讀書。倍他日。十八歲著正名論。言君臣大義。其教子弟以忠孝者。本於此也。

幽谷好誦古人歌詞。常謂詩言性情。漢唐之詩。猶周詩三百。人情風俗。瞭然可觀。可以感發興起人之志意。皇朝之歌。亦猶漢唐之詩。自古事記書紀所載。而及乃葉集以下。歷朝選集。可使人感發興起

者。為不鮮。然至末俗之弊。則貴綺麗。務纖巧。中書之言。淫猥不可道者。比比有之。乃欲使門人鈔錄其切於人倫。裨於風教者。題曰羣原集。未果而終。幽谷不喜臧否人物。授資治通鑑。及綱目。歷史綱鑑等書。謂綱目書法甚嚴。然其所附載書法。發明等。多譏議古人。令少年讀之。其弊議論太過。責人苛酷。恐失忠厚之意。甚至好稱人惡。綱鑑等亦然。又謂山崎氏之書。其興節義之氣甚佳。然所論過密。使人心狹隘。疾不仁己甚。非所以長養德器也。

近世先哲叢談卷下

六

幽谷專力正學。不好曲藝小技。而視記聞俗學。與雜藝等。素不喜。晉人清談之流。尤惡老莊之學。謂老氏陽唱恬澹。無為。陰自恃聰明。貴智術。不欲踏古人轍迹。非譏聖人。別立一箇之見。其流為申韓。司馬子長以申韓與老莊同傳。可謂卓識。故幽谷說老子之書。與王弼等賈別。戲謂人曰。我欲造老子像。擊其頭為節。以說其書。而其所解說。皆前人所未發也。

幽谷每誦陶淵明語曰。好讀書。不求甚解。每有意會。便欣然忘食。讀書求甚解。其能實解之者。蓋鮮矣。



但其有意會。而至欣然忘食。雖不甚解。而實能解之者也。又曰。咀嚼二字。讀書之要訣。讀書不能咀嚼玩味。忽忽者過。雖日誦千百卷。太抵不免為耳食之徒。又曰。古人謂眼光透紙背。是真能讀書者。若徒嘗古人糟粕。不能開活眼。以看破肯綮處。誦習陳言。疎迹所見。不過紙面文字。不可謂之能讀書者。吾謂能咀嚼。而後眼光可透紙背。如此則意會忘食。亦在其中也。

古文尚書。孝經孔傳。孔子家語。後人偽作。諸儒辨之。既有明說。幽谷蚤歲亦辨明之。有舜典二十八字。

近世先哲叢談卷下

考。又辨安國孝經序偽造之跡。鑿鑿有確據。時太田錦城倡考證學。論說經義。大有所發明。幽谷每推稱其博大。使門人謄寫其所著書。或使之游其門而受業。是以門下之士。講論經書。有得於錦城者亦多。錦城亦與幽谷相懽甚厚。嘗有送序曰。天下之英雄。公與我而已。幽谷取善於人。不挾彼此如此。

幽谷尤重君臣之義。恒語人曰。天祖垂統。天孫繼承。奉三器。以昭臨宇內。皇統綿綿。與天壤無窮。實如天祖所命。是神州之所以冠四海萬國。天祖天孫

固與天一矣。世世相襲。號天津日高。騰極謂之日嗣。神天合一。與殷周配天。尚不免於與天為二者不同矣。論國體。其大旨如此。

幽谷素憂邊事。當時不見干戈二百年。文恬武熙。無復言兵事者。幽谷謂。滿清乾隆之西師。去今三二十年。一水之外。用大兵革如彼。雖海內無虞云乎。而治安焉可恃。乃欲著西土詰戎記。以警發世之安於無事者。屬稿粗成。遭多故不果。

幽谷召來江戶藩邸校訂大日本史。與高橋坦室議。欲更題號。致書水戶諸子。時議論不一。其說不行而止。幽谷復與坦室議志目。後數年。藩侯命修志表。遂與定議。為今之志目云。

幽谷以病終於家。享年五十三。有一男二女。男即東湖也。

○賴襄。字子成。通稱久太郎。號山陽外史。二號三十六峰。廣島人。

山陽幼穎敏。嶄然見頭角。年甫十三。父春水祇役在江戶。作詩寄之。昌平黌教官柴野栗山見之曰。春水有子。不教之為實材。乃欲使為詞人乎。宜使其讀史知古今事。而史自通鑑綱目始。會赤崎元禮

歸國。過廣島說之。山陽感奮。日讀綱目。然記治亂之大勢而已。書法發明等。不屑讀。栗山聞而益奇之。

山陽年十八九時。作蒙古來詩。或以示龜井南冥。南冥一讀激賞。貼之壁。每酒酣。輒朗吟稱快。山陽聞之。感其知己云。蒙古來詩曰。

筑海颶風連天黑。千艘艤舳來自北。笑殺碧眼蒙古兒。怛勝漫鼓圖南翼。嚇得趙家孤與寡。持此來擬男子國。相摸太郎膽如甕。防海將士爭飛輕。倒檣為採鷁退飛。兵捷已壓宵帳夢。磨厲

近世先哲叢談卷一

九

無期鑒大羊。昔將瑞穗博乳湮。君不見風伯一駢附雲濤。不使羶血蛟日本刀。

山陽豪放不羈。遂以多病免仕籍。遊備後。寓菅茶山塾。去游京師。遂止焉。初僑居車屋町。徙于銅駝坊。于木屋街。又買家三本木村。稱水西莊。仰望嚴岳。俯臨鴨河。晨夕對坐。感悼古昔。鬱勃之情發於咏言。庭中置一小草堂。稱山紫水明處。

聞父春水疾篤。時聚徒講莊子。投卷即發。晨夜赴之。至則蔑及。遺憾不敏。自置。自是終身不復講莊子云。

其執筆遣興。縱橫揮寫。人爭寶之。篠崎小竹曰。所謂笑謔罵詈。皆成文章韻語。山陽在焉。

山陽為人癯瘦。體高眉蹙。眼采炯炯。望之有威。性峻峭。不能包容尋常之人。常慨昇平日久。士氣不振。故以氣節自持。亦以導人。其去國誓曰。已不能仕父母之國。不復著朝服見貴人。諸藩多聘之。皆固辭不應。

日野大納言公資愛好文。時招都下諸儒。為文字飲。聞其名招之。不往。其請至數四。乃陳野人不習禮節。若許野服出入。乃賜予之際。無類臣禮者。則敢

近世先哲叢談卷一

十

奉命。公許之。乃往。諸儒中有議其傲慢者。山陽作書辭。赴宴。略曰。裹受恩舊藩。義當委質致身。而少小多病。有所不耐。且天資疎狂。不能從物俯仰。得脫羈縛。放浪自適。喜平安山水幽秀。其文士總非仕途人。乃樂居之。託跡市陌。杜門戢影。除看竹尋花之外。未嘗與人相往來。自念。既已不仕父母之邦。敢折腰於他人。不獨不仕。誓不蹈王公之門。何則。蹈王公之門。不可不穿仕者之服。執仕者之禮。是性所不能。苟能之矣。謂父母邦何哉。襄野人。本無求於王公。特感閣下之知遇。鞭撻策情。周旋至

今。今乃如此。則閑雲野鶴。何天不飛。何必勉已。所不能。俯學都人士之為。為天下高人所鄙笑哉。云云。公益敬其不屈。爾後獨召賜宴。

山陽時戲為畫。一大藩侯見而喜之。其臣古賀穀堂。寄絹二幅。請畫焉。山陽怒曰。以我為畫師乎。乃作二絕句。大書其絹返之。詩曰。

磊砢橫胸不自持。吐為狂墨漫淋漓。此心應有故人識。敢向侯門喚畫師。

曾謝橫經弄翰儒。寧將餘伎待觀娛。胸中畫本猶堪獻。彷彿幽風七月圖。

近世先哲叢談卷下

十二

山陽八九歲。喜讀國字本。古今軍記。至忘寢食。嬉戲又搏土作城郭軍營狀。既受句讀。晝夜不懈。嘗患眼。春水固禁之。陰讀不止。年十四五。一日因曝書。見東坡史論。曰。天地間有如此可喜之文乎。

山陽喜聚古人名蹟。苦心購求。而至如書卷。僅僅數部而已。平日乞假讀書。讀畢。即還之。終身記而無忘。

山陽發咳嗽。咯血。群醫以為難起。因作咯血歌。以遣病中之悶。歌曰。

吾有二腔血。其色正赤。其性熱。不能避之。明主

前。赤光燦向廟堂微。又不能濺之。國家難。留痕大地碧弗滅。鬱積徒成磊砢凝。欲吐不吐中逾熱。一旦咯出學李賀。難收糝地紅玉屑。或曰先生閱史遭姦雄。遭天罰。睢陽之齒輒嚼齧。渠無寸傷已自殘。憤懣遂致肺肝裂。或曰先生殺人手無鉄。發奸擿伏由筆舌。以心誅。心人不知。靈臺冥冥滯陰血。吾聞此語而未領。童子進曰。走意別。先生肉中本無血。腹中奇字僅可剜。賺得杜康爭載酒。劍菱如劍岳雪雪。大福藏府受不起。溢為赤紫戒饕餐。咄哉。此意慎勿說。

近世先哲叢談卷下

十三

有一生。讀外史。山陽領之。後又來促曰。欲獻一權貴焉。山陽正色曰。我史非權門納媚之具。竟不與。

外史之成。凡經二十年。既成。猶秘之家。白河侯樂翁聞之。昇禮厚幣。以請之。自是遂行于世。山陽上樂翁公書曰。拮据二十餘年。藏之篋笥。未嘗示人。今乃得閣下之寓目。以取信於天下後世。真意外之幸也。襄雖無求於今日。而不無求於千百載云云。山陽常用心者。經濟之學也。弱冠後。擬蘇氏策論。作新策十餘篇。晚歲頗刪潤之。通議是也。先死三日。忽曰。猶有不可不言者焉。即日草內廷篇。自題通

議後詩曰。

藝苑鴻文錯典墳。儒林閣議愧河汾。吾無周禮橫胸裏。直據肝腸寫示君。

敬輿駢體含流動。和仲分篇見貫穿。跋鼈自知千里隔。學文亦似上青天。

洪流日夜淺成深。未缺金歐自古今。策漢過秦同一意。無人識得賈生心。

半生歲月酒中消。落魄耽詩鬢欲凋。小杜唯留二論在。豈無身後李文饒。

陳編儘許口縱橫。敢趁諸公贊太平。未必語言

近世先哲叢談卷下

十三

當寂寞。且憑筆墨鬪蛟龍。

山陽詩勢叙實際。不事虛設尤長於歌行。喜咏史。雄渾勁蕩。凌轢千古雅言曰。余不欲詠物。詠物不若咏史。史中有無數好題目。皆可成真詩。舍之而曰雁字驚梭。無為也。

山陽平生耽讀書。勤著述。常曰。謂我才子。未悉我者也。謂我能刻苦者。真知我矣。日夕置酒。必呼門生對飲。飲有限。限既盈。不過一杯。醉中好演平語。酒醒。輒挑灯讀書。至五更而後就寢。晝則已。婢前起。自收衾裯。掃戶牖。以為常。無寒暑一也。

山陽常談歷史文章為樂。其病猪飼敬所來訪。談及南北正統事。議大不合。敬所既去。山陽曰。苟以北朝為正統。豈以新田楠諸公為亂臣賊子乎。方言乏之時。目張眉軒。其慷慨激切。雖病不衰也。遂更著正統論。置之政記中。初論後。

山陽嗜伊丹之釀。尤愛號創菱者。嘗赴日野大納言宴。曰。酒非伊丹之釀。不能飲。魚非琵琶湖之鮮。不能喫。

政記最晚年之作。記事多成于病中。病既革。曰。我死方逼矣。然猶著眼鏡。手政記。刪潤不止。忽顧左右

近世先哲叢談卷下

十四

曰。我將假寐。乃擲筆。不脫眼鏡。而瞑。就撫之。則已逝。

山陽經說歸主洛閩。而不甚墨守。要以通古聖賢立言大意為務。其議論以適用為主。書名亦謙。四方爭索。緇素滿室。然是皆緒餘耳。

山陽接人。不設城府。直吐肝膈。人苟違其意。對面詰責。不少假借。改則止。未嘗毫介意。教門生。甚用意。講書不抗聲飾辨。諄諄如談話。倦則吹烟喫茶。必摘發蘊奧。剖析妙旨。使人人了。然而後止。講經之席不肯列繻徒。

山陽自作己像贊曰。身偃仰一室。而心閱百世之失。得不恤己。鹽齏而憂人家國。嗟是何物。迂拙男兒耶。雖然烏知無念此迂拙者之時乎。又曰。此膝不屈於諸侯。聊答故君之德。此眼竭之於群籍。不虛先人之囑。此脚侍母輿。二躋芳山三踰大湖。四上下漢灣。而未曾踵朱煩之門。此口不銛殘杯冷炙。而此手欲援黔黎之寒餓也。所著日本外史二十卷。日本政記十五卷。通議二卷。春秋講義若干卷。先友錄一卷。文集十卷。書後題跋四卷。日本樂府一卷。詩鈔八卷。遺稿八卷。文錄一卷。

近世先哲叢談卷下

山陽嘗如豐前觀耶馬溪。愛其勝景。圖以相傳。且為之記。自是溪名藉世。襄糧往觀者。往往不絕焉。山陽娶石川氏。生四男。曰辰之助。次曰號。號聿蒼。承宗家。曰又二郎。號支峰。曰三樹三郎。死國事。

○田能村孝憲。字君彝。號竹田。豐後岡藩人。

竹田幼好學嗜詩。才思秀拔。稍長學醫。非其志也。藩侯特命轉儒員。時年二十三。

竹田東來江戶。從古屋昔陽。岳東海學。專攻經藝。先是唐橋世濟撰豐後地理志。未脫稿而死。藩侯使竹田及伊藤寬叔卒其業。竹田居東僅一年餘。歸

寬叔同脩其書。書成。藩侯以進呈幕府。而賜竹田寬叔時服。以賞其勞焉。未幾。竹田遊熊本。諸名士見而奇之。後又游京都。就村瀨栲亭學。栲亭視之極厚。居二年還于岡。

竹田多病。不勝世務。懇請致仕。藩侯許之。更賜養老俸以優焉。時年三十八。竹田自是不復講經史。游養性。風流自命。以書畫為娛。數游京坂。而不好泛交。特與賴山陽。筱崎小竹。小石樗園。僧雲華等。締交厚善。竹田素多才藝。能詩文。又善書畫。旁及聞香喫茶之伎。莫不窮綜焉。我邦希作詩餘者。竹

近世先哲叢談卷下

田以為藝苑闕陷。夙刻意學之。竟撰填詩圖譜。刊布于世。小竹稱其自作詩餘。曰詩餘中之猶龍。竹田於詩文書畫。雖為一時名輩所許可。而其所得意者。以畫為第一。名輩亦以為然。山陽嗜畫。性高簡傲物。而於竹田畫。則嘉歎不舍云。

初竹田遊大坂。時有米山人者。善書畫。特喜竹田畫。曰我衣鉢。後來可附者。唯吾子耳。其夙被名士知如此。

竹田少讀白樂天詩。慨然感悟。乃作讀長慶集七占一篇。以述懷。李紫雲一讀。淒然至泣下。詩云。



七八年前始咏吟。暗生塵世厭離心。爾來流轉東西路。單身得備嘗浮沈。今日扶病又吟咏。倍知厭離入骨深。行文不必要奇險。情真能徹石與金。至樂處藏至悲旨。極樂地包極哀理。狂言綺語七十卷。成佛因緣存此裏。小蠻細腰樊素唇。料知天女化現身。池上雙鷗門前駭。他生應得變為人。聽之截斷煩惱苦。咏之解脫生死輪。信口吟了千万句。漸施殘灯冷香獸。信憶茫茫東海東。生晚落在長慶後。一吟一更天欲明。復沾前淚未乾袖。

江世先於菴談卷下

竹田嘗論畫曰。時人學書。不論巧拙。有所根底。畫史則否。水石屋舍翎毛花卉。從人請求。突然命筆。無所考據。盡取諸臆。不知古人規矩在何處也。傳者已妄。承者漫然。或試叩之。茫乎失其所答。流弊如何也。請少思諸。又曰。不患用筆不工。而患精神不到。用筆工者。特宜撫仿古人精神到者。自家立脚。○青山延于。字子世。通稱量介。號雲龍。一號拙齋。仕水戶藩。

祖興道以篤學聞。父延彝善繼其業。皆終於小官。雲龍幼而機警。三歲時。見人讀數名。鵝默記之。延彝

奇之。書方名及干支之類於小簡以授之。記誦如流。

雲龍稍長。受業立原萬。肆力文章。手寫抑文。文才大進。鏘鏘卓絕。為時所稱。年二十餘。來江戶。與先輩平洲北山等結交。時水戶藩文學隆興。高橋坦室。藤田幽谷。川口綠野。皆擅聲譽。雲龍與之齊鑣。竝驚駭。駭乎爭先。而至文辭。則皆推雲龍為擅長。

水戶文公親校大日本史。督課諸生。脩史表。雲龍撰神祇志六卷。以獻。初。父延彝脩神祇考。網羅群書。臚列衆說。以備史料。而雲龍據之。擷其精萃。一歸

江世先於菴談卷下

簡淨。及文公薨。武公善繼遺志。督課史臣。雲龍撰禮義輿服二志。以獻。尋有大日本史上梓之命。始獻刻本二十六卷於天朝。雲龍與有力焉。

雲龍哀公時。補彰考館總裁。時年四十八。於是移家江戶。嚴立課程。校讎大日本史。數歲而上本者甚多。時鏤板未有藏庫。雲龍懼火災。屢以為言。有司咸笑其迂。雲龍累請。有司不得已許之。庫始成。遷刻板纔畢。而藩邸災矣。一時驚以為神。

雲龍建言。請脩水戶藩史。哀公從之。命新開史局。脩藩史。任檢討筆生者數人。雲龍日夜拮据。每進一



卷。哀公稱善。無何。稿粗就。體裁倣史記。自藩祖威公。迄文公。定為世家凡七卷。姬妾公族為家人傳。凡二卷。列傳凡十二卷。其他至儒林歌人孝子循吏藝術方技姦臣諸傳。總為三十六卷。命曰東藩文獻志。大抵係雲龍所脩。子延光時年才弱冠。亦任脩撰。列傳則延光所撰。居半。而刪潤未成。哀公即世。雲龍罷職。史局亦廢。故如其列傳。有未全備者。識者惜焉。

近世先哲叢談卷下

藩邸罹災。哀公避之涵德亭。雲龍夜往候起居。近臣止之曰。涵德亭則後宮侍馬。替御皆不得往。雲龍曰。今日之事。安得以常例論。公獨與姬妾避災。而近臣不得往。將何以備非常。乃見參政論辨。近臣乃得待衛。

哀公未有繼嗣。雲龍憂之。上書論其事。公嘉賞。賜以手書。未及評議。而公不豫。人心危懼。雲龍見執政論之。不合。乃齎公書。詣宗室守山侯。極論之。侯深然之。公尋薨。景山公子襲封。是為烈公。人心乃定。烈公拜鹿島宮。歸路過齋女居。祠官請公拜。公顧雲龍問之。對曰。齋女不為貴。奈何拜之。乃止。

執政藤田貞正赴江戶。雲龍賦詩送之云。相送仙坡

湖上亭。回頭鴻雁滿郊坰。到日君公如有問。為言宿夢幾莖青。注云。近者官置園地。麥苗為鴻雁所食。然官有嚴禁。不得驅士民以為憂。故末句及之。貞正尋白公。公為之弛禁。

烈公建弘道館於國。擢雲龍為小姓頭兼總教。雲龍日登學館。孜孜不懈。既而患中風。瘵而復發。終於家。享年六十八。

雲龍為人剛直嫉諛。不為流俗所容。而武烈兩公尤優遇之。雲龍感其知遇。盡言無隱。左右或竊笑。以為己而雲龍不顧也。

近世先哲叢談卷下

雲龍平生尤慨義公遺志未成。每曰。大日本史是公之事業。臣子奈何不力。故嘗著皇朝史畧。述歷朝概畧。又著文苑遺談。以述史臣之議論刪定。又著詞林摘英。以表其詞藻。終身之業。莫非所以報義公者云。

雲龍又嘗欲輯東照宮以來事實。以為一書。編國史料數十卷。摘其大要。又撰明徵錄十卷。

烈公放鷹于小梅別墅。以所獲野鴨。賜雲龍。雲龍不勝感喜。即賦詩曰。

雄志常嫌狃宴安。平明跨馬下林巒。回風拂地

霜鷹疾半月臨溝烟水寒滋味新嘗君子賜糟  
糠初飽野人餐未有消埃答殊眷感恩豈帝銘  
心肝

拙齋小集云甲午歲我上公以臣延于所著皇朝史  
畧獻于知恩院法親王法親王獻諸天朝以備  
乙覽帝嘉之使婕妤報書法親王上公以其書  
賜臣延于以為家琛陪臣之榮莫大焉臣延于不  
任感激謹賦一絕

誰道長安万里遙一封瓊簡降雲霄不是君恩  
深似海更編爭得達天朝

近世先哲叢談卷下

雲龍志氣軒昂自負氣節不以儒生自居暇則擊劍  
舞槍馳驅講射以文柔為戒生平常曰予若遇豐  
太閣之時當與群豪並駕齊馳五戶侯豈足言其  
志氣之豪如此

雲龍與山水比山書曰延于自北角有志於斯文然  
稟性不羈不修章句常以為寧為狂士不為庸士  
寧為瑜瑕不為瓦全以是求友不見有一人同于  
己者矣其后好文辭乃稍知有沮洳者大慕其氣  
節讀其文辭聞其餘論未嘗不想睹其風采又未  
嘗不為之搢擊而以歎不與之同世也若其文章

學術雖有可議者然其豪氣勃勃豈近世學者之  
倫哉既而自咎曰噫吾過矣今世豈亡豪傑之士  
耶顧我未遇焉爾客歲予遊東武廼始獲謁門下  
於是知先生之文章氣節冠冕一時而大與世之  
所謂道學先生者異矣不佞向謂今世必有豪傑  
之士先生豈其人歟云云

水戶近郊有一贅者餓卧數日路人不顧雲龍往問  
贅者曰某有所往路遇劫徒資財蕩盡餓困至此  
雲龍作食與之問其鄉里告郡宰送還之

近世先哲叢談卷下

維新初徵為大學中博士所著有國史紀事本末  
等數十種次延昌出冒佐藤氏次延之冒佐佐木  
氏次延壽皆以學術聞次延方早沒

○松崎復字明復初名密字退藏號懶堂肥後  
人

父曰惠法世業農懶堂幼聰穎數歲能讀四書五經  
十歲以父意雜髮為僧年十五乃欲歸平儒出奔  
江戶搜其親族不能獲還至武相界遇盜盡喪囊  
銀彷徨至豆之三島歛寺門投宿主僧叩其志而  
憫之作書託之江戶稱念寺寺主女門玄門愛其

敏慧。勸為僧。慊堂不肯曰。若欲為僧。吾鄉之寺乃鉅於此。唯其不欲。是以奔己。玄門知弗可奪。曾助游資入。諸簡順林氏門。寓昌平學。

慊堂在昌平學也。氣力兼人。治經為文詩。斬然駕等輩而上之。居數年。林氏聞其才名。延致家塾。適佐藤一齋亦在焉。相與磨礪切劘。學業益進。

掛川侯辟為藩教授。食俸二十人口。無幾。侯卒。嗣君立。深識慊堂。政事無巨細。多詢之。慊堂悉力匡翼。所言莫不行。藩法。凡士大夫死無嗣者。許暴納異姓為後。而降祿爵。謂之急養子。慊堂建白。凡如此

近世先哲叢談卷下

五

者。宜博搜精選。以期於得器。不應期限匆遽。致謬取匪材。其未得之。賜祿如故。則餼粟之費小。而得人之益大。從之。慊堂真贊之。功率如斯。

朝鮮來聘津島林氏例。當接伴。乃請慊堂以往。從前接伴之儀。失體者。至是悉革焉。若林氏私見用便服。燕語具書記。投贈從彼而我乃和答。皆與慊堂謀定之。慊堂學殖淹博。文辭瞻敏。鮮客敬服云。

肥後侯以慊堂其國民也。將請諸掛川侯復之。慊堂謂。出女可以改娶。而娶婦不可再醮。君臣夫婦其義一矣。吾歸于此十年。所天三喪。不可以移矣。遂

與書其鄉人曰。越鳥飛集於燕。為主人所羅。受其美餌。南望之情。雖切。奈主人之恩何。往復數回。辭旨甚懇切。肥人乃不敢強焉。於是作和陶飲酒詩二十首。以示志。遂乞骸骨。買山于府西羽澤村。別茅以家焉。乃謂石經山房是也。

幕府有召見之命。召見將軍。即日藩侯賜爵用人。別給俸廿人口。其後歲時奉朝請。是歲幕府命列侯十萬石以上。各刺典籍。慊堂躍然曰。是盛舉也。張而大之在吾儕矣。因注古典。善本僅存皇朝。當急鐫者。題曰擬刺書目。獻諸當路。

近世先哲叢談卷下

五

肥後國主亦召見。即建言。請借足利學所藏宋槧五經注疏而梓之。事始就緒。而慊堂嬰疾。及病。尚說修經事。娓娓口占。以授徒。至瞑目然後已。

弘化元年四月。易簀於山房。享年七十有四。門人商議。卜地於郭西目黑村長泉院。以葬焉。慊堂嘗有家園萬里不歸得。且住都城。而盡村之句。故其宅兆亦指之郭之極西。遵素志也。

所著有接解紀事。接解瘡語。游豆小志。換骨志。喜游東阪錄。日錄。文詩。所校栞。有影宋爾雅。陶子集。三謝詩。其審定十二經。及五經文字。九經字樣。刺已

成。孟子大戴記。則不逮成云。

懔堂資性真摯。厚於人倫。誘掖後進。惟恐不及。視人危急。赴救如水火。雖其骨肉至親。趨起不敢為者。獨忘身從之。孤兒寒士。及貧不能嫁者。賴以獲所者。不可勝數。其或負恩。及或有過惡。泯然不留於臆。若始不記其事。諸故舊死者。逢忌日。雖遠必往掃墓。不以風雨寒暑少懈。先侯墳墓在箱根。距都三十里。屢往而拜之。玄門死。視其子。如視玄門。前後交游其廣。最與狩野掖齋相推重。自言。吾志於復古。得之掖齋為多。晚年聞望益隆。閣老參政或至。交膝咨諏。然惺議遽秘。人莫得而聞之。故不能傳也。

近世先哲叢談卷下

五

鹽谷宕陰年十九。始執贄懔堂。爾時宕陰客氣甚盛。高談放論。以為快。是以初見日。即及熊澤蕃山事。懔堂喻以功名不可期。儒者之業。唯在經義文章。宕陰後大有所悟云。

懔堂嘗與書林茗澗曰。古之學者。專力絃誦。依其法。簡緣省事。就靜僻閑院。取九經三史等書。各誦五六千言。其間則依朱子讀書法。益研尋其義。如此數年。學庶乎達矣。

○齋藤馨。字子德。號竹堂。通稱順治。仙臺人。世仕伊達氏。

竹堂幼而穎敏。其在仙臺就學。諸儒官屢稱其文才。及來江戶。游增島蘭園之門。蘭園亦深許其該博。遂入昌平黌。與一時名士文人。上下其議論。業大進。老儒碩學。皆嘆賞。待以別格。既而西經京攝遊山陽鎮西諸州。又好探近郡諸名勝。有報桑錄。鍼盲錄。游毛觀梅諸遊記。

竹堂歸省鄉里。整頓家事。携母及妻。再來江戶。下惟於下谷相生町。聚徒教授。名聲益起。

近世先哲叢談卷下

五

仙臺侯聞其名。將擢為儒員。不幸罹病。綿惓彌留。遂下世。年僅三十八。葬於高輪東禪寺。

竹堂病革。自知不起。援筆題詩曰。

阿母東迎百里程。晨昏齋志若為情。唯餘一事幸然處。埋骨青山伴二兄。

竹堂有二兄。皆好學。客死于江戶。而竹堂亦死于江戶。人皆哀不辜。

大槻磐溪聞竹堂赴也。嘆曰。噫。斯人而至於斯。實文運之一厄也。吾豈獨為一人慟哉。方今海內宿儒老輩。彫喪殆盡。而晚出後進。任斯文之責者。誰耶。

當是時以子德之才之學。張壇玷建旗幟。固足以一振頹風。而鼓舞文士之氣矣。而中道不終。可勝痛哭哉。設使天假之年。以終其志業。攀東涯而駕白石。亦匪難也。

所著有藩祖實錄。盡忠錄。與羽舊事。讀史贅議。蠹齋傳。佔畢餘音。蕃史。洋祿。孟浪語。鴉片始末。竹堂文集。竹堂詩鈔。

竹堂軀幹短小。而又短視。衣服不飾。容貌怕怕。不敢放言高論。故不知者。視以為尋常書生。及數接看其稿。聞其論。駭汗俯服。始敬之。其在江戶。古賀侗

近世先哲叢談卷下

三十一

恭。安積良齋。野田笛浦。梁田星巖諸大家。稱揚不容口。而羽倉簡堂尤推服。惟其友。其西遊也。齋藤拙堂。篠崎小竹。後藤松陰。虛左待之。小竹嘗云。婉轉玲瓏。王走盤。讀子德文。使人發妬心。謂其才不可及也。

其遊鎮西時。訪豐後帆足萬里。萬里以碩學自重。地。去江戶遼遠。未聞竹堂名。將命者報其來訪。萬里曰。余有事。留十日。乃可相見。竹堂笑曰。十日之間。將在江戶彩雲之中。拂袂去。子德歸日。語人曰。帆足先生。誠豐人也。

竹堂嘗論文曰。明米學士文。雄大。抑却有和臭。吾邦佐藤一齋。文章精鍊。無此弊。抑亦有意於以助字為漢文。識者以為知言。

○藤田彪。字斌卿。通稱虎之助。後更誠之進號。東湖。仕水戶藩。

東湖如而奇穎。稍長嗜武藝。不甚喜讀書。年踰弱冠。慨然自奮曰。絳灌無文。隨陸無武。古人所笑。丈夫奈何不學。遂刻苦讀書。

東湖年十四。會父幽谷祇役於江戶。往而寓其舍。始見龜田鵬齋。太田錦城等。亦時遊岡田十松之門。

近世先哲叢談卷下

三十二

試槍術。初東湖學十字槍法於某氏。獲所謂免許者。自知華法不適用也。至是從伊能一雲齋。學其槍法。及幽谷竣事而歸。留東湖寓於吉田愚谷之舍。戒曰。文武之道相待而為用。不可偏廢。汝勿效腐儒之為。勿混武人劍客之流。於是東湖慨然奮發。命所居之舍。曰不息。取諸乾象辭。時烈公以哀公介弟。在藩邸。聞之。親書不息二大字。賜之。

及幽谷沒。襲二百石。補進物番。為彰考館編輯。攝總裁事。論館中五事。其目曰。心術不正者。不宜居館職。曰。正人實學不宜廢棄。曰。攝職之撰。不宜在彪。



曰。史業督課。不宜迫蹙。曰。虛文粉飾。不宜助長。論剴切。文辭雄健。頗震一時。東湖謂。今論川口。卿不身居館職。而無一言責卿。豈不愧於心。乃裁一書。勸卿。以引過乞閒。言辭激切。一藩止。

亞米利加人航海來於常陸大津村。幽谷竊謂東湖曰。頻年外人窺竊遼海。其謂之何。而舉世姑息。無事。則堂堂神州。無一具眼人也。吾甚愧焉。汝遠赴大津。其有所謀矣。吾不幸。唯有汝一男耳。汝死則。吾祀絕矣。是吾與汝命窮之時也。汝勿顧。

近世先哲叢書卷下

五

東湖慨然曰。謹奉教。遂解行裝。會有飛使告曰。放還外船。父子恍然。相顧潸淚云。

東湖容貌魁岸。眼光射人。人一見。服其聰明。而愛其容衆。人有寸長。推獎不措。常延異能之士。酣暢或論。時或詞賦唱酬。詞采煥發。亦能使入屈服。當此時。海內之士。論人才者。必屈指於東湖。聲名震天下。

藩侯宸公病篤。繼嗣未定。人心惶懼。有飛語曰。萬一公病有不可諱。則將請太將軍廢子清水侯。以為嗣。一國愕然。時有宸公弟敬三郎君在焉。東湖曰。

若奉清水侯。則將措敬三郎君於何地耶。於是憤激將來。江戶筮之不吉。東湖投策曰。見吉而行。見不吉而止者。尋常人事耳。至於大事。則固不可以吉凶變其節。今既決死。則不吉既兆。又復何筮。遂與諸同志。馳抵江戶。皆謂。執政有司。既不足與責。所可依賴。唯有守山侯耳。詰支藩守山侯。論繼嗣事。侯許諾。數日公薨。有遺書。題曰。朶雲片片。首載立敬三郎君之事。於是敬三郎君襲封。是為烈公。東湖曰。既不請而出境。又相率震駭府下。其罪不細也。然信宿至今者。以其無君也。今既有君。不宜暫躊躇。即夜上塗。還水戶。

近世先哲叢書卷下

三

烈公既立。知東湖有異材。擢為郡奉行。三遷至側用人。班馬廻番頭。公方網羅一國人才。布列內外。皆號為稱職。而至於通古今。達事體。則東湖為之冠。故公眷遇尤渥。入則參預機務。出則應對四方。公每出新令。東湖一秉筆。頃刻而成。凡公之施為。光明正大。一新天下之耳目者。東湖尤有力焉。

東湖常謂曰。蘇軾有言。道義貫心肝。忠義填骨髓。直須笑談於死生之間。余深服斯語。以為蘇子斯語。可以注孟子浩然之氣也。夫浩然之義。孟子既曰。



以直養。又曰集義所生。又曰配義與道。其所以示人。反覆丁寧。不一而足。推其說。則大學所謂心廣體胖。中庸不愧屋漏。論語內者不疾者。皆浩然之地。而非胸中別有一箇盛大之物也。後世黃吻耳學之徒。或以毫放磊落。跌蕩不羈者。為浩然之氣。大非孟子之本意。何者。豪放跌蕩之人。固愈於小廉曲謹。稱鄉愿者。万万。而苟欠獨慎內省之工夫。則不能無行不慊於心者。小不慊。則斯氣歇然。蝕於中。安在於其為浩然哉。必道義貫心肝。忠義填骨髓。然後正氣充實於其中。及其至。則可塞於天地之間矣。

近世先哲叢談卷下

三十一

幕府俄命烈公傳國世子。東湖亦獲罪屏居小梅別墅。東湖之被禁錮也。既自閉戶默處。亡幾監察府僚吏率工而來。檢視舍地。凡有寸隙者。皆以板塞之。又以板掩門戶。固釘而去。於是米鹽不繼。薪水不通。乃請北隣主人。竊穿其牆。纔通食。東湖家素貧。主是益窮。衣服器物。沽却殆盡。唯餘一轎。竊約賣於一賈人。而無門戶可通。乃止。或謂東湖曰。甚哉先生之迂也。倘欲得金。則作一卷。以轎當債。何必沽却之為。東湖從之。賈人不可曰。凡一物於已。

貸金於彼。所以為質。今轎在夫子之舍。又貸金於夫子。焉在其為質。僕安恃一紙券書。而待夫子門戶開哉。東湖取其理。不復詰。每缺酒錢。熟視轎自失耳。

東湖之獲罪於幕府。窮愁無聊。無所自訴。於是取其平生出處大節。君臣遭遇之際。乃國家所以盛衰變故不一者。論次成一書。曰回天詩史。又著常陸帶。及後東湖遇赦還鄉。或就而叩之。東湖曰。時事吾不欲言矣。欲詳吾行與志。則有回天詩史者。乃自把讀之。慷慨扼腕。繼以淚。且曰。此書前日未可出。出則有奇禍。顧今已十年。國家方泰。此書可以出矣。

近世先哲叢談卷下

三十二

東湖得免還鄉里。烈公受命幕府。議防海之政。乃召東湖至江戶。復原職。東湖夙憂邊塞之事。計畫頗熟。然所持論。或與時牴牾。東湖慨然賦詩云。白髮蒼顏万死餘。平生雄氣未全除。寶刀難染洋夷血。却憶常陽舊草廬。讀者振腕。

東湖初稱虎之助。後南山公感其報國之誠。確然不撓。親書誠之進三字。賜之。於是更稱誠之進云。

東湖初寓江戶。所居之舍。極為狹隘。會夏秋之交。炎

熱逼人。自奮曰。大丈夫苟居天下之廣居。則室之廣狹。於我何哉。

東湖天資豪爽。夙有大志。以明大義正人心為已任。以敬神振武為政教根本。蓋無不本於家學者。每遇大事。以死自誓。無所畏避。皆遵父幽谷遺訓云。謫居詩存云。余以五月六日。奪職謫居。九月十六日。有命。收余田祿及茅宅。給以月俸。賜宅於武隈云。詩曰。何唯落職負君公。今日無田祭迺翁。世態變遷人莫怪。東湖顛倒作湖東。自注梅巷舊廬。仙湖當其東。所以有余號。而武隈在湖之東云。

近世先哲叢談卷下

三十三

嘉永中。外舶屢來。邊境繹騷。孝明天皇深憂之。而嘉烈公留意邊備。繇此東湖名。亦嘗得上聞。計至京都。天皇震悼。有失人之嘆云。

東湖謂曰。士苟欲教育子弟。則其幼也居之城下。講武學文。以立其志。及其心術志操不可奪。則出之於江戶。汎愛親仁。以廣其固陋。周旋士君子之間。以醫其粗俗。則天之所以與我者。自陶冶練熟。庶乎可以無大過不及矣。斯論非獨為我水戶發也。安政二年十月二日。江戶地大震。東湖以是日沒於藩邸。享年五十。烈公悼惜。命歸葬鄉里。明年親題

其碑曰。表誠。命其臣青山佩弦齋。為銘。

○會澤安。字伯民。通稱恒藏。號正志齋。水戶藩人。

其先駿河人。徙常陸。世居久慈郡諸澤村。有仕官者。不亦甚顯。父恭敬。以廉吏聞。水戶藩人物。享和文和為盛。而藤田幽谷為之翺楚。正志齋即其高第弟子也。

正志齋自幼警敏。好學。為彰考館寫字生。初班留付。還江戶。班步士。尋命侍讀諸公子。時烈公最幼。尋為步士。轉小十人。遷馬廻。還水戶。數歲為進物番。

近世先哲叢談卷一

三十四

及幽谷沒。攝影考館總裁職。尋以病辭職。為教授。後烈公擢為郡奉行。轉小姓頭總教。前後增秩至二百五十石。

父恭敬終於大坂。母根本氏終於江戶。相距僅四旬。正志齋東西奔走。艱苦萬狀。而善執古禮。制外心喪三年。

並米利加船至常陸大津村。舢人登陸彷徨。正志齋受命。往而筆語。並人不敢告實。正志齋詰問。並人屈服。

幕府有攘夷之令。正志齋著新論五篇。獻哀公。其後

邊境有事。天下之志士爭作邊備策論。而正志齋則二十年前既獻之。

哀公不豫。繼嗣未定。人心洶洶。正志齋與藤田東湖等來江戶。有所建白。已而哀公薨。烈公襲封。於是識其可用。召見咨詢。及公就國。屢臨正志齋居。公開廣言路。容納謫直。正志齋啓沃居多云。

烈公致仕。國事一變。正志齋致仕。稱憇齋。無幾得謫幽屏。四年而還家。時幕府方議邊備。召烈公參畫。公思正志齋忠懇。再賜祿。

大將軍溫恭公召見諸藩老儒。正志齋與焉。時年七

近世先哲叢談卷下

十四。烈公賜手書曰。今日光榮。比之前日幽囚。一何懸絕。卿其倡導實學。勿負今日之恩。命班新番頭。賜以名刀。

藩侯祀鹿島神。及孔子於弘道館。正志齋創立館制。賜銀絹勞之。以老辭職。侯優勞不許。親書仁者壽三字於磁盃賜之。

正志齋少時。藤田幽谷稱之曰。之子弱齡。頗慷慨有氣節。讀書學劍。不及汲於升斗之祿。其父久困小官。多口而薄俸。時人以書生迂乎求仕。屢說渠以奔走勢要之門。而渠耳如不聞。自守泊如。亦可奇。

也。是其所期。蓋在遠大。而異日能傳其學者。果正志齋也。

幽谷志在經世。不遑著述。晚年始欲筆之書。不幸而沒。子東然才氣超邁。亦中道而沒。正志齋深悲之。遂肆力著述。焚膏繼晷。未嘗懈怠。然其所以自任者。不在著述。而竟著之簡冊者。蓋不得已也。

所著甚多。孝經考一卷。中庸釋義一卷。刪詩義一卷。典謨述義五卷。讀論日札四卷。讀書日札三卷。讀易若干卷。讀周官三卷。正志齋雜錄一卷。新論二卷。迪彝篇一卷。艸偃和言一卷。學制畧說一卷。退

近世先哲叢談卷一

食閑話一卷。洙泗教學解一卷。及門遺範一卷。下學通言七卷。責難解一卷。泰否炳鑒四卷。江湖負暄三卷。讀直昆靈一卷。讀葛花一卷。閑聖漫錄十卷。豈好辨一卷。千鳥異聞一卷。兩眼考二卷。三眼餘考一卷。息邪漫錄初篇二卷。正志齋文稿。同詩艸若干卷。

文久三年以病終於家。享年八十二。葬於千波原先塋。

○鹽谷世弘。字毅侯。號宕陰。一號九里香園。生於江戶愛宕山下。其生也。有以落金甕登遺者。

因稱曰甲藏

宥陰為兒嬉戲常裝軍容執麾踞床群童俯伏莫敢譁父挑蹊奇之口授句讀朗朗上口稍長誦四子五經出就外師嶄然見頭角十六歲入昌平校歲二十一遊關西千里單行文章滿囊歸呈父父悅曰兒能成吾志吾無憾矣

父挑蹊歿宥陰下帷教授以養母宥陰既喪父風樹之感不能自己承顏先意定省溫涼色養備至而家道窮蹙不能具甘旨焉松崎惺堂者當世碩儒也宥陰嘗師事之於是深憫其窮為說其藩濱松

九十九卷叢書卷六

侯乃擢為文學賜十五口適藩侯為首相勵精勤職改革弊政宥陰備顧問知無不言言無不盡嘗上書極諫其過失自意必獲嚴譴閉戶不出數日侯嘉納其言賜物賞之

一日濱松侯讀宋柴望所著丙丁龜鑑躡之命宥陰做其體以編輯本朝事蹟名曰丙丁炯戒錄又命重修家譜先後數年宥陰獨力任之及侯退老嗣君如冲以宥陰為輔導宥陰感其知遇啓沃輔弼鞠躬盡瘁以積勞增俸至二百石與聞國政

宥陰以文章名每一篇出人爭傳誦之天下之士識

與不識咸曰宥陰我歐陽氏也

先是清國有阿片亂宥陰聞之惕然起曰剝膚之漸實在於此矣作阿芙蓉遺聞著籌海私議備論海防自序阿芙蓉彙聞云嗚呼悽諸夷於澳門者滿清之覆霜也庚子之亂其戰龍也乃自我而觀之西海之烟氛又庸知不其為東海之霜也哉至是墨利堅人來有所要請朝議不決人情怵怵荷擔而立宥陰日夜憂念殆廢寢食數作書疏以上當路又疏造軍艦便宜二十條以進焉當是時慷慨論事者往往獲禍咎或為宥陰危微諷說焉宥陰奮

近世先本叢書卷六

然曰吾為國家盡心焉耳禍咎非所顧也最後著隔辯論竟不復言時事

其學經緯史以為實用其治經不墨守宋學原諸漢注參諸唐疏必得其是而後止矣其教人先立志立志期為人聖人人倫之至也事親致其孝事君致其忠推之夫婦長幼朋友之間而皆致其理如是而已矣程明道十四五歲便學聖人朱晦菴八歲題孝經曰不如是便不做人學者自期宜如二先生然

前後入門者數百人邦君諸侯亦多執弟子之禮後

或有為閣老參政者。宥陰不復通謁。

幕府有徵命。初見昭德公。尋為儒官。賜二百苞。別支給十五口俸。於是宥陰欲紀列祖政績以報國恩。乃請修史。見允。纂述經年。繕迄大猷公而罹末疾。以慶應三年八月廿八日。易簣於私第。年五十有九。葬於府北谷中天王寺。

初宥陰病。皇國史乘之未備。欲記織豐二氏以迄德川氏。其在舊藩也。嘗請開史局編國史。不行而止。及其得伸志。亦無幾。罹疾淹淹。伏枕。手猶不釋卷。而天不假年。吞憾而歿云。

近世先哲叢談卷下

宥陰雖以文學興家。不喜以儒稱。嘗語人曰。儒學人道者也。人孰不為儒。上而天子諸侯。下而士農工賈。皆儒也。世豈別有一種儒者乎。予士也。非儒。學槍伎於上原某。受兵法於清水赤城。覃思研精。頗窮縵輿。作長沼澹齋傳。嘗賦詩曰。不願死入儒林傳。輕甲一聯藏在家。蓋實錄也。然平生不對人說。人亦不知其通兵法也。

其容貌端莊。寡言笑。嚴以持己。寬以待人。與物不設畛域。無貴賤。一以誠信接之。某公子賢而厄。宥陰多方周旋。終致顯達。屢傾資財。以賑族人。推轂人

材。振恤窮厄。皆此類也。

為近古史談引云。惜昔從山陽賴氏於京師。晡間侍酒。縱譚前古英雄事蹟。以為常。嘗曰。余弱冠游江都。在尾藤二洲塾。翁杯酌間。好說戰國事。醇乎篤行君子。而其中乃有如此者焉。余曰。亦非由有所謂日本膽耶云云。又題妍醜一覽云。吾目無滌。但聽忠孝節烈之事。輒泣矣。幼時從家慈。觀演戲忠臣藏者。絃歌鼓笛之音。紅紫錦綺之色。眩目湧耳。而余獨咽泣不能語。詰旦照鏡。則双睫紅腫如桃。家慈笑語人曰。之子平日未嘗泣。而今乃如此。何

近世先哲叢談卷下

其與辨慶安宅關之事似也云云。其天質可想也。其為詩直寫其意。不屑磨銀華飾。然往往可誦。其米澤雜吟云。

蠶工紡手各為儕。不見紛華花柳街。錦綺功成皆貢賦。滿城無女挿銀釵。

嘗懸牌于室云。世弘百事皆劣。至於筆翰殊甚。有人需字。多方峻拒。時或不得已應請。揮訖展看。自覺面目可憎。為之愀然不樂者累時。世之君子儻憐我乎。幸勿使我憎吾。宥陰嘗作茗齋二十勝小記。一勝者。曰廟庭丹桂。曰區中梅叢。曰廟西櫻花。



曰聖林夜雨。曰篁裏孤挑。曰樹間鶯語。曰學窓芭蕉。曰四堦黃葉。曰廟屋鶯巢。曰後園黃菜。曰後衢市聲。曰茶溪秋月。曰昌平橋行人。曰駿岡花卉。曰櫻井高柳。曰磯川晚靄。曰台丘夕陽。曰寬永寺晨鐘。曰芝海朝爽。曰蓮嶽晴雪是也。

少時耽讀史傳。常欽慕良將偉人忠烈之事。及遊關西。聞某原有某帝陵。某野有某人墓。則跋履山川。披荆棘。踐蒿萊以訪之。其過長條也。探甲將斷碣。剝苔檢字。導夫訝之曰。君得無甲士之遺胤乎。何其搜索之詳也。其癖古如此。

連世先哲叢書卷下

所著丙丁炯戒錄二卷。不揚錄九卷。阿芙蓉彙聞七卷。籌海私議一卷。隔韓論一卷。大統歌一卷。鞭駘錄二卷。視志緒言二卷。學制彙集二卷。日乘若干卷。享保叢書若干卷。昭代記若干卷。宕陰存稿六卷。

○安井衡。字仲平。號息軒。日向人。

先世出羽人。有安東負朝者。為上野介。徙其采邑安井村。因更氏焉。七傳至家朝。西徙日向。事飮肥侯之先光臺公。家朝十三世孫。曰朝宜。朝宜生朝中。朝中生朝長。朝長子朝完。號滄洲。以學行聞。息軒

即其次子。生於日向清武鄉中野里。

息軒長不滿六尺。面有痘疤。貌寢而識明。色溫而氣剛。飮肥僻在西南海隅。士習樸陋。不喜文事。息軒獨發憤讀書。矻矻匪懈。曰吾治六經。欲開物成務。不幸吾道不行。託之文字。則當求知已於天下後世。若夫區區毀譽。不足以置齒牙。年甫踰冠。東游大坂。見篠崎小竹。小竹與語。大驚。賦詩贈之。後至江戶。入昌平黌。執贄松崎慊堂之門。慊堂一世宿儒。於人慎許可。語其徒曰。安井生。古人也。吾豈可弟子視之乎。其考訂石經。多詢之息軒云。

連世先哲叢書卷下

飮肥侯東勤。以息軒為侍讀。明年創建藩學。遷助教。命巡覽九州。息軒撰觀風抄一卷。上之。侯知其可用。引參機務。革諸弊制。為權要所阻格。息軒不悅。丁父憂。服闋。辭職東行。再入昌平黌。尋寓增上寺僧寮。棲戶苦學。以究聖賢出處進退之旨。考禮樂兵刑古今沿革之故。蓄為道德。發為言論。恍乎若有所得。慨慨乎有餘地。及其聚徒授業。四方俊秀來集門下。而曩時忌息軒者。先後即世。一藩翕然。輿誦歸焉。侯乃擢補用人。給祿百石。息軒移病請閑。仍參預藩政。

嘉永癸丑美利堅艦來求互市。諸侯各修邊備。息軒謂羊質蒙虎皮。其不取敗者幾希矣。因著海防私議一卷。論製艦鑄礮築堡蓄穀之方。水戶烈公聞而善之。使其臣藤田東湖就詢時務。且手書足食足兵民信之七大字以贈。他日與左右談兵。輒曰。無乃羊質虎皮乎。於是息軒望益隆。幕府辟之。給以祿二百苞。職俸十五口糧。舊制林氏世掌學政。說經專用朱註。而儒員大抵出於其門。息軒崇尚古學。顧膺此選異數也。

慶應丁卯詔廢幕府。明年六師東下。府兵往往屯聚。

近世先哲叢談卷下

四

拒命。息軒慮門弟子或黨之。避地郊外。彥根侯受業。息軒請館之。別業。餽二十口糧。禮待備至。然息軒思舊君不已。欲復籍飮肥。飮肥侯乃延為世子師。餽二十口糧。固辭不許。遂受其半。或有薦之於朝者。辭以老耄。其親王召使講經。亦辭不往。曰。西方鄙人不嫻禮節。

息軒篤信好古。鑽研經史。尤用力漢唐注疏。參以衆說。考據精核。能發先儒所未發。作文取法唐宋。上溯秦漢。古色蒼然。筆力扛鼎。旁曉算數。嘗曰。聖門六藝。數居其一。經國行軍莫不由焉。近世學者。高

談性命。曾不解二五為十。沿流討源。宋儒不得不任其責。門人有問洋教是非者。為撰辨妄一卷。然至天文地理工技算數。則參取洋說。可以見其持論之公矣。

息軒性淡泊。儉素自奉。殊嗜園藝。客至則默坐下。子忘機於輪贏之外。其宰白河也。吏胥來賀。粲然華服。各齎酒饌至。息軒垢衣敝袴。延與對局。饗以疎糲。乃愧赫去。更相告誡。未赴任。而邑俗去奢趨儉云。

近世先哲叢談卷下

四

文久中德川氏妙選師儒。其擢自藩國。列昌平黌教員者三人。曰鹽谷宕陰。曰芳野金陵。曰息軒。息軒齒最長。學最邃。然是時四方多故。幕府政衰。息軒屢獻言當路。不報。晚任白河代官。亦未行而罷。乃告老致仕。專事著述。學者傳誦其書。安井先生之名遠聞海外。

鹽谷宕陰送息軒序曰。仲平間從其君。祇役江戶。所居舍。秋隘樸陋。塵埃滿席。而讀書之灯常炯炯。時從師友。出其新得。輒即驚人。戊戌歲。遂辭官挈家來就學於江戶。居無幾而逢火。資財蕩盡。未踰年。季女又病痘夭。仲平自降祿。離桑梓。孑然僑居。

乎三千里外。竈突未黔。暴逢不虞之難。人倫之變。皆人所不能堪。而志氣不少撓。讀書日必盈寸。作文年可以囊計云云。

所著管子纂註十二卷。左傳輯釋二十一卷。論語集說六卷。息軒文鈔四卷。梓行於世。書說摘要四卷。戰國策補正二卷。讀書餘適二卷。靖海問答一卷。料夷問答一卷。外寇問答一卷。軍政或問一卷。思艸一卷。賸餘漫筆三卷。其他三禮毛詩諸書注釋。未脫稿者。又若干卷。並藏於家。

清國江蘇按察使應寶時。讀管子纂註左傳輯釋。稱

近世先哲叢書卷一

其精核。為製序文。朝鮮禮曹參議金綺秀來聘。告人曰。吾聞日本有安井先生。恨歸期已迫。不得相見。乃書息軒二字贈之。息軒為外人所推服如此。則海內之欽仰可知。

明治丙子九月。終於東京土手三番街僑居。葬於駒籠養源寺之塋。享年七十八。生二男。曰朝隆。曰謙助。並先沒。以謙助遺孤子菊承後。

近世先哲叢談卷下終

續近世先哲叢談序

曩者。越後人松村節卿著近世先哲叢談二卷。大行于世。頃復著續編二卷。介書林巖巖堂。謁序于余。余一閱拊掌曰。何其見之與余同也。余已著近世偉人傳十卷。傳其言行。與叢談名雖異。而其實相同。且余亦越後人也。可謂奇矣。但節卿專取於道德文章。舉儒學之士嘉言善行。不過二十餘人耳。余則勿論於文武技藝。苟有偉蹟奇行者。盡傳之。自知其涉雜駁。然性多愛。不忍使其埋沒也。今節卿之專取於道德文章。其意最

續近世先哲叢談序

一

善。可以諷世矣。夫儒學之士見用。則邪

說暴行不興。泰平之化可致。昔者歐陽

修論時弊曰。臣竊見方今取士之失。患

在先材能而後儒學。貴吏事而賤文章。

大儒之所見蓋如此。嗚乎。憂世道者。執

節卿是編。及賤著偉人傳。讀之。則於守

續近世先哲叢談序

二

文施治之術。修身處世之方。豈淺鮮乎

哉。是爲序。

時明治十五年壬午清明節。於青天白

日樓中。

裴亭蒲生重章撰

青木東園正字



近世先哲叢談續編目次

上卷

皆川淇園

西依成齋

村瀨栲亭

立原東里

篠崎三島

蒲生靜修

辛島鹽井

大槻磐水

附磐里

桂川月池

箕作紫川

村田春海

小澤蘆庵

近世先哲叢談續編卷上目次

小野蘭山

林述齋

下卷

佐藤一齋

安積良齋

竹村悔齋

葛西因是

寺門靜軒

豐田天功

藤森弘庵

大槻磐溪



近世先哲叢談續編卷上

北越

松村 操編述

○皆川愿字伯恭號淇園別號筠齋稱文藏京都人。

淇園生而穎異四五歲能識字其父試書杜甫秋興八首授之不日成誦由是課讀書一過即記弟成章亦夙慧其父慨然有大志欲令二子學大成經史百家之書凡可資聞見長學識者隨需給之當時耆宿可以得啓發之益者令交通往來成章聞則悟之不待語畢淇園則沈思久之輒為疑問年甫十五與成章見韓客倡和揚名。

近世先哲叢談續編卷上

淇園及長恒謂不知字義則文不可作書不可解自是潛思字書而字書訓詁往往假借不得其真乃類集古人用字之例又取諸象形求諸聲音乃始悟名物之義生於聲音曰名生於聲聲生於物物生於天地陰陽四時之有常者統乎道德貫乎性情發乎聲氣著乎氏言故易說卦傳曰神也者妙萬物而為言者也凡聖人之道辨名為要名明則

物察物察則文義正當矣繫辭傳曰夫易何為者也聞物成務又曰聞而當名辨物正言。

淇園既知聲音本於易以定音記象式之法曰以是聞名物之義則雖精微之極亦可以得通曉焉字義既通文理始晰而後讀古人之書則明白如揭日矣於是潛心著述或思義而不得則終宵不寐乃據聞物之法徵諸六經語孟左國等書旁引曲証以審釋孝悌忠信仁義道德諸名物作名疇六篇又推字義而晰文理逐章句而繹篇次原述作之本旨作易詩書儀禮戴記春秋語孟繹解遂以立一家學。

近世先哲叢談續編卷上

淇園父得風痺而好遊覽淇園以輜難出入告官造車乘之令人輓而行躬自護視。

弟子登門籍者凡三千餘人平日待人視貴賤如一。一室之內不迎不送臺閣公卿及諸侯執弟子禮者衆平戶侯最敬重云。

淇園文化丁卯歿年七十四門人私謚曰弘道先生平戶侯為製碑文膳所侯書字。

子允字君猷號篁齋承家學事平戶侯弟成章字仲達號北邊又號層城出繼富士谷氏才氣絕人廣

涉經史。自以不及兄淇園。別治國史歌學。自成一  
家。游事柳河侯。

淇園匡坐一室。門生來受業。或與客語。未嘗移坐。人  
退則憑案讀書。是以奴婢掃其室。每無及其坐。一  
日伺其不在。除阜皮視之。厚席拂拭黧黑。因徹厚  
席。則林已腐矣。其勤勉類此。

淇園嘗與清田僖叟會其弟成章家。席上出百題各  
作五言律。自午至子為限。淇園詩先成。僖叟次之。  
成章尚下筆不輟。二子謂成章之敏捷。今日何後  
吾輩也。既成。覽之。皆副以和歌。於是滿坐驚服。淇

近世先哲叢談續編卷上

園大悅。

權中納言藤原資愛公序淇園文集云。先生以命世  
之才。潛心于經籍。蓋數十年。其於文章也。以解釋  
經典。闡述古義為務。無意於其他。與夫驚奇誇博  
鬬巧競艷之徒。其所志天淵懸矣。而其應事從需。  
所作文。亦有數十百篇。以夫精學。駕其洪才。是以  
其文援筆立成。內外一致。無復有假飾之弊焉。至  
其秀作妙詞。將匹古人者。固不為不多也。左京大  
夫藤原資善公又序曰。先生自幼以明經為任。不  
欲以文名于世矣。然傳經不得不資於文。故嘗從

事于此久矣。著書等身。爵蔚之文。可觀而知其美  
也。先生壯歲。名馳于海內。苟志操觚者。誰不抱景  
仰之懷邪。然文非容易可為。故人亦多迷其方。此  
集之出。學者由之。以知其表的之方。則先生之惠  
亦不大哉。

淇園嘗論作文。誨弟子曰。左氏者古也。不宜于今矣。  
東漢降也。不合於古矣。唯龍門之文。筆鋒縱橫。宜  
于今而合于古。真絕代之妙文。人苟取則于此。則  
其庶幾乎。故淇園之為文。平易和淡。務去陳腐。而  
其高古超越。不依于法。而有法者。蓋善學龍門者  
也。

近世先哲叢談續編卷上

淇園文集初編三卷梓行。赤松鴻及柚木太淳序之。  
嗣子允欲梓全集十二卷以傳于世。未果。東山圓  
光寺之僧道隱聞之。取所藏活字。刷數本以頌同  
志。

淇園幼時。嗜金聖歎水滸傳。愛其評語奇技。已長而  
尚讀之。未倦。常謂曰。真是天下才子必讀書。

淇園少年時。以世盛尚明李王古文辭。故所為務模  
擬其体。及稍壯。心悟其非。而以為古文唯韓柳為  
近乎醇矣。次則歐蘇二家而已。遂校歐文集以上

梓。

淇園嘗論歐蘇二家優劣曰。歐辭多婉曲。旨尚雋永。而蘇乃辭氣宕逸。旨尚痛剌。此二家之異也。然要之。蘇天資俊邁。十倍於歐。想其平生英氣射人。才鋒穎銳。常自令人不得不厭伏。是以每一言出。人皆傳誦。海內宗之也。然朱晦菴嘗譏蘇文用字多疎漏。以余觀之。實有如朱言。且以其行文之法論之。其奏議書疏之類。條達明暢。無可議者。至如其餘辭體。倣古文者。其錯辭先後相承之間。以其神理之不屬者。強作綴緝者甚多。蓋雖讀慣古文。而其解旨疎略之過也。此不唯蘇。而歐亦不免有之。雖然。蘇乃絕代之奇材。當時雖以王安石之好勝執拗。而亦稱其文材為入中龍。則世之一切學作文者。以蘇為準表。亦可以足矣。

淇園嘗欲振京師大阪江戶書畫。因勸平生所識諸書畫家。每歲春秋期日。各携其所為書畫。集會于東山。命曰新書畫展觀。自壬子至戊午。凡十四會。每會所集。或至三四百幅。乃所風靡。至有海外諸邦人亦寄其所為。以列之會中。亦可謂盛矣。

淇園嘗謂人曰。詩如其辭。能賦其即事。乃自是其當。

行之事耳。蓋以諷咏有餘韻。不盡為其極主也。又曰。古文只是古人之言語耳。精識字義。而以多讀古書。則古文之法。自在其中矣。後世所稱文法者。率多皮相之語。不足採也。

廣州林之過嵐山之下。拾得一石。其形宛似嵐山。淇園為題詩云。

嵐山拾得小嵐山。人似乘槎天上還。倘使地靈隨子往。烟花常繞几筵間。

○西依周行。字儀平。初名正固。字潭明。後改焉。號成齋。肥後玉名郡人。

近世先哲叢談續編卷上

六

成齋幼養於同郡前原氏。及長。姿度魁傑。奮力兼人。專治經業。夜讀徹曉。祁寒毒暑。無有懈怠。義父丈軒賦詩以與之曰。喜子咿唔和曉聲。双眸的皪伴燈檠。

成齋年二十一。東遊京都。旁求明師。聞若林強齋名。遂委質為弟子。強齋多其篤學。喜曰。吾道不孤。付託得人。成齋受業三年。反于肥後。無幾聞強齋講場。復東遊。留學三年而反。

成齋知冒他姓之非義。乞義父以復本姓。而事義父。供子職如故。

又義之沒喪終遂辭前原氏西遊長崎尋又如京都  
是時強齋歿殆一紀其姪小野鶴山居望楠書院  
以承強齋之業後鶴山出為小濱教官於是成齋  
乃代領教授時年四十二

成齋教授京都聞鄉里宗人喪產即日謝生徒收家  
財以還遂竭資賑救之

二條藤公教奉成齋親執弟子禮嘗謂曰古昔四姓  
各有學今迷廢無有蓋閣之學索然掃地矣寡人  
欲再興之成齋喜曰斯文有賴焉使侄景翼代領  
教授身寓於止親街會藤公薨事竟寢

止世先考叢談續編卷上

成齋去如攝之今津為飯田宜祥教督邑中子弟凡  
可十年小野鶴山死小濱侯因聘景翼為教官於  
是成齋乃由今津反于望楠書院時年七十  
小濱侯景翼有年數致手書存問無絕稱曰老先生  
成齋內負名節絕意仕途足不踐東土侯及東觀  
寄書勸觀富士山成齋乃從東閑歲而還

京師大火家為焦土成齋雅不治家產僅構草屋而  
居焉或曰雨露沾濕非老大可居者成齋曰先師  
神主在于此予豈顧而之他哉小濱侯乃賜金為  
修費鷲尾飯田亦捐貲助之以得作書院

成齋年老精力不衰暑不脫袴寒不近爐教授不倦  
講解經義篤信師說不敢取異言待子弟嚴而不  
刺和而有節不輒論異同不妄言可否勇於力行  
而不喜浮文遇事剛簡果決凜不可犯不屑營為  
治於所遇然而於親戚朋友之事盡心謀之懇到  
周備

成齋潔居不畜妻妾口不言貨利嘗謂曰娶妻為無  
後也吾幸有從子婚娶非吾所急也又曰士少負  
名節一旦迫於飢寒遂致營利之心廉耻日消私  
慾益長吾大惡之又曰人之大慾在貨與色吾能

止世先考叢談續編卷上

克之

成齋享年九十六無子以侄景翼為後景翼字翼大  
濱侯成齋歿之明年死年五十八

成齋篤學謹行年逾九十教人不倦幕府特賜金二  
十錠以褒異焉

成齋年老益壯喜作字豪爽自如無衰頹氣嘗居於  
小濱古賀精里往訪之成齋歡迎就坐未及叙寒  
暄指背後摺疊屏上自書唐詩曰有一新話吾今  
年九十四屢應請寫字遂覺書法頗進了以為如  
何

古習精里在西齋之門數年學業大進。精里實高第弟子也。西齋又與柴野栗山皆川淇園等結交相歡。皆推山齋稱先輩。

○村瀨之熙字君績。號栲亭。通稱嘉右衛門。京都人。

栲亭幼穎特善詩。才思敏贍。是時江村秉年可十二。三聰慧超倫。一時稱才穎者。皆避其頭角。獨栲亭年紀相若。相得厚善。嘗作五言排律三十韻。押以三江。唱和至數四。人以駭異焉。

栲亭及長。從武梅龍受管子。處物精密。有幹蠱才。應

近世先哲叢談續編卷二

九

秋田侯徵赴其治所。侯待以賓師。而諮詢國政。栲亭乃稍為更張。紀綱頗熙。國老及衆士皆敬服焉。晚乞骸骨。歸老於京師。享年七十餘。

吳客江稼圃來寓長崎。求栲亭著藝苑日涉以還事。見于前編。

栲亭博學洽聞。以詩文稱。又善書畫。讀書有暇。則臨撫古法書。研砭不倦。尤崇尚蘇東坡。若欲作書。則於前一日。命斷家事。慎起居。節飲食。整頓室內。料理筆硯。使其女若子婦磨墨。常語人曰。磨墨非纖纖女手。則不可。翌日早起。待旦而書。終日不少停。

手。向晚方畢。餘興偶到。則作蘭或竹而止。得者珍焉。

所著有藝苑日涉。栲亭文集等書。藝苑日涉。世尤稱其博雅。

子修。字士業。善詩工書。並有家風。早死。

栲亭年老。患小便閉數日。氣息奄奄。親族皆憂之。或曰。先生向作便房。不避鬼門。所以致疾也。請改作之。栲亭不應。乃作詩以示曰。

空理已無門。可關。不知何物住其間。何妨鬼子來相關。吾有筆鋒劈大山。

江世先哲叢談續編卷二

十

田能村竹田嘗評栲亭畫曰。栲亭畫蘭竹。分枝布葉。自書法出。位置穩妥。風趣適逸。蓋宮筠圖後罕觀此筆矣。

山本北山與栲亭善。序其藝苑日涉曰。先生學以經綸為本色。嘗考盤在平安之日。不求聞達於諸侯。日日逍涉藝苑。通古今。極宇宙。旁善文。善詩。善書。善音律。優受人間之清樂。一旦委質仕秋田藩。卿大夫知其能舉用。與聞邦政。既而言聽道行。優得大丈夫之所大樂也。然猶尚不敢忽奪其清樂。餘間著藝苑日涉。是編也。辨物覈名。匡謬解疑。無



所不有焉。議論正大。引証淵博。此可小知其為人之一端矣。云云。

祐亭嘗論稱謂曰。近世文士之杜撰。有可發一笑者。國郡邑里山川之名。欲擬漢名。而使人不解。解為何地。殊不知文章之巧拙。非關地名矣。如漢人所謂南兗州。東武城。北平原。南蘭陵。皆別雷同者也。播磨無東西之別。而稱為西播。如三越之人。通稱越國。蓋以越前加賀能登。越中。越後。實為古越國也。然在今。封疆殊制。豈可通稱越國乎。清人指長崎為崎陽。存彼則為陽。我稱之陽可乎。紫陽藝陽。

近世先考黃文煥稿卷一

上

信陽。甲陽之類。尤無意義。至謂平安為雍州。武藏為武昌。伊豫為豫章。琵琶湖為洞庭。四日市為泗濱。直謎語耳。京兆本漢地名。雖取義於大衆。與京師不同。故宋元以來。無有稱京師為京兆者矣。近時某先生。每稱京兆。未知何故。又山城之與山背。駿河之與珠流河。美濃之與三野。伯耆之與母來。或波伯。播磨之與鉞磨。寧樂之與那羅。或猶乙訓之與弟國之類。國史皆互通。然而國郡邑里之名。具列邦國之籍者。非有確據。斷不可妄更。但山川之名。不可入詩賦之料者。準國史之例。易以國讀。

可通者。宜無害已。張端義貴耳集曰。左傳云。物從中國。名從主人。中國曰太原。夷狄曰太鹵。敗莒師于蚡泉。公羊曰。濟泉直泉也。善道當為善稱。吳人謂之伊緩。賁泉夷狄謂之失台。古人稱謂不苟如此。

指頭畫。謂之手畫。又謂之華畫。有池無名者。工此伎。嘗為人作之。伊藤介亭在座。嘗嗟久之曰。窮鄉僻邑。乏筆之居處。亦復可寶。無名聞之大衛。終身不為此伎。栲亭嘗聞此話。深感其言之有味。常以告人云。

近世先考黃文煥稿卷一

上

栲亭嘗著民間歲節。審記京都風俗與漢土相似者。引証該博。人人傳誦之。

栲亭憎世儒往往紛淆官名稱謂。嘗論曰。夫官制。人主所以統御寓內之具。豈可紛更乎。李王諸人。欲古其辭。每用古名。未學不辨可否。一切襲古。職原鈔各官下。附唐名者。所以考彼此制作之異同耳。然黃門亞槐之類。通用已久。職掌亦相當。於義雖無大害。唯施之詞賦。則可。碑版記事之文。非所宜矣。每見近世諸家集。此弊頗夥。蓋錄倉氏以來。官非古職。職非古名。戰國苟且之制。猶未改者。往往

惡其字不雅馴。任意襲用漢名。此何道理。欲使後人知之乎。當直書今之名與事。欲使漢人知之乎。當直書我邦之名與事。文而無傳則已。如可傳則宜傳其實已。

栲亭嘗著垂絲海棠詩集。蓋為詠櫻花者發作例也。自序云。我國之有櫻也。猶之蜀之海棠乎。然在異邦則未聞焉。其稱櫻者。皆櫻桃。而非我所謂櫻也。或以為垂絲海棠。肖則肖矣。要之一種之名花。不必較能否。大抵隔千里。不同風雨。一草而鄉鄉異狀。一花而境境殊品。不持此而已。儻使唐宋已還。

近世先哲叢談續編卷上

騷侶韻士之流一觀之。寧鉗其繡口。使桃李擅場。櫻亦不幸哉。今採其詠垂絲海棠者。備作例。蓋資之肖也。云云。

栲亭又著楓樹詩纂。例言云。櫻花之於春。紅葉之於秋。咏學海。越藝林者。孰不騁巧鈎思。予欲纂櫻花之詩。而無所警諸漢土。故借垂絲海棠以賄例。賡之欲以紅葉。亦無所警諸漢土。故資楓樹以給材。云云。書中又有言云。我國稱紅葉樹者。似楓而非楓。大抵葉圓而分歧。其葉得霜。鮮麗無匹。燕脂蜀錦。未足取譬。蓋楓中一奇品。而實盡天工者也。今

操觚家直以為楓。雖亦似無害。其實則是別種。  
○立原萬字伯時。通稱甚五郎。號東里。別號翠軒。水戶人。世仕本藩。

父豐稱其藏號蘭路。仕本藩。為彰考館管庫。以畸人稱。東里為人卓犖不羈。自為童子時。嶄然露頭角。不屑為章句之學。居江戶藩邸數年。學問大進。而補水戶彰考館主。時田江南來客水戶。聚徒教授。東里從之游。先是水戶學者。率主宋學。至是江南首唱古學。而東里之徒左右之。闡藩之士靡然從風。於是風儒老生視東里之徒。稱為異學。以是

近世先哲叢談續編卷上

東里沈滯累年。而文公嚮學。知東里有非常才。擢以為總裁。而東里亦稍更其轍云。

東里幼時有相者見之曰。此子英俊。必為人師。果如其言。

文公優待東里。眷注尤厚。東里感眷遇。時有獻替。公亦虛已納之。

文公時。東里累遷。至弓手隊長。食二百石。後致仕。歸翠軒。移住于江戶藩邸。優游自適。海內之士。聞其名。求書請益者。日闌其門矣。

東里豪邁。有遠識。數陳國家大計。常見納用。嘗憂魯

西亞迫居北邊。自侯遣木村謙于蝦夷。視其動靜。謙居蝦夷一年。具得其要領而還。

東里教人也。務要該博。不拘以矩度。各因其所長。而成育之。故英材之士。多出其門云。

為人短視。視尋丈之外。莫能辨物也。然至於讀書。雖暮夜。能讀蠅頭細字。年踰七袞。四体健彊。精力不衰。灯下能書細字。蓋大稟之厚。常人之所不及也。東里初以好古學。不為時論所容。沈滯殆二十年。肆力藝苑。館閣之書。莫不寓目。而至歷代法書墨帖。亦莫不搨摸。以是文章書法超越一時。雖俗儒拘學姑甚其才。而終不能蔽其能。東里之名。日益隆然而起。

元文以後。日本史紀傳既已竣功。而志表未備。彰考館中諸子。雖各有所司。曠日彌久。卒無成功。東里及補館生。慨然有修志之志。是時編修國史者。率皆固陋無識。編修之業掃地。而東里以才學見忌。鞅鞅不得志。與書總裁論學術之同異云。

初正德中。日本史成。而檢閱考訂未遑脩志。享保初。肅公命修志表。於是諸學士修諸志。然率皆起草。猶未脫稿。非經刪潤。則不成完志。及東里為總裁。

以國史為己任。於是修志之議復興焉。既而東里欲速梓日本史。以為待志表畢成。恐失事機。乃建言。從前史臣。皆籍口修志。窮年沒世。卒無成功。義公經世之志。百年而未白於天下。甚可歎也。夫義公之志。專在紀傳。今宜精細校訂。速布諸人間。至如修志。則特其餘事耳。雖廢之可也。於是日本史上梓之議復興焉。然由是修志之議遂寢。

藩人某任度支。借大阪豪商金。以副國事。急東里言。文公曰。經濟之本。只在量入為出耳。借金副急。非所宜也。文公因使其致仕。然其弊未止也。至武公時。遂革正之云。

東里所著有數部。然稿本不存。唯東里遺稿一卷。刊行布于世。

東里少時家貧。不能買書。其父蘭溪謂曰。盛年不勉。追悔罔及。我當為汝手寫奇書。汝當專心讀書。東里由是得縱力讀書。蘭溪時為史館管庫。常憂史館學表。與校正大日本史者。竊謂東里曰。吾老矣。無能為也。汝繼吾志。敬畢義公之業焉。

或獲罪於義父。而見逐。謂東里曰。我有何罪。罹禍如此。詩賤先生之說。東里正襟答曰。不自省己有罪。

是其所以不見獲於義父也。其人乃服。

東里恒教弟子曰。博學無方。各從己所好。可以成其材。夫於經說也。古人註解備矣。今之人擇焉而取之足矣。復何以立己說之為。

東里累遷史館總裁也。文公手書曰。總裁三人。一心勸力以畢日本史校勘之功。由是大日本史校勘數年鳩功云。

文公使東里參預政事。東里乃慨然圖報效。文公嘗謂近臣曰。立原萬嘗言。寡人好從己者。今思之。切中吾之病矣。一日又曰。寡人舉萬為參政也。老臣

近世先哲叢談續編卷上

十七

皆言。抗直不撓。動輒為抵牾。恐害於政事。及萬來藩邸與老臣談。老臣皆服其理。乃言。萬也可與謀矣。非好為異同者也。寡人嚮也憂之。今則心安矣。

○筱崎應道。字安道。號三島。一號郁洲。大阪人。

小竹父。

其先伊豫人。父某始遷家大坂。大起產。至三島。不憚勤勞。益殖其貨。而間輒讀書。好義輕財。屢折券極急云。

三島年四十。始改業。設講肆。致徒甚眾。素善書能詩。多藏古帖。求書者眾矣。

三島嘗買舊宅於江戸塚上。收租曰。此可以白先人矣。

三島學多通。如天文卜筮音切之類。皆能討究。著有碧紗篋集。草彙。

三島為人闊達。處事明快。與人言。無所回避。數孤山嘗稱曰。安道豪爽善書。又善騎馬。不遜武人也。

三島享年七十七。無子。養二子。一曰某。在近郊為里正。田宅頗富。一曰彌。號小竹。別記

三島嘗出貸一侯藩。屬歲歉。償不如約。又為吏乾沒。而侯欲捕治之。三島曰。金無還理。而歷人無為也。近世先哲叢談續編卷上

也。即折券。

三島見入門者。唯授修德二字。無他語。

世傳三島詩希矣。今錄載於熙朝詩薈者三首。

離筵長歌夕。匹馬向風鳴。三越雪全盡。重溟波

始平。羈身無善計。違世有交情。聽汝蒯緱引。蕭

蕭起羽聲。送人

天江西盡水連天。滄海帆檣落日懸。高閣他時窮目去。故人行在白雲邊。留別諸子

雲山萬疊遠相思。菡萏華宮碧海湄。斜嶺秋寒行客少。鷺洲春暖去帆遲。風烟無盡三千界。鐘

磬長傳二六時。其載西垂多勝事。書圖中。向月明披。寄題三原步正寺

三島與賴春水杏坪友厚。杏坪嘗過浪華。訪三島。席上口占詩云。江雲蘸雨滿華城。行客停輿問舊盟。追憶曾遊都似夢。相逢今日不堪情。窓前樹石多知面。門外橋梁半記名。故社卅年零落盡。殘星一點照人明。三島多謝之。

○蒲生君臧。名秀實。一名夷吾。字君平。號靜修。下野人。

本福田氏之子。自復氏蒲生。蒲生近江望族也。系出

近江志保氏。其系譜云。一

自藤原朝臣秀鄉。至會津參議氏卿而大顯。先世屢遷徙野與之間。其宗為有土君者。亡嗣絕祀。君臧蓋其庶裔云。

君臧少以氣自豪。讀書不治章句。慨然有經濟之志。及壯好遊。足跡殆遍天下之半。然未嘗登仕路。故雖身在都會。常有山林樸茂之氣。

君臧平生所持論。未嘗少自貶以求售。恒謂其友曰。吾以編戶餘大。不能治生商賈。又不肯仕官為吏。以干升斗祿。讀書作文。亦不能與曲學阿世之徒為伍。朝齋暮鹽。坐取困窮。子亦知其所以然乎。吾

近江志保氏。其系譜云。一

少時嘗在家讀書。祖母語我曰。昔蒲生氏之自會津徙封宇都宮也。其庶孽有帶刀某者。食祿三千石。納邑豪福田氏女為妾。有身。適會蒲生氏再封會津。帶刀亦隨而徙焉。時留其妾於父家。既而生男。妾父母愛之。不忍其遠別。佯告以女子。因鞠于其家。冒母姓。遂為編戶之民。是於汝高祖之父也。汝讀書者。善記之。吾於是發憤立志。講究古學。欲修曠世之鑒典。以報國恩之万一。庶幾乎其不忝先祖矣。吾生也晚。不逢大化大寶之世。大織淡海二公之相業。非所企及。雖然在其位者。行其道。不在其位者。行其言。誓古徵今。通達國体。王政之要在納民於軌物。俾在上之人明祀典。以教孝敬。四海之內各以其職助祭。則天祖之所以照臨六合者。萬世無墜矣。富諸侯以奮武備。安百姓以固邦基。是吾願也。昇平二百年。不值天慶天正之亂。秀鄉氏卿兩朝臣之將略。無復所施。雖然安不忘危。古之善教。天下雖安。所可虞者。夷狄盜賊。正名分以定民志。禁左道以塞亂源。使吾說獲行。則遠宴安之鳩毒。驅戎狄之豺狼。不啻致一時摧陷廓清之功。俾斯民永無被髮左衽之患矣。斯吾志也。志



願如此。悠悠之徒。曷足共談哉。

魯人某。憂邊。君臧時在江戶。聞之。憂。乃著不血繹五篇。詣閣老門下獻之。

君臧嘗聞古先帝王之山陵。或有荒廢者。欲告之。當路。以圖脩記。躬自歷視其地。參考古圖。脩記。作山陵志。平生精力半在此書。書成。獻之。不報。及關東用事者。關東有司。嫌其論建。非處士所宜。名。諱之。君臧乃引律文。誦故事。以對。於是若臧。雖慨自奮。欲為天下言。世人之所難言者。雖由是獲補。而不顧也。殆將罹不測之罪。時或有知君臧之為人者。憫而救之。因獲免云。

近世先哲叢談續編卷上

君臧素剛腸。不能俯仰當世。以取容。乃澆以酒。時或劇飲大醉。頽然自放。而憂國之念。未嘗頃刻忘也。君臧間居講學。以懲忿窒欲。不敢與世抗。乃歸其所居之庵。曰脩靜。以自警。謂脩身在此。而成名亦在此。

教授之暇。專力著述。初著革弊賦役等諸論。號曰今書。以規當世得失。至是更撰職官志。欲以次編神祇姓族等志。併與山陵為九志。未及悉成而沒。

君臧之沒也。其親族及交遊尤親且舊者。相聚而哭。

之。曰斯人也。作山陵志者。其於喪祭之禮。最致意焉。其可不盡心乎。乃葬之江戶北郊谷中臨江寺。水戶藤田一正撰墓表。

君臧嘗謂曰。仲尼稱吾志在春秋。春秋經世之志。道名分。周公之遺法存焉。故為改正名。夫子所先。我狄是膺。周公之訓。今世俗儒以文亂名。俗吏因權亂法。亂法者罪止其身。亂名者其言載簡冊。而流毒於後世。夫神州天地之正氣也。陰陽所和。寔為中國。中和見乎穀。而甘美豐饒。文教所及其養。以給精英。發乎鉄。而堅剛銳利。武威所加。其功以成。

近世先哲叢談續編卷上

限以天地。莫有外冠之患。開闢以來。天祖之胤。世傳統。君臣上下之分。嚴乎無紊。宇宙之間。孰能及我神州者。故日出處天子。日沒處天子。雖交大國。不肯苟讓者。惜夫名也。今俗儒不知名分。動虧國體。苟眩乎小大之勢。而不顧其名。則愛新覺羅氏之正朔。亦可稟而奉之也。可乎哉。其重名分。率如斯。

明治維新之後。朝廷追嘉其忠誠。旌表門閭。又賜祭資料。尋錄子孫賜俸。世人以為榮。

君臧於詩。因緒餘耳。然屋烏之愛。不能自己。聊錄數

貢

廟古悲風對落暉。白楊蕭索葉初飛。山川顧望先封地。淚下關東一布衣。諸會津參議公廟

丈夫三十尚無名。學劍中休射半成。器量總非萬人敵。不知終是一書生。偶成

竟作孤囚是亦時。羨君方以謙言知。如今不必皆中惘。八萬人中有一兒。贈人

自古誰無死。唯存俊傑名。一杯今日興。千歲識風聲。漫吟

君祇之歷視陵地。雖在遐陬窮島僻。遠之地者。必往

近世先公書談續編卷一

五

覈其實而後止。百舍重繭。至脛無毛。不以為困。常謂其友曰。子聞八平之事乎。自佛法入神州。帝王之尊。亦以火葬為例。八平居在平安。以鯿魚為業。當正保帝之時。帝常崇儒術。及其崩。八平恐大喪從舊例也。奔告公卿。以火葬必非先帝之意。而朝廷取其言。嗟夫。渠特一賣魚夫耳。尚能賴其力。使帝靈安於九原。豈非至誠所致哉。子雖鄙鷺。所願者至誠耳。

君祇將死前三日。自為文以尚志。尚稱天地之正氣。且有「三寶之說」。曰。以此為吾墓表足矣。

卒歸憲一名知雄。字伯彥。歸鹽井。熊本藩人。鹽井幼聰悟。稍長入學。精苦無比。無幾。擢藩學訓導。時父青溪尚強駛。為訓導。於是父子同僚。藩人翫稱。

鹽井來江戶藩邸。伴讀世子。進物頭班。幕府命說經于昌平學。賞賜白金十兩。藩臣膺此選者。不過三兩輩。人以為榮。

文化甲子。遷助教。世子立。是為諦觀公。鹽井進言。尚書二帝三王治天下之大經。人君不可弗講。公納其言。因進講尚書。開陳大誼。公嘗歎時乏人才。鹽

近世先公書談續編卷一

五

井答以人才必本於人君躬行之化。公稱善。尋陞教授。增祿。并前三百石。後以病致事。

諦觀公老。嗣侯入承統也。素重鹽井。又知雖老精力未憊。故命落致仕。再任教授。增俸至五百石。時侯

勵精嚮學。鹽井數進講。從侯而東。老侯諭曰。今君進學。實賴卿輔導之力。無幾。班進騎隊將領列。正旦拜賀獻刀馬。

鹽井歷事五世。屢蒙榮擢。鹽井亦深恩報效。苟有所見。極言方已。屢勸侯政尚寬宏。又謂人君之學。當施諸用。奚俟諸生數墨尋行。嘗詳議選人材。鼓士

氣等數事以進。侯嘉納。

鹽井值艱厄。未嘗憂戚。曰。窮達命也。吾奚預焉。吾盡在我者耳。

鹽井事親極其色養。平素立論平恕。獨深疾夫實學自任。而好訐人之短。劇論自快者。惟好省約。至於賄賂。無所惜。居恒恂恂靜退。當義則勇往不顧。

鹽井夙確信程朱。而又博涉史乘。稗說。好作詩。風骨老蒼。晚歲名聲籍甚。來受業者多矣。遐方之上。遇熊本人。必首問。辛島先生無恙否。

佐賀侯有賢稱。於聞鹽井名。嘗過熊本藩邸。特請延

近世七女貴族讀編卷上

十五

見賜教語。

著有讀周官。經說。學政或問。公退觀省等書。

鹽井有二子。長子喜襲祿。亦以文學著。

鹽井居江都。邸中隣舍遺火。黑烟滿室。奴僕蒼黃。欲搬遷器什。鹽井夷然曰。白日無風。不必延蔓。若風

烈火熾。則公居危矣。奚暇顧家。徐起更衣。入問侯起居。

鹽井又善詩。今錄四首。

秋菊有黃華。佳色映東籬。采采已盈把。持之欲贈誰。陶潛竟長往。屈平難再期。不如拾其英。泛

米舉酒卮。悠然此中趣。何有傍人知。賦得米菊東籬下

夢中聽春雨。芳草正萋萋。但恐門前客。今朝踏作泥。春雨

紛紛飛雪洒皮冠。草盡平原風色寒。射殺南山双白額。當場意氣向人看。觀狩

仙禽何處去。碧海杳難尋。明月三清夢。秋風萬里心。蓬壺孤翼遠。珠樹故巢深。彷彿相思夜。長鳴入素琴。失鶴

○大槻茂實。字子煥。稱玄澤。號磐水。陸奧人。仕

仙臺藩。

近世七女貴族讀編卷上

十六

平姓。其先出於高望王。子孫世居下總國。至葛西三郎清重。徙陸奧國。支裔泰常住磐井郡。是為大槻氏之祖。至七世茂實。稱玄澤。業醫。仕一關侯。磐水乃其長子也。

磐水幼有異稟。不妄交。凡兒伯父清慶奇之。曰。此兒必興家。年甫十三。師事建部清庵。攻醫方。

聞杉田玄白唱和蘭醫術於江戶。請清庵而往學焉。又游長崎。益窮蘭學。初玄白專於醫治。未遑盡善

誘之方。于時中津藩邸有前野良澤。亦以蘭學鳴。磐水往懇請教。良澤感其篤志。為開示奧妙。磐水

精蘭學實昉于此。

宗國仙臺侯聞其名擢為侍醫。尋幕府命翻譯蘭書。賜銀二十鎰。嗣後歲以為常。

文化九年侯命進班番頭次席。增俸祿為三百石。文政六年幕府獎磐水譯蘭書之勞。賜月俸五人口一優之。

其歸磐水。嘗家陸奧國磐井川上。故以為號焉。

磐水天資慤謹。剛腸惡惡。不妄語笑。然交之久。莫不誠服。遇婢僕恩威兼濟。咸感而仰之。訓迪子弟。循循靡倦。不輕諾。諾必有以副其願。又不妄有興造。

近世先志書卷之十一

果興造焉。雖至畢生之久。不成不止。

性寡欲。被服儉素。晚歲班秩双進。而彌靜退。奉身之物。不異初年。常慷慨憂國事。上陳至計。而慎密不言。故其詳蔑聞。

磐水力學砒砒。著書富瞻。凡三百餘卷。就中蘭學階梯極有裨於初學。環海異聞上於官。重訂解體新書閱三十歲而就。平生心力尤罄乎斯一書云。左錄其書目。蘭學階梯二卷。重訂解體新書十四卷。瘍醫新書三十卷。刊行官能真言一卷。刊行蘭學摘芳四十卷。刊行六物新志三卷。萬錄三卷。蘭學佩觿

一卷。蘭說辨惑一卷。磐水夜話二卷。磐水遺稿一卷。環海異聞十五卷。北邊探事同補遺五卷。婆心秘稿附捕影問答三卷。金城秘韞二卷。蘭說辨正一卷。麻疹啓迪四卷。痘麻病由集說同起因考一卷。磐水漫草二卷。夢遊金華山記二卷。芝蘭堂雜抄五卷。解悶雜記一卷。厚生新編若干卷。海外異聞若干卷。遠西新話若干卷。奇奇四大若干卷。西客對話若干卷。駱駝考若干卷。晚港漫錄若干卷。以上七部。卷數未定。據長子磐里所撰先考行實。其著書刊行布于世者。十五部。四十五卷。屬草稿者。一百二十一部。一百九十八卷。而續環海異聞續海外異聞。英船雜誌。北槎集錄。北地抄錄。婆心秘稿。磐水雜抄七部。六十四卷。係磐里之所纂輯。編次云。

近世先志書卷之十一

文政十年春初。宿疾寒疝大動。又加傷食。遂以三月晦歿。壽七十一。葬于城南高輪東禪寺。

磐水娶齋氏。生長男茂楨而歿。繼娶市瀨氏。生次子清崇及一女。亦先沒。茂楨克紹家學。清崇乃磐溪是也。

二子磐里磐溪相謀。欲刊磐水微猷。以垂不朽。別立

遺德隔於葛西。葛西蓋遠祖胙土之域也。古賀側  
庵撰文。其銘曰。五十年來。蘭學肇闢。溯古導今。若  
誕有績。理其奧。洞衍之極。還魂回春。實賴其  
傍綜經藝。優入儒域。著述等身。表茲獨得。學如  
雲。才俊接跡。葛西之原。有端貞石。勒厥梗概。永昭  
楷式。

磐水遺稿一卷。磐里所手定。乃書其後云。古之豪傑  
之士。不有下。廣涉物。而多著書者。蓋以其度量寬  
弘。而憂慮深遠。也是以生則身榮。死則譽長。先考  
磐水先生。幼學軒岐之術。長從事泰西之學。平素  
矻矻。手不釋卷。著述殆乎等身。先考為人敦篤沈  
重。好窮理實測。而不喜空詩浮文。然天資風流。春  
花秋月。乘興觸感。吟咏性情者。又若干首。與花  
團錦簇。以娛人目。而韻度之超逸。襟懷之洒落。亦  
可想見也。云云。今抄其六首附左。

春宵秋夕。武江天。幾度傾杯醉月前。追憶往時  
時屈指。辭家三十又三年。對月有感

漫言明日。霽難期。對影獨慚。曠昔詞名也不空。  
今夜月。三千里外照無涯。中秋

泰西興學幾回春。喜見東風鈞命新。賴遇聖明

文運會。同盟長此。芳辰。文化八年辛未十一月十八日即泰西一千八百九十二年十一月十八日。是為舊曆。之命。幕府。西書。是為舊曆。天。  
老去年年怯別離。此行畫錦獨何悲。自今期汝  
趨庭後。來賀七旬初度時。送吉見生  
頑翁不是風騷徒。醉後興來漫操觚。絕句縱然  
誤聲律。述懷自足助歡娛。自遣

六十餘年老健身。抱病一日若三春。蹉跎前昔  
千秋業。只恐病來空委塵。病中漫成

磐水父膺泰斗之望。嚴事成名耆夥。如宇田川玄真。  
山村昌永。海上隨鷗。小石元俊。橋本宗吉。佐佐木

中澤。尤其彰灼者也。

磐水六十七歲時。堀田侯正衡君自畫磐水肖像。賜  
之。其父君故參政正敦君。副以讚詞。正敦君自仙  
臺。出繼堀田氏。以故與磐水交誼甚篤。磐水所以  
成大業者。侯之裨助益不少云。其讚詞末附以和  
歌云。師水島乃倭迹。波有良奴。爾能花國能香佐。  
幣也。世迹爾保。不良舞。

磐水嘗曰。皇國洋學一派。發源於白石先生。濫觴於  
青木先生。而瀟漫渾蓄於蘭化前野先生焉。然未  
有成書流傳于世也。自先人學杉田先生。始著蘭



學階梯一書。然後雙行之文。鳩舌之言。學者稍稍得誦而解之。不翅治長通鳥語。葛盧辨牛鳴也。爾來百有餘年。其學日就月將。以迄今日。昭明轟震。橫行天下。而獨不知其鑿混沌。通亡竅。良工苦心。可乎。

磐水每歲以南至後十二日。設宴招客。名曰新元會。蓋從大陽曆祝其元旦也。此會也。實以西曆一千七百九十四年為始。距今八十有餘年。磐水之見。早已若洞察今日世界。真可欽仰也。寬政六年所寫新元會宴圖。今尚存于大槻氏。杉田玄白題圖。

近世先哲叢書續編卷上

三

上云。九千里外存知己。五大洲中如比鄰。玄隨又題云。飛耳何偏聽。衆善公擇五大洲。長日談聲爭。全象並觀四元行。磐水嘗有會引。今錄全文於左。云。惟寬政甲寅十一月癸丑。日南至。越若未閏月甲子。會群賢于芝蘭堂。尋西學翻譯之盟也。何為用是日。乃泰西洋一千七百九十四年正月上日也。何用其上日。今讀其書。肆其業。而於其數旦。皆所以祝斯業之大成也。夫物之有偏長。雖聖人有不及焉。故仲尼問禮於老聃。學樂于師襄。豈南人也哉。管仲師焉。隰朋師焉。苟道之所存。誰非吾師。

抑吾醫之道。炎黃以降。聖賢間出。草討脩潤。蓋無復餘蘊矣。雖然。猶哉遠古。吾奚以能論其世也哉。其載諸簡。蓋在蒼姬之末乎。時則終始五德施亂。我道古者稱萬物。今也五其數。牽強傳會。動見其間。淄渾合流。薰蕕同器。論包宇宙。失在眉睫。豈可盡信其書哉。自此厥後。非無後傑之士。多禁其方。後生莫述。獨有長沙氏。立言而不朽。然唯舉其綱。未張其目。尋及近世。載籍極博。亦唯繁而寡用。語而不詳。非失之鹵莽。則弊於鑿空。嘻。亦何足徵焉。始吾思之。忘寢忘食。幸遇先覺之創業。其為術也。

近世先哲叢書續編卷上

三

近取諸身。遠取諸物。施諸行事。而親切著明矣。豈其空言遙辭之所比哉。夫西方之人。其性機巧。上自天文曆數。下至凡百技藝。精工績密。幾奪天工。唐都落下。錯口千古。魯般工倕。擺指九原。日月所照。孰出其右。豈風土之所使然。抑何其妙也。則獨於我醫。而奚疑之哉。愚者所笑。賢者察焉。吾與諸君。雖欲不師之。將焉得不師哉。自此以往。無怠無荒。鮮其享甲。成其華實。孜孜進而無己者。其從今日始。

岩松惠山祝磐水六十壽序。載在于解休新書卷尾。

文中言云。前三四十年。諸先輩始肇蘭學於東方者數人。而先生才俊量宏。夙懷奇偉之心。受業杉田先生。昔杉田先生之譯行解體新書也。天下醫林始視和蘭之精。密于內景。愕然刮目。覺然動心。抑蘭書之鏤行于我邦者。是其嚆矢也。先生續著蘭學階梯一書。以其易曉易入也。有志者靡然而興矣。今之修蘭學者。其始孰弗梯此書以躋焉乎。先生素以紹杉田先生之緒。為終身之志。故重訂解體新書。續譯瘍醫新書。其編極博。其旨極密。其他譯書若干。嗚乎先生。勉焉不急。于今三十有餘年。上以擴充播揚先覺草創之志。中以似續潤色杉田先生之業。下以教導脠育後學之徒。而後其學術俱大行。云云。

### 附記

大槻玄幹。名茂楨。字子節。號磐里。磐水長子也。天明七年。磐水移家于江戶。時三歲。及長。能講習家學。年十八。遊學長崎。從中野柳圃。受和蘭語格句法。柳圃隱居。不輒交通。是以世少知之者。磐水因勸譯員某等。共從游柳圃。自是世始得說和蘭文法矣。留學三年。而反于江戶。後屢遊歷四方。又化

九年有蕃書和解之命。父子共奉仕于天文臺。時年二十八。十三年以多年講究之力。著蘭學凡說。其詞品語法。以補蘭學階梯之缺矣。是為和蘭文法書之始。別有西韻發微。西韻符著。著。又就瘍科新書之中。增譯要術。知新外科收功。倭倭新編等。磐水歿後。繼其業。而名聲大起。天保八年十二月歿。年五十三。

○桂川國瑞。字公鑑。號月池。稱甫真。江戶人。仕德川氏。

曾祖日賢。祖日新。父日訓。皆以外科侍醫。仕德川氏。本氏森島。為大和蟹幡村人。日賢受外科方於松浦藩醫嵐山。松浦侯令嵐山從在長崎蘭人。學外科方。日賢從之。嵐山愛日賢之神穎。曰。傳吾道之流。其汝乎。遂命氏桂川。蓋以桂川上流。經山城嵐山而下也。日賢後應辟幕府。為侍醫。

自日賢四世。傳至月池。其術稱大成。學者益多。始為侍醫。進階至法眼。中在寄合之列。後再為侍醫。名聲鬱然動都下。

月池修蘭學。以外科醫術為原。其委及藥物本草及地誌歷史。又能洋方書畫。頗盡其妙。蘭人亦稱以

為名手。故當時海內言蘭學者皆莫不以月池為宗師矣。

寬政年間魯西亞國護送我漂民幸太夫磯吉至。二人留魯西亞國十二年。能通其言語。又諳其風俗。將軍命觀之於吹揚苑內。幸太夫曰。魯國頗知日本風俗。且知桂川先生者。是日月池陪侍左右。一侍臣指月池曰。此乃桂川先生也。將軍嘆賞焉。當時外交未開。蓋因蘭人傳其名也。

月池性喜吹彈。於古玉銅器書畫。尤其所嗜。每逢新來西書難獲之物。必傾橐置之。

近世先本支葉續編卷之二

十五

月池退食無事。必坐書齋中。焚香讀書。弄笙吹笛。彈琴理箏。居然有神仙之風矣。

為人溫柔恭讓。無驕貴色。娓娓煦煦。無粗莽語。將相大人。以至閭巷小人兒女廝役。一接其風采者。莫不心服。容貌快麗。神采煥發。其坐稠人中。望之軒軒如野鶴在雞群。蓋當時方伎中。未嘗見如是之人士。大夫中亦未嘗見如此之人云。

所著有北槎聞畧等數種。嘗奉命編次漂民幸太夫之事。既上。家不留藁。地球全圖地球圖已上刻。海上備要方和蘭藥選皆在遺篋。

月池與前野蘭化。杉田玄伯等結交。諸子實吾國洋學之首唱者也。其譯述解體新書也。月池與有力云。

文化六年以病没于家。享齡五十六。葬於芝二本榎上待寺。

月池無子。養官醫多傾氏子國寶為子。以配其妹。國寶生三子。長曰國寧。次曰源次郎。季曰順三郎。

○其作虔儒。字摩西。稱阮甫。號紫川。仕德川氏。其先出於近江佐佐木氏。遠祖某居湖東箕作邑。因氏焉。五世祖泰秀。慶長中。避亂隱讚岐小豆嶋。其

近世先本支葉續編卷之二

三六

二子義林。泰連航海來山陽。依外家三木氏。娶關新田於大谷村。迎父共居。從此世為其作人。義林生貞辨。貞辨生政辨。政辨出繼松岡氏。因養備前萬波氏子貞隆。配以其女。貞隆生貞固。始以醫仕。津山侯稱文菴。乃紫川父也。

紫川幼喪怙。養於母氏。性穎敏。日務讀書。加以母氏嚴訓。勉勵苦刻。過絕群兒。及長游京都。就諸家研究醫書。儕輩莫能抗者。

文政壬午本藩擢為待醫。後從公駕。祇役江戸。當此時。宇田川榛齋盛唱西洋醫學。紫川往聞其說。大

奇之。遂幡然改轍。專志洋醫。以期大成。不數年。業大進。於是移家住江戶。

天保己亥幕府命補司天臺譯員。賜銀二十錢。後加俸五三。

嘉永庚戌本藩進班使番格。紫川以多病辭職。不允。安政癸丑。魯西亞國使來長崎。幕府遣筒井川路往接之。紫川奉命從行。其明年再來下田。以定條約。紫川皆與其議。官賜銀賞之。

安政乙卯。委家於義子秋坪而老焉。退居於湯島菅神祠畔。辭司天臺譯官。官優賞賜銀允之。

近世先哲叢談 續編卷上

同九月。紫川以洋學通明之故。進謁德川溫恭公。丙辰始建洋書調所。舉紫川為教授職。給俸三十口金二十圓。

文久壬戌幕府遂辟紫川列幕籍。班在儒者次。以洋學為幕府臣。實以紫川為嚆矢。

癸亥春罹病。荏苒不起。以六月十七日終於家。年六十五。葬于白山淨土寺。

紫川易簀之前日。自題肖像曰。學術東西究古今。歷朝治亂儘鉤深。弱冠勵志無成業。孤負六十餘歲心。遂遺誠兒孫曰。吾死唯建一小石。誌生卒年月。

足矣。何以虛飾諛墓之丈為。

紫川無男。養門人佐佐木省吾為子。以女配之。省吾早沒。以友人菊地氏子秋坪繼之。及紫川入幕籍。省吾遺孤貞一郎。以嫡孫承後云。配大村氏。生三女。長適安藝吳黃石。次配秋坪。季配省吾。

紫川為人端正剛直。持身極嚴。其逢浮華輕薄之人。面折無所諱。然至老人婦女。溫然款接。人亦以此莫怨紫川焉。

紫川常雖惜寸陰於鉛槧。暇則弄花玩月。吟詠自樂。常戒子弟曰。凡為學者。勿要速成。唯念念不離學。則所得竟多矣。

近世先哲叢談 續編卷上

中年究洋醫之書。所著有外科必讀。產科簡明。泰西名醫講義。知生鏡原等。晚年最潛心於地誌歷史。乃有泰西春秋。泰西大事策。泰西史影。西史外傳。八絃通誌。絃勝覽等。其奉官命譯述者。則海上砲術全書。日本風俗備考。日本記等。總計一百六十卷。畧譯之盛。蓋所不聞也。

大槻磐溪與紫川交三十餘年矣。乃作墓表。且係以辭曰。洋學之興百餘年。前有蘭化。後杉田。吾翁新著階梯傳。昌永增訂。采覽編。誰譯西史。繼前賢。中

輿人推其紫川。歷朝治亂。費貫穿。亞細歐巴米利堅。使人坐窺八紘天。不用更駕大輪船。俛仰今昔。淚潛然。歎息時運日變遷。欲舉一杯酌九永宿草。没人骨已仙。莫將腐臭枉。棄捐同心之言。自有緣。

○村田春海。姓平。號織錦齋。又號琴後翁。江戶人。

春海生於賈人家。曾祖忠之。好佛學。祖忠亨。信儒學。父春道。崇國學。善和歌。春海與兄春鄉。同從加茂真淵。學我邦古言之義。又善和歌。春鄉嘗念富如浮雲。豈足以自恃哉。不若避市井。而就閒曠。以樂我道也。於是使弟春海督家。遂別居。以國學為業。春海代兄督家。淡於財利。而學成名聲大起。從學者衆。白河侯月賜五口俸。以為門客。

春海又潛心於漢籍。好作詩文。初師事服部仲英。仲英死之後。從鶴士寧。如京都。就皆川淇園學。博學淹通。學通和漢。其作國文也。取法於漢土之文。別開一派。國學者推為不可及焉。

妙法院法親王來江戶也。召見春海。徵其和歌。賜板文庫硯筭。春海乃著仙語記一卷。詳記其事。

葛因是嘗讀春海琴後集。曰。先生之文。卓異雋傑。自

有唐宋八家之風矣。

○小澤玄中。號蘆菴。一號觀荷堂。尾張人。

蘆菴原竹腰家臣也。幼住大阪。及長。徙京都。仕某公。年三十五。辭仕。迎母於尾張。筆耕為活。以養之。後以歌學為業。與上田秋成。伴蒿溪友善。又善劍伎。所謂念流者矣。

蘆菴家素不富矣。以五金買箏。彈之。有奇音。中島道咸來賞之。曰。奇器也。蘆菴曰。子實以為奇器。則請以贈之。以子之妙手。而不畜一名箏。予平日深所憾也。道咸固辭。不可。乃拜謝。抱箏以去。

蘆菴為入方正端嚴。嫉邪殊甚。人有過。則面責之。毫不寬假。一夜盜入室。蘆菴執長刀。擊之。盜怯而逃。蒲生君平欲作山陵志。遊於畿甸。見蘆菴語之。蘆菴悅曰。老夫非無其志。子以敝廬為主。可以搜索山陵矣。

蘆菴京師之災。家為焦土。寓於太秦地藏堂。貴紳某聞其善和歌。屢遣使召之。固辭不應。貴紳數曰。彼年老。隱居樂道。我欲屈致之。非禮也。乃命駕往見之。蘆菴亦感其禮遇。翌日往拜之。自是出入其門。豪商某一族。皆入門問業。蘆菴疾病。其黨無來問焉。



者。蘆菴疾愈。深怒曰。彼豪富也。聞師之病。則親來問焉。且使女婢一二人視病可也。然如此疎薄。可謂無人心矣。乃贈書絕交。其尾附和歌曰。比登乃與能登。美波久佐婆迹。億久都由乃加是遠。麻都麻乃比加里奈利計里。其謝罪不可。

○小野職博。字以文。號蘭山。別號朽菟子。京都人。

本佐伯氏。父職茂。叙從四位下。任主殿大允兼伊勢守。有二子。長職秀。襲職。季乃蘭山也。

蘭山自少喜讀書。從松岡恕菴受本草學。年二十五。

近世先哲叢談續編卷上

十一

絕意仕途。下惟講業。採藥之外。足不出戶。戌而寢。丑而起。隨讀隨抄。數十年猶一日。

蘭山單身獨處。束脩所入。衣食所費。一委諸老奴婢。不復問焉。年老志愈篤。學成名顯。治本草者。遠近腐至。爭受業門下。

其說本草。徵引群籍。參証互明。品物之形狀。地道之良楮。諄諄叮囑。傾倒無遺。其辨物出於幽岨。來自殊方。惟異珍奇。罕覩希有之品。一目即指其名。言其所產。聞者莫不歎服焉。

蘭山為人恬冲坦靜。語言低小。性最強記。耳目所過。

終身不忘。接人無賢愚。容色必恭。教弟子。衍衍無倦也。

蘭山年七十一。徵來江戶。為幕府醫官。先是見徵也。京都奉行使。使剋將命日。及期。蘭山忘之。夙與門生出採藥。因寢。徵命可一年。至是更有命云。

蘭山來江戶。賜月俸及宅。命講本草。教授醫官子弟。屢採藥於諸國。自庚申春。至丙寅夏。窮採山東八國。及甲駿濃信勢紀等國。率五旬。或十旬。乃歸。歸則疏其所採之品目。編為一書。而上進。蘭山始寄隱間菴也。訪搜所及。未廣也。至是得縱意究搜。雖

近世先哲叢談續編卷上

十二

年已老。猶徒步崑岫之間。欣然忘勞。其苦思力學。如壯時矣。

書室之內。典籍羅列。癖藥奇品。囊盛笥儲。碎玉怪石。草之花實根莖。羽毛鱗介蟲豸之屬。或盆栽排于架。或乾腊挂于壁。或貌而圖之。為卷為冊。為摺片。如古書畫。古器玩。洋船諸物。旁午狼籍。乎席上。蘭山僅容身於其間。几坐披剡。時或獨酌。微醺賦詩吹笛。怡然自娛。幕府督醫學事丹波元簡一見。稱曰。殆如神仙中人矣。

孫子德嘗與門人筆記本草綱目啓蒙四十八卷。就

正於蘭山以上梓定蘭山畢生之心力所寓云。

蘭山著廣參說一編。凡二千餘言。及將死之際。不能自執筆。使子德改竄數字而逝。年八十二。

蘭山生一男子。名有義。仕幕府乃生子德。子德承家學。

丹波元簡序本草啓蒙云。啓蒙之書者疑者決之。謬者匡之。審辨細釋。鴻纖無遺。抑謂我邦本草之學。至于此。集大成歟。洵醫家必用之偉寶也。則老師國手必不得不藉檢査于此書也。啓蒙云乎哉。格物多識。夫子嘗稱之。先賢曰。一物不知。君子恥之。

江世元本草啓蒙卷之二

則學士大夫必不得不架藏此書也。本草云乎哉。余因窺翁為人。沈靜古朴。澹然於世味。性最強記。凡人持草木諸物而問之。莫不衝口而答。答必舉數名。引數証以告焉。嗚呼殊方絕域。山巔水涯之品。其區而別。何有所限。而其應答能如是。則不知翁之胸中儲畜幾千萬種也。云云。

子德就本草啓蒙。分類品物。名曰本草啓蒙名疏。以伊呂波歌為徽號。以便于搜索。而正假名用法于屋代弘賢以上梓。

○林銑。字叔統。一字公鑑。號述齋。別蕉軒。又天

瀑。幼字熊藏。稱大學頭。晚改大內記。

親生父為岩村城主大給支族能登守乘蓋第三子。伯兄乘國。仲兄乘遠皆殤。述齋宜承嗣。而幼善病。因養福知山侯第二子乘保為嗣。述齋則在家。至十餘歲強健。性好文。成童讀書等身。父為招時儒大鹽鰲渚。服部仲山教習。迨十八九。和漢古今之籍。靡不通曉。詞藻亦纚然可觀。既而鰲渚仲山相尋物故。自後獨學無師。

佐藤一齋少述齋四歲。以藩弟子。自幼伴友。既長。日夜在側。相俱讀書。約三四年。述齋一旦自謂。我久

江世元本草啓蒙卷之二

攻漢唐之學。訓詁瑣屑可厭。今將本草說以成一家言。乃斟酌朱子八書訓。又編著齊魯韓詩說。經義叢說若干卷。當時述齋英氣勃勃。不肯屈下人。獨有澁井太室者。稱林門高足。述齋一見心服。遂執贄師事之。又泛為布衣交。以詞藝相來往者。無慮十數人。

方寬政之初。幕府新政。而述齋之名上達。蓋將有用。會林祭酒簡順卒。無嗣。特旨抽述齋承其後。事出不意。述齋上狀懇辭再三。不允。於是幡然作。時年二十六。

述齋之出也。首上言。請建國學。以崇文教。立造士法。三年試業。舉其俊雋。以充國家之用。見允。往時昌平坂聖廟屬林氏私學。至此述齋并地與廟納之。因承古開拓區域。改營聖廟。建學館寮。區上下以增益官私生員。妙選司業置屬吏。規模弘大。制度森嚴。學政於是乎舉。以至於後弗替。述齋時謂掌公學者。教亦不得不公。其同趨向一道德。概當以宋學為宗。盡屏舊撰不復用。

文化辛未朝鮮入聘。例延使者於江戶。而今則有旨受聘於津島。於是創為新儀。多自述齋之議而定。

近世先哲叢談卷上

四

述齋乃與其行。該事而復命。是際大將軍眷注益厚。臺閣諸老亦惟之詢。而述齋夙夜密勿。奏疏劄子。手不停筆。其所以獻替而翊贊之者。蓋不少。閱二十餘年。諸老遯謝。賢否不一。文政以後漸不如昔。然有大疑之難決。大事之難處。則議必及。猶前時也。至於大小侯國。其主若老臣。請執見入社。就謀國事者。不翅什佰。如嚴村藩。則細大治務。尤盡與聞。且遠近來登門籍者。千有餘人。其間處士成業。第仕各國。亦不下數十人。則述齋之德澤普及藩國。亦可知矣。

述齋為人度量恢豁。能容物好施與。臨事明決。無留滯。其所謀議。率出入意表。又有胆氣。當天下大計。則直言讜論。敢與權要抗。第推誠入人腹中。故不衆怨。最善藻鑑。愛人才。又能赴緩急。解紛糾。是以人益依賴焉。與述齋締交。稱為知己者。皆一世人豪。而尤與白石侯樂翁。堀田侯水月。相膠漆。殆四十年。如一日。

平生好林泉。身在仕途不得如意。因拓隣地為園。姑寄雅尚。又真別墅。其在谷中者。園名賜春。在礪川者。園名錫秋。其餘就同族子弟園內。亦各有遊適。

近世先哲叢談卷上

四

所。每小暇輒命駕欣然忘羈絆之在身。其於草樹愛芭蕉。少時自呼蕉隱。後名軒亦以此。又恒嗜管絃。每佳節令辰。必會友侶子弟。合奏。因名其所居曰陶寫軒。至病篤。猶命子弟。隔壁合奏聽之。其襟度概如此。

至撰著。則官接編集諸書。為最致意者。曰實記。曰朝野舊聞。曰史料。曰武家名目。曰地誌。合凡數千百卷。編摩選人所長分屬之。而纂述体例與原書藍本之取舍。皆出於其獨裁。又嘗裒集漢上佚書存於我者十七種。活字刷印。名曰佚存叢書。後傳播

漢土。

述齋雖善文詩。不屑以此擅長。故應酬文字。率不留稿。而韻語及倭歌小品。出於一時遊戲者。遺於子弟門人之所錄耳。嘗有言曰。大丈夫心事宜明白。爽快。居官者尤宜勿失公正二字。學問之道無他。本諸誠意。以植其休。推之事業。以宏其用。若夫文藝詞翰。殊其餘業。由是知其終身之所期待。不特在區區文儒也。

近世先哲叢書續編卷上

天保戊戌年七十一。以老病乞解兩殿侍講。及學事。幕府聽其乞。猶參預機務如故。居三年。宿病纏綿。強起視事。入夏。水証劇發。屆季夏益劇。自知其不起。至念一日。召一齋遺託後事。爾後彌留數日。召嗣子揆字。遺命各數條。又取疏劄諸稿。悉焚之。又謂一齋曰。聞幕政一新。黜陟皆當。寬政之舊可復。吾及未瞑聞之。無復遺恨。我有七兒。晝夜看護。不離左右。是亦人生之福。今唯澄慮息念。以俟斃耳。至十四日。沒於陶寫軒。享年七十四。葬於城西牛籠墳莊。其在時以快烈自擬。因謚之曰快烈府君。述齋秦職。凡四十九年。其被寵異。終始不渝。家秩原上五百石。至述齋前後增秩。為三千五百石。歲給

近世先哲叢書續編卷上

口集古等。

述齋十一二時。每過傍近花市。必輜行。一日出門數百步。卸輜徒行。左右勸輜。不肯。既歸。左右問。今日何以不輜乎。述齋笑曰。輜夫中有一老人。為輕其任耳。左右皆驚嘆。

韓人來聘。述齋奉命赴對馬也。渡海時。令貯酒數樽。人不知其故。既而事訖。解纜就歸時。風浪驟興。風逆。舟人極苦。述齋乃自倒酒樽。以鎗鏃撞破其底。手自以飯碗斟之。飲舟人。舟人於是氣力一倍。我船獨先達於唐津。他船則後數十里云。

述齋猶在岩邑藩。從與一齋西遊。乃與詩曰。三尺凝霜識者稀。終教紫氣斗邊微。風雨何時開匣去。延平津畔化龍飛。并貺遊學資若干。一齋抵浪華居半年。然數有鄉信而決歸。述齋又與詩曰。聞君客迹自濃藩。目擊俱飲吾道存。累旬未極新知樂。歸路俄驚遠別魂。世故易擡双白眼。詞場且對一青樽。妙年將任斯文責。何日遊踪再及門。

述齋嘗訪一齋。携一行厨示之曰。此物吾子記否。一齋不記。述齋乃曰。此物係伯氏騎行玉川時。丹佩者。針訖。活畜香魚於此厨。并見貺。時吾子七八歲。來翫弄香魚。余叱之。吾子時余之亡。竊來拈香魚。盡殺之。余怒。拳打吾子。吾子泣號。幼時如此。今則道學先生也。一笑。一齋聽之亦噱然。

述齋閱恤之心。借藉他人。至老婆少女。若瞽盲。無不感恩。但於強壯而遊惰者。則嚴加苛責。不少假。述齋嘗曰。男兒做事。宜明決爽快。勿為趑趄依草。又曰。人不可無渾厚處。不可無決斷處。又曰。人道敬上愛下。只是一誠。無不可事之君父。無不可使之臣子。

述齋在對州。與書於人曰。吾此役有三可怖。山陰道

蝮蛇。山陽道風尤。韓人膳羞是也。外此則千仞之峰。萬里之海。無一足動心者矣。韓人調理羶臭。可厭。故以此為戲。述齋壯時豪邁。蓋如此。

近世先哲叢談續編卷上

五

近世先哲叢談續編卷上終



近世先哲叢談續編卷下

北越

松村

操編述

○佐藤坦。字大道。號一齋。一愛日樓。又老吾軒。號其塾曰百之寮。曰風自寮。晚名其遊息之所曰錫難老軒。江戶人。仕德川氏。

初名信行。稱幾久藏。年二十一。改今名。稱捨藏。系出大職冠錄足。錄足之裔孫相摸介公光。仕豐後佐伯。始稱佐藤氏。公光生公清。公清遷住陸奥信天

近世先哲叢談續編卷下

郡。叙伊賀守。後十餘世。移美濃。仕斯波氏。至六左衛門清信。築城於美濃鉤尾山。食武儀郡五千貫之地。斯波氏亡。歸於織田氏。長子秀方嗣。襲稱六左衛門尉。仕信長。次子信清。稱新九郎。別食五百貫之地。屬信長之第三子信孝。是為七世祖。戰沒。六世祖新左衛門尉信家。先卒。五世祖久兵衛信定。仕備中松山城主池田備中守長吉。池田氏無嗣。國除。高祖武兵衛尉信廣。移住於江戶。曾祖勘平廣義。號周軒。始以儒仕岩村侯。陞家老。祖治助信全。襲父職。父信由。號文永。稱勘平。襲職。執國政。

凡三十餘年。娶蔭田氏。生二男二女。長鷹之助。次乃一齋也。

一齋以安永元年十月生於濱街邸舍。一齋之生在信由四十五之年。既養小菅氏之子治助為嗣。以長女配之。及一齋之生。治助又以一齋為義子。一齋幼而好讀書。又善臨池技。射騎刀槍無所不學。又學北條氏之兵。小笠原氏之禮。書則七歲入於三井親和之門。學篆隸諸體。作擘窠字。比十二三歲始如成人。有藩醫和田主言者。性多才。善讀書。有文藻。常從而問字。至成童。嶄然見頭角。欲以天

近世先哲叢談續編卷下

下第一等事成。其名乃從事聖賢之學。立志甚堅。寬政二年始登仕籍。入近侍。祭酒述齋之末嗣林氏也。以藩公子。居於城東濱街下邸。述齋長一齋四歲。往來講學。概無虛日。每又出入於井上四明。鷹見星皋之門。聽其講論。當此時。學者概游藝園餘矣。乃著辨道薙蕪二卷。又作孝經解意補義一卷。與官醫杉本樗園。締交親善。以豪放自任。三年八月有故免職。因懇請脫仕籍。以十月見許。乃賦詩曰。濯足溪流仰看山。唯山與水意偏閑。投簪心境無餘事。夢在鷗盟猿約間。

同四年二月遊浪華。中間大業之家。大業精曆數。有藻鑑。一見如舊。為介令。從學於中井竹山。日夜切劘。竹山之長子曾弘。詞才絕倫。舉澤相質。學大進。遂遊京都。見皆川淇園。六月歸家。

同五年二月入林簡順之門。寓其邸內。始以儒為業。四月簡順沒。無嗣子。官特命以述齋承林氏後。於是始正師弟之名。而日夜同學。猶似舊時。專潛心於六經。傍學文辭。其所交者。松崎懌堂。清水赤城。市野隼卿之徒。皆為一時俊秀。或歷訪有名儒流。討論難詰。以攻理義。時僧蕉中以能文鳴世。其來於江戸也。一齋常齋所作文。而請批評。多所得力焉。

近世先哲叢談新編卷下

同八年二月陪父遊京畿大和伊勢及攝播。名區勝蹟無不探訪。其間風雨霜露。逆旅艱苦不一。而杖屨捧持。極親之歡心。既而名聲漸起。門人日進。大小侯伯有志於斯文者。延聘請講說。無有虛日。十二年三月平戶侯靜山就封。特有命給路資以延。因請便路。到長崎。接吳客以博聞見。侯見許。乃以四月發程。榮其行。而送至於品川驛者。數十人。皆有名之士。世稱以為盛事。遂越攝經中國。至肥前。

館於長崎平戶侯之邸。與清人沈敬瞻。劉雲臺。錢宇文。周慶書之徒。為文酒之交。雲臺字文共有學植。不可視以商賈。所得亦多。遂至平戶。講經於維新館。聽者三百餘人云。歸路入京。路歧蕪。以九月歸家。

享和二年壬戌十月望。携門人齋藤斌。遊錦屏海。錦屏海在武之本牧。作追蕪遊錄。文化元年新築愛日樓。自春至夏。而落成。其間僑居於同姓信義之家。作僑居日記。

近世先哲叢談新編卷下

同二年十月為林氏塾長。督眾門生。初林氏之門有員長之職。以統門生。給俸米。而其人相繼而物故。無復任其職者。一齋則實客寓而任之。出於不得已。是以不敢受俸米也。爾後門人益進。從遊之士甚夥。客舍不能容。而耳提面命。講讀不倦。夜以繼日。當講經之日。則聽者滿堂。述齋之嗣子樞宇。及諸郎莫不就家延招。因問文字。門人遂其業。而成家者數十人。三谷間塚越雲。竹村實本。多楳。安積信昌。谷碩。菊池履之輩。皆脫褐諸藩。而尤其翺然者也。安積信後擢儒員。上列於昌平黌。

文化八年韓國聘使至對馬。幕府命位僚。蒞以受之。

時述齋與行。一齋以親老不能執羈勒。瞻望弗及。河梁感深。作陟陟日錄。

一齋嘗辱知東嶽山法親王。時侍講。每有詩歌筵。莫不陪侍。文政元年九月陪法親王詣日光神廟。著日光山行記。

文政四年發江戶。至美濃。躬鉅尾山祖先城墟。詣墳墓。遂遊京都。謁日野大納言南洞公。以九月歸家。公有好文之名。尤善韻事。一見如舊。爾後公之奉教而來於江戶也。必至旅館。候起居。則貺東征道路所獲之篇什。以為例云。

近世先哲叢談續編卷下

五

一齋之於巖村。已辭仕之後。無有職事。唯以文學輔導世子而已。文政九年。世子承國。擢一齋為老臣列。以議國事。賜以廩米十五口。稱師範。後加賜五口。姬路平戶二侯亦皆贈以俸米。其他尚有數家矣。當是時名聲藉甚。天下之士苟志道學文者。莫不執贄於其門。塾徒則併肥薩與羽之人。同窓切廟。其質雖不一。而皆篤信一齋。至聲音笑貌。亦莫不學焉。若山極、澤村蓮、吉村晉、山田球之輩。名嚴尤著。

天保四年六月以門人河田興配第八女。興繼一齋

為林門員長。後擢儒員。先卒。

同十二年以齡躋古稀。欲謝絕塵事。以養餘年。就岩村侯矢藏下邸。借數百步之地。新築書室。名曰靜修所。又築一樓。名曰東暖樓。園種蕉桂。以為隱棲之所。往來宴息。

同七月述齋物故。悽然無聊。益絕意於人世焉。而斯年幕府一新庶政。晉賢良。十一月擢儒員。賜祿二百苞。別給俸米十五口。使往於昌平黌官舍。於是幡然復作。則賦三律曰。畢竟虛名無一長。謬承徵命入朝堂。久居人後材如櫟。徒在物先齡迫桑。昨

近世先哲叢談續編卷下

六

夢猶餘蓑笠態。殘軀重着帽袍裝。深慚垂釣磻溪叟。大耋鷹揚報寵光。近築幽棲墨水涯。豈圖今日赴公車。聖明普照分珠璣。文武兼收施兔罝。不比蟠桃初結實。恰同枯卉再生芽。老吾願使書香繼。傳一經餘傳一家。七十無車底用懸。抵今挽做曰。強年。驚鴉儘遠成新綴。猿鶴奈何違舊緣。赴所不期天一定。動於无妄物皆然。世間多少營營者。知否此翁真可憐。

同十三年以舊居與河田興移居於官舍。龜勉從事。誘掖後進。講說經義。不敢以顏老安之於人。於是

天下之人。目以為山斗。而莫不景仰焉。侯伯以下。迎聘請講者。前後數十家。或枉駕於官舍。凡士民之入門者。無慮殆三千人。四月特旨講易於幕殿。辨說詳晰。有賞命。九月獻所著愛日樓文詩四卷。孫子副詮一卷。吳子副詮一卷。言志錄一卷。續錄一卷。賞賜銀七錠。

同十四年二月。賜卹地於本所。弘化二年。請以本所賜卹易矢倉舊棲之地於官。見允。因更營園地。每有小暇。命駕遊適。以寄雅尚。賦詩二首。曰。

新賜瀕河舊草扉。公然佳似浩然歸。數竿叢竹

近世先哲叢談續編卷下

七

貯清氣。一架葡萄攔暑暉。認客池魚浮待餌。馴人野鷺立忘機。遺渠仍作渙樵態。偃卧曾無儀與威。

乘暇來敲箭庫扉。心情恰是向鄉歸。解衣旁礴消長晝。憑杖徘徊到晚暉。破暗青灯傳道意。躍泓瀨尾洩天機。爾時暫忘官途熱。不特清風忘暑威。

同年和蘭國使齋書翰至。長崎幕府命林祭酒。令為報書。又命古賀煜與一齋。仗助其事。七月以功賜時服二領。

同三年正月。昌平官舍罹災。因住於夫倉私邸。賦詩曰。負擔依水草。應變亦兵機。家倘舟楫載。送得墨沈磯。不圖來此區。却得天然富。春禽奏管笙。花柳貢文錦。畫出窓梅月。梳來簷柳風。誰知焚餘客。并將清絕双。杏紅如火燃。一咲女兒怕。知否泮宮壇。丁神不能炙。焦土無生草。祝融何少恩。今入鶯花海。似敲青帝門。家遇祝融渾作墟。幸今不及此。池魚竄奔無恙雞豚犬。携帶僅餘琴劍書。坐聽私蛙了公案。來投舊隱做新居。儘宜暫遠紅塵熱。陋巷難容高蓋車。丙兒何物弄騎權。一旦焚如逃且還。

近世先哲叢談續編卷下

廢宅豈無無用用。舊區真有有緣緣。到來再結渙樵伴。偃卧更求猿鶴憐。人世悲歡元不定。抵應隨處付天然。一掃炎風堪喫驚。來投濕上舊柴荆。千竿隣竹無局鎖。幾隻涉鷗有弟兄。暫避烟塵非竄匿。剩看草木向欣榮。山林况復多經濟。身儘拈拈心太平。遷來已閱決旬餘。寓舍非他即我廬。一架安排新筆硯。滿牀整頓舊圖書。堦前擁帚兼提甕。池上漚花還餌魚。不值此災無此適。須知人事遞乘除。祝融為我作良媒。負郭移棲遠俗埃。雖帶官御拋冗務。豈因人妬買他災。偶隨農圃提鋤鉤。時

誘冠童問柳梅禍福原來同一理。即今何恨復何哀。

嘉永二年閏老以下臨昌平。發海防時務兩策。俾諸儒作對。因上策一道。

同三年三月大將軍臨昌平。饗聽講。此月與同僚共講白鹿洞揭示。特恩有賜品。十一月賞教授勤勉。加賜廩米百苞。

同六年亞米利加國使至。命祭酒令和辭其書。一齋助其事。九月賜銀二十錠。十一月進布衣班。

安政二年賞年老教授懇篤。賜黃金二錠。時服二領。

近世先哲叢書續編卷四

九

蓋出特典。其他每幕府有吉慶事。獻詩頌若賀箋。賜時服者前後六次。賞職事勤勉。而賜時服者一次。賜銀錠者四次。

同六年六月感時邪。至八月稍復強。為塾徒講論語。入九月痰喘劇發。荏苒不起。元氣漸消。念四日終沒於昌平坂官舍。享年八十八。以十月三日葬於城南麻布深廣寺。釋諦曰。惟一院成譽。大道居士。娶片岡氏。先歿。繼配坂本氏。離婚。又娶中根氏。生三男十女。長男曰混。稱慎左衛門。坂本氏之出。不承家。螟步隊田口氏。卒。次稱其次。天。三曰混。舊稱新

九郎。承家為儒員。大政維新後。為權少史。並中根氏之出。合內外男女孫曾。凡三十九人。

一齋天資高邁。精力絕人。夙抱經論大材。而文儒自居。不施之於事業。舉世惜焉。或目以高尚君子。而殊不知自少至耄。一意所志。在於推明大道之原。修諸己而後教人。以供當世之用也。乃其道之大。宗室公伯列藩君相。苟有志於政治者。悉咨詢崇奉。以為軌範。門人弟子。遵材成器。各展力於所任。或以文學。或以吏務。隨分見効者。不可勝數。此其不規規於事為之末。而厚澤被於一世。與夫高

近世先哲叢書續編卷六

十

踏遯世。或齋志弗果者。曼然異途矣。抑述齋之繼杯氏。亦終身不脫儒冠。而當中興明良之會。暗贊陰翼之績。世所共知焉。一齋與之相始終。相表裏。師弟之間。道符德同。非苟合者。亦足以窺志業之所存矣。夫一齋畢生立志。蓋有如此者。故致心於道義。雖祁寒暑雨。未嘗懈怠。至老猶然。公侯迎聘。聽講者。日不服給。率日到數家。或及夜。而不為勞也。是以居家甚少。其著述。則大抵夜中所成。每夜明燭煌煌。正襟端坐。或至五更而就寢。其困苦如此。



一齋於經最精周易著周易欄外書十卷啓蒙欄外書一卷圖考一卷嘗謂仰觀俯察為作易之本。然後世多說天文而不及地理。因原河圖作地體圖。以發前人未發之理。其說曰。無極之真。即大極之靈。斯生兩儀。其奇而動者為陽。偶而靜者為陰。陽之奇而動。即清者之天也。陰之偶而靜。即濁者之地也。其初混沌未分。陰陽本一太極也。既分之後。又相感動焉。蓋天氣之感而至者。乃至虛至靈。主宰地體。以為地心。斯知地必有空虛處矣。是乃在地之天。而風雷水火之原。造化生生之本也。朱子嘗曰。地却是有空闊處。又曰。天之氣貫在地中。地却虛有以受天之氣。此言也。實先我而闡其幽者歟。愚因作此圖。最中一圈。乃虛靈之象。名此曰「心輪」。在河圖中央五點者是也。第二圈。陰受陽。陽麗陰。即水火妙合之象。已起於此。以陰陽言之。地陰胎天陽。以虛實言之。陽實抱陰虛。是為真陽真陰之合體。其陽之感於陰為震。其陰之應於陽為巽。有氣而無形。包在地心外。名此曰「氣輪」。在河圖一、二、真陽真陰。三、四、雷風者是也。第三圈。雷氣之與風氣磨。而其焰成火。風氣之與雷氣和。而其潤成

水。水火成形。而無定形。名此曰「精輪」。在河圖六、七、水火者是也。第四圈。水得火而蒸出焉。其停畜者成澤質。而風又竅於澤。火得水而炎上焉。其凝結者成山質。而雷又發於山。山澤周匝於地體。外面隆隆突起。小大皆山也。窳然低窪。淺深皆澤也。人與萬物生死於其間。以成世界。是地面也。名此曰「形輪」。在河圖八、九、山澤者是也。第五圈。在於最外者。人與萬物之托於地氣中。猶鱗介之在水中。人徒知所踏之為地。而不知地氣之為地。乃至謂風雨霜露。亦自天而降。可謂謬矣。蓋地氣上發。必有其限。猶水面也。限以內。皆地也。名此曰「限輪」。在河圖十點者是也。舊圖置之五點外。愚則改移之於最外。前圖可查也。其有一線界四輪為兩片者。是為地偶判合之象。地體初其得天氣也。闢而受之。翕而保之。密合以成一塊。凡其產於地者。雖有小大長短精粗美惡之不同。而率皆具此象。至於人。尤為精英。則形軀亦分明。見其為判合矣。今圖中一線。乃跡其象焉耳。凡是地體。歸藏之概也。讀易者能疏其象。推其數。沈潛反覆。自得諸心。則此圖庶乎其為察於地理之一助矣。

壯歲著言志錄一卷。踰耳順著後錄一卷。七十而著晚錄。八十而著耄錄。其學之造詣。就此四卷可見其全体。至老而困勉不已。亦可見矣。嘗曰。人心之

靈莫不有知。只此一知。即是靈光。可謂風露指南。又曰。靈光充休時。細大事物無遺落。無遲疑。又曰。學貴自得。人徒以目讀有字之書。故局於字。不得通透。當以心讀無字之書。乃洞爾自得。又曰。吾欲讀書。靜坐打做一片。因自試之。讀經時。寧靜端坐。披卷涉目。一事一理。必求之於心。乃能默契之。恍有自得。此際真是無欲。即是主靜。不必做一日各

近世先哲叢書第幾卷

三

半工夫。又曰。余弱冠前後。銳意讀書。欲目空千古。及過中年。一旦悔悟。痛戒外馳。務從內省。然後自覺稍所得。不負於此學。今則老矣。少壯所讀書。過半遺忘。茫如夢中事。稍留在胸臆。亦落落不成片段。益悔半生費力無用。今而思之。書不可妄讀。必有選擇且熟可也。只要終身受用足矣。後生勿蹈我悔。又曰。濂洛復古之學。實為孔孟之宗。承之者紫陽金翁及張呂。雖有異同。而其實皆純全道學。決非俗儒之流。於元則靜修魯齋。明則崇仁河東。餘姚增城是其選也。亦雖各有異。皆一代之賢儒。

其趨濂洛則一也。上下千載。落落唯有此數君子而已。吾取而友之。於心樂焉。此數語可窺其學術之一端也。

一齋於我邦學者。唯推藤原惺窩。嘗就矢藏賜邸園中。營一小祠。掛其肖像。以致欽仰之意。曰。惺窩藤公答林羅山書曰。陸文安天資高明。指辭渾浩。自然之妙。亦不可掩焉。又曰。紫陽篤實而邃密。金谿高明而簡易。人見其異。不見其同。一旦貫通。同歟。異歟。必自知然後已。余謂我邦首唱濂洛之學者。為藤公。而早已并取朱陸如此。羅山亦出於其門。

近世先哲叢書第幾卷

三

余曾祖周軒受學於後藤松軒。而松軒之學。亦出自藤公。余欽慕藤公。淵源所自。則有乎爾。

一齋講說六經。理義深奧。辨說詳細。足動聽者之心。昌平學歲首。例開講白鹿洞揭示。每一齋講之。聽者數百人。莫不感悅焉。嘗曰。講說之時。只要我口之所言入我耳。耳之所聽。再返於心。以為自警。吾講已有益於我。不必問聽者如何。又曰。講書與作文不同。作文只要翻習語。做漢語。講書則翻漢語。以做習語。於教授為第一緊要事。不可視為容易也。

一齋作文以八家為法。尤貴韓歐。於明則學王文成。每欲作一文。必先或坐或卧。以養精神。蓄氣力。豫立其趣向。波瀾頓挫。首尾照應。設諸胸中。猶畫者立其匠。工者定繩墨。而後始起筆。於是千言立成。雖然句句字字取法於古人。極其精密。改而又改。殆經十日。而後初脫稿。常曰。人好用實字。離其文。吾則用虛字。飾其言。平生所熟讀之書冊。朱綠紛然。標出句法字法。是足知其精練也。

如詩則一齋所不任。然其精練。不異作文。嘗曰。文能達意。詩能言志。如此而已。綺語麗辭比之佞口。吾

近世先哲叢談續編卷下

十五

曹所不屑焉。又曰。文詞可以見其為人。况復留貽於後。宜以修辭立誠為眼目。

一齋弱冠以後。不用意於筆札。然四方來索字者。月不知幾十也。晚歲尤多。興到則隨意一掃。不費安排。而位置得宜。至筆力之道勁。則謂之天然可也。治家財利出入。飲食衣服井然有法。舉家三十餘口。同竈共食。度無間言。又施恩於親族。有同姓及姻族貧困。殆至亡家者。傾家產資之。義苟有可施。不惜百金。因存祭祀者數家。嘗曰。雞鳴而起。人定晏息。門內肅然。書聲滿室。道行妻子。恩及戚族。家無

酒氣。廩有餘粟。豐不至奢。儉不至吝。俯仰無愧。唯守清白。各有其分。如是亦足。又曰。不親親戚者。於他人亦疎薄。不追往事者。於當務亦苟且。几交道。勿忘厚字信字。又曰。人乞物於我。勿厭。我乞物於人。可厭。

一齋又厚喪祭。嘗著哀敬論三卷。家奉世世葬於僧寺。不欲改葬之。故雖擢儒員。而不乞葬地也。嘗曰。吾家葬祭。曾祖以來。用儒式。但遺体托之僧寺。從國法也。既托之。不得不禮敬。儒者多疏遠僧寺。是疏祖先也。不敬亦甚。

近世先哲叢談續編卷下

十六

其修己嚴毅方正。接人則極平恕。人有過失。而訓戒之。則先肅容。貌正辭氣。而蒞之。開誠實。而置其人之腹中。是以聽者莫不畏縮而改過。嘗曰。與少壯書生語時。若加警戒。則聽者厭焉。但就平話中。偶寓警戒。則於彼有益。我亦不至煩瀆。又曰。訓戒人時。語要簡明。要切當。勿疾言。勿詈辱。

平生養生極至。自壯而好刺鍼。有鍼醫村井快悅者。極為妙手。嘗受其傳。日夜刺鍼。以防病於未萌。是以躋耄壽而不衰。其說不一而足。今舉其一二。曰。視聽言動。各有其度。過度則致病。養生亦不外於

吾道食物有口好而腸胃不好者。有腸胃好而口不好者。腸胃好者皆養物也。宜知所擇焉。觀花木以養目。聽啼鳥以養耳。嗅香草以養鼻。食甘滑以養口。時揮洒大小字。以養臂腕。徜徉園中。以養腰脚。凡物得其節度。皆足以為養耳。又曰。箴者鍼也。心之鍼也。非幾纔動。即便箴之可也。至增長。則得効或少矣。余好刺鍼。值氣體稍不清快。輒早刺心下十數鍼。則病未成而潰。因悟此理。

江世元本草叢書續編卷一

七

一齋性澹泊。至飲食衣服。及文房諸器。無嗜好。平生好烟茶。嘗自警曰。酒是水火之令。水其形。而火其氣。故休軀喜之。烟茶起近代。然人亦多好之。以茶能發水之味。烟能和火之味也。然不可多服。多服則害人。況於酒尤甚。余嗜烟茶。故書以自戒。又曰。人往往以文房諸翫寄贈。余固無翫物癖。常用机硯。皆係六十年外舊物。但人之寄贈。出其厚意。則不欲贖之。故每姑置之坐右。然不知者視而謗。以為翫物喪志。余曾不以此介諸意。因復自警。謂人做事各有興趣。徒視外面。妄毀譽之不可。祇足以視己之不明。無益也。

一齋愛測時器。坐右常置數器。著孟子時器雜著二

卷。嘗曰。其好尚有異世人者。好大不好小。好厚不好薄。好堅不好脆。好素不好飾。素則主實用。堅則少壞損。厚則緊慢勻。大則輪位整。其製出於古者。具此四好。故愛之。而稱鐘叩。擲鳴。船用者。皆有實用。是以置此數種耳。其所以愛。則時器之為物。固為測天用器。不可闕者。而其製以西洋為密。因姑資彼焉。又曰。吾輩有辨識者。既能擇器之有用者。而藏之。宜有所監。其不息者。以自強。是謂教。天行之健。即其曰愛日。曰惜陰。亦皆於是乎資焉。學人日程不可不嚴。就業大抵通晝夜四十五刻。了可。過此數恐難續。學人固夙興夜寐。尚有飲食拂浴接客等事。又并寢食。則課業時刻亦自宜多也。宜真時器。時時觀省。以警怠惰。余少壯時。真此器於案上。以資課業。太得益也。

江世元本草叢書續編卷一

八

所著古木大學旁釋補一卷。大學摘說一卷。中庸欄外書一卷。近思錄欄外書三卷。傳習錄欄外書三卷。白鹿洞揭示示問一卷。揭示譯一卷。九卦廣義一卷。吳草廬定論一卷。禿毫聚葩一卷。愛日樓摘本三十卷。濟廩略記一卷。初學課業次第一卷。續錄一卷。俗簡焚餘二卷。課蒙背誦一卷。前之所



舉。無慮數十卷。有於家。其他零細小著。或未編者。不勝枚舉也。

一齋嘗寄納愛日樓文詩四卷。言志錄一卷。於豐宮崎神庫。托之海舶。船偶逢颶覆沒。既而漂浮達勢之岸。土人開之。則內有一齋所納之書。完全不損。因而致之文庫。一以為神助云。

一齋雖奉宋儒之學。實欽慕王文成。凡關文成之事者。莫不罔羅蒐輯。嘗獲文成真蹟墨妙亭詩帖。玆襲不翅趙璧。凡墨蹟存於我者。百方收之。難得者。則命人而双鉤填墨。以藏之。輯愛日樓刻帖。

近世先哲叢談續編卷下

十九

三卷。文成之生。在明憲宗成化八年壬辰。而一齋之生。亦在安永紀元壬辰。中間隔三百歲。昔曾有云。五星聚奎。濂洛大儒斯出。五星聚室。陽明道行。五星聚室。在正德十六年。為文成五十之時。文政四年三月朔。日月五星聚室壁次。曆家稱曰合璧珠。亦在一齋五十之時。天之降祥。殆非偶然也。

門人若山極將之南海。謁一齋告別。一齋曰。聞汝往由海道。來由山道。海道山水平遠明媚。雅俗共喜之。是反汝性者。山道則不然。危峰巉削。溪流箭激。目眩足掉。喜之者。欲終身其間。莫奈惡者之多也。

極於是大有所悟云。其曉人多類此。故人亦心服焉。

一齋嘗作朱子不疑古文尚書辨。作璿璣玉衡說。嘗曰。尚書有古今文。而今之所傳。即古文經。無可疑。宋以後信疑分曹。近世閻著璩著疏証。而毛奇齡寃之。是也。凡五經中確言之夥。莫若此經。乃妄沙汰之。不翅非尊經之道。而更有非經之罪。蓋一齋學術宗宋儒。而依明儒。不喜分析。而主一本。不貴談博。而要深造。其得力。則在達心之靈光耳。

○安積信。字思順。通稱祐助。號良齋。別號見山。

近世先哲叢談續編卷下

二十

樓。與州人。仕德川氏。

陸奧國安積郡郡山八幡祠史祝安藤親重子也。幼好學。穎異有奇才。慨然奮曰。僻鄉乏師友。豈可成志乎。乃負笈來江戶。從佐藤一齋學。時年十七。遂入祭酒林述齋之門。名聲鬱然動都下矣。

良齋嘗著良齋問語二卷。同續編二卷。議論切實。未嘗有間言語。森田楨為序。有言曰。先生學德之盛。固不待贊詞。但親炙之久。有以窺其一斑矣。先生之學。以躬行心得為要。雖已有得。未敢輒自信。必體驗之久。然後筆諸書。故雖係一時涉筆。皆平正。



切實。自肺腑中流出。要非耳剝目販者所能彷彿也。楨自今益加鞭策。學先生所學。果能一意鑽研。久而有得焉。則其於先生之言。必將油然而悅。澤手舞足蹈之不服。奚啻如芻豢之悅其口哉。云云。近藤忠謹又題卷首曰。替天之波起于濫觴。凌雲之材生于寸莖。人心之動也甚微。其發也甚著。善則足以安四海。不善則無以保一身。為舜為跖。間不容髮。要在乎慎獨而已矣。寶鑑可以辨妍媸。靈龜可以察吉凶。往古之治亂。乃方今之龜鑑。善者儆之。不善者戒之。要在乎反躬而已矣。此書雖係一

近世先哲叢談續編卷一

三

時涉筆。聖賢之旨。治亂之迹。錯陳臚列。而於反躬慎獨之功。尤致意焉。王侯閱之。可以知齊家治國之道。士庶誦之。可以知守身勤職之方。其有益於世教匪淺。而題曰問話。蓋謙云。

良齋少時僑小川街。與井戶恬齋相鄰。因結交誼。屢過從。輒置酒論史。或賦詩以遣興。恬齋弟董烈。子浩齋亦厚訂交。時良齋一貧如洗。老屋徒四壁立耳。恬齋父子甚憫之。交口推獎。以是生徒稍稍聚。遂得成家。故終身弗諉其德。平生推奉不置云。

良齋固以文章鳴。嘗論文曰。凡作文之法。不必六經。

也不必秦漢也。不必唐與宋與元明也。辭達而已矣。彼剽剝經典。襲蹈了史。湊合補綴。如裂錦縠而紉之。可謂之辭達乎。規撫韓柳之文。模倣歐蘇之法。掇精咀華。守其繩尺。可謂之辭達乎。吾所謂辭達云者。能自據胸臆出機軸。而成一家言者也。道以主之。氣以行之。秩乎其有序也。粲乎其有章也。洋洋乎其有体且有要也。至其徵材屬辭。則博取而曲陳之。經緯而錯綜之。如眾花釀蜜。蜜成而無香。色可尋。如玄黃金碧。皆入鐵鞴。而成神丹。其所

近世先哲叢談續編卷一

三

其取法。不必六經。而未嘗不原乎六經也。不必秦漢。而未嘗不出乎秦漢也。不必唐與宋與元明。而未嘗不取乎唐與宋與元明也。今夫良醫之治疾。有時而參連。雖牛瀉馬勃。敗鼓之皮。亦莫不入其刀匕。而致起死肉骨之用也。要在乎治其疾而已矣。六經四子之言。歷世名賢大史之文。以至於老莊申韓佛氏之語。皆可以充吾用者。取以入其機杼。融化渾成。乎一篇之中。而粹然莫不啗於中正仁義之道也。要在乎達吾辭而已矣。若夫沾沾焉

剝剝秦漢。規撫韓柳。陳古人已棄之芻狗。而狙宜之尸。祝之。而不知自出機軸。成一家言。雖其文能類秦漢。似韓柳。亦優孟衣冠不足尚也。持論率類此。

艮齋又有詩名。今錄三四首。

護雪裁雲深映簾。輕陰澹日艷逾添。玉環飛燕無双美。天下惟君獨不厭。梅花

仙人綽約在蓬瀛。霧縠雲綃絕世清。海外信風無此種。長教豎子浪成名。全上

一別鄉關夢欲迷。百花飛盡草萋萋。男兒未遂

近世先哲叢談續編卷下

五

酬恩志。遮莫山鵲抵死啼。聞子規

寂歷秋波浸夕暉。文鴛失蔭欲何依。篋中零落

班姬扇。江上沉淪楚客衣。今夜水亭聽雨卧。往

時蘭棹採花歸。一池榮悴遽如許。莫怪人間幾

是非。殘荷

艮齋嘗作十二屬詩。命意奇拔。頗膾炙人口。詩云。上

蔡公子感廁鼠。函關真人跨青牛。我亦疎狂欲搏

虎。老去徒成兔窟謀。十年空學屠龍技。灰線草蛇

費真搜。天馬行空何可及。羚羊落角迹難求。優孟

衣冠類猿戲。卻羨雞口才更優。不如遊獵牽黃犬。

射殺豪猪堆林丘

艮齋少時極貧困。然每自激昂曰。身既投耒耜披蓬掖。抗顏稱師。苟安於小成。不肯竭力於斯道。窺聖賢堂突。而遂與丹蟻俱泯。豈不愧男子七尺之軀哉。天地日月。今猶古也。山岳河海。今猶古。何獨至於人。而古之不若哉。子思子云。人一能之。己百之。人十能之。己千之。雖愚必明。雖柔必強。使子思子大言欺人。則當無此理。如其至誠誨人也。苟致百千之功。奚古人之不可及也。其有自立之志者。如斯。

近世先哲叢談續編卷下

五

艮齋於二本松儒貲。今泉德輔為從母兄弟。幼時就德輔借書讀之。作文章就正。德輔擊節歎賞。語父母曰。此兒必為偉器矣。後果如其言。德輔死。艮齋為之傳述其德云。

艮齋之在林氏之門也。晨夕孜孜勉勵。或與同窓儕輩。剪燭論經。往往到雞鳴而不已。祭酒述齋目曰。思順志強氣銳。後必有成。常以告人云。

艮齋初下帷駿臺。教育生徒。讀書之樓。遠眺富岳。扁曰見山。後遷居鵜坊。從遊者益衆矣。

天保之末。幕府下令。振興學政。於是諸藩風靡。絃誦

之聲。殆遍天下。以良齋鄉貫為與之二本松藩侯擢為教授。既而大將軍召賜謁。無幾特旨援補于昌平學教官。人以為異數。

良齋老而益壯。年踰六十。學殖文章。卓乎為後進所攀援。挾書而踵者。陸續盈門。列侯以下。相延聽講。終殆無虛日。

良齋文略四卷。同續三卷。同詩略一卷。蓋係藩儒時所作。而其榮擢以後之集。則未上刺云。

林鶴漢嘗為良齋文略續集序云。初翁之出東奧。來寓一齋先生之塾。遂入先考快烈之門焉。時予齡

近世先哲叢談續編卷下

十五

十一

僅十一。每就一齋先生學。旁聽翁之論說。亦不少。翁於亡兄檀宇。則切瑳之用友。而於予則指授之先輩也。云云。時鶴漢掌文職。為天下儒宗。而推尊如斯。

良齋設科。一以經術為本。而未嘗汲汲乎詩文。獨謙恭自持。虛襟接物。推轂後進。如不及焉。於是門下諸士。皆知所當務。各隨其器局。而有所成。此固雖發于良齋神會之餘。而亦得之於其師一齋。一齋為教方峻嚴重。以躬率之。故能銓造士。門庭桃李之盛。海內罕比。而良齋出其門。豈得無淵源于

一齋也哉。

良齋嘗讀小野泳沂田園雜興詩卷曰。予為童子時。與農民雜處。頗知田家興味。便欣然欲綴詩。而寒鄉無書。石湖且不可得。尚何望陶柳。當是時。倘得泳沂此卷。閱之。其資吟料。顧不多矣乎。因展翫數回。

二本松侯嘗於別邸設散樂。召良齋觀焉。觀畢。侯賜盃曰。頃者汝蒙謁見之命。豈唯汝承榮寵。抑寡人邦國之光。汝其醕之以酬。勿辭也。良齋惶恐奉命。退而有句云。邦光一語泰山重。感激裁詩貽後昆。以鳴優遇云。

近世先哲叢談續編卷下

十六

良齋嘗題赤壁圖後云。天下何地無月。何處無風。而赤壁獨以風月聞者。非以有蘇子文章耶。夫文章非有金石之堅也。非有山嶽之重也。發諸心形諸篇翰爾矣。而金石可泐。山嶽可崩。惟文章赫赫然映照于宇宙之間。月為之加照。風為之加清。江山為之加高壯。所謂不朽之盛事者。非歟。彼周郎竭智力。以精兵三萬。破曹瞞數十萬之衆。可謂千古奇功矣。而蘇子乃提三寸不律。詠風月於盃酒談笑之間。使百世之下讀其文。想見其人。吟諷贊嘆。

之不亡。而善書者。又模寫之以傳。則蘇子三寸不律之功。反出于周郎精兵三万之上矣。文章之盛。如此。况聖賢君子道德之懿昭。映于宇宙者哉。所著有論孟衍旨、南柯餘編、見山樓集、論語埤註、車輿考等。

良齋歸省東輿。則有東省日錄。遊歷總房。則有南遊雜記。東省日錄中有云。四月朔。晡時。達郡山上。堂拜二親。並年踰七十。鬢髮皓然。猶健。見予至喜。甚。勞慰備至。亟命酒。兒孫環侍。歡暢至夜分始罷。予遊寓二十年。未沾僦石之祿。每歸省。輒行李蕭然。而二親解顏歡笑。如為兒時。泫然相忘於窮通之外。據此。則其歸省。蓋在于未仕之時也。

良齋其先出自比止禰命。比止禰命。安積國造也。民思其德。建祠於阿賀岐山。延曆中。坂上田村麻呂東征。過阿賀岐山。因祭應神天皇於此。後世稱曰八幡祠。比止禰命子孫。遂為史祝。綿連相承。至父安藤親重。兄重滿。皆奉先職。凡五十餘世云。

良齋始入林氏之門也。時同社有竹村悔齋。與良齋年齒相若。業亦相頡頏。乃相俱講習切劘。既而悔齋以奇節死。良齋深惜之。常以為言云。

古賀穀堂嘗自號頑仙。又扁其室曰小洞天。人或謂神仙之說怪誕不經。而穀堂有取焉。恐非所宜也。良齋為之記以辨之。人人傳誦其文矣。

○竹村黃字伯實。初號蟻可。後號悔齋。三河人家世。母落醫。悔齋束髮為書生。從佐藤一齋學。即已頭角嶄然。詩才尤警拔。一齋咨賞。期以遠器。而跡弛不羈。窮甚。賃一老屋。依硯田作生活。凝塵滿榻。斷無儲粟。不恤也。

悔齋性剛直。見以才學自矜者。必折其角。面頸發赤。不顧。學者多畏避焉。而坦懷無城府。一定交必存終始。有過必披肝胆規之。語及忠孝節義事。必泣。故人亦愛重之。

于時祭酒林述齋。道德文章為一代之山斗。學者爭執。悔齋亦著籍。述齋善陶冶人才。碩儒名士多出其門。然述齋得悔齋。大加激獎。嗣子檀宇大寵遇之。每會門生賦詩。輒命悔齋執牛耳。篇成輒相商榷。不得妥適。不措。由是益自勵。格力大進。

落侯聞悔齋名。賜俸為侍講。受業者亦相錯。聲名籍籍如也。

有一儒生。選刻近人詩以牟利。不為玉砥。出財者即

收之刺成。大會都人於酒樓。悔齋深鄙之。作長篇痛加譏彈。齋赴宴。於眾賓填溢之中。徐出詣神。坐人傳觀。皆失色。有恚而譁者。悔齋談笑自若。時山本北山在坐。舉巨盞屬之曰。子作絕佳。然非投轄陳孟公。乃罵坐灌將軍也。悔齋微哂。醵巨盞拂衣徑出。一坐大驚。

林述齋接韓使於對馬。屬松崎慊堂示奚所須。寫小稿。使為之序。奚所須寫悔齋書室名也。韓客至善臣李明五李顯相皆嗟賞。製序云。

正世七本義談續編卷下

五

年及三十。大有乃海。因自號海齋。喜經術。砥礪名節。藩侯頗寵用。忠鯁不阿。屢以直言忤權臣。被擠而觥觥嶽嶽之氣。不少挫。賦行路難一篇見志。志憤淋漓。長歌過慟。有夔州風骨。遂殉奇節。年僅三十六。時人莫不惜之。

悔齋傾而癯。眼有異光。其詩初學韓蘄。晚喜黃陳。每厭近人纖弱之風。獨標勁健。縱橫排奐。奇趣至涌。自建一壇坫。與柔筋脆骨假塗澤。以鬪靡者。安異。嘗語人曰。吾就詩席得題。先揣坐人乃營度。悉抖擻之。別出新意。故往往獲領下珠。然不太佳。則大惡矣。

述齋聞悔齋赴歎曰。悔齋同良齋。俱遊于我門。學術相若。年齒亦相似。倘假之年。則本可輒知其優劣也。

一日大雪。悔齋過城闌。得截句。乃訪良齋。為誦曰。雪詩寒酸不堪讀。我欲一語壓諸家。應天門外與儂集。百金掃空十畝花。誦畢。笑曰。古人詠雪皆陳套。予此作雖不佳。未曾經詩家口吻。是黃陳家法也。居在半藏門外。濠水如燮。鳬鷗出沒。偶得倒鳥熬恬波之句。自謂逼浣翁意。得甚。又抵八王子村。跨馬而歸。得看山時倒騎之句。因思其對。屢作。竟不愜意。其精鍊不苟。率此類也。

正世七本義談續編卷下

五

菊地士素遊長崎。社友會戲于本多伯懋宅。悔齋即席走筆似士素。且歎曰。吾年踰三十。髣髴有數莖白者。歲月易邁。志業難成。故落句及之。即集中所云。努力祗應報知己。髣髴看我數莖絲。是也。酒闌。悔齋俱良齋先辭。月明如晝。携手行語。抵祖橋別。悔齋以是夜殉奇節。此作乃絕筆也。良齋每讀遺稿。追想爾時情事。未嘗不淚漸漸下云。

林樵宇最痛惜其死。為選訂遺稿。鈔板以傳。上卷悔齋少時所手定。下卷則樵宇就其亂稿而撰錄之。



林氏別墅在城北谷中村。述齋每宴賓僚於此。輒未嘗不召悔齋。雖述齋或阻事不赴。悔齋未嘗不到焉。墅有老桂樹。大數十圍。悔齋酷愛之。花時必往觀。終日盤桓其下。賦詩自娛。多為警拔。

其居嘗燬于火。朋友爭來弔。悔齋笑曰。是可賀不可弔也。因地坐。劇論太極。欲定鵝湖未了之案。曾不問家貝存亡。世相傳為佳話。其脫俗率類此。

悔齋就死也。從容盡闌題句。蓋有所寓也。

良齋製悔齋遺稿序。中有言曰。伯實傾然長身。眼光炯炯射人。少時頗負氣。不檢細行。而好讀書。尤工

近世先哲叢談續編卷下

五

於詩。体格屢變。筆力彌高。而有一種雄邁跌蕩之氣。流溢其間。一時名匠鉅儒。皆推為射鵰手云。嗚呼。使伯實尚存。其詩必當追配古人。揚振一代風雅。豈不惜哉。雖然。伯實忠壯。長存於都人口碑。而林公以天下儒宗。又訂選遺稿。伯實死不朽矣。而信亦得掛名姓於其中。非深幸邪。

一齋嘗記悔齋殉節之事。其文奇古。附記於左。

左傳逸文。

洛伍黨。為中行氏宰。有寵而專。厚飲民。有國之發者。因民不堪命。欲除其疾。冬十月。乙卯。災懷刃。

往。方銳突入。刺之。伍黨有力。三被創。猶能間。拉發。發却手刃之。乃斃。發亦伏刃死。初伍黨夢見二龍。以為祥。使卜楚丘筮之。遇坤之剝。楚丘曰。凶。不出七年。君必有禍。仇亦弗免。其在九月十月之交乎。繇曰。龍戰于野。其血玄黃。夫陰疑於陽。必戰。物窮乎上。必剝。天之道也。坤為艮。剝喪其元。其血玄黃。不能兩全。於是乎眾背。而元喪不死何俟。夫易六位成章。窮則變。故曰。不出七年。剝為秋為冬。故曰。在九月十月之交。雖然。古者有占夢。先聖王之所以使民遠罪也。故行妖而能懼。禍無自作。君盍慎焉。伍黨曰。筮短也。吾何慎。楚丘數曰。伍黨其弗免與。誣神矣。筮而不聽。聽而不從。如無筮乎。夫有寵而恃。禍之速也。雖微筮而已。固將及焉。而況於有兆焉。如之何其弗懼乎。必不免焉。及是七年果見殺。

○葛西質字休文。號因是。大坂人。

其先陸奧人也。因是生于大阪。長于江戶。從平澤旭山學詞章。入林氏之門。而講貫於昌平學。遂以儒自命。延徒教授。膳所濱田二侯厚禮延招。以為門客。待之優渥。

近世先哲叢談續編卷下

三三

因是為人豪快俊邁。蔑視一世。眼中無人。居恒解經。子也。抹殺舊說。盡出乎獨見。雖間有涉穿鑿。而新意愈出。大悅老莊之書。謂曰。此與孔孟其揆一也。但後儒拘泥乎文辭。不能得其意。是以誤為異端也。乃撰老子輻註。晚又著中庸辨錦。大學辨錦。莊子神解。

因是甚口。辨論起請。能解人頤。始作莊子神解也。自矜獨見。每見朋友。必談及之。乃言。我胸中有莊子全部文字。混合融通於虛靜淡漠精靈不昧之中。而天機自發。此之謂神解也。

近世先哲著述叢書卷之六

因是喜談詩文之法。益金聖歎。林雲銘之流亞也。騁者驚異。

因是與村田春海友善。嘗序其琴後集云。春海之文。卓異雋傑。有唐宋八家之風矣。春海多之。

因是嘗酒間謂其徒曰。我觀經子也。別有慧眼。漢孔安國以後。宇宙之大。具有幾人哉。

其莊子神解自序。奇技跌蕩。足聳人聽。今不憚煩。揭大要於左。曰。莊子著書乎二千年之上。我今讀其書於二千年之下。其難易何如也。其難不在二千年之久而在歷世注疏諸家錯亂之。若二千年之

近世先哲著述叢書卷之六

書。歷世諸家未始讀之。而我得始讀之。則莊子著書之日。昨也。我讀書之日。今也。今日取昨日之書讀之。猶對面聽談也。又何難之有。讀書者求知言也。知必因官。官必在目。目觀莊子文字。心與注疏逐。米穗舍險。苟且折衷。躊躇四顧。以黠闇終。彼其知與我別。騰寫莊子正文一本。隨手點句畫章。稍覺開暢難解之文。胸臆常藏。思之而不得。未忘言也。不思而或得。已忘言也。有時得諸就臥未寐。有時得諸醺醺微醉。有時得諸曳杖委遲。或對月得之。或背暎得之。日與月與杖與酒與枕。非讀書之所資而寤焉。不知誰通之。誰喻之。此其神與。今取二千年之古書。置之几案上。目之與文相去。其間不以尺。是既無二千年之久矣。其昭然神者受之。其昧然不神者求之。雖既無二千年之久。尚有不盈尺之遠。又目中僅有双開紙上若干行文字。而無全部若干篇文字。此之謂官知未至。神欲未行。夫偃枕曳杖飲酒對月背暎之時。目無双開紙上若干行文字。胸有全部若干篇文字。莊子嘗欲得忘言之人而與之言。忘言之人神矣。嗟呼仰望倪視天地之間。若此濶矣。近思遠想。自今至古二千

年若彼悠矣。然而忘言者其有幾人哉。

○寺門良字士溫。號靜軒。江戶人。

門氏之先。蓋出自廣瀨長門守義本。義本係新田左中將五世孫。正長三年入三井寺而終焉。其子義行。東下屬佐竹氏。改氏寺門。世住水戶云。父名勝春。母田中氏。生母河合氏。

靜軒以寬政八年。生于江戶。育外家河合氏。幼失怙恃。既長。磊落俊邁。家道頓寒。始改志讀書。稍覺有所會。遂遊四方。

靜軒文政年間歸江戶。慨然謂。今儒雖賤。挾書送生。

近世先哲叢談續編卷二

三

庶幾不辱先人。褐衣以終。亦不負舊君也。乃就家下帷。從遊稍集。

天保年中。以戲著江戶繁昌記。嬰憲見。逐江戶。不得復以儒立於世。於是削髮鬚形。風流自命。自稱曰無用之人。

靜軒嘗作生壙。自撰壽碣誌曰。適來者。夫子時也。適去者。夫子順也。其去未可知。其來莫非有事也。事之成者。必有助於家於國於世。而大則可廟。小則可誌。物亦有用乎人。而後銘。人而無用矣。誌靜軒居士老矣。漸將去乎。順友人松本子拜謂之曰。子

貧困如此。顧百歲之後。撤帷或不給。况碑碣。予今購以一石。宜預自誌。居士拜曰。交義之厚。死有餘感。但得罪於國。而不孝於家。何誌之為。曰。罪與不孝。子之變也。誌於不可誌。亦復變耳。以變處變。曷不可。曰。敬奉教矣。云云。又嘗賦詩曰。

衰頹比似荻蘆萎。流徙東西靡不維。無用存身吃死飯。有緣惠石築生碑。未知異日葬魚腹。但悔當年觸虎鬚。罷釣歸來呼碗酒。醉吟擁鼻被兒嗤。自注。駭餘叢考曰。司空圖作生壙。每春秋佳日。邀賓友。遊咏其上。事見唐書。然不自司空圖始也。後漢書趙岐傳。岐自為春秋藏。圖季扎子產晏嬰叔向四像。居賓位。自畫其像。居主位。皆為贊頌。此生壙之始也。唐書姚最自作壽藏於万安山。署兆曰叔居穴。墳曰復真堂。廬照隣預為墓區。皆在司空之先。今茲予亦作生壙。因得此句矣。

靜軒始從田口其學。後寄食山本綠陰。學作詩。遂入寬永寺讀史書。名聲鬱然動都下。

靜軒嘗與齋藤陶皋。石井繩齋。芳川波山。中村橘園。小濱大海輩締交。諸子皆長於靜軒若干年。而詩

酒之會。議論紛錯。排闥古今。靜軒不在。皆不樂。蓋以其天資穎敏。而謙虛慙實。自有使人傾瀉者也。其友齋藤陶皋死。其父老而無所依。靜軒養之終身。其與朋友交。而有終始。率此類也。

靜軒見逐江戶。後局促轉徙。八年間。凡七移居。有詩云。

天公不與買山貲。仍向塵寰守敝帷。流水年從駒隙過。轉蓬身逐鵲巢移。把舟作宅雖纔免。種竹於窓豈暇為。猶幸清時文易買。妻孥啜粥不啼飢。

近世先哲叢書續編卷十

子溫

志摩小濱大海。嘗書壽碣誌後曰。子溫以戲著得謗。因以被罪。蓋治長縲紲於子溫無傷也。昔者崔浩作史被殺。韓愈上表被竄。文字引禍。名賢猶有。子溫雖蹈禍機。止錮仕途。免殺與竄。亦聖代寬典。在子溫則當感戴恩惠之深而已矣。亦何恨焉。但其誌。子溫自撰。則其美事卓行。皆隱而不言。蓋嫌其涉矜伐也。以大海所見。子溫奇士也。義士也。清白寡欲之人也。蓋其先人有二子。沒時長者承家。而子溫尚幼。以別業附子溫母。以養子溫。子溫長。母氏沒。而其嗣父為仕者。有故去邦。子溫悼其宗絕。

而伯兄輪落難立。慨然棄其業。所得之金盡獻諸兄。以為衣食之資而已。則一錢無私。特以一双鋤鐵刀剝落垢弊者隨身而已。子立孤苦。人之所不能堪。而子溫則能處此。默無恨色。嗚呼。世之以利為心者。錙銖不嫌。則骨肉仇視。況其他乎。使其見子溫所為。則不羞死者幾希矣。云云。

靜軒自戲曰。江戶丁男相罵。以僮父。混堂中例稱僮父。互謝短。田舍人嘗謂予曰。觀江戶人。幼必伶俐。及長漸愚。予甚以為然矣。予幸生江戶。而不受僮父罵。不幸生江戶。而漸愚。遂老嗚呼。

近世先哲叢書續編卷十

子溫

嘉永年間。靜軒依某氏。稅居其屋。居臨墨水。對景暢懷。數旬間賦詩一百首。刻以贈交遊。題曰江頭百詠。詩意奇拔。語氣峻爽。間又有警世諷人者。今抄四首。

頭驢可知矣。向世曷追蠅。愛水故來耳。斷塵則未能。文人門外漢。沙鳥眼中明。幽獨江樓晚。烹茶遲月昇。自註。我以彼為門外漢。彼亦必以我為門外漢。顧不止文人。世亦措我於門外。天亦措我於門外。所以半世流落。不得安居。然不為門外漢。則何以得縱情于山水。天蓋陽外之而。



陰內之賜亦多哉。獨所恨者學不能升堂。終老於門外。是可嘆也。

簾前樓鳥起岸暗水光浮。側卧吹烟處曉帆上枕頭。

江心月湧浪如銀。旋看綠雲遮桂輪。波影乍明還乍暗。無心雲惱有情人。

我無大道以生財。講舌支飢抑拙哉。畫餅堪噉徒飽眼。米船逐次上欄來。

靜軒遊越之新瀉。寓居數月。略記所見聞。成一書。名曰新瀉繁昌記。梓以行于世。

近世先哲叢談續編卷下

三十九

靜軒遊新瀉。或謂靜軒曰。越女美則美。然不堪土語不雅冊。息夫人可靜軒笑曰。西施生于越。真妃生千蜀。果知音吐不齊魯。吳王猶亡國。明皇亦覆天下。舌豈害色乎。

其新瀉繁昌記中。審品妓女。或難之曰。錄色告人。無傷於道乎。靜軒曰。然矣。雖然。一張一弛者文武之道。語不云乎。樂而不淫。青樓則公道賣色。世人弛情取樂之地。擁資者何不來游以取樂。笠翁言素富貴行乎富貴。人處得為之地。不買一二姬妾自娛。是素富貴而行乎貧賤矣。予則欲使富豪履其

道。而免錢奴之謗。蓋亦一道。我豈不義而示之乎。其人默而退。

所著有江戶繁昌記五卷。同後記二卷。靜軒一家言數卷。靜軒漫筆二卷。江頭百詠一卷。靜軒文鈔二卷。

靜軒在新瀉。愛妓阿今者。贈以一絕。云。玉蕊吹香別占春。桃李畢竟眼邊塵。三千粉黛渾如洗。羅綺叢中第一人。

門生某等酒間嘗謂曰。先生遇事之後。困踣屯蹇。極嘗酸苦。意謂當憔悴不支。何料眉宇更伸。胸界益

近世先哲叢談續編卷下

四十

闊。康健如故。吾輩不勝欣勝也。靜軒笑曰。人生行客。天地蘧廬。第與兄等樂一日已。絕無憂悶色。門生益服之。

靜軒嘗有賦。墨水春興詩云。哀絲豪竹紛如沸。春正深時舫正多。謂人曰。鑾倉盛時。江島金澤亦如此否。當年莫人記之。其世態事狀。在今則茫不可識。居士昔戲著。於是乎。不為無用也。作文鳴盛。吾輩所以酬太平之恩也。與偏執學派。高論性理者。大逕庭。

○豐田亮。字天功。稱彦次郎。號松岡。以字行。水



戶人仕本藩

伴氏之裔。父曰信卿。好讀書。天功幼時誦史能文。在民間。才名夙聞。一時藩侯聞之。賜以廩米。來寓藤田幽谷之門。東湖與之相切劘。青山珮弦齋亦善交之。

青山拙齋為江戸藩邸總裁。策問諸生。天功年十九。作御廩對。讀者驚嘆。尋不得意而還鄉。刻苦讀書者十年。適會烈公勸精圖治。獎擢人才。召天功為學職。兼彰考館編修。

近世先哲叢談續編卷下

天功撰佛事志以獻。烈公驚異。以編修委之。尋又獻氏族志。方撰兵志。而烈公致仕。東湖囚居。天功憤激與同志來江戸。詣閣老辨冤。以是獲罪。禁錮於家。五年而解。又四年而烈公之冤始雪。天功再補編修。為總裁。尋撰食貨志。又撰兵志以獻。

烈公薨。嗣侯繼述。命天功畢其功。刑法志尋成。其餘未成者。將陸續綴輯。而乍嬰病。以元治元年正月沒。年六十。

天功以文化乙丑生。東湖以丙寅生。而佩弦齋之生在丁卯。年齒殆如兄弟。是以三人平生相交最密矣。佩弦殯初。未。知天功。其十一二歲時。父拙齋夜

歸自外。挑灯細書。既成。朗讀。即豐神童歌也。於是始知有天功。而傾意締交云。

天功為人剛果。強力絕倫。於書無不窺。而尤邃於史學。證據古今。論辨是非。如蠶吐絲。及其操翰。辭鋒健快。如風掃陣馬。天功既有軼群之才。而又有數十年之積學。其學也苦。故得之精。其積也深。故發之銳。蓋自義公建彰考館。已二百餘年。人才輩出。而大日本史志表未成。天功生於其後。不幸而沈淪者再矣。然學問之該博。考據之精奧。儲積之深厚。辭章之雄健。皆基於此。然則天之所以苦天功。乃所以成先輩未遂之功。而識者固嘗期全功矣。而中道奄忽。人皆歎之。

近世先哲叢談續編卷下

當烈公時。天功東湖之名聞天下。東湖以才。天功以學。皆奮其所長。以事烈公。烈公中道而摧折。數年而奮發未幾。而天功沒矣。烈公亦再獲譴責。轉眄之間。登仙不還。為世人所惜。

天功著述極多。奉命撰著者。有北島志。烈公行實。其論海防者。有靖海全書。自述憂憤者。有明夷錄。雞鳴錄。晚年留意經義。有論語時習錄。新進後生見天功著書之易。或於人淺學。模擬之。豈知其蘊畜

有淵源哉。

天功終於班持簡頭。食百五十石。娶黑羽氏。生六子。長靖。好學。有父風。次鴨之介。次司馬三郎。亦天。次友德。出嗣小松崎氏。次揮。次達。

青山佩弦齋撰其墓銘。銘曰。彭往考來。實有先公。紹實累世。未見全功。天功力學。何其雄也。勵志擔當。何其忠也。天乍奪之。厥業不終。問其鄉里。深荻之村。問其葬地。常磐之原。為箕為叢。自有子孫。遺夫炳耀。萬古長存。

○藤森大雅。字淳風。稱恭助。彌弘庵。別號天山。

近世先哲叢談

江戸人。

其先出自信濃諏訪廟祠某。父義正仕小野侯。娶堀越氏生男。弘庵是也。

弘庵少好學。磨勵志操。雖在下位。不忘天下之憂。弱冠承父後。為祐筆。兼世子侍讀。世子嗣立。弘庵以論事忤權貴。致仕去。會年穀不登。物價騰貴。弘庵拊累數口。家無擔石之儲。而舌耕筆耘。講讀不懈。意晏如也。人皆捲舌。

弘庵始從柴理碧海。長野豐山。古賀穀堂。伺庵等而學。最善詩。又能筆札。性強記。於書無所不窺。然不

屑屑乎訓詁。常以氣節文章自許。曰。士不幸不得志當世。則宜立言傳不朽。若夫一身存沒。無所輕重於世。不足取也。

上浦侯延為賓師。委以學政。兼郡務。興文教。革吏弊。功效漸見。而俗士不喜弘庵以羈旅用事。流言沸起。乃謝疾去。侯思其舊勞。給俸三人口。

弘化之初。移家江戸。下帷教授。弟子益進。侯伯執費問道。諸藩執政。往往有就詢事者。

嘉永六年。米利堅艦來乞互市。幕吏疑懼。不知所出。

弘庵憤激著海防備論二卷。而水戶烈公奉旨建

近世先哲叢談

白時務。弘庵上劄言六卷。議論剴切。中時病。烈公

嘉獎焉。大藩或有厚祿招弘庵者。固辭不就。人問其故。曰。吾不欲事二君。上浦侯聞而益賢之。給俸

十人口。有所疑。則使人就問。

安政間。幕府大逮捕論者。世謂之戊午之難。弘庵與焉。弘庵夷然曰。吾得與范滂偕游於地下。亦一快矣。且死生有命。吾將委命以待天定之日也。吏欲處以重刑。而無其實。乃遂之。

弘庵見逐後。隱居田野。聲價益重。四方之士。聞風欽慕。爭趨其門。弘庵坦夷待之。論文弄筆。終日言笑。

啞啞人益服其量。

後黨禁弛。政令稍寬。弘庵特赦。歸卧病於家。有詩曰。伏枕期年鶴骨支。猶聞時事思如絲。空餘滿腹經綸作。把筆杜書絕命詞。

以文久二年十月歿。年六十四。葬於麻布曹溪寺。

所著有新政談。春雨樓詩抄。如不及齋文鈔等。

弘庵先配池田氏。後娶三阪氏。生三男一女。長男遷承後。次曰連。出嗣江川氏。並仕幕府。次曰健。早亡。

○大槻清崇。宇士廣。通稱平次。號磐溪。仙臺藩人。

近世先哲叢書續編卷十

磐水季子也。幼而穎敏。受業家庭。及長。學于昌平黌。十年後。歷遊東海畿內。及長崎。下筆敏妙。才華富贍。為中外名流所推重。

天保壬辰。藩侯擢列儒員。以季子別起家。頗為異數。時年三十二。住江戸為待講。

磐溪素卓犖俊邁。無毫腐儒態。嘉永年間。夙講西法。砭術窮其蘊奧。是以閩藩師之。

嘉永癸丑。米國使節伯理始至。磐溪建議。主張開港。是時議者多主攘夷。朝野置置。人或為磐溪危之。磐溪夷然。

文久壬戌。移于仙臺。為養賢堂學頭。尋致仕。明治戊辰之亂。與羽諸藩。合從舉兵。仙臺為之盟主。起磐溪司軍國文書事。及事敗。以此下獄。既而被赦。時年七十。

明治辛未。復來住東京。文酒談醺。優遊自適。世以騷壇老將目之。

明治戊寅六月。以病終于家。距其生享和辛酉。得年七十八。葬于高輪東禪寺。

磐溪為人。軀幹長癯。性情直率。奉公謹慎。持身清儉。與人藹然可親。然至論大事。則侃侃有不可回者。

近世先哲叢書續編卷十

磐溪少善詩文。晚年歸于簡淡雅潔。嘗曰。吾讀經自扶出手眼。文章則有得于葛西。因是。松崎懔堂詩。則有得于梁川星巖。其推重前輩。而不高自標置如此。

所著有孟子約解。古經文視。近古史談。寧靜閣詩文集。奇文欣賞等數十種。

其客京師也。訪賴山陽。時生客雜沓。山陽揮而去之。獨延磐溪於山紫水明處。對酌論文。山陽於人少許可。特奇磐溪才。一見如舊知。酒間贈詩曰。兩窓揮毫取微醺。囊有珠璣獨有君。讀到一篇催兩記。

相留同醉細論文。他日復往。則談及外史事。磐溪曰。先生記勝家威望。曰鬼柴田。使唐人讀之。或認做幽靈柴田。山陽微笑曰。然。作夜叉。本自穩當。磐溪又論一部体裁。曰。雜割據群雄於管理天下者。曰某氏某氏。讀者恐致統派難辨之感。如何。當時原稿無正記前記後記之目。後及刺加之。蓋從磐溪之言也。

明治九年九月設追遠會。以祭父磐水之靈。蓋以當其歿後五十年忌辰也。是日會者。府下貴紳學士。無慮數百人。多係從事西學者。招請陸軍樂隊合

近世先哲叢談續編卷下

四

奏。蓋私招官樂。足為始。其間魯人仁古來起演祝辭。竟繼以燭。以盡半日夜之歡焉。實一時盛會也。人傳以為佳話。磐溪有詩云。壁間高揭古真容。一瓣焚香拜下風。取長終然補吾短。此心聊可報先公。勝海舟又贈和歌云。外津國乃文能波。夜斯哀枝折世斯君。賀伊佐遠袁美奈仰具加奈。

磐溪娶大野氏。生二子。長曰修二。次曰文彦。並以家學著。

磐溪甚愛陸中國磐溪山水奇勝。故以為歸。晚年詩文稿曰。愛古堂漫稿。卷首附以磐溪真景。

近世先哲叢談續編卷下終

明治十三年七月十日板權所有  
明治三十一年四月十日再版

著者

松村操

東京淺草東三筋町五十九番地

發行兼印刷者

武田傳右衛門

同本郷春木町三丁目十三番地



中山利質 編

南  
木  
誌

東京舊刻本

據東京舊刻本影印

中山利實編輯  
長山貫校訂

# 南木誌

東京書肆 萬延堂發兌

## 南木誌序

外給使氏家宗古出入予家二十餘年矣其為人灑落不以敵和紆華經意蓋外給使者賤僚也出入權門勢家容悅以取媚此二皆然獨宗古在其間卓然自立可謂難矣一日宗古謂予曰同僚有中山文節者好讀書嘗讀國史欽楠公三屯之忠烈又讀清張鵬翮忠政誌竊有感焉蓋武臣與楠公事業雖不同其忠烈則一也乃茲忠武誌編纂此書名曰南木誌曰夫張氏者清之大臣其名藉甚一時宜使侯慰于地下也自顧某之賤劣豈敢比之哉予嘗屢見文節於朝雖不知其為何人何如而宗古之所友必知非容悅取媚之徒也因取閱之歎曰公之於尊氏猶益戾之於曹平司馬懿其唱大義討姦賊皆出于天理

之正炳如日星嗚呼使帝信用公謀則尊  
氏光逆豈得遂其志哉夫尊氏得志於一  
時而身為天下之大僇兒童走卒恥稱其  
名公戰沒荒墅孤魂無歸而百政之下聞  
公風者沁心刺骨取義成仁之氣不覺油  
然自生其得共果何如也可謂天定勝人  
矣且公之所喜唯義而已何必其人之尊  
卑是問今文節與宏悅取媚於彼接肩並  
腠獨知義之重如是則公在天之靈可以  
少慰焉而宗古取友之不苟亦可併傳矣  
是為序弘化戊申仲春節山板倉勝明題  
於甘雨書堂牽牕下

南木志

序

二

雪江關思敬書

敘

皇國君臣之義冠於萬邦而楠氏一家為其稱  
首父死而子繼之子死而孫繼之至雲仍來昆  
終不改南嚮之志殲其種族而止雖皇國多忠  
義之門善有一而無二猗嗟盛哉江戶大城給  
事中山文節平生欽慕中將嘗仿清人張氏忠  
武誌謀緝南木志開我藩先輩津阪孝輝有  
忠聖錄來請見之余為勝寫而贈焉文節大  
喜頗採入之又有所搜獲遂集大成之為卷者  
楠氏遺事逸話及諸家所作題咏盡登於編欲  
梓以廣其傳屬余校且序嗚呼文節之於楠  
氏何可不謂忠臣耶余嘗竊謂我邦皇統萬世與  
天壤共敝雖曰神明之遺德而忠臣義士亦與有  
力於其間焉而前於楠氏者莫盛於楠氏後於  
楠氏者亦莫盛於楠氏至今五六百年士大夫欲  
忠於其君者皆沙汰中將是中將為天地植綱

南木志

序

一 拙堂序

三

常為人倫垂軌範也。若世正道之鑑於是乎立矣。故楠氏之忠於一時。乃所以忠於萬世而文節忠於楠氏。亦所以忠於皇國。是欲明之法楠氏。不可不詳楠氏事蹟。欲詳楠氏事蹟。舍此書將安求。焉苟法之。行必能履。亦立懦扶綱。常弭人倫。亦不以此文節之。所以忠於皇國。而予所以深有取焉。但久於志行之美。與子識之。身中侯賜序。悉之。是華容之。應孰又。故余不敢賞祿其人。而當咸其。不特成文。乃志。亦所以。津阪氏之志。而余平生之志。亦自行於其間焉。是而全一言耶。乃不拒交節之請。而為之序。

嘉永己酉孟夏念有九日津藩鐵研學人齋藤正誦謹撰并書

南木誌

序

拙堂序

四

自敘

余嘗讀清張鵬翮忠武誌。有感焉。自古名臣。莫將立身之。其人。無若楠公忠義貫霄。徹金石。其鴻勳偉烈。彰彰乎在人耳目。五百年於一日。植世道人心。於無疆。豈不精且盛矣。但恨從不為楠氏所著之書。未親集其成忠武誌者也。余居恒慨焉。自撥淺陋。官務致孝之暇。每見有國事及詩文雜記。因係于楠氏者。隨之鬼錄。竊效張氏體裁。略得就緒。名曰楠木誌。後獲津藩先儒津塾有東陽忠聖錄者。亦頗類余所編之。當年極博考。據極精。所謂先得我心者多。遂又錯綜而拔之。以冀若干卷。自顧才疎學淺。固知不免僭妄之罪也。乃述此序之。始於張氏而。成於津阪翁。為之序。不敢掠先輩之美。亦余志也。和化丁未。梯兩月。中山利質謹識。

龍峰本備書



上安中侯書

征夷府給事中山利質謹再拜稽首。上書節山板倉侯閣下。利質少而孤。加之天性慇愚。凡百無能。唯嗜讀書。然奔走衣食。不能專力於問學。是利質平昔之所慨嘆也。利質讀國史。有欽楠中將之為人。因歛慕其事蹟。勒成一書。以寓景慕之私者。有年於此矣。遂不自揆。妄從事編纂。家貧乏載籍。引證率多闕略。雖理稿略就緒。而藏之篋中。不敢示人。恐得掛漏之譏也。同僚氏家光蕃。利質父執也。久荷閣下之殊遇。常語

南木誌

卷之一

上安中侯書

一

閣下好學愛才。至于寸長尺義。為之獎揚不已。利質仰慕之餘。話及此。且謂曰。夫中將精忠義烈。實為萬世人臣之懿範矣。然而中將家乘編纂之任。固非賤劣如利質者所能辦也。倘得王公貴人之筆。庶幾足慰中將在天之靈矣。是利質之所以有竊仰於閣下也。不圖光蕃以其狀達之於將命者。閣下不罪其僭踰。特垂哀矜。許以傾藏。遍讀之。於是乃自忘賤劣。敢因光蕃恭獻舊稿於左右。伏請慈正。爾後奉調于

府朝

閣下懇懇賜

示諭。聽政之暇。辱加刪正。且撰中將像贊。及高序一篇。賜之。利質感泣不自禁。竊謂自楠中將薨。迄今五百年間。西山源義公題碑之外。未嘗聞有王公貴人之贊辭也。今得閣下之大手筆。利質積歲之素志。一朝而遂矣。知遇之感。銘肝不啻。而又蒙閣下之厚眷。使利質涉獵群籍。得完其業。則不獨利質拜

南木誌

卷之一

上安中侯書

二

閣下之賜。亦足慰中將在天之靈矣。利質宜如何報其盛德也。但恨光蕃既就木。不及見此書之脫稿也。謹以南木誌八卷。結寫進呈。塵瀆左右。賜以訓誨。幸甚幸甚。不勝侍愛。忘其突冒。無任惶悚屏榮之至。

嘉永二年己酉十月

征夷府給事中山利質恐懼再拜

南木誌例言

一此編所載正成正行正儀父子本傳。常據常史及忠聖錄。如楠族諸傳。採南山史補之。南山史與常史各有詳略。既出于常史者。依舊不改。

一年表揭正成正行而不揭正儀者。非最略之也。以其生卒不可的考故也。

一楠氏世系。諸書所載大同小異。真實未詳。今姑就諸書纂錄以俟後考。

一此編所收楠氏三世遺文。率取名山古刹之藏。足以証據者。故雖國字俗牘亦臨模登錄。不敢妄修。

南木誌

卷之一

例言

一辭存廬山真面目也。睹者幸勿疑不倫。

一楠氏兵書流傳於世間者不夥。率出兵家者流之影撰。不足采用也。但河內石川郡慈眼寺所藏楠

公真蹟筆錄一卷。天游小田原侯賜序。命寺僧緘

藤獨爲真物。予渴望日久。頃幸得一寓目焉。然本

寺秘襲固不欲公于世。故此編割愛不纂收。考古之士宜就真蹟而參訂焉。

一安永中或相謀欲建正行碑。請釋顯常撰文而事

遂廢。如月原篤信已欲建碑而以僭越報焉。其意

蓋故錄之。

一三楠實錄。正行戰功圖會。皆坊間俗書。其序文不

在。采錄之例。唯以楠公記序。成緒紳家之筆。繆存焉。

一楠氏宗族及恩地和田等事蹟。國史湮散多不詳者。或雖其出口碑縣志者。事實有確據者。採錄以備參考。

一諸候題辭更言某候某。以分之。從史體也。

一本篇題咏和歌國文。今署以真名。據常史及他志傳之體。

一國字成冊。如南方紀傳櫻雲記者。汗牛充棟。不遑

南木誌

卷之一

例言

摘錄。故本編悉從刪落。但漫筆劄記有言及楠氏

雖國字成文者。抄譯纂收。以備史氏之采也。

一予謫劣寡聞。所引典籍。挂一漏百。滄海遺珠。搜獲

不遑。庶幾後之君子補正之。是余之宿志也。

中山實識

南木誌引用書目

大日本史

本朝通鑑

本朝通鑑提要

倭史後編

本朝通記

南山編年錄

參考太平記

太平記

日本春秋

讀史餘論

皇朝史略

國史略

日本政記

三代實錄

日本外史

南山巡狩錄

南山史

大日本野史

南木誌 卷之一

引用書目

一

國史纂論

修史始末

日本史稿

室町紀畧

三忠傳

楠河州傳

忠聖錄

南山遺芳錄

本朝孝子傳

諸家系圖纂

公卿補任

國朝諫諍錄

玉石雜誌

本朝名臣贊

讀史贊議

艮齋史論

行在或問

關城逸史

陸宣公全集

楠公餘筆

集義和書

駿臺雜話

塵塚物語

鹽尻

讀書會意

滄海一滴

遺老物語

退私錄

橘窗茶話

新安手簡

吉野拾遺

楠正儀降參考

耳比磨利帖

年山紀聞

和方彙函

三才雜說

睡餘錄

安齋叢書

秦山隨筆

常山樓筆餘

南木誌 卷之一

引用書目

二

靜寄餘筆

今書

日本樂府

賜蘆拾葉

草偃和言

高山處士傳

河內志

大日本地理志

攝津名所圖會

河內名所圖會

漫遊文章

北道遊簿

射方小志

泰菴戲言

北窗瑣談

士道要論

清清舍叢書

支峰雜錄

文會雜記

花押藪

南行雜錄

松陰年錄

伺菴新論

良將達德抄

熙朝詩薈

義公常山文集

羅山文集

鷺峰文集

舜水文集

省菴文集

仕學齋文集

魯齋文集

皇朝戰畧編

小陶雜錄

櫻雲記

錦里文集

垂加文集

淡泊齋文集

仁齋文集

鳩巢文集

南木誌

卷之一

引用書目

三

紹述文集

觀瀾文集

自娛集

細々要記

儼塾集

餘齡長律集

南郭文集

紫芝園稿

常山樓文集

綠竹園集

龍門文集

周南文集

江陵集

古今奇談

花營三代記

嚶鳴館遺稿

山陽行錄

蘭臺遺稿

凌雲樓集

難太平記

澹園稿

栗齋探勝草

新川集

子蘭文集

金蘭集

晞髮偶詠

雙挂集

岳東海文稿

藻海文集

合子天明後稿

白山集

市隱草堂集

橘菴詩鈔

雪樓詩鈔

挾花園遺稿

草廬文集

介石遺稿

小雲樓稿

北禪遺草

南朝紀傳

南木誌

卷之一

引用書目

四

春水遺稿

栲亭文集

皇朝畫史

松陰餘事

文苑玉露

松山錄

元弘元德日記

元弘日記裏書

大峯文集

山陽遺稿

武藏野集

理齋隨筆

報桑錄

通語

神皇正統記

扶桑略記

愚昧記

足利治亂記

南木誌目錄

卷一

本傳

卷二

年表

行在表

卷三

遺事

遺文

遺訓

南木誌

卷之一

勝蹟

卷四

世系

碑記

皇子傳

卷五

評

論

楠中將公及小楠公功勲偉烈赫耀千古

誰不景仰焉。獨參議正儀晚節頗累清節。

蓋當時紀載多出於北朝阿諛之徒。其毀

譽安足取信乎。夫毀譽顛倒。使正士受冤

屈。所以不堪痛嘆也。故於此一節則悉舉

諸家之評論以供參考。

南朝書籍傳于今者。李花集。吉野拾遺。神

皇正統記。關城書。新葉集等數部。僅以取

微耳。

南木誌

卷之一

楠公肖像記

贈正三位左近衛中將楠公圖像。世俗所傳寫。率皆

無稽。遍募諸四方。終未足取信。太史公所謂鈞之未

睹容貌者也。後閱源筑州退私錄。曰。河內石川水分

社。楠氏世所崇奉。左側有楠公祠。奉祀木像。束帶儼

然。當時遺影。稱南木明神。正平帝所賜號也。余於是

拊髀雀躍。潔齋以往。請典祠者。啓龕瞻拜。面相衣紋。

精爽如在。敬模寫以歸。積歲所祈。竟獲冥助。為喜可

勝言耶。右忠聖錄所載。余幸得其真。今示同志云。



左中將楠公肖像



長山鈞謹寫

南木誌

卷之一 國蹟

贈正三位左近衛中將楠公圖贊

光岳鍾秀 生若楠公 笠置夢兆 非羆非熊

王臣之節 蹇々匪躬 手擎日月 氣摩蒼穹

天步艱難 跋胡疋尾 奸兇得志 長蛇封豕

殺身爲仁 維公父子 百世之下 可以興起

伊豫守從五位下源朝臣勝明謹贊

南木誌卷一

中山利質編輯

後村上帝嗣 後醍醐帝而立。光明帝者尊氏

之所立也。其正閏不待論而明矣。然當時憚

北朝與足利氏無敢論之者。近時村田通信楠河

州傳記事詳確。議論頗可觀。而如載公奏請誅義

貞召尊氏乖謬殊甚。獨及常史一出。皇統正閏

人臣順逆。炳炳乎如披雲霧。觀日月也。無復遺憾

焉。誌本傳

本傳

津阪孝緯 註

南木誌

卷之一 正閏本傳

一

楠正成河內人。左大臣橘諸兄之裔也。諸兄敏達天皇六世之孫。

居山城井里。世因稱井里。出也。世居金剛山西川郡。東石相公正成其十五世之後也。

大舍多楠樹。因以爲氏。父正康。元註一作正。又正。女。母某。

氏。壽志貴山。平山郡大和生正成。山神毘沙門也。以故。

小字曰多門。按太平記。正成爲兒。嬉戲常爲營壘。隊

嘗受鎌倉平甫十六從父與矢尾顯章戰。斬首十七。平

元弘元年。帝避北條高時兵。幸笠置寺。高時怒北條

潛謀誅滅之。事泄。高時遣二階堂貞藤率兵三千。西

上圖行廢立。詔朝將遷車駕於六波羅。八月廿四日。西

都大和河內伊賀伊勢之兵。赴難。笠置山屬山城。相

都半日程。四方少勤王者。帝頗憂之。適夢紫宸殿前

庭有一大樹。南枝最榮。樹下設南面座。百官班列。忽

有二卅角來跪。指座泣奏。普天之下。無所容聖體。唯

此座可以坐也。覺而自占。木傍南楠。意將有楠氏者

出。俾朕再正南面位也。召寺僧快元問之。對以正成

帝謂所夢殆是。遣藤原藤房徵之。藤房大納言宣房之子時爲權中納言。

言正成即詣行在。帝使藤房傳命曰。卿應命即至。允

足深嘉。今日之事。一以煩卿。卿其有何策。以決廟勝。

詳陳其所見。正成對曰。逆賊暴虐。自取禍譴。天討所

加。莫不勝也。但東夷之性。勇而無謀。若以力爭則武

藏相摸之兵。天下無敵焉。以謀屈之。則易與也。然成

敗。兵家常事。或遇小血。願勿煩聖慮。苟有臣存。何患

不濟。辭歸城。赤阪城方可二町。三面平地。在河內金

東。餘川西岸。唯東方一面。頗險耳。蓋事急。不暇別相

攸。姑就其所居而城焉。明年所使平野將監守者。與

謂之名同而處異。在金剛山北方土人。守者僅五百人。

取民儲以充兵食。若行在失守。將迎駕於此也。板築

方畢。而高時將大佛貞直等十餘萬。已攻陷笠置。置

六波羅鎮將北條仲時。北條時益。遣檢斷使糟谷宗

秋。隅田通倫。率諸國兵圍笠置城。堅不拔。高時遣大

佛貞直。足利高氏等。將關東兵至。進攻不能克。陶山

義高。小見山氏。真率兵五十餘人。以飛鳥路村民爲

卒。北從觀音谷。經藤葛。以上會夜。雨暗甚。密隨巡夜

過。至行殿後。官軍驚潰。帝潛出圍。將幸赤阪。至高間山。

貞直等追獲帝時九月廿八日也。仲時等以兵擁車駕赴京都。幽于六波羅。親王公卿以下分拘于諸將家。乘勢奄至城下。正成先遣弟正季一作正氏及和田正遠以兵三百伏城側山中。敵衆視城小易之。曰直用隻手提去耳。輒薄陣急攻。城兵亂射雨注。殺傷千餘人。敵驚沮而退。脫甲解鞵爲下營計。正季等瞰之。分兵爲二。鼓譟而進。城兵連鋒突出。合勢奮擊。敵狼狽而走。器械棄馬委棄載路。尋復來攻。圍數重。正成緣索懸外牆。俟其四面爭登而斷索。敵隨牆顛因連投巨木石。壓殺七百餘人。敵更蒙楯競進。鐵搭鉤牌殆壞。城中乃以長柄杓沃沸湯。敵皆傷爛。自是退守營。

南木誌

卷之一

三

柵計持久以困之。初正成築城。倉卒儲糧不多。至是謀於衆曰。我數有利而賊勢不挫。內乏資糧。外無救援。欲率先天下以建功業者。死固在不顧也。雖然臨事而懼。好謀而成。亦智士之所尚焉。我今陽死。賊必引歸。歸復聚衆出戰。我逸彼勞。制勝之道也。衆皆然之。即夜會風雨晦冥。咫尺不辨。正成爲二大坑。填以死屍積薪于上。留一卒戒曰。候我行速放火燒城。乃與衆三五分伴潛過敵營而行。敵不之覺。及火起爭入城。見坑中焚屍以爲正成信死。引兵旋于關東。正成乃匿于金剛山北條仲時。北條時益六波羅鎮將鎌倉北條氏

所置史遺親兄第二人。護衛京城。兼掌中。原諸州軍政。猶今之二條坊鎮府也。遣湯淺定佛守赤阪。二年車駕西狩隱岐。三月七日。帝發京師。四時置兵所在官軍皆解。夏四月。正成以兵五百出攻赤阪。定佛命領邑民夜輸糧米。正成謀知。邀而奪之。更苞戎具如米狀。使卒三百陽爲輸夫。擔致城中。別出兵爲追擊之狀。城中望見以爲輸夫爲敵所追。乃開門納之。既入披甲譟叫。外兵應之折關並攻。定佛遂降伏。正成併其兵。徇和泉河內進屯。渡邊橋津西。成郡當時天下第一長橋云。今稱京畿大擾。仲時時益遣隅田通治。高橋宗康將兵五千餘來攻。十一月二日。

南木誌

卷之一

四

正成分二千人爲三。伏天王寺側。天王寺。屬少王所生五之境。石山之東。屬東成郡。西北去渡邊橋可五十町。土俗所稱舊天王寺處是也。若今天王寺。茶臼山之東。不詳何時移于此。弱卒三百守橋。皆羸馬繩距橋一里許。其非是明矣。敗退至橋。人馬擁溺。死者無數。逾月。仲時時益又遣宇都宮公綱以兵五百來攻。和田孫三郎某謂正成曰。隅田高橋五千之兵。我已破之。乘此新勝以挫公綱。何難之有。請出兵逆擊。正成曰。兵在和不在多。公綱阪東驍將。從以紀清兩黨。是役承敗。而之餘。僑軍孤進。志在必死。使我能拒。所亡亦多。天下之事豈止。

今日宜愛士力以圖後舉也我今輸彼一籌引退數日出奇誑之則阪東慄急之士氣索而去矣所謂見小敵怯見大敵勇不戰而屈人之兵者也棄陣而卻居數日遣卒三百及民兵數千大燃炬火星布山澤如此連夜滋多滋逼公綱勒兵嚴備意其衆日盛也終潛引還正成復入天王寺請寺僧觀上宮太子未來記其文曰當人皇九十五代天下一亂而主不安此時東魚來吞四海日沒西天三百七十餘日西鳥來食東魚其後海內歸一三年如獼猴者掠天下三十餘年大山變歸一元正成悅曰識文所謂人皇九

南木語

卷之一

五

十五代即今上也東魚吞四海相摸入道是也高時相摸守薙髮號崇鑑世因稱相摸入道時俗溺佛官人多髡深者稱曰入道高時既為入道群下爭慕效之府廷焉西鳥食東魚當有起兵滅關東之人也日沒西天三百七十餘日指上在隱岐歸闕反正當在明年春也世俗傳道天王寺有願戶王識記闕而傳焉正成因託為此說以強人意也因以金裝刀與僧益優厚士卒禁止暴掠還通歸望兵勢彌張尋還金剛山築千劍破據之千劍破城在金山深谷東高百丈西七十五丈南八十里半腹西面大北三十丈唯東南一隅僅可攀躋使平野將監守赤阪此則所改卜築為千劍破之支城在明年春二月金剛山北方半腹所謂上赤阪也高時復大發兵遣二階堂貞藤團兵部卿護良親王

於吉野親王第三皇子初拜兵部卿嘗為僧號尊塔宮雲法親王為天台座主居大塔時人因稱大祐村上義光之敗王匿于吉野十津川至是與赤松則藤以兵三千守之平賀三郎等赴吉野招聚義徒據寺為阿曾時治攻赤阪將監拒守旬餘有暗渠為敵所泄時又久旱兵士困渴敵仍以火箭焚樓櫓將監力盡而降送六波羅斬之以徇諸城官軍為之守益固會貞藤陷吉野護良南走賊軍力戰七晝夜不能克賊軍素諳地形請夜繞軍後夾擊之自山後鎗入火城中兩刃流血淋漓退入幕中命酒與將士訣左馬頭村上義光酣戰被箭十六處遂求跪曰事急矣請假臣鎧裝代大王先戰大王乘間出走王鎧著之登譙樓遙望何忍相棄義光奮激起自解王鎧著之登譙樓遙望

南木語

卷之一

六

王去速乃大呼敵軍曰先帝第三皇子護良自刃汝等行為天兵致死視以為式乃割腹抽腸以投于壁而墜子義隆從王拒後賊追及王貞藤與時治兵悉集千劍破軍勢大熾四萬六千人云城東西臨谷南北蔽峰斗拔數十仞周可一里敵恃其衆蟻附急攻城中大發矢石拒之敵死傷無算令吏十二人注之三日夜不絕書乃令軍中禁擅進安營環守城有泉五道雖旱不涸正成作大槽數百貯水每日得五斛許汨以黃土養其性又每雨引屋溜於槽水常得足而敵疑其外汲也令名越越前守某兵三千守東溪正成伺知守者稍怠拂曉出兵擊走之獲其旗幕

翌日張之，城上呼曰：此昨日名越殿所遺，煩部下人願來取之。越前守愧忿，率五千兵，拔營進薄。城兵下巨木，仍大發射，死傷畧盡。敵服其機，益成持久之計。正成乃縛藁人數十，被甲持兵，夜置城外。壯士五百潛蔽其下，昧爽鼓譟誘敵。伺敵來擊，略發數箭，逡巡入城。時方霧昏，敵衆不曉，競赴藁人。城上乃連下巨石，殺傷八百餘人。將名越速江入道，與其甥兵庫助戰而戰。其陣在城檐下，城兵下瞰大呼曰：叛君之賊，自伏天誅。同聲敵爲飛橋，欲騰入城中。叢擲火炬，唧筒灌油，橋燒斷。敵陷深谷，焚死數千人。高時聞諸將南木誌 卷之一 七

破之。於是長年迎護車駕，率宗族守船上。拒追兵，方計北諸將攻克六波羅。先是赤松則村在播磨，應條高時諸將攻克六波羅。先是赤松則村在播磨，應六波羅兵絕山陰，陽道遂進。赤松則村在播磨，應時復京師，忠顯率諸將進入京師，攻六波羅。不克而退。日忠顯與則村高氏兒島高德與法印良忠等併兵並進，攻六波羅。高氏仲時益奉光嚴帝東奔，道中伏誅。住新田義貞在千劍破之，軍亦潛奉大塔親王今稱病歸國。舉義關東將士爭附。五月八日，攻鎌倉。成族之。高時敵皆解圍潰去。正成出銳師尾擊之，殺獲成自二月受圍，相持五閱。車駕還關。發船上。六月四日，入正成乃率兵七千迎謁于兵庫。田部郡帝親勞之曰：大事速成一卿所效，正成謝曰：不賴陛下南木誌 卷之一 八

威靈臣曷得出賊圍，復有今日。詔前驅入京師。後高直等擁餘衆在南都。據若寺謀犯京師。正成副左近衛中將源定平討而降之。衆出降，縛送於京師。伏誅。建武元年，討僧憲法于飯盛山。平之。憲法北條高時從俗曰：北條時光起兵據飯盛山，大振近郡。兵號二萬人。正成率兵六千討平之。飯盛山在河內讚良郡。以功爲檢非違使左衛門尉。任攝津河內守護。此據記書之也。淡川基碑則書河攝泉三州。二年新田義貞東討足利尊氏。尊氏即高氏賜御名之字改焉。征心甚惡之。尊氏乃因如城議讓良親王知尊氏包藏禍心。震怒執護良流于鎌倉。尊氏弟直義鎮鎌倉遣兵迎衛。鑒土宇幽之。防遏甚嚴。建武二年七月，北條遣尊時行起兵攻鎌倉。直義戰敗出奔。猶慮王在後，爲



應命淵達義博還戰之松不聞八月帝拜尊氏爲征東將軍假節鉞往討時行尊氏與直義合兵攻之時行敗走尊氏入鎌倉據之關東八州隨風而靡詔召還京師尊氏不奉詔遂反初尊氏潛蓄異圖是護良未發謀良既遭害又攝於義貞乃上表請義貞義貞怒亦上疏訴尊氏獄皇子及榮驚之罪帝始知尊氏大逆罔道正成與諸將留衛京師延元元年尊氏犯關去年十一月義貞賜節刀東征十二月與尊氏反降于賊因與夾攻官軍敗績尊氏乘勝長驅西上衆號八十萬時赤松則村反于播磨南海山陰諸國相繼兵起尊氏遣人招正成以兵五千禦宇治尊氏之並營京師朝廷震驚

南木誌 卷之一 九

兵攻大渡從川受木津川其下流官軍敗績正月尊師七日帝遣義貞守大渡義貞弟義助守山崎正成守宇治長年及結城親光守勢多正成遣使言義貞八日山崎之兵烏合之衆不足恃宜疾益兵義貞不從八日尊氏攻大渡不能克使細川定禪赤松範資攻山崎義助敗走還京師帝幸延曆寺十日車駕幸路官軍皆潰走還京師帝幸延曆寺十日車駕幸燒官關正成乃與諸將守行在與義貞結城宗廣名和長年等攻京師結城宗廣自奧之白河率兵從鎮王赴難北至鎌倉尊氏既西兼程追逼入援與義貞正成長年等擊賊將細川定禪于三井寺走之追入京師急遇敵兵五萬于出雲路京師相國寺東北有攻難正成辨捕數百枚遇敵馳突乃鐵勾相連敵以發射退輒縱精騎乘之敵披靡而卻是日諸軍獲捷尊氏西走遇日暮正成謂義貞曰今日破賊殺獲無幾而不知尊氏所適以此少衆頻留京師恐士卒貧財四出不收豈得無反襲之虞如前日事耶且敵乘

勝機後恐難制莫若旋軍養力一舉驅之數千里外也義貞從之引還尊氏復入京師翌日正成遣僧數十人于戰場歷索死屍詐泣曰昨新田北畠楠氏等七將戰歿將爲求骸收葬敵聞以爲信乃取屍首似義貞正成者梟之嘗有以善哭見者正成養以爲士哭泣甚悲人異而問之報曰昨日北畠新田等諸公戰歿聞吾楠公亦爲亂兵所害其索屍收之泪下不已慘愴動人於是敵以爲信稍撤兵備以於是正成敵大敗正成養人隨材成用皆此類也

南木誌 卷之一 十

與諸將潛軍夜發別遣卒持炬遵山西行綿綿相屬敵軍望視告尊氏曰官軍失將領今皆亡去尊氏遣兵要諸道餘衆不復警備詰旦正成等進入京師放火掩擊敵軍驚敗尊氏竟西走遺棄器甲蔽路正成遂與諸將追至豐島河原在攝津山邊郡與足利直義戰正成引兵出敵後直義不戰而退與尊氏航海遁尊氏京師也豐後大友貞宗將舟師三百隻來援尊氏及其敗退于湊川貞宗勸之曰少素貞經在筑紫素傾心將軍願速駕舟招發北國兵以來再將可期矣尊氏從之與弟直義共走筑紫正成逐北直欲渡海擊之曰機不可失敵弗可好乘勝追逼之必矣義貞謂賊已窮迫緩之何害且師老矣姑且休士然後討之未暇也正成曰方今官軍屢克勇氣百倍賊兄弟敗亡之餘勝落氣竭一舉可殲也今失機不取若徇九州勢復振則山陽南海必據而從之彼望勝無及矣願將軍熱圖之義貞竟不果諸將敵軍還京師夏五月尊氏直義引大兵水陸並東尊氏率舟師五十萬將步騎二十萬由陸而進義貞拒之兵庫是時義貞自赤松則村

東下釋圍退也兵庫初義貞之西征也正成奏請俱往弗許義貞攻圍則村數月不下尊氏以其間伺隙紫餅九州勢復熾山陽山陰諸州蜂起詔正成往助應之遂令諸軍水陸並進京師大震

正成奏曰賊收九州軍勢必昌熾以我疲兵恐不能當宜召還義貞車駕移蹕山門稱敵縱賊入京師而臣還河內招聚畿縣兵塞河道絕糧運待其疲散然後前後齊進一舉可斃也揣義貞之計亦復及此但不戰而退涉于物議故不輒歸耳夫戰者雖始之或負欲終之有利請加重思尊氏新得九州勢張甚官軍罷散衆寡不敵故欲以計敵之且兵庫地勢平曠不可藤原清忠以謂宜速遣正成決戰都外帝從其言清忠號坊門氏時為參議好立意見本傳曰尊

南木誌

卷之一

十一

氏大軍水陸進逼京畿大震義貞屯于兵庫備要衝詔正成往援正成建議言賊鋒不易當宜召還義貞持角而進一舉可斃公卿皆曰武事宜委帥臣也獨清忠不可曰自王師東征近賊西走威靈所加莫不必以寡制衆是天助非戰畧也況賊今般所帥如莫不及前日東來之強盛且未聞節度使與賊接鋒然陛下輕舉措遠棄京師則征討將士亦隨生退思且今春已一幸延曆寺今復倉皇移蹕于彼則因何示萬乘之重哉臣謂宜遣正成決戰都外帝納其言遂遣正成已正成退而嘆曰天下之事殆不可爲也我唯有死而已豈非天哉嗚呼安議掣肘千載遺恨劉宋沈慶之有言曰耕宜問奴織宜問婢今欲伐敵奈何與白面書生謀之即武事宜委帥臣之謂也清忠何人微覆邦家止爲此輩也正成即以五百騎上道至櫻井驛在攝津郡以所賜菊作刀與子正行遣還河內正成

父慮自勵忠貞相循子弟相時而動以圖恢復不齊死之尊氏唱以重利誘之慎勿負國恩為後世所嗤正行請從弗許曰父子俱死遂進陣湊川以當尊氏

陸軍義貞陣和田崎以禦水軍助謂曰賊勢張皇欲驅敗卒當之固難矣去年喪軍關東以致與議今又承勅西征未能攻城一城開賊大軍將以致與議今又見我弱而進摧時而不退將勝敗之命紛紛之論何介懷為

公往歲摧破北條高時今年因感尺利尊氏抑雖聖運所然亦皆公之武畧也公之於軍旅其誰得間然義貞為尊氏先鋒細川定禪率舟師向紆邊義貞拔軍赴拒而尊氏全軍既登兵庫湊川和田崎紆邊兵

旗紆邊今作神戶義貞傳曰敵軍水陸數十萬至陣于經島大館氏明三千人于燈爐堂南以禦水軍正成以手兵七百餘人陣湊川西以禦陸軍義貞

南木誌

卷之一

十二

自將二萬五千餘人守和田崎以策應諸軍賊先鋒將細川定禪以舟師數百隻進向經島義助兵擊破之定禪更欲絕官軍後摩舟師東赴紆邊浦義貞與義助氏明皆空營悉率其兵緣岸逐舟而東與正成相隔數里尊氏大驅數千艘以其間自和田崎登取官軍營地紆邊出正成軍後直義步軍從須磨來正成腹背受敵孤正成望之謂正李曰大軍隔絕敵滿前軍無援遂敗

後吾道窮矣乃赴直義陣縱橫奮擊殺獲直義所騎馬中箭斃能退幾獲焉藥師寺公義以尊氏遣六千餘人衝軍後尊氏專當義貞見直義走正成回戰數次士卒殲盡躬被十創退入民屋謂正李曰今日送死九泉吾子欲何所託魂正李笑曰願七生人間以滅朝敵正成怡然與之交刺死延元元年五月二十三日

歲。湊川遺墳所葬其屍也。在河內族十人。或云十人觀心寺者。蓋尊氏所送之元云。族十人。或云十人兵六十餘人。或云五十人割腹並斃。帝追悼不已。贈正三位左近衛中將。

原註按梅松論曰。尊氏奔筑紫。自是朝廷怡然無虞。正成上奏。宜誅義貞。而相尊氏與之。和輯。若須使命。臣請往焉。衆皆咍之。正成私言朝廷得減北條氏。尊氏之功。天下將士莫不屬心焉。所以官軍雖勝。應者常寡。尊氏雖敗。從者每衆。彼必服集西國。期月奄至。不可禦矣。既勅拒尊氏。正成到攝津。尼崎。還奏曰。量臣私據金剛。義合國中。以得濟功。此民心屬王室也。今臣以本國守護。承勅命。召兵然雖臣親戚。猶有難色。此民心離王室也。戰必敗矣。梅松論足利氏家臣所撰。故援正成以蔽尊氏之惡。不足信。云云。子正行。正時。正儀。有傳。

正行敘正四位下。爲春宮帶刀檢非違使左衛門尉。兼河內守。初正成拒足利尊氏于兵庫也。正行年甫十一。自櫻井驛。遣還于河內。誠曰。聞獅子生子三日。擠之絕壁。試其跳超。諸斷崖之下。騰躍不死。云云。汝今十餘歲。能記吾言。我行安危決矣。不可復觀汝也。至死之日。天下必歸乎尊氏。汝當收合殘卒。保金剛山。死生以之。慎勿出降。以墜乃父忠聲。汝之孝莫過焉。授以所賜菊作刀。泣訣。正成戰沒湊川。尊氏送元於其家。正行見之不勝悲慟。起詣佛龕。扶正成所授刀。將自殺。母趨抱持之。母不知。曰。故判官之遺汝。正成則稱判官。古者武弁以爲殊榮。如源義經每臨敵陣。屢以自稱。非以薦福。亦非以殉死。意教汝保合族黨。

南木誌

卷之一 正行傳

十三

正行與從弟和田正朝等來赴。及帝崩。入宿衛。四年八月十六日。帝崩于吉野。正行時十四歲。與和田正朝率兵詣吉野。警衛行宮。後村上帝踐祚之初。屢出兵。住吉側。以挑敵軍。住吉一名墨江。正平二年。足利尊氏遣將細川顯氏。以兵三千來攻河內。距金剛山七里而舍。聞正行將攻矢尾城。在河內。距金剛山七里而舍。聞正行將攻矢尾城。內若山某據焉。謀候其出遠徑。至金剛山下。斷後塵之。正行探聽。率兵七百。佯向矢尾。縱火所在。潛還蔽譽田林而陣。內古市郡。顯氏望矢尾烟。以爲敵果攻彼。乃馳赴金剛山。無復隊伍。比過譽田。正行兵叫呼突出。顯氏大敗。直奔保天王寺山。名時氏以兵六千。

南木誌

卷之一

十四

正行與從弟和田正朝等來赴。及帝崩。入宿衛。四年八月十六日。帝崩于吉野。正行時十四歲。與和田正朝率兵詣吉野。警衛行宮。後村上帝踐祚之初。屢出兵。住吉側。以挑敵軍。住吉一名墨江。正平二年。足利尊氏遣將細川顯氏。以兵三千來攻河內。距金剛山七里而舍。聞正行將攻矢尾城。在河內。距金剛山七里而舍。聞正行將攻矢尾城。內若山某據焉。謀候其出遠徑。至金剛山下。斷後塵之。正行探聽。率兵七百。佯向矢尾。縱火所在。潛還蔽譽田林而陣。內古市郡。顯氏望矢尾烟。以爲敵果攻彼。乃馳赴金剛山。無復隊伍。比過譽田。正行兵叫呼突出。顯氏大敗。直奔保天王寺山。名時氏以兵六千。

舉兵。除賊。再致天下於天子也。汝面奉遺言。還以告我。而言猶在耳。漠然若弗記。吾恐汝背國事也。正行愧止。自後與童輩遊嬉。常爲搏戰馳逐之狀。莫不以計賊復讎爲事也。本書別立正行母傳。自年甫十一。後醍醐帝出花山院。御內山。花山院在京城近西。一條內山在大和山邊。郡正成既戰歿。義貞敗績。尊氏長驅向京師。帝復幸叡山。義貞及諸將守行在。拒尊氏。互有勝負。尊氏分遣諸將。以兵扼諸路。使官軍糧運。於是行在勢孤。援絕。飢窘日甚。尊氏乃遣使伴尊氏。大喜曰。誰謂主上睿明。已陷吾計中矣。又贈書從駕諸將。相慰之。於是義貞奉皇太子北奔越前。車駕還京。尊氏使直義奉迎。遂幽帝于花山院。置兵監備。悉奪從駕公卿官。拘繫諸將士。率多殺之。無何帝夜奉神器。潛出花山院。如吉野。明日至內山。遂入吉野。

援顯氏屯于住吉。正行計先破住吉。則天王寺兵不煩攻。可自退。乃分兵二千餘為五隊。放火民舍而進。望敵軍塵揚。以謂彼陣四處。而兵倍於我。不宜分勢。復併五隊為一大戰。破時氏于瓜生野。在攝津住吉郡餘衆隨潰。至渡邊橋。前見溺者無算。時氏被創走。明年正行進逼京畿。尊氏憂恐。乃令高師直及弟師泰發兵八萬來攻。正行與弟正時和田正朝等百四十餘人。軟神水誓死。詣行宮。吉水實城二院。自先帝時假為行宮。奏請。曩者先臣正成展微力。夷強賊。以安宸憂。無幾天下復亂。逆賊西襲。終致命於湊川。臣時年十一。遺言遣還河內。保南木誌

卷之一

十五

合族黨。復將除滅朝敵。俾宇內再歸皇化也。臣常恐以有待之身。遽嬰不測之疾。上而為不忠之臣。下而為不孝之子。然今師直師泰將來犯。實臣報效之秋也。若非獲彼首。則授臣兄弟首於彼。雌雄之決。在此一戰。願得一拜龍顏而去。言畢泣下。帝親臨口勅曰。以前兩次之戰。每得克捷。汝累世武功。殊可嘉尚。聞賊復盡兵來侵。事勢固弗輕。雖然知進而進。欲不失時也。知退而退。欲保後也。汝朕之爪牙。慎當自惜。正行頓首而出。率衆詣後醍醐帝之陵。在吉野塔尾藏王堂東南。如意塔尾陵。恭謝曰。戰如不利。弗一生還。叩鐔而起。題同

盟。姓氏於如意輪堂壁。如意輪堂在吉野金峯寺正堂東三百步。書歌於其後曰。阿豆佐由美。比岐加倍佐志斗。於毛布余利。奈岐加須珥以流。奈於曾斗斗牟流。各截髮納于佛殿。而後發。帝使中納言藤原隆資授之。師直入河內。分兵六萬。陣伊駒山南。及飯盛山。外山。四條畷。四處並屬讚良郡。外山。里在秋篠之西。今稱中山村。元祿中。官吏外山氏。來為讚良宰。故避而改焉。高師直傳曰。佐一隊。分陣四處。師直以大軍居後。親將餘軍。居後。隆資率兵三千。陽為向飯盛山。以縻敵軍。正行兵三千。由四條畷而進。飯盛山。敵望之。分兵遮擊。正行以先鋒破之。縣下野守與正行。前隊接戰。敗而退。後軍與四條畷敵戰。

南木誌

卷之一

十六

殺傷相半。飯盛山。伊駒山。敵兵前後奄至。後軍見敗退走。武田信氏進與正行。後隊戰。佐木高氏率兵二千餘。陣伊駒山南麓。見其戰酣。計敵疲矣。必赴本軍。宜縱其進。從後掩擊。正行不顧。以兵三百直前奮擊。更大破師直兵。正行特以敢死士三百銳進。師直前隊細川清氏仁木賴章等交進戰。皆敗。正行乘勝奮擊。敵軍披靡退走。聚兵。上馬。皆被數矢。衆乃下馬。據壘坐食。食畢。步進。接戰益勵。遂迫師直。陣上山。高元偽稱師直。冒陣戰死。其甲鏃連環。即高氏紋也。正行注目師直。徑衝其營。高元見事急。取師直賴以脫走。大高元勳身代師直。與村上義光為大塔親王。代死。小山田高家救新田義貞戰。殺其見危致命。勇氣之偉。幾乎媲美矣。然世專稱義光高家忠烈。贊嘆不容口。而高元則莫得而稱焉。反憎其誑。



官軍而令賊將得脫。殆欲唾之。其褒貶榮辱。乃爾天淵矣。孰謂人心無春秋乎。然則凡師之與。慎終于初。辨義不義。可不正行大喜。擲首于空中。手承者一再。既而知其偽也。乃投首于地。蹴且罵曰。汝上山高元邪。汝亦無雙朝敵矣。而勇則可賞。乃親斷衣袖。裹首置于壘上。是日自卯至申。戰凡三十餘合。殺傷數百千人。吾兵死亡略盡。乃與餘兵五十餘人。負楯佯走。以誘師直。敵覺之。遣支兵三百人。正行返戰。斬五十餘級。遂前復迫師直軍。師直幾危。待兵爭射禦之。矢下如雨。士皆而正行正時體中數箭。兵皆重創不可創。莫能興。而正行正時體中數箭。兵皆重創不可用。正行乃呼曰。事畢矣。莫為賊所獲。與正時交刺而斃。正時忠勇義烈。與正行媲美。真可謂難兄弟矣。年二十。從兵皆自殺。其他宗族紀六郎左衛門及二子。野田四郎及二子。楠將監西阿及子。關地良圓金岸兄弟。畠山與三。及六郎。河邊石楠丸。大家掃部助。阿間了願。譽田某。禁峰某。凡二十三人。從兵九百四十三人。元註一作五。悉戰歿也。時正平三年正月五日。獲吉野。中納言隆資。領兵。驅還奏。帝幸穴太。師直縱火行在。神社佛閣蕩盡。自是遂以穴太為行宮云。穴太屬吉野。正平七年改穴太為賀名生。見園大曆。遺構稱黑木御所。今尚存焉。卿士堀氏世守之。蓋經五百許年。未嘗罹災。云。因附記于此。正行嘗朝吉野。路遭高師直。誘出宮女辨內侍。遣卒迎之。內侍在輿中。帝正行悉斬

師直卒。奉還以聞。帝詔即賜內侍。正行辭以歌曰。斗氏毛余耳。奈加羅布倍玖毛。阿羅奴美能。加利能知岐利速。以加氏牟須波牟。辨內侍者。右少辨藤原俊基女也。俊基為北條高時殺。母則出家遁世。內侍孤養於三位。行氏既而入宮。及先帝幸吉野。從之。行氏留守北朝。內侍慕有姿色。高師直一見心欲。竊書寄殿勤者數。而內侍不應。於是師直詔行氏。夫人欲利。夫人感之。因書遺內侍。託所識離離之情。且曰。將詣于住吉。欲枉路河內高安。辭太惻惻。內侍既早失怙。特謂夫人。每執書懷。慟泣。請更過。住吉。師直至。則夫人不在。使人曰。每執書懷。慟泣。大駭。怨罵。命僕回。與不敵。僕皆闔死。內侍與行氏。卒相語曰。僕遇正行。將者男君。非女君也。眼。與與中泣。且哀。通而問之。乃內侍也。詔賜內侍。正行固辭。遂護與而歸于朝。上大賞之。詔賜內侍。正行固辭。南木誌 卷之十一 十八

作歌陳意。當時皆未審解其所詠。及至其戰死四條之役。而後愈益哀其志云。蓋正行義不近禁。不近禁。宗以陣亡之不可還。抑亦所以明君臣之分也。昔唐玄事君猶子。事父。詎有普近。關拔。而臣子敢當乎。誓死以免。時人美之。正行之志實亦在茲矣。其視賴政。義為高貞等事。瓜生野之戰。正行援敵溺卒五百人。給衣藥。視養數日。因授鎧馬。禮而遣之。敵或感恩求降。及戰從死者眾云。子多門元先卒。元註一說正行。子中將。不知孰是。今按本朝通鑑曰。正行娶。攝州野瀨莊內藤滿幸女。生男。号多門元。正行死時年三歲。又寡。遺腹子。及正行死。而滿幸屬高師直。正儀怒而歸。寡。搜於滿幸家。滿幸嫁之於池田。田教依。而生男。於池田家。實正行子也。長號池田氏。及其苗裔。輝政。從烈。祖有勳。勞于國家。受封。播磨。嚴然為關西雄藩云。



楠正儀。正成子。正行弟也。任左衛門尉。兼河內守。遷左馬頭。兄正行正時戰歿。正儀留居河內。高師泰築壘石川。攻正儀。畠山國清尋代之。師素師直之弟也。平三年正月。正行與師直師泰戰於四條。師泰攻國清。子避師直兵。幸穴太師直焚行宮而還。師泰攻國正。儀於石川。築壘也。兵明年間。正儀始終固守。正平五年。國清從足利直義歸順。正平五年十一月。直義憎除之。而反為所偏。計窮難。號惠源。猶不自安。宵遁走。大和依越智伊賀守。又懼王師來襲。進使上書。款附。詔許之。討尊氏自效。然終不來降。只為緩王師之計耳。時師直殺國清族直宗。以其黨直義也。國清怨之。棄石川壘。幸其衆往屬直義。歸順也。蓋當時賊將也。中納言藤原實世請因其降而誅之。其議正儀因殊。明年二月。直義果復叛。國清亦隨去。正儀因南木誌

卷之一 十九

出兵為之聲援。七年足利義詮送款。時尊氏率兵討師直。重義詮留守。權王師所襲。乃伴歸順。屢遣使請車駕還京。師直詔許之。義詮廢其所立崇光帝。去。應隆。泰正平號。收劍重送行宮。事在六年。帝親御軍。宣之。冬。至明年二月。車駕發行宮。赴京師。帝親御軍。宣言幸京師。實欲襲義詮。行次住吉。見伊勢國司右衛門督源顯能。北畠准三宮親房之子。鎮守府將軍顯右大臣。敘從一位。子將伊賀伊勢兵三千。自丹波路進。丹波路京師西郊要衝。顯能取道伊賀大和。至天王寺行營。與正忠正儀分道自京師西郊進也。正儀與和田正忠率兵五千。夜渡桂川。大堰川。昧爽與細川顯氏戰破之。斬其從子八郎。細川賴春踵至。正儀兵以楯為梯。登屋亂射。敵兵沮靡。正儀縱騎突

擊斬賴春。義詮走近江。義詮既送。降見允。不設備。官嚴光。明崇光三帝。為官軍所虜。光車駕駐蹕男山。八幡山。在京師南半日程。車駕義詮以大衆來迫。義詮自住吉進幸于此。將入京師也。義詮以木高氏等率所部赴之。義詮率騎三萬。漸進至東寺。官軍退于男山。細川顯氏亦松則祐亦引正儀正忠率兵三千拒之。荒坂山。稍得利。在紀伊年妻郡。清氏與斯波氏經等塞擊破。然衆寡不敵。退陣男山。敵兵合圍。勤王兵不至。衆議令正儀正忠還河內。募兵。正忠還家暴病卒。正儀逗撓不以時赴援。王師終敗。績稱義詮奉崇光太弟帝。義詮復陷京師。時人謗正儀。謂墜其家聲。既而正

南木誌 卷之一 廿

儀發兵與吉良滿貞石塔賴房等。先是滿貞賴房等攻攝津。擊守護代某走之。敵即賊將佐。明年與和田正武從中納言藤原隆俊會山名時氏攻義詮於京師。義詮陣神樂岡。出兵蔽林間。正儀等欲知其衆寡。使兵五百下馬徒步以誘之。徐近敵陣。佐二本信詮出戰。正儀擊卻之。義詮不戰而遁。十四年畠山國清大舉西上。是時義詮弟基氏居鎌倉。管領關東。頗得以自效之。義詮聽之。於是基氏遣執事國清。發關東八州兵二十萬。率以向京師。軍容甚盛。行在震恐。足利義詮統國清等諸將犯天野行宮。天野在河內。車駕自賀名生徙天野。年月莫考。天野正儀與和田山金剛寺中摩尼院。即當時行宮云。正儀與和田

正武入奏曰。是戰臣等爲官軍保必勝也。夫所貴乎兵者三焉。曰天時也。地利也。人和也。今歲大將軍在西。利東討。不利西討。道誓出兵向西。先是國清發號道誓。是逆天時也。官軍所守前大河。後深山。元弘以來賊來攻數四。每不利而退。是我得地利也。道誓外藉軍興。內實專功。邀賞。倫輩嫉之。是失人和也。失此三者。雖百萬兵不足畏也。但行宮地勢不便。請暫移蹕。觀心寺。在金剛山西。南楠氏所建。臣等據千劍破。日夜拒擊於龍山石川。又令湯淺山本思地。贊河諸族。從紀伊守護代鹽冷某守龍門山。綴土兵。擾敵。令其不得休息。敵必倦而引還。臣等乘機追擊。破之。必矣。帝深然之。移御觀心寺。正儀乃築龍泉龍門平石矢尾等砦。龍泉平石。在河內郡。龍門屬紀伊。分兵守之。自以兵三百據赤阪。城。國清等陣津津山。在金剛山西北。分攻諸砦。陷之。進攻赤阪。正儀退保金剛山。誘之。義詮尋引還。果如正儀所料。正儀又出兵渡邊。先是國清與仁木義長爭權。相傾。至是托事于防禦。私出兵。正儀復入金剛山。國清與義長將交兵。義長幽義詮。變起蕭牆。仁木義長。爲義詮之弟。與國清自始至終。其專權。亦素惡義長。密與其謀。事播都下。義長乃幽義詮。不得兵衛守。要求朝旨。降教書。以討國清。清氏義詮不得。

已從之。而密與高氏謀。夜蒙婦人衣。率親近三人。間出側門。脫去。義長不知。所爲。奔伊勢。據長野城。於是京師人驕。國清懼。於是所在官軍並起。敵諸城望風潰走。正儀攻取水速城。在河內丹比郡。賊黨杉原某所據。正平十六年。正儀攻佐二木秀詮及弟氏詮於攝津。破之。殺獲二百七十餘人。溺水者甚多。追斬秀詮氏詮。中。佐二木高氏。代赤松光範。爲攝津守護。遣孫秀詮往守之。正儀正武來攻。秀詮氏詮發兵二千。欲據神崎橋。拒之。吉田嚴光。盛氣言曰。前守護性懦。動被侵掠。所以尊家公代鎮。而今日南軍送死。復安得以前守護所爲。直須突戰。殲之。秀詮氏詮然之。率兵以進。欲馬而息。正儀諜知之。遣數卒行呼曰。敵西來。何不守。神崎橋。秀詮氏詮乃回軍西還。夾路皆渾泥。伏兵左右。起射如雨。衆亂。且就平地。官軍縱兵乘之。軍大潰。嚴光先渡橋。撤板而走。秀詮氏詮踵至。不能渡。返戰而死。錄俘虜悉給衣藥。放還。是歲細川清氏降。奏請發諸軍復京師。自義長氏爲執事。與高氏不協。爲其所護。叛走若狹。據小濱城。義詮遣兵來討。清氏戰敗。奔攝津。憑石堂賴房。歸順。時賊將多。款附者。各據其地。並張官軍聲援。清氏乃上奏曰。自遁逃之臣。歸罪于闕下。四方士效義舉者。日多。而京師無勝兵。臣於此時。身爲先鋒。與和田楠等進突其虛。一戰可殲。而臣等掃除官關。奉迎鑾輿。近在歲中。帝召正儀議對曰。元弘以還。王師復京。凡五多不假師徒。所苦威力不繼。是以雖屢得之。亦屢失之。今欲取之。不須清氏之力。臣一人足以辦之。只恐取之。不復能守也。若恥棄之。致戰。則舉今版圖所有。併失之。臣愚未視其可也。而帝及公卿侍臣。情切于還故都。是以不從。遂命正儀與清氏俱進赴京師。十

二月。官軍復京師。義詮奉後光嚴帝走項之。足利義詮督水陸軍來迫。明年正月官軍奔京南走。諸將攻京師。別遣赤松氏範犯吉野。官軍聞之奔京南還。果如正儀言。清氏走阿波。與正儀期。東西同舉。不幾清氏戰歿。為細川賴之所殺。其從弟也。王師殆燼。正儀懼敵軍乘勝。官軍沮喪。欲一戰為之。氣。鳩集民兵。得六千餘人。進攻攝津。拔淨光寺。皆河在。又與石塔賴房。攻赤松光範。攻多田部城。火兵庫。而還。光範足利氏所守。攝津。退次尼崎。河邊郡。聞敵發大兵來。引兵還河內。居久之。任左兵衛督。二十三年。帝崩。正儀竊懷二志。細川賴之乘機誘之。正儀竟決策。明年春。密款于

南木誌

卷之一

廿三

足利義滿。尊氏之孫。義詮之子。承父祖之業。尤為雄傑。遂誘南朝滅之。義滿即馳檄和泉河內。宣言國人曰。楠正儀已降我。楠氏宗族勤王者。不應之。合從攻正儀。細川賴之與義滿議。遣赤松光範。細川賴元。率兵救正儀。未至。正儀出城遁至四天寺。遂入京。與賴元相見。明日謁義滿。尋還河內。建德元年。和田正武發兵。與其宗族俱討正儀。正儀不利。復歸義滿。明年夏。義滿遣正儀還河內。因發大兵為之聲援。是役也。諸將皆謂。正儀不得保河南。遂遂巡不進。細川賴之勸義滿。要諸將。強令渡河。至秋。正儀得還河內。正儀既降義滿。北主罷其官職。數

歲授中務大輔。弘和初。歸順。其為左兵衛督。仍舊義滿命。和泉守護山名氏清來攻。與氏清戰于平尾。敗績。宗族六人。家人百四十人死之。平尾在河內。石川郡。正儀引歸。保其舊邑。剛山。尋拜參議。元中中卒。正儀為人遲重。好謀。誠信。接物。其行兵。蒞敵。先謀。後戰。故多不至敗。而於決機應變。又其所短。正儀嘗與赤松光範連疆相攻。光範部下。宇野正寬為兒時。小字。熊王。父為正儀兵所殺。正寬自光範曰。正儀君之寇而父之讎也。願委質正儀。徐圖之。光範壯其志。與名刀。遣之。正寬至赤坂。因人于正儀。正寬至赤坂。僑居。兵庫。介志光。視其姓名。正寬曰。僕赤松光範家

南木誌

卷之一

廿四

士也。父六郎。為光範戰死。叔父弱我。奪父領邑。又併逐我。故逃至于此。忠光憐之。勢歸館穀。正儀召見。厚加撫慰。正寬深感恩眷。久之。遂忘其讐。及年十五。與之食邑。辭而不受。當父七回忌。欲遂行初心。其日。正儀召正寬於前。加元服。使和田正武。理髮。為立姓字。曰和田小次郎。正寬取嘗所賜細鎧。授之。正寬感泣不替。促膝按刀。視正儀。溫然而坐。遂不忍進刺。起出于外。大慟哭。正儀怪問其故。正寬以實告之。正寬拔露情。故曰。舊君之恩。不可背。父讐拔刀。將自殺。左右抱持止之。於是正寬剃髮為僧。作書致光範。并返所授刀。退居。蟬。城。往。生。院。終身不出寺門云。其得士心如此。又與清氏入京也。北將佐二木高氏。捨第出走。命守

者淨掃室內。陳設名畫珍帖。及諸器玩。戒曰。有來者。必酒食厚犒之。既而正儀至。大感其用意。清氏欲燬其家。正儀止之。更添置名鎧銀刀。而去。當時諺謂。高氏一擲。贏得正儀刀鎧。而正儀之優裕。有禮。可以見其性度之一端矣。二子正勝。正元。大日本史南山史。一說正儀子有正秀。

南木誌

卷之一

廿五

南木誌卷一終

南木誌卷二

中山利質編輯

張氏忠武誌中撰武侯年表一卷繫以漢室及昭烈之事蹟焉楠中將公者我之諸葛武侯也而公之宗族實與南朝相終始其關係于行宮不細今就舊史摘錄皇室播遷志士殉國之概略竊儼肇張氏云誌年表

楠公正成年表

甲伏見天皇永仁二年是歲公生

乙永仁三年

南木誌

卷之二 楠公年表

丙永仁四年

丁永仁五年

戊永仁六年

七月帝禪位於皇太子是為後伏見天皇初帝為北條時宗所立後又以詭詞嚇北條貞時因而傳位於皇太子聽政院中

己後伏見天皇正安元年

庚正安二年

十二月北條貞時策定後深草龜山兩統迭立限以十年

辛正安三年

正月帝禪位於皇太子後宇多長子也是為後二條天皇時年十七長於帝三歲矣方是時本中新三院前後伏見都五上皇蓋上皇之多振古所未有也八月立富仁親王為皇太子

壬後二條天皇乾元元年

癸嘉元元年公年十歲

十二月親王尊治加元服

甲嘉元二年

三月親王尊治任太宰帥七月後深草上皇崩

南木誌

卷之二

乙嘉元三年

九月龜山上皇崩是歲公從其父正玄與矢尾顯幸戰于河內

顯幸戰于河內

丙德治元年

丁德治二年

五月親王尊治兼中務卿

戊延慶元年公年十五歲

八月帝崩皇太子踐祚是為花園天皇征夷大將軍久明親王為北條貞時所逐還京師以其子

守邦王為征夷大將軍九月立尊治親王為皇



太子

己延慶二年

是歲公破矢尾顯幸斬首十七級

戊延慶三年

辛應長元年

十月北條貞時卒子高時尚幼其族基時貞顯連署決定政務從遺命也

壬子正和元年

癸丑正和二年公年二十歲

甲寅正和三年

南木誌 卷之二

卯乙正和四年

辰丙正和五年

七月鎌倉執權北條基時免連署高時爲執權

己丁文保元年

九月伏見上皇崩

戊午文保二年

二月帝禪位於皇太子是爲後醍醐天皇後宇多

第二子也幼而英敏龜山上皇鍾愛之欲授祚祈

石清水廟以後二條長且無過不可超次立之未

發及花園踐祚議以後二條皇子邦良爲儲次後

宇多上皇曰朕有所思宜先立尊治次及邦良乃立之三月帝卽位立邦良親王爲皇子

己後醍醐天皇元應元年詳尊治在位廿一年改元

元德元弘建武延元崩于吉野行宮壽五十二

申庚元應二年

酉辛元亨元年

始置記錄所帝親臨聽訟詔廢諸新關帝留意政事勵精圖治常與儒臣討論經史居恒有恢復皇運之志

壬戌元亨二年

南木誌 卷之二

四

五月陸奥人安藤亮勢叛北條氏高時遣兵伐之不克是歲紀伊人安田某渡邊某作亂公討平之斬安田某走渡邊某

之斬安田某走渡邊某

癸亥元亨三年公年三十歲

甲子正中元年

三月帝行幸石清水及賀茂六月後宇多上皇

崩九月義濃人土岐賴員多治見國長奉密詔

謀討六波羅事泄北衛鎮將遣兵襲殺之拘致藤

原資朝藤原俊基于鎌倉鞠問不服高時將廢帝

帝遣藤原宣房賜誓書於高時諭之

丑 正中二年

高時奏。流藤原資朝于佐渡。釋俊基。還京師。

寅 嘉曆元年

三月皇太子邦良薨。錄倉執權北條高時罷。高時有疾。其宰長崎高資勸之罷職。薙髮號崇鑑。以族守時維貞連署行事。七月立後伏見皇子量仁親王爲皇太子。帝愛皇子護良欲立之。高時不奉詔。遂令護良削髮號尊雲。世稱大塔宮。十月前將軍惟康親王薨。

卯 嘉曆二年

南木誌

卷之二

五

辰 嘉曆三年

十月前將軍久明親王薨。十二月以尊雲法親王爲延曆寺座主。

巳 元德元年

午 元德二年

三月帝行幸南都及叡山。北條高時爲執權。四月盜殺大判事中原章房。初帝議滅高時。章房諫。帝恐語漏。使人竊殺之。五月高時遣兵收致僧圓觀。文觀於鎌倉。流竄有差。先是帝與大塔宮。日夜議東伐。又密召圓觀等於禁內。咒咀高時。至

隆勝之謀也乎

是事覺。九月高時疾。高資專權。

辛 元弘元年

三月帝行幸北山。八月賊高時遣二陸堂貞藤等率兵入京師。國行廢立。廿七日帝潛幸笠置山。勅藤原師賢備儀衛。登叡山以綴賊兵。六波羅鎮將遣兵攻之。廿八日護良親王督僧徒破賊兵於辛崎。既而兵潰奔南都。師賢脫走。行在。帝詔四方勤王。公赴召于行在。公還據赤坂城。備前人兒島高德。備後人櫻山茲俊起兵。遙爲應援。九月朔六波羅鎮兵圍行在。固不能拔。廿日高時

南木誌

卷之二

六

立量仁親王爲帝。後伏見第一子。稱光嚴帝。廿八日行在陷。錦織俊政石川義純及義右死之。帝遜有玉山爲追兵所執。十月帝幸平等院。賊奏請傳神器於新主。不聽。賊遷帝於六波羅。帝使備行幸禮。而後往。復請傳神器。乃授以偽器。親王以下文武百僚悉被執。護良親王獨匿吉野。賊圍赤坂城。公設奇計。殺賊無算。糧盡入金剛山。招聚義旅。十一月公之三河。覘鎌倉虛實。櫻山茲俊兵潰死之。申 元弘二年

公自三河還河內。復往吉野。謁大塔宮。賊殺應徵。

武士足助重範。三月賊遷帝於隱岐。親王公卿多遷于遠裔。兒島高德欲奪駕。事不成。夜微服至行宮。題詩於櫻樹。有天莫空句踐之語。四月二日車駕抵隱岐。三日公復赤坂城。徇和泉河內。廿八日矢尾顯幸來屬公。五月十七日公進陣天王寺。京畿大震。廿一日大敗六波羅軍。高時殺平成輔。六月賊高時殺藤原資朝俊基源具行。七月十六日賊高時遣宇都宮公綱來攻。公許退不戰。廿七日公綱反。兵廿九日公復屯天王寺。兵勢益振。八月赤松則村起兵播磨。十月公南木誌 卷之二 七

徇紀伊。戰于隅田庄。賊軍數十萬擣京師。是冬公城千早。護良親王起兵吉野。酉元弘三年。公年四十歲。

正月帝在隱岐。二月賊大舉來攻。合兵圍吉野赤坂千早。十二日伊豫人土居通信得能通言勤王起兵。十九日赤坂陷。平野某出降。閏二月朔吉野陷。村上義光死之。護良走吉野。賊合兵圍千早。廿四日帝還幸伯耆。州人名和長年舉族奉之。三月上野人新田義貞起兵。亦應公。十二日赤松則村連戰破賊入京。十三日菊地武時起兵討北

條英時於博多。小貳貞經大友貞宗倍擊武時。武時死。四月三日赤松則村源定平僧良忠攻京不利。八日源忠顯奉恒良親王攻京。敗績。太田守延死之。十六日高時使名越高家足利高氏援六波羅。廿七日赤松則村擊高家斬之。高氏陰計歸順。徇丹波。五月七日忠顯高氏則村合兵攻六波羅。陷之。北條仲時北條時益東走伏誅。新帝而上皇還京。八日新田義貞出兵武藏。十日金剛山團解。廿二日義貞討鎌倉。高時伏誅。將軍守邦薨。髮。是月小貳大友斬北條英時。長門探題北條時南木誌 卷之二 八

直降。廿三日車駕發行在。廿五日詔廢新主。六月二日公迎駕兵庫。勅前驅入京。五日車駕還關。任足利高氏治部卿。護良親王請誅尊氏。不允。拜爲征夷大將軍。入朝。七月守邦親王薨。八月五日高氏叙從三位。帝賜偏諱曰尊氏。是月置決斷所。議賞軍功。賞罰不當。人心自此背。十月源顯家結城宗廣奉皇子義良。略定陸奥。十二月成良親王爲上野太守。出鎮鎌倉。足利直義佐之。是月置評定所引付衆。如鎌倉故事。

甲建武元年

正月營大內。賞錄元勳。各有差。以足利尊氏爲第一。任武藏常陸下總守護。公任攝津河內守護。立恒良親王爲皇太子。內侍麻子之出也。三月高時餘黨。本間某澁谷某。反襲鎌倉。足利直義討平之。五月出雲獻千里馬。藤原藤房請却之。帝不聽。時朝政不公。賞罰多濫。公憂悶。依藤房進諫。亦不容。九月尊氏任參議。十月藤房解官去。十一月流護良於鎌倉。直義監之。北條憲法據飯盛山作亂。公討平之。是年成良親王爲征夷大將軍。又置武者所。新田氏族管之。

南木誌

卷之二

九

建武二年

二月源顯家任中納言。五月顯家平出羽賊。六月藤原公宗與北條氏遺孽謀弒于帝。事覺伏誅。七月北條時行作亂。鎌倉足利直義戕護良挾成良親王西走。八月詔尊氏討時行。尊氏請任征夷將軍。管領關東。不允。更任征東將軍。尊氏怒不辭而發。至駿河與直義討時行。破之。時行走餘黨伏誅。十月詔召還師。尊氏據鎌倉反。十一月十九日詔奪尊氏官爵。賜節刀於新田義貞。奉尊良親王東征。公留護京師。廿五日義貞擊尊

氏于矢矧。敗之。細川定禪起兵讚岐。飽浦信胤田井信高據福山應賊。賜屋義助奉尊良與賊尊氏戰于竹下。敗績。藤原爲冬死之。鹽谷高貞大友貞宗叛降賊。官軍退屯尾張。詔義貞反師。尊氏躡踵西上。送書誘公曰。某固無貳心。願與子戮心共誅亂臣義貞。以懸其頭于軍門。畿內六州。子自取之。公不答。以其書奏帝。義之。赤松則村久下時重等應賊。越中守護普門利清反。國司源定清死之。

丙子延元元年

南木誌

卷之二

十

正月賊尊氏入寇。義貞拒之。大渡不利。十日宇都宮公綱大友氏泰反降賊。義貞敗走還京。帝奉神器幸叡山。信濃人勅使河原重直軍敗。不知帝所在。謂其二子曰。已爲亡朝之臣。何面目事于逆臣之庭哉。自殺于羅城門。十一日賊陷京師。焚皇宮。結城親光佯降賊。刺尊氏不成死之。賊將定禪等犯行在。源顯家奉義良親王入援。忠房親王藤原實世公及義貞長年等擊尊氏大破之。尊氏西走。遂復京師。是月公遣族正家率兵徇常陸。那珂氏族應之。二月二日車駕還京師。宇都宮公綱

來降。公及顯家義貞追尊氏。至攝津。累戰破之。尊氏直義走筑紫。義貞等振旅還京師。公曰。不速追討之。是遺後患也。義貞不從。復皆憾焉。菊池武敏起兵。擊小貳貞。經斬之。尋與尊氏戰于韃濱。不利。六日楠正家擊佐竹義篤于常陸。獲其子義冬。進據瓜連城。廿六日賊兵來攻。正家逆擊斬後藤基明。三月義良親王爲陸奥大守。顯家任鎮守府將軍。赴鎮。西國應賊蜂起。義貞圍赤松則村于白旗城。四月後伏見天皇崩。十八日兒島範長其子高德起義兵于備前熊山。廿六日尊氏大軍發太宰府。五月朔尊氏到嚴島。僧賢俊授後伏見上皇宣旨于尊氏。十五日直義陷福山城。大江田氏經敗走。廿三日義貞解白旗城之圍。退陣兵庫。詔公援義貞。廿四日公辭闕而西。到櫻井驛。遣訓正行。遣歸河內。廿五日義貞與尊氏戰于兵庫敗績。公與直義大戰于湊川。死之。年四十三。

楠公正行年表

丙寅 後醍醐天皇嘉曆元年。是歲公生。

丁卯 嘉曆二年

戊寅 嘉曆三年  
巳元德元年  
午元德二年  
未元弘元年  
申元弘二年  
酉元弘三年  
戌建武元年  
亥建武二年。公年十歲  
子延元元年

楠木蒨

卷之二

正行年表

十二

五月廿四日公自櫻井驛還河內。廿五日判官公殉節。官軍敗績。帝復幸于叡山。六月七日賊足利尊氏犯行在源忠顯藤原雅忠死之。十八日延曆寺僧光澄反誘賊登山。宇都宮公綱擊殲之。廿日官軍大破敵營。斬賊將高師重。晦日新田義貞等進攻京師。不利。名和長年死之。七月八日官軍攻賊營。有叛者。泄謀不利。廿三日藤原隆資及義貞義助等夾擊京師。帝親臨勞之。剪所御紅袴。頒賜士卒。既而王師大敗。八月賊尊氏立豐仁親王稱帝。光嚴上號。用建武。是爲光明帝。時人語曰。親王未有一戰功。將軍賜之帝位。十月賊誘



興福寺僧徒。絕東北餉道。軍士飢困。尊氏佯請降。帝許之。勅義貞奉皇太子。專勾當軍國事。經略北國。十日車駕還京。尊氏幽帝於花山院。悉奪從駕公卿官爵。十一日皇太子至近江。得能通言及族通繩。遇敵戰沒。是日佐竹義篤陷瓜連城。楠正家逃于陸奥。十三日皇太子至越前。氣比氏治迎入金崎城。賊將足利高經圍之。十一月賊尊氏請傳神器于新主。帝以偽器授之。越前人瓜生保起兵。杣山。脇谷義治將之。源顯信亦起兵。伊勢。十二月廿一日帝奉神器。潛幸吉野。僧宗信來迎。公及和田正朝。真木定觀等迎衛。尊氏幽成良親王。

丁丑延元二年北朝光明帝建武四年

正月廿一日里見時成。瓜生保僧義鑑。援金崎。不克皆死之。帝手詔。命北畠顯家圖恢復。顯家出兵。略四近。相馬親胤與賊結城。宗廣戰陸奥。二月小田治久與賊佐竹義景戰小田山。不利。三月六日金崎城陷。皇太子被虜。尊良親王及新田義顯里見時義氣比氏治氣比齊晴等皆死之。大塚惟正和田治氏與細川頼氏戰于河内古市。斬

細川直俊。六月宇都宮公綱入覲。尊澄親王起兵。遠江大館氏明起兵。伊勢江田行義守高山寺城。金谷經氏守丹生山。北條時行奏請討尊氏。自贖詔許之。七月十四日源顯家遣楠正家東兼。亂率兵畧常陸。八月正家與小田治久等往會顯家於宇都宮。十二月公綱時行義興各發兵。會顯家軍進攻鎌倉。舉之。義貞據杣山。與高經相持。義興以上野兵從顯家攻鎌倉。走義詮。

戊寅延元三年北朝曆應元年

正月源顯家與賊將土岐頼遠。桃井直常戰于青野原。破之。二月顯家與桃井直常戰于南都。敗走河内。皇子義良及宗良走抵行在。義貞拔越前府城。北陸嚮應官軍復振。三月菊池武重擊敗賊將一色氏範。于石垣。顯家出師和泉。四月尊氏鳩弒皇子恒良及成良。五月廿二日顯家與高師直戰于阿部野。敗死。名和義高亦死之。六月源顯信陣八幡山。高師直攻陷之。閏七月二日義貞攻藤島。中矢卒。年三十八。帝詔源顯信結城宗廣。奉義良親王出鎮陸奥。節度東北諸軍事。源親房輔之。舟師遇颶。義良至篠島。勢親房抵

帝陸鎮撫郡縣。十月結城宗廣卒。

巳興國元年北朝曆應二年

三月義良親王還吉野。源親房擊宇都宮綱世。斬

其子某。七月脇谷義助拔越前府城。八月九

日帝不豫。立義良親王爲皇太子。十五日讓位。十

六日崩。公率兵宿衛。帝天資英毅。博涉書史。嘗元

僧楚俊相帝。退曰。天皇有亢龍之悔。然必得再登

極矣。帝臨崩。口勅。逆賊不平。四海未安。惟此爲恨。

太子能錄義貞義助之功。務成恢復。以稱朕志。言

訖。左把法華經。右按劍。以崩。羣臣奉遺言。不改服。

南木誌

卷之二

十五

御。北面葬于藏王堂之塔尾。九月懷良親王爲

征西大將軍。掌九州節度。脇谷義助却越前。據根

尾城。十月皇太子即位。時年十二。新田氏臣

畑時能與賊足利高經戰伊地山。死之。是月新田

義助舍根尾城。至行在。加賜爵一級。賊將高師冬

攻小田城。源親房擊却之。十二月宣遺詔。勸王

新田土居得能菊池氏之諸族。各舉兵。圖恢復。

辰後村上天皇興國二年諱義良。後醍醐第八子。在位三十年。改元二曰興國。

正平崩。壽四十一。正月滿良親王戰于土佐潮江山。大

破敵兵。三月備前入鮑浦信胤歸順。伊豫人舉

義。勅脇谷義助爲四國九州總督。四月官軍拔

下總駒城。高師冬燒營而遁。五月十日義助卒。

金谷經氏拔備後鞆城。九月賊將細川頼春陷

世田城。大館氏明死之。高師冬陷井伊城。宗良親

王奔越後。

巳興國三年北朝曆應四年

二月伊豫人得能通理歸順。拔河江城。據之。五

月源親房邀陸良親王於吉野。入小田城。陸良親者大塔宮

也。七月菊池武重卒。十一月小田治久叛。源

親房走保關城。陸良親王源顯時走保大寶城。

南木誌

卷之二

十六

壬興國四年北朝曆永元年

二月災異荐降。四月肥後人阿蘇惟時叛。菊池

武光討之。不利。八月陸奥官軍。伊達行朝田村

宗季等。攻辨貫出羽守。斬之。賊將高師顯陷玉丸

城。勢愛曾宗貫走多氣城。源顯時討師顯破之。

未興國五年北朝曆和二年

是春陸良親王出大寶城。入小山祇園城。四月

賊兵攻關城。源親房擊敗之。斬結城直朝。五月

朔守永親王自吉野至關城。親房奉之。是冬關大

寶二城並陷。守永親王逃陸奥。親房顯時走行在。

關宗祐及子宗政下妻政泰死之結城親朝遂降賊是年吉見賴武勤王陸良親王歸吉野

甲申興國六年北朝康永三年

二月山名時氏圍新田義宗於見開山遂陷義宗走越後四月顯信奉守永親王據宇津峰城

五月源顯國與賊戰大寶城常死之六月賊將

一色範氏攻生葉城十月錄倉賊攻新田義興府中武陷之

乙酉興國七年公年二十歲北朝貞和元年

二月菊池氏族與一色範氏戰破之八月兒島

南木誌卷之二

高德荻野朝忠迎脇屋義治於上野起兵與賊將山名時氏戰敗績朝忠出降義治高德潛入京謀

刺尊氏事敗走信濃

丙戌正平元年北朝貞和二年

閏九月阿蘇惟澄數與賊兵戰破守山關

丁亥正平二年北朝貞和三年

七月公舉兵謀收復京師八月公攻須田城紀

九月十七日與細川顯氏戰于譽田林河破之

十一月廿六日公討山名時氏細川顯氏於瓜生

野大破之十二月尊氏使高師直大舉入寇

公朝行宮拜先帝廟題和歌扉上以寓殉難之意將軍家諸云正行潛兵襲京師尊氏周章走近江夫人氏河害直義自復道脫走正行救兵而去尊氏又入京師

京師

戊子正平三年北朝崇光帝即位貞和四年

正月三日賊將高師直侵河內五日公邀大戰于四條河死之年二十三正行戰歿藤原隆資

收敗兵還行在帝避阿瀬川城紀師直遣僧來講

和不許師直燒行宮返百僚第舍神祠梵刹蕩燼

無遺二月楠正儀承兄正行後率兵與高泰數

戰于石川河原北軍引還九月北軍入寇帝避

南木誌卷之二

穴太和以黑洲村總福寺為行宮土人稱黑木御所

行在年表自正平四年訖元中九年是歲南北講和凡四十五年

丑後村上天皇正平四年北朝崇光帝貞和五年

二月將軍塚鳴空中有兵馬聲楠正儀廿一年與

畠山國清相持于石川河原先是足利氏擁立

光明帝陽尊之每事奏聞至此不復稟敬雖供御

闕不顧侮辱公卿奪其食邑源直義謀誅高師

直事泄薙髮屏居尊氏召義詮於鎌倉代執政

庚寅正平五年北朝觀應元年

六月西國探題源直冬叛其父尊氏舉兵。七月將軍塚鳴。十月尊氏與高師直等討直冬。十二月師直謀殺直義。直義出奔。請降。行在廷議惡其姦詐。欲誅之。左大臣師基源親房謂得大援。恢復可圖。詔許之。命討尊氏。自劾。畠山國清屬直義降。正儀出兵。為聲援。

辛卯 正平六年 北朝觀應二年

正月上杉憲能應直義。攻高師冬。直義進據八幡。掩井直常應之。夾攻京師。足利義詮西奔。二月直義大敗尊氏于御影濱。尋直義國清叛降尊氏。

南木蒔 卷之二 十九

上杉顯能斬高師直師泰。諏訪副隆斬師冬。四月菊池武光陷薩摩諸城。六月赤松則祐來降。

七月正儀兵焚北方諸砦。八月尊氏欲擊直義及石堂義房。掩井直常等恐官軍乘虛遣僧惠鎮來請降。不許。十月尊氏父子重遣赤松則祐請降。許之。詔討直義。於是義詮廢北帝及太弟。去

觀應號。奉正平號。源親房入京師。掌諸務。勅源具忠。收北主。新璽鏡。送行宮。關白以下公卿皆詣行宮。別官爵各一等。許明年還闕。菊池武光敗足利直冬。降小貳賴尚。

辰 正平七年 北朝後光嚴帝 文和元年

正月改穴太。為賀名生。地名。義詮獻黃金三千兩馬十匹。又遣後宮百僚各有差。尊氏東征降

直義。幽于鎌倉。遂酖殺之。二月密詔兒島高德東行使新田義宗義興起兵。車駕發行宮。至男

山。閏月楠和田北畠氏襲京師。破細川顯氏。獲賴春。義詮走近江。官軍收廢帝及光嚴光明二上

皇。送幽穴生。和。新田義宗等破尊氏及基氏。陷鎌倉。三月義詮復京師。赤松則祐叛。五月正儀

弟正忠還河內。男山失守。帝脫圍。還行在藤原隆資死之。八月義詮立後光嚴帝。九月山名時

南木蒔 卷之二 廿

氏山名師義歸順。十月足利直冬降。當時南朝隱士朴翁

私嘆曰直冬欲假朝威以驚其父。恃理及道莫大焉。朝廷容之。授以節鉞。濫典莫甚焉。可慨哉。識者其知南朝不振而許隆如此。是公卿無識之所致。可惜已。

癸巳 正平八年 北朝文和二年

正月菊池武光與一色範氏戰于肥前。二月源顯能率兵至大和。藤原隆俊起兵。紀伊。五月正

儀正武及赤松氏範等與山名時氏會。六月合兵入京。義詮奉帝東奔。北朝公卿一切解官。沒第

七月義詮返兵。官軍去京。九月尊氏奉帝入洛。

甲正平九年北朝文和三年

四月北畠親房薨。親房傳學洽聞嘗著神皇正統紀正儀軍于宇

治。九月桃井直常足利高經飯順命攻京。十

二月直冬時氏應之。尊氏走近江。

乙正平十年北朝文和四年

正月直冬等入京師。二月勅遣藤原隆俊等援

直冬。據男山。尊氏據叡山。義詮東上官軍敗績。

七月宗良親王起兵信濃。諏訪仁科應之。

丙正平十一年北朝延文元年

正月足利高經叛尊氏。十月宇都宮公綱卒。

南木蒔

卷之二

廿一

官軍與賊戰于中島。十一月勅菊池武光經

畧九州。

丁正平十二年北朝延文二年

正月還北朝光嚴崇光二主。及直仁親王。立熙

成親王爲東宮。

戊正平十三年北朝延文三年

二月菊池武光破一色直氏。九州悉平。四月源

尊氏薨。年五十四義詮嗣。十月義興戰没矢

口。武十一月武光攻畠山國久。敗之。

己正平十四年北朝延文四年

二月菊池武光奉懷良親王。大破少貳賴尚于筑

後河。八月又破賴尚于大原。北畠顯信戰死。

十月畠山國清。大兵將來犯。帝避天野。又徙觀心

寺。

庚正平十五年北朝延文五年

正月正儀據赤坂。修守備。四月藤原隆俊破畠

山國清于龍門山。住吉社鳴社前楠樹。無風而

折。與良親王叛。大塔火行宮。關白師基討之。與良

敗走南都。閏月諸砦皆陷。五月賊攻赤坂。正

儀退保金剛山。七月正儀等攻譽田。京師騷擾。

南木蒔

卷之二

廿二

王師復振。足利氏執事。仁木義長與佐佐木道

譽細川清氏等爭權。互譏義長以兵護義詮營。義

詮聽道譽說。夜走嵯峨。義長走伊勢。遂降行宮。細

川國清亦東歸。基氏逐之。

丑辛正平十六年北朝康安元年

四年菊池武光降于島津氏久。九月正儀正武

等與佐佐木秀詮及氏詮戰于攝津。斬之。秀詮氏

詮並道譽孫攝津守護也。十月細川氏清爲道

譽所讒來降。十一月正儀氏清攻京。赤松範實

降。十二月義詮奉帝走近江。又集兵返戰。範實



降賊官軍退京清氏走阿波

壬寅正平十七年北朝貞治元年

正月細川清氏畧四國六月山名時氏畧義作

徇三備七月清氏與細川賴之戰敗死自是山

名氏細川氏始大九月菊池武光破九國探題

足利氏經氏經逃還

卯癸正平十八年北朝貞治二年

辰甲正平十九年北朝貞治三年

三月大內弘世叛七月山名時氏師義仁木義

長石堂賴房等來降者又叛應賊細川賴之遣人

南木誌卷之二

十二

招降正儀不從

巳乙正平二十年北朝貞治四年

正月前關白師基薨八月河野通直飯順

午丙正平廿一年北朝貞治五年

佐佐木道譽讒足利高經于義詮高經以其子義

將北走尋卒道譽好讒陷四執事義長清氏而義

詮不覺猶欲以道譽爲執事遭疾而止勅征西

將軍懷良率九州兵入援

未丁正平廿二年北朝貞治六年

四月足利基氏卒氏滿嗣爲關東管領七月菊

池武政拔少貳冬資香春山城十二月足利義

詮卒年三十八子義滿嗣時年十一細川賴之受

遺託爲管領賴之爲人忠良竭心輔導尚賢遠佞

士風大革

申戊正平廿三年北朝應安元年

懷良親王奉勅入援以海路梗塞不果三月十

一日帝崩壽四十一葬于河內錦部郡檜尾山稱

後村上天皇第一皇子寬成立以皇弟熙成爲皇

太弟

酉巳長慶天皇正平廿四年諱寬成在位五年改元二

南木誌卷之二

廿四

。北朝應安二年

正月細川賴之贈書正儀勸降正儀領之足利義

滿賜書正儀義滿幼冲賴之所贊成也二月七

日義滿檄和泉河內布告正儀降三月楠氏族

攻正儀四月二日正儀上京見賴之尋謁義滿

河野通直發肥後據高繩赤松氏範歸順據

中島攝是月彗星見東北十一月河野通直畧

定伊豫十二月細川賴之就僧忠雲請南北講

和不許和田正武攻捕正儀于赤坂正儀請和正

武解圍而去

庚建德元年 北朝應安三年

正月脇谷義治出軍武藏上野與上杉朝房等戰不利走信濃。三月桃井直知敗死于長澤。中越帝移蹕天野山。十一月勅和田正武攻正儀。北兵來救。正武退軍。

辛建德二年 北朝應安四年

三月北朝後光嚴帝讓位緒仁是稱後圓融帝。五月細川賴基入寇。六月細川賴之遣其義子賴元及正儀入寇。八月北軍退去。九月征西將軍懷良請以良成親王嗣其職。

南木誌 卷之二

壬文中元年 北朝後圓融帝應安五年

二月武政武光與今川貞世大內義弘戰敗之。文中二年 北朝應安六年

三月細川氏春入寇。七月菊池武政破今川貞世于博多。氏春進逼天野。帝避幸賀名生。八月二日讓位皇太弟而移吉野。氏春焚行宮。藤原隆俊死之。十一月菊池武光卒。官軍大館氏清與仁木義長戰于伊勢。斬其族義信。

甲後龜山天皇文中三年 諱熙成後村上帝第二子在位二十年改元三曰天授弘化元中禪位北朝後小松帝。北朝應安七年

正月北朝後光嚴上皇殂。六月菊池武政卒。子武朝嗣。為肥後守。冬宗良親王自信濃入觀。

卯天授元年 北朝永和元年

四月少貳冬資歸順。六月大織冠像自裂。八月橋本正督降賊。陷紀伊諸城。冬資與今川貞世戰敗死。

辰天授二年 北朝永和二年

正月今川貞世陷太宰府。少貳賴定走肥前。七月足利直冬降北朝。尋卒。細川賴之請和南朝。曰。禪神器於北朝。約以兩統迭立。公卿武弁官職食邑不加削奪。冀止干戈也。南朝公卿及桃井等拒不納。此時南朝屬邑者。河和泉紀賀勢志飛信野越豫備石長肥日隅薩凡廿國。北國有征東將軍宗良。西國有征西將軍懷良。伊勢有國司止畠氏云。

南木誌 卷之二

廿六

巳天授三年 北朝永和三年

八月菊池武朝與大內義弘戰敗績。其族百餘人死之。

午天授四年 北朝永和四年

九月菊池武朝大破今川貞世大內義弘。十一

月官軍橋本正高出兵紀伊討細川業秀大敗之  
細川頼元山名義理來援正高退保土丸城大館  
氏清援正高敗北軍北軍退去義滿以山名氏  
清爲和泉守護山名義理爲紀伊守護以逼行在  
紀天授五年北朝康曆元年

正月山名氏清陷土丸城正高脫走藤波石垣亦  
陷義滿出軍東大寺徵近江義濃兵義濃土岐  
康行反義滿來降二月十市重則起兵南都斯  
波義將吉見範直來攻上杉憲房率兵西上康  
行降錄倉管領氏滿叛義滿上杉憲春諫死氏

南木誌

卷之二

十七

滿止十一月細川頼之寇伊豫河野通直敗死  
四國又陷義滿寢長放恣怠政驕奢太甚頼之  
忠諫不聽相嫌隙罷頼之職就國無何義滿悔悟  
命總管南海

庚申天授六年北朝康曆二年

五月小山義政飯順起兵下野宇都宮基綱來攻  
戰于愛原斬基綱既而復降七月橋本正高與  
山名氏清戰高名遼泉死之九月伊生地城紀  
陷十月今川仲秋陷水島城菊池武純出走

辛酉弘和元年北朝承德元年

二月小山義政又起兵据鷲城四月官軍戰于  
阿瀬川不利十一月小山義政降義滿楠正  
儀歸順

壬戌弘和二年北朝承德二年

閏正月楠正儀與山名氏清戰于平尾河官軍敗  
績正儀宗族六人家人百四十人死之正儀引還  
保其舊邑尋拜參議勝代加守泉陷藤原義  
資死之三月北軍陷糟谷小山義政死之其子

若犬出走四月北朝主禪代和田正武卒大

日本史曰正武不知所終今据細川氏清盡定河  
國史畧書卒年以俟後考云

南木誌

卷之二

廿八

泉獨吉野屬行宮

楠正儀卒年無定說國史畧  
南朝紀傳後太平記以天授

六年爲卒恐非日本外史以弘和二年爲卒近是  
然不知其所据焉大日本史据觀心寺文書二見  
文書渡邊系圖等謂弘和三年十二月正儀尚存  
則元中中卒此說雖知有所据弘和二年春正儀  
平尾敗北之後正武既卒和泉河內紀伊諸城悉  
陷而正儀尚存豈有坐見而不援之理哉史乘散  
軼又無可考

癸亥弘和三年北朝後小松帝  
承德三年

十一月征西將軍懷良薨一說嘉慶二年  
爲薨不知孰是

甲子元中元年北朝至德元年

九月菊池武朝出軍破今川仲秋拔腰尾城

乙丑元中二年北朝至德二年

三月新田義則起兵信濃不利走陸奥六月小

山若犬掾祇園城敗木戶範季于深江山野七

月若犬敗走陸奥若犬没落流寓應永三年在陸奥密招聚南朝勤王者子姪舉

義田村莊司坂上清包應之以新田義宗子義則為將武藏上野之義徒盡至陣于白河足利氏滿

率大兵未攻軍敗若犬不知所之有二子尚幼

八月宗良親王薨九月菊池武朝破今川貞世

于上津浦

丙寅元中三年北朝至德三年

三月常陸人小田孝朝起兵掾兵戶男體城九

月赤松氏範與足利義滿兵戰于清水播而敗氏

南木誌

卷之二

廿九

範及子氏春家則祐春李則自殺此時南軍勢

衰近行在者河內有和田楠橘本福塚字佐義神

宮寺八尾等紀伊有湯淺山本恩地費川貴志野

上等大和有三輪真木宇野酒邊佐和秋山等伊

勢國司北畠氏尚有伊勢及大和宇多郡伊賀名

張郡志摩二郡已云

卯丁元中四年北朝嘉慶元年

九州探題今川貞世罷並川義俊代之上杉朝

宗攻陷男體城小田孝朝死之

戊辰元中五年北朝嘉慶二年

三月楠正勝與畠山基國山名氏清戰于河內日大

本史云正勝及父正儀卒領其衆蓋先是正儀卒也七月足利義滿遊南

紀正勝潛軍間行欲襲其虛細川氏清伏兵平尾

擊其不意正勝告戰脫還此時南軍所據唯一城

兵僅八百耳

己巳元中六年北朝康應元年

庚午元中七年北朝明德元年

三月楠正勝與畠山基國戰于落合河不利北

軍西征菊池武朝敗保隈部城

辛亥元中八年北朝明德二年

南木誌

卷之二

卅

義滿召細川賴之于阿波以其子賴元任管領

西征將軍良成菊池武朝與北兵平息兵依足利

氏之請也十二月山名氏清作亂山名滿幸起

丹波山名義理以紀伊應之義滿討之斬氏清禽

滿幸分其領國賞戰士

壬申元中九年北朝明德三年

三月細川賴元入道常久卒年六十四義滿悼惜親臨

其喪義滿贈書楠正勝招之不聽五月畠山

義深攻陷十劍破正勝出走十津川弟正元潛行

入京欲刺義滿事覺被斬十月足利義滿使大

內義弘六角滿高來請和。南帝曰：「駕還授神器，則而統更立，許之。」廿八日，車駕發行宮。群臣戎服，閏月二日，御大覺寺。義滿欲用來降禮，遣使奏之。帝曰：「朕欲用父子禮，相授，否則寧以神器斃，不肯屈下，以辱祖宗也。」事既殆，破滿高諫曰：「神器在彼，南帝真天子，不當逆命。」竟遣滿高定和。五日，帝授神器，以皇子寬成立東宮。十一月，宴於禁中，留十餘日而還。自延元二年後醍醐帝南遷，至是五十有六年而南北一統。南帝自此居嵯峨小倉院，號曰小倉新院。吉野、十津川、皇邑爲供給，伊勢、北畠、肥後、菊池氏以下，郡邑如舊。應永元年甲戌二月上尊號曰太上天皇，削髮法諱金剛心。其在別宮，曾爲和歌，以遣歡懷。歌曰：「於毛比耶流比斗陀耳阿礼奈，須美奈礼奴。」嵯峨農能於具廼都，由波伊加珥登。其悄寂之狀可想者也。應永廿九年壬寅七月崩葬于嵯峨福田寺。

源君義曰：中興初政不足悉論，其故何也？中興與創業不同，創業譬猶新造屋室也，其費雖多而經營既畢，可保數百年之久。若大厦傾頽，仍舊修理，則尤難事也。鄙語曰：「撓角至殺其牛。」初，藤氏擅權，皇化陵遲，

南木蒞

卷之二

卅一

南木蒞

卷之二

卅二

後三條即位，銳意恢復。是時以王室之衰未甚也，猶屋舍小損，加之修理，亦可以不至傾覆矣。及源右將攘天下兵權，北條氏九世執國命，天下武士跋扈，鳴張日久矣。一旦欲使此輩屈膝於無功縉紳之下，譬猶起敗屋加之粉飾，隨起隨顛，豈有成乎？況民肩未息而營大內，頒封邑於官宦，勝妾伎能僧巫乎？至有大勲勞者，則往往不沾尺寸之恩，或有與者隨而奪之，是中興之業所以僅成而又亂也。蓋當時之急務，無如恩威兩施，瑣瑣細勲姑措不論，有大功乎國家而賞賚不得其所，如之何其可也！今試議其功勞，如護良親王爲其父皇盡力，所不敢論也。至功臣我以正成爲第一，初笠置陷，天子蒙塵西州，方斯時，天下雖廣，無一人舉勤王之師者，而正成獨不改其節，以眇眇之軀抗數萬之賊軍，曠日持久，致義旅響應，鑿與反正者皆其力也。若無正成爲之首唱，則雖有新田、足利、赤松諸公，將安施其功乎？其次，義貞之功績最大，以滅其渠魁也。若赤松名和二氏，又次之。夫非圓心之功，六波羅不拔，設令帝幸船上，鎌倉未滅，六波羅未拔，行在殆哉！非長年迎乘輿，衛之，鎌倉雖滅，將誰適從乎？然窮鳥入懷，獵者憫之，況受萬衆之委



托乎苟有人心者孰不以躬翼戴之是以其功似多而其實未甚難為天子既狩海島唐焰方熾而唱義於畿甸之間其功如不及長年而其實難為故二子之功優劣難判獨至尊氏之功我不之知也東兵久困于正成而圓心繼起乘輿又還幸船上於是尊氏觀望時勢欲藉以成其私歸順官軍耳其戰歟無足錄者而朝廷賞之以第一洵可怪也蓋亦無他此其奕世名閥故致濫賞如此歟噫有大功者且爾小功之輩歛望思亂宜矣天下安得不亂乎讀史餘論

南木誌

卷之二

卅三

多皆南趨而其留事北廷者非媚世偷生則庸鄙無識之徒也巨勢玄仙曰余觀足利氏其將仁木細川山名掩井之輩其弟姪直義高經之族朝從夕逆昨日叛今日降未嘗見有節義者南朝文官武將子子孫孫守義死節而朝廷日衰何耶國史賴襄曰帝纔薨高時則謂宇內無復足慮者是以遇尊氏之降則遽罷爵之以幸其可倚纔得歸闕即晏然燕息以營宮室為急以悅妃嬪為務雖有記錄所蓋不數親臨而日居於內內教所令與外廷指揮每

與牴牾武人之邑往往為內官私給憤怒思亂固其宜也

山縣禎曰當時天下滔滔趨尊氏下風者皆是反覆小人視勢而進退者耳從南朝終始不變節者則是天下忠義之士如源親房新田義貞脇屋義助村上義光兒島範長父子名和長年和田正朝及楠公一門皆不以死生存亡易其志父子兄弟相繼一志致力於皇室其精忠義烈貫金石與日月爭光較之尊氏百萬之夷人猶為多矣南朝忠賢之盛誠可欽仰也而其不興豈非天耶

南木誌

卷之二

卅四

青山延于曰方足利尊氏悉九州之精銳席卷而東也其鋒不可當而義貞驅疲兵集散卒決勝負於一戰因為失策歸使帝從正成之言義貞義助諸將旋軍引敵入京師曠日持久以撓其銳氣然後設奇計以擊之蔑不捷也惜乎帝慮不及此用少年推鋒之計一敗塗地終使姦賊得志可歎也夫皇朝史畧

南木誌卷二終

南木誌卷三

中山利質編輯

前芳往軌皆足以訓方型俗而文獻無徵尚友者之所慨也維楠公父子忠孝大節赫赫千古青史不朽而當年遺事稍有可考據者雖野乘所載口碑所傳皆述而誌之備尚論者一助焉誌遺事

遺事

楠公

正成父正玄三十一歲而無子其妻歎之禱于志貴毘沙門堂而生正成故小名曰多聞幼而穎異辨說

南木誌

卷之三

遺事

明析六歲與十二三歲之童相撲而勝之七歲有勇力正玄屢與矢尾別當接鄰相戰時正成十二歲自斬敵一人年已長好學論兵正玄久與矢尾別當爭地相戰歷年或正玄取之或矢尾取之至正成比及十六歲悉取其地而不被奪焉時人僉曰於西國則楠正成於東國則宇都宮公綱此二人者日本無雙將士也正成父祖之領二千餘貫至正成時有三百七十餘貫紀伊安田莊司曾叛高時使正成平之以安田領三千貫加與正成正成受鎌倉六波羅之命擊渡邊右衛門又與越智四郎相戰皆有戰功又與

筒井淨繼有隙屢攻戰並無不克焉武名稍顯本朝通鑑

菊水章

天皇賜御蓋於正成御手自把菊花泛盞詔曰菊保遐齡以此祝其成功正成拜戴之飲三盃而退以菊為旗紋所謂楠氏菊水旗始於此上全

服矢尾顯幸

正成在觀心寺時奏護良皇子曰矢尾別當顯幸有武譽者也彼若不屬王師則河內寧謐其難矣乎正成與彼結私怨累年攻戰我若赴赤阪則鴻命縱雖連降而彼遂不屬王師其為人也智淺而直常欲得

南木誌

卷之三

二

官位今繕令旨賜權僧正之號且有天下安全之後忠賞可隨其望之旨則彼必屬王軍護良然之即賜令旨顯幸大喜曰賜權僧正之號何面目如之哉然楠正成或曰存或曰亡若猶存勤王則吾不應命護良議之正成正成代護良之旨使人言曰正成存亡不可知焉若不死則何不來於此乎縱雖不死至今不來於吉野則何忠之有於是顯幸悅既過十日正成出于赤阪顯幸遣使于護良曰正成出于赤阪知之否護良答曰不知也正成拔赤阪之後遣介於顯幸曰吾以眇小之身欲成一大事似不知其量也然

重帝命。棄生輕死而已。而今以與足下有怨。故護良皇子之疑我。多端。夫以私忘公者。人之所不爲也。自今以後。可捨往日之私怨。傳達正成丹心於護良。則忘父祖之耻。乞降於足下。足下若不諾。則私怨也。朝敵征伐之蒞障也。先可與足下戰耳。顯幸謂我應護良之命。事已達于洛。今又與正成戰。則吾無利。且其所言尤有理。良將之乞降。亦非我身之榮乎。乃應之曰。護良之疑吾子也。吾請計之。與吾子同心盡忠矣。遂率百五十騎來于赤阪。屬正成。自此顯幸與正成屢談兵法。顯幸遂服。請曰。養足下族類一人。以嗣吾

南木誌

卷之三

三

采地。正成卽授和田正遠三男滿仁王九。時年十一。和田新發意源秀是也。而後顯幸屈正成。上全

相地於千劍破

正成謂防大兵者。莫若傍山築城。於是歷覽大和河內之諸山。得千劍破峯。以爲五得相應之地。因城焉。五得相應云者。一曰水多。二曰山峻。敵難得登。三曰麓滑。嶺峻。若嶺麓共峻。則敵有利。于鑿墮。又城邊四町。無別峰亦可也。城邊有峰。則敵兵放矢于城中。拒守者之所嫌也。此地無此患。四曰城岸皆岩石。則敵難登。五曰山深地僻。利于鄉導。窺敵營。又有一得。此

南木誌

卷之三

四

城之高也。不過二町。甚高則害于軍兵之出入。故正成以爲五得相應之地也。正成相城之廣狹。周廻五尺之杖。四百餘也。束柴高築之。四尺。柴下去土三尺。而掘之。橫柱其長二間。立二柱于三所。有四間之間隙。架矢棚于其間。土底有二緯木。柴間有緯木。壁之高五尺。矢棚又在其上。二柱間之矢棚者。或六寸。或六寸五分。或五寸六分也。試之。立三尺五寸木偶人於岸上。射之。而隨其恰好。而構矢棚。其高低隨宜。其上下又有緯木。或四寸。或二寸五分。壁板之周廻。其小則一尺八寸。其大則二尺餘也。有二緯木立小柱于其間。周廻八寸。以四寸五分之木爲壁骨。內外皆同。實之以瑣石。堅之以塊土。乾之六日。內外又塗土。矢棚架于處。壁內多植樹木。松柏繁茂。中有屋宅倉庫。壁外之樹木者。皆芟除之。米穀三萬餘石。鹽五百餘石。大豆三千餘石。其餘膏油。蘆魚。海草。乾菜等。不知其數。又有一箱。周廻三間。深廣二間。實之以稻穗。又有一倉。縱五間。橫四間。盛之以矢。又蓄鐵三萬斤。冶者六人。鍛鐵。或賣寶器。以調之。又掘土廿間。埋之以炭。凡三千餘駄也。其兵二千餘騎。選八百六十餘人。而置於城中。殘兵千餘。及兵士之婦妻者。遣之。

於賀名生、奧觀心寺、楠正氏和田三郎恩地左衛門志貴右衛門澤邊五郎等亦在彼所。爲塞敵之通路。知敵之謀計也。又使平野將監居赤阪城。兵士二百八十二人。平野者。矢尾顯幸甥也。正成爲養子之約。置之於赤阪城。曾與顯幸所爭之地皆卑之。正成謂守城之法。以水穀爲第一。故其築此城之時。先求水之所。在峰頭有水。號五所秘泉。大旱不涸。正成塞其滴漉。而不漏之。自朝曦之外。至翌日曜靈之初出。井中挾竹。待水之滿。汲之。凡及十石。一升之水者。一人一日之用也。洗米之濁水。則使僕隸洗其足。而不妄

南木誌

卷之三

五

捨之。有馬者飲之。無馬者湛之。於槽而爲消火箭之備。又爲大槽三百。以水實之。又每槽掛篋。納兩滴。于槽中。又穀米九合者。一人一日之用也。朝晝暮共二合也。其三合者。備不時之需也。若或夜戰之時。不食則兵士疲勞。故以三合當之。又鹽一合。是一日之用也。鹽鼓二合者。十人之用也。其給糧于兵士。必以三日之料。啗酒者。雖欲造酒。而以其糧少。故不多造之。其糧盡則又給之。正成或召兵士同飯。使飲清酒。僅一盃耳。濁酒則二盃也。正成往從者之宅。必著小鎧。其所雅言者。戎經劍論之事耳。或又授米於臣從僕

隸。或斗或升。以是爲酒費。屢授米。則或與孔方以充其用。米多則爲飽餐。啗酒之端。故不多與之。又城中每士一馬。其餘皆遣之於處處。爲害于糧盡也。又或煮諸果爲油。或蒸嫩葉爲食。凡城之修造用物。無一所闕。

上全

相地於芳野

初護良之築吉野城也。楠正成往吉野。言曰。此城之形勢。敵難攻。而我利于防守。然如今之制。則大功難成乎。何者。大兵之所向。不避嶮難。且城兵不過二千。而陣于處處之山嶺。何有軍利乎。夫良將能窺敵間。

南木誌

卷之三

六

城兵以爲。敵不能知地形。或自負嶮而懈其備。如此而敵窺其間。則城不利守乎。危哉。吉野僧徒。或信之。或猜之。木寺相摸曰。正成之言。吾信焉。請聞其計。正成曰。金峰山北有一峰。吾昨日使人見之。水在峰頂。定不少矣。宜構城郭于彼峰。而撰兵守之。或八百騎。或六百騎。其殘兵者置之於山中。可爲拒守之謀。如此而糧不盡。則城其不沒。至若城兵有謀逆者。非吾所知也。護良可之。時吉野執行善仲九怒曰。此城者。將士評議而所定也。今何以正成一人之言。改之乎。且將士之智。皆劣於正成一人。則正成是人。而其餘



是獸癡之獸畜乎。夫運命在天。非人力所能也。道順天則勝。道逆天則敗。唯在此城。運糧籌則朝敵均平。亦何難矣。乃不用正成之議。至此果敗焉。上全

### 論小貳功罪

建武元年秋八月。後醍醐帝將誅太宰府小貳妙惠。妙惠懷二心於帝。而詐偽反覆。莫所不至。及其將見誅。先賂准后。以沈香麝香黃金虎皮及綿帛等物。無算。其他百官。無男。無女。無貴。無賤。無不款厚。於是乎。准后百官。僉曰。妙惠有忠而無罪。雖有訟者之言。而膏吻拭舌。何足信矣。帝始猶豫。准后數請有賞於彼。

### 南木誌

### 卷之三

七

帝乃勅足利尊氏新田義貞楠正成名和長年曰。妙惠功罪未決。汝等宜議之。以辨決之。四臣謹諾。尊氏素媚准后。故偏覆護妙惠。義貞長年。依違不決。乃言為朝家禦寇賊。是臣等之事。政者布在方策。其當否難得而辨。正成奮然進曰。竊以文武之道。蓋無二途。苟於武事有罪。文道亦何容之。因而歷舉妙惠罪狀。凡六件。其言極直。其理甚確。且言妙惠者。回所賂於人之財幣。其數不可計矣。無罪而有忠者。其為之哉。彼乃投臣以黃金五十兩。絹帛百匹。及沈香百斤。臣即卻之。伏願諸卿亦悉還夫財幣於彼。然後議之。庶

乎其中。若其不然。臣恐功罪易位。賞罰倒施。眾怒群猜。卒成禍胎。斯言豈特今日出於臣口。近日道路之偶語。皆如此。臣焉得不言也。諸卿無語。獨坊城亞相某慨然曰。正成賄賂之訾。尤無禮於大臣。渠伐軍功而不敬上。罪豈纖小。正成從容謂曰。不遜之罪。可畏。懼然而為君為國。有可以言者。借使言出禍隨。豈可籍哉。被以忠言。刎頸固所願也。請待罪於家。退矣。朝錄

### 藤原藤房

藤房有憂世之意。一夕月明。招楠正成。述其衷曲曰。天皇惑准后廉子。其言無不聽。故政令不正。人皆厭之。不耐大息。天下遂有逐鹿者。尊氏直義黠智。特賴廉子。廉子亦為彼傾心。故尊氏頻昇進。義貞其恨陛下乎。尊氏直義其先問鼎乎。義貞犄角之勢。漸見其勝敗。未可知焉。政道之不良。我屢諫犯顏。而不見納。義可以去矣。卿者武林之翹楚也。若有變則宜戰死。正成聞而慨然曰。願世事皆如公言。然公在而格君之非。則人皆倚賴之。若避世則事已去矣。我為武夫。唯一死耳。共嘆息告別而去。續本朝通鑑史

### 南木誌

### 卷之三

八

### 諫大塔宮寬



楠正成密奏曰。護良親王。叛心。恐其無實。尊氏兄弟素與親王交惡。今以其所奏不及。且使直義護之。則親王縱無罪。然憑誰辨明之。不如令他人暫護之。而彌正其實否。天皇亦以爲然。尊氏憑准后。密奏曰。護良匪直人也。若衛護緩則其所謀不可知焉。天皇領之。遂命直義堅禁鎖之。上全

論藤原公宗

公宗既決流刑。時論皆謂公宗送謀當伏誅。楠正成亦謂如此之大逆。誅止其身。猶輕。宜壞其家。緒之而赤其族。然決流罪。是亦准后之所奏。主上惑焉。乃謂

楠木誌

卷之三

九

名和長年曰。見義不爲無勇也。國危則臣死。如公宗則不可不誅也。卿其爲上圖之。若有勅責則我爲解陳之。逆鱗猶甚則卿死之。爲君除巨害而身死。勇士之素志也。長年亦謂。安置此逆臣於伯州。若猶企送謀則禍及我家。不如除之。遂與中將定平。密議而戮之。全上。公宗初黨於高時。而謀廢立。高時亡。又與高時子時興謀大逆。故收囚于定平。第云。

案尊氏反

建武二年八月壬子。征東使源尊氏發途。楠正成謂弟正氏曰。放虎於山。兵亂在近。汝設東行之備。正氏笑曰。東國猶遠矣。播磨亦有敵。我唯促鄰國之行。正

成爲之大息。上全

獻策不見用

建武二年十一月。朝議欲召還義貞於京師。楠正成上言曰。臣請馳到尾張。戮力於義貞。以討平尊氏。帝不聽。又就右大臣藤公賢獻策。公賢以京中兵減。不肯奏焉。正成雖獻策不見用。然猶欲盡力以安王室。全上。按義貞東征與尊氏戰敗。此尾張故正成上策。

納糧坂本

十一月乙未。正成自到近江。使郡民出國中米穀。積于數千艘。以運于坂本。欲使東兵來者乏糧。且我軍無利。移皇居於叡山也。已亥。正成赴河內。築城於攝津河內和泉所。以固京師。合戰之本根。而置諸士妻子於千劍破。爲質。使正氏和田某守之。上全

楠子國政

楠廷尉以元弘中之勲。天子封之河攝泉三州。然而楠子不狹寵利。無伐功勲。恭儉自居。懷保人民。惠恤困窮。邦之賦稅。免十之二。以振荒亂之餘。辟不辟之野。毛不毛之壤。新鑿溝洫。而居民數貸之種穀。以勸樹藝。至于秋成。乃使之唯收其所貸焉。作之二年。則稅三分之一。迄於新田。三年不徭役。其民植木於山

澤樹桑於邑里。皆能盡地利。以利國民。又穿池於山麓數處。曰歲雖或旱暵也。天非敢災田疇也。所以害稼穡者。人愚而棄雨也。今所以穿焉者。庶幾以貯雨露也。而舊池難儲者。智以爲田。當是時乎。他邦之民。徠負而至焉。其戶日日加焉。云有司或有告上之益者。楠子乃曰。吾苟主乎三州。而牧養民人。斯之以爲任矣。何爲更求自益焉。而今而後有益於下者。可以告也。有益於上者。不可以告也。又嘗有告措新法者。楠子乃曰。如斯之法。將使人民安乎。將使人民疾乎。其以爲奚若。其以爲何若。必歷問群臣。以參考衆議。

南木誌

卷之三

十一

而後可措則措焉。可止則止焉。未有敢專斷焉者也。當時令使臣曰。政事必可先循舊制也。新法雖則善也。苟變舊移新。則民必不安焉。或以爲患苦也。如不得已。而措新法。則宜簡錄其義。而後措之也。嘗新數一法。曰。貧乏者。可以告訴焉。而或有告訴之。則檢其所以至貧焉。若其奢侈非度。而以至貧者。大責之曰。僭上無禮。國之賊也。而不毫救助焉。若其事不細。則流放之。曰。以除民之蠹也。或不圖而損於事。或以父母兄弟親族。故或以躬疾病。故。乃至貧者。隨而與之錢穀。各稱其分。復誨之世營術。使之以禦既往貧。

若夫工匠之屬。或怠惰以貧者。則懲戒之。曰。凡生於斯世者。未有無用於斯世也。凡有用於斯世者。必自得生產焉。是則天地之所以與焉也。爾怠惰乎。汝產業而不供乎。世之用。乃以至貧。是天地之所以不育也。我何爲扶助焉乎。初河內平岡郡有攘馬者。吏執盜來。楠子乃召其鄰民。問其所以。攘焉。鄰民皆曰。斯夫有老母在焉。能致孝養矣。頃日母病。請醫治之。醫曰。得米二石。而能療治焉。夫卽諾之。而服其藥。乃覺病小瘳。然斯夫太貧。難乎償二石米。醫頻債之。其疾未瘳。不復與之藥。夫也憂之以謀諸親友。其友乃貸一石米。以遣之。醫猶責之曰。汝將率約乎。不具米二石。則我未可復與藥也。夫也惑焉。然而不忍母之病。於是乎不得已。潛行其近村。攘馬一匹。以鬻諸平野市。而獲米三石。償一石。醫歸一石。其友一石。以爲母之養也。而後歷數月。彼馬主見其馬。於塗。檢而訟之。是以爲吏所執也。楠子即召彼醫問之。果如其言也。而盜之母悲之。其病將益殆矣。楠子乃謂其里正曰。攘馬之罪。固不可宥也。然吾既免賦稅十二也。則民皆將足矣。而斯夫之貧。獨如是何也。里正對曰。夫也固畝數少。朝夕不給。售魚鹽以食也。而去歲疾足。

南木誌

卷之三

十二

七八月。故。如是其貧也。楠子曰。宜矣。乃謂馬主曰。汝既得馬。將於汝乎足矣。盜當授乎予焉。然汝有數月無馬之損乎。我當與米二石以償於汝也。又與買馬者米二石。曰。反馬價而已。而數醫曰。夫醫不仁術乎。若治貧民之疾。雖無報禮也。猶當投與其藥也。以汝不仁之甚矣。而教愚民盜也。如汝者。實國賊也。乃令吏放逐之。三州外而屬攘馬者。有司曰。盜則可罰也。當沒收彼之室。而逐其郡邑。孝則可賞也。當移彼於新里而與之一夫田宅。乃更賜米十石。曰。當益孝養焉。而後謂平岡宰宇佐義五郎曰。吾今聽攘馬之訟。南木誌 卷之三 十三

而知爾之急政也。蓋宰者以撫毓民為職。民無飢色。則所以為善政也。故當使下吏日省其民而扶疾救急也。今有孝民而不能振其不足。有貧醫而不能懲其非道。使良民窮厄而至于盜也。則不汝之急乎政。故乎民之有罪則正成之罪也。今以汝急乎政。故使正成有罪也。曩者。我知汝之不急。故使汝宰焉。今而急者。斯爾生驕侈之心也。五郎深耻之。懼而數日不出焉。於斯時也。新措貧乏者。可以告訴之法。云。凡其為政。無親無疎。正直者勸之。迂回者戒之。人之有善如已有之。視民如傷。故百姓愛敬之。猶父母也。詩曰。

愷悌君子。民之父母。楠子有焉。大峯文集

### 楠公答直義

足利直義謂楠正成曰。佐々木梶原之徒。先登爭功。是匹夫之勇。不足用也。正成曰。佐々木諸士。姑置且道。賴朝鼓士氣。使之不愛軀命。先士卒而力戰。非具將器者。不能也。直義悅。因問賴朝用士之術何如。曰。賴朝以詐力奪天下者也。吾儕王臣。不宜談其謀略。直義大愧。正成之言。非徒折直義隱衷。并可以誅賴朝之心矣。史論

楠公論寂阿菊池寂阿唱義元弘三年三月攻北条英時為少貳大友戰死

南木誌 卷之三 十四

中興後一日。帝與新田義貞楠正成輩。從容語。及諸將勲功。正成奏曰。中興諸將。今皆見在。而獨寂阿首唱死義。此最難能也。世傳以為公論。南山史菊池寂阿傳

### 楠公論介冑

楠公正成曰。介冑。要撰堅扎。而勿求文飾矣。是所以誠棄實。執虛者也。故古者。勇將猛士。撰扎而施飾。其堅。可以保身體。其飾。可以助威儀也。安齊叢書

### 楠公本論語

三才雜說。舉論語異本。曰。有楠河內本。伏原本。書寫古本。正本。印板本。凡十八種。史稱中將公及長好學。

然則公之忠義固雖出於其天性所得於學問者亦多矣。雜說所載亦足以觀公在干戈搶擾中遵奉聖經之一端矣。因記。

### 楠公筆札

中古之書本于晉。尊圓之書本于梵字。楠正成夢窗等居其中間。讀書會意

### 楠公諱

楠公正成。初呼麻沙奈利。後避成良親王之諱。稱麻沙志偈。鹽

### 楠兵利九

楠木誌

卷之三

十五

世傳楠兵利九方曰。廷尉在陣中。令怯兵服之以強其意氣。見楠氏兵書。今在河州天野寺云。其方。瓊蛇稻孫伏神衣。苓遠志龍骨。各等分爲粉。且暮服之。未及訂其真贋。聊錄以備異聞。三宅貞厚和方藥函

### 楠公逸事

芳野之役。大塔王因飢。楠廷尉有一從卒。譏之曰。武夫致命。臨戰陣絕。兩三日糧。何有如王。可謂孱弱矣。廷尉聞而大怒。讓之曰。汝生育於飽暖。未諳枵腹。不耐從事之狀。可謂迂腐之執袴子。夫如是。安能執吾役。乃逐之。北窓瑣談

新田中將。足利直義名和伯州等。一夕會楠廷尉舍。

議古人戰畧。中將曰。我邦武弁。得軍畧者。源九郎乎。

廷尉曰。九郎善戰。不知謀。知彼不知己。伯州曰。木曾

氏用兵如何。廷尉曰。木曾有謀。有惠。得軍法。有將師

之器。吾惜其目無丁字。而不能辨邪正之理。直義曰。

是則然矣。而木曾氏之爲九郎所滅。豈可謂善用兵

乎。廷尉曰。是非其用兵之罪也。漢楚爭雄。七十餘戰。

高祖每不得志。非淮陰留侯之拙策也。時未至耳。木

曾凶于九郎亦然。積惡所致也。中將曰。木曾有慮。何

謂積惡。廷尉曰。慮不可學而至。必出於天資。師聖賢

楠木誌

卷之三

十六

行道義。其慮爲善。木曾不知道。故其慮爲惡。方其要請。關白也。聽覺明之諫。不任關白。其從容不同。平素之暴。以此。心知犯闕之爲。逆則可以不被叛名。且自耻耻色之名。臨終放還妾。亦可哀矣。九郎才大。遜於木曾。直義曰。何以知之。廷尉曰。木曾雖不識一丁字。而其心有守。九郎頗讀韜略。而其心無守。由是觀之。木曾之器勝耳。伯州曰。木曾有將帥之畧。何如。廷尉曰。得謀與軍。非將帥之器乎。諸公聞之。皆服其論之公云。道灌自記引古太平記

源右將議征東奧。于時藤泰衡臣犬間三郎者。因小



山朝政送款請弑秦衡得重賞朝政曰彼禽獸也爲之周旋亦自污穢然不可以聞之也乃達之右將右將曰不必待我命唯汝圖之朝政於是直告之秦衡犬間聞之驚愕遁去秦衡及從臣皆怪歎之爲術云廷尉評之曰右將有人君之度朝政有人臣之義而至秦衡則不知義亦無足論然亦愚將之器於是乎可見矣同上引古東鑑

世有一大憾事補廷尉與藤房議欲諫朝廷批政廷尉錄本朝事迹藤房錄異邦事實以爲二卷其書傳在上杉氏後爲人所奪今則同上

南木誌

卷之三

十七

新田總兵見補廷尉問曰子之於兵何學曰學諸源九郎總兵笑曰子亦戲乎子非古人也安得直受於古人廷尉曰九郎鉄拐襲虛攝浦冒風用兵之機盡矣吾每戰以此爲師耳總兵擊節稱善夫九郎之用兵孰不知之但少善學如廷尉者耳竹堂文稿佐々木盛綱殺漁者於藤戸何其殘忍乎若恐事泄執之一所使不得去可也補正成欲雇律僧以出新計律僧不肯正成不使之歸院事成而許之睡餘錄下全米價古今不相等者何其甚乎補正成買米寄附山門豫備軍餉出黃金百兩得米一千二百餘石

正成決死往兵庫時警誨正行於櫻井驛曰汝幼年之際須當父事和田恩地矢尾等每事勿謀於母又不可懈於學問已至十五則專聞義理勿要識字記語只當使文意詳審精熟於內善哉言也今之武人或言學問無益異於正成之意

正成曰將帥之發軍也必須無思他事僅有他思則誤蓋主一也太平記評論中乃言正成嘗使諸士夜讀四書則既有程朱之書明矣宜其體認持敬之功軍令蓋欲過嚴故司馬穰苴斬莊賈及使者僕車之左駟孫子殺吳王之二寵姬如我楠氏飯盛山會戰之時視小車有女即新三郎妻也因殺新三郎新三郎乃和田和泉之家弟而正成之外姪也初余妄謂不仁也後來知其有理

南木誌

卷之三

十八

北條高時每宴會酒九獻則有亦九種補正成在鎌倉聞之以爲漸不可久吾觀今人之會客雖士庶之家每獻有肴坐久則不止九種使正成視之謂之何哉

正成年甫九歲一日有客謂父正玄曰子萍遊無所寄身近求紹介欲仕一王家然名門貴族無由識其家法若之何而可正玄卒然答曰如此子亦惑焉于



時正成答曰。夫成不成。天也。欲知君之賢否。先視其嬖人。同氣相求。同聲相應。故賢君則好賢臣。暗君則好奸臣。是通弊也。客領之。世傳以爲名言云。掃菴雜談

### 楠公辭尊氏使

正成與直義軍接戰。身被數創。乃入民家。將自殺。尊氏遣使須賀氏。謂曰。足下以寡敵衆。忠義誰能比。今當退兵。河內不宜自盡也。公笑曰。大丈夫成功。則名垂竹帛。不成。則血膏草野。今軍敗。兵疲。死報天恩之秋也。欲使一家人還鄉。道路無恙。是公之惠也。於是與弟正季相刺而死。橋本八郎和田正隆奉正成首授之。足利家人高師重而死。尊氏直義等視其首級。嗟嘆久之。足利家人亦皆相吊出涕云。

### 玄惠稱楠公

北畠玄惠後語直義曰。聖德太子以降。可稱賢德者。楠判官一人耳。其爲時人所欽慕如是。國史畧

### 正行起兵

正平二年八月。楠正行謂家士曰。我在畿內。而與朝敵接鄰。未嘗舉兵。高德以爲拙。而不與我相議。而起大志。其不成者。天也。我豈不耻高德哉。且夫君父之讎。在近鄰。不可徒送歲也。速襲可決一戰。衆以爲何

### 南木誌

#### 卷之三

十九

### 南木誌

#### 卷之三

廿

如和田源秀曰。君其舉一鞭。則和泉河內群士。誰不應指揮哉。安間了願曰。故判官公遺訓曰。待二十年之後。舉兵。今見尊氏之政務。非統御之才。然君臣未相諍。聞君起事。則彼諸將欲和泉河內。猶勵戰功乎。然則戰敗家滅。故判官忠義不能立矣。請暫待之。經數年。則尊氏昆弟及諸族高上杉。爭權相屠。當其時攻京師。則必勝。而故判官之忠義忽顯矣。正行曰。卿之言是也。然我多病也。若早世。則可爲遺恨也。了願曰。壽夭不可測也。然群弟在焉。則不量時而亡。寧量時而事成。興家全忠也。正行乃止。至此又召家士等議曰。數年之間。察時勢。則尊氏諸族家臣既不睦。直義生男子。則兄弟叔姪相爭之兆。既生。故判官之言如指掌也。然南朝公卿政務亦不善。偶有就我請降者。諸卿惜地。不與之。然則縱雖成功。天下半爲山中公卿之領。半爲新田氏族舊勞者之有。而新參者可無恩賜之地。果然則天下又反覆者必矣。且我退年多病。則不能待二十年。是年我二十三歲。遇先考。十三回忌。而冥福既修畢。則我可死之時至矣。不如早入尊氏堅陣。預命以顯忠孝也。弟正時進曰。兄之言盡矣。誰擬議哉。源秀曰。唯速發兵而可也。南朝公卿

不足相議。至起事則便宜行賞罰可也。正行曰。然則我亦一尊氏也。了願曰。先試出兵於攝州。待京軍一戰而見其機。而奏聞則公卿等何可沮哉。正行曰。善。志貴氏曰。然則各成誓約。一志而可出軍。乃作狀曰。凡捨身報恩。人倫之法也。見危致命。忠臣之節也。故先主判官正成。輕死於戰場。遺言於子孫。扶亡朝。護嗣王。方今孝子正行。守爲臣之道。揚勇爲之旗。身輕鴻毛。義等金石。況爲家僕者。何不感志勵功哉。榮衰存亡。宜與正行相共也。若其違此誓則神明其罰之。所不敢辭也。連判者百四十三人。其陪臣下品者八

南木誌

卷之三

廿二

百九十二人。又別書誓詞加判。誓約既成。正行即經略攝州。續本朝通鑑

正儀北降

正平二十四年。左兵衛督捕正儀降。足利義滿。十一月和田正武等。攻捕正儀城。花營三記。正平十九年。細川賴之遣使。正儀以講和議者再三。不聽。蓋賴之爲人。忠良能知大義。明正閏之分。南朝雖微。神器所在。正統天子故屈意送款。正平廿四年。南帝後村上崩。賴之又就正儀。講和立誓約三條。一曰。讓神器於北朝。武弁所領國邑。不加削讓。其止于致太平也。其意蓋誠實。正儀視南國日蹙。欲居間贊成其事。與賴之。廝相會。東寺而議之。南朝公卿。猜忌目以反逆。北朝又宣言。正儀來降。於是南帝詔和田等伐正儀。故姑避害北降。無何賴之亦以黨正儀被誅去職。正儀反。

然飯順至此。竟責水解南帝勸賞。陸參議其跡似君臣默契。倘降者此時南方雖衰。官軍所割據尚且於四國九州。北陸東奧。廿餘州。則國威猶足。張矢至元中。講和之日。則諸城失守。止有吉野。十津川。耳。以故北朝君臣侮慢。欲以降札受之。幸六角滿高持正論。雖準賴之正儀和約之意。後來遂至渝而統更立之。哉。

正儀歸順

弘和元年。捕正儀歸順。皇朝史畧曰。按正儀歸順年。所載康曆二年。斯波義持狀。以正儀與赤松義則。並列。則此時正儀尚在北方。又按三刀屋文書。弘和二時。正儀已飯順。據此。正儀飯順在此歲。明矣。

捕母

正行年甫十五。會先帝崩。國人多叛。送款足利氏。正

南木誌

卷之三

廿二

行探聽之。置謀十餘所。誘召之。要擊於途。悉伏誅。詰闕奏之。歸家。母氏聞之喜曰。善哉。如此大事。不令母與聞。其用兵之速。勢繫于先人矣。泣然者久之。由是觀之。夫人亦非尋常女子可知也。泰卷

僧宗信住吉野吉水院。吉野舊有兩執行者。曰吉水院。曰新熊野。共管一山。僧務大塔宮。據吉野城。宗信應之。故新熊野主岩菊。怒導東兵陷城。宗信從宮出走。亂平還住。後醍醐帝南遷。駐蹕大和穴生。宗信會一山僧徒曰。在昔天武帝避難。茲地終闕昌運。今天子蒙塵。我輩蓋竭力迎護耶。衆僉從之。乃發兵三百。

奉迎。營行宮。御焉。延元四年帝崩。衆情危懼。殆將土潰。宗信勵衆曰。先帝遺詔。以翼儲討逆。今尚在耳。諸公豈忍遽抱遁志。況又忠烈之士。屹立各國乎。我請數之上野。有新田義興。武藏有新田義宗。越前有義助。義治。其族分據各國者。亦餘四百。其他筑紫有菊地松浦等。四國有土居得能。淡路有阿間志知。安藝有熊谷。石見有三角成合。雲伯有名和。備後有櫻山。備前有今木大富。播磨有吉川。河內有楠和田。大和有。三輪西阿。伊賀有江塚。伊勢有九鬼愛曾。紀伊有湯淺山本。遠江有井伊。久我濃有根尾。尾張有熱田。

南木誌

卷之三

廿三

神官。越前有小國風間。近江有儀儀高山。敷山有圓宗院。此皆忠烈。不以炎涼易節者也。宜速頒遺詔于各州。以致恢復。既而楠正行率兵二千來衛。衆心初安。正行時年十五人。以爲母氏教育之所致也。

楠氏遺孽

正平二十三年戊申。後村上天皇崩。皇太子寬成即位。是爲長慶天皇。天皇建德二年辛亥。賊將細川賴之大舉入寇。和田正武率楠氏族。堅守諸城。賊軍引還。

文中二年癸丑。細川氏春復入寇。大納言藤原隆俊

先之。天皇讓位於皇太弟熙成。是爲後龜山天皇。天皇幼聰敏。人冀興復。而楠氏衰。國勢日削。我將士多叛降北朝。

天授四年戊午。足利義滿專圖楠氏。遣山名氏清等入寇。楠氏族。橋本正時。神宮正種等。力拒不克而退。

日本外史

元中五年戊辰。春。足利義滿遊紀伊。實巡察南方餘類也。楠正秀起河內。伺義滿。山名氏清擊破之。正秀蓋正儀遺孤也。室町紀畧

元中九年壬申五月。義滿使畠山義深來攻金剛山。

南木誌

卷之三

廿四

陷之。楠正勝走于十津川。第二郎正元潛入京。欲狙擊義滿。不克而死之。自正成築城焉。凡六十年。乃爲賊兵所陷。義滿乃使大內義弘來講和。約傳神器於北朝。則兩統更立。遂許之。是年冬。遂備法駕。發吉野。御大覺寺。以父子禮。授神器于後小松帝。南山編

本外史。按是年閏十月二日。群臣戎衣入京。義滿寺詰。以非來降之禮。南帝曰。朕奉神器。理當以父子之禮。授之。於是和議始成。破六角滿高諫曰。南帝正統不當。遂命也。遂遣滿高定和。三日傳神器於北帝。尊南帝爲太上皇帝。太子寬成立。東宮吉野。御領及伊勢國司如舊。此時菊地武朝擁皇子良成。据肥後。義滿使僧來講和。息軍。良成允之。自後醍醐。南遷。至是凡五十六年。始飯一統云。

應永六年己卯。大內義弘揚兵於和泉。擊足利氏。楠

正秀以兵百餘屬之。閏十二月義弘敗死。楠氏散歸。

上全

應永廿年八月。稱光帝即位。諱實仁後小松帝長子南朝遺族。

怒其違約。次年九月。伊勢國司北畠滿雅舉兵。其族

關神戶峯國府及大和伊賀伊勢之南族。應之將軍

義持。使兵討之。九月以重從前約。和云。

高田宮。不審其屬。陸奧伊達持宗。自父祖以來屬南

朝。以故。應永九年三月。奉宮據赤阪。與上杉氏憲戰。

次年九月。食盡。城陷。宮自殺。持宗降。尋卒。廿年四月。

持宗子成宗。與懸田玄昌謀。據大佛城。鎌倉持氏使

南木誌

卷之三

廿五

畠山國詮討之。十二月。振盡。出走。無何。持氏出而復

舊。南山史本  
朝武林傳

正長元年七月。稱光帝崩。無子。後花園帝立。南朝遺

族。責再違約。皇子寬成。率吉田守房等。走伊勢。永亨

元年七月。越智十市久世萬年等。應之。起兵。吉野。與

畠山持國戰。北畠滿雅。與仁木一色等戰。敗死。寬成

講和。薙髮入萬壽寺。法諱覺理。稱後長慶院。二年春。

和泉河內紀伊之南族平。近衛左大臣某。尚在紀伊。

募南族。應者頗多云。上全

嘉吉三年癸亥九月。足利氏內亂。元年赤松滿祐殺  
將軍義教。今年義

勝逆。捕二郎。收南國兵。得三百人。奉萬壽寺金藏主

者。爲主。金藏主名尊秀。小倉宮之子也。先是大納言

藤原有光。有罪。出走。私謀。擁立尊秀。至是。二郎與越

智某。分隊。夜入禁內。一賊揮刀。逼御座。忽眩而倒。帝

得逃避。尊秀奪劍。璽而去。劍遺于塗。獨擁璽。據敵山

中堂。移檄。集兵。既而僧徒不應。反導管領畠山基國

兵。尊秀二郎戰死。二郎者。不詳其所出也。二郎殘兵

奉璽。擁後醍醐帝。曾孫某。保吉野。相國寺僧寶藏主

亦皇族也。坐尊秀事。遭害。

北山宮。一稱自天大王。其弟河野宮。一稱忠義王。或

南木誌

卷之三

廿六

曰。尊秀子也。俱居吉野。尊秀之死。神璽入吉野。二王

擁守。凡十有五年云。初。唱義募兵。屬者日多。伊勢豪

族。磯部義政。獻軍器糧米若干。嘉吉之變。赤松滿祐

弒將軍義教。一族誅夷。其遺臣等。欲立功。起主家。遺

臣上月滿吉。中村貞友等。詐來仕。漸得昵近。長祿元

年十二月。夜乘密雪。戕北山宮。上月滿吉戕河野宮。

執王首及璽而遁。璽谷村人。大西某射斃中村貞友。

餘賊逸去。璽竟還禁宮。北山宮葬于神谷金剛寺。謚  
高福院。土人建祠。祭云。河

野宮。不知其葬所也。捕正勝。普濟。居吉野。源山。年。死  
八旬。來參軍議。及二王死。又入山去云。事見古今奇

異聞錄廣



僧圓胤者。後村上皇孫。泰成之子也。為圓滿院僧正。蓄髮更名義有。文安元年八月。楠二郎之弟奉義有起兵。八幡迎擊。畠山持國大敗之。細川氏來攻。楠氏不利。退據紀伊湯淺城。三年。畠山氏將遊佐某來攻。又擊敗之。次年十二月。畠山持國攻之。城陷。義有遇害。楠某死之。圓胤首傳之。京師廷議將梟之。開白兼良以謂。無梟王族之例。因。阪上明世大石惟弘。檢視其首云。楠氏之事。終於此。莫復所觀。蓋自延元元年。後醍醐帝南遷。至於此。凡一百二十年。楠氏殆絕。然楠公三世。精忠大節。震耀千古。赫如日星。天豈遺其德哉。足利氏君臣。父子兄弟。互相戕害。竟速殄滅。而楠氏遺胤支族。有後世起者。則天之報施。豈偶然哉。

日尊

日尊者。南族亦不詳其屬。文明二年春。奉小倉宮猶子。教尊弟某起兵。紀伊越智惟政首應之。進抵藤白。于時京師大亂。山名持豐與細川勝元接戰連年。西陣持豐謀欲立小倉宮子為天子。以抗東陣。惟足利義視畠山義就等不聽。十二月。東陣勝元遣畠山義長發兵攻日尊於南都。殺之。送首於京。廷議遵文安

南木誌 卷之三

廿七

南山史皇朝戰略  
編小陶雜錄

例。遣吏檢視其首。其月後花園上皇俄崩。或云。屢見日尊為祟。因為建碑供養。明年八月。持豐等遂迎小倉宮子入京。舍北野松梅院。諸將拜謁。別建紀號。將即位。有故不果。楠氏遺族潛居各所。而乘時角立者。往往不絕。日尊亦楠氏族。事佚不傳。惜哉。南山史行在或問寬正元年庚辰三月廿八日。捕楠氏在吉野者。盡殺之。四塚。後史編

僧傑堂

會津天寧寺。應永廿八年。僧傑堂所創。傑堂俗名能勝。楠公正成之孫。早歲中流矢。得躄疾。為僧云。北道遊傳

南木誌 卷之三

廿八

長山貫曰北越蒲原郡瀧谷村慈光寺藏於楠公。是及文書相傳楠公。族楠正五郎者。飯教住于此寺。錄備參考云。

楠公遺器

抵湊川而扣廣嚴禪寺。展古物而睹焉。楠公書二道。其一非親筆也。軍扇幣帛等。真贋吾不知之。其與畧莊五書。辭氣高邁。令人慨嘆哉。豈又間然。軍扇草造以髹焉。上袤平而下圓。徑可五寸。鐵其握。長可二尺。所謂便面也。幣者。巫祝奉神之物。其柄曰串。俗有取而代背旗。其長短於軍扇可三寸。有字陋拙。漫遊文草大和國平群郡。志貴山本學院藏楠公正成兜。



楠公神牌

西山公

元錄五年壬申六月。佐佐宗淳在河內。觀楠公神牌及行狀等。知其有贈正三位左近衛中將事。致書報之。西山公見其書大喜。數日之間。顏色欣然。中村顧言時侍左右。退謂同僚曰。公考究忠臣義士之事。造次顛沛。莫不存心。故欽慕之誠。見於外者如此。因告諸爾公。又語一二好古之士。莫不皆拜躍。修史

楠公筆錄

小田原候大久保忠真

河州石川郡南別井村。有尼刹。曰慈眼寺。什器有故河攝泉三州守。贈正三位。近衛中將。楠公筆錄。真蹟

楠本蒞

卷之三

廿九

一冊。裝釘爲小葉子。無外簽。又無書名。跋有軍檀目鏡云云。建武二年八月日正成若干字。又有花押。筆力遒絕。奕奕有神。公之用兵。雖不可端倪。公之威武。可以想見焉。嗚呼。距今四百八十年。其人則無。其書則完好無恙。尤可喜矣。余時旣爲大阪處守。村即今隸於小田原。以故得親寓細讀焉。此冊子原藏以子匣。而緘縻之不攝。何以爲守備。迺另造套函。因扁鐫而歸之。曰。可以善藏之。不欲公諸非其人矣。蓋公之志也。文化十一年歲次甲戌夏五月。小田原城主。從四位下。大久保加賀守藤原忠真。

小楠公絕命辭

林衡

河尻子文。在和之五條。監其稅務。公暇時。之芳野。探討往蹟。而郵筒往來。多及其事。嘗以書來云。如意輪寺藏一漆板。扉楠公正行所雕。絕命辭者。歷年數百。而猶隱隱可讀。余乞其榻本。子文乃手摸之。用累日。功。終得髣髴。蓋當時用鏤。自刻者。摸之。良不易也。記載正平二年。東軍入寇。公分必死。方出師時。拜先帝陵。因署赴義者姓名於堂壁板。又題絕命辭。而今之所存。扉板而非壁板。則亦足以訂記傳之誤矣。嗚呼。公之精忠大節。不待瑣瑣筆札。而後傳。然亦可類此。

楠本蒞

卷之三

卅

千早城址

鹽谷世弘

嘗讀史。觀東兵攻楠公於千早。盡當時之猛將。以百倍之衆。圍彈丸之孤城。攻則敗。當則摧。如枯葉之迎烈風。遂終於自潰。竊謂是不獨公。籌略拔衆。其山必高。其谷必深。其阪必奇峻。斬則不可梯。而攀也。今茲西征。過河內。抵所謂千早村。而登其城墟。觀焉。山高不過二百步。而頂方不滿五百弓。谷不甚深。坂不甚峻。其麓無大石。怪巖爲之固。可以梯而攀也。可以鑿

而毀也。而守而能固。攻而不能取者。何耶。公之所擇而城焉。寧不可舍此。而他求。歟。嘗試以兵法推之。山高不過二百步者。以便出入進退也。頂不滿五百弓者。以少兵。不可以守大城也。谷不甚深。坂不甚峻者。以孤岡獨立。雖不深且峻。無由掎而攀也。然則公之擇於此。其豈無所見哉。且夫良將不以山為城。而以勇智為城。公之才能超卓。天下之山。莫高於此也。籌策深遠。天下之谷。莫深於此也。心膽沈毅。氣志堅確。天下之峻坂堅城。莫有加之也。宜矣。盡當時之猛將。以百倍之衆。攻則敗。當則摧也。予於是不能無感焉。

南木誌

卷之三

卅一

以公之才。在千早則勝。而在湊川則敗。於此條氏則伸。而於足利氏則屈。豈千早之地宜於守。而湊川則不便於戰耶。將公之出策。巧於千早。而拙於湊川耶。抑獨運其智。與或掣其肘。有所異而然也。悲夫。射方志

南朝忠烈遺書

賴襄

一井氏為新田支屬。從擊義百戰。及敗。潛伏湖濱。其家零落。獨存一婦人。挈其舊物。來住京師。依善歌者賀茂季鷹。季鷹延余觀其家。然盡無論刀劍鎧冑。新田兄弟及楠氏父子以下。往復文簡。紛披堆積。無有條理。余因攜門生。就其家整理之。略得就緒。又為作

目錄。使無散佚。其家德之。欲謝以物。余乃請新田楠二公書。新田公書。皆所謂感狀。在一井氏。不可少一紙者。故請得舉義時檄里見。族一書。署元弘三年五月朔日。新田小太郎。英氣勃勃。千載如生。楠公書。較工。用墨豐肥。為以自鈔一行。曆法。借示一井氏之書。當時鞍馬倥偬。乃覃思此等英雄。真不可測也。又菊池武敏。自舉功狀。請舟田義昌薦書。皆忠義之蹟。裝潢藏家。以資敬仰。云。山陽遺稿

南木誌

卷之三

卅二

一井貞政。堀口貞滿之叔父。稱大藏太輔。每從義貞有戰功。初直武者所。後與子政家。死于金崎。族氏政為兵部太輔。據鷹巢城。城敗。不知所終。南史長山貫曰。如南朝忠烈之蹟。雖蠹紙枯墨。千載之下。觀者肅然敬起。瞻仰奉崇。不啻拱璧也。若夫尊氏師直兄弟等。籍使遺墨傳于今日。則人將唾而壞焉。嗚呼。人心是非之公。自然不掩者。可以觀矣。

嗚呼。楠公精忠義烈。垂光百世。照耀簡策。固不待瑣瑣筆札。而後傳。然遺文之不泯。雖片言隻辭。豈可不寶愛哉。誌遺文。

遺文

無題

正成

身の爲小君を思歸もふさ心きみ乃多免え  
成をとおもひて

右忠聖録所載蓋魏古歌見其志者

遠山落葉

正成

松の葉を以てはう嵐日あまき川の山を  
名けとふりまは

野分唐摺

すけありおちまやうてけ せうのもうも  
みへんくを望まうも

南木誌

卷之三

遺文

卅三

雪中振

いうみせむ雪のあすもにふもあきけ  
き原わきうぬる成を

右三首和歌藏在松坂三井氏家

世題

正成

久うのてはこころやまうきといはれは  
くふ乃みくろりの神

右藏在京師谷森氏家

此間何等之事及式抄爲祈禱觀心寺大師御  
作之不動可奉渡之由被下 倫旨候之間申遣

寺僧方明後日廿八日比京着候可被奉渡  
度也御共之由上洛候所と公事期面候と禱  
言

元弘三癸酉

十月廿六日

正成判

澁覺法房

爲御祈禱法作之不動可奉渡之由 倫旨如此  
明後日廿八日比京着候之様可被奉渡及可被  
止置法座候則可被返遣候也

十月廿六日

正成

南木誌

卷之三

卅四

観心寺

寺僧法中

右藏在河州観心寺

御卷教給候畢早令進覽候恐と禱言

十二月九日

左衛門尉正成

禱上 金剛寺衆徒

正成

祈禱卷教賜候畢種々祈念返々爲悦候恐と  
禱言

禱上 金剛寺三綱

内返事

關東山徒等亂入當寺構城郭可致合戰之由其  
関及善事實後若以寺家一同之儀不被入立及  
若尤可宜及到御祈禱之事又先度被下 令旨  
上者相撰而面々可被後意及恐々謹言

二月廿三日

釋上 金剛寺院徒中

右三篇藏在天野山金剛寺南行雜錄

當寺并於寺領等不可有官兵之振藉由奉

令旨申進及此上若孫可令抽御祈禱之忠勤賜

南木誌 卷之三

卅五

及我恐惶謹言

元弘三

正月五日

左衛門尉心成判

進上 久米田寺法僧者

右藏在和泉久米田寺日本歷代史稿

急投飛戟速思懷及執急者頃當氏直義起鎮

西發獲軍卒群勇三十萬騎而分列於海陸二

道近日責上之風牽流國平於奉實若天下

之大愛不可定時因之馳向于兵庫可防戰

旨 勅宣太以急也正成備傾軍慮計之官軍

微卒而何豈當大敵哉依而屬修陳奏 君若

而世御許容空垂淚痕自今奈京師趣戰場耳

嗚呼無命養由之矢前此義紀信之忠欲致戰死

之條無他幸亦又元弘中自

天子 御勅與之愛深明王為子孫武運宜安置

貴院路次迎佛之僧一人到于兵庫而可被差越

候委曲期其節可演說者謹言

右不知所存贈觀心寺書乎塵塚物語

左所舉楠公贈小楠公書牘諸書所傳與搦本頗

有異同今因吉野拾遺錄焉

南木誌 卷之三

卅六

此處是衣三

此處年人若遊し此事 非能之也

若より後更ふくハ 亦若最後をくそ是の原ハそ及家名

祖よりそをゆた 思量見屋 及ゆた其義く重き不更

とてうき送りて 後進及孫右存之及勤學事後及朱長

と後我亦心中下をそいけ

生武三

兵部

正成

楠公平政との

右藏在和州志貴山毘沙祠

南木誌

卷之三

卅七

齋藤正謙曰世傳楠公最後狀揭本道其原本為  
湊川廣嚴寺所藏古簡離集構津名所圖會等書  
亦載焉其文僅十數字而人臣事君之大綱要  
言不煩較諸出師二表無愧色唯楠公戰死之日  
為建武三年五月廿五日實官軍大捷尊氏西奔  
圖會亦同據史是歲正月實官軍大捷尊氏西奔  
之時也與就元此果成于五月頂署延元元年五月  
月改元延元此果成于五月頂署延元元年五月  
耳然搶擾之世恐無暇檢詳署從前慣用之年号  
已如此之類前史不勝錄述亦足以見非追記  
造之書矣芳野拾遺正作五似可從然拾遺原止  
二卷而此狀載于四卷其出後人之補緝也的矣  
且楠公與子之書當傳河內而今藏廣嚴寺可疑  
也吾友某詣志貴山毘沙門廟得觀所謂最後狀  
真續廟又有打本齋共香客某得而查照之月字  
上蠹蝕漫漶殆不可讀打本則定為正字某乃見  
寺僧說其杜撰改之寺僧不取聽某精史學反覆  
論辨鑒其有左證適僧諱在傍聞之歷伏言欲勸  
主僧改打本之訛余於是知庸僧以廣嚴寺係楠  
公墳塋之地影射志貴廟中狀變訛上梓供標榜

今仁王經法施一奉召名教者

先帝崩一後ひう日毎一朔憲あゝ之恰も水  
の阜くはきゝ我々氷よりを陽北陳むるゝ一臣等  
主上乃あむそ免うあむく龍骸を松一虎尾を  
踐むる智を冷むといふとも未だうきむしを也  
きんあうあれを ぬのわくわくへきせ給ふと人か  
の及ふ處あはれを澤々此聖體を書案一永く  
寶蔵し納めたり 神明の照鑒ふりて天下泰平

なり一覽をす 宸襟をやあんどそそるるむる  
成福うふのすなり

いそゝ水清きたうきのそとほむうう

いそせ君はゆ代をね

貞永二年辛巳五月十日

西行

右藏在松坂三井氏家

廳宣 留守所

可早令任先例免除天野山金剛寺領所當以下國  
役除時難事兼る亦禁衛執生事

右件寺者靈驗殊勝之祐禪侶精勤之場也然者任

南木誌

卷之三

卅八

建久二年宣旨院廳御文并廳宣等永可 免除四  
至内田畠山野等所當官物以下國役臨時難事兼  
亦可禁衛殺生若不拘制法者隨可加炳誠之狀如  
件留守所宜承知敢勿違失故以下

興國四年十一月日

守橘朝臣 花押

右藏在天野山金剛寺

南行雜錄

鎮守社壇回祿之事殊以驚歎入后但神體不燒  
失火中法座及末代之奇瑞甚同新、後忽之可  
怪奏聞恐、譯言



興國五歲五月廿六日 正行

觀心寺

寺僧法中

頓作住造畢無恙之御遷宮返々目出度喜入度  
必々可參詣及恐々譯云

十二月一日

觀心寺

寺僧法中

河内必小高瀬領家職為臣祈禱料所觀心寺可知  
行由事延元五年二月廿三日 綸旨如此早可被

南木誌 卷之三

廿九

沙汰寺僧於蒙莊也仍執達如件

正平二年十二月十五日 正行 左衛門尉

和田左衛門尉

右三篇藏在河州觀心寺南行雜錄

河内必野田庄内岩瀬田壹所觀心寺地頭湯分任  
先例可被被管領及也仍執達如件

貞永三年正月十七日 左衛門尉

觀心寺 寺僧法中

右藏在河州觀心寺日本歷代史稿口河内名所會作正平五年

四月十一日

河内必厚見庄公文職事任今月四日 綸旨并近  
衛三位中將殿御下知狀可被被管領給及仍執達  
如件

興國四年四月廿二日 左衛門尉

西琳寺方丈侍者法中

右藏在河州西琳寺上全

當國小高瀬莊領家職任先度 綸旨觀心寺知  
行不可有相違由之奉今月廿四日 綸旨如此早  
可被沙汰居寺家代官於蒙所及也仍執達如件

正平四年八月廿九日 左衛門尉 正儀

南木誌 卷之三

四十

橋本九郎左衛門入道及

河内國小高瀬庄領家方御自名兩名奉止江鶴  
刑部亟違乱知行不可有相違仍執達如件

十二月九日 左衛門尉

觀心寺僧法中

右二篇藏在河州觀心寺

和泉國和田莊領家職朝用奉止料所之儀金剛寺

一奉知行不可有相違之由奉去正平九年十一月  
十八日 綸旨如此早任被仰下之旨可被沙汰寺家雜

掌於下地及恐々謹言 正儀判

新刺友より

和泉國庄家分奉為朝用可令沙汰口攝口旨被仰下候恐々謹言

十一月八日

正儀

金剛寺宿徒法中

和泉國和田莊領家職奉止軍勢料取之儀可被付金剛寺之由今月六日國宣如此早可被沙汰寺家難家於當所之狀如件

十一月十一日

左衛門少尉

濟恩寺掃部及

南木誌

卷之三

四一

和泉國和田莊三分壹堂當年為朝用可令執進由被仰下之狀如件

十一月九日

左少辨

楠木三郎館

和田莊三分一奉金剛寺令申之趣非無其謂歟所詮近日朝用闕如之時分也存別志致其沙汰之由可令計下知之旨被仰下之狀如件

十二月八日

左少辨

楠木左衛門尉館

右五篇藏在天野山金剛寺

親心寺七ヶ村預所職奉任去九日勅裁之旨可沙汰居寺難掌於彼所之狀如件

十二月廿四日

參議楠正儀也

河野邊兵庫頭及

右藏在河州觀心寺

佐佐宗淳曰按觀心寺所藏正儀文書數通其筆迹花押皆出於一手想係正儀手澤此書亦如出一筆但正儀任參議他書無所見據此書則在南朝任參議也

和泉國和田鄉國衙可令知行之狀如件

南木誌

卷之三

四二

正平廿一年十二月二十日

正儀

渡邊左馬允殿

右藏在南都渡邊氏家

禁制

金剛寺

右於當寺致濫妨狼藉之輩者可處罪科之狀如件

正平廿四年三月十八日

民部太捕

四百部左衛門尉及

右藏在天野山金剛寺

父送跡相續知行不可有相違之狀如件

弘和二年二月十八日 左兵衛督 正儀

渡邊左近將監履

右藏在南部渡邊氏家以上南  
行雜錄

世傳楠氏兵書不勘。余嘗閱南木武經楠知命鈔。楠軍禮遺言。楠正成一卷書。南木要畧。櫻井書。兵庫卷等書。率皆出後人之影撰。此編不肯采錄。櫻井楠公誠子書。及壁書傳于世久矣。先儒以為未知其真否。然其言嚴正。展誦之間。使人凜然。因姑錄于此。以俟後考。誌遺訓。

南木誌 卷之三 遺訓 四三

楠公遺訓

某今度討死せむ天下ハ尊氏掌極せむ然りとて家成主命を賜ら孫為り彼小降参一と父一士の忠烈を挫辱からん玉を碎ても其白を改免花竹を焚ても其骨を毀なきや云り油能く思ふ原一とあり一族郎従あるこの人ハ我附置ぬるうハ朝敵穿來ぬとも何乃煩らうとさう存人誰系不義の行跡あらむ大國河内ぬの王やなりそ家業累中にも何とせむ不義の義貴を大なる恥やをれ上へ對し奉り後世をたすけけむ毛取らぬからん

是を慎哉。而て汝等孝行。孫弟。一と。連枝のそのをもて水魚の思ひを承けて。某に代るを憐む。一。家の子郎。從戎。技助。事。必。父。如く。ゆえ。一。自身。爲て。郎。後。小。平。目。を。見。ん。う。ん。郎。從。主。を。頼。ん。て。天下。此。法。事。を。何。あ。せ。じ。八尾の僧。正。和。田。恩。地。を。も。て。父。乃。思。ひ。を。承。け。毎。奉。母。り。談。話。へ。う。ん。ん。晝。夜。學。文。を。怠。ぬ。を。あ。ら。う。義。經。を。能。く。尋。探。究。を。文字。を。識。を。強。に。て。或。う。ん。諸。語。を。讀。せ。む。と。我。忽。せ。ん。を。思。ひ。さ。す。と。肝。要。あり。

南木誌 卷之三 四四

楠公壁書

君がをんや。身を走はる。城。忠。と。い。ふ。親。乃。と。い。ふ。家。う。ん。と。い。ふ。け。う。ふ。城。孝。と。い。ふ。老。と。い。ふ。城。義。士。卒。と。極。有。一。國。民。を。憐。む。城。仁。と。い。ふ。一。度。語。と。い。ふ。愛。せ。ん。始。終。全。義。義。と。い。ふ。強。退。辭。讓。を。禮。と。い。ふ。謀。計。惟。幕。の。中。に。見。え。る。勝。事。を。千里。の。外。に。施。計。智。と。い。ふ。かり。にも。言。言。城。操。へ。ん。信。義。を。承。け。て。遠。慮。ある。時。ハ。近。き。憂。何。あ。へ。一。萬。幸。ふ。然。に。居。せ。ん。過。て。改。め。ん。悔。む。と。な。う。れ。邪。曲。輕。薄。乃。人。と。交。り。笑。う。ん。大。酒。を。失。ぬ。一。色。情。を。所。欲。失。ふ。心。ひ。む。ハ。嫉。妬。偏。執。の。深。き。なり。餘。

約を專らとて、路を恨み人非ざるを我所の行  
法とす。我々も、たゞ「壁書」を慎とせよ。

右壁書傳于世舊矣。然未知其所出也。會得長  
山貫家藏澤俊卿所刻搨本。因錄供采覽云。

過龍門而思禹跡。適東魯而觀禮器。地以人重。所  
由尚矣。追想楠中將之遺風。於千載之下。金剛山  
上。地留勤王之址。兵庫津頭。淚灑將星之隕。非但  
東伐西討。履歷之可存。卽嬰城致命之處。遺踪足  
述。豈可埋沒無傳。使伴銅駝姑蘓之墟耶。誌勝蹟。

南木誌 卷之三

四五

勝蹟

楠公故里

在河內石川郡水分村。有大將軍祠。是公降誕地也。  
千窟古壘

在河內石川郡千早村。金剛山半腹。城狹山帶。壘周  
回一里。高數百仞。中有五泉。相傳雖大旱不乾涸。四  
面深谷。東百丈。西七十五丈。南八十丈。北三十丈。東  
南有一徑。阪路極峻。距金剛山廿八町。牙城別堡  
甬道。址今猶存焉。

風呂谷

在金剛山。公置水槽。湛水處也。

上赤坂古壘

在金剛山北方。斷崖絕壁。高可三百尺。北通一徑。元  
弘二年。公築令平野將監守之處也。

下赤坂古壘

在金剛山。西麓。森屋村東。公初舉義時。所築也。

國見山古壘

在金剛山。楠正季所居也。

若山古壘

在金剛山。楠正氏和田四郎所居也。

南木誌 卷之三

四六

猫路山古壘

在金剛山。藤崎六郎所居也。

小根田古壘

在二河原遺村。或曰平野將監嘗居焉。

瀧泉山古壘

在石川郡瀧泉山上。正平中。楠正儀和田正武所居  
也。

金胎寺古壘

在河內錦織郡嬉村。元弘中。公軍據焉。

八尾古壘

在河内若江郡。正平中。楠氏部將佐和秋山等據焉。

和田古壘

在和泉大鳥郡。楠公外戚。高遠者所築也。

岸和田城

在和泉泉南郡。舊名岸。南朝時和田正武築城。因名。

岸和田。

土丸古壘

在和泉日根郡。正平中。楠氏族所築也。

楠氏第址

在石川郡下赤坂。城門址內。

南木誌

卷之三

四七

南木明神祠

在石川郡水分村。水分祠之左側。故老相傳。正平帝

勅祭祀公靈。配以孫吳。云有扉銘。下館候石川總

茂書也。

楠公首墓

楠公首墓。在河内錦織郡。觀心寺後山。俗曰首冢。足

利尊氏使世瀨川祐備遺公首。正行令中院瀧覺葬

埋之。有石柵。橫八尺五寸。豎九尺五寸。高三尺。弘化

元年土人建碑。筱崎弼撰文。

今按高松藩醫員渡邊立齋。本氏赤松。系出於

則祐。相傳則祐獲楠公首。家藏。足利氏感狀一  
通云。雖史乘所不載。錄以廣異聞。

楠公墳

在攝津矢田郡坂本村。舊唯塚上栽梅松二樹耳。

元祿五年西山源義公。令儒臣佐佐宗淳建碑於此。

碑陰勒明徵士朱之瑜撰文。碑面親題。嗚呼忠臣楠

子之墓八大字。

楠公塔

在河内河内郡六萬寺村往生院。題曰從五位上攝

朝臣正成靈光寺大圓義龍大居士。於攝州湊川戰

死。

南木誌

卷之三

四八

全

河内古市郡金剛輪寺。亦有楠公塔五層。浮圖。鐫曰

云光寺。

楠正行墳

在河内讚良郡甲可南。為屋村東。後人栽楠樹一株

於冢上。文化四年三月。里人建碑。村瀨之熙撰文。

楠正儀墳

在金剛山本城址異隅。正儀以弘和中。沒於千早城

中。故葬於此。有五層浮屠。題曰小光寺秀芳義端大



居士。

和田賢秀墳

在河內讚良郡米崎邑。或曰復葬遺骸于和泉大鳥郡和田村。

楠公遺愛碑

在河內錦織郡河合寺。寬保三年服元喬撰文。晁泰亮建之。葛烏石書之。

恩智滿一墓

河內高安郡恩智山。有左近將監滿一墓。楠氏部下。

據恩智城勤王有功。

南木誌

卷之三

四九

金剛寺

在河內錦織郡。有楠氏三世遺墨。及楠公緋甲。菊水旗章。今猶存焉。

葛井寺

在河內丹比郡。正平二年。楠正行以精騎三百。擊細川顯氏三千騎。卽此。

廣慶寺

在攝津矢田郡。湊川。藏楠公及從亡將士靈牌。并義公所賜手書。云

南木誌卷三終

南木誌卷四

中山利質編輯

世系

楠氏系圖

河內國楠氏之族。出自橘朝臣左大臣諸兄。太平記。楠氏系圖。

諸兄者。敏達天皇第二子。難波皇子之裔。而初名。

葛城和銅中。叙從五位下。補馬寮監。天平初。累進正。

四位下。為左大辨。三年。擢參議。文武天皇褒其忠勤。

賜浮杯之橘。曰橘者。菓子之珍。文人所好。柯凌霜雪。

而繁茂。葉經寒暑。而不凋。與珍玉共競光。交金銀。以。

南木誌

卷之四

世系

愈義。是以賜汝。姓橘宿禰矣。諸兄男。贈大政大臣奈。

良鷹。生兵部大輔島田鷹。島田鷹生伯耆守真材。真。

材生若狹守峰範。峰範生參議左大辨贈中納言從。

三位廣相。公卿補任。橘氏系圖。廣相生右京大夫公材。公材生。

大納言大宰權帥好古。好古生大和守為政。為政生。

伊豫守行資。行資生皇后宮亮成經。成經生從五從。

下兼遠。兼遠生掃部助盛仲。盛仲生正遠。楠氏譜云。正遠從五。

位下。正成本傳。或作正遠。生正成。系圖。正成兄有俊。

王康。正遠蓋初名也。正遠生正成。親一說。為正遠生。

俊親。俊親生正成。正成以橘氏之胤。久為民庶家世。居。

郎者是或正成之  
先歟今無所考

家族傳

和田正遠。太平記。作正隆。今稱彌五郎。楠正成弟也。

元弘初。從正成起兵。軍功居多。延元中。直武者所。

後偕正成戰死湊川。南山史。按正成傳。作正成。又按水藩野口氏系。曰和田。

正氏。生左衛門尉正春。正春生正建。正建之時。行。

宮賜水藍之旗。書以野字。後徙于關東。用其賜室。

更稱野口氏。寓駿河。仕今川仲秋。正建生正久。正。

久之。後七世正高。出任水藩。云長山貫曰和田正。

遠。無與父同名之理。則正氏似可從也。

南木誌

卷之四

家族傳

楠正家。正成族也。補藏人。任左近將監。延元元年。代。

正成將兵赴常陸。攻佐竹義篤於金砂山。斬其族。

人義冬。那珂氏來降。兵勢頗振。又城瓜連地。據之。

敵兵來攻。擊後藤基明者。斬之。明年。從鎮守府大。

將軍源顯家入援。後落髮。曰西阿。四條之役。與正。

行共戰沒。南山史。開城逸史。曰按楠系圖。正家弟。正成。父正遠。妻正家。任河內守。陸國中山信名。曰。

總社。文書。弘安八年。並有常陸國中山信名。曰。

大夫將監。橘押書。二通。按正成。父正遠。官左近將。

監。則恐是正遠。嘗為常陸在廳。官以其與國人。有。

舊故。正成。遺正家。也。然無他。可證其詳。今不可考焉。

作畠山國惟正擊敗之。據八木城。國清來圍。會源

清來攻。定平橋本正茂來救。内外夾擊。圍得解。明年率兵

至河内。築壘。古市保之。丹下西念來攻。擊却之。尋

細川兵部來侵。常史作細川賴氏邀擊野中寺東

敵敗走。惟正追至藤井寺西。接戰。斬其將帶刀。常史

作斬細川又與岸和田治氏等攻宮里城。泉方正

行之戰。四條也。惟正身被重創。馬亦僵。獲逸馬。騎

之。逃數里。聞閭族。獵焉。返馬。冒陣奮戰。先時有

池田四郎者。與惟正同從軍。及敗。四郎及子二人

中流矢。死南山史

南木誌

卷之四

三

橋本正員。稱八郎。宇佐義正。安為河内守。神宮寺正

師。任兵衛尉。稱太郎兵衛。皆正成族也。俱從正成

死。全上

和田正朝。原注作高家稱新兵衛。正平三年。高師直

等來攻。正朝與弟賢秀。從正行。詣吉野。行宮。廷辭

與同志士百四十餘人。俱誓死而進。大敗師直於

四條畷。梶田職俊視師直旗幟。欲追之。正朝曰。彼

騎而我步。追不可及。我如陽走。彼必來追。來即進

戰。則可獲師直也。乃與殘兵五十餘人。負楯退走。

高師直以兵三百。踰後。正朝返戰。大破之。既而從

兵悉沒。正行等自刺死。正朝欲還奏其狀。向南單

行。阿保忠實疾呼曰。楠家皆死。何忍獨生。正朝笑

曰。何難。揮刀赴之。忠實迴馬卻走。正朝去則復追

之。如此數次。會敵餘騎至。射正朝被七矢。遂為忠

實所殺。大日本史正朝弟稱紀六。亦與其子二人俱戰

死。南山史

和田正興。正朝弟也。延元三年。源顯家陣于和泉。使

弟顯信據八幡。正興與橋本正茂發兵應之。攻丹

下城數日。進燒高安敵營。既而顯家戰歿。正興轉

軍救八幡。北兵遮路。轉戰進。未幾。八幡軍散。正興

南木誌

卷之四

四

迴兵攻杉原野田等營。陷之。尋落髮稱賢秀。正平

中從正行。與細川顯氏戰于住吉。賢秀手刃數十

人。敵敗走。又追斬山名兼義。四條之役。賢秀善使

薙刀。遇者皆死。正行既死。賢秀尚混敵兵。欲狙擊

師直。其間相距數步。正行部下。湯淺某降。在師直

軍中。識賢秀。從後斫。踏之。就斬其首。賢秀眼光如

炬。先猶瞪視不瞑。從此某俯仰。惟視賢秀張眼。嗔

已。扶七日死。南山史。常史以正興為正朝兄。不知孰是。

和田正忠。稱五郎。正平七年。帝御住吉。正忠與楠正

儀為先鋒。攻京師。破細川顯氏。正忠部卒。斬細川

賴春義詮走近江。駕進次八幡。義詮尋以大兵犯行營。勅正儀正忠拒之。時正儀年廿三。正忠十六。以其弱齡人皆危之。正忠奏曰。元弘以來。臣闔門死賊。今日之事。上爲國家討賊。下爲父兄復讎。苟不斬賊一將而還。則請無復見矣。與正儀守荒坂山。敵驍將土岐康貞揮大刀來進。正忠與鬪。斬之。還聞帝大褒賞。尋從正儀還河內。圖集兵。返援會病暴卒。史南山

和田正武爲和泉守。延元三年。足利尊氏命佐佐木族謀犯行宮。正武率兵入衛。正平六年春。奉興良

南木誌

卷之四

五

親王令旨。招信濃人諏訪某歸順。十五年。足利義詮兵犯天野。正武與正儀據赤坂拒之。敵來圍數匝。正儀欲棄城退保金剛山。正武不肯曰。勝敗兵家之常也。當戰而退。勇士不爲。我請發兵擊之。不克則退。亦未晚也。乃乘夜提銳兵二百斫敵營。不克。斂兵而退。有二卒混入城中。正武還令衆唱暗號以坐作。敵卒不應。乃執斬之。即夜與正儀走入金剛山。又從擊佐佐木秀詮斬之。十七年。與正儀攻攝津守護代箕浦俊定。大敗之。俊定奔還。復將與石堂賴房及正儀攻赤松光範。率兵至湊川。悉

燒兵庫民家。光範保多田部城。分兵據山路城。正武等引還。後正儀叛。降足利義滿。建德元年。正武率族人攻之。正儀不能居河內。奔投義滿。明年。義滿發大兵。再納正儀於河內。正武與中納言藤原隆俊將兵圍之。連月不解。後不知其所終。南山史云。和田正武以弘和二年卒。未知其所出焉。

橋本正茂稱九郎。爲左衛門尉。延元初。捕正成戰歿。攝泉之際。北兵大起。畠山國清圍大塚。惟正八木城。時正茂與源定平陣天王寺。乃俱進救之。大敗北兵。三年。應源顯家起兵。有刃及其戰沒。正茂迎

南木誌

卷之四

六

兵攻松原野田等。敵營陷之。後醍醐帝崩。人情危懼。正茂與和田楠等協力勸王。後事佚而不傳。南山史。大日本史曰。正茂正平初薨。髮不知其所終。

橋本正高稱判官。正平中。補檢非違使。爲民部大輔。正平十四年。北兵大犯。正高與其族築平石城。以兵五百守之。捕正儀降足利氏。正高與和田正武等。攝行河內和泉事。文中間。王師不利。帝避天野。族人正督降敵。正高獨不屈。天授四年。起兵。紀伊攻細川業秀。敗之。業秀嬰城固守。告急。足利義滿義滿遣細川賴元山名義理等。大兵來援。正高逆

擊不利。引兵退。及敵班軍。又出攻業秀。業秀追還。淡路。正高據土丸城。泉令子姪分守近要。五年春。山名義理及氏清等。來圍土丸。防戰無利。姪某死之。遂棄城遁。明年復與氏清戰于高名邊。不克。尤之。族三人及上神下神磯部櫻井等諸氏。悉戰沒。  
南山史

楠正勝。正儀子也。父沒。正勝代領其衆。爲河內守。兼右馬頭。叙從四位下。元中五年。與畠山基國。山名氏清等。戰于河內。七年二月。復戰無利。九年春。正勝率渡邊競。與畠山基國及義深。戰于千劍破。不

楠木誌

卷之四

七

利義滿遣使說正勝降。正勝謝曰。吾家父祖三世。盡忠王室。子弟昆族。無有異志。今貪生奔利。以背君父。罪莫大焉。謹辭。於是義滿益發兵。圍千劍破。絕其糧道。正勝力盡。奔吉野。十月。義滿使大內義弘來講。兩朝和議。帝許之。還幸京師。正勝無聊。抑鬱。潛居十津川。數年。義弘有異圖。應永六年。據堺浦。泉叛義滿。遠近大振。正勝及弟正秀。將兵三百。與菊池肥前守。援義弘。至冬。城陷。義弘敗死。其子持弘出降。正勝謂其徒曰。徒死無益。乞降。亦我所羞也。乃引兵走大和。後事軼而不傳。  
參取大日本史。南山史。國

畠山

楠正元。任左衛門尉。稱新判官。從兄正勝。數有戰功。元中九年春。千劍破陷。與正勝俱。流寓十津川焉。尚抱不戴天之志。間行入京。欲狙擊義滿。過卒覺之。以兵數百圍之。正元奮戰。斬數人。而被執。義滿壯之。謂曰。若能改志。事吾則長保富貴。正元泫然流涕。曰。王室頽敗。不能扶之。吾輩死有餘罪。遂不屈而被斬。實明德元年五月也。  
南山史。國史畧。○

楠木誌

卷之四

八

弘叛。足利義滿。揚兵於畠山。正秀率兵百餘。屬之。義弘敗死。與正勝遁歸。正秀生大鄉六郎正盛。正盛生新左衛門盛信。盛信生新兵衛成宗。成宗生隼人正盛秀。盛秀生主水正長成。長成生右馬公隆信。隆信生正虎。正虎子備前守某。生兵右衛門正治。正治冒甲斐庄氏。去河內。往遠江云。  
參取南山錄。日本外史。○鹽尻曰。甲斐庄。正治奉仕。東照。宮。正治子喜右衛門正房仕。東照台德二公。關原浪華之役。有功。賜采邑。四十石。子孫世仕幕府。

岩垣松苗曰。正勝正元。可謂真正成之孫。楠氏父祖三世。爲王室干城。如二子。實當不可爲之時。而



猶下藥於必死之病。宋文天祥所謂存一日則一日盡。臣子之責者也。當時叛君反覆不義而富且貴者。不爲之愧死乎。

山縣禎曰。南朝之命脈實存乎楠氏。正元死而楠氏絕於是乎。神器不得不歸於此。其勢然也。嗚呼。楠氏之忠勲亦偉哉。國史纂論

楠光正不知其屬稱五郎。嘗仕後龜山帝。任左衛門尉。講和之後。常欲報足利氏。變容爲僧。改名常泉。永享元年。聞足利義教詣南都。將覬間刺之事。覺爲筒井某被捕。義教命速行刑。京職浦上行景率

南木誌 卷之四 九

甲士數百警衛。斬之。六條河原。光正臨刑。神色揚揚。如平生。投筆作偈曰。不來不去楠正空。萬物乾坤皆一同。即是甚深無二法。秋霜三尺斬西風。又作和歌三首。一曰。奈賀豆幾夜。須惠野乃波良能久佐能宇倍耳。幾廼余曾奈羅氏。岐由流豆由可奈二曰。和礼乃幾可。多賀阿幾乃與毛。寸惠能豆由。毛登農之豆玖能。加加流多米之曾。三曰。由米能宇知耳。幾夜古能阿。幾廼波氏波幾豆。古巨路波迹之耳。阿利阿計之豆伎。書訖被刑。見者嘆賞。後十餘年。有楠行康者。稱雅樂人。文安中。誅迎後

村上皇孫僧圓胤。蓄髮爲主將。舉兵紀伊。進徇近境。足利氏使宇都宮祥綱來攻。逆擊破之。祥綱奔保粉河寺。畠山基國遣兵救之。行康軍敗。圓胤遭害。後又十餘年。有楠民部少輔者。潛居祖父舊地。圖舉兵。足利義政令近鄉捕得之。命多賀高忠。斬之。六條河原。梟於四塚。實寬正四年也。南山史。自明德三年。南止。講和至此。凡七十有一年矣。圓胤即圓滿院僧正。指髮更名義有。文安四年十一月遭害。

南木誌 卷之四 十

山縣禎曰。光正不評其父祖。然楠氏之族則必於廷尉有系屬矣。嗚呼楠候。精忠義烈。至子至孫。若兄若弟。相貫如一。何其盛哉。自古盛德之士。父子相繼者鮮矣。况閭族數世。不變其節。如楠氏。實曠古之所罕。足以爲我大東之光輝矣。國史纂論

楠中將之遺烈。懸之日月而不滅焉。騷人詞客。往往臨風吊古。或以誌銘。或以詩賦。或以論辨。評贊流風。雖遠。嚮慕益多。拱壁寸珠。蔚然成冊。嗚呼。觀覽其辭。而想像其人。亦可以爲知人論世之資矣。誌藝文

碑記

楠公之墓在攝津兵庫湊川之傍。即其戰亡處也。元祿壬申之秋。常藩源義公。聞其無墓表。特遣儒臣佐佐宗淳。新建一隆碑。乃脩墓。埋石棺中。藏一圓鏡。徑一尺二寸。其背刻曰。楠正成。靈塚上為二層。石座設龜趺。碑巍然其上。高凡一丈二尺八分。大書曰。嗚呼忠臣楠子之墓。即義公親筆。蓋倣孔子題李札墓曰。嗚呼有吳延陵君子之墓也。碑陰勒明徵士朱舜水嘗為加賀菅公所撰贊詞。以代銘焉。為買田其側。附廣嚴寺。永供香火。寺在墓之上方。奉楠公靈牌。并藏義公所賜手書云。

南木誌


卷之四

碑記

十一

楠公墓碑圖

碑和泉石。高三尺九寸。橫一尺六寸。厚一尺五寸。龜趺白川石。高六寸。徑三尺。



元祿五年壬申八月  
水戸源義公建并書

楠公碑陰

忠孝著乎天下。日月麗乎天。天地無日月。則晦蒙否塞。人心廢忠孝。則亂賊相尋。乾坤反覆。余聞楠公諱正成者。忠勇節烈。國士無雙。蒐其行事。不可概見。大抵公之用兵。審彊弱之勢。於幾先。決成敗之機。於呼吸。知人善任。體士推誠。是以謀無不中。而戰無不克。誓心天地。金石不渝。不為利回。不為害怵。故能興復王室。還於舊都。諺曰。前門拒狼。後門進虎。廟謨不臧。元兇接踵。構殺國儲。傾移鐘簋。功垂成。而震主策雖善。而弗庸。自古未有元帥妒前。庸臣專斷。而大將能立功於外者。卒之以身許國。之先靡他。觀其臨終訓子。從容就義。託孤寄命。言不及私。自非精忠貫日。能如是整而暇乎。父子兄弟。世篤忠貞。節孝萃於一門。盛矣哉。至今王公大人。以及里巷之士。交口而誦說之不衰。其必有大過人者。惜乎載筆者。無所考信。不能發揚其盛義大德耳。

南木誌

卷之四

十二

右故河攝泉三州守。贈正三位。左近衛中將。楠公贊。明徵士。舜水朱之瑜。字魯瑱。所撰。勒代碑文。以垂不朽。

本文一行三十字。凡十行。附言源義公記四字。

低書凡二行。通計三百三十字也。

寄攝津兵庫廣嚴寺十巖師書

常山源義公

久聞喝雷轟耳。惟憾未遂披雲。明河之望。耿耿依依。嚮修楠子之荒墳。就請題碑。面予冠以嗚呼二字。蓋倣延陵季子之例。當耶不當。恐後人之嘲。懣懣不少。非師了了。誰肉十歲之枯骨乎。曷勝感激之至。邂逅何日。渴塵萬斛。不宜。常山文集

跋今井魯齋弔楠公文

安積覺

西山公建楠公碑於兵庫港河廣嚴寺住持僧千巖乞藏今井魯齋弔楠公文于寺公命

南木誌

卷之四

十三

亡友今井將興。弔楠公文一軸。以公命裝潢。藏于攝州兵庫廣嚴寺。讀之。適有可慨者三。將興嘗使鎮西。路過兵庫。拜其墓。於榛莽荒草之間。當時豈知有今日之盛舉哉。不知而能如是。可謂有志者矣。使其得見今日之盛舉。則其為文亦當如何。一可慨也。將興同予師事朱文恭。文恭嘗在長壽。應人需而著像贊。今鑄碑陰。以垂將來。而此文亦得藏諸廣嚴寺。以備觀覽。將附驥尾而顯名。豈非幸歟。然使文恭在世。作為碑文。則揄揚闡明。殆亦不

止於此。二可慨也。昔宋學士作余右丞傳贊。曰。余

來江左。想見戰守處。江流有聲而斷。雲落日。淒迷

於莽蒼間。猶足以動人悲思。夫余闕胡元之臣耳。

苟盡忠於所事。則可表章。況楠公之忠勇。固余闕

之所不逮。而江流落日。弔古興懷。則無以異也。將

興能拜其墓。能為此文。而予不能。三可慨也。使將

興聞予此語。不知以為何如。淡泊齋文集

室直清。楠公像贊跋曰。本藩今參議公。加賀侯管原細紀

命將野某。畫櫻井誠子像。且請歸化。人舜水先生

朱之瑜。為之贊焉。厥後常山侯故黃門公。立碑于

南木誌

卷之四

十四

湊川。以表判官之墓。亦取其贊。刻之碑背。蓋其文

足以昭示後世也。橋樂文集摘要。廣嚴寺者元人明極和尚為開祖矣。蓋楠公

沒後楠氏族建焉。明極和尚以南朝延元元年九月二十七日寂。

楠公墓記

貝原篤信

天地之間。唯有一氣。別之。則陽與陰而已矣。人之生也。雖俱稟二氣。有受陽之多者。有受陰之多者。故其為性也。有屬陽者。有屬陰者。凡屬陽者。其氣必清明。清明則易知。屬陰者。其氣必昏濁。昏濁則難測。自然之理也。故聖人之作易也。雖陰陽不可不兩立。然以有清濁之別。淑慝之分。遂以陽為君子。陰為小人。嘗

推此理。以試觀天下之人。凡其爲人也。剛明正直。踈通洒落。如青天白日。無毫末可疑者。必君子也。是屬陽之人。稟清明之氣者也。其爲人也。柔暗掩藏。隱伏狡獪。如陰暄埃霧。難測知者。必小人也。是屬陰之人。稟昏濁之氣者也。於是又嘗從古人之中。求陽剛清明之君子。則於漢得諸葛武侯。於唐得顏文忠公。於宋得范文正公司馬溫公。與文丞相。求之本邦。則如楠公正成。其人也。蓋公者本朝之忠良而振古之豪傑也。吾邦歷代名士。出乎其右者。蓋罕見其比。其忠義勇智。拔之異域之英俊。恐可無耻也。如夫愛君愛世之心。足以動天地。感鬼神。貫人心。耀古今。聞公之風者。百世之下。莫不感激而仰慕。非公之忠誠。豈能如此乎。可謂真大丈夫也。彼兄弟父子。蹉跎戰死而義志不遂。良可痛惜。可謂有子有弟也。其履歷戰功。載在傳記。今不暇枚舉。惜乎舉世。唯知其爲良將。而未知其爲賢哲也。今茲暮春。余發自京師。將歸于故里。偶阻西風。泊舟於攝津州兵庫。攝衣下船。陸行到湊川北。而見公之墓。墓在平田之中。榛莽蕪穢。無埏隧。無墳封。又無碑碣。塋上唯有松梅二株。悲風蕭蕭。春草青青。余歎歎良久。祇回不能去。忽謂。今無碑石。

南木誌

卷之四

十五

南木誌

卷之四

十六

如此。恐後世或不認爲公之墓。古墓犂爲田。松梅摧爲薪。亦未可知也。於是託兵庫館人繪屋氏。欲建小石碑於其塋上。頗爲營計而去焉。余歸鄉。自顧念公之偉烈洪名。不得區區之掄揚而明矣。若今欲稱述彼德業。勸之石碑。非老于文學者。則不能也。且吾儕微賤。而立石碑於他邦。恐不能逃僭率之罪。終改悔而廢其事。且送書於兵庫館人。令輟彫刻。然感歎之餘。不能默止。私記其所懷云爾。自娛集

津坂孝緯曰。按記楠公墓者。始於貝原翁。無何。源義公遂有建碑之舉。非此爲之前乎。

楠公首冢石柵銘

橘成位

傳聞正成。教訓子弟眷屬。謂曰。溥天之下。莫非王土。率土之濱。莫非王臣。爾况所補三州之守。誠莫大之君恩也。不如一節。以先報國。於聊不忠之輩。不可爲我子弟。于茲家族。守訓言。專忠貞而不變。至今四百有餘歲。義名存乎。不肖流孫。衣敝緇袍。與衣狐貉者。立而不耻。思惟先祖之餘光矣哉。故鐫壙以垂永久。寬政五癸丑歲仲春吉旦。橘成位欽書。河內名所。番繪

右一行十字。一柵二行。總計百三十五字。

觀心寺楠公首墓碑

筱崎阿

河內觀心寺。有故河攝泉守。贈正三位左近衛中將楠公之首墓。寺在金剛山北麓。地僻境濶。距公鄉水分一里餘。公家功德院在焉。公之出討賊也。每託家人於寺云。所以葬于此也。按史載。延元元年六月。足利尊氏遣人送公首於河內。誘其族。脩舊好。和田正遠恩地滿三等不許。勵衆守備。長子正行悲泣。將自殺。母氏諭以大義而止。遂復致身王事。與賊相抗。累葉忠貞。保護三朝五十餘年。可謂古今無比矣。夫公之軍功忠烈。天下所共知。不復待言。獨以皇統之并於北。人憚稱公之忠。數百年間。追褒蔑聞。至元錄幸

南木誌

卷之四

十七

未。西山水戶公始立石于湊川戰沒之地。題曰嗚呼忠臣。蓋以朝廷無贈謚之典。姑用孔子弟吳札之例也。然其所修大日本史。詳論神器之授受。而天下翕然知皇統非可以南北歧。無復異議。而此墓猶埋沒空山古寺中。松杉蕭然。人多未知之。非可恨哉。頃者近地之人。某等謀碑以表之。屬文於予。予謂古之名將。軍功忠烈。與公相肖似者。獨宋代岳鄂王爲然。王誣死未幾。孝宗賜謚忠武。廢知果院爲之祠。經元至明。世厚祭典。至於並祀其子孫及部曲。有忠孝祠。有顯忠祠。今國家治教休明。廢典漸舉。此地及湊川祠

典之興。有如西湖岳廟之盛也。可期矣。故踴雖非其人。略書其概。授土人。使勒而建之於寺。他年祠成之日。其必有任大手筆者矣。小竹齋文稿

正四位下檢非違使兼河內守楠公碑

村瀨之熙

公諱正行。稱帶刀左衛門尉。世居河內。金剛山西。舍傍多楠樹。因以爲族。其先出於左大臣橘諸兄。父贈正三位左近衛中將諱正成。有三子。公其長也。叙正四位下。爲檢非違使。兼河內守。弟曰正時。曰正儀。延元元年。足利尊氏西奔。群雄蟻附。其勢再熾。將東犯關。新田義貞拒之。兵庫帝使中將援之。中將奏曰。賊收九州。醜虜其勢必猖獗。我兵疲荼。衆寡難敵。宜速召義貞。護車駕。以幸。殿山縱賊入京師。臣還河內。募畿縣兵。以絕賊糧道。前後夾擊之一舉。可殲矣。臣願陛下熟計之。帝弗從。中將知事不可爲。率五百騎。至櫻井驛。以所賜寶刀授公。遣還河內。時公年甫十一。已而王師敗績。中將力戰沒于湊川。尊氏遂入京師。給帝幽于花山。故宮。八月。帝潛行。幸賀名生。公及從弟正朝等。與四方勤王師警衛。至吉野行宮。四年八月十六日。天皇崩。公以二千餘騎宿衛。十月。皇子即

南木誌

卷之四

十八



位是爲後村上天皇。正平二年。公年二十二。以五百騎掠略于住吉天王寺。民舍以挑北軍。九月。尊氏遣細川顯氏率兵三千入寇。顯氏聞公將伐八尾城。距金剛山七里而舍。以欲襲其虛。公探聽之。率兵七百陽爲向矢尾。所在放火。潛還埋伏于譽田林。顯氏望矢尾煙。以爲公果在彼。徑馳赴金剛山。比過譽田林。伏兵發。顯氏軍大敗。退保天王寺。十一月。山名時氏率兵六千屯于住吉。以援顯氏。公以爲衆其部者未定。破之。則天王寺兵不攻而退矣。乃分兵二千爲五隊。放火民舍而進。望見敵陣四處。而兵倍蓰于我。以南木誌

## 卷之四

十九

爲不利。分勢復併爲一隊。戰于瓜生野。大敗之。遂北至天王寺。顯氏兵亦潰奔。至渡邊橋。溺者無算。時氏被創。僅以身免。公拯溺凡五百人。給衣與藥。視叛數日。授鎧及馬而遣之。于是感公惠。降者頗恤。已而公聞尊氏遣高師直師泰將兵八萬入寇。與正時正朝等百四十餘人。敵神水。誓殉國難。十二月二十七日。朝吉野行宮。奏曰。曩者先臣正成奉勅夷逆賊。以何賊徒復西起。終致命于湊川。時臣年尚幼。遺言令還曰。汝保汝族。合汝黨。待年長。以刷國家之耻。報父兄之讎。今者臣年已長。每懼以有待之身。一旦遭不測

之患。則上爲不忠之臣。下爲不孝之子焉。今賊衆入寇。此臣報效之秋矣。獲賊首與授臣首於賊。寔在此一戰矣。伏願一拜天顏而行。言畢泣下。帝親臨口勅曰。汝累世之勲。再捷之勲。朕太嘉之。汝維朕之子。國家安危。實在汝身。頃者聞賊徒復大興。事體至艱。汝宜慎重。朕聞之。宜進而進。不失其時。宜退而退。可以保後。汝深。汝謀遠。汝慮以體朕心。哉。公頓首而退。率衆謁先皇廟。誓言曰。戰如不利。有死靡他。叩鐘而出。題姓名於如意輪堂壁。書和歌於其後。以述志。詞曰。阿鋹沙逾弥。非基加悅沙時妬。沃度普欲利。那

## 南木誌

卷之四

廿

基加覆你伊縷。那嘔祖妬度燒樓。各剪鬚髮。投佛殿而行。三年正月三日。師直入河內。分兵六萬爲四軍。布陣于伊駒山。南于飯盛山。于外山。及四條畷。自勅親兵二萬在其後。公兵三千。由四條畷而進。中納言藤原隆資奉詔率援軍向飯盛山。扼敵。敵見公之先鋒已逼。師直軍遽分兵拒戰。前軍擊破之。後軍在四條畷。戰方酣。飯盛伊駒之賊乘其罷弊。前後奄至。後軍遂敗。公不顧親率敢死士三百人直前擊。師直軍大敗之。自願從兵失三之一。馬皆被數箭。乃下馬踞壘坐食。食畢復戰。戰益勵。遂與師直相拒數十步。上

山高元見事急，被高氏甲冑，自稱師直，冒陣戰死。公提其首，大喜，擲空者一再。既而知其偽，投地而蹴，且罵曰：汝高元耶？汝亦一逆賊耳！然其勇可稱矣。乃自斷衣袖，裹其首，置于壘上。此日自卯至申，凡三十餘戰，斬獲數百千人。吾軍死亡略盡，殘兵僅五十餘人。望師直旗幟，將復追之。正朝曰：彼騎我步，恐不相及。我佯走，則彼必來追，可以獲師直矣。衆乃負楯而走。師直覺其計，遣奇兵三百蹕後。公還戰，斬首五十餘級。復前逼師直軍，而公兄弟身中數箭，殘兵皆被重創。公曰：事畢于此矣。莫爲賊所獲，乃與正時交刺而死。年二十三。從者皆自煞。宗族二十三人，將兵九百四十三人，悉戰沒。從弟賢秀，驍勇善使尖眉刀，獨雜賊中。狙師直相距且數步，捕氏部下。有湯淺太郎左衛門者，嚮叛屬師直麾下，視賢秀從後斫其膝，踣而斬之。賢秀怒，視湯淺眼光如炬，死而不瞑。自後湯淺見賢秀，瞋目向已七日，斃矣。公嘗朝吉野，遇師直竊騙奪，辨內侍使迎之，悉斬其從卒，送內侍而還宮。帝嘉之，賜內侍公固辭，不肯奉詔。因賦和歌曰：都底麼欲你，那迦郎烏別苦麼。阿郎奴彌釋，加利釋知祇利。伊加弟燒須泊叭，子多門丸先卒。余嘗遊河內，過

南木誌

卷之四

廿一

四條畷，吊公昆弟正命之所，蓋在讚良郡甲可，南荊屋村東，而無一碑存焉。吾恐後世湮沒，莫所徵之，深以爲憾矣。今茲丁卯，欽風慕義者若干人，相與謀建石，請余記其事。文化四年三月抄事文集。有銘今不載。津坂孝綽曰：是碑也不建則已，建則宜請尊貴大手筆。與源義公所建湊川之碑，媲美惜哉其不然也。

忠臣末楠公歸釋碑文辨

南木誌

卷之四

廿二

梅辻希聲嘗撰楠正儀歸釋碑銘并序文，曰：公之末路，莫知其終于何處，似有始無終者。蓋史乘散逸，無復可考證歟。世之昧者，或謂豎降旗而駁之，或謂免頭盔而朝之，意是何言耶？又有何確證而云爾耶？予疑其附會者久矣。爰讀楠之草刈三番村寺系譜，其閱基第一祖爲公之所歸釋，其第二祖爲嫡男多門丸與父歸釋者，所以多門二字爲山號。譜曰：楠氏世爲嫡男者，通稱祖父中將。幼字河內守。按大日本史，多聞既長爲兵衛尉，其言如字。河內守者，恐附會妄說。及其子皆同。公以繼兄當家，故其嫡男亦襲其通稱。又曰：正平十七年春，王師北伐，公爲先鋒陣于鳥羽光明寺，不利而退。有僧曰正覺者，說公以南祚之難，支爲言，勸公歸釋遁世。

予按夢窗和尚謚曰正覺則可知其爲夢窗而其爲足利氏之說客亦未可知也尋而值善如上人之教化遂爲其弟子法諱曰定專多門凡亦從而削髮法諱曰淨專云由此視之公之所終不在斯寺而何耶從前之所疑判然冰釋矣中公之不告而歸釋氏所謂因緣也彼勝敗進退之事已屬過去之一夢遁世菩提之心即入未來之本覺焉公則明終于此公妻實子血脉相續之寺是其謀子孫實固而世父兄之忠寔久矣在釋氏則以爲吊父兄之菩提以我儒視之亦是爲不異孝悌之道也

南木誌

卷之四

廿三

長山貫嘗著論曰按高僧傳夢窗名疎石北朝光明帝賜號正覺足利尊氏直義及師直等所尊信也足利氏高氏所建天龍寺等持院寶篋院真如寺等皆以夢窗爲開祖焉夢窗以正平六年九月晦寂僧臘六十享年七十有七正平十七年正儀北伐則夢窗沒已十二年其妄可知矣又曰善如上人者親鸞四世法嗣名俊玄以正平五年二月廿九日寂年五十七是年足利直義歸順正儀承家當圖恢復焉其值善如教化爲其弟子者其妄可知矣弘和二年正月正儀與賊將山

南木誌

卷之四

廿四

名氏清戰平尾宗族六人家人百四十人死之尋罹病卒于千早城中臨終遺言子正勝正元曰吾續先業雖圖興復時運未到空入黃泉汝等宜盡忠報皇恩矣就葬于千早本城異隅今現有五層塔法名小光寺秀芳義端大居士碑言不知其所終者其妄可知矣正儀嫡子正勝所謂多門也父沒兼家弘和元中間數與北兵戰南北講和後潛居十津川應永六年援大內義弘據堺城軍敗奔大和事見史乘其言從父削髮者其妄可知矣又曰正儀妻者新田氏驍將篠塚伊賀守女而烈女也嘗來于吉野仕新待賢門院稱伊賀局矣時行宮有怪徵兵護衛正平二年夏女乘涼步月微吟曰須寸志沙袁松吹風你波須羅礼底袂你也努須夜半乃月加計樹上有聲曰唯好心閑身亦涼女仰觀之鬼形肉翅眼光如炬問之曰藤原基遠者嘗爲皇后致命矣死而不祀所以來訴焉女入奏之后爲招僧供養自後怪熄人伏其膽勇矣三年正月正行戰死賊軍襲行宮后妃急遽出走時吉野川橋陷數步不得涉焉女拚取樹枝大如椽者爲橋渡衆人皆駭其膂力矣後嫁正儀云事

見吉野拾遺。其言與正儀共歸釋者。其要可知矣。若碑文所舉則正儀受父兄倚託。身為南朝柱石之臣。而不顧王家之傾敗。偷生歸釋焉。是不義。一怯夫矣。已安足稱忠勇哉。此皆出浮屠之妄誕。以不足信用也。近時野史載。越前平泉寺。惠秀律師者。正成季弟也。一日座禪。正成戎裝入堂。問之曰。自補陀落淨土來。須臾形消。惠秀異之。無幾計至云。此說近儒既引證。辨其欺妄。乃與正儀歸釋。同日之談而藉口名賢。以規梵刹之榮顯。彼徒所為。往往如此。誤信其妄誕。使忠臣義士被污。誠真可慨哉。藤房遁釋。識者尚識焉。況於正儀乎。予焉不辭而闢之。南山遺事

楠氏遺裔支族。末路事蹟。不詳者頗多。最為可憾矣。如南朝諸皇子亦然。皆與楠氏支裔共榮衰矣。今採錄史傳所見。以備本篇參考。

後醍醐帝皇子傳

第一尊良 元弘元年。從帝笠置。楠正成奉入赤阪。既而笠置失守。帝脫走將幸赤阪。王迎之。至南都。聞帝被執。自入京師。高時幽王于佐佐木時信家。二年遷于土佐。畑亂平還京師。建武二年。尊氏反。以

王為東國管領討之。新田義貞副之。戰敗而還。延元元年冬。輔太子恒良守金碕城。越明年春。城將陷。新田義顯勸脫走。王不肯曰。股肱亡而孤安獨活。自刺而薨。賊傳首於京師。尊氏使僧疎石葬之。禪林寺。王有一男一女。名闕。參大日本史及南山史下同

第二世良 幼而聰敏。善和歌。拜上野大守。太宰帥。稱河端宮。元德二年九月病薨。

第三尊良 天資英邁。稱大塔宮。當帝幸笠置。王據叡山。軍敗奔南都。潛行入十津川。壘于吉野。據之城陷。脫走。會帝幸舟上。官軍大振。王在志貴山。微動

王師亂平。入京。遭尊氏讒。幽于鎌倉。建武二年秋。北條時行襲鎌倉。直義出奔。命洲部義博弑王。年二十八。天下聞而冤之。男名陸良。一作良。幼有勇概。授以征夷大將軍。興國二年夏。源親房迎鎮常陸。軍敗而還。正平六年。赤松則祐歸順。奉為主帥。赴播磨。則祐復叛。拘將軍於京師。脫入高山寺城。丹與則祐戰于曹山。敗奔吉野。十五年反。約降足利義詮。燒行宮。據銀嵩。部屬惡其不義。皆散去。前關白師基討大破之。陸良奔奈良。不知其所終。

第四尊靜尊 住聖護院。自後事蹟不詳。



五<sup>第</sup>宗良 元弘元年帝幸笠置。王據叡山。破賊將佐佐木時信於辛崎。既而僧豪譽叛。王奔笠置。被執幽于託間。讚亂平。還京。延元元年帝被尊氏。給還京。王走井伊城。三年與源顯家入援。顯家戰死。王走吉野。秋救再赴井伊。經畧東國。稱上野宮。或信濃宮。尋為中務卿征東將軍。興國元年為高師泰敗。走越後。後徙駿甲濃越之間。流離顛沛。艱阻備嘗。正平十五年詔王入援信州。雪深不果。國勢衰弱。王窮迫滋甚。遂入長谷寺為僧。王嘗撰新業和歌集。後龜山帝教準奉教撰弘和元年冬重訂南木誌 卷之四 廿七

上之。時年七十。不知其所終。所著李花集傳于世。一子興良先卒。

六<sup>第</sup>皇太子恒良 元弘元年高時幽帝於六波羅。王甫八歲。日夜思慕。偶倚門聽昏鐘。詠曰。津玖豆玖斗。既玖羅志氏。以利阿比能。鐘能音珥毛。君鋤戀志岐。都下相傳。莫不為下泣者。王遷於但馬守護太田守延家。三年守延奉王起兵。進攻六波羅。建武元年立為皇太子。延元元年十月尊氏詐降獻盟書。帝被給許之。官軍悉憤懣。皇子宗良走遠江。懷良奔吉野。藤原隆資入紀伊。源定平入河內。新

田義貞率宗族訴冤。帝命奉太子及尊良奔越前。經畧北國。明日帝入京。尊氏幽帝於山院。拘隨駕將士。良忠以下忠勇之士。為賊所害。太子及尊良據金崎城。越二年春城陷。尊良自裁。太子被執。賊將足利高經問義貞等存沒。太子偽答云。昨死。尋送太子於京師。與成良共幽一室。既而義貞復起。仙山尊氏怒為太子欺。直義使栗飯原氏先贈藥。成良曰。未病進藥。是必配毒。將投之度。太子曰。尊氏直義殘忍慘虐。無免死之理矣。被錮幽室。不見天日。不若早死也。誦經念佛。仰藥而薨。時年十五。南木誌 卷之四 廿八

七<sup>第</sup>成良 元弘元年為上野太守。出鎮鎌倉。建武元年拜征夷大將軍。二年北條時行襲鎌倉。王與直義走三河。大江時古奉還京師。三年冬尊氏詐降幽帝於山院。光嚴帝立王為皇太子。及帝幸吉野。廢幽京師。後與恒良俱遇害。

八<sup>第</sup>後村上天皇義良 帝嘉曆三年生。興國元年即位。正平廿三年三月十一日崩。年四十一。帝幼。鎮東藩入。續大統。雖偏安吉野。粗修舊典。恒以恢復為心。親臨艱危。將士竭力。控制強敵。臨御三十年。征戰無虛日矣。



九懷良 延元三年任征西大將軍鎮撫筑紫四年

菊池武光奉入八代肥興國三年與島津貞久戰

於谷山薩破之正平二年與武光討一色範氏走

之大友氏時少貳賴尚降附鎮西粗定十三年賴

尚叛戰大原王奮戰身被數創武光殊死戰遂克

之斬獲三十二百餘級世稱鎮西宮或九州宮嘉

慶二年三月十八日薨葬于八代郡麓山悟真寺

王娶菊池武重女生男良宗子孫存于今云

躬良一說第十二皇子自是以下延元三年為僧

正平七年薨年二十八

南木誌 卷之四 廿九

玄圓 住一乘院為興福寺別當寂年關或說第十三年皇子

恒性 住大覺寺元弘三年北條高時執流于越中

使名越時有裁之

元選 字無文元德三年為僧後入元師福州僧梅

友歸朝住奧山速創方廣寺元中六年閏三月寂

年六十八

尊真稱醍醐聖助住聖護滿良 以上三皇子不詳

事歷

後村上帝諸皇子傳

一皇子

二長慶帝寬成 男名尊聖住勸修寺任大僧正永

享四年七月寂

三後龜山天皇熙成

四惟成 任式部卿薨髮跡梅陰祐常

五泰成 正平十五年生於住吉行宮征西將軍懷

良請為嗣任太宰帥稱後征西將軍

六世泰 先帝薨葬如意輪寺

七說成 任上野太守稱五常院宮二子圓悟圓胤

為僧並住圓滿院文安四年十二月圓胤植髮更

名義有起兵討畠山持國于紀伊戰敗死

南木誌 卷之四 卅

八師成 九良成稱鎮西宮十泰邦為太宰帥此三皇子

不詳事歷 後村上帝初無子養龜山帝孫恒明

為子及後村上生子恒明避為僧法諱尊觀住相

州清淨光寺世稱遊行上人是也新田氏遺裔避

難賴尊觀後勃興三河云外史

後龜山帝皇子傳

一字小倉宮名南北講和後從帝居嵯峨正長元年夏

稱光帝不豫無嗣小倉意欲立其子與伊勢國司

北畠滿雅謀起兵與世保持賴戰滿雅敗死小倉

出降還居嵯峨男教尊為僧住勸修寺任權僧

正。一說金藏主尊秀者。小倉宮子也。大納言有光奉之起兵。文安四年十二月軍敗。尊秀自盡。又一說北山宮河野宮。亦尊秀子也。史乘散佚。無所考据。

二尊僧真阿。事蹟不詳。

賴襄曰。世稱護良親王。察足利尊氏之姦雄。欲先誅之。而後醍醐不聽。反聽尊氏之讒。囚護良。付之足利氏。致斃於其手。中興之不終。決於此而致乘輿再板蕩。天下鼎沸。五十年者。皆尊氏之為也。賴

南木誌

卷之四

卅一

襄以為不然。曰。當是時。天下之桀黠。若尊氏者。豈為少哉。殺一尊氏。則一尊氏生矣。且尊氏肆斬親王之僕隸。戢不法云爾。其反跡固未著也。其有異志。未可必也。使帝聽護良。執而誅之。以何辭徇天下。天下必曰。朝廷忌武臣有望者。因事誅鋤之耳。雖若新田義貞輩。人人自危。變其忠志。為自固之計。則是又殺一尊氏。而生數尊氏也。中興之業。不待他日。而墜矣。故護良之說。非也。帝之不聽是也。曰。帝之不聽護良。而殺尊氏。則然矣。其聽尊氏而殺護良。如何。曰。非聽尊氏而殺也。帝固欲殺之。不

南木誌

卷之四

卅二

待尊氏也。何以言之。帝初愛護良。至欲為儲貳。已而三位姬得寵。生恒良。義良成良。欲立恒良。為太子久矣。護良雖削髮為僧。而贊帝謀畫。及帝從隱岐。蓄髮將兵。樹功最大。是姬之所最忌。忌其害太子也。姬從帝於艱難。猶唐韋后之於中宗。哀誓固寵。所言皆聽。益浸潤之譖。日夜先入。護良之下令。新田氏。權用詔體。是承制也。而可諧曰。是有自立之志。猶唐肅宗。靈武之事也。帝始歸闕。護良未入朝。而兵歸焉。如雲。帝遣使詰其欲何為。促使歸僧服。帝何以為此無情之言乎。可以見其已猜嫌之矣。護良不察。而望為元帥。帝益猜之。而勉從之。欲殺之之機。已成矣。護良復不察。而請誅尊氏。姬知有此大隙。而幸之。教尊氏。使告其叛也。帝欲殺之之機。決矣。尊氏雖侮朝廷。非有所恃。烏敢駕虛言誣大事。以構天子之父子哉。是以護良獄中上書。而莫敢奏達者。當時中外知帝意在殺之也。夫監護良。豈無他人。而付之其深仇。非其意殺之。而何哉。

政日本

成島讓曰。後醍醐帝諸皇子。皆有武人之風矣。長山貫曰。如護良恒良尊良成良義良懷良。則才兼

文武有武人所不及矣。教此諸皇子戮力輔中興之業。則藉有覬覦非望之賊。何遷致播遷蒙塵之醜哉。惟帝婦言是用。自壞長城。而中興之業遂終不振。可嘆哉。噫。准后之譏深入左腹。護良既斃乎賊手。而后之所生。恒良為皇太子。成良為征夷之將軍。義良為奧羽之鎮。於是后之所欲已成。而尊氏之志亦寢成矣。無何。帝為尊氏絀。被幽花山院。成良就囚京師。恒良尊良付義貞。遣赴越前。道路艱難。辛苦萬狀。凍死者十之六七。僅達金崎。強敵四集。內無糧貯。外無救援。遂城陷。尊良辭氣慷慨。自刺而死。恒良就囚。與成良共斃乎賊手矣。惟后餘殃之所致。天之報施。可懼哉。如此四皇子。則帝手自與殺之。何異。帝之手自殺之。猶可忍也。投之仇賊。使賊甘心者。豈可忍哉。新井君茂曰。醍帝皇孫。漸盡灰滅。而不復起者。帝之餘殃也。信哉。

南木誌

卷之四

三

南木誌卷四終

南木誌卷五

中山利實編輯

評

楠公正成

史論曰。正成之用兵。決機制勝。勢繫孫吳。而忠勇壯烈。殆與唐張巡相似也。巡出雍邱。守睢陽。正成去亦阪。據千劍破。皆嬰孤墉。鯁賊喉牙。韓愈所謂以千百就盡之卒。戰百萬日。滋之師者也。以寡擊衆。出奇無窮。至如蒙人誘敵。則姑不論可也。巡城陷而死。正成奉迎鑾輿。首蒙推獎。斯則爲異。而廟謨不臧。元兇接踵。主驕臣諛。不用老成持重之計。自壞萬里長城。以成疆敵之勢。中興之業。自此去矣。可勝歎哉。湊川之戰。正成將自殺。聞正季欲託生。滅敵之語。含羞入地。其視巡之臨死。誓爲厲鬼以殺賊。又何相似也。此其忠義之心。窮天地。亘萬古。而不可滅。身雖死而不死者。固自若也。大日本史贊藝

林忠曰。藤房去之。正成死之。建武有二忠焉。羅山文集

山崎嘉曰。正成可謂諸葛孔明之亞也。藤房辭官。可也。爲僧何耶。素山隨筆

熊澤伯繼曰。不知而得乎。天之謂氣質。知而爲我有。

之謂德。楠正成兼智仁勇而有之。若使聞聖學。可謂文武君子矣。又曰。當時北條氏陪臣。執國命。而正成之於北條氏。固無君臣之誼。其應詔勤王。亦宜矣。若君臣分定。如今代。余未識其果應詔否也。集義和書

安積覺曰。楠公於高時。唯顧君臣之義如何耳。蓋金剛山下之地。係公家世襲之邑。而實爲朝廷之臣。是其所以速應後醍醐之命也。關原之役。高橋修理自足利氏時。領美濃北山數邑。拒石田三成之徵。擢而不出。當時諸國土豪。如此者往往有之。況方元建王化未熄之際乎。亦不足怪也。新安手簡附錄

室直清曰。或謂金剛山上有祠。曰南木明神。祀正成。配饗孫吳。正成嘗有言。我立功於天下。祖孫吳也。故祔祭焉。嗚呼。正成遺愛存于民。不衰如此。但以正成之絕倫雄才。猶不學聖賢之道。而其致力者。獨止於孫吳兵法。豈非千古之遺憾乎。且如其七生滅賊數語。可謂不達性命之理矣。何其陋哉。日本史曰。正成將決死。正季笑曰。願七生人間以滅賊。正成怡然。交刺死。然則七生滅賊數語。非正成之語也。

湯淺元禎曰。楠河州之功業不遂。致命湊川。其臨終告弟正季數語。髣髴乎唐張巡。千載之下。凜凜有生氣。室師禮著書。誹之。實由不知忠臣憤激之志也。先

輩所謂理學之弊。抑謂此類乎。常山樓筆餘。真源令張巡起兵討祿山。馬盡。羅雀。又盡。城中食盡。食茶紙。又盡。食人。僅餘四百。賊登城。巡西向再拜曰。臣力竭矣。生既無以報陛下。死當為厲鬼以殺賊。城陷。巡被執。

高山正之。嘗見室直清所論著。至於論楠公。以應召造笠置。為度量不足。引諸葛亮三顧乃出廬之事。以議之。憤然罵曰。腐儒何論事之迂也。夫元弘之時。豈可與三國同年而論哉。劉漢之末。天下分裂。豪傑並起。當此之時。劉玄德者。故敗履織席之人。自稱曰王室之胄。豈能辨其真妄哉。亦猶今世奴僕輩。號源平以自誇者也。孔明之三顧而出於

南木誌 卷之五

三

我心。猶以為速。雖累百顧。猶未為緩焉。如楠公則異於是。赫赫天朝。神器之所在。六合之所仰。開關以來。神聖相承。皇統一姓。傳之無窮。普天率土。孰非皇民。而楠公則廷臣之裔。而畿內之民也。雖無召命。豈視國家之難。恬然自安哉。聞天皇蒙塵。奮然投袂而起。安得效彼諸葛輩之為也。讀書如是。雖百萬卷。何益乎。取其書投之堂下。杉山忠亮。高杉山彦。

九郎

野山朝陽曰。楠公誠子曰。凡丈夫先決已心。然後處事。問或諮詢宗族老臣。慎勿謀速。母噫亦卓哉。泰菴藏言。

村田通信曰。正成忠實剛毅。不可以利動之。尊氏私以王畿五國南海六州誘之。其不知正成亦甚矣。河楠傳州。

天野信景曰。諸葛武侯忠義節操。後世實無他比。我朝羽林楠公正成。資質正大。其規矩似忠武侯。史論曰。正行受遺託。能建義旗。始終一節。以死報國。可謂忠孝兩全矣。至於宗黨疏屬。皆力戰死節。闔門為忠義之鬼。豈非正成教導訓練之效歟。大日本史贊義。山縣禎曰。楠公嘗櫻井驛。警正行曰。汝雖幼。勿懈于學。年至十五。則專求義理。勿徒以識字記事為務。嗚

南木誌 卷之五

四

呼此言也。實楠氏一門忠義之所本乎。楠公家訓所尚。在學問義理。上不亦大可敬服乎。國史纂論。天野信景曰。細川賴之圍楠正儀于飯盛城。送書勸降曰。請納款。將軍封以畿內五州。正儀答曰。某之父兄皆勤王死事。皇運未復。奈時不至何。嘗聞之。臣為君死。今賢明如細川公。使某以五州之地。得萬世之污名。非某所願也。其子正勝。正元。盡忠死節。從臣僕隸亦各伏節殉義。流芳於千載。豈不韙哉。雖然。事君無此心。亦不可謂人矣。風鹽。

成島讓曰。春秋之法。褒善貶惡。苟惡矣。而進於善。則



勸之褒之。苟善矣。而趨於惡。則懲之貶之。聖人之設法嚴而待人寬如此。正儀之降。特出於同族相害而不得已焉爾。故一旦北趨以避其害。迨後反正效忠。觀於平尾之戰。可識也。其去可懲也。其反可勸也。余於正行。責其蚤殉於正儀。許其自新。俱取春秋之義也。南山史

論

楠正行論

齋藤馨

嗚呼正成沒義貞死而足利氏之威始徧海內。皇駕安於南山一手掌之地。而將士無有能護者。於此時

楠木誌

卷之五

論

五

正行以少壯之身擁千百之兵。再破北軍而一振南朝就衰之氣。所以基數十年徧安之業者。豈非其力哉。吾惜正行以身係國家安危。若是其重而自視甚輕。蚤死於未當死之日。使將興之國家輒就衰廢也。然則當以何時死。曰死於一二年之後焉可也。蓋足利氏之父子兄弟與君臣上下皆以利合。不以義合。其初同心戮力以爲安身計。及其久則驕傲背戾。互相侵奪。不至相食俱斃不已。正行死後未幾師直與直義生隙。而直義降南朝。自是以後直冬清氏相尋而叛。或離或合。紛紛乎莫定。凡圖敵者必離而間之。

楠木誌

卷之五

六

今敵不待我之離間而內自相離以成間隙。是千載一時之機會也。南朝非不知其可乘。然無一將有名望者爲之統帥。徒舉彼亂臣賊子而付以主將之任。是以軍無紀律。旋得旋失。致使可乘之機爲不可乘之勢。使正行尚在則以正成之嫡子率二代訓練之部屬威名之著。士臣之精。當時無比。雖有來降者勢必不過爲之臣僕而進退之權彼不敢專。以此乘內生隙之敵其復中原而散先帝之憤遂乃父之志。不難。正行必若此而後死可也。但其多病自恐死於病不灰於敵也。故聞師直之來也輒自以爲當灰之秋。

惜焉。讀史贊議

論楠正儀

牧園豬

或問曰。吾疑楠正儀久矣。正平六年行在使正儀之

人賜書於足利直義。直義復就正儀之人上書啓事。不允。復使正儀之人却其書。其使者至尊氏。尊氏寵賂之。其使者曰。公家武家之和儀。不可復成。以北畠禪門等拒塞之也。楠已屬於武家。若速發大軍攻吉野。楠竭力從事於斯。其取吉野不久時日矣。地藏院記園大曆云。國大曆大政大臣公賢所著然則是時正儀已通於足利氏。圖行在者非耶。答曰。不然。初直義之乞降也。主正儀正儀奏請其事。故吉野事書曰。東條之徒有請云。既而直義復叛。故賜書於直義。責讓之。直義復上書乞舉軍國之事。委任於武家。而不允。却其書也。

南木誌

卷之五

七

其每使正儀之人往復者。正儀主其事。故也。正儀之使者至尊氏。尊氏寵賂之。云云者。是時尊氏直義外相和好。內實相齟齬矣。尊氏又欲講和於行在。故延正儀使者寵賂之。要使正儀復圖和儀也。其使者知和之不就。故且爲詭激之辭。以謝其事也。其言楠已屬於武家者。先是朝廷以直義爲武將。勅官軍悉隸之。故云爾。非其使者有反心也。又非正儀之所知也。夫兵家使者入敵地。視其便宜。一時詭隨詐合。豈足怪乎。正儀忠事。乎行在。終後村上之世。又尊氏直義相賊害。及尊氏義詮懇懇乞和於行宮。太平記園大

曆可證也。

又問太平記載。正平七年後村上帝在男山。敵來圍焉。潛出正儀等圖繼援。其兵未發。城已危急。公卿朝正儀曰。正成子。正行策而不肖。已甚矣。果然則。世人併稱三楠。不亦妄乎。答曰。不然。帝之在男山。既舉兵士從乎軍役。其留守者與有幾。而使正儀調餘兵。援大敵。豈四五日之所能辦乎。公卿無兵略。在于圍城。中怯懦勿遽欲棄城而走。故喋喋云爾。此非正儀之罪也。正平七年四月義詮圍男山。正儀及和四正忠還河內。集兵。正忠急病卒。官軍聞急。宗良親王發自信濃。新田義宗自越後。相井直常自越中。吉良滿貞。石堂義房。自駿河。土居得能。自伊予。援師未至。

南木誌

卷之五

八

五月十一日夜。帝被甲御馬。潰圍幸奈良。賊前後來迫。藤原隆資等三百餘人死。之一宮有種。通帝藤原康長擊踏之。至木津川。敵矢及御體。康長單騎防戰。忽有兵百餘來擊。賊走之。十二日還幸賀名生宮。夫公卿每不罪己而罪人。是行在之所以不復興也。夫正成正行。既知朝廷無遠圖。吾事之不可孤行乎。閭外一旦克敵。非國家之長算也。故相繼早決矣。正儀亦有觀乎此。及此時。行在愈衰。正儀知己亡。則行在不復支也。故以保內地。護行宮爲己任。不務攻伐進取。而納撫降附。贊成和議。每不欲自我啓兵。是正儀之本謀也。正成正行相繼。卒難於此時。朝廷恐懼修省。遠念列聖之德。近恤兆民之苦。不罪人而

罪已以修德政則正儀之本謀或可擴及於遠其功業儻有所立矣夫內外不相副雖有良將莫所施其勇謀故正成正行死而朝廷不復振及正儀策不行而行在不可復爲也其時勢爲然正儀所謂冬日之日者非當時諸將之所企及併稱三捕非妄也

或問豫章記載正平二十二年細川賴之爲足利氏管領以籌策降捕正儀其說如何答曰南方紀傳載賴之屢請南北講和兩統迭立意者此時正儀執奏其請欲贊成其事故北人夸大之云云乎是年足利基氏或公卿將士咸喜曰基氏或矣來歸者必多正儀獨歎曰朝廷修德政雖多強敵必降服不然強敵悉以復相繼起矣已不自修幸敵之亡難矣哉其意見可觀矣其事見於賴之物語云

南木誌

卷之五

九

巨勢玄仙曰吾未見足利家有忠臣孝子唯有良臣賴之一人耳細川賴之傳曰賴之賴春子也爲人端厚有謀畧好讀書作詩歌爲右馬頭叙從四位下每從足利尊氏於陣間既而往備中鎮撫山陽正平二十二年義詮疾病使義滿視政事尚幼基氏仍薦賴之爲執事當時賀其得人義詮臨終謂義滿曰我遺一父於汝謹勿違賴之教賴之

由是竭力輔導以至廢寢食選學行淳篤兼長武事者以充師友日導善道又自著戒法五章以示人一曰戒阿主好二曰戒掩親訐疎好誣陷仇家三曰戒不善善不惡惡用愛憎是非人及外和柔而內實險害外澹泊而內實多欲自縱驕奢不拘禮法四曰戒無功邀賞無寸貪祿徇私忘公五曰戒動掠同列之義自冀其進用及受納賄賂妄薦非才凡人犯其法者聽無貴賤無親疎互相告發告者大有賞書以授義滿師友以爲標準伺察人物指巧言詛譖者名曰童坊辱之士大夫折節改

南木誌

卷之五

十

行士風大革及義滿加首服賴之加冠任武藏守建德二年義滿使捕正儀還河內圖吉野按正儀係應安二年正月賴之請發諸國兵援之諸將以爲正儀不能自保河內而來奔矧南嚮子必無利也義滿從之賴之耻言不行辭職退居西山西芳寺義滿親臨起之遣其養子賴元率兵援正儀諸軍屢敗王師神器之復于京師蓋本斯舉云記花營三代記○長山貫曰賴之爲人忠貞能知正問之分矣夫神器所在則正統神器則開關以來神聖所相授受而苟居皇土者誰不仰崇之哉若夫鋒刃急迫則萬一有如安德帝欲于神器共之舉則萬分無償是賴之所憂且懼也以故自義詮時百方解說其而朝講和長息干戈救民之

室炭也。蓋其所請出于至誠之公。而非尋氏兄弟等詐謀偽降之比也。正儀亦深知其意而贊成之。唯南朝公卿才識不遠。猜疑偏執。目正儀為友人。遂生間隙。至兵又相接。是豈正儀之本志哉。此舉暗與賴之謀為向來。天授五年夏。義滿信讒。命罷賴之職。遣還讚岐。賴之深歎。群小難退。而大功不終立。臨發。剝髮改名。常久賦詩言志曰。人生五十愧無功。花木春過夏。已中滿室蒼蠅掃難去。起尋禪榻卧清風。

長山貫曰。賴之之罷職也。雖曰專權之所致。山名氏清義將等猜忌。說以黨正儀。緩攻伐。左袒南朝。義滿誤聽。擯賴之。以氏清為和泉守護。義理為紀伊守護。攻陷紀泉。是賴之所以有大功不終立之數。而正儀亦其志不成而南飯。

南木誌

卷之五

十一

元中八年。義滿自悔復賴之職。信任如故。天下再望其治。既而氏清滿幸。叛攻京師。賴之賴元擊平之。明年賴之卒。年六十四。義滿痛哭。親臨其葬。扶柩送之。又手寫佛經。以薦冥福。是年南北和成。賴之正儀故所建議。而宿志遂成云。參取大日本史南木山史

或問三法師物語載正儀怨望行宮。違其勅。又約降於足利氏。其說如何。答曰。此時正儀形跡一擬于反人。其所記載。豈翅三法師物語乎。又花營三代記載正儀乞降。故許之云云。三代記曰。應安二年正月。正儀乞降。賜書許之。二月七日。夜。調管領賴之。三日。夜。調義滿。廿二日。還河內云。細

南木誌

卷之五

十二

細要記後愚昧記載。正儀與南方向背。其親族離畔。同是相攻擊。正儀不克出走。其與我約降。在去年矣。故執事欲援正儀云云。是記者皆不悉其情勢。與其本志而已。夫後龜山其貴宜立。其德宜君。後村上之所屬意也。長慶好攻伐。厭和議。正儀欲奉後龜山。成其本謀也。彰彰然明矣。及後村上崩。長慶自立。是其所以為歛望也。長山貫曰。宗良親王所撰新葉和歌集載。而不加長慶焉。紹運錄。長慶及後村上之季年。與北為自立。南山史亦從其說。方和矣。及長慶之立。勅四方舉兵。正儀驟諫之。長慶不從。正儀慮長慶昧乎攻伐。悉喪內地。廼擁兵而不應勅。是其所以為違勅也。長慶赫怒。勅和田橋本等舉兵逐正儀。於是正儀知長慶之不可為也。欲終奉後龜山。復講和保地也。廼就賴之謀。援據焉。是其所以為約降也。是時知正儀之志。欲濟其事者。賴之一人。其事有觸當時忌諱。又非他人意見之所及也。故不表顯其事。默契領意焉。是以當時記載皆如是。

齊藤謙曰。余嘗得三人法師草紙。讀之。其書記三僧宿北野神廟。各詒平生事。其一人楠氏族。條崎某。然憤正儀北降調賴之於東寺。逃為僧也。

又問。吾子言。後村上之季年。南北講和。及長慶之立。破和議。何以言之。答曰。夫太平記訖乎後村上。正平



二十二年。後光嚴貞治六年。細川賴之爲足利氏管領。條先是三四年。莫記幾句。爭戰其文尾以四海無爲爲結語。又題其書曰太平記。又按新葉集。正平十九年以後。後村上屢行幸于住吉。其事有類於夏后遊豫之度。以是觀之。是時南北講和弭兵必矣。諸書遺佚耳。按赤松則祐觀鼓瀑布歌叙曰。應安之初。關東關西官軍同時蜂起。故赴警衛于京師云。又喜連川系圖載其秋新田義宗脇谷義治起兵與上救憲將戰。敗亡。是正當正平二十三年。後村上帝崩。長慶立之時。以是觀之。長慶新立。倣後村上即位故事。勅四方舉兵。而官軍應勅舉兵。可以知也。是余之所以云云也。

南木誌

卷之五

十三

又問。吾子言。正儀持講和保地之策。及于正平之季。愈益執本謀。以諫長慶之舉兵。竟至於擁兵得罪也。吾未知其果是。答曰。吾子不見太平記載。後村上正平十六年之事乎。其時大內弘世山名時氏石堂仁木等降附。行在頗振。而義詮懦弱。其宰貪殘。其諸將不服。又會北京空虛。於是細川清氏來奔。言其虛實。請攻北京。自今觀之。似可爲之時矣。然正儀建議。辨其不可。後果如正儀之言。及長慶之立。正平二十三年三月即位。大

內山名等既悉叛去。外援如鑑加之。行宮多故。人心不一。而義滿賴之君臣際會。一時風靡。南北形勢。非復十六年。彼此易地之比也。先是畠山國清之入寇也。其諸將不和。尚猶內地失守。大事將去。大日本史四年十一月。畠山國清率關東兵入京師。十二月。義詮發兵與國清南侵。是冬。以賊將犯行宮。車駕移自天野入金剛山。御觀心寺。十五年正月。左馬頭補正儀和泉守和田正武。城赤坂。福聚某。河邊某。等城平石。真木野某。酒邊某。城八尾。大和河內兵。城龍泉峯。大納言隆俊守紀伊。最初峯。二月。國清進屯津津山。丹下股野譽田酒勾水速湯淺志貴諸氏。反降于國清。四月。隆俊與畠山義隆戰于龍門山。大破之。紀伊守護鹽谷某。死之。尋隆俊與畠山義隆戰。敗走保阿賴川。是月。隆俊親王。叛。焚賀名生行宮。及公卿第宅。開白師基討走之。閏月。龍泉平石八尾諸城。陷。五月。赤坂失守。正儀退据金剛山。是冬。仁木義長。飯順。

南木誌

卷之五

十四

今彼內和兵強。又非其時之比也。於是時。長慶欲舉兵討敵也。正儀智謀老練。過絕一時。累世握兵權。爲其藩鎮。義豈唯唯。從其軍役。速國家顛敗乎。雖欲無諫爭之。可得乎。其違勅非擁兵。豈又有他哉。是余之所以遂言也。

又問。吾子保正儀之北投。非叛降也。吾未信之。答曰。余據太平記吉野物語。觀正儀之爲人。雖其強勇果烈。如不及正成。正行。亦其慈愛惠和。深思遠計。與時消息。勸忠于行在。不爲絀劣也。豈以國之榮悴。家之存亡。失其大節。靦然降於累世之仇讎。以忝其父兄。



者。若正儀及正平之季年。見行在之將墜。而實叛降。於足利氏耶。至于弘和之始。國步愈蹙。人情益兇。是時正儀何與足利氏絕。而効忠于行宮。沒身不渝。其子孫世世殉節。與行宮遺裔相終始也。以是可觀。正儀執本謀。始末如一。未曾甘行宮也。其見放逐而數年寓於敵地者。其奈罹時之不淑也。長山貫曰。古來相傳。吉野物語。南朝人所著。而當時實錄也。物語題末云。松翁所著。松翁一名命松丸。其傳不詳。或云侍從忠房作也。按野山集云。命松丸即吉房朝臣。幼名也。後醍醐帝崩。後不堪思慕。薙髮号松翁。結廬于陵側。終身薦其福云。為松翁作者是也。

南木誌

卷之五

十五

又問。如吾子之言。正儀結納于後龜山。然及後龜山即位。其屢改正儀何也。答曰。後龜山新立。如其軍國小大之事。悉出于長慶之手。故其徒來改正儀也。其時帝亦不得。不受制于長慶。其事非出乎帝之意也。大日本史曰。文中二年八月二日。天皇讓位於皇太弟。成。遜吉野。從御玉川宮。紀稱曰。太上皇帝。是年九月。親書願文。有禱于高野山。書納在高野山。金剛峯寺。明年猶以院宣。號令紀伊將士。薙髮法名。覺理。號長慶院法皇。不知其所崩處。長山貫曰。長慶與後見于諸書。高野山所藏願文。保已一論曰。疑是非。南北戰爭之事。必兄弟生隙。爭雄之事耶。又按長慶好和歌。天授二年夏。詠一首。而當時所撰新樂集。不載一首。是兄弟不和之一證也。又關白師

基及前大納言光有歌。有仕三代之語。則却長慶為問位者。可知也。事見花咲松。於是。賴之數出兵。救正儀焉。其他將士咸遷延。不欲涉河。其後帝如吉野。長慶上皇退于紀伊。其地戰鬪不熄。而大和河內桶津等無事。是時雖正儀未復歸。隱藏吉野。保寧內地。可以觀也。其後復歸。官至參議。非有。功勞而寵獎得如是乎。

南木誌

卷之五

十六

又問。正儀之北投也。賴之為正儀。百方保護。其極至辭已職。爭之其故何也。答曰。是時為其主忠計。而患海內塗炭者。有正儀賴之而已。賴之當足利氏隆際。委任無貳。靡言不從。欲擁立兩統。平治海內。其於兩統。無所偏倚也。正儀值行宮之陵夷。其策不見用。知其不可挽回也。欲維持世統。期至時乎。後代故循循然。為行宮。謀講和。迭立無視。一時屈伸也。同類相求。同明相照。其策并行。不相悖。所以相依託也。不然則正儀者。春秋三叛人之徒也。賴之自任以海內之重。豈為一叛人如是汲汲棲棲。致力勞師乎。及賴之屏于南海。正儀亦與足利氏絕。蓋以失其耦。而事之不可保也。或問。正成子立乎。一圍城中。竟建回天不世之功。正儀失措。胡尾何與。正成背馳乎。答曰。正成之時。北條

高時恣暴昏亂。後醍醐帝增修德政。海內翕然想望帝德。洋溢也。其確乎守一小城。有恃乎此也。果群雄崛起。滅北條氏矣。及帝愆德。海內復歸武家。沛然不可禦也。及正儀之時。海內愈益親附武家。鄙陋公家。而朝廷無經世濟民之畧。正儀策不用。是所以致胡尾失措也。

或問。諸葛孔明。知漢賊不兩立。以出師討賊爲己任。不逆料成敗利鈍也。如吾子之言。正儀至忠矣。正儀何不則孔明之事。敵愾攘地。興復爲己任。而畏縮沮撓乎。荅曰。孔明者。天下之一人也。談何容易。正儀雖

南木誌

卷之五

十七

一時宿將。勇謀決勝。不及正成。正行也。威風動衆。不及顯家義貞也。以勇謀威風。不及四公。安能影響乎。孔明之出師討賊。若使正儀強傲於孔明之故事。必踏姜維之覆轍者也。其持保境之策。甘憤憤之譏者。可謂知己。知彼矣。亦是其善學孔明者。所謂魯人之學柳下惠。未有似乎此也。夫長慶當足利氏最盛之時。欲驅周餘之子遺。殲乎攻伐。以取大業也。譬如多年宿疾。羸億之人。氣息僅存。欲服峻劑。速起也。藥力一激。不就木者幾希。故善養者。不過乎盡滋潤溫補之道。以終其天年也。正儀老成沈深。含垢忍訥。流離

依違。如東如失。以隱蔽行宮。保護內地。亦類也。故余以爲正成恢復大運。其業不卒而死乎。始正行續父之業。其力不足而死乎。中正儀收合遺燼。維持澆運。而生乎。終雖有剛柔死生之異。竭忠乎朝廷。可謂不相戾矣。嗚呼。真行宮于南國。支持正統五十餘年者。誰謂非楠氏三世之力乎。

或問。元中之季。大內義弘謀講和約。迭立。既而北人

南木誌

卷之五

十八

反其約。南人屢起。竟以敗亡。先是使正儀能成講和。亦如此。然則正儀之策。不亦左乎。荅曰。夫事之成否。在時。逮正平之季。行在雖衰。內地未裂。四方服者存。斯時南北約迭立。而有違變。則退保內地。煽動四方。亦足以相持也。北人有畏矣。至乎元中之終。內地削盡。四方糜滅。時已去矣。北人視之。如贅疣。有何怖畏而踐其約乎。尚且致南人蜂起。畿甸騷擾。若逮其時。北人安得反其約。是正儀之所以及時謀議諫爭也。其事不行。亦天矣夫。

小陶雜錄曰。元中九年。南北和成。此時个早已隨南朝。屬邑僅十津川一鄉。而其它伊勢有北畠氏。

肥後有菊池氏已當時將拔凋喪畧盡財屈兵弱  
實萬不可為之秋也足利氏其聚衰弱之餘而背  
迷立之約醜耻亦甚矣夫若夫使忠良如賴之者  
在斯時則豈不翅奉猶前約而渙然與海內更始  
歟怨侵武贈郵而朝死節之士尊崇王室以致反  
正之治則南帝在天之靈可以少慰而勤王殉節  
之士亦可瞑目矣而足利氏子孫亦自有餘慶耶  
當時足利氏君臣不知信義為何物唯利之走義  
滿初政依賴之輔導鎮撫反側聖飾士風寢雖致  
小康晚年驕借奢侈異日骨肉相害之禍亦胚胎  
于茲傳曰臣弑其君子弑其父非一朝一夕之故  
野由來者漸矣吁足利氏世亂臣賊子接踵而起  
應仁以降禍亂極矣是皆尊氏亂兄弟兇惡餘殃其  
野自速者又將誰之愆天已厭亂撥亂反正致今  
日之至昭乎明矣夫論世之興廢者就天道好還  
而論其得失可也

按花營三代記初賴之處正儀于河內和田湯淺等

南木誌 卷之五

十九

來攻焉賴之使賴元與諸將救正儀終克之賴之又  
使其族氏春圖河泉後龜山帝如吉野藤原隆俊與  
氏春戰敗死長慶去天野退于紀伊賴之又使其族  
業秀寺圖紀伊數年不克義滿更命山名義理山名  
氏清等無幾技和泉紀伊之數城連報其捷既而義  
滿罷賴之職出之就國以斯波義將代之義理陷紀  
伊氏清陷和泉云又按明德記義理領紀伊氏清領  
和泉其他族人領數國強橫汰侈已甚義滿復賴之  
職委任如初山名滿幸得罪于義滿勸叔父氏清叛  
曰今察京師舉措其意在翦我家族也去年命吾輩

鑒豫州家領今又赦其族恭聞吾輩可以知也君盍  
先焉吾族強大一時無比今圖國家豈為非望乎吾  
族同心舉兵諸家在京者誰能禦我一戰克京師四  
方誰不從土岐富樫皆不得意也最先從我矣今舉  
兵也姑不旌圖國家以修武州昔年之怨為名亦可  
矣乎請君熟圖之武州者謂賴之也武州常久臨終  
使賴元言於義滿曰山名氏強梁蔑上有年矣老臣  
每規使其戒懼焉今既伏誅矣老臣宿憂闕未見有  
犯上者老臣死無遺憾矣如賴元豚犬庸愚非當路  
之器也君善處之言未終而逝今余以是觀之蓋賴

南木誌 卷之五

廿

之使已族人圖內地使正儀謀講和者欲以漸撫定  
南國也義滿嫌其遲緩更命山名氏果有切賴之慮  
山名氏強橫吞噬內地其後割據盤結不可復制也  
言諸義滿沮遏之山名氏亦訴賴之於義滿斯波義  
將土岐等釀成賴之之罪賴之罷職義將代之與山  
名氏相控援其後義滿復賴之職委任如初於是山  
名氏不得意焉滿幸以修舊怨為言賴之亦臨終云  
爾乎又按須波部氏及通法寺文書倭漢合運曆弘  
和二年閏正月正儀與山名氏清戰于平尾見敗其  
族歿者六人士卒歿者百四十人保舊要害云蓋先

是賴之屬正儀于河內。委以內地。謀謀和也。賴之罷職。就國。義將代之當路。敗斥正儀。義將令義河長壽王書可徵使氏清侵奪內地。於是正儀露本色。與義滿絕。鎮內地。行行宮。與氏清戰。不克。保赤坂。千早等。子併錄。備後考。

按正儀左衛門尉。大內守寺院左馬頭記太平左

兵衛督。花營三代記參議觀心寺其在北地。北朝授

中務大輔。通法寺渡邊氏文書

花營三代記。楠木下向河州十七箇所。云云。所謂十

七所者。河州北地。瓜破等乎。係于丹北郡。瓜破城見

南木誌 卷之五

廿一

按正儀卒年月未詳。蓋在元中半中矣。

按河州北山氏系圖。正儀之子有正勝。攝州寺內氏

系圖。正儀之子有正秀。一有正勝。無正秀。一有正秀。

無正勝。蓋同人改名乎。按正儀降參考載正儀子三

人正勝正元正秀不知其子三

花營三代記。康曆元年七月義滿拜賀行列。中有楠

刑部少輔正直。似為正儀之子。後不見。

古來相傳。正儀之子正元。狙偵義滿。欲刺之事發。見

殺。未<sub>レ</sub>知<sub>レ</sub>所出。後崇光院記。永亨元年楠五郎左衛門

尉光正。法名常泉。匿於南都。搜索見殺。或謂此。子其後子孫相繼。奉行宮遺裔。屢舉兵。到于文明年中。云諸家文書。以上行在或問。

### 楠正儀論

賴裏

楠正成與子正行。並盡忠。王室身殉國難。而正行之弟正儀。繼任大將。終叛降於賊。辱其家聲。而不耻。幾乎無人心者矣。中興諸將。忠義無出楠氏。右者諸將子孫未有降賊者。而楠氏如此。且諸將散處東西。為聲援而已。藉使叛降。未必切行宮。利害。楠氏世為南朝藩屏。南朝得以抗強大之賊。咫尺間。而不亡五十

南木誌 卷之五

廿二

年者。以楠氏在焉。一日無楠氏。是無南朝也。正儀為王室之倚賴。如此而舍而降賊。與其臣僕比肩。而不耻。孰謂正成之子。正行之弟。而有此禽獸耶。為楠氏惜者。謂之虛傳矣。

按楠家全書曰。正儀北降之說者。偽也。若或北降。必一時計策。井澤長秀亦疑之。曰。正儀北降之事。無定據矣。新井君義讀史餘論亦云。正儀之降。可疑也。

長良承芳著論曰。世所傳。如太平記。增鏡。後愚昧記。梅松論。花營三代記。櫻雲記之類。皆阿世曲筆。



往往構事誣人。大日本史所據諸書皆出於北人之手。故以為正儀實叛。與大友少貳等諸叛臣同傳。可嘆夫。唯南朝紀傳一書信而有徵。新安牛簡傳一冊疑是後世偽撰。故修史不採焉。今世所傳紀傳實五冊。第二冊以補北島公親房開城乞援書。并其紙背所記遺事數條。手簡乃稱一冊者。蓋當時真本未出。或傳其抄本耳。又按羣書一覽云。寫本四卷。作者名逸。其書自元弘元年。記應永三十四年。其中自與國二年至正平二十一年。中間二十一年關。又曰正儀之於足利氏。辭敵之巨魁也。方其初謁。宜嚴修歸降之禮。以白日行事。何為故向昏夜。使之執謁耶。是尤可疑也。花營三代記曰。應安二年正月二日。楠木左兵衛督約降。仍賜書。二月七日下午。令於和泉河內。告正儀飯降。三月十六日

南木誌

卷之五

廿三

今赤松大夫判官入道寺南征。援正儀廿日。正儀退抵天王寺。四月二日入洛。即夜謁管領賴之。三日夜謁幕府。廿再按紀傳曰。建德元年春。賴之發兵河內。正儀據城禦之。建德元年。即北朝應安三年。三代記櫻雲記並書。正儀北降。係應安二年。則此舉也。正儀臣足利氏之後。乃一年餘矣。賴之之討。不知何故。事互牴牾。無所適從。可見正儀之降。非其實也。彰彰乎明矣。時人書之。叛者為賴之詒也。後人議其不義者。徒信妄傳也。其如夜謁之謀。密索其形貌年齒。克肖正儀者。使優孟為孫叔敖。以瞞一時之人耳。又曰。世或傳正成伴。歿于湊川

之役。逃而歸河內。蟄在觀心寺。年老而歿。或言更姓名。檜洲政蔭。隱于羽之山脇。見有其墓云。茶家如正成伴友。間行走東國。更名櫻井某云。是皆齊東野人之語也。世降俗溺。好言人之過。正成而不免於妄人之誣。猶有如是者。況於正儀乎。予深慨正儀之不幸。為之切齒腐心久矣。於是具辨論其事。欲以伸雪沈寃。但是賴之毒計。業已為百世口實。則吾亦極知區區筆舌。難及人之耳目。而徒為世俗嗤笑矣。願齊遺稿。正儀北然北朝志乘。顯然載其年月。不可滅也。且其族不義之而攻之。北朝為出援軍。與王師戰。其跡亦不可掩

南木誌

卷之五

廿四

也。  
按桑奉記。吉野物語。南朝紀傳。將軍家譜。本朝通記等書。不載正儀降事也。花營三代記。北朝之隱後愚昧記。西園寺家細細要記。與福寺實嚴豫章記。其它後深草院關白記。關白道櫻雲記。渡邊文書。三刀屋文書。三法師話等類。正儀北降。及戰爭之事。往往載之。則斷謂之虛傳。恐非。  
賴裏曰。吾嘗紀楠氏之事。徵之南朝舊志。而散以不詳。故不敢斷其虛實。曰正儀蓋有深謀焉而已。已而反覆考之。雖未能覈其實。如有差得其情焉。何以得



其情曰亦因其跡與年月得之也。後村上之正平廿

三年帝崩。長慶帝即位。先是一歲。北朝以足利義滿

為將軍。十一年細川賴之輔焉。後一歲正月。正儀降。先

見賴之。遂見義滿。其三月和田氏族攻正儀。自是連

年攻討。賴之請救之。諸將不肯。賴之耻其言不行。欲

辭其職。乃發兵。而以其子弟為將。後戰鬪之事。無所

見者。十二歲。及後龜山之天授弘和間。賴之遭讒。見

斥。天授五年夏。賴之罷職。元中八年。賴之還再任職。中間十有二年。而山名氏入寇

連陷河紀諸城。而正儀歸順。與山名氏戰。敗績。於是

南國之屬行宮者。獨存吉野而已。後又十年。正儀

南木誌

卷之五

廿五

蓋既沒而賴之再任職。乃誅滅山名氏。元中八年。山名氏清作亂。

滿幸起丹波。山名義理以紀伊並應氏清戰敗。悉伏誅。間歲而南北和成矣。初

正儀數受命攻京師。細川清氏之降行宮。請攻京師

也。正儀以為不可。曰。取京師。臣一人力可辦。何借清

氏。唯恐既取復失。耻之。強戰。併我所有。失之。宜養威

力。徐圖匡復。是可以知正儀之本意矣。而賴之亦有

弭兵之志。以為南人所以能數來者。賴於楠氏。欲除

南患。莫若和楠氏。是以百方就議和焉。而正儀之意

與之克合。是時長慶新即位。銳意用武。勅東西諸將

一時並起。蓋圖京師。如正平例。而正儀仍執前議。是

以帝怒令其宗族攻之。故正儀不能自立。姑為此權

時之計耳。其意如曰。今而與北戰。是自速亡也。然南

無我則莫能戰。北有我亦不敢軼我。而南故正儀之

為背南嚮北之狀者。是以其一身橫塞南北間。以存

南而遏北也。賴之亦知其意。欲因以成前議。不然何

不遂究其南向之兵。而過十年乎。其被讒也。非曰其

庇南乎。是以山名氏代之。疾南其鋒。而南不能支。正

儀已失賴之矣。不可與謀矣。是以復背北嚮南。決意

防戰。南朝之所以延殘喘十年者。豈非正儀歸順之

効哉。及賴之再入。先斃向南之賊。後成還北之議。及

南木誌

卷之五

廿六

南北迭立之約。違怒而起兵者。楠氏之遺孽也。是可

以知正儀之降。非其素志矣。自古老成之謀。不合少

年推鋒之論。而讒間入焉。終以被背叛之名者。多矣。

如近世片桐且元之於大坂。可以見焉。正儀得非亦

且元類也。嗚呼。使正儀而誠舍弱黨強。圖其富貴也。

何以前此為南朝。百戰不辭。其徒勞而至。此忽降耶。

又何以降於正平而歸順於弘和耶。

楠正儀論

松島坦

赫赫之功。不著于當時。則曖昧之跡。不能無疑于後

世。假令其志不愧天地。亦知者鮮矣。唯天下闡幽之

士就其人而論其事。百世之下。足以明其疑矣。余讀史至楠正儀投北朝之事。竊有惑焉。及觀阿王事而有所大悟。阿王者。赤松氏之臣。宇野氏之孤。而楠氏之讎也。詐降欲刺正儀。感其恩。不忍刺。曰。刺之則傷恩。不刺則背義。有一于此。生又何為。抽刀自刺。由是觀之。正儀非有平居忠厚慈仁入人之深。曷能至使敵讎消滅其戕害之心。如是哉。昔者趙盾驟諫靈公。公使狙魔賊之。乃歎曰。不忘恭敬。民之主也。賊民之主。不忠。棄君之命。不信。觸槐而死。嗚呼。魔不賊盾。以忠臣有切社稷也。阿王不刺正儀。雖非為社稷。然其

南木誌

卷之五

廿七

感於誠則同矣。苟有忠厚慈仁。足以感寇讎。何忍叛累世之君。而降父兄之仇乎。當此時。南朝摧折之餘。兵氣不振。而長慶好攻戰。厭和議。正儀憇父兄相繼決死。大功不就。故屢諫之。諫之不納。其勢違旨。違旨則怒逐之。正儀深謀遠慮。知己知彼。唯唯諾諾。不忍顛社稷。故含垢忍恥。不顧一時之屈。而欲立千古之功。譬之羸疾之人。攻擊難投。調養復元。苟利子疾。不擇獲著與尿管也。而或咎其污穢。特不察耳。惜乎長慶之不明。不知其謀之所在。使其功遂終于無成也。而後世徒見赫赫之功。不著于當時。而起疑於曖昧

之迹。是亦正儀之所失而不辯也歟。行雲樓遺稿茅山豬曰。或問曰。後村上崩。年四十一。其未立東宮。不太晚乎。答曰。竊惟後村上欲立後龜山。以長慶之長。未果也。先是其有密詔。不可知也。後醍醐崩。年五十二。其年立後村上。為東宮。其有密詔。在前年矣。夫欲舍長立少。而憚長。古今之通情也。雖譽田天皇之明聖。欲立菟道皇子。而憚長皇子。可以推也。

南木誌

卷之五

廿八

又問。長慶既長。其不為東宮何也。答曰。其所記未詳。或前女御北畠源氏之所誕。源氏有罪見廢。故其皇子無寵。而不為東宮乎。或其所誕卑賤。或壯武好兵。故帝不欲立之乎。又問。後龜山如何。答曰。後龜山者。嘉喜門院之所誕。其貴宜立焉。嘉喜門院者。藤原氏福恩寺關白女也。或問。長慶始末。答曰。竊惟長慶在天野。壯武亢強。有祖皇之風。不喜偏安之業。其意汲汲乎攻伐。恢復。與前內府藤原隆俊。和泉守和田正武。橋本湯淺等。相結納。其徒豪強。傾一時。板援得自立。抑後龜山。為太弟。公卿多不聽之。楠正儀有異同。後龜山自屏于吉野。長慶使和田橋本等攻正儀。正儀

出走。復居河內之北境。公卿逆後龜山立之。非長慶之意也。長慶使諸將攻正儀焉。細川賴之援正儀焉。文中二年八月。後龜山奉神器如吉野。藤原隆俊襲北軍。不克。歿之。於是長慶不能保天野。退于紀伊。而天野行宮廢矣。其後橋本氏據于和泉之土丸城。湯淺氏據于紀伊之藤波等城。為上皇舉兵。北軍比年攻陷焉。至于元中中。上皇猶厲餘衆。禱戰勝于高野山。其後薙髮。稱長慶院法皇。在五川宮。崩年未考。是其概畧也。以上行日本史曰。長慶者。後村上帝第一子也。不知所出。

南木誌

卷之五

廿九

正平廿三年即位。文中二年八月讓位。後龜山矣。按讓位語。据花營三代記。然三代記者。出於北朝之傳聞焉。据新葉集。則如在正平季年。長慶既立。人心不服。比黨相軋。於是文中二年八月。細川氏春入寇。一敗失措。長慶遁走。紀伊。後龜山奉神器保吉野。長慶遷紀伊。猶以院宣號。令將士。則執兵權者可知也。應仁記同別記載。小倉王恐執政王。自辟居于吉野。云小倉指後龜山。執時人所稱。疑世稱長慶曰。玉川宮。按歷代帝王讓位之後。無稱宮號之例矣。又或問。南朝帝統。廢長慶。則其稱太上天皇者如何。答曰。高野山金剛峯

南木誌

卷之五

卅

寺所藏長慶願文書。元中二年九月。太上天皇寬成敬白。其文有今廢之雄如思者。殊可致報。其之語。則讓位之後累年。猶有所爭焉。是後世所證也。按小一條院自東宮直稱太上天皇矣。建武元年十二月。後醍醐帝詔號廢主。北條時立。後伏見帝。為太上天皇。長慶亦倣此例者耶。皇子。量仁親王。史乘不備。無所據。小陶錄江本戢曰。降敵而謀富貴者。不論也。降也。非叛君仕也。非謀富貴。欲以忠其君也。其跡雖同。其心則異矣。南朝之末。楠正儀降足利氏。蓋欲與細川賴之謀成南北之和也。長山貫曰。正儀北降之論紛紛。忠佞難辨。然就其事跡而推之。如當時史乘所載。則正儀見危棄君而降。顯戮在不赦矣。以故長慶怒。遣和田等攻之。相持數年。而其歸順也。後龜山帝不加譴責。委任如故。尋陞榮官。何濫賞之甚哉。要之。長慶立。好攻伐。君臣不和。臣僚相軋。細川賴之乘其機。百方講和。正儀亦察時勢。私會賴之於東寺。以議南北之和。蓋出乎後龜山之密旨。而非計。正儀一身之降也。不然。正儀既順。何猝忝參議之任乎。然與敵將私相會。是正儀之所以不免反名。而知其寃者。止後龜山耳。北朝撤告正儀北

降者出于離間之策而賴之出兵援正儀入之河內者欲使正儀居間誅南北之和也然長慶佳兵強梁正儀陰翼蔽南朝舍垢包耻苦辛經營者十有餘年矣天授五年夏賴之遣譏罷職正儀亦失志飯順矣無幾義滿悔悟召賴之而親信如故元中八年賴之復職尚執前議賴之正儀已沒義滿繼其遺意遣大內義弘六角滿高請和於南朝帝勅許之神器復京南北歸一於是正儀之志始成矣嗚呼赫赫天朝萬世一系列聖相承以奉神器神器所在乃正統矣一旦雖正閔相軋竟致混

一者抑誰之力耶夫南朝出乎龜山北朝出乎伏見自天與宗廟而觀之則豈有南北分派之別乎天已厭其亂祖宗誘其衷神器復京北朝具禮受禪正閔卒歸於一帝統連綿至于今日則正儀不特有功勞於南朝而有功天下萬世於朝廷之上者豈不偉哉後世只見瑣瑣一時向背之跡而論其曲直者余之所不取也

野山朝陽曰楠公之先我不能間然也蓋髣髴乎龍逢比干矣其子正行不忍坐視朝政不公遽促其死最當其機但其致南廷自此不振則正儀有疾而死

可謂勝於乃兄矣雖然三楠同一忠烈義武其論優劣抑亦末也秦卷遺稿

中山忠義曰保平以還本朝為戰國諸士進退得失載於簡策傳於口碑者幾何乎特如楠判官可謂三德無備之名將矣雖配祀諸葛孔明孰謗議之乎佑正統天子而不顧身合天理無私心可謂仁矣運籌決勝可謂智矣破堅摧銳可謂勇矣醍醐筆

長山貫曰先輩論楠中將諸葛孔明優劣者頗多矣孔明者王佐之才楠公者本朝名臣也其優劣未易論也然先哲謂孔明有五失其一蜀劉璋迎劉備而容焉亮勸備襲取成都蕪軾駭之曰反抗其吮而奪之國非義也其二街亭之敗馬稷違節度亮収而斬之羅太經非之曰蜀之人才日耗而失一將以為失計其三馬稷才器過人亮深獎贊先主臨終謂亮曰稷言過其實不可大用矣亮不可舉為參軍果敗事胡致堂議之曰短於知人矣其四曹孟之廢獻帝亮勸備即帝位費諱以大義諫之亮怒黜之俞文龍著論曰不忠於漢帝矣其五亮訓後主使讀申韓後儒多非焉以孔明正大謹嚴而尚不免與議如是矣如我楠公則至五百年之今未聞有容非議於其間者



也。由是觀之。則其優劣自判然。南山遺事

松苗曰。楠公嘗評尊氏曰。尊氏庸愚。不知兵道。暗劣

不思名義。量不及賴朝。姦亦不如賴朝也。蓋帝惑清

忠等。佞言。不用正成良策。屢失軍機。而賞罰不明。武

人怨望。遂推尊氏為主將。以為源氏貴種也。尊氏因

乘其機。開霸府。亦僥倖耳。故十三世中。將士背叛。骨

肉相害。天下常亂矣。國史按史乘。足利氏將士。朝降

夕叛。反覆亂離。不勝枚舉。其如鹽谷高貞。為高師直

令上杉重能。畠山直宗。以黨直義高師直殺之高師直師泰。上

頭能及師冬。上杉憲綱川清氏。伊賀高細川氏清及

義理滿幸。義滿伐誅之大內義弘。時清應之義滿

伐誅之。之赤松滿祐。義等皆強橫不臣之賊也

於其宗族也。足利直義。尊氏毒直冬親應元年背父

永和元年。義嗣義滿子與足利持仲。義照教弟為

大覺寺僧正。與後龜山皇子謀。關東管領足利氏滿

基氏子。謀死之。執事持仲。三年與上杉氏憲謀殺

上杉憲春。謀死之。持氏。實奉義教命。與上杉憲滿貞叔

春所捕誅。明年。持氏。實奉義教命。與上杉憲滿貞叔

義久。持氏長子。與持氏俱死。春王安王。持氏二子結

據結城。城陷。捕春王。等骨肉相戕。諺言伐枝速根

遂自致衰弱。矣。亦松滿祐之教義教。松苗論之曰。是

蓋後醍醐天皇在天之靈。假手其叛臣。亦松氏孫。而

斬其叛臣。尊氏之孫。滿祐亦伏誅。以使人知叛君之

罪。子子孫孫。不可免。噫。微哉。善惡報施。雖有遲速。緩

急之異。遂不得遁焉。所謂天網恢恢。疎而不漏者。非

邪。可不恐懼乎。

明徵士朱之瑜。撰楠中將公圖贊曰。好學宏論。尚仁

義。務人才。真國家之柱石。疆場之干城。宜乎叶熊羆

之夢。應惟肖之求。用能誓心天地。立摧叛逆。以之謨

謀廟堂。制勝樽俎。豈不萬邦為憲。潛消反側。邪。以寡

制衆。出奇無窮。不戰屈人。猶一節也。賞不酬功。位不

稱才。女寵煽于內。權臣擅于朝。大將能立功於外者

鮮矣。以身殉節。純臣乎。不為敵之所喜。而反為所惜。

有國者。盡思之。

南木誌 卷之五 卅四

南木誌卷五 大尾



跋

中山君文節為人。抗爽好義。編輯楠氏事蹟。題曰南  
木志。蓋自國史邑乘。至地方之遺趾。口碑。蒐羅搜索。  
備至。可謂勉矣。今嗣敏忠。嘗撫其稿本。來屬余曰。家  
嚴欽佩楠公。彙輯此篇。刻苦淬勵。至忘眠食焉。且幸  
節山安中侯。值以書藉。執友津阪東陽。齋藤拙堂。  
為成陶鏡。寢稿成。而家嚴就木矣。悲哉。敏忠欲梓以成  
先考之志。而塵務紛囂。蹉跎遷延。五六年于此。既而侯  
捐館。東陽拙堂。亦為隔世之人矣。噫。歲月如馳。至今不能  
南木誌  
卷之五  
果其志。後安之。靈魚豈不至憾哉。其為我謀之。余惻然  
曰。自古講道著書。期于不朽。而湮滅不著者。何限。是孝  
子慈孫之所以痛心嘆息也。余德不似。奚敢辭勞。曰。如  
共周旋。寢得精力。重加校讐。擬為五卷。以付剞劂。其如  
文節志行學術。則二序已具之。故余則畧之。  
元治紀元仲冬。樗園長山貫撰保書。

# 東京

# 書屋

|         |         |
|---------|---------|
| 日本橋南二丁目 | 須原屋茂兵衛  |
| 同 二丁目   | 山城屋佐兵衛  |
| 同 所     | 小林新兵衛   |
| 芝神明前    | 和泉屋吉兵衛  |
| 同 所     | 岡田屋嘉七   |
| 横山町三丁目  | 和泉屋金右衛門 |
| 淺草茅町二丁目 | 須原屋伊八   |
| 下谷御成道   | 英屋文藏    |
| 昌平橋外明神下 | 嶋屋平七    |
| 下谷稻荷町   | 福田屋勝藏   |

東崇一 著

三楠遺規

明治十六年（一八八三）山口縣阿部準輔刻本

據明治十六年（一八八三）山口縣  
阿部準輔刻本影印

澤瀉東崇一著

三楠遺規  
全

阿部活版所發兌



王楠遺規卷上

廷尉

廷尉楠公正成、其先出於楠諸兄公、世居河內赤坂、領地二千餘貫、家有楠樹、大十數圍、轟轟凌雲、曰姓楠焉、父正玄、嘗祈和州志貴山、母夢金甲神入懷、乃生公、曰幼字曰多聞、磨、正玄與八尾、別當顯幸戰、公從之、時年甫十二、親斬敵將鬼田某者、衆感其勇武、以為神、後屢敗顯幸、悉復其侵地、

迂恠子曰、野史以公為多聞、天降誕、妄甚、豈以其

王楠遺規

卷上

幼字多聞、磨、故傳會其說耶、世以神號為名者、不少、亦盡為神之所託乎、齊東野語不足深辯也、公有異母弟二人、曰正季、曰某、正季忠勇、亞公、某好武、驕奢不恤下、故雖有功、公不給之土地、止多與財、寶、曰不忍縱其惡于衆也、後深悔改行、而正季無子、自請為嗣、先公而卒、

迂恠子曰、公既不忍私一弟、縱惡于衆、而克使其改過、皈正者、其必有道焉、史傳不詳載其所以、諸之殊可恨也、或云、公二弟、曰正氏、曰正季、或云、公

唯一弟、正氏、後改正季、諸說紛紛、未知孰是也、公嘗造兩廳、其在外、威儀儼然、不可犯、雖親戚子弟、未嘗少假辭色、故人愛而敬之、其在內、和夷坦曠、或講禮談兵、或角射鬪碁、雖小士賤卒、接之如父子、故人敬而愛之、

迂恠子曰、和以不掩其情、嚴而制其欲、不獨揚善、又善使不善化為善焉、治國御軍、由運諸掌上也、公嘗遊鎌倉、私謂人曰、鎌倉其亡矣哉、問其故、曰、北條入道、嬉戲奢靡、刑罰失正、上下阿諛、自古未有如

三楠遺規

卷上

此而其國不亡者、泰時時賴之業衰矣、

迂恠子曰、國家之將亡、必有先兆、其事則淫戲奢靡、其政則刑罰失正、其俗則上下阿諛、以此驗之、信如龜筮、蓋如公之言、寔可謂人君之通鑑矣、後醍醐帝以鎌倉失政、陰圖之、而事覺、帝逃笠置山、而六波羅兩帥仲時、時益遣兵攻之、帝下詔募將士、公詣行在、

迂恠子曰、傳云、帝嘗夢紫宸殿南有大樹、樹下設帝坐、因自卜謂樹木也、南木楠也、必有姓楠之人

焉乃得公云云蓋亦出後人之假託也帝之於公果使如高宗於傳說文王於呂尚則中興之日當重用之而封不過三易纔與菊池名和諸人並列何望足利新田等夷哉謂之夢感良弼我不信也先儒鳩巢室氏已論之

帝使藤公藤房詢討賊之策公對曰高時恃武而無文苟以勇而已則舉海內不足當武相二易若以智則臣自有策在焉雖然勝敗者兵家之常勿以小挫折變大志矣陛下聞正成未死則何難討賊之不終焉帝大悅

三楠遺規

卷上

迂恠子曰此時公特一鄉豪而已而其自任不亦大乎真是千古未曾有大膽略千古未曾有奇男子矣

公於是城于赤坂兵僅五百人東軍數十萬來望之咸憫笑曰赤手可舉也而公善防或設伏兵左右夾擊或築複垣繩懸外垣以壓殺數百人或執長柄勺沃熱湯爛死無算而會箭竭作藁人逼敵敵爭射之目得箭數千東軍作長圍為持久之計不敢近之

迂恠子曰此等拒敵之策蓋公之緒餘未足深稱之也公之所長則王霸之大略不能驗其伎倆於當時纔以兵略顯于世識者惜之

公因與其人議曰今城中糧乏且避以計再舉敵去輒起敵來輒避使彼疲于奔命以期成功不亦可乎衆從之乃作坑填屍而積薪燒之乘夜逃入金剗山東軍望火爭上城見屍以為公既死乃解去

迂恠子曰此乃以無制有以寡克衆之術孫武子所以困楚也夫知進而不知退一直勇往不顧真

三楠遺規

卷上

是所謂猪武者

公之去赤坂過三浦氏之營木村新介者誰何之公詐應曰大將軍麾下之士也疾步而去新介射之甲堅不入公謂左右曰我常信神故矢石不能傷之然亦與世信神者不同蓋我信吾心心即是神

迂恠子曰心即是神一句真是漏大機矣世之心學家千言萬語不能出乎此圓圈焉可以發孔聖禱久矣微旨也

大塔皇子起兵吉野也公應之謀再奪赤坂城將湯

淺定佛守之、公已遣人察城中動靜、自糧倉多少、至  
器械精粗、無不詳之、而尚以為未盡、更使思地政尚  
佯為猴舞師入城中、然後急襲之、定佛不能拒、遂降、  
迂恠子曰、公嘗屢敗大敵、未嘗有所惴畏焉、而今  
則雖小敵、又未嘗有所輕慢焉、謹慎綿密到底、無  
漏、不如此、則不足以幹大事也、聞之、獅子之搏獸、  
搏虎搏兔、皆用其全力、蓋可以喻此也、

公將出赤坂也、說大塔皇子曰、近國之士、忠直而勇  
者、莫如八尾別當、非招彼則河內難平、皇子從之、別

三楠遺規

卷上

五

當應命、而公既復赤坂、乃遣人說別當曰、足下已歸  
命朝廷、僕願盡棄舊怨、共勵忠節、長屬足下部下矣、  
別當曰、某豈懷前恨、且我武何尚楠氏焉、固將附足  
下下風也、即求赤坂、與公相見、懽如舊知、因請楠氏  
之族一人為弟子、公應以和田正遠次子滿仁者、甫  
十一歲、後稱新發源秀是也、

迂恠子曰、公之別當、是欲除後患而當前敵也、  
與孔明征南蠻、雖事或異、理即一也、蓋累世深怨、  
一朝冰釋、至請子弟為嗣、公之推誠也至矣、公之

用術也精矣、

公已併湯淺之兵、而八尾別當又附之、楠氏之威振  
遠近、於是兩帥遣隅田道倫、高橋宗康、將一萬騎來  
攻、公軍于天王寺、設三伏而羸兵誘之、和田正遠在  
天王寺、思地以下在住吉、而公在其中間、而左右之  
於是敵軍大敗、是日公易馬前後七、

迂恠子曰、公之易馬、蓋有深意焉、傳者特舉之、是  
良史書法也、不可忽之、

隅田高橋敗歸、二帥更命宇都宮公綱代赴、兵僅五

三楠遺規

卷上

六

百騎、公會諸將議戰、和田正遠曰、請逆擊之、公曰、公  
綱素負勇名、而寡兵承敗、意在決雌雄於一戰、吾受  
大任、前途尚遠、未可以損我士卒也、乃拔營而去、公  
綱代焉、既夜、炬火四面來逼、夜夜漸多、三晝夜不能  
睡、咸曰、楠氏兵加矣、不如且避之、公綱從之、乃引還、  
而公復入天王寺、

迂恠子曰、此所謂不戰而屈敵之策、公獨善用之、  
新田足利諸將夢想不至于此、

公嘗出上宮太子識文者示之正遠、而諸將士皆請

而觀之言王政中興武家滅亡之故將士流涕感奮結城親光亦聞之始決志屬官軍蓋公欲勵將士之氣而傾敵軍之心故託而鼓舞之也

迂恠子曰太平記所載識文可疑也自人皇十九代至海內歸一猶可言而至如獼猴者云云殆不可為說也假令有之公固將刪而示之況其所自選而何至于此苟然後來誰復屬官軍而敵足利乎竊疑及足利強盛後草莽好事者偽作此文以託公之先見欤或曰公原撰止前一段如獼猴以下南朝君子續成之亦未知其果是乎否

三楠遺規

卷上

七

外常在耳目迂恠子曰公戰必勝攻必取以善用間也後有持板早風者尤妙乎間有名於楠氏之軍大塔皇子使人詢策於公且促其攻京公對曰東軍在前而西敵襲我後亦未可知也在今據險隘以待天下變動是為上也因說吉野防禦之方甚悉皇子不能用之

迂恠子曰朝廷之議動急攻京而難去京官軍失利每坐此也士而懷居不足共謀矣以皇子英明猶且然何問其佗乎

公使平野將監守赤坂因戒之曰此城要害可據糧食亦充無佗可憂唯取水城外是可慮也不若多鑿井城中矣將監不聽東軍果斷水道平野率其衆降正季正遠與諸將議曰不殺將監則莫固我人心也因竊贈書將監東兵得之致諸二帥蓋荅內應書也二帥大駭即斬平野以下二百餘人於是我將士無復降志也

三楠遺規

卷上

八

迂恠子曰或云正季正遠與恩地等謀偽作平野通我書遺之東軍戟門外云云今以事理考之知其必不然二帥亦不可輕欺之也

公聞東軍將大舉來攻也禦之金剛山初公築城植柱如櫛深入地中過半以橫木串之內實小石塗泥土其表極重厚據地勢高下之蜿蜒蟠山堅固如沃鐵焉而每間開箭眼弩眼射遠敵也有樓有櫓便瞻望也積巨木大石數千百厯壁下敵也多種樹木便

防火、且食實燒枝也、鉄工六人日造、鉄三萬餘斤、炭三千餘駄、益五百餘石、其餘干魚、海草、乾菜、稱之、米石穴土藏之、可支十年也、浚井山上、取泉城外、更作大桶數十、畜雨水也、於是公與股肱將士八百人、守之、而送妻子於賀名生觀音寺、命正季正遠、以一千餘人、護之、且應援金剛山也、是時東軍既下赤坂、陷吉野、三面會金剛山、不知其幾萬人、一望如雲、日夜盡力攻之、積屍成邱、而公應機防之、未損一人也、迂恠子曰、公守荒乎孤城、東軍舉海內攻之、而不

三楠遺規

卷上

九

能勝、蓋防禦得術也、公他日奇謀妙計雖多、其用力全在於此矣、抑當日所用兵士、僅不足千人、何其寡也、而臨機應變、綽有餘裕、是公獨得之妙、非言語所能喻也、或曰、公長用寡兵、殊不知良將制勝、多寡隨時、使其果在淮陰地位、則固多多益善之、雖然、或者亦未為全無所見焉、

公將襲名越時、有期曉、湯淺六郎辻玄番各百人、為先鋒、楠正澄百人、為後殿、而公在中軍、擊鼓節之、先鋒左右夾擊、敵軍大潰、第一鼓、湯淺辻並還、第二鼓、

正澄還、第三鼓、公乃與二十八士還城門閉焉、所謂二十八士者、公親閱數萬人、所選忠勇純倫之士也、迂恠子曰、公每戰必慎其後殿、故雖急遽之際、敵不能混入也、

公在城中、未嘗須臾釋甲冑、常巡城中、察將士勤惰、或勸之、或勵之、每夜亡慮五六次、而雖法制嚴密、在其休暇、或與酒肉慰勞之、人人雖在圍城中、而不知其苦、故經久士氣愈旺焉、敵或誘叛、則以告之、為第一功、其賞陪彼所約、而以間為間、以謀擊謀、故以早

三楠遺規

卷上

十

瀨右衛門誑足利兄弟、以恩地政尚陷金澤、右馬皆此術也、

迂恠子曰、公之所為、所謂先為不可勝、而乘其可勝者、亦兵家常談、但如是着實勘當、乃無遺憾矣、是公而已、

公善守、東軍屢失利、二帥憂之、更命公綱急攻之、公網堀壞其西隅一樓、正季正遠聞之、夜襲公綱、正季擊前、正遠乘後、公綱敗、正季急詣城門問安否、公不喜曰、正季不知為將之道、今戰正酣、非將去戰地之



時也、正遠遣一騎士問安否、公曰善、正遠於是乎賢於正季矣、此夜敵軍大擾、並退數里、此時六波羅既陷、

迂恠子曰、正季正遠戮力翼公、義如金鉄、夜饗一舉、尤投其機、正季雖一事或不及正遠、然要其始終所造、難軒輊於其間、抑公誨人、目事勸之、盡自一團惻怛中發之、

公登樓觀東軍敗退、命諸將急擊之、而喟然嘆謂左右曰、人生莫哀於將士家、富子孫忘武焉、因為論退

### 三楠遺規

#### 卷上

軍之法、

迂恠子曰、在他人則不過供之一笑而已、公則所觸事事感慨無已哉、

足利高氏既復京、新田義貞亦滅鎌倉、帝還幸、停蹕兵庫、公來謁、帝喜甚、命為先驅、威儀太嚴、京師父老相語曰、不圖今日復見日月之章矣、

迂恠子曰、公終身纔以此日為閥閱、其餘無一事不攢眉焉者、

帝問、公曰、聞東軍悉聚南都、或傳將襲京、為之如何、

公對曰、此窮寇也、不如降之、今速降、詔稱公綱勇武、以禮招之、彼必來矣、而命一將大張軍威、下令赦降者、必莫不應、帝從之、

迂恠子曰、大難之後、收人心、要恩威並行、而恩常勝威、是為妙也、公之策可謂無復遺憾矣、保元之難、信西者專欲以誅殺立威、愈慘而愈拙、視之於公、不啻霄壤也、

北條時光舉兵邊栗、公請躬討之、帝會祈國祚於天、命公為警備使、不許之時、光乘間遂陷飯森、據之、使

### 三楠遺規

#### 卷上

其將十市武田等守邊栗、此時祈事已畢、公乃還金

剛山、

迂恠子曰、警備使尚有人焉、若討賊則非公不可也、遺人事而恃天命、王政之不舉、已可知也、

公既取邊栗、走兩將、轉攻飯森、時光出戰、公設三伏陷之、又使高木才三者偽送款、城中誘殺精銳數百人、敵兵不復出城焉、會志貴陣失火、延及公營、衆爭救之、時光乘之、舉城突出、公與正遠當之、而尚政以偏師放火於城、於是城兵大潰、公謂諸將曰、予會敵

幾十次、未有如時光者、我誘彼數次、彼未嘗輕乘之、而屢驚八尾矣、其乘火突出、亦不謂非時也、比諸往、金剛山者、猶如大人於小兒耳、尚政曰、向我再破、彼乘此時、急攻城何如、公曰、然、我以彼非尋常、慮其有備、故失此機也、卿之見卓矣、已而公留正遠、尚政討殘黨、自詣京奏捷、

迂恠子曰、或云、志貴失火、是亦公之奇計也、予則謂、目災奏功、轉禍為福、此乃公之所以為公也、不必以此為計、亦可也、

三楠遺規

卷上

十三

帝賞中興諸將、賜公河內攝津、諸將士相謂曰、我公首勤王家、千辛萬苦、纔開聖運、而如足利新田、首鼠兩端、猶且領數國、我不可俄在彼下也、正季亦有弗平色、公喻之曰、吾辱蒙皇命、受任討賊、歸命朝廷、有年、方今聖運隆興、得加恩賞之列、已幸矣、若夫計忠較功、與人爭長短、我所深恥也、雖河內一國、已有餘、况其二國乎、卿等毋多言重吾罪矣、雖然、我將士賞不騶功、不得比夫二家將士、我每念之、有戚戚焉、卿等亦少諒察吾心焉、衆皆感泣、帝聞之、深自羞、更加

賜和泉、公因分和泉于正遠、分攝津于正季、自領河內一國、

迂恠子曰、嗚呼忠矣哉、公之心、雖古聖賢無所慙也、然公以此時、解封釋兵、遁迹山林、以終其身、則高風清節、亦將有功于万世焉、而其不然何也、微子去之、箕子為之奴、比干諫死、傳曰、殷有三仁、伍負范蠡并為吳越名臣矣、亦各守其所道耳、然則公之死、不待湊河而後決矣、亦各行其志爾、

平岡郡有盜馬者、公執而詰之、曰、小人有老母卧病、

三楠遺規

卷上

十四

醫云、得粟二石、則療之、然家貧不能儲儋石、目盜馬、易粟三石、云云、公曰、汝何為貪也、對曰、小人賣千魚為生、不幸係脚疾、百餘日、所以貪至此也、公乃斷曰、失馬者已得馬、所費數月、不得用馬耳、其與粟二石償之矣、買馬者不能得馬、其與粟五石、可以得善馬矣、盜馬者據法逐之、鄉里矣、然事出於治母病、而貪亦非自取也、其可給田養母矣、醫師貪而無厭、遂使孝子為盜、其罪大矣、勿使愛我三弟亂教化、其永放之矣、已而召縣令宇佐美五郎者、誠之曰、此皆汝情

政所致也。往昔未至如此，豈驕侈移性而不自知耶？汝其警之，而我不能常誨汝，則我亦有罪也。五郎悚然深懼，杜門不出數月矣。於是河攝泉之間，人人自勵，風俗大變焉。

迂恠子曰：公治國之才，更長於軍旅，惜史乘鹵莽，不詳載其政績也。然若其斷馬訟，情理法三者兼盡焉，而以教化為之本，寸管足以窺全豹矣。傳云：聽訟吾猶人也，必也使無訟乎。公有之。

菊池武重奏：小貳貞經殺使者，應北条英時、父武時

### 三楠遺規

#### 卷上

十五

死之，請正刑法。貞經大惧，竊獻黃金二千兩、虎皮二十枚、沈香三百斤、麝香三十斤、卷絹三百匹。准后藤原氏而乞救援，更自別當庶吏至雜色牛飼咸厚賂之。於是准后白帝下議，諸將尊氏庇貞經，義貞已下無所可否。公乃對曰：貞經之罪明白無疑矣，彼以殺使者為其人報私怨，然則何不誅其人而謝菊池氏乎？武時攻英時，不獨不援之，反應英時，故武時戰死，而九易過半屬賊焉。當六波羅未敗，則一媚英時，聞其既陷，輒襲殺之，無勇無武，禽獸之所不為也。道

路或言：貞經多行賂，公卿間輜重絡繹入京，亦足以見其心姦焉。臣故謂不誅貞經，則無勸忠義之士也。坊門清忠曰：正成誇忠侈功，言不憚朝廷，其罪非輕，命斥之，而帝終不罪貞經也。

迂恠子曰：公言朝廷之利害是非，直切痛快，鑿鑿刺骨，如秦越人按脈投藥，雖唐宋名臣奏議，恐不能及也。

尊氏讒大塔皇子，帝執之，欲命直義幽之。詢公，公對曰：皇子盡忠守信，百戰成功，恐無謀叛之理。雖尊氏

### 三楠遺規

#### 卷上

十六

所奏焉，知其非謬，傳訛言乎？徐蒞事畢而後處之，亦未晚也。且尊氏兄弟與皇子不善，今命彼幽之，皇子所不安也。無已，命之佗將，又何不可哉？皇子苟有冤而死，則陛下將負譏萬世，雖悔不可追也。帝色動，將從之。准后多方構陷，終囚之於鐵倉土窟中。

迂恠子曰：皇子驕侈，將士橫暴，遂為尊氏所陷，可恨矣。獨恠公與皇子善，而未聞一言為皇子計者，豈皇子强悍雖諫之不用耶？而史偶佚其事耶？若夫諫帝，言言滴血，而帝不能聽之，其蠱乎？准后也。

又深矣、

公與滕公滕房善、屢過論事、滕公將遁世、竊招公言志、公退嘆曰、滕公去則朝庭無復一人可共言者、我亦不知死所矣、

迂恠子曰、公之心唯滕公知之、滕公之心唯公知之、而或去或死、迹不必相襲焉、正所以同其心也、北条時兼起于北國、帝命義貞討之、義貞辭以病、更命公、準后曰、正成智勇絕倫、深得人心、使其北伐、必能立功、而恐不復還矣、何則、彼本出寒微、俄領三易

三楠遺規

卷上

十七

又俄得兵權、雖欲不驕侈而得乎、不如命之、他將又所以保正成也、帝惑改命桃井直常、公聞之曰、準后之所誠、寔千古金言、抑后之才、可以傾國焉、不獨在其色也、

迂恠子曰、或云直常北伐、問策于公、公曰、時兼雖年少、有智有勇、非凡庸之將、然計之云云、必無不捷也、直常從之、後每戰、必以公言為法、或然、北条時行起于東國、帝賜節刀尊氏征之、公聞之、謂正季曰、尊氏此行、必不還矣、

迂恠子曰、朝政日非、武臣思亂如飢渴、先叛者必得志矣、非尊氏之才能收人心、而朝庭恃驅武臣資奸雄耳、

尊氏與義貞角立不相下、諸將各有所左袒、而公獨執禮中立不黨、

迂恠子曰、或云、是時由良某說義貞、欲斃公宴間、揚旗京師、而公知之、不赴其招、云云、此足利之徒欲分醜新田而所妄作、何則、義貞東敗止尾州、加賀美下山等勸叛、而義貞不從、亦可以徵其無他

三楠遺規

卷上

十八

志也、世以尊氏比朱溫、義貞比李克用、似矣、竊謂帝若命尊氏討義貞、則義貞亦恐不保、無憤憤區京之情也、如公可謂出其類拔其粹者矣、

尊氏義貞各訴其叛、朝議不決、召公問之、公對曰、天下將士思亂如飢渴、今使義貞討尊氏、則將士必多屬尊氏、使尊氏討義貞、則將士必多屬義貞、以臣計之、不如且慰義貞、宥尊氏、而施仁政、收人心、為百年無事之基、清忠曰、直義已弑、兵部卿其叛決矣、命義貞六師征之、何不捷之有、兇賊授頸當在近矣、正成

調停之說不可用也。帝從之。公退謂人曰。直義弑皇子。大逆不可言。然以一皇子不可易。天下大亂也。義貞此行亦不必勝焉。縉紳不解事。覆官家天下者。必自尊氏矣。

迂恠子曰。公調停之說。亦出於不得已。當是時。土崩瓦解之勢已成。雖有善者。未奈之何矣。

公數奏請與義貞共討尊氏。帝詢之義貞。義貞曰。東國之事。臣任之。幸莫勞瘠慮。而輦轂之下。不可無防備。宜留正成。臣亦安而赴敵矣。帝從之。

### 三楠遺規

#### 卷上

十九

迂恠子曰。義貞之拒公。似欲獨專其功者。使公副之。雖則不捷。不至大潰。不可救如彼也。媚嫉一念。遺患國家不少矣。

義貞東敗也。細川定禪起於南海。遙應尊氏。帝大駭。命公討之。公奏曰。中國北陸西州亦應並起。臣願聞中國之報。而後赴之。不然則敵將斷我後也。諸鄉或疑公恨言之不聽。託事不為用也。已而兒島高德報曰。藤谷朝山起於出雲。熊谷小早川起於安藝。戶板大內起於周防。三村庄石川成合起於備中。中吉利

起於備前。官杉原起於備後。請速討之。而赤松父子亦叛於播磨。諸國羽檄如矢。於是帝與諸鄉咸服公之先識。

迂恠子曰。帝亦何不推誠用公。天下未有不可為之時。特憂無其人而已。知而不用。與其不知者何擇。

公既敗。則村定禪於攝津。將入京。遇尊氏使者於途。其書曰。尊氏盡忠國家。有功無罪。而為逆臣義貞所讒。不圖得賊名。然朝政不公。姦佞得志。抑亦天開英

### 三楠遺規

#### 卷上

二十

雄割據之時也。而今而後。畿內五國南海六州。及近江伊賀公領之。尊氏自鎮東國。直義制西州。三分畀峙。共困義貞矣。惟公念之。公罵逐使者。奏其書於帝。遽命公為四國九州管領。

迂恠子曰。當此時。使公一合足利。則新田氏立滅。而尊氏霸業之成。速於反掌矣。公之一身不獨關朝廷盛衰。而又新田氏存止所係焉。

義貞還京。公訪之。義貞叙函根竹下之敗。因言尊氏兄弟在伊豆。欲再與之戰。以兵寡不果也。公曰。尊氏



兵畧拙劣、此時必不設備、公偏師襲之、疑兵驚之、則新叛者再應我、兄弟可獲也、義貞亦深悔之、公曰、聞尊氏已在美濃、京師地廣難守、不如奉帝山門且避其鋒焉、彼兵衆糧乏、將自潰矣、義貞曰、我已屢敗、又不能守京師、奈天下斥笑、公退謂諸將曰、義貞不用我言、京亦不可守也、戰亦不可勝也、

迂惟子曰、握奇制勢、有無虛實互用、此是黃帝之秘、雖宿將如新田氏、不能會其旨也、而惟公妙參於此、聞之公嘗學道異人焉、然乎然、

三楠遺規

卷上

二十一

尊氏大舉來犯、名和長年防瀨田、公分兵助之、而自守宇治、義貞禦大渡、千種忠顯備山崎、公憲縉紳怯弱、遣人說義貞分兵、義貞不聽、於是山崎先破、公即詣關促帝行幸、而躬率其軍赴山門、節制嚴肅、百萬敵軍環視不肯逼也、

迂惟子曰、傳云、公以義貞不聽其言、與十二騎向山崎、經鳥羽至秋山、則山崎已敗、蓋此時敵勢不可當矣、十二騎雖勇、恐難支之、不知公奇計何出也、試念之、

官軍將士悉詣行在、公輒頒米穀糶糠各各給之、以故人馬無飢餓之患也、初公多藏糧糶于山門、已不受金錢買之、更取之本國、又奪之敵國、積至數萬石、人不知其故、於是始感其深智也、

迂惟子曰、公不獨有韓之略、更有蕭之才、而況以諸葛之忠貫之者乎、可謂難獲之完材矣、

名和結城諸將相語曰、如足利者真可畏焉、往者直義勸尊氏上洛、破六婆羅、而今又將篡天下矣、非夷所思也、公曰、不然、尊氏無智無勇、直義少有才而怯

三楠遺規

卷上

三十二

懦當其破六婆羅、若東軍在南都者急擊之、則恐不能一日在京也、且如其欲携妻孥上洛、而為高時所疑、偽誓纔得解之、若非高時暗愚、則不得欺之也、予則謂、當此時竊請敕書舉兵直攻鎌倉、則先可為新田公之所為也、是亦可以知其昧兵略矣、如部將仁木細川高等所計、動在彼兄弟上、義貞亦深然、公言迂惟子曰、足利兄弟為人、公言悉之、然其所以篡天下者三焉、曰門地太高也、曰恩賞不吝也、曰屢敗不折也、此可以篡天下而不可治天下、若夫治

天下者、非公其人、則不可也、

官軍既燒三井寺、走定禪、而義貞欲長驅入京、公留之曰、若尊氏大軍來逆、則我兵已疲矣、恐不能戰也、不如且還坂本、義貞不聽、進擊大破尊氏、已而定禪與赤松父子、遽來襲義貞、公乃與長年敗之、救義貞而還、官軍再與尊氏戰、殺傷相當、公又屢救義貞於危急之際、勝敗未決、而公欲奇計圖尊氏焉、

迂恠子曰、是時若非公左右義貞、休養其力、則義貞雖勇、何得敵尊氏之大軍哉、有功而不居、是公

三楠遺規

卷上

二十三

之所以為公也、

公之在金剛山、有杉本某者求仕、公問其所能、對曰、某無佗能、唯善泣、公命其泣、不獨自泣、又使人悲哀不已、公乃祿之、於是公使杉本某為僧、夜泣野外、或問之、應曰、義貞正成、皆戰死、故欲索其屍也、聲淚並下、聽者悚動、尊氏以為信、梟二首肖兩將者于戟門、題曰義貞正成、不復嚴兵備焉、公乃欲與諸將襲尊氏、而千種氏違約、故敵軍先驚、尊氏奔丹波、直義奔攝津、其餘皆潰散矣、

迂恠子曰、牛渡馬勃、敗鼓皮、並畜施用、醫師之能、而不龜手之藥、善用之、則可以決戰之勝敗矣、如公用杉本某亦然、可謂一大一小一縱一橫、無所不妙焉、

公屢說義貞、請究討尊氏、義貞方湛色、不果所言、而尊氏得間聚兵、將來攻京、公又告計、義貞不用、而與北畠顯家攻直義於豐島川原、公以偏師橫擊其牙、軍直義敗、義貞欲還京、公固爭之、又與直義戰於小清水、公奮擊大敗之、公欲乘勝急擊尊氏於兵庫、義貞遲緩後期、尊氏航海而逃、公欲殲之、所至、義貞不聽而還、公常以為千古遺憾也、

三楠遺規

卷上

二十四

迂恠子曰、傳云、公謂正季曰、義貞近日所為、何其惑也、當進則退之、當待則促之、當獲則放之、事事倒行、物物逆施、焉得以此與尊氏爭雄哉、勾當內侍殆奪之魄矣、夫新田氏者、一時名將、而且不能聽公言、況縉紳之怯懦乎、公之命亦谷矣、公謂義貞曰、尊氏新敗、兵弱力微、今若急擊、可克也、時不可失矣、及其兵力強大、則不可制也、外人或言、

公自賜內侍、日夜惟酒色是耽、內忘將略、外廢軍務、雖將士不得屢見也、古云、名將不嫚、如君謂之不嫚耶、不獨取譏當世、而將遺笑後人矣、忍一夕之歡、而立萬世之勲、君豈無意乎、義貞赧然曰、公之戲言亦太甚矣、我何其然、公退謂將士曰、尊氏必再來、我死無日矣、汝等勉之、

迂恠子曰、公敢諍直言、無所回辟、顧慮義貞雖不能從、然亦不怨公、亦不怒公、是公之至誠、所以深入人也、

三楠遺規

卷上

二十五

公深憂軍政之荒、條上數事、清忠壅蔽、不奏、公退嘆曰、今日國家之患、不獨在尊氏、如準后清忠、皆服心之病也、覆朝廷之政者、必在是人之所為矣、

迂恠子曰、中朝黨論未已、何問河朔之賊、古今衰世同轍、蓋公之心事亦可哀矣、

公謂顯家曰、帝已不能用言、而義貞荒嫚無度也、尊氏傾覆天下、必在近矣、今及尊氏懷畏怖之情、朝廷速赦其罪、講和諸義貞、而制御有道、則猶可為也、朝廷若聽之、僕說尊氏必使其上洛也、公為一奏之、顯

家從之、帝不能用、

迂恠子曰、此亦千古妙策、猶可以存皇政萬一矣、誰謂公忠節有餘而權略不足耶、

則村使人言曰、朝廷若赦前罪、得領播磨、則願永屬官軍而勵忠義矣、公與義貞請之、朝義不可、公曰、不聽其請、則不若急襲之也、義貞不果、於是則村城壁完備焉、

迂恠子曰、赤松父子、絕望朝廷已久、欲應尊氏、以城壁未完、為緩兵之計耳、義貞信之、或有之、以公

三楠遺規

卷上

二十六

之英明、恐無不察之之理、雖史所傳亦可疑也、若夫不聽其請、則急襲之、又非公恐無此言矣、

尊氏再將大軍來攻京、帝聞之大懼、命公戮力義貞、義貞時攻則村於播磨、公奏曰、臣屢勸義貞、究討尊氏、義貞不聽、終使其致強大、且夫則村者、枝葉也、尊氏者、本根也、而今先枝葉而後本根、非計也、又屢為則村所破、我軍氣大挫矣、尊氏與直義海陸並進、義貞宜留一將當則村、急進擊直義於備中、仍可勝也、而尊氏聞陸軍之敗、亦應走也、而今義貞不然、反班

師於兵庫、以故尊氏直義海陸合焉。我兵機又失矣。為今日計、不若陛下且幸山門、入尊氏於京師、而臣與義貞謀夾攻之、則逐尊氏而復京、不出一月也。清忠曰、今春尊氏大舉來犯、我固嘗破之矣。聖運隆興、彼何能為、且不出一年、兩幸山門、於例不祥也。帝從之。固命公速赴義貞之軍。公長嘆而退、謂將士曰、我死決矣。

迂恠子曰、公料敵決勝、鑿鑿乎如言其已然、何其神也。舍神策而不用焉、千載鬼哭矣。

### 三楠遺規

#### 卷上

三七

公止櫻井驛、遣人金剛山、急召正行。正行時年甫十一、從數十騎至。公曰、汝已餘十歲、必能記吾言。我雖屢竭忠獻策、而朝廷不能用、而義貞戰略亦動失機。後事可知也。我欲一死以報國而已矣。夫我家本在民間、元弘之初、應詔討賊、起拜三州守也。君恩無窮、山海難喻、以吾死故、勿懷怨於朝廷矣。我死則尊氏得志天下、或以厚賞重祿誘汝。汝苟貪富貴、而遺大義、則非我子也。八尾和田恩地諸將、今遺之於汝。汝其父事之事、無大小詢之、勿廢文、勿惰武、收民心、振

士氣、誅克賊、復王室、則我雖死猶生焉。汝二弟尚幼、汝其誨之。我告汝亦止于此。乃出書一卷、劍一口、手授之。正行涕泣不能仰見。

迂恠子曰、公所遺之書、不知其何所載。世所傳櫻井書者、斧鑿顯然、模擬亦太拙矣。竊疑公條脩己治人之要、如揚椒山訓子帖者、或云、公所遺之刀、即公常佩、所云菊造者、或云、父正玄所傳者、或云、帝之所賜者、未審孰是也。嗚乎、公有恩有義、情理兼臻、范孟博訣子適在下風矣。

### 三楠遺規

#### 卷上

三八

正遠曰、今日恐非君速死之時也。尊氏之兵雖衆、軍無紀律、而舉我三州之兵不下二萬、以此與尊氏決。雌雄於伊丹尼寄之間、亦未必不勝也。不然、則君託疾還金剛山、而臣與尚政同援義貞、亦無害乎名義矣。尚政曰、正遠之言可用也。且我有大艦數艘、選三州馴水者、擊尊氏海上、而使義貞當直義焉。我既敗水軍、則陸軍亦自走。是亦可勝也。雖君不在、臣與正遠亦能任之。公曰、卿等所算皆善。然吾察近日人心向背、雖一退尊氏、而尊氏復來矣。況除一尊

氏則生一尊氏也、王政長已矣、不如一死潔身也、且攝津者我之所領、亦不負首邱之義也、鄉等毋復言、我志決矣、顯幸曰、某齡已近六十、殘喘不足惜、願與共死、公曰、不然、我死則家不可無老成人也、願卿與正遠尚政合志教育、正行使其能、繼我志、則我雖死不朽矣、諸將不得已涕泣從之、

迂帷子曰、若用正遠尚政之計、亦未必敗、而尚政之言最長矣、

公至兵庫、正季及志貴生地、平野高安丹下安間等

三楠遺規

卷上

三九

僅七百餘人、義貞見其兵寡、辭氣非常、而疑其決死、多方慰解之、公陽優答之、

迂帷子曰、義貞至此、區々以舌頭慰解公、殆似兒戲矣、

公當直義、義貞禦尊氏、義貞慮公寡兵、欲使諸將助之、武光亦請分其兵、公並辭之、而命志貴右衛門三百騎為先陣、公二百騎次之、迂二百騎為後陣、而願見義貞之軍曰、義貞必敗矣、防海軍不得其方也、因招其將舟田某告之、義貞不能解之、已而直義大進

決戰、志貴奮擊破則村父子、公與正季乘之、細川島津皆敗、直突直義牙軍、亦走、時海軍多上經之島輪田寄、公退於湊川、清氏曰、義貞既敗、公無後援、何不速退、公荅曰、我與直義決死而已、聞者相顧吐舌、而直義再麾兵而進、公復擊破之、殆獲直義、尊氏命高吉良石堂畠山等援直義、公令曰、彼步兵也、急騎突之、師直備弓兵、公改令曰、我亦射之、志貴與師直相射、公與正季橫擊之、師直暨吉良石堂皆潰、公自辰至未、凡十六合、人馬皆疲、從兵纔七十騎、無不傷者、

三楠遺規

卷上

三十

公入一民家將自盡、而直義使者須賀某至曰、義貞已敗、足下獨留破我軍、不知其數、竊感足下忠勇、且懷舊誼、足下若欲歸國、則速啓軍而導之、公謝之、直義尊氏皆制軍不動、公乃與正季以下七十餘人並死、公年四十三歲、正季三十二歲、橋本八郎和田五郎送公及正季首於直義、而焚其屍、亦耦刺而死、建武三年五月二十五日云、

迂帷子曰、史云、公將死、問正季所欲、正季曰、七生而必滅此賊、公曰、先獲我心也、乃相刺而死、竊謂、



此語壯則壯矣、然非從容就義之意、以此當菊地  
兒島諸人則可矣、以為公兄弟之言、予未能信也、  
如公者、所謂知不可而為之者矣乎、

三楠遺規卷上

三楠遺規

卷上

三士

三楠遺規卷下

左金吾

左金吾楠公、正行、廷尉之長子、幼字亦齋、多聞曆十歲、後父討北條時光於飯森城、威容儼然、衆已屬望、公既至、自櫻井、聞廷尉凶訃、不堪悲哀、而尊氏又送廷尉首、公一見慟絕、誓欲紹父志、回復王室也、而師直乘喪來犯、八尾和田恩地逆擊敗之、雖廷尉死矣、而楠氏之威凜然未嘗少撓焉、尊氏詐迎帝而幽之一之谷、悉囚官軍將士、八尾和田恩地等計奪帝、尚

三楠遺規

卷下

政潛入京、回刑部景繁奏之、帝嘉納之、已而尊氏聞帝之出宮、遽命師直追之、尚政佯護乘輿欺之、師直以為帝尾之、尚政入飯森城、而師直知其有備、亦不攻之、以故帝無追兵之難也、公始謁帝於南山行宮、時年甫十三、先帝既崩、公卿或散去、於是大和將士圍檜原大富池、上岸大島高田等十四人謀叛、尊氏乃命師泰襲行宮、而叛者將應之、公知之、託議軍事召十四人、命十八士盡斬之于途、蓋十八士者即所謂二十八士、徇廷尉者之餘也、山本杉山坂井生地

為之魁、云、公使和田源秀奏其故、且護行宮、而躬與早瀨志貴、木澤等以精銳數百騎、夜襲師泰於八幡、殆獲之、而詣朝奏捷、

迂恠子曰、公此時僅十五歲、八尾和田恩地前後皆沒、事一取之、公獨斷而誅戮十數將士、左右莫知其故、而即夜襲師泰、出其不意、並不動聲色而處大事、雖宿將老師所不如焉、尚政嘗言新君明敏果決、軍機極神、使其至成人、或有賢於先君者、於是又知其非阿所好矣、

三楠遺規

卷下

公屢破則村於攝津、尊氏患之、命諸將來攻、公大敗之、諸將纔以身免、而公將復京、使持板早風等日候尊氏直義及師直兄弟所為、

公築城十二於中島伊丹豐島之間、而斷糧道、則村不能拒之、告急、尊氏命諸將欲悉陷諸城、而持板等來告、大軍既發、京地無備之伏、於是公與恩地高安、嚴尊氏七條第、志貴早瀨襲直義三條第、丹下庄水澤襲師直唐橋第、尊氏踰後垣奔丹波、直義出複道逃近江、師直多被傷、亦至近江、已而公聞尊氏在丹

波急追之、尊氏潛入若狹、而攝津諸城之圍亦自解矣、

迂侘子曰、此是千古痛快、雖廷尉恐不及公之神速明決矣、

直常使人來說曰、若賜加賀能登、則永屬官軍矣、則村亦言若賜備前播磨攝津、則盡忠以償前罪矣、而足利高經與尊氏有隙、亦言若賜越前尾張、則討尊氏以立功矣、並曰公請之、朝儀曰、乞降需賞、非義也、且何州為何氏封土、某國為某氏采地、皆不可賜也、

### 三楠遺規

#### 卷下

公奏曰、方今以偏小南都與強敵爭天下、苟非遺細故而達大休、則不可為也、夫賞降者而勸來者、所以傾敵心、且為封土為采地者、皆已為敵所據、有名而無實也、今不許彼請、必深其怨而為害亦不淺矣、貪虛名而買實害、並非計也、不若一從彼請以促立功矣、至一統之後、易以他地、亦無不可也、帝不能用之、於是無復乞降者、官軍日孤焉、

迂侘子曰、公戰死之志是時已決矣、不必待四條暇之日也、

師直師泰攻八幡城、本宮太郎左衛門叛應、城將早瀨左衛門死之、公聞八幡陷曰、是必有叛者、豈本宮乎、早瀨亦必不生矣、失吾老功也、因為之泣、然已而敗卒來報、果如公言、

公謂弟正時曰、近日朝政日亂、公卿皆姑息偷安、無進取之志、而刑罰不當、爵賞甚吝、雖屢諫之、言皆不聽、故如本宮等已降敵矣、蓋人人知王室不能復中興也、予受氣太薄、善病、若徒死牀褥上、不能明先君之志於天下也、則謂遺命何哉、我亦有一死而已、卿

### 三楠遺規

#### 卷下

與正儀協心、可永護王室矣、亦先君之志也、正時曰、我亦如君志、此滔滔之世、生又奚為、正儀在焉、一死一生並無遺憾矣、我必與君同死矣、而諸將士亦多請從之、共盟者凡百四十三人、

迂侘子曰、野史多正時作正之家譜、作正時、豈正之後改為正時歟、

公數逼京師、尊氏大惧、命師直發二十餘州兵擊之、公曰、藤原隆資請一拜天顏而往、帝揭簾臨見將士而慰勞、公俯伏垂泣而出、又謁先帝廟、題百四十

三人姓名、然後乃設、

公使隆資當前軍、而躬逼師直于四條畷、阿縣某橫衝之、公擊靡之、武田某代進、公復破之、當此時隆資已敗、或請退軍、公叱之、必欲獲師直、而仁木細川宇都宮等遮鬪、公盡破之、乃聚其兵、踞隴而餉、於是將士皆殊死戰、源秀斬松田犬王斃、南次無不一當百、敵軍大困、而有上山某者、佯為師直、麾兵、正時斬之、已而公知其非師直、益進索師直、殘兵僅四十餘人、野田與岩崎相搏、鬪地與久米相搏、而源秀又與本宮相搏、伏之、衆來救本宮、叢刺源秀、源秀啗本宮、斃首斷而齒不啓、本宮終以此狂死也、公與正時亦被傷數十、呼曰勿為賊所獲、乃耦刺而死、公二十四歲、正時二十歲、恩地以下見之皆死、而三宅味澤二人突圍還金剛山、傳公及諸將士戰死之狀也、正平四年正月五日云、

迂恠子曰、世以廷尉比孔明、以公比思遠、深以為相當矣、余則謂不然、廷尉孔明固匹也、若夫思遠雖忠、或似公、而用兵則迥不及焉、嘗謂使公至四

十五十、則其將略將有踰廷尉者矣、嗚呼惜也哉、

左典廐

左典廐楠公、正儀、廷尉之三子、幼字小次郎、湊河之役、尚在襁褓、嘗自言不能記父之音容也、公已從兄左金吾遺命、領三州之兵、護帝南山、朝廷依安焉、師泰多築城河內、將士請曰、師泰倨傲、無所憚、侮我太甚、急擊破之、以張我軍威矣、公不用也、直義之降、將士欲誅之、公又不聽也、於是將士相謂曰、如兩先君必不矢是機、而今而後吾等無復死地矣、此公韜略寔不及前世遠焉、公聞之、亦坦然不以為意也、

三楠遺規 卷下

迂恠子曰、公為人深沈寡默、喜怒不形乎色、而極有高識、遠畧人不能窺焉者、將士譏議、亦以不知公之所造耳、或曰、左金吾得廷尉之明、而公得廷尉之靜也、亦不為無所見矣、

尊氏討直義於北國、使義詮守京、義詮乞降、帝詢之、公曰、是詐謀也、然不如且聽其請、以成我計矣、帝從之、還幸止于住吉、義詮信之、京地無備、公急襲之、斬其將細川賴春、已而聞義詮在湖東、請追討、帝不聽、

而止。

義詮大軍來犯，公屢獻防禦之策，廷議不用。公孤軍大戰于荒坂山，退敵二十四回。帝慮其戰死，敕還之。命公募兵河內而援八幡，兵未集而城先陷。帝與數十騎出，危甚。恩地元綱赴之，破追兵。帝大喜，即命為伊勢守，賜玉劔。

諸公卿畏怯先逃，而以城陷誣公救援失期。帝惑，收公三州，奪元帥。將士皆愠。尊氏使僧某說渡邊某曰：「公若降北朝，則當加賜攝泉和紀兩伊六州也。」渡邊

### 三楠遺規

#### 卷下

喜，與諸將請之，且呈尊氏之書。公怫然曰：「卿等何為然？余雖不肖，父廷尉兄左金吾，苟貪富貴而昧大義，則天下後世謂之何？不獨負罪朝廷，而遺累父兄亦不少矣。且所以實讒者之口也。卿等必欲為之，先斬我。首然後從事於此。吾今日有一死而已矣。」聲色殊勵。將士皆懼，肉袒乞罪。而渡邊自殺。公乃捕僧併渡邊首奏之。帝感悟，因復河內。且約後日為元帥，而諸卿讒者皆羞，轉稱嘆其忠節。

迂侘子曰：世或疑公之忠不及父兄，蓋觀此亦可。

以釋其雲霧矣。傳以渡邊之死為公誅之，然渡邊

亦楠家之選，其為自殺無疑也。世以為猶誅焉耳。

隆俊康長與山名師氏攻義詮於神南，公屢叙戰之

利害，諸將不用。進擊自敗，死傷無算。公獨全孤軍退，

不損一人也。公又建夜襲之策，諸將怯而不聽。公乃

自以其兵襲之。和田志貴丹下當義詮於神南，安間

早瀨當佐佐木於櫻井，湯淺富田三宅當細川於山

寄，同時發之。公自領游軍援之。義詮以下大敗績。畠

山道誓將數萬騎來犯，公會將士議之。公曰：「敵勢方

### 三楠遺規

#### 卷下

銳，不可戰也。不如清野，毀諸寨以金剛山一城禦之矣。正武曰：「未見敵而先毀諸寨，不勇也。請逆擊之於渡邊。」公曰：「未知可勝而進戰，是自滅己。」元綱曰：「正武之言固危矣，然自毀之亦似怯，不如存之以守金剛山也。」公曰：「諸寨恐不可保，苟陷則熾敵氣焉。若固守金剛山，相持數月，則彼兵衆糧乏，將自退，而我追擊之，可克也。」將士皆同。元綱公不得已從之。後諸寨皆陷，如公所算也。

迂侘子曰：尊氏始來犯，廷尉以此說義貞而不能



用也、不意公頓會之於此、廷尉遺法依然、長存焉、和田恩地之徒、雖忠勇不辱父祖、何敢與于此哉、細川賴之將大軍來攻、公與諸將固守金剛山、賴之不戰而還、而使人來說勸公降北朝、公從之、和田恩地諸將仍守金剛山、

迂恠子曰、公之降北朝、世多疑之、蓋公已知南風不競、欲講和兩統、而賴之亦同其志、故其來說也、喜而從之耳、否則賴之大舉來攻、不戰而還、何也、公之往降、和田恩地已下、留守金剛山、何也、據其

三楠遺規 卷下

九

迹、亦可以徵其志矣、惜賴之罷職、而公亦病卒、遂不能成其志也、或曰、天授弘和之間、公復歸順南朝、其或然、豈以賴之被讒、而山名氏大舉來寇耶、按公之卒、當在天授六七年、而南北之和、成于弘和九年、相距十餘年、而賴之猶未死、則焉知非公與賴之之說、暗行于其間乎、至今一統綿綿、與天日無窮者、不可謂之非公之力也、山陽賴氏曰、自古老成之謀、不合少年推鋒之論、而讒間入焉、終以被背叛之名者多矣、如近世片桐且元之於大

坂、可以見焉、公亦得非且元之類也、蓋可謂深得公之心者矣、

三楠遺規 卷下

三楠遺規 卷下

十

附錄

楠河州公画像記

故河攝泉三州守贈正三位右近衛中將楠公諱正成画像、據欸、親王懷良、正平四歲戊子五月二十五日、應正行正時之需作之、蓋其十三年忌辰也、原幅平陵吉見氏所藏、憂庵安達翁命工模之、永奉于家、請余記之、傳云、画像始在河內某寺、公神牌所在也、己而一落民間、其人不<sub>レ</sub>敢自安、乃納之丹南明教寺、寺僧慮其湮晦、室曆中携至京師、託之清光寺、寺故三楠遺規附錄

三楠遺規附錄

與吉見氏有舊、因請獲之、歷歷足徵也、按正平戊子係二歲、而今為四歲、似可疑焉、然當時親王奉命西征、干戈慳慳之際、偶誤之耳、益足以知非後人所贋也、嗚乎公之忠、天下之達忠、公之義、天下之大義、走卒厮養猶知尊敬之、况士大夫乎、聞其事、且想其人、况親仰其肖乎、詩云、民之秉彝、好是懿德、闡發仁心、振真義氣、莫切焉、翁以此遺其子孫、可謂得要矣、抑余微有說焉、昔王文成記文丞相祠堂也、謂忠義之降、激為氣節、氣節之弊、流為客氣、遂有憑其忿戾粗

鄙之氣、以行其媚疾褊駁之私、猶自以為節義、則於其道、所謂操戈入室者也、余亦曰、苟為翁之子孫、莫

拘其名、莫泥其跡、務盡其實、在家惟孝、在國惟忠、時和執禮、世乖徇節、必在其誠、是之謂善學公者、不然、雖誓願百拜日具三牲之祀、其於公之道、又將決裂破壞而後已、是豈翁之志哉、既記、因作之頌曰、厥高匪岳些、厥深匪淵些、惟公之道些、轉坤旋乾些、赤城綴竒些、金山守堅些、皇運之復些、公力居先些、茅土之封些、酬功未全些、如日如月些、昭厚公志些、湊水暴骨些、之死不异些、表忠旌節些、贈典斯備些、正氣所萃些、千歲想風些、隱然音容些、思深氣雄些、眉間火字些、憂國無窮些、嗚乎公德些、有始有終些、

三楠遺規附錄

附錄

明治十四年十月三日版權免許

明治十六年十月廿日出版 定價金廿五錢

山口縣士族

著者 東 崇 一

山口縣周防國玖珂郡保津村  
第六十番地居住

同縣士族

出版人 阿 部 準 輔

同縣同國吉縣郡山口中市町  
第五十五番地居住

發兌 阿 部 出 版 所

三楠遺規

卷上

同縣同國同郡山口特局小路  
町第一番地

弘 通

東京

博 聞 本 社

報 告 社

小笠原書房

西京

京都出版會社

大阪

吉岡平助

書 肆

岩國

辻本信太郎  
米屋伴藏

各國賣捌所別紙三掲

安東省庵 撰

三忠傳

貞享元年（一六八四）刻本

據貞享元年（一六八四）刻本影印



浪花書房  
群玉堂梓

平  
重  
盛  
公

藤原藤房公

楠  
正成公

三忠傳

金  
二  
冊

小松三位重盛公ノ義忠王太子侍賢門下平治十六時ヲ退ケ源平ノ合戦ニ忠節ヲ竭シ万里小路藤房公ニシテ義忠守リ義ヲ篤ク帝ノ輔佐ニ諫ニ納メ平乱ニ及ニテ止ム去テトテ忠ニ志ス夫ヒテ楠判官正成公世ヲ正行公ニ至ルデ忠勇義ノノ尊マズテ之ヲ公ニシテ戰事貴デ具ノ衆人ノ臣子ヲ忠孝ヲ勸メテ龍臺トス

三忠傳序

大凡<sup>フ</sup>生<sup>ル</sup>於<sup>ニ</sup>天<sup>カ</sup>地<sup>チ</sup>間<sup>コ</sup>者<sup>ノ</sup>孰<sup>カ</sup>無<sup>ク</sup>此<sup>レ</sup>心<sup>ヲ</sup>  
此<sup>レ</sup>心<sup>ヲ</sup>乃<sup>チ</sup>綱<sup>カ</sup>常<sup>ニ</sup>所<sup>レ</sup>在<sup>ル</sup>也<sup>ナリ</sup>爲<sup>ス</sup>臣<sup>ト</sup>盡<sup>ス</sup>此<sup>レ</sup>  
心<sup>ヲ</sup>之<sup>ノ</sup>忠<sup>ヲ</sup>爲<sup>ス</sup>子<sup>ト</sup>盡<sup>ス</sup>此<sup>レ</sup>心<sup>ヲ</sup>之<sup>ノ</sup>孝<sup>ヲ</sup>是<sup>レ</sup>謂<sup>フ</sup>  
之<sup>ヲ</sup>仁<sup>ニ</sup>義<sup>ト</sup>順<sup>ニ</sup>之<sup>ヲ</sup>爲<sup>ス</sup>順<sup>ト</sup>逆<sup>ト</sup>之<sup>ヲ</sup>爲<sup>ス</sup>逆<sup>ト</sup>綱<sup>カ</sup>  
常<sup>ニ</sup>豈<sup>カ</sup>不<sup>レ</sup>重<sup>カ</sup>邪<sup>ヤ</sup>

主忠傳序

本邦忠臣孝子乘<sup>メ</sup>時<sup>ニ</sup>間<sup>ニ</sup>出<sup>メ</sup>勒<sup>レ</sup>德<sup>ニ</sup>  
鍾<sup>ニ</sup>鼎<sup>ニ</sup>垂<sup>ル</sup>功<sup>ヲ</sup>竹帛<sup>ニ</sup>者世<sup>ニ</sup>不<sup>レ</sup>乏<sup>カ</sup>人<sup>ニ</sup>就<sup>テ</sup>  
中<sup>ニ</sup>平<sup>重</sup>盛<sup>藤</sup>房<sup>楠</sup>成<sup>正</sup>三<sup>ニ</sup>公<sup>當</sup>君<sup>昏</sup>  
臣<sup>逆</sup>之<sup>ニ</sup>時<sup>ニ</sup>極<sup>テ</sup>也<sup>ヲ</sup>臥<sup>勸</sup>勸<sup>夾</sup>輔<sup>ス</sup>王<sup>室</sup>  
世<sup>ニ</sup>之<sup>相</sup>去<sup>ル</sup>也<sup>ヤ</sup>百<sup>ニ</sup>數<sup>ニ</sup>十<sup>年</sup>其<sup>事</sup>雖<sup>モ</sup>  
不<sup>レ</sup>同<sup>タ</sup>而<sup>モ</sup>立<sup>ル</sup>綱<sup>常</sup>一<sup>也</sup>可<sup>シ</sup>謂<sup>フ</sup>

本邦之仁矣於戲三公之德  
之功炳焉與日月爭光兒童  
走卒所傳聞街談巷語所道說  
不待馬班之筆胡亮穎乎予本  
乏史才兼乏看國史如平楠二  
公寄與諸盛衰太平二記及評

三忠傳序

二

判者

朱老師老師名之瑜字魯  
與號舜水先生在長

崎有友人求楠公父子畫像贊

者乃作傳呈覽蓋二十有二年

于今矣自

羅山先生之傳至彼時五十有

七年矣不幸不得見焉去年  
之鬻書者又得村田自新氏  
傳猶恨見之晚矣如藤傳及  
贊從

先生撰不換一字雜諸拙作不  
特如史遷傳中有褚少孫之作

三忠傳序

三

猶沙磧並南金魚目混和玉柳

奈僭踰何且村田氏傳於楠公

文章精緻敘事核實較諸拙作

豈止武夫與美玉哉况記事不

如彼之詳悉間有事同而文異

者非為有疵癥而改之只載舊

作少增遺事焉耳北平楠公得  
中國大儒之贊誠千載之奇事  
也登時不及撰平藤二公傳之  
老師之贊是不獨某之有憾抑  
二公之不幸也聞昔有貪夫懷  
千金之璧不顧其義否或諫之

三忠傳序

弗止一旦讀伯夷傳則唏然起  
曰幾誤一生矣究竟稱廉夫讀  
此傳者知綱常知順逆訛亂臣  
賊子之心立忠臣孝子之節則  
文章之工拙非所拘也猶有遺  
事請君子補之

三忠傳序

五

天和三年歲次癸亥六月上浣  
後學安東守約  
省菴謹序

三忠傳序

夫忠臣孝子雖在混濁汙瀆之中而遇禮義文章之士則令聞義節永傳不朽不然堙滅而沒世不稱伯夷叔齊雖賢得夫子而名益彰顏淵雖篤學附驥尾而行益顯且黃四娘林氏媼之微得杜公蘇子託名迄今况孝子忠臣而託名無人不可勝嘆乎

三忠傳序

六

省菴先生於平藤楠三公誠其人也平公事元惡貫盈之父而

能共為子職可謂孝也藤楠二公當王室糜爛殘賊橫行之時挽將傾之轅於九折之坂或忠諫竭力或身終死節可謂忠也雖有若之之令聞義節而徒止於兒譚小說久軼于草莽之中矣於是乎

三忠傳序

七

先生作傳以表其實贊其德而忠臣孝子之名赫乎如火熾皓然如月明也至其文筆眇義則含其英華發其幽微真馬班之餘香薰于簡牘之間者也數百

載之下模寫二公之風標雖丹青之手豈得如此乎如藤公之傳完從

羅山先生之舊撰而今復不改作焉先正有言曰讀出師表而不流淚者其人心不忠讀陳情

三忠傳序

表而不流淚者其人心不孝讀此傳而不流淚者可謂之人哉於乎微此傳則誰知三公為後世臣子之師範乎然則

先生者寧三公之忠臣也夫

門生片岡宗純默菴謹序



三忠傳卷之上

後學安東守約省菴謹撰

平重盛公

平重盛公 桓武帝十三世之裔清盛嫡

子也母平滋子贈左大臣時信女 二條

皇后跡 高倉帝伯母也保元元年秋七

月當 崇德新院亂 後白河帝使清

盛源義朝帥師夜襲 新院宮白河勇將

原為為義子助弓善射射莫不中清盛

三忠傳上

懼而將退公單騎直前曰承命以出見敵強

而退非夫也清盛令軍吏止之時年十九亂

平清盛以功封播磨守

保安四年 鳥羽帝傳位于 太子

崇德院稱太上天皇保延五年 上皇

寵姬美福門院生 近衛院上皇甚愛

之三歲使 崇德帝讓位此時 上

皇刺髮稱法皇又稱一院崇德院稱新院

久壽二年 近衛帝崩 美福門院諡

告崩由 新院祀 法皇信之乃

謀 美福門院立 法皇第四子後白

河帝新院太監重位之早不立其子 重

仁保元元年秋七月 法皇崩先是宇

治左大臣藤原賴長怨朝廷蓄異志廢朝

新院國不軌至是去喪未浹月

新院謀賴長陰聚兵 帝召源義朝平

清盛 新院召義朝父為義父子及清

盛叔父忠正父子義朝清盛夜襲白河殿

三忠傳上

大破之 新院出奔賴長中流矢死遂

遷 新院于讚岐勅清盛殺叔父義朝

殺父悉夷三族是役也父子尋父兄弟推

刃君臣皆然其為禍也慘矣宜矣王道自

茲哀也

三年秋八月 帝傳位于 太子二條

院帝三十三歲稱太上天皇居三條殿萬幾

咸出於 上皇初藤原信賴以承媚姦校

獲寵 上皇擢任中納言右衛門督猶以

為不足求兼大臣大將

上皇欲許之詔

執政藤原信西信西雅與信賴有隙互欲置諸死地乃犯顏曰夫政以人為先彼非其人若授權要則異日必為國患退乃使畫工繪安祿山欺慢驕肆時寵覆唐之態為三卷以獻之其意指信賴信賴聞之大怨稱病不朝俄馳馬試劍欲擊信西義朝封拜不如清盛居常軟軟信賴賴之交結啗以利祿竟為刎頸之約冬十二月清盛父子赴熊野信賴以

王忠傳上

三

為得時即夜與義朝率五百餘騎圍三條殿信賴大呼曰聞因信西之譏信賴將所殺今將逆難赴關東縱火攻剽煙塵漲空士女狼狽自相蹈藉屠殺殺傷不知數哀號之聲震動中外上皇大驚不知所為伏見源中納言師中急奉乘輿兩賊遁入大內遂幽上皇于一品御所帝于黑戶御所信賴自為大臣大將封義朝為播磨守其餘黨與授官有差清盛已詣切目宿六波羅

清盛所居

在京城東南隅馳傳告變清盛曰此處去熊野不遠

將先拜神而後赴之為之奈何公曰方今君困于逆臣宜慷慨赴難之時也況神不歆非禮難違回神反降禍清盛然之家臣家貞供甲兵五十使使田邊求救於熊野別當堪增堪增給二十騎湯淺權守宗重亦給二十騎人曰義朝嫡子惡源太義平將精兵三千待安部野謀信賴止之清盛曰我兵僅可三百騎眾寡不敵當姑去四國聚眾而後起兵亦

三忠傳上

四

何晚乎公曰兩賊既辱二聖擅執威福

之權今不速赴彼必矯詔擊我我生為逆臣今速赴則我死為忠臣寧為忠臣而死不為逆臣而生況師之勝敗不在眾寡乎眾感激從之時年二十二已過鬼中山六波羅而人亦來眾皆問以義平之事諸人曰待安部野者非彼乃我兵伊勢伊藤士卒二百餘騎也眾騰躍爭進至六波羅藏人石少辨成賴勸上皇夜潛出宮遇變服間行如仁和寺

帝亦蒙衣而與

后同車出藻壁門

過上東門公及經盛賴盛

皆清盛弟

帥三百餘騎

奉迎大駕於東洞院擁護入六波羅移檄徵

兵畿內豪族風靡雲集清盛觀望大喜曰是

乃家門繁榮之兆也公卿相環下詔曰須挑

戰使賊空壁追來官軍疾入大內拔源氏白

幟立平氏亦幟令清盛衛

王所公及教

盛清盛弟

賴盛各領千騎以窺大內公行令軍

中曰年號平治也京師平安城也我平氏也

三忠傳止

五

以是三平平兩賊猶以泰山壓卵也奮擊勿

疑信賴聞兵聲視魂失色膽寒股慄不能下

階左右扶起上馬墜而傷鼻衄血淋漓義朝

昔敬信賴至是瞋目大罵曰怯哉不足與濟

大事也出日華門守有芳門公分兵為二番

五百騎於大宮表自內五百騎攻待賢門信

賴不及戰而逃公接短兵薄大庭掠樹下義

朝謂義平曰信賴怯懦既已敗衄汝疾戰可

追散義平率壯士十六騎

鎌田兵衛政家後藤兵衛與基佐佐木源

三秀義波多次郎義通三浦荒次郎義澄

須藤刑部丞俊通長井齊藤別當實盛岡

邊六彌太忠澄猪俣小平六範綱熊谷次

郎直實平山武者所未重金子十郎家忠

足立右馬允遠元上總介八郎弘常關次

郎時員片桐小八郎大夫景重等十六騎

也

大呼酣戰公交戰倖北賊未出來蹙息罷兵

三忠傳上

六

率大宮表兵復薄棕樹下以為犄角之勢義

平等力戰倍前公示弱亦北義朝激義平追

之賴盛率千騎攻有芳門義朝厲諸子曰義

平已苦戰逐北汝等宜併力而進果空壁追

來官軍輾入大內拔白幟立赤幟賊欲還歸

大內大內皆平氏赤幟大驚潰亂義朝義平

逼六波羅箭次御座著尸滿清盛將出軍逆

著兜鍪左右告之清盛曰恐後帝也人

皆笑漱石枕流之為遁辭也公以五百餘騎

逆擊大破之賊衆逃散  
萬歲兩賊伏誅

二帝反正衆呼

信賴自平氏兵起之日不及一戰逃走義  
朝東走過八瀨松原認迹及之遙呼曰初  
與足下約有難同患何棄我乎義朝大怒  
曰汝是天下怯夫何不自量謀此大事自  
亡亡人何面目見我乎以鞭毆賴信賴抱  
頭而退將往仁和寺請上皇求生夜  
過蓮臺野山法師欲捕之脫鎧刀馬鞍賂

三忠傳上

七

之得免伏見源中納言師中越後中將成  
親亦同信賴至仁和寺上皇使使請

帝皆免死使未至賴盛等諸將率三  
百餘騎捕信賴等賊徒五十餘人信賴至  
刑所仰天號泣曰聞重盛公仁者也盡救  
我死妾蛇俯伏無處施刀捕刺殺之已誅  
了石七十老翁來以杖叩其屍切齒大罵  
曰逆賊汝奪我相續之地使我至於此極  
也出券示衆此翁丹波在廳監物某也見

者聞者靡弗怒之義朝往尾張野間匿政  
家婦翁長田庄司忠宗第忠宗謀子景宗  
誘入浴室使三盜刺殺之義朝職父母兄  
弟微幸不得天假手於賊誅賊古云天道  
好還又云惡之來也已則取之其義朝之  
謂乎

上皇大賞清盛功永曆元年秋八月任清盛  
參議敘正三位專執天下之權永萬元年秋  
七月帝崩壽二十歲太子六條院即位時二

三忠傳上

八

歲八月延曆寺僧徒作亂燒清水寺

當大葬時諸山諸寺僧徒聚會縣榜南都  
第一東大寺第二興福寺北京第一延曆  
寺其餘未寺皆隨序縣榜是先例也此時  
延曆寺縣榜於南都第二興福寺僧觀音  
坊勢至坊著甲冑橫偃月刀大喚曰須隨  
例下榜延曆寺僧徒不答兩僧即挺偃月  
刀截零延曆寺榜瞋眼又大喚曰大衆欲  
戰來賈我勇乃開紅扇歌曰快哉水兮鳴

瀑水兮歌舞一時旁若無人翌日延曆寺僧徒率兵燒清水寺以興福寺末寺也先是僧徒好兵舍法衣著戎衣或稱大衆或稱衆徒或振日吉神輿或捧春日神木圖入京師劫朝廷者數矣今也當八音遏密之秋兩僧所爲如此延曆寺僧徒燒其末寺至是其無可言不學之業一何至此哉洛中騷動巷說不一或曰上皇令擊清盛公及宗族會六波羅堅守城門公曰此必

三忠傳上

九

訛言重盛當走朝以驗虛實上皇爲此屈大駕幸清盛第公途中奉迎入六波羅清盛稱病不見乘輿空旋公拜趨奉送意以爲是乃履霜之漸也歸家幾諫曰何陽之狩春秋垂戒千載至尊枉顧以冠直履不敬而懼乎清盛曰雖行幸而我意未釋其僭侈無君如此仁安二年春二月清盛超遷爲大政大臣如綱目書法則當大書敘從一位賜兵仗許輦車出入宮中公任權大納言許帶劔秋

八月授清盛以官符賜播磨肥前肥後郡縣以爲功田公弟宗盛任參議敘三位三年春三月上皇立其第三子憲仁是爲

高倉帝將八冬十一月清盛因病剃髮改名

淨海號入道相國時年五十一夫人號八條二位殿賴盛號池殿公號小松殿其餘子弟列備衆足清盛或居六波羅或居西八條或居福原別業華宮室貯聲妓汰虐日甚天下不復知有朝廷矣嘗使禿童三百人均一衣

三忠傳上

十

服著長絹木則必著褐袴著繡木則必著紅袴右持梅杖左臂烏著鈴及赤符日夜遊行洛中察人過惡無罪被刑者不知幾人人皆恐警道路以目嘉應元年春二月禿童殺三人其父殺禿童三人自殺清盛大怒盡族其座公諫止禿童夏六月上皇祝髮號法皇蓋憂清盛之橫也

上皇曰自昔賞功榮達者未有盛於清盛也貞盛秀卿討將門不過從五位上從四



位下賴義義家討貞任宗任武衛家衡無  
諭伊豫守從五位下逆臣亡者朝廷之威  
非必武將之力也今清盛矜尺寸之功無  
萬乘之君作勢作威力不能制之不如出  
家謝世事至是稱法皇

二年冬十月公第二子資盛放鵝而歸遇攝  
政基房入朝不及下馬前驅等辱資盛下馬  
資盛還家告公公赦以義方曰汝雖幼室已  
踰十歲未知禮義夫禮者自卑而尊人雖負

三忠傳上

上

敗者必有尊也而況攝政乎基房使兼光獻  
前驅等曰此輩辱令郎請隨意刑之公答曰  
勝兒冒禮為僞何辱賜命款謝還之基房猶  
禁繫前驅等清盛大怒謂家貞曰必須報怨  
則取公聞之諫曰資盛雖幼奴僕豈不知禮  
乎大人室責奴僕不可責攝政夫以德勝人  
者昌以力勝人者亡伏冀大人懲忿脩德公  
退清盛怒甚謂難波妹尾曰重盛寬柔不知  
子恥不顧父怒若等宜待基房入朝發兵剪

從者髻頃之基房入朝路出掘河難波等伏  
甲兵三百突起大呼聲震洛中截車簾絕牛  
勒追奔遂北顛從者髻蹂躪而去清盛大喜  
公駭走數曰家門之禍胚胎醞釀于茲矣大  
誠難波等曰爾等不畏天威不顧公義并髻  
朝廷凌轢縉紳設大人下令嚴呵何不告我  
為此暴逆罪職資盛之由也放于伊勢永安  
元年春正月 帝冠三月清盛第二女既  
笄為

三忠傳上

上

治承元年春正月以公為左大將宗盛  
為右大將先是 法皇近臣新大納言成  
親成親者公之妻兄也公之  
嫡子惟盛亦成親婿也 求大將不得至  
是恨宗盛為大將出於清盛之意計滅平氏  
乃密與西光法皇近臣康賴平判官等會東山鹿谷  
寬僧都山莊以多田藏人源行綱都督諸  
軍事 法皇久厭清盛之橫將微行于此  
會信西子靜憲諫而止之  
成親嘗招行綱勸酒子劍咄囁耳語曰某

密承院宣將討平氏委足下以大將軍之任事成則封侯可得及此會又予以白布五十端行綱喜而定約竟日宴遊杯盤狼藉向晚山風吹傘馬驚蹄響行綱等起席蹈倒瓶子成親悅曰平氏既倒了蓋以瓶子與平氏音同也康賴曰久醉平氏之衆俊寬曰爲之奈何西光曰不如取首梟諸木乃取瓶子首掛之樞衆皆大笑盡歡而去

三忠傳上

五

先是比叡山僧徒佐亂夏五月 法皇欲使成親等討之成親托事欲擊平氏行綱變約陰往福原告清盛以鹿谷之事清盛大怒使亂後守貞能趣聚兵來會者數千騎黎明使資成白 法皇曰成親等近臣恣傲殊恩方將族臣未審磨慮如何 法皇不及勅答清盛愈怒械繫成親拷訊西光西光不堪楚痛具吐情實及 法皇與謀之事遂罪西光之口以鈍刀漸斬殺之

縛西光置庭清盛瞋眼曰爾廝役賤人一旦幸矜朝恩橫護流天台座主剩欲亡我忽因山王罰今將自亡西光亦瞋眼曰汝父忠盛縉紳皆嫌殿上之交汝十四五歲未賜敘爵過繼母難過日夕執藤中納言家成鞭衣褐著緇履人稱高平太汝羞之開扇遮面鼻出扇間人稱鼻平太一旦擢爲大官此謂廝役賤人情盛大怒三四踴躍下庭蹴西光面西光罵不絕口清盛不

三忠傳上

五

堪怒拷訊極苦痛終碎割之且欲夷成親之族公請得有遺流清盛繫成親于小屋架木居其室公來過成親泣曰平治之亂免死君之大連也今亦得免將出家入高野山切願垂再造之恩也公謂清盛曰彼 法皇之寵臣不可以私怨專殺也清盛不肯公盡言讀有才免其夜之死公退清盛謂成親曰汝昔黨賊信賴罪既當斬重盛續汝之命其

後賜大國莊園，躬被深恩，祿位重疊，有何不足？欲亡我，一門哉？成親曰：僕全無此心。言者之寃也。清盛怒，呼貞能曰：爰有矯情論事之人，急持西光所首實一卷來，自開卷讀，二次汝能聽乎？亦何顏面以卷擲面而去？復召難波妹尾曰：須令成親苦痛號泣，我隔壁聞之。二子慮公之責屬耳，曰：某等當毆公側席，公須揚聲號泣。二子如約，成親揚楚痛之聲，曰：僕昔以小松殿之

三忠傳上

五

恩得全生，何倍公乎？清盛曰：固也。然虛言也，復當令號泣。二子復如約，成親號泣倍前。清盛大喜。

清盛不堪怒，躬著鎧，手把戟，踴出于中門，厲聲呼貞能曰：而聽之乎？保元平治之役，竭王室策勳，宗廟使天下之人得見天日者，孤之再造也。假令有違，猶宜蒙十世之宥，奈何聽讒臣欲亡忠臣，不先噬臍，方欲急發兵？  
法皇於鳥羽離宮置枕於泰山，顧重

盛不從，然舉此大事，不可不告，使使召公。清盛已戎衣，宗族皆被甲，戟弓橫列，坐于中門。廊士卒滿門，旌旗翻空。公著烏帽，直衣，得得而來。清盛慙而抱戟，俄來素衣，恐其鎧之著引衣，不已。衣已綻裂，欲蓋彌彰，猶抗顏告之。如告貞能，公涕泣不言。有問曰：重盛今將致命，無言可諱，伏願大人降氣平心，聽重盛言。嘗聞民生於三，事之如一。父生之，師教之，君養之，非父不生，非食不長，非教不知，生之

三忠傳上

其

族也。壹事之，唯其所在，則致死焉。死且致之，況可叛乎？先祖貞盛討將門，賞不過郡邑，賴義討貞任，宗任未聞陞台輔，大人爵擢一人，榮耀九族，武人登庸如大人，亘古所無也。今忘莫大之恩，謀傾萬乘之君，天下之惡孰大焉？抑  
法皇欲討，亦非無理。大人無君，非一朝一夕之故，故欲除肘腋之患耳。大人進思盡忠，退思安民。法皇喜，以為能勝其任也。尚有何辭以討之？其討也，自討也，非

法皇也夫忠孝難兩全重盛已備銓衡之員不可以有貳心須急走勸王大人不亦危乎保元之亂義朝與父戰終弑父心常疾之不意今日身親爲之悲夫從君則叛父從父則叛君進退維谷無處容身畢竟不可叛君父而苟免要須先列重盛首而後隨尊意行之因泣下沾襟清盛不悅曰孤有是舉亦爲汝等子孫也汝以死諍之不敢聽從公退戒諸弟曰縱大人老耄圖茲不軌汝等何不切

三忠傳上

諫出于中門廊戒羣臣曰爾等須待我死而後發兵歸家猶憶基房之事恐清盛復發兵俾家貞貞能言曰反狀已覺下詔於重盛以討大人重盛叩首請宥罪大人聞之恐自殺故令二臣保護清盛曰孤已致仕自後天下之事不可勾當悉附之汝汝能裁之二子歸報之公出候曰縱雖有君命何可侵父不得已而至劫所生如天之咎何二年冬十一月  
中宮生皇子言仁是爲  
安德天皇

中宮臨產危證百出八條二位急過一條掘河停車問橋占童謠曰榻何榻兮國王榻八重鹽路波寄榻二位問平時忠時忠曰波寄榻雖不可解而謂國王榻則是皇子矣後及寄身海濤乃知波寄榻也當其生重衡出御簾曰御產平安皇子誕生清盛夫婦喜極而哭聲聞于外是  
天皇  
入海之光也

三忠傳上

公爲東宮傳賴盛爲大夫三年春二月宗盛爲右大臣三月公辭內大臣夏四月公夢步屨海濱有巍然華表問之曰春日大明神也乃串僧首於劍舉羣衆中問之曰淨海罪惡貫盈明神戮之睡覺忽有敲扉者問誰曰賴尾太郎兼康屏左右語夢夢相協矣以爲運命將盡矣五月詣熊野禱神冊祝曰家父大逆無道動輒要君重盛爲長子極諫不從謹祈託家父之心得社稷之安即不能託坐不忍見族滅早殞重盛之命禱了火出於身如

朝大歸路公子戲水霑檻明衣宛然如容服公以爲吾事已畢矣歸家患惡瘡憂憤所致也時宋良醫來清盛使盛俊勸迎之公曰昔漢祖病創將崩呂后勸良醫高祖不肯曰命乃在天雖扁鵲何益重盛雖不敏而不知命乎遂不服藥頃之旋風發屋折木人馬多死神祇官及陰陽寮占曰百日中大葬及天下大亂秋七月南風驟起揚沙石竊冥晝晦將軍塚鳴動三次及大地震

三忠傳上

五

將軍塚 桓武帝遷都于平安城時造八尺土偶人著鐵甲冑持鐵弓矢西面立之瘞東山峯以爲京師鎮神卜之曰將軍塚天下將亂則此塚必鳴動

八月朔日公薨年四十三天下之人莫不哀惜焉墳土未乾清盛自福原大舉入寇竊法皇于城南離宮貶竄公卿以下四十三人子奪生殺一在掌握海內囂囂有新室之風四年春二月使 帝禪位于 安德

帝遷于開院殿稱新院新院二十樓安夫婦同爲准三后夏六月遷都于福原幽法皇于三間板屋使舊都之人與麥秀黍離之歎新都之人作夏臺羹里之思妬無寵尼愛妃小賢局驕奢淫樂罔有悛心初有娼妓妹曰祇王婦曰祇女妓麗善舞清盛召見大悅入房寵如夫人更廣母娣之第與月津百斛百貫妓皆羨之相謂曰彼名神祇之祇故取榮如神遂至有號祇

三忠傳上

十

一祇二祇福祇德者居三年娼妓自加賀來名曰佛御前容色歌舞稱爲天下第一爲佛以爲我雖馳譽洛陽恨未知太政入道若得一顧則價增三倍乃就家貞求見清盛怒曰彼以娼婦之賤不召而來甚無禮也當速擯出之祇王曰妾昔與彼同技因知彼之情不得一面恐彼之技不售清盛莫不言而從祇王使安部資成呼同之佛徐步蕭拜儀容婢妣如仙妹天妃清盛



欣然。侑盃。佛揚袂而舞。舞容婀娜。艷於西施。輕於飛燕。清盛不能定情。固留約如夫人。佛辭曰。妾前不自量。而干至尊。因祇王之緩頰。不意得侍免罪而歸。何榮如之。清盛曰。汝欲固去。憚祇王耶。當逐祇王。佛叩首曰。妾爲侍婢。猶非所當。況可逐乎。清盛不聽。使源大夫逐祇王。祇王愕然。泣曰。白晝不堪。驪面願待日暮。清盛大怒。斥出祇王。彈淚至母之居。母娣問故。嗚咽不能答。

三忠傳上

世

侍婢爲言狀。始得解也。清盛職移其月。俸贍佛之親戚。祇王憂悶。日懷輾轉。不起。母娣慰諭。亦無奈何。明年佛請曰。妾沐恩榮。本出於祇王之三寸盃。召彼而同歡娛。清盛使人召之。祇王不答。清盛大怒。曰。大人招之。何不及答。母曰。不往。則族爲我一至。祇王不得已。而往。清盛令佛坐上。坐祇王坐。廡下。佛覲然低頭。不忍仰見。清盛謂祇王曰。汝曷呼。不答。無乃恨佛乎。佛有何罪。

何不恨身。佛前有盃宜歌。而勸酒。祇王以爲爲母忍恥。可無不爲。乃勉強。拔淚而歌。歌中暗寓谷風之意。滿座莫不掩袂。宴罷。清盛曰。自今以往。宜不速而來。慰悅之家。寥祇王泣而歸。家方將自縊。娣亦欲同死。母曰。幼女死矣。老婦豈立世乎。祇王乃止。死。斷髮。娣亦斷髮。母曰。髮髮。斷之。既蓬髮乎。亦斷髮。三女同結紫扉。於嗟。峨往。生院絕。意於人世。春去秋來。悲風驚心。苦雨滴。

三忠傳上

世

淚挑燈相對。詠班女之吟。訴長信之恨。一日。夜將央。忽扣扉急。三女相訝。曰。空谷久不聞聲音。若非盜賊。定是魍魎。迷罔兩。頻扣不已。三女開戶視之。則佛也。祇王大驚。相迎拊手。曰。深夜何來。此乎。佛曰。妾得謁太政公。乃君之大造也。當其逐君。切諫不聽。使君至此。極妾之故也。妾背君也。尚矣。故欲來謝罪。且同終。爲因脫纏頭。而示髮已剪矣。祇王曰。妾之不過也。薄命而已。君。

何與焉。今舍公侯之寵榮，欲與寡婦同處，窮約世，豈有若人乎？君已斷髮，無繇勸歸。四人相與隱倫，終身毋名，曰閉。此時年四十五，祇王二十一，祇女十九，佛十七，往生院有像。至今稱爲賢女。嗚呼！彼一小妓，猶知義可重，富可輕，視萬鍾如敝蹤，身爲男子位，爲士君子如蝸牛，升高青蠅，逐臭不知去，亂世居無何，大庭駢驛，告賴朝起兵，鵲蚌相爭，肝腦塗地，寧小妓之不如乎？

三忠傳上

世

猛氣橫飛，流毒四海。清盛久懷此心，以公在不敢發。至是始得肆心焉。秋八月，義朝子賴朝收東州之燼，起兵伊豆關東，諸郡望風瓦解。富士河之役，惟盛等宗族驚飛，爲霄遁。當是之時，木曾起于北國，緒方起于筑紫，何野起于四國，千戈擾擾，迄無寧歲。清盛忿總病熱死。

清盛臥病，偏身如火，人不得近，牽取于手，院冷水貯舟，居其中，忽爲沸湯，遺言曰：只

宜斬賴朝首，棄棄木，此外無它願。七日而薨，壽六十四歲。

宗盛嗣立，恒怯委，舉軍無統紀，卒之。德帝蒙塵于西海。

木曾義仲帥大兵，登叡山，虎視京師。宗盛大懼，奉帝西走。

谷屋島連戰不利，檀浦之敗，八條二位負帝沒海。

二位將入海，曰：宗盛實傘工子也，皆當委。

三忠傳上

世

平清盛欲男子及產女子也。彼時有做傘號傘法橋者，生男急與之易，清盛大喜，妾祕不言。今事已去，故誦誤軍之故耳。言訖著寶劍於腰，挾神璽於腋，負帝入海。

帝年八歲

平族同沒。宗盛束手成擒，父子伏誅。公有七子，嫡子惟盛自屋島逃沒海，資盛入海，有孤兒母匿之懷中，傳至信長公再執天下之權焉。今之織田公其後也。

贊曰公未弱冠而不避勅敵之箭其勇天性也當兩賊辱

公聲義獨衆獨力一呼長蘇短狐束手投首得使奄息社稷不墜於地尺土寸基皆公之勳也凶父竊以爲已功逞志究欲玩弄君位倖僥偏子遂佐乾綱解紐之備焉天怒降威宗族斯殲

哭聲聞于外八條二位入海抱帝而哭

聲聞于天清盛豈不號哭于地下乎若其當

三忠傳上

卷

喜而慮憂豈有今日乎誰意一門之命服二十餘年之繁榮一時倫喪于西洋之水矣宗盛生擒之恥掬海難洗

桓武之苗裔至

於牟匠兒盡矣是誰咎哉於戲公處事之變不失其道盡心調停教凶父不格叛焉其兵諫也類楚鬻拳彼以小忠此以大義其忠節也類唐李璣彼以證父此以父父可謂得忠孝兩全也蘇氏評祖伊諫殷紂曰祖伊盡言不諱懷唐中主所不能容者紂雖不改而終

不怒祖伊得全則後世人主有不如紂者多矣清盛不怒公得全亦此類也惜夫遇亂世腥凶父邑邑不得志卒遂冊祝之願也昔范文子祈神而死雖國異世殊然其死于忠孝一也千載之下孰不墮淚天乎善人趙孤長存子孫將蘇至今不絕是非公之餘慶乎

三忠傳上

集

藤原藤房公

羅山先生立公傳，不換一字，載之左。

孔子對魯定公曰：君使臣，以禮；臣事君，以忠。孟子對齊宣王曰：勿變乎色，臣不敢不以正對異姓之卿。君有過，則諫，反覆之而不聽，則去。今果有其人乎？藤原藤房有焉。

藤房者，藤原亞相宣房之子也。早為納言，元弘元年八月，平族構難，天王出居于河內，置平族帥兵環而攻之。九月，王師敗，王師敗。

三忠傳上

卷

矣。王潛出，藤房從之初，及帝握劍，

重即寶位，得聖人之時，臣委億兆，當此時，藤房一人而已，可不謂之事君以忠乎？後

天王如隱州，平氏統藤房于常州，其后楠正成于河內松園，心于播磨和長年，于伯耆源高氏，于丹波共起，乘兵擊平族，平族軍潰，亡奔東州，時益死于路，仲時自殺于播磨，其眾四百餘人皆死焉。源義貞大帥兵伐東關，元弘三年夏，圍鎌倉，義貞多焉。五月，平高時自

殺平氏，顯焉。於是天下盡宗。天王六月

天王至自隱州，其後藤房歸于京師，為天下一統。故左金吾藤實世擢上卿，有事而罷，乃以藤房代之。藤房無偏無頗，遵王之誼，時會女謁行，藤房知諫之，不用，乃稱疾而免，可謂不忠乎其時。帝賞諸將之功，各賜封戶，食邑，獨忘松園心也。藤房為言之，不可謂不忠也。明年春，新作大內，費藝防二州之入稅諸國分二十之一，又建馬場殿。帝

三忠傳上

卷

每幸此殿，有歌舞蹴鞠，乘弓競馬之戲。時雲州大守鹽高貞使獻龍馬，曰：其相異，常聳骨高筋少，脂肉鷄頸，而長鬃龍背，而連毛耳，似削竹，瞳如夾鏡。今日自卯至于酉，其道殆四百有五十里云。帝悅，曰：良馬也。厚禮其使者而歸之，乃詔馬寮而善養之，朝飲御書夕秣，天閑。帝試令本間乘本間，以為攢四蹄，則可令在雙六之盤，一鞭則可令越十丈之溝，若非天馬，豈能如此哉。帝益

悅一日宴羣臣於馬場殿

帝因問藤相

國曰支那屈地之產項羽之雖有一日千里之名也於本朝未聞之而今此馬出來是何祥也吉山焉在對曰古者伏羲氏之王天下也龍馬負圖而出河堯舜氏之馭萬民也鳳凰聞蕭而舞庭是應聖明之德天豈降此嘉祥哉其後周穆王得八駿之乘巡行天下至于巨蒐氏之國遂而昆侖之阿赤水之陽西宴王母于瑤池南逢盛姬于瑤臺遠遊之樂

三忠傳上

某

莫樂焉故穆王之有位五十五年有年一百五年有後之爲八駿圖者觀其狀咸若騫若翔若龍鳳麒麟若蛟螭然今亦因此見之則其狀相類也然則陛下與穆王何有優劣乎是以思之與夫屈乘楚騅異日之談也誠是所以天之感於聖德乎帝愈悅衆皆莫不稱之藤房來晚坐定帝又問藤房對曰天馬之出于本朝其吉凶難斷雖然退而惟之其不吉也乎臣謹案漢書孝文帝時有

獻千里馬者詔曰鸞旗在前屬車在後吉行日五十里師行日行三十里朕乘千里之馬獨先安之朕不受獻也於是還馬與道里費又光武帝時異國獻名馬日行千里詔以馬駕鼓車且夫周之方衰也房星隕爲八駿之怪穆王乘之造父爲御四荒八極莫不周徧王其心而久不返因此七廟之祭祀廢而明堂之朝宗缺矣於是徐夷大亂周室初壞所以漢帝之御之而興所以周王之愛之而

王忠傳上

某

衰一吉一凶的然在焉臣伏以由來尤凶也雖然天未棄君故降此妖災而示戒也幸陛下監之今也承兵革之餘民弊人困天下未安而上之淫樂故執政無吐哺而接人之禮下之阿旨故諍臣無上疏以正主之諫政男女之訟有不得見者有下情不上通者幾多人也是則以上之所行者逸豫而下之所從者舒緩故也是以記錄快斷所如無人然羣臣咸以爲虞芮質成必使無訟之謂也悲乎



其之爲惑也元弘大亂之始天下之士雲萃響應更無它此皆欲以一戰之功受數郡之封也太平之後望之者不可勝計而恩賜未通愁訴忽熄者何也見忠功之不立政道之不正而共默止者也當此時新大內其謀甚多其耗不知幾千萬也師之所處荆棘生焉大軍之後必有凶年故養生莫如之何夫爲人上者豈可不思之乎且天運膺圖逆徒雖亡然定天下安陛下者高氏義貞正成圓心

三忠傳上

辛

長年也譬諸漢功臣則蕭何曹參陳平張良周勃之流乎比於唐賢佐則魏徵玄齡馬周世南如晦之儔歟其當節向義立忠思君堂可云長短計校于其間乎然圓心一人陛下不及何也賞中其功則有忠之者進罰當其罪則有咎之者退嗚呼今政道非當弗中抽賞之功復有似反綸言之掌今若有平氏亡國之儘爲木兵竿旗之事者則天下之士卒荷糧杖戈而不速來也必矣抑又臣案天馬

之所用不足以爲用孔子曰德之流行速於置郵而傳命是嘗用天馬也今也兵革之后承平之世愛此奇物此又非所以武王之歸馬于華山也書曰玩物喪志珍禽奇獸弗畜于國犬馬非其土性弗畜是召公所以用訓武王也若又於有所用之則大亂之用而非太平之用也然則吉乎不吉也願陛下明監穆王之所哀文帝光武之所興又永惟武王所以歸之召公所以訓之也然則是所以隨

三忠傳上

辛

天意也若隨天意則禍害速消福祥畢臻故天所以見災者是天未棄君也逢災而不改則天永棄之故未有天時人和而不與者也天棄人畔而不亡者未之有也今房屋之精下爲此馬而君愛之此所以傷君心也所以天見災也唯幸陛下弗貴異物而貴善人弗行逸豫而行仁政是則所以隨天意也然則天下幸甚 帝聞而作色諸臣皆默然如

此之忠言可謂反覆而諫奈 帝變色何

顧視夫相國之言有似諂諛之人矣其後遂足利氏爲逆于關東

帝使義貞伐高氏

又遣使乘龍馬馳告事于義貞使者至江州

龍馬俄覺藤房之言驗矣藤房又諫

帝

不聽逸遊太甚復又數諫

帝又不聽藤

房退而言曰吁已矣乎建武二年三月十一

日帝幸八幡宮藤房從之明日藤房侍

上上亦知其復諫藤房因言

帝曰

龍逢比干之諫死死而不悔伯夷叔齊之餓

王忠傳上

臺

死死而不怨陛下亦思之乎

帝遂不寤

於是藤房謂人曰爲臣之道如此而可乎遂

去之北山之下

帝聞藤房行而大驚詔

父宣房令追之宣房行北山求之竟不得乃

大慟哭而還

帝亦悔焉

贊曰有文衡者說人曰微子去而殷墟范增

死而楚燔今藤納言藤房見幾而去天下殆

乎岌岌乎文衡其知人者歟其後果有建武

之亂嗚呼如藤房事君也可謂忠矣而

帝使之不以禮如藤房諫君也可謂反覆矣

而帝變乎色及其屢諫而不聽用則去

惜哉建武帝之固少恩哉嗚呼後嗣王其鑒

于茲

此傳慶長九年之冬所作時

先生

二十二歲也惺窩曰藤房傳敘事整

亮贊辭簡潔至敬至敬不忘則復古

之功可掇焉必待淨書之日

王忠傳上

臺

三忠傳卷之下

後學安東守約省菴謹撰

楠正成公

世子正行公附

楠正成公

敏達帝七世裔并手左大臣

正一位橘諸兄公

羅山先生文集曰橘諸兄者

敏達帝

六世之孫美奴王子也後為左僕射諸兄

居并手故世號并手左大臣初左僕射之

為葛城大君也侍

帝傍會薦橘子

三忠傳下

帝取其果而與諸兄且作倭歌以祝之

因賜姓橘氏橘氏之鼻祖也時

聖武

帝天平八年冬十一月也

十四世孫兵衛正玄公子也正玄公過壯無

子母禱志貴之神夢武人環金色甲入口中

因有身生而岐疑好學善譚論年十二從父

擊矢尾別當顯幸直進斬敵十六卻矢尾兵

數百騎斬首十七級及長撫民以仁屬士以

義人皆樂為之用每戰樹功世稱曰日本無

雙先是北條氏世居鎌倉以陪臣執國命至  
相模守高時後剽髮號宗鑑驕奢益甚後醍醐

帝密謀討之事已發覺元弘元年秋八月高

時方遣兩使將三千餘騎以還

帝及殺

護良皇子

羅山先生集曰護良者

後醍醐天

皇之子也早為天台座主稟性剛毅有扶

皇綱覆武家之大志專嗜武事勸天

皇以東征天皇移玉座于隱岐之後

三忠傳下

護良出南都入紀州經歷諸邑保于吉

野城時既著冠東兵來攻城陷護良逃

出竄竄幾內之間義貞圓心等之羣士密

受令旨各起義兵而後勤王之師四方鋒

起北條氏滅亡皇運乍開以護良為征

夷將軍護良之勲勞可謂多矣天

皇之昏昧徒信凶賊之譖言幽囚護良

于東州遂隕命于賊手悼哉惜哉

皇子陰使使白曰宜急幸南都令近臣伴為

帝登叡山則賊定攻之因得其間討之勝不可旋踵也 帝從之如南都花山院

大納言師賢代 帝登叡山賊將北條範貞及河使率兵攻之大駕播越據空置山

帝假寐夢紫宸殿延前有大樹鸞鵠向南

其下公卿成列南面設席 帝訝之問此

帝為誰設有二童子跪而疏涕曰世間無處

容玉體惟此樹南面之席蹙足安御座言訖

上天覺而占之太人曰木南楠字也用之則

三忠傳下

當再踐南面之位問成就房曰世有以楠為

姓者乎對曰河內金剛山西有楠多門兵衛

正成羅山先生集曰正成本姓楠宅邊有楠樹因氏焉才兼文武名

振天下 帝喜以為天授朕良將也即命

藤房公遣使召之公至行在所朝見 帝

問以時事公對曰陛下尚仁義務人才則中

興可期若不續其麻則樂土為墟矣高時淫

酗狂悖流毒海內其亡可翹足而待也不足

過煩聖慮焉 帝喜公歸河內九月高時

遣大佛貞直等攻笠置未到範貞發大軍攻笠置官軍拒戰賊眾多死相守數日陶山小見山乘風雨夜襲皇居縱火攻擊大軍應之官軍敗績 帝墮草莽須松井執

帝遂幽于六波羅 護良匿十津河 一宮

尊良等皇子及藤房其弟季房等公卿皆為

囚公起兵守赤坂城貞直等圍之見城小兵

寡皆笑曰破此城也猶摧枯拉朽爾士卒爭

先攻之公出奇兵使弟七郎姪五郎將輕騎

三忠傳下

三百從間道躡山而望復簡善射者二百人

射之立斃千餘人諸將議曰此城難以力勝

當觀釁而動麾眾使退卸甲免宵七郎五郎

覘其情歸卒起來搏城中應以二百餘騎開

三門而出左右夾擊出其不意諸營驚擾大

敗之盡獲其器甲諸將相議曰止須據其要

害燒其廬舍絕其應援勿妄動也本間鑑谷

不聽鼓眾徑進諸將不得已從之以為復第

兵於山乃分騎兵萬餘面山而陣其餘三萬

餘騎蟻附而登城內不發一矢寂若無人先時公構兩壁設機以絙維之諸卒將踰一時絙絕壁倒壓衆無算矢石雨注大破而退諸將大懼遠徙築長圍圍之後數日相議日以八川之兵不勝一彈丸小城無論示弱於人奈笑口何前日之敗以無攻具耳乃各擁盾而前及壁以向之機爲疑將縣鉤芒牽到城兵以長杓剋熱陽燒之諸卒灼爛不支捐鉤芒而奔爾後無敢言攻者唯絕糧道堅壘

三忠傳下

五

暨柵以久困之城巾纔餘數日糧公告將士曰堅壁清野用兵之常也多方悞敵制勝之奇也我給爲自殺陰出此城彼聞我死必喜而歸彼歸則我出彼出則我避疲於奔命不得休息是乃自全謀敵之計也僉曰然於是鑿地二丈坑前後之尾積炭薪於上計既定欲待風雨夜行之公忠誠格天風雨遽至乃畱勇士勝田直幸和田宗景田原正忠生地爲祐於城命之曰量我已遠敵營可焚城而

去因脫鎧爲敵卒數人分四方出候者諱呵公答以迷塗乃射之不中去二三里許回顧其城則既燒矣諸將喜而登城四勇士提死首曰正成之兵在與疾趨之兩人各分西北而出衆莫之疑遂及公公原賞之諸卒入城見坑中屍相謂曰正成已死雖敵良將也惜哉高時立光嚴院後伏見以爲帝改元正慶二年春三月遷帝于隱岐涼尊良于土佐妙法院尊隆法親王于讚岐

三忠傳下

六

護良據吉野城以應公高時爲公既死使陽溪定佛守赤坂城夏四月公將步騎五百餘攻之城中食乏乃令數百人自封內紀伊阿瀬川運糧公得謀報過設伏資之齋甲兵保爲運糧入城者乘間突起湯淺不及戰以城降五月公詣住吉天王寺也于渡邊橋南兩六波羅高時使仲時仲時益兩實族居六波羅以鎮京仲時居北仲時益居南時人謂兩六波羅遣隅田高橋兩將將騎兵五千餘擊公公伏二千餘兵於天王寺以三百騎示弱挑



戰兩將輕之度橋徑進公兵伴北兩將乘勝逐北及天王寺伏兵起三道夾擊兩將大亂而奔及橋瀨水者不可勝數兩六波羅大懼召宇都宮治部大夫公綱曰師之勝在將不在衆足下有勇將名久矣今摧此勦敵非足下不能也趣往擊之公綱曰以隅田高橋之衆已敗績矣我寡難敵雖然臨危授命非他人之任也不歸私家直前赴之於路收兵得七百餘騎與紀氏清氏同次于柱松人人自奮和田謂公曰我兵乘勝而衆彼兵挫衄而寡今遠來疲敝乘夜掩襲猶疾風掃殘耳公有間曰用兵之道不在衆寡在一其心以公綱之寡繼隅田高橋之衆其志在必死矣縱雖戰勝頓兵挫銳天下事未決止爭此一舉微見大敵而勇見小敵而怯光武所以興也我姑去此舉烟火於四山爲旦夕且戰之形則公綱可懼而走是不戰而屈人之兵之道也遲明偃旗息鼓盡藏其跡公綱至天王寺

三忠傳下

七

欲戰無人傲然書曰不血刃而卻強敵主將之威也頃之烟火四起公綱懼日夜戒嚴氣衰勢屈引兵而還公復屯天王寺秋毫無侵鄰境多服秋八月公讀厩戸王子之識文示衆曰是乃逆賊滅亡天下歸順之兆也蓋田單託神之術也此時赤松圓心起兵於苔羅城以應公

圓心子則祐從護良險阻艱難備嘗嘗此時承令旨授圓心圓心傳檄聚兵州郡

三忠傳下

多應之

公據千磐城遣部將平野將監守赤坂城三二月賊將阿曾彈正圓赤坂城相戰十三日賊絕水路城兵渴而無爲束手而降兩六波羅殺之二階堂道蘊攻吉野城城陷村上義光及其子義隆死之護良走高野山道蘊帥一萬六千餘騎攻吉野城拒戰七日死傷甚多嚴菊丸自後山襲來賊皆應之城兵擾敗護良力戰御賊方將自

盡入帷幕中，飲酒歌舞，村上義光被箭十  
六甲，胃如蟬，聞歌聲來，曰：「事已急矣，請誰  
賊為？」皇子、皇子可以聞出，乃著護良  
錦鎧，登櫓上，大呼曰：「護良討賊，不克，吾聞  
高時購我頭千金，吾為若等德，乃自刎而  
死，賊呼萬歲。」護良與數十騎出城門，吉  
野執行牽五百餘騎，遮前路，村上于兼隆  
拒戰，死之。護良得脫，走高野。

道、蘆會、貞直等諸將圍千賀城，兵總二十四

三忠傳下

九

萬六千餘，旌旗蔽空，素練翻野，悉眾戰，兵魚  
貫而陵城，兵禦之，晝夜苦戰三日，不克。貞直  
下令曰：「不令而進者有誅，從茲相待，不戰，金  
澤謂貞直曰：『前日所以下，亦現者絕水路也。』  
此城在山巔，無水之地，而所以不乏者，必每  
夜汲東山之澗水，貞直然之，適使名越越前  
守氏實率三千餘騎守澗，公初入城時，相度  
水路有五所，秘水細流，一夜可得四五斛，且  
造大桶二三百，蓄水，置各營之下，受簷溜，墜

桶底以赤土，使不損水性，城中水得不乏，無  
藉此澗水名越兵久成，解怠，公夜半掩之，名  
越驚，自相擊刺而潰，乃取其旗蓋，翌日樹諸  
城上，大呼曰：「此是名越氏所賜，若不與，則來  
當返壁之鼓，掌而笑，名越大怒，投袂而起，鎧  
及於軍門之外，馬及於大達，即麾五千餘騎  
激厲而進，前者死，後者繼，又死，則又代之，城  
兵櫓木五六十所，眾皆墮崖，韓谷爾後曠日  
罷攻，公縛葉人，夜縋城下，前立盾，後隱兵，諸

三忠傳下

十

將爭進，城兵亟退，敵卒近，葉人城中矢石俱  
發，死傷甚眾，三月高時使使請議，諸將  
議曰：「度谷以飛橋，城可立拔，乃鳩工造之，繫  
以鐵索，下旋車輪，轉軸挽起，公使善射射之，  
乃捐索而走，橋倒，壓死亦眾，兩六波羅復命，  
宇都宮往援，宇都宮及紀清兩氏知其不可，  
攻使鑿地道已陷一樓，城兵悉力拒之，城外  
盡攻擊之術，而城中守禦有餘，公綱無如之，  
何？新田義貞在東兵之中，改心嚮義，請護

良令旨稱病歸國

帝潛出隱岐赴

得名和長年將兵在船上山陰山陽從之者如歸市夏四月足利高氏叛高時赴丹波五月赤松等諸將攻破六波羅仲時時益出奔時益中箭死仲時到江州番馬官軍遮路與從兵三十二人皆自殺公聞之令眾大呼曰六波羅有奇事兩主東游諸君知否拊手大笑謀報繼至諸將驚走公放輕兵驍之死者相枕義貞興大軍陷鎌倉高時自殺

王忠傳下

王

帝聞六波羅陷發船上山到書寫山義貞馳傳奏高時伏誅公往候于兵庫帝慰勞

曰中興之業盡是卿之勳也公拜稽首曰陛下神武獨攘羣兇臣何力之有焉六月

帝復位以高氏為鎮守府將軍其弟直義為左馬頭

護良嘗與高氏有怨且知其有異志欲擊之

帝使坊門宰相清忠言曰高氏無罪何及于文世已太平宜復天台座主

位護良曰高氏佞諛毒猾才以一戰之功

欲立萬人之上臣之孤忠欲因其勢討之

謂謂不塞將為江河受災不救災災奈何一賊亡而一賊在是前門拒虎後門進狼也臣竭力王室樹功汗馬今禍在蕭牆之中願任大樹以為藩屏復歸浮屠不知何謂

於是復使清忠罷兵任征夷大將軍此時政無大小皆決於准后護良直義勸高氏賂准后以奇貨異物且以三萬貫之地為賂諸卿之資自是無言其非者秋八月高氏敘從三

三忠傳下

王

位任武藏守賜御諱字改名尊氏建武元年

纂光武之中春正月帝課州郡以二十

分一之征稅作大內裏藤房諫曰大亂之後

人苦民弊力役不已農桑失業馬卑宮室興

泰作阿房亡何舍其興其亡之從帝不

聽二月大封功臣以尊氏為功第一封武藏

常陸下總三州封直義于遠江義貞于上野

播磨其弟義助于駿河其子義顯于越後公于攝津河內長年于因幡伯耆其餘封賞各

有差功臣赤松不與甚怨望之三月護良欲擊尊氏下令旨于州郡大森盛清示之尊氏尊氏獻之詔以謀反繼母准后和之

帝大怒護良于宮中殺其近臣殿法印良忠等三十餘人是時東州頑民立高時從弟僧憲法為將據飯盛城公討而平之夏五月附護良於直義直義為執權任相模守居鎌倉遂以護良往繫之于土獄秋八月

帝將誅小貳小貳賂准后及百官皆曰

三忠傳下

主

忠臣公正言其罪惡有忠以為無禮議寢不行

初菊池寂阿與小貳妙惠大友具簡三將同心潛使使白帝求討探題北條英時之諭旨帝賜諭旨及錦旗英時聞之招菊池菊池以為事覺乃使宗安告兩將大友持兩端不答小貳聞六波羅戰勝忽變心斬行人宗安函首昇英時菊池大怒帥二千餘兵攻英時英時戰敗城將陷

小貳率一萬餘騎來救擊菊池菊池知事不濟謂嫡子武重曰我今死節汝宜歸據要害報父讎武重請同死菊池叱曰而不思兩賊貴而父乎何拘小節忘大義乎武重流淚而歸菊池與第二子買陣而死及六波羅陷小貳與大友擊殺英時人曰昨日從賊亡忠臣今日為忠臣亡賊為忠臣與為賊臣與古曰翻手為雲覆手為雨又曰行路難不在山今不在水唯在人情反覆

三忠傳下

古

之間其小貳之謂乎至是帝將誅之小貳賂准后以金銀二千兩虎皮二十枚沈香三百斤麝香三十斤絹帛三百匹及新來唐物等至宮女上卿百執事傳奏隨身牛飼等皆有賂准后百官皆曰彼本忠臣其殺使者及救英時之事冤家之言不可信也帝將賞之藤房諫曰彼之所為九州人所知也王法所不賞而卻賞之抑如人口何准后薦薦之帝下議尊

氏義貞長年與公尊氏素阿，准后固執以爲無罪。義貞長年依阿，兩間言不分明。公曰：彼之罪惡不煩論辨，會歡亦所不爲也。碎首糜軀，不足以償，而可賞哉？彼以賂苟免，與臣以絹帛百匹、沈香百斤，臣卽御之。若賞之，恐爲亂階。清忠誣以慢寵，姬穢大臣，失人臣之禮。公曰：臣苟謙言，有補於國，雖鼎鑊亦所不辭也。朝臣懇之，建武亂，小貳果從尊氏。帝悔之。

三忠傳下

五

二年春三月，藤房將去，招公談論移時，歎息曰：方今喪亂之後，剝民之豪血，大興土木，善政無聞。北鷄司晨，豺狼當路，其論功行賞，宜以足下爲第一。赤松父子舍生苦戰，六波羅之亡，彼功許多，封拜不及。尊氏兄弟除指神鼎，蔑視朝廷，權爲一人賄賂，公行言路梗塞。君臣嚶嚶如燕雀處堂，大厦之將顛，非一木所支。我將去，從人臣之禮，足下武將，義不可去。宜盡忠報國。公流涕曰：某非不知時事，然

握兵權，當與國同存亡。未幾，藤房去，公曰：人之云亡，邦國殄瘁。悲夫！大亂將興，秋七月，西園寺大納言公宗謀反，將立高時。二子時行時興及其族名越時兼爲將，誘帝弑之。再興、北條家已執天下之權，其弟中納言公重證之。帝聞，准后免死，流于出雲。公使長年誅之。

承久之亂，公宗祖公經與北條義時合謀，鎌倉得勝。義時曰：我子孫至七世，可以西

三忠傳下

六

園寺爲倚賴，其後世世官登太政大臣，位極一品。時興初剃髮號惠性，遁入洛，匿公宗家。公宗使之蓄髮，改名移書募兵，以時行爲關東大將，屬甲斐信濃武藏相模，兵將兼爲北園大將，屬越中能登加賀兵，各定約，指日發兵。又陰召西京匠師構浴室，其下伏劍，羣聚請。帝欲蹈而陷之，及其將幸匠師告其伯父伯父告公，重公重白。帝召公宿衛，遣長年等執之。



准后請宥罪，因附長年流，出雲。公謂長年曰：彼累世之逆賊，今其所謀如此，赤其族，滿其室，猶以爲不足而赦而不誅，謂之何？

我足下宜如誤聞而殺之，長年誅之。時行率五萬兵，三道攻鎌倉，直義出奔使淵邊，弒護良于土室。

帝遣尊氏討時行。八月，尊氏爲征夷大將軍，東八州管領，與時行戰新田義重，掩擊走之，復遣桃井直常討時兼，公授桃井以七計，用其一計，以寡勝衆。

三忠傳下

七

時兼自殺，尊氏在鎌倉奪義貞族，在關東之地，以賞功臣，義貞怒，奪尊氏族，在封內之地，自是分國相爭，私動干戈。尊氏兄弟自元弘之亂，發鎌倉，有篡天下之志，良護良包藏不發。護良既弒，時行已平，乃以擊義貞爲名，移書南海西海山陰山陽聚兵，皆曰尊氏反。帝遣法勝寺僧惠鎮往鎌倉驗其事。尊氏上書奏擊義貞，義貞聞之，亦上書劾奏尊氏八罪，是時帝始聞弒護良大怒。

冬十一月，賜義貞節度。尊良爲東國管領，往而討之。諸卿相議以公爲後，拒義貞不可。公建白：尊氏雖叛虜，而得衆心，不可與爭鋒。兵法曰：小敵之堅，大敵之擒也。官軍一敗，則恐爲後患。臣願從行，乃下詔。義貞、義貞曰：尊氏本乳臭子，雖衆何爲？自帥六萬餘騎赴鎌倉，尊氏遣直義逆義貞，戰于矢矧坂，義貞大破之。

三忠傳下

八

義貞欲濟川，使長濱視水勢。長濱曰：岸高難登，義貞遠水而陣，令輕兵射而挑之，吉良土岐濟川，來藤田兒玉等破之。溺水死者三百餘人。高師直其弟師泰率一萬三千餘騎來額田籠澤等，復破之。細川今川等率一萬餘騎直衝義貞陣，烏山大島等鼓謀擊之，殺傷無數。細川等敗走，義助追擊濟川，義貞止之，幾得數千首級，乃引兵還降者二萬計。

直義退陣于鷺坂，義貞復擊走之。

于都宮等新來濟川，欲戰，無人官軍皆濟，向曉襲鷺坂，賊覺，駭走本間村上等率騎兵二萬來援，直義得力，隔手越川挑戰，官軍濟川，復破之，直義走歸鎌倉。尊氏大良往建長寺斷髮，近臣止之，直義憂之，謀高上杉等曰：「爲之如何？」上杉曰：「將軍之志惟在懼死，計矯作縱，雖爲僧，罪不免死，之綸旨以示將軍，將軍定可決戰矣。」直義從之，尊氏於是脫法衣，著戎衣，諸將相喜，藥

三忠傳下

九

至及二十萬餘，自賴朝領天下，稱朝廷爲公家將軍，爲武家天下，屬武家久矣。帝已中興人，復見漢官威儀，宜除高時苛政，興學校，舉賢才，發政施仁，然哲婦用事，賞罰倒置，人皆思復武家，故義貞族在關東亦多，諫尊氏官軍不振，此故也。十二月尊良義貞及尊氏兄弟戰于宮根竹下，官軍敗績，義貞引兵屯于尾張。尊良義助及大友鹽治等率七千餘騎陣

竹下，義貞將騎兵七萬，陣宮根。尊氏向竹下，直義向宮根。義貞部將菊池先登破細川吉良等陣，義貞有力士四人，栗生篠塚烟豆理號四天王，又選勁弓十六人，同甲冑，同進止，號十六騎黨，每射賊必疊雙，賊不得進。尊良兵五百餘騎輕進，敗走仁木細川高上杉等乘勝逐北，衝尊良陣，義助以七千餘騎搏戰，寡不敵衆，引兵而退。義助于義治十三歲相失，在賊中，義助

三忠傳下

十

麾殘兵三百反戰，得義治歸與梶原，反戰同功，不圖大友鹽治猝叛，從尊氏倒戈，攻于後，官軍敗績，義貞在宮根不知竹下之敗，翌日將進兵，兵皆四散，只與四天王十六騎黨僅百餘騎揚旗，西下熱田，大宮司菊池等望旗來從，賊衆遮路，力士一條欲擊義貞，篠塚執之，投二丈計一條踊躍，又進篠塚蹴倒取首，刺賊九人，莫敢當者，官軍來聚，幾及二千餘騎，到浮島原，甲斐源

氏下山加賀美追尊良在路二子本義貞族也久居鎌倉不得已從尊氏望旗來降義貞握手談論此時始聞鹽冶大友叛及天龍河河水洋溢壞民屋作浮橋義貞殿渡衆了與船田後渡網斷浮橋中陷馬與僕夫沒水栗生不脫甲冑入水游泳扶舉登岸義貞與船田跳超至岸此時不得渡者猶二十餘人名張八郎皆執而投岸扶二人蹈橋柱得渡至尾張休兵下山加

三忠傳下

並

質美謂義貞曰東國從尊氏無他厭公家而慕武家也將軍自立別揚旗則衆悅歸之實今世賴朝也不然三分鼎勢成矣何不早圖義貞曰寡人於君無恨捨順效逆天下豈爲知義者乎二子再三勸之不可二子告船田堀口移書告關東諸將以義貞自立武田土屋宇佐美小山佐竹桃井石堂小笠原三浦土岐川越狩野松田河村武藏七堂十三將皆喜奉誓詞以應之

由良船田與二子同奉之義貞曰彼等棄我從賊今知其故然雖君不君不可臣以不臣我今討賊不克自以爲恥況爲賊乎其取恥而榮不如取義而死也船田流涕而退二子畱一通書去復從尊氏○按評判曰初尊氏劾奏之時義貞與下臣謀由良曰准后不死難不已今於王室楠一人爲干城殺彼廢帝立慈明院則尊氏兄弟不攻自滅義貞猶曰船田船田

三忠傳下

幸

然之便招楠楠覺不往此事若實則豈不從二子之勸哉義貞之言既如此真忠臣也顧尊氏之徒欲盡已之爲逆賊作爲斯妄言以分謗也其誣甚矣高松賴重馳驛奏曰尊氏族細川定禪託聞香西反藤橘兩家坂東坂西皆應將帥舟師入寇帝命公往討之公曰方今衆心攜貳反者豈四國乎中國北國猶有反者臣卽出征賊虜充斥欲歸無路其誰勸王帝

曰中國等反者爲誰公曰未知其誰某先亦松乎其餘出雲有藤名朝山安藝有熊谷小早川周防有戶板大內介備中有三村庄石川成相備前有中吉備後有宮杉原此等皆在中國厭朝政者也北國之事未可知然尊氏移書召之應之者猶衆當此時無一人一騎來勤王以是知之帝不懌翌日兒島高德奏曰佐佐木信康田井信高應細川備前福山五畿七道相繼告急帝大驚

三忠傳下

聖

召公曰卿之言如神願赦朕心以教朕公陳以准后誤國之事三十餘條箴規剴切帝大悔感乃急使匹田召義貞守京公曰方今尊氏爲腹心疾餘疥癬耳臣請往尾張戮力討之帝不聽此時賜龍馬於匹田行數十里而曉於是人皆知藤房之言有驗也義貞至關示關東諸將誓紙於清忠曰是皆起于准后長舌帝嘉義貞無貳心悔婦言是用也赤松細川進兵抵須磨公討而走

之尊氏遣兩使齎書告曰某本無貳因義貞之讒不意得賊名足下與我當奉以畿內五國南海六州因合力誅義貞夾輔王室不亦可乎公答曰三軍之前知足下之反人可欺而天可欺乎大丈夫不能剪除逆賊寧觀不義之富貴乎帝聞之授四國九國管領公乃發輕兵盡取賊來路糧輸船數千艘納坂本南岸圓宗院衆莫諭其意蓋慮尊氏入寇帝定可幸坂本山門以飽待饑也延

三忠傳下

高

元元年春正月尊氏帥數十萬兵入寇義貞分兵禦之公守宇治長年守勢田義助守山崎義貞守大渡水中列棧橋桁設機師直破屋爲筏乘五百餘人係棧不得濟避矢漂搖後忽解散兵皆沒死賊衆渡橋中陷溺死千餘人官軍大笑公使使言義貞山崎之守烏合之衆不足恃宜疾益兵義貞不從果自此陣敗帝走山門僧祐覺牽千餘兵來納糧三千斛錢貨三千貫及公舊冬所輸米三

千餘斛豆二千餘斛猶餘米六千八百斛豆  
七千斛黍三千餘斛稷千斛至秋糠蒿之類  
諸卒養馬官軍大贍尊氏入京燒大內東軍  
無見糧召吏議責皆曰去年正成悉發倉廩  
運入山門賊衆欲掠無物若支三日則饑可  
立待矣人皆服公之神智也會北島中納言  
顯家

羅山先生集曰顯家其先出自天曆帝世  
爲廷臣以列公卿斯人弱冠任中納言爲

主忠傳下

五

陸奧國司建武之役聞官軍不利而率與  
兵上京擊破尊氏尊氏西走顯家以功任  
鎮守府將軍再赴其國既而西軍侵洛乘  
輿南轅顯家復董大軍以發途先攻鎌倉  
追擊義詮路中所所每戰有利嗚呼黑地  
河之陣官馬難進安倍野之露戰骨不乾  
天命不遂可憐可哀

將三萬二千餘騎自奥州來公與顯家義貞  
攻破三井寺細川定禪逃走義貞逐北攻京

尊氏兵十三萬義貞兵僅一萬分兵去讖與  
賊相亂大呼奮擊數十戰皆克尊氏走丹波  
路及梅津失馬欲自殺數都拔下馬授尊氏  
僅免至松尾葉室細川謂從兵曰今日之敗  
自三井寺始罪我之由也急與赤松分三千  
餘兵夜襲京義貞兵入街市飲酒收資財兩  
將出不意奮擊義貞挺身而還尊氏復入京  
尊良自鎌倉帥二萬餘兵來官軍得力攻  
京公分二千餘騎爲三前軍五百持盾長四

主忠傳下

某

尺其耳設鉤賊來則連合如壁賊兵猶豫中  
軍射手五百餘放箭如雨賊不得進公以後  
軍千餘騎突出前軍舍盾中軍發弓同逼斬  
首二百餘顯家義貞等前後夾擊呼聲動天  
地首級七千三百生禽二百餘尊氏復走丹  
波路公謂義貞曰衆心在士女玉帛將軍不  
顧顯之敗乎義貞引兵而還尊氏復入京公  
昔在干盤有能哭者公養之曰吾聞孟嘗君  
養鷄鳴狗盜立不世之功善一事者豈無用



之之時乎至是使彼剃髮與數十僧往京覓  
尸賊怪而問之彼哭曰我楠公與義貞同死  
方將茶毗仰天而哭衆僧皆泣賊以爲信然  
復夜令羸卒燃炬數千過小原鞍馬諸路尊  
氏以爲兩將果死士卒悉逃乃分兵四方公  
與諸將約將卷旗伏鼓出不意擒尊氏翌早  
忠顯宿酒不醒違約縱火尊氏大驚復走丹  
波路公謂義貞曰尊氏破膽速追之可獲大  
江田里見等曰兵非金鐵皆疲敝矣公曰我

三忠傳下

忠

疲彼亦疲彼之怯病蘇生後難不可測也復  
勸顯家顯家辭曰討賊節度在義貞不在我  
也帝嘗賞義貞之功賜美女勾當內侍  
惑溺不進尊氏得隙走攝津二月帝自  
山門還關義貞顯家追尊氏到湊川與直義  
戰于豐島不利公後至見其戰地麾兵而南  
橫衝賊陣直義兵潰斬首六百三十餘尊氏  
兄弟乘艦遁于九國下軍爭舟舟中之指可  
掬公謂義貞曰功難成而易敗機難得而易

失必乘破竹之勢宜疾西征賊勢復振大事  
去矣義貞不聽公諫曰將軍心在勾當內侍  
不忍暫時之別徒棄萬世之功何不顧亡國  
之戒乎義貞有愧色赤松遺書於公請許播  
備二州之牧屬官軍復書私許之使義貞奏  
久之不報公曰播磨九州之咽喉而赤松  
天下之驍將也不許則急伐勿令計成

三忠傳下

忠

帝不聽行李往來之間赤松完城郭繕甲兵  
三月義貞西征公議從清忠不許赤松果遮  
義貞于播磨攻之不下曠日頓兵於堅城之  
下夏五月尊氏兄弟帥九國大軍海陸並進  
赤松則祐使使言尊氏官軍攻敝邑及備  
中備前美作力屈糧乏乘弊發兵莫不捷  
矣事及緩緩城皆陷則雖百萬衆莫成功  
矣尊氏從之

義貞引兵屯于兵庫帝大驚召公使清  
忠言當疾赴兵庫援義貞公曰臣向者所以  
請從義貞者以義貞怠軍尊氏勢未大也今

也中國西國皆從勢不可當矣計復幸山門召義貞歸京臣歸河內彼必入京以畿內之兵絕其糧道義貞與臣前後掩擊則蔑不尅矣意義貞應有此慮然不及一戰而還謂陛下何故支于兵庫耳情忠曰官軍每戰以寡制衆是非戰之善乃聖運合天也況未見敵而再幸山門其如社稷之恥何公退歎曰棄人委天天其祐乎恥其再幸孰若於大軍卒至狼狽播越哉自古未有權臣在內而大將

三忠傳下

光

能立功於外者此行惟有一死耳迺勒取死士七百人到櫻井驛召長子正行教之曰我竭力王室久矣然惟后護于內清忠間於外我死天下其尊氏乎汝畢志盡忠勿有二心因取家訓一卷於懷中授之曰此乃治國用兵之要語汝當夙夜觀省以厲忠臣孝子之志也正行從行公叱曰所以留汝者非懼而死然父子徒死無爲也而盍留國而雪恥復仇無忘吾言也正行吞聲而止時十一歲公

已到兵庫見義貞拈酒談論及夜分相歎曰事無可爲矣翌日公陣于湊川赤松兄弟率三千餘騎進來公先鋒志貴擊而卻之細川島津相繼而進公與志貴角破之直義將一萬餘騎鳴鼓而進公令軍中曰天下之爭只在二賊今遇其一豈非幸乎士皆爭先奮擊直義潰散馬中矢而斃公兵及之公義拒戰授馬而免公奮其肅說曰直義已降尊氏令高師直等來救仁木三千細川二千石堂

三忠傳下

幸

畠山四千與師直兵二千合力而前志貴擊破之前後力戰死者二百乃聚殘兵五百餘警憩民居直義復集潰卒與尊氏先鋒俱進公厲士卒曰仗節死義建功立名此其時也諸君勉之吏士激怒咸倍其氣莫不一當百辟易數里自辰至未凡十六戰兵且盡復聚之僅得七十三人莫不被傷公復入向之民居將就義尊氏使次賀來言義貞等皆已敗矣足下以寡敵衆功名垂世忠誠格天余辱

在舊知欲為足下執鞭知不與矣故令約兵而退足下宜蚤歸河內天下之事無可為矣母徒自苦公笑曰大丈夫功成則勳銘鐘鼎不成則血膏冲野斷之于心久矣不在多言有一童子將歸河內途路無恙君之惠也與弟正氏俱自教壽四十三尊氏入寇帝再走山門祐覺奉給米穀九千餘斛豆七千餘斛是皆去年公所蓄積也帝流淚曰判官其知朕再辱乎悲夫不用其忠言也職

三忠傳下

三

准后之罪也至是黜之人皆恨知之之晚也公平生尊賢愛民與士卒同勞苦人皆樂為之死吾

國自有武將以來未有公也世傳其兵法以為楠流云

世子正行公自承遺命寢苦枕干未忘須臾復讐之志屢欲起義兵諸大夫以其幼而時未至諫而止之延元三年帝崩于吉野

延元元年尊氏立

光明院為帝

後醍醐帝以吉野為皇居自姓吉野為朝京師為北朝

第七皇子

後村上帝即位

母准后

秋八月

尊氏遣師泰

弟直

將二萬餘騎攻吉野陣于

八幡公以六千餘騎討之早瀨以五百餘騎

自後而進前後奮擊賊軍潰散瀨淀川死者

無算師泰與十餘騎裸程歸京斬首一千二

百六十七生禽百餘人正平三年

北帝貞秋和元年

八月公謂諸大夫曰嘗聞父之讐不與其戴

三忠傳下

三

天我年二十三所以未起兵者以其徒死無成功也然生平多病若旦暮死則何面目以見先君於地下耶乃誓衆出師以屯攝州中島赤松率八百餘騎渡川而戰公破之嗣死三百餘人斬首二百餘即夜引兵屯于天王寺赤松私屬來會者三千餘騎詰且來昨日之戰地公已引去赤松歎曰彼其進退得乃翁之家法雖年少不可及認至天王寺公復大破之赤松以身免馳傳告急尊氏遣細川

顯氏等八將將一萬二千餘騎擊公。公計諸大夫欲使敵分兵，速歸于盤，使和田高家守和泉城。高家弟新發意源秀守矢尾城。顯氏等陣于渡邊，橋見公不在。果置術中，使宇都宮六角等四千餘騎赴矢尾。赤松兄弟二千六百餘騎赴和泉。顯氏率七千三百餘騎將赴于盤。次于藤井寺。公秣馬蓐食，倍道兼行，匿兵於八幡山下。先令奇兵三百人鉅爲矢尾降人，至顯氏陣，總爲宇都宮使言辰下以

三忠傳下

垂

城主源秀至。顯氏大喜，公以七百餘兵卷旗臥鼓直進，突出奇兵相應，前後搏擊賊衆驚騷。顯氏棄甲曳兵而走。公取其器甲，被殺兵與賊相亂，不復識別。遂北六里。和田兄弟應期大起，宇都宮赤松等自相蹂踐。六角兄弟戰死，斬首四千三百八十餘俘獲四百十七人。赴水死者不可殫計。公入朝。帝召見，歎曰：卿纘乃父大勳，勞員荷以制強敵，是父是子固王室之屏翰也。拜爲左衛門督。公弟

正之爲大和守，和田爲和泉守，恩地爲兵衛司，赤松集二十三城於攝州以拒公。戰無寧日。求救於尊氏。尊氏遣諸將將二萬七千餘騎赴攝州。陣于芥川。公謂將佐曰：夫擊蛇者先擊其首，首破則尾不能掉。不如入京擊尊氏。計已定，乃潛師間行，襲尊氏。尊氏被二創，踰沐室牆而逃。其妻爲亂兵所殺。直義嘗鑿地道達于市中，自此竄而逃。公在京五十餘日，聞尊氏兄弟在近江，欲乞師赴之。朝廷不

三忠傳下

善

許。是時郡縣多服，足利高經桃井直常赤松圓心等贈書於公，請得封侯，則皆降。公喜以聞，亦不許。乃上疏諫曰：事有經有權，宜用權以合經。不聽。且兵寡不得饌，京帳然引兵而還。冬十一月尊氏聞公病篤，遣山名細川等十七將將二萬餘騎擊公。時氏陣于住吉。乃分諸將于四所，病起赴之。乃分三千五百餘兵爲五，忽望其塵，知備四所，輒合爲一。和田源秀阿間了願各橫長鎗，偃刀於馬首突起。

丹下志貴繼進縱橫格闘旁若無人衆軍從之時氏戰敗被三創安田有力負而走僅得免死尊氏大懼先是公令早瀬守八幡城尊氏以封侯招其所部木宮木澤十二月木宮率賊入城早瀬與士卒百七十餘人死之尊氏大賞木宮木宮悉告公之陰事且曰其耳目在間謀何內商賈遁士在帷中者多其間也尊氏購求甚急不辨真偽死者數十人真間板持氏與僕七人逮捕行人三人誣以爲

三忠傳下

三

間出公之印證之尊氏大喜與黃金二十兩自是無怪板持者因得多知敵情也尊氏與木宮計遣師直師泰帥數十萬兵擊公陳于八幡公謂諸弟及諸大夫曰嚮陷京師幾將恢復然吾言不行失此事機今無可爲祇當赴八幡狗國死節正之正儀正之弟宜據千盤之險觀時而動兒若成直公之子今三歲宜教以先君之家訓相與服膺而勿忘也正之誓天同赴公亦誓天止正儀正儀泣而從命和田

等皆誓以約自効公入朝 帝召見謂曰

成敗之機在此一舉宜竭股肱之力折強敵之衝公退拜 先帝之廟正之及士大夫

百四十三人各題姓名壁流涕而去四年正月師直師泰聞公出師進至四條繩手分三軍爲五隊步騎分爲烏雲陣蓋木宮所敗也公分三千五百餘兵爲三陣下令曰今日之役同先君漆川之事諸君皆先君之臣子尚一心力無忝先君士卒咸倍膽氣爭先而前

三忠傳下

三

縣氏自高駝下橫遮公陣源秀先登賞之衆殊死戰縣氏潰散源秀徑擣師直陣武田以前陣六千拒之公以千騎破之後陣六千互進正之以八百騎破之佐佐木以三千六百繼進丹下平岡以千騎破之力戰數十合密三千二百餘兵公誓休與餘衆同就食相屬曰宜直擊師直勿徒勞力細川等十六將帥一萬餘騎要公公憤國者數檢兵僅五十餘人源秀與大王尤斬賊部將松田南氏賊衆



散亂不可禁。師直將逃。木宮曰：「正行，殘兵莫不被創，宜揮敗軍待彼，彼自斃也。」公復起，冲戰賊衆披靡。既接師直上山，氏易位，正之斬之。公喜，無淮既而知非，師直復起，接師直木宮選健卒善射者射之。公及正之中箭，不能進。相謂曰：「古云爲臣死忠，爲子死孝，我兩人之謂也，相與自殺。」

朱老師正成公贊曰：「好學宏論，尚仁義，務人才，真國家之柱石。」石韞場之干城，宜乎叶熊羆

三忠傳下

卷

之夢應，惟肖之求用，能誓心天地，立權叛逆，且之謨謀，廟堂制勝，樽俎豈不萬邦爲憲，潛消反側耶？且寡剛衆出奇，無窮不戰，屈人猶一節也。賞不酬功，位不稱才，女寵煽於內，權臣擅于朝，大將能立功於外者，鮮矣。且身殉節純，臣乎不爲敵之所喜，而反爲所憤，有國者盍思之。○正行公贊曰：「禮曰：君父之仇，不與共戴天。」齊襄復九世之讐，春秋大之，設且小報，大弱復強，益又難矣。豫讓不能得志於

襄子，申胥所目，經手於閭閻，公乃能建義旗，吹鳴鼓，卷甲倍道，偕師入都，使所報者身踰堙而逃，弟穴地而竄，陷刃於其妻，亦足目落毒雄之膽矣。斯無媿於枕戈之志可。呂下報其父臨歿，數言是父是子，雖青年資志芳名至今，詩曰：「人生自古誰無死，留取丹心照汗青。」其然其然。○守約贊曰：「後白河法皇自授賴朝，臣總追捕使王道陵夷，君如贊旆至於後鳥羽，上皇么譽日甚，北條義時

三忠傳下

卷

擅權方命，上皇不知屯膏之時，輕效高貴卿公之舉，承久之役，王師敗績，遂遷上皇於隱岐。高時是義時八世之孫，擅權浮于其祖。後醍醐帝復效上皇之輕舉，鸞輿播遷于笠置，靈夢協卜，公拜將壇，說民仁義，不臣詐力，烈烈丹心如青天白日也。揚義旗，敵王愾，攻必取，戰必勝，神謀妙算，高出千古高時已下。帝繼久隆之皇緒，天下拭目，目覩新治，宜開粉鴻業，闡明德，猷之

秋也奈何。寵唯后，賞尊氏，賄賂公，行刑賞失。指惟藤房卿蹇蹇，國躬真所謂朝陽鳴鳳也。尊氏兄弟爲封豕長蛇，垂涎衆頭，截太子，呂反於是。皇緒再亂，綱常墜地，是皆唯后有呂啟之也。書云：牝雞之晨，惟家之索。詩云：婦有長舌，維厲之階。此之謂也。於平公父子兄弟始終一心，呂討賊爲已任，鞠窮盡力，被堅執銳，及其不可爲也，烈死殉國，凜凜然至今有生氣矣。昔漢諸葛氏死，社稷議者曰：

三忠傳下

表

有子有孫，晉卞氏亦死節，其母曰父爲忠，臣子爲孝。子夫何恨乎？世呂爲美譚，如公美萃於父，子兄弟可謂萬世臣子之師範也。杜少陵詠孔明詩云：出師未捷身先死，長使英雄淚滿襟。蓋孔明之佐失主，君明於上，臣良於下，志決恢復，身殲軍務之勞，死弗其心。公之輔帝君闇，臣茲欲恢復而不可得也，死決于丹心，真可哀已。若使唯后如馬嵬之事，清忠磔諸市朝，則其功烈豈不有過于孔明乎哉？

乎哉。老師之贊辭少，而義大，與入中國之史幾呂異矣。垂之不朽，不亦天幸哉？

三忠傳下

三忠傳跋

家父稱平藤楠爲三忠爲三仁或難之曰三公果與殷三仁班乎曰微箕比干或太或存或死同出於至誠惻怛之意故不啻乎愛之理而有目全其心之德也平公禱神而死藤公諫而太楠公殉國而死其心均出於愛君父之誠合天理之公而無人欲之私豈可不謂之仁乎曰夫子之門顓顓然惟仁之是求然不設許之三公果仁者乎曰夫

三忠傳跋

一

子於管仲小其器而仁其功且范蠡泄庸大夫種管人稱之爲越有三仁三公之功德汗豈不如此三子乎曰平公贈金於育王山及燈籠大臣之事不記之何也曰家父曰姑舍是有微意在當思而得之

三忠傳跋

二

後學安東元簡侗菴謹題

貞享元年甲子三月吉辰

雒陽書肆柳枝軒雕刻

# 書 林

京都寺町通佛光寺

河内屋藤四郎

江戸日本橋通壹丁目

須原屋茂兵衛

同 貳丁目

山城屋佐兵衛

同 貳丁目

須原屋新兵衛

同 南傳馬町壹丁目

山城屋政吉

同 下谷御成道

英 文 藏

同 大傳馬町貳丁目

丁子屋平兵衛

同 芝神明前

岡田屋嘉七

同

和泉屋吉兵衛

大隈齋橋筋本町角

河内屋藤兵衛

大隈齋橋筋博勞角

河内屋茂兵衛版

福田宇中 著

# 日本義烈傳

明治十三年（一八八〇）大阪刻本



據明治十三年（一八八〇）  
大阪刻本影印

日本義烈傳序

復讐之舉。出於臣子忠孝至情。聖人既無弗其戴天之教。而韓柳諸公之論。各得其當矣。胡康侯傳春秋於復讐之義。悲憤髮指云。豈非義氣所感使之然乎。

序

皇國光嶽鍾秀人之氣稟尤厚於

節義。是以復讐之舉。特出於萬國之上。其枕戈臥薪流丐驚身。以遂其志者。古今不下幾百孱婦弱子亦在。可不賞歎乎哉。或曰。方今萬國交通。開化日新。人皆駢心於機智巧技之末。節義之氣。或將漸滅。余曰。否。夫人秉彛之性。極天罔

墜況朝家甲令。於綱常倫理。三致意焉。則今日之開化。與忠孝節義之心。將益極其盛大也。福田宇中著復讐義烈傳。亦得康侯悲憤之旨。著其裨世教。豈淺小乎。余喜而為之序。

序

明治二年庚午之冬晚翠老人

橋本孝撰

自序

昔者法律暗于上。罪惡隱於下。今也法律明于上。罪惡顯於下。法律之暗也。人民有逞其惡者。法律之明也。人民無蔽其惡者。當幕府執政之日。士人之逞暴殺者。君不得而罪之者。往往在焉。是所以有復仇之舉也。夫孝子之復父之仇也。經艱楚。嘗苦辛。遂成其志。美譽赫々于後世者。指不遑屈。可謂國之美談矣。自開化自由之說起。昔日所稱揚。為今日所嗤笑者。蓋十之八九。於是復仇亦如不免。暴舉之稱者。嗚呼。時勢之變遷。一至於此也。

余曾喜忠孝節義之事。好讀稗史野乘。輯復仇之事。為一書。稿既成。時際維新。事皆屬陳腐。故收篋底。十年於此矣。今讀之。不忍拋棄之。題曰日本復讐義烈傳。蓋孝子之艱楚苦辛。皆因法律之暗于上焉。今也絕復仇之跡者。因法律之明于上也。觀此書者。回想舊來之舉動。亦足以徵現今之進步焉。

明治十二年三月 編者識

# 目錄

① 紀曾兄弟事

世稱曾我復仇

② 紀日野阿若事

同佐渡復仇

③ 紀今井兄弟事

同天文復仇

④ 紀林兄弟事

同天下茶屋復仇

⑤ 紀多賀兄弟事

同日以谷復仇

⑥ 紀渡邊數馬事

同伊賀越復仇

⑦ 紀湊川銀之助事

同玉造復仇

⑧ 紀藤戸大三郎事

同黑銀谷復仇

⑨ 紀曾根次郎吉事

同長門復仇

⑩ 紀石井兄弟事

同龜山復仇

⑪ 紀小林兄弟事

同桑名復仇

⑫ 紀園田安兵衛事

同高田馬場復仇

⑬ 紀伊東知代女事

同山田原復仇

⑭ 紀磯貝本部三子事

同御堂前復仇

⑮ 紀仙臺二女子事

同白石復仇

⑯ 紀小西太左衛門事

同岡山復仇

⑰ 紀農夫吉太郎事

同吉野山復仇

⑱ 紀山形忠三郎事

同天下村復仇

⑲ 紀農夫彌藤次事

同會津復仇

⑳ 紀前田半十郎事

同栗津原復仇

㉑ 紀農夫八郎事

同九龜復仇

㉒ 紀土谷又藏事

同莊内復仇

㉓ 紀淺田兄弟事

同水戸復仇

古今  
復讐日本義烈傳目錄

古今  
復讐日本義烈傳目錄

④ 紀山崎母子事 同深川復仇

⑤ 紀岩井兄弟事 同肥後復仇

⑥ 紀村松藤吉郎事 同松谷村復仇

⑦ 紀喝兀事 同柳瀬復仇

⑧ 紀井上傳十郎事 同一橋復仇

⑨ 紀廣井盤之助事 同和歌山復仇

古今  
復讐 日本義烈傳目錄

⑩ 紀農夫兄弟事 同江刺村復仇

⑪ 紀飯高兄弟事 同濱波太復仇

⑫ 紀村上兄弟事 同高野山復仇

古今  
復讐 日本義烈傳目錄 終



復古 日本義烈傳卷上

阿波 福田宇中著

紀曾我兄弟事

伊東家繼者。住伊豆國久須美妻生男。稱太郎祐家。亡幾妻歿。妻舉男。曰乙石丸。妾竊毒祐家。家繼遂仕以乙石丸為嗣。稱伊東祐繼。祐家之子出。在河津莊。曰河津祐親。祐親慨然曰。吾為家經之嫡孫。有故在外。不得為嗣。是可憾也。久壽二年七月。義賢反。官命源義朝義平等討滅之。祐繼與焉。得重傷。自知不可

古今 復古 日本義烈傳

上 一

起。託幼兒金石於祐親而歿。祐親乃入于伊東氏之邸。保育金石。居數年。金石成童。稱工藤祐經。祐親以女妻之。祐經出。在干京師。美安二年三月三日。祐經母歿。同母弟伊豆三郎未計出。遺書示之。祐經悲哀。披而讀之。書中有祐親所領之字佐美。伊東河津三莊者。我家之有也之語。祐經始知之。憤怒無措。遣使責之。祐親大怒。遂使其使祐經訴于六波羅。官召祐親問之。祐親曰。祐家者家繼之適子也。早故。以適子祐繼為嗣。以俟。遺言在焉。平重盛判之曰。祐親之言是也。祐經

者。以母之遺書而已。彼旦夜出也。因割宇佐美一莊。賜祐經。祐經怒。稱病不出。與第三郎謀。欲討祐親。至駿河。告於叔父高橋長重。以故。長重許諾。將以闔族討之。祐親謀知之。備不虞。長重引軍還。祐經不得志。歸于京師。祐親奪祐經妻。嫁士肥遠平。祐經益怒。使從兄大見小平太及臣八幡三郎二人。討祐親。安元

古今 復古 日本義烈傳

上 二

二年十月。祐親狩赤澤山。一日設宴興闌。壯士相撲。俣野五郎者有薙刀。無出其右者。祐親子祐泰當之。攫五郎投之。眾嘆稱不已。於是宴畢。大見八幡等在樹間覘。祐親祐親與從騎魚貫而下。祐泰先進。一士持滿射之。矢應弦洞。祐泰胸斃焉。祐親怒。眾射者不得擁屍而歸。祐泰有二子。兄曰一萬。五歲弟曰宮王。三歲。祐親以九郎祐清為嗣。祐清使祐泰寡婦携二孤嫁於曾我太郎祐信。故二孤冒曾我氏。壽永二年。一萬加冠。稱十郎祐成。祐經得賴朝之寵。恐祐成等長大將有所為。欲絕禍根。請賴朝賴朝命誅之。畠山忠重乞命。滅此一等。祐信歎。二孤之薄命。使宮王為箱根山僧行實之徒弟。建久二年。宮王十一歲。兼夜出山。

與祐成謀報復祐成託之於北條時政時政為加罰稱五郎時宗兄弟覬祐經不得其間也四年五月賴朝狩于富士野祐經從焉有八日夜大雨兄弟逼祐經之營聞無入祐經預密有禍移他舍也。有人告其所兄弟踰垣排戶入祐經不知也兄弟相謂曰寐者同死者殺之何益乃疾呼曰曾我兄弟報父之仇也祐經驚拔枕上之刀刀未脫室祐成立斬右肩時致就斬其腰而絕兄弟曰數年之宿怨幸而得報又無意於人間唯有此焉耳死者一也此則奮餘勇試一刀於賴朝乃犯其幕宿營之士應聲

古今  
後書  
日本義烈傳

上  
三

而出闕炬光明滅傷殺無數賴朝怒曰誰討之者仁田忠常與祐成鬪斬之時致被捕翌日賴朝自詰之乃曰父祐泰嘗為祐經所殺且奮曾我莊故欲報之有年於此遂得報仇吾事畢矣刀鋸鼎鑊惟君所命也賴朝問何故犯吾幕曰吾仇祐經君寵愛之吾祖祐親君仇視之故欲試一刀也賴朝曰壯士也欲看其死祐經于犬坊哀一訴斬之於松崎

野史氏曰鎌倉之時惟武是尊同族相害不知有綱常彛倫也祐經與祐親爭地不勝遂殺祐泰於心獨

快乎請賴朝欲絕禍根何其過也兄弟捨生取義斃祐經於一刀之下以報父之仇其名赫々千歲之後聞者快之如兄弟者可謂得彛倫之完者矣

紀曰野阿若事

後醍醐天皇惡北條氏之專橫與日野中納言資朝權中納言師賢右少辨俊基四條中納言隆資平宰相成輔等謀討之當時聞之大驚與諸臣議欲殺資朝及俊基檻致於朝於佐渡時本間某為佐波守護資朝子阿若年十三欲見父阮佐渡就本間氏請之不許留數日本間使族三郎朝

古今  
後書  
日本義烈傳

上  
四

資朝阿若憤怒欲朝報怨兼風雨夜覬之惟見三郎在卧蓐不見本間阿若謂是亦父仇也直入刺之欲逃去門鎖不得出因攀竹梢竹僵得出於牆外至海濱索秘而去本間見三郎之死索阿若不獲使人追之不及阿若歸鄉母賞其孝勇事在弘元年野史氏曰北條氏之執政權也最警視

皇上土芥視公卿殘虐極矣資朝等憂憤謀誅之不成遂及禍豈不遺憾乎阿若幼弱思父之切超洪波大濤請面訣本間氏不許何其無情也抑殺戮資朝者當時也妨害孝志者本間氏也有此主而有此臣招三郎之少

亦不宜乎。

### 紀今井兄弟事

天文中。武田信虎之臣石原刑部者。以佞諛有寵。今井市之亟者。與刑部不相善。六年六月某日。市之亟在殿中坐睡。刑部見之。呼信虎所愛之猿來授刀。令擊之。市之亟驚見之。猿也。怒斬之。鎌田織部安間三左衛門未問告。以故。刑部入讒之。信虎怒。幽市之亟。且欲加誅。板垣駿河甘利備前等諫之。減死一等。刑部謂市之亟曰。公之怒猶未息。君宜為計。市之亟曰。

古今  
後傳  
日本義烈傳

五

臣固決死。然身不帶寸鉄。為之如何。刑部退。謂信虎曰。刑部既減死。請授佩刀。信虎允之。市之亟以書告。諫今井權藏。以故。刑部至。以刀授之。市之亟忽拔擊之。刑部被傷去。市之亟終自盡。權藏聞報。携市之亟三兒立參河男曰彌四郎十一歲。女曰天留七歲也。七年春。信虎託晴信於今川義元。欲使次子信繁為嗣。晴信欲為。嗣謀於義元。老臣等嘗憂信虎之寵佞者。欲使晴信代之。使信虎至駿河。刑部從焉。義元繫留之。晴信歸國為嗣。有山本勘助者。仕晴信。有名望。權

藏欲託二兒。往訪之。不在。託於其第十藏所。歸信虎。

使刑部赴三河。途捕權藏。問二兒之所在。不告。殺之。勘助歸于家。十藏告以二兒復仇之故。勘助曰。是在我掌中。乃欲窺刑部之舉動。與之交日密。一日謂刑部曰。卿有武略。出寓他家。無所展其驥足。何不殲良將。以求名聲。對曰。予亦思之久矣。君請謀之。勘助諾。使刑部逃去。信虎怒。令捕之。不及。走至參之長澤。十藏使諫誘之於山中。路傍有呼刑部者。顧之。弥四郎及天留也。迫之曰。我兄弟則市之亟之子。欲報父之仇。

古今  
後傳  
日本義烈傳

上

六

也。接刃數合。天留自傍擊其頭。斃。持其首去。弥四郎再仕武田氏。天留嫁今井伊勢守。

野史氏曰。當群雄割據之時也。非勇武之士。則不能維持國家。也是勇武之士之所以有寵於君也。信虎不知維持國家之法。惟愛佞奸之士。遂至離間君臣。隔閡親子。使國家不振。何其過也。刑部之惡衆之最。所惡之者。應報忽至。授頭於今井二兒。語曰。出乎爾者。及乎爾者也。刑部在焉。

### 紀林兄弟事

浮田秀家與石田三成戰德川氏于關原。老臣長船紀伊守在國竊送款於德川氏。林玄蕃者責其非。紀伊怒使當麻三郎右衛門殺玄蕃於歸路。玄蕃子重次郎及源次郎聞報驚輿屍而歸。少焉醫馬洲某至曰。紀伊率衆將圍君第。是以未告。兄弟擁母走。隸足立彌助佐藤元右衛門從之。在播之加古川。紀伊聞關原敗報鎖關門。秀家不得入國。遂就擒。罪當死。島津忠恒乞哀減死一等。流于八丈島。家康召紀伊等之黨三郎右衛門逃亡不獲。紀伊處流。其餘得罪有

古今  
復舊  
日本義烈傳

上  
七

差。林兄弟聞三郎右衛門伏誅曰。既不得報仇。處世無益。不如從父於九原也。彌助曰。事或出謬傳。請暫俟之。百方探之。聞三郎右衛門未死。然未知其所在也。居三年。重次郎罹脚疾。醫藥無功。遂不痊。母亦疾病。召源次郎曰。吾命在旦夕。汝不知乎。有隸鵠幸右衛門者。有故出在山城伏見。依彼求報仇。彼必不棄汝也。吾畢而瞑。源次郎悲慟無措。葬遺骸。舉家上京師。貪因殊甚。彌助見元右衛門之數醉飽。規諫之。元右衛門啣之一曰。源次郎為索仇宿於外。元右衛門窺彌助之卧。刺其胸

殺之。盜衣物去。翌源次郎歸。流血淋漓。見彌助斃。愕然至。重次郎寢室。睡未覺。拊背問之。重次郎曰。予因睡不知。豈元右衛門之所為歟。此地不可久留也。去之浪華。在福島天神側。結茅茨居焉。仇三郎右衛門仕于大野治長。更姓名稱伊藤將監。偶步天王寺邊。袂服盛裝。從僕甚衆。途與元右衛門逢。元右衛門意謂我身無所倚。仕于彼為隸可也。乃進請之。從至其邸。將監門故曰。予從林兄弟。嘗苦喫辛。有年於此。與彌助者惡焉。故害之而去。身無所歸。得為君隸。則幸莫大焉。將監曰。

古今  
復舊  
日本義烈傳

上  
八

汝殺林兄弟。以絕禍根。則可共安樂也。元右衛門喜。至京師。索之不獲。將監不喜。一日過福島邊。見重次郎臥於茅廬。歸告之。將監大喜。即夜與元右衛門及僕隸。未索之。源次郎不在。重次郎覺仇至。拔刀欲闘。不能立。遂死於葦刃之下。源次郎歸來。見兄死。切齒曰。不知仇在此地。使阿兄罹此。難嗚呼吾死矣。雖然。吾死則孰慰父兄之魂於地下乎。不如暫假生。猶可以報仇耳。去至伏見。訪鵠幸右衛門。出母之遺書。幸右衛門讀之。縷述播加古川狀。一行一淚。悲慟不堪。



泣曰。予聞君家之不幸。欲往從之。追蹤不得。今得面君。請安之。源次郎告以母及兄之死。涕泗交流。幸右衛門慨然曰。既知仇。斯在。報仇不為遲也。乃相伴之大坂。周索經旬。聞其在城中。索之無由。幸右衛門曰。聞水村長門守者有名望。依賴於彼。則大事或有成焉。二人至。請曰。吾等欲報父兄之仇。仇在城中。不得討之。煩公欲得報仇之階也。長門守感其孝義。謀于斤桐旦元。旦元召市尹塙團右衛門問之。團右衛門曰。是大野治長之臣伊藤將監者歟。聞彼自為警備計之實難。頃者住吉神祠經營將成。秀賴公必親臨之。彼從而出也。此期不可失。且元告二人以其謀。及落成之日。諸臣護各所。治長至大和橋。將監果從焉。且元謂二人曰。聞元右衛門在將監邸。乘將監不在。而捕之可也。二人乃率僕隸縛之。責其罪而斬之。去。至天下茶屋。面團右衛門。團右衛門使二人潛伏。秀賴歸館。團右衛門至治長之衛所。慰其勞。且稱將監之武名。治長曰。彼有仇焉。歸途關心。請假君之保庇。曰。予臣坂田莊三郎者。督力過人。使之為副。治長

喜。將監與莊三郎連騎過松林間。源次郎突出曰。汝不知乎。吾是玄蕃之次子。討父兄之仇也。幸右衛門次而進。將監驚。顧莊三郎請援不應。下馬與源次郎鬪。左右將援之。莊三郎瞋目叱之。披靡不敢迫。將監槍頭稍亂。源次郎擊其虛。殪之。治長大怒。以狀聞。旦元諭以利害。事漸解。後二人為麾下之士。元和之役致命云。

野史氏曰。甚矣人情之有厚薄也。在內忘君者有焉。在外不忘君者有焉。均是臣也。或為幸右衛門之忠。或為元右衛門之奸。恩讐相反。何至於此也。彼母氏既知幸右衛門之可賴。而不知元右衛門之不可賴。而致彌助及重次郎之死。亦不遺憾乎。然源次郎之倚於幸右衛門。遂成其志者。可謂因母氏之明監也。

紀多賀兄弟事

京極若狹守忠高之臣。有箕浦備後內藤兵庫。多賀孫左衛門者。備後之李子與四郎美姿貌與兵庫之子八左衛門。情好深密。孫左衛門之子孫兵衛。慕與四郎甚切。與四郎辭以有情人。孫兵衛強問其名。與



四郎恐有禍不言。告之於八左衛門。八左衛門與四郎謀欲殺之。孫兵衛數至備後之家。一日與四郎等置酒饗之。八左衛門在座。乘其醉刺之。投屍於鹽津川。以為不知而往。為人所傳語。孫左衛門聞之大怒。許于忠高。忠高使吏探之。果真然。不忍罪之。使備後父子及八左衛門竊逃去。孫兵衛有二弟。兄年十三。弟年十一。一幾父歿。兄襲父名。稱孫左衛門。弟稱忠大夫。偶忠高卒。刑部少輔忠知為嗣。移於播州立野。賜六萬石。當此時多賀兄弟出國。欲索兄之仇。而不識

古今  
後曾  
日本義烈傳

上  
十二

其面貌也。諫問市大夫者。得罪在外。恨兄弟之無援。請與俱往。兄弟喜。從兄三田右衛門八亦副之。周索多年。不得踪跡。備後仕于土井大炊頭。罹病死。與四郎亦尋死。八左衛門仕于小笠原信濃守忠修。受祿五百石。忠修慮有禍。不令出邸外。八左衛門曰。受君之恩。無事而坐食者。於義耻之。忠修乃為近習。八左衛門每出。倔強少年六人擁之。一日八左衛門至土井大炊頭邸。多賀兄弟探知之。要於途。八左衛門跨馬來。市大夫指曰。彼騎者仇也。孫左衛門出馬前。

疾呼曰。多賀兄弟報兄仇也。忽擊其面。忠大夫斬其肩。八左衛門墜於馬。孫左衛門再擊之。傷淺不死。從者擊孫左衛門。忠大夫見之。不遑避馬。自馬之股間潛出。刺八左衛門。孫左衛門與從者鬪。從者斫孫左衛門之右腕。孫左衛門左手振刀。從者輪薙刀未貫其袖。孫左衛門怒鬪。從者投薙刀而走。孫左衛門倒忠大夫。右衛門八。市大夫與從者鬪。殺傷頗多。忠大夫見孫左衛門之倒。抱之。問所欲言。曰。既得報仇。吾事了焉。終絕。八左衛門之從者死者十有一人。其他

古今  
後曾  
日本義烈傳

上  
十二

多被傷者。距孫兵衛之死。二十有一年。遂報其仇云。事在寬永十八年。

野史氏曰。八左衛門殺孫兵衛。投其屍於河。自以為得謀。可謂愚矣。與四郎罪亦不免誅。宜矣。為所訴。然族偏愛之深。不罪而令逃去。忠修之遇八左衛門也。防禦無不至。兄弟之報仇也。惟有二人之副者耳。然奮鬪遂志者。勇義之所向。雖千萬人不懼。兄弟在焉。

紀渡邊數馬事

備前岡山藩主松平宮内少輔忠雄之臣。有渡邊數

馬者。弟源太夫與同藩士河合又五郎惡焉。偶數馬至臧族津田豐後家。又五郎覘數馬不在。率從者來殺源大夫去數馬之隸岩佐作兵衛在病蓐。聞變而出。則有提刀過者。叱曰何物賊子。賊散馬去會步監遠山才兵衛來立斬之。蓋其餘黨也。數馬聞報歸。則弟既死。欲追蹤賊無及。寬永七年七月廿一日也。忠雄聞之。令捕又五郎不見形迹。國老荒尾志摩加藤主膳等相謀捕又五郎之父半左衛門。幽之。半左衛門初仕于安藤對馬守重信。嘗役人去客于渡邊氏。得渡邊氏之薦舉。為藩士也。江戶麾下士久世三四郎阿部四郎五郎二人曾出入于忠雄邸。忠雄聞又五郎匿于麾下。安藤治右衛門之家。託二人詰令出。又五郎二人與治右衛門謀報答曰。以半左衛門換之。忠雄即送致半左衛門。治右衛門等既奪半左衛門。遂不出。又五郎忠雄知所欺大怒。告列侯將奪之。治右衛門之黨為之備。幕府憂之。使池田備中守長幸幽半左衛門。忠雄暴卒。光仲為嗣。長幸亦卒。於是幕府附半左衛門於松平阿波守忠英。忠英送

半左衛門於國。途中罹病死。治右衛門等得罪。使又五郎去。九年七月。幕府使光仲遷封於因幡。數馬欲報仇。至大和郡山。就荒木又右衛門者謀報仇。又右衛門者數馬之姊夫也。又右衛門曰。吾亦漆一臂力。然此地不便索仇。乃託妻孥於親戚共至攝之丹生居。少焉赴江戶周索。再歸丹生。又右衛門同藩士有河合甚右衛門者。為又五郎之伯父。追又五郎至江戶。伴歸在奈良。又右衛門探知窺其隙。十一年十一月六日有又五郎赴江戶之報。數馬告又右衛門曰。期不可失。即夜欲討之。又右衛門曰。奈良之地。人家稠密。非報仇之地也。聞明夜宿伊賀島原。就彼地討之可也。乃與徒弟河合武右衛門岩本孫右衛門倍道行。七日曉。出于伊賀上野小田街。甚左衛門與又五郎發櫻井半兵衛副之。半兵衛者又五郎之妹夫也。弓銃手二十人簇擁而來。又右衛門躍出。所甚左衛門於馬上。半兵衛驚將下馬。武右衛門擊之墜於馬。創淺。揮槍起鬪。又右衛門代之。斫半兵衛未絕。不顧而追。又五郎從者歟死鬪。武右衛門及孫右衛門

等迎之或斃或走。置屍滿途。數馬與又五郎接刃數合得傷。又五郎疾呼鼓其氣。數馬奮擊遂斃之。此地係藤堂高次之米地。臣彥坂嘉兵衛與四人歸武右衛門傷劇。至夜遂死。三士在藤堂出雲之邸。十五年六月幕府賜三士於高次光仲請之於高次為臣野史氏曰。勸善懲惡者。治國之大法也。德川氏之執政權也。勸懲之事如措而不問者。何則不罪一夫之及五郎。唯忌忠雄之所為。百方計除之。及忠雄暴卒。使嗣子光仲遷封。何其酷也。豈矣亂臣賊子之不絕跡。甚左衛門可謂不辨理非者矣。又右衛門之赴兄弟之難。使聞者頑夫廉。懦夫立志。嗚呼方今人情澆薄。兄弟爭利。鬪墻者比々皆是也。予有所望於又右衛門之義氣也。

紀深川銀之助事

遠州掛川藩主朝倉筑後守基正。招劍客三宅玄蕃者。授藩士以刀法。玄蕃為人暴慢凌人。衆往往惡之。基正卒。嗣侯疎玄蕃。藩士長坂忠大夫之男折之進者。為侯之侍臣。嘗就玄蕃學劍。玄蕃慕其姿色。以書

古今  
後管  
田本義列傳

上  
二十五

古今  
後管  
日本義列傳

上  
十六

挑之。不報。一日遇於途。玄蕃怒曰。予數以書通情。然子不答者何也。如不許。予請則將有所報也。折之進恐其強暴而詐諾。而歸閉戶不出。鬱憂成病。醫藥無功。終歿。侯聞之。令幽玄蕃。玄蕃語人曰。先侯愛吾。今君惡吾。愛惡異地者由好與不好也。不如得明主展驥足也。遺書一緘出去。侯見書曰。奴輩吐不遜之語。誹謗寡人。誰追得殺之者。衆對以忠大夫。忠大夫奉命向關東。至江戶。僑居芝三島邊。周索不獲。寬永四年之春。將之京師。過大磯驛。至鞠子川。玄蕃謀知之。在小田原一色村候之。忠大夫衝雨來。玄蕃自路傍拔刀出擊之。忠大夫驚見玄蕃也。將拔佩刀。玄蕃斷其右腕斃。隸某來援。玄蕃擊之為兩斷。輕卒八右衛門迫至。襲玄蕃。勇辟易逃歸。報于國。侯切齒曰。玄蕃者萬夫不當之勇也。使忠大夫一人討之。實寡人之過也。更命深川銀右衛門者。上村貞八井關角兵衛副之。六月出國。微服探奈良伏見。不見影跡。五年之春。玄蕃在但州出石大塚村。村民嗜武。來學劍者多。一日玄蕃謂衆曰。予有仇不可不報。若仇來。賴卿等

之援。曰：師有難，吾等以此援之。玄蕃曰：事急，則不  
追報之。聞海螺聲乃來，援焉。相約而去。深川等知玄  
蕃之所往，乘夜襲來，呼曰：有君命討賊也。玄蕃驚起，  
吹海螺。三士亂入。玄蕃迎闕，村民聞海螺之聲，蟬集。  
三士亂擊衆，寡不敵，並死。玄蕃謂衆曰：今日之事，  
無卿等之援，則身殆危。唯恐又有他難，遂謝去。六年  
之夏，但州之賈客寓掛川，語及玄蕃殺三士之事，有  
聞侯者，疑三士之無報使人，探之果信。銀右衛門  
之弟，銀之助，聞兄之死，請報仇。侯見其孱弱，不許，使

古今  
復古  
日本義烈傳

上  
十七

撲其援。銀之助與姊夫千原佐市及隸浪川藤右衛  
門竊脫國去，徧探諸州。聞玄蕃在大阪，玉造揭榜集  
徒，而無隙可乘。乃偽使銀之助為徒，第七年春正月  
上元，開演武場。比日雨雪，徒弟集宴，宴畢皆亂去。銀  
之助獨留，欲報仇。玄蕃醉臥，佐市及藤右衛門在戶  
外窺動靜。銀之助鶚立枕上，曰：汝不知乎？吾是深川  
銀右衛門之弟，報兄之仇也。斬其肩。玄蕃驚創，深不  
能起。再擊斬其首。徒第二人起，闕佐市藤右衛門與  
之接刃，遂斬之。歸于國，侯喜躍賞之。

野史氏曰：掛川侯之欲殺一玄蕃也，使干城之士，懸  
彼之鋒刃而不悔，猶募其人。如不知所處，止可謂私忿  
之甚者矣。銀之助一少年，固非玄蕃之敵也。然能得  
其策，乘仇之隙，遂斃之，豈以孱弱可輕視乎？

### 紀藤戶大三郎事

寬文中，白川侯臣有藤戶大右衛門者，為侯之侍臣。  
同僚清水權左衛門，使倭有寵，二人共監侯之馬。一  
日，侯遊獵出干野，有鶴舞于空。侯命大右衛門擊之。  
馬飛，助去。侯怒，使權左衛門擊之，獲焉。侯賞權左衛

古今  
復古  
日本義烈傳

上  
十八

門，以兼光刀而禁錮大右衛門。大右衛門謂妻曰：聞  
權左衛門使道上，咒詛我，不知何故也。妻曰：彼嚮數  
以書通情於妾，妾却之，以故至此歟。大右衛門曰：甚  
矣，彼之暴惡也。使我罹此禍，彼所為也。殺彼可以散  
吾恨耳。妻曰：殺彼則君亦不免死也。請姑忍，俟彼  
自倒。大右衛門諾。侯命赦大右衛門之罪，後復遊獵。  
權左衛門鷹多獲，大右衛門無獲。權左衛門意氣揚  
々，跨馬而歸。大右衛門見之，不堪忿怒，拔刀自後擊  
之。權左衛門墮於馬，起而聞從者來救。大右衛門得



數創而死。疾怒沒其籍隸松本新左衛門携母子至江戶寓赤坂權左衛門湔事發覺亦被逐。歲月荏苒大右衛門子大三郎年既十四。新左衛門子新藏亦十三。新左衛門使二人學刀法。三年大三郎技大進。請母曰。兒願經歷諸州以索仇。母曰。汝妙齡枝未熟。請暫俟之。居二年復請。母曰。可也。新左衛門請從。大三郎不許。新藏送行至幸手驛共宿。大三郎曰。予自出家懷母之情未已。予與汝欲為兄弟之約何如。新藏曰。君之孝思可謂至也。然君臣之分不可亂也。大

古今  
復讐曰木義烈傳

上  
十九

三郎曰。予以為可。孰敢不可。執盃誓曰。予與汝為兄弟。子母則汝之母也。汝父亦予父也。予母與汝父為夫婦。則予願足矣。予書以請之。汝應勸獎授一封而別。新藏歸告其母。母見書悲泣曰。彼出國懷我之極。至於此。可謂孝也。新左衛門以忠實終。君臣之禮不衰。云某年七月。大三郎歷陸奧欲至北越過尾形原。日既暮。賊三人塞路曰。客請與酒錢。大三郎怒。斬一人。一人走且呼。賊八九人自草間連鋒而來。大三郎斬三人。傷二人。餘皆逃去。大三郎疾行三里許。漸至

古今  
復讐曰木義烈傳

上  
二十

人家宿。焉遂歷越中外山出大坂。寓於四橋。集少年授刀法。獨與友人遊新街。與妓賤機歡。荆木樓妓錦木者。慕大三郎以書請之。賤機對曰。汝欲奪吾之歡。孰敢與之。汝何不先人而納約乎。不許。錦木往見曰。吾思慕之切。殆忘耻請而不許。則有死耳。賤機曰。汝之迷戀亦可謂甚也。汝欲死則死。非吾所知也。錦木怒曰。我豈獨死。死則與汝共死而已。拔短刀將刺之。有人來收。樓主聞之相謀。請賤機與錦木各使當月。於是大三郎眷戀忘歸。囊中亦罄。賤機情日疎。錦木則反之。屢以書招之。且為償其費。問曰。君有父仇。真歟。大三郎曰。然。錦木泣涕曰。妾不知孝義之人。徒令消盡光陰。妾罪無所逭。請有焉。大三郎曰。吾非忘仇。汝情義之厚。以至於此。今聽汝之言。深徹心肝。吾將速報仇。錦木曰。曩之誓勿忘。君能達志。則君之妻也不成而死。則來世必為夫婦。出金三十圓曰。是妾鬻身之期。更加二年。而所獲也。請供旅費。大三郎辭之不可。遂受。館去曰。事成則深相報。遂出自犬和。至紀伊和歌山。經東海道。僦馬將至濱松。馬夫侮大三



郎貪酒錢不止。大三郎按劍叱之。馬夫又辱罵大三郎。大三郎怒。一刀斬之。見捕吏來。逃入大信寺。見僧求教。僧許諾。捕卒來圍。僧拒不入。卒長一人入見。大三郎問故。大三郎告其狀。且熟視其人。如有一面識。問曰。見君之容貌。與予故人相似。本藩之人歟。將客士歟。曰。予本為白川侯臣。稱清水某。今仕本藩。大三郎呼曰。余藤戶太右衛門子大三郎也。拔刀擊之。權左衛門驚走。欲追之。僧止之曰。門外有捕卒。君請暫休。僧直訴曰。有孝子投於我。欲復父之仇。願令

古今  
日本義烈傳

上  
三十一

得遂其志。濱松侯乃令索權左衛門不在。大三郎在寺而竊焉。搜索國中。數日無蹤跡。大三郎罹病。侯使醫來。恩卹無不至。然一日劇於一日。大三郎自知不可起。乃為書屬僧曰。吾命在旦。死則致之於母。余曩在浪華。與新街妓錦水者。為夫妻約。臨別贈三十金。彼賣身所獲。今餘二十金。請并書致之。不日遂死。其母得書。慟哭殆絕。新左衛門父子亦不堪悲憤。以幾新左衛門臥病危篤。召新藏曰。汝必復仇。遂歿。錦水聞計。悲痛成病。謝客。累曰。難波有鐵眼禪師。唱黃

古今  
日本義烈傳

上  
三十二

藥宗。鳴於都下。錦水往謁。具語大三郎顛末。奉二十金。為香花之資。鐵眼稱其貞操。錦水曰。妾限滿必為徒弟約而歸。鐵眼每對客嘆稱。錦水節婦之名。噪於一時。後落籍。遂薙髮修苦業云。新藏欲復仇。乃祈淺草大土。百曰。每晨寒水淨身。往拜。偶有乘馬過戶外者。望而絕。新藏見之。與藥保護。稍蕪。問名居。曰。予住黑鉄谷。名伊助者。平日以鬻馬為業。再生之恩。何以報之。自後時々慰問。一日來告曰。予主人岡部太仲者。貪困欲賣名刀。元某侯之所賜也。君監之。新藏往見之。主人相貌與所傳聞仇人面容不差。出刀示之。亦公所賜。清水之刀也。乃問曰。是子家所藏歟。予欲贖之。不可不詳出所對曰。予本事白川侯。稱清水某。是侯之所賜也。新藏聞其實。急欲刺之。病無刀。偽對曰。貴重之刀。所希見也。拔刀見之。呼曰。藤戶太右衛門義子新藏。復父仇也。斷其右臂。自右肩及左乳下。遂斃。時延寶四年十二月十四日也。事聞。幕府命白川侯召歸新藏。令復其田祿。

野史氏曰。志不專則不能成大事也。大三郎之索仇

也。雖出於孝義。其志不專。故枉步於花街。流連至忘大事。不可謂孝也。不得報其仇。半途而歿。悲哉。雖然與新藏約為兄弟。令繼其志也。其慮過人遠矣。

紀曾根次郎吉事

豐前小笠原遠江守有<sup>名</sup>刀號太內太刀。德川秀忠公所賜云。每年六月例曝武器。寬文九年侯在江戶藩邸。六月某日。召侍臣催宴。適武州忍城主阿部豐後守使者曾根次郎大夫來問。起居侯召見賜盃。次郎大夫大喜。侯素被酒狂亂。強以太白。次郎大夫多

古今  
後發  
日本義烈傳

上  
三十三

益飲。侯賞之。以太內太刀。次郎大夫拜受而歸。復命阿部。侯喜曰。此刀小笠原氏之寶也。彼醉狂昏。瞋者歟。彼來請。必勿還之。次郎大夫退。小笠原侯醒而悔之。忽促駕至阿部邸。謂侯曰。頃辱使問。乘醉與重器於次郎大夫。請令還之。侯告次郎大夫告故。次郎大夫對曰。一旦落臣之手。則為臣之有。雖有君命不能還之也。君願欲取之。則臣有死耳。小笠原侯知不可奪。快々而歸。老臣泣田見賴母小笠原十左衛門等謁見問故。侯曰。刀不能取無如之何。賴母曰。刀不能取。是侯家之瑕疵。為之又無策可施。問侍臣峯

尾主水主水曰。臣有一計。侯喜曰。我任汝所為。汝能謀之。衆退。阿部氏臣春城三左衛門者為主水知己。主水招之。謂曰。我侯曩過。以重器與次郎大夫。侯請之不敢還。不取則係侯家安危。奪之無術。卿如奪之。則侯將賞以千石。三左衛門良久曰。奪之實難矣。雖然。託臣以大事。亦所不辭也。諾而歸。百方思所以奪之。一日訪次郎大夫。談及刀劍之事。三左衛門請見太內太刀。次郎大夫出示之。三左衛門為拔見之。急斫次郎大夫奪刀而逃。隸增尾助左衛門蹤之不及。

古今  
後發  
日本義烈傳

上  
三十四

次郎大夫子次郎吉甫九歲在湯島民部之家習御。聞報歸則父既死。次郎吉受買人奈良屋善兵衛者保育。學劍於衣笠六郎大夫。善兵衛初稱新七。仕奈良屋。甚喜新七為人。擢為家監。某家道日衰。奴婢皆散去。新七獨不去。曰。視主之貧而去。不義莫大焉。某深憐之。矯責其罪。逐之。新七出。在砂子街兌舖山城屋清兵衛之家為奴。清兵衛使新七至淺草今林某家取金二百圓。新七枉道過故主某。問安。出金與之。某不敢受。置之而去。某怪之。恐有禍。即告于官。清兵

兵亦謝之於官官捕新七下獄糾問得實遂放之某養新七為子後更名善兵衛次郎大夫又喜其為人令掌家事云延寶四年次郎吉成童請復仇於族族召見賜不動國行刀曰不動二字足為戒賜名勒負勒負拜辭歸將出國善兵衛謂曰大坂長堀系屋重兵衛者為余姻戚君先至彼地索仇勒負託後事與隸助左衛門共告別去赴東海道過由井驛至薩陞嶺曰既昏賊五人露刃以脅迫勒負斬一人助左衛門斬二人餘皆逃去助左衛門負傷終死勒負恐有

古今  
日本義烈傳

上  
二十五

他賊走至隣邑妙正寺請宿出金若干設助左衛門靈牌去至大坂寓糸屋重兵衛之家先是三左衛門既殺次郎大夫如約賜俸至豐前有寵縱飲無度窮極奢侈藩士皆惡之偶三左衛門與隸出江垂綸監官松岡彦兵衛青木惣右衛門見之曰卿不知乎今日是先族忌辰漁獵國有禁也三左衛門叩頭曰吾過矣吾過矣請附之不知予之願也惣右衛門曰我輩為監官不可不以聞也三左衛門怒曰予固有罪故謝之不許所請何叩頭之為拔刀斬二人歸

家如不知者吏往檢屍不知何人所為人往傳以為三左衛門之所為也三左衛門聞之知罪不免脫國去勒負至若狹宿旅舍壁間貼春水三左衛門名簿問主人曰予知春水氏歟曰知之彼北國之浪士也客歲仕奧之中村相馬族問其狀貌稍符之乃赴奧探之其名同而其人異悔而去經越後過岐嶮至東海道與善兵衛遇互賀無恙善兵衛曰予蹤君至大坂君不在至但州城崎浴溫泉與川越藩大川某親好聞仇之所在曰今在長州下關稱菊地三十郎

古今  
日本義烈傳

上  
二十五

僕喜欲報君無由也歸途遇君是天之賜也乃與俱至大坂謀于重兵衛重兵衛曰予出入長州邸知橫須賀兵庫者依此人可以謀大事也勒負至長州告兵庫以聞侯使武田一學禁錮三十郎以八年十月五日為復仇期使川淵武左衛門監之勒負與三十郎聞急擊其面三十郎目眩不得進再擊斬其右肩而絕檢官以狀聞侯遣使報恩侯賞之加俸祿歸史氏曰小笠原侯之狂亂固不足言也然悔過請之阿部侯使次郎大夫還之亦何不可之有諸侯相

忌之甚。遂養成三左衛門之惡。以致次郎大夫之禍。彼此相仇視。一何過也。諸侯之禮。外有贈答慰問。而內無恭敬親睦之心。三左衛門既已為寵臣。雖有罪惡。誰敢誅之。次郎吉之報仇也。可謂三左衛門之惡及乎爾者矣。

紀石井兄弟事

青山因幡守宗俊臣。有石井宇右衛門者。善武事。宗俊為大阪城代。宇右衛門從焉。宇右衛門有知友曰赤堀遊閑業。以從子源五左衛門為養子。宇右衛

古今  
後傳  
日本義烈傳

上  
二十七

門招源五左衛門。使居於天滿欲薦舉之。源五左衛門集徒授槍法。多就學者焉。一夜雨雪。少年會飲談怪事。燈忽滅。中庭有物如車輪轉。眾曰有怪現焉。源五左衛門提槍刺之。舉燭見之家狗也。人傳語曰。欲刺狗。學於赤堀。宇右衛門聞而病之。召源五左衛門謂曰。聞汝刺家狗。招人之嘲笑。是汝志未定之所致也。汝平生以暴慢自居。所以來妬者之口也。汝其戒諸。源五左衛門怫然曰。其時見怪而不見狗。不刺則人將為怪矣。刺有何不可。宇右衛門曰。甚矣汝之悞。

也。夫志定則見怪不怪。況家狗乎。予不戒汝。孰復戒者。源五左衛門曰。君不知予技。而漫責之。請見予倆伎焉。宇右衛門曰。汝年少。爭技之長短。猶可。然不唯不聽予言。至欲與予試勝敗。何其無禮。予且挫汝溢氣。使汝自省而已。乃執杖起。源五左衛門燃槍進刺。宇右衛門揮杖繳槍。直入連擊其頭曰。汝宜銘心矣。源五左衛門拜伏謝罪。乃命酒慰勸遣之。源五左衛門歸家。憤怒無措。欲報恨。覩宇右衛門不在。盜梁上。槍伏于牀下。宇右衛門歸。將入戶。源五左衛門出洞。其胸。宇右衛門怒攫槍而斃。從者驚將援之。源五左衛門斬之而逃。延寶紀元十一月十八日夜也。宇右衛門適子三之亟宿直不在。次子彦七郎在寢室。欲出戶不聞。破扉出。則父既死。於是兄弟請以復仇之事。小俊召兄弟曰。不俱戴天之仇。不可不報。如妻孥則寡人撫之。汝其勿顧慮。乃賜名刀。拜辭而行。聞遊閑在近江之大津。乃往訪見遊閑曰。汝子殺予父。逃亡其必匿汝所。汝速出之。對曰。在則在焉。汝父猶為所殺。豈汝所敵。不如疾歸之為愈也。兄弟大怒拔劍擊

古今  
後傳  
日本義烈傳

上  
三十八



之斃矣將絕哀告曰不肖之兒背恩忘義殺汝之父予豈容之聞予為汝所殺將自出汝可以遂素志也予先罵汝者激汝怒也汝其勉旃言畢而絕兄弟相講揭榜於屍一側曰殺遊閑者石井兄弟也汝父仇不報不可以立天地間兄弟今在濃州室原村於是兄弟同寓室原村犬飼頼兵衛家而彦七郎與親族不相善獨索仇出去八年冬三之亟從母死使隸孫助計安藝姻戚獨留犬飼氏家將浴源五左衛門來窺刺之三之亟驚開源五左衛門再擊斷其臂斃之頼

古今  
日本義烈傳

上二十九

兵衛及姪茂七來援源五左衛門斬茂七傷頼兵衛而逃天和紀元正月廿八日也孫助自安藝歸歎息曰使主羅此難嗚呼吾死矣將自殺有人留之曰生難死易子何不處其難以為報仇孫助感悟彦七郎聞兄之被殺切齒不及將之伊豫遇颶風溺死源五左衛門至勢之龜山寓藩士高木安右衛門家遂班士籍得近幸宇右衛門三男曰源藏年甫十四四男曰半藏年十五安右衛門娶姻族丹羽三大夫招二兒撫育之孫助聞仇在龜山索之遂不獲之安藝罹病死

二年源藏出國在備前岡山又去赴江戶求為龜山藩邸之隸不得其便元祿紀元半藏蹤源藏至江戶為賣茶兒以索仇數年兄弟遂得為龜山藩士夏日某之隸遂為報仇之地元祿十四年五月九日得報仇此日源藏哀鎖甲而俟半藏後至無暇着甲源五左衛門自城退出源藏遮路曰宇右衛門之子報父之仇言未畢急擊其頭源五左衛門驚不暇拔刀再擊之斃半藏就斬其首遺一書將去兄弟相謂曰今既入敵地欲遁得乎不如決意以俟捕者之至捕者

日本  
日本義烈傳

上三十

不至於是途出干伊賀遂入于京師以書告四方親戚故主下野守召兄弟復原籍野史氏曰宇右衛門之見源五左衛門也猶如子源五左衛門不知教誡有益於身而殺之其惡固不足論也兄弟之殺仇父遊閑者是亦不免為暴人也彦七郎與兄不一其志厭在姻家此不能耐忍若豈能遂其志乎使兄罹仇人力身亦葬魚腹悲哉源藏半藏之一其志始終不渝剛忍之功遂達其志愈於二兄也遠矣



紀小林兄弟事

遠州掛川藩小林一學者善武技有諸人之望患脚疾衆醫治之無驗元祿十三年三月請服浴有馬溫泉與江戸麾下士石川藤右衛門者同宿交日親一學僕虎藏者有臂力藤右衛門一見愛之欲養為子一學曰彼有老母不可不奉養也藤右衛門無如何告別一學至大坂訪徒兄芦塚軍右衛門軍右衛門貪因筆耕自給一學恤其不遇伴而歸國為求居使聚徒授書居數年軍右衛門旁教一學謂軍右衛門曰子以書書吾欲使子得仕

古今日本義烈傳

上三十一

途今授刺擊於人吾所不取也軍右衛門曰慨嘆歲月未得仕途欲以刺擊博名耳一學曰此地善刺擊者不為不多如子伎倆者不遑效也軍右衛門怒曰君未知吾之術也一學乃起揮水劍與之鬪軍右衛門倒覲然逃去後不敢過一學家一學妻歿有二兒兄曰熊太甫五歲弟曰道次郎三歲虎藏偶伴二兒詣佛寺軍右衛門覘而知之潛身階下俟一學出斬之而去虎藏聞變歸切齒不及俟沒一學籍虎藏勢二兒還御國美濃與其母撫育之居五年母謂虎藏使

古今日本義烈傳

上三十二

二兒撰師學劍法虎藏與俱至江戸訪石川藤右衛門告故請使二兒復仇藤右衛門有義氣使兄弟學劍法虎藏以角觔技周遊四方以索仇與桑名浪士田川某者相識虎藏告以索仇之由某曰予之在藩與宮本助九郎者交聞彼在遠州殺入子所索者豈此歟虎藏喜與兄弟急至桑名道次郎為醫半井甫莽僕熊太在朝曰奈外記大夫之家伺仇動靜外記大夫無嗣欲養熊太為子熊太辭曰予有父仇不得從命外記大夫曰仇誰曰宮本助九郎也外記大夫曰彼近日將來吾家子視之詳其實熊太喜告虎藏外記大夫一日招友人饗之使虎藏視之軍右衛門有焉宴畢外記大夫召兄弟授謀享保七年九月朔藩士入城朝賀外記大夫與甫莽謀將退城稱病忽發甫莽療之外記大夫呼助九郎助九郎來抑撞之日將昏外記大夫謝曰得諸君保護病得愈請退與助九郎出城門兄弟出曰軍右衛門汝識予面乎予小林一學之子復父仇也虎藏自後迫助九郎進退維谷與熊太鬪道次郎自傍斬其腰斃外記大夫使

三人去以告侯。侯遣使告掛川侯。外記大夫請而往。請侯養熊太為子。侯命道次郎役父祿。虎藏後為石川氏嗣云。

野史氏曰。軍右衛門以恩為讐。殺一學可不謂非道之極乎。虎藏撫育幼兒。使遂其志。可謂報恩之至矣。一與雖失。思於軍右衛門得忠於虎。仁慈得報亦大哉。

古今  
復讐  
日本義烈傳

古今  
復讐  
日本義烈傳卷上終

古今復讐 日本義烈傳卷下

河波 福田宇中著

紀園田安兵衛事

松平左京大夫之臣有牧野新五左衛門者以善騎馬稱焉一日候欲見其技新五左衛門跨馬至場將加鞭忽有銅盤之響馬驚逸新五左衛門墮於馬尻處然而入新五左衛門認鳴銅之所則鹽瀨嘉左衛門之家也乃至其家面嘉左衛門曰予與子不相惡然子鳴銅盤以妨予馬技為甚矣請聞其故嘉左

古今復讐 日本義烈傳

下二

衛門曰予家婢誤投銅盤於地也請恕新五左衛門怒曰予無面目以見于眾人將與子決勝敗以散憤怒嘉左衛門陳謝不可與俱至澁谷長谷寺邊新五左衛門曰予過矣予過矣一朝之怒忘身者君子之恥耻也元非有宿怨請自是去嘉左衛門曰子誘我來今忽翻心予甚惑焉為士者一旦決意還渝之於子心獨不耻乎新五左衛門叩頭曰傍無人莫多言嘉左衛門冷笑曰汝輩不足與言也將去新五左衛門忽起自後斫其肩嘉左衛門怒闕新五左衛門隸

古今復讐 日本義烈傳

下二

追來斫嘉左衛門股髀嘉左衛門姪園田安兵衛者故水野出羽守之臣也有故為浪士客于鹽瀨氏聞報來見嘉左衛門既死新五左衛門在焉安兵衛呼曰余報叔父之仇也與新五左衛門鬪斬之及其隸疾命沒二人之籍祿安兵衛安兵衛拜命之辱謂曰臣幸復叔父之仇而君賜俸恩惠不知所謝然叔父不得死耶又絕其祀臣不堪遺憾請獻臣祿與叔父之家疾可之安兵衛因監鹽瀨氏之後事居之幾復有為寺田藤十郎復仇之事藤十郎之父與右衛門者初為麾下士遠山三郎四郎之臣三郎四郎信曰蓮宗幕府每歲正月祭甲冑供鏡餅祭畢頒麾下之士三郎四郎不拜賜曰臣信曰蓮宗久矣供他神者不得受之敢辭閣老等諭之不肯事達于台聽將軍大怒命奪其祿流于八丈島與右衛門與同僚林平次右衛門者移主家婦女於他平次右衛門入室盜金若干與右衛門責之平次右衛門怒斬之而逃藤十郎自外歸見父屍不知仇為何人也有人告之藤十郎將追之止之曰子妙齡弱質追之將不及不知候時也

藤十郎服其言。出在淺草鳥越邊。東走西奔。搜其仇。一日至四谷。遇士人。未見之。平次右衛門也。藤十郎遮路曰。汝曩害我父去。我索汝久矣。汝低首受刃。平次右衛門曰。汝父讒我於君。故殺之也。汝唯一人。予有友焉。衆寡不敵。況於市街乎。請擇地決勝。敗藤十郎。出高田馬場可也。平次右衛門諾。翌日藤十郎至高田馬場。俟步焉。平次右衛門率數人來。先與平次右衛門鬪。藤十郎殆。危有一士人。來遮其鬪。曰。孝子報父之仇。見危。不忍傍觀也。我是園田安兵衛也。雖

古今日本義烈傳

下三

不肖。請為孝子之援。士人鵜飼平藏。秋山房右衛門。笠原右門三澤孝內。佐々木與五兵衛。木島十兵衛。戸倉文之丞。那川小左衛門等。更鬪。安兵衛斬右門及文之丞。十兵衛。小左衛門之四人。餘皆逃去。平次右衛門遂為藤十郎所斬。藤十郎謂安兵衛曰。微卿吾不得報仇。卿之恩。何以報之。安兵衛曰。挫強救弱者。士之常也。藤十郎謝去。淺野采女正臣。堀部彌兵衛左衛門。歎賞安兵衛義勇。相伴而歸青山。常相往來。彌兵衛慕安兵衛之為人。養為子。淺野氏難與大石內

藏助等報君仇。事詳義人錄

野史氏曰。世之以士稱者。其麗不億也。然士之所以為士者。惟義而已矣。苟無義。則于思睥目。以儼於人。何得為士乎。士之所以名于世者。弱者救之。強者挫之。捨生取義。是可謂士耳。如安兵衛。輕死重義。為人復仇。為君致命。真是義中之義者也。

### 紀伊東知代女事

武州河越藩有伊東仙右衛門者。與大西助次郎為莫逆之友。助次郎嘗為仙右衛門所推舉。以故親好

古今日本義烈傳

下四

最厚。數出入仙右衛門家。一日助次郎來。仙右衛門不在。其妻遇之。懇至。助次郎以言挑之。妻拒一絕。不從。助次郎赧然而歸。心中不平。恐其告於夫。欲殺而絕跡。復來窺之。妻懷女知代而坐。助次郎不忍併殺。母子踟躕久之。仙右衛門自外歸。助次郎欲逃。無路。拔刀斬之。妻驚起。執夫之短刀。擊其額。助次郎傷而走。元祿八年六月十三日也。妻歎夫之悲命。悲慟成病。自知不可起。記仇人姓名容貌。以短刀及衣服等為幣。託知代於水村保正而歿。保正撫育有年。保正之

古今  
後傳 日本義烈傳

下  
五

妹在江戶。為賈人之婦。無子。以知代為養父。知代年七歲。仕養母孝。居九年。養母臥病。知代晝夜不解帶。湯藥必自嘗。看護無不至。養母疾病召知代於膝下。泫然泣曰。汝有父之仇。不可不報也。手授與慈母之遺書及短刀而叱。知代始知父為人。所殺。慟哭曰。吾雖女子也。必探究仇之所在。以報之。即出為人之婢。數更其主。索之十餘年。享保壬寅八月。仕某氏家。老管藤代勘左衛門年六十許。額上有刀痕。知代熟視心竊怪之。出母之遺書相証。則容貌年甲稍相似於

古今  
後傳 日本義烈傳

下  
六

將至相州鎌倉。此期不可失也。相誓而歸。於是鉄平託事辭主家。八月十二日。勘左衛門發程。鉄平與知代追蹤之。翌日抵山田原。遙見坐轎而行者。鉄平指曰。彼轎者仇人也。速往討之。知代趨進。襲之。輪短刀罵曰。汝嚮自陳殺仙右衛門之事。吾乃仙右衛門之女也。今欲報父仇也。勘左衛門愕然下轎。瞿然不敢仰見。泣曰。吾實殺汝父也。其罪不可逭。然吾有妻兒之在。吾死焉。則彼等無所依。願歸家告別。而后就死。知代聞之。有將許之色。時有急步卒二人來見。知代之氣稍怠。乃曰。仇人難再遇。盍速討之。鉄平亦曰。汝今延敵於掌中。而不討之。尚聽彼之巧言。他日必有噬臍之悔。汝不殺。則我先刺之。知代得勢奮激。一刀擊其頭。再刺其胸。而斃。二急步嗟嘆而去。知代謂鉄平曰。吾自喪父二十八年於此。不圖得復父仇之如此也。微吾子。吾豈遂此志乎。乃贈以短刀。鉄平受之而去。知代輒投松岡屋寺。削髮稱智圓。弔父母之冥福。

野史氏曰。知代女不知仇之面貌。而索之。莫然不可



端倪也。偶然相會。不使彼吐露自己罪惡。則亦不能得其正確也。何相會之奇而陳惡之速也。臨復仇之期。微鉄平則聽仇之巧言。使二十餘年苦辛。屬水泡亦不可知也。鉄平之功偉哉。

### 紀磯貝本部二子事

蜂須賀族之臣。安富治左衛門者。為郡宰。與島川太兵衛為同僚。本部實右衛門者。客于治左衛門家。欲得仕途。治左衛門謀於太兵衛。太兵衛不肯。實右衛門恨焉。享保紀元二月某日。實右衛門過新街橋上遇

古今  
復讐  
日本義烈傳

太兵衛。憤怒忽發。拔刀進曰。報平生之恨也。太兵衛不知為何人。支之得傷。奮鬪斬之。始知實右衛門也。居以幾。乞暇而去。至大阪為醫。實右衛門有二兄。共仕于蜂須賀飛彈侯。一曰本部喜助。一曰磯貝藤兵衛。在江戶聞弟之死。謂子藤助曰。我為勸仕身。不得報仇。汝為伯父報之。藤助諾。與隸某至阿波。與喜助謀。喜助病在蓐。義子貞藏請往。與俱巡歷於四方。聞仇在大阪。覘之。太兵衛偶過御堂前。二人突出曰。報實右衛門仇也。齊刃進。太兵衛拔短刀鬪。二人無虛

可乘。各得傷。隸某自後擊之。太兵衛顧而蹣倒。二人迷刺之。四年六月三日也。太兵衛妻以其屍歸國葬之。

野史氏曰。自古復讐之舉。不為不多也。其仇之奸惡。誰不惡之乎。如太兵衛則不然。實右衛門之死。自我求之者。非太兵衛之罪也。然一受父之託。報仇義不可辭也。世謂太兵衛為大惡無道者。不知其事實者也。

### 紀仙臺二女子事

陸奥足立村。為伊達侯老斤倉氏。采地。農夫四郎左衛門者。偶出過斤倉氏之劍師田邊志摩

古今  
復讐  
日本義烈傳

家。祿十石。率從僕來。四郎左衛門急還。不遑避。過出其行間。志摩怒責其無禮。立斬之。四郎左衛門妻在病蓐。聞之痛悼。不日而歿。四郎左衛門有女二人。姊十一歲。妹八歲。二女茫然不知所為。隣保相扶營。二親葬。姊告里正曰。妾今欲寄食從母之家。然父有宿債。請賣田償之。里正諾。賣田償債。以餘金附之。二女乃寓從母之家。居旬餘。謂從母曰。我等欲為人家婢。從母留之不聽。之仙臺。至藩臣瀧本傳八郎家。為婢。傳

古今  
復舊  
曰永義烈傳

八郎以善劍法為侯家之師。少年日相集試技。二女常視其刀法。夜間竊試之。傳八郎聽廚房有木力響。怪之。出窺之。二女試刀技。刺擊有法。進退有則。傳八郎招二女詰其故。二女告以實。且曰。妾雖農夫之子。欲報父仇之念不能已。雖然。彼武夫也。妾等何得敵之。故以餘暇聊學刀技耳。傳八郎曰。至哉。汝之孝志也。餘暇習之。精練無期。不如專修之勝也。吾亦為添一臂之力。汝請安焉。從此之後。教姊以陣鎌銑鋌。授妹以薙刀。三年而技大進。傳八郎曰。更加二年。則必達志矣。二女感謝曰。厚恩如此。不唯命是聽。居二年。傳八郎使徒弟試技。皆不及也。傳八郎曰。可也。彼等出於孝心之誠。精練出群。報仇必矣。聞之於侯。請遂二女之志。侯許之。於是設場於仙臺白鳥祠前宮之<sub>名地</sub>。輕卒三百人護之。志摩帶長刀。分群自西入。二女自東入。以鬪。妹先出。揮薙刀轉進。志摩進擊。急妹進退殆艱。觀者為危。志摩亦少疲。各得傷。有司擊鼓止鬪。使醫錫藥。鼓又鳴。姊提陣鎌而進。鎌繫一丈之鎖。鎖尾附鉛丸。志摩冒長刀而進。欲使彼擲丸以斬

古今  
復舊  
曰永義烈傳

之姊擲丸如雹。中志摩眼。志摩失明。狂擊無度。姊以鎖纏志摩手。喚妹進。以薙刀斷兩腕。姊就賴其咽。觀者歎聲移時。侯賞傳八郎加祿五百石。以二女賜潘士。二女曰。微賤之身。討士人罪。莫大焉。傳八郎謂曰。得命復仇。何罪之有。侯命不可背也。二女從之。伊達安房請姊太小路權九郎請妹。皆為養女。事在亨保八年。

紀小西太左衛門事

金澤藩士田村幸太郎食祿六百石。為侯暫御。亨保十八年某月。招同僚置酒。賓主共醉。堀又右衛門曰。今日之宴。稍入興。使刀者角觝決雌雄。皆曰善矣。各撰對相當。又右衛門取左袒。皆敗。怒曰。我無面目以對人。請與主人較。幸太郎曰。彼何無禮。忽起。擲投之。

又右衛門逃去。把刀追之不及。又右衛門歸家。忿怒無措。欲報恨。屢窺幸太郎。無間可乘。一日見其退食。冀樹而俟。刺之而去。弟傳右衛門聞報曰。仇必堀氏也歟。兄仇不可不報也。請于侯。侯允之。賜佩刀。拜辭去。單劍孑行。經歷諸州。將抵陸奥。途遇故人某。某曰。仄聞子仇堀氏。今在備前班士籍。更姓名小林淺右衛門。得君寵云。某喜。急至備前。扮為乞丐。子以索仇。將至城下。山腹有道館。流有一洞穴。大哉可容人。傳右衛門曰。好宿所。伺僕而入。藩士小西太左衛

古今  
復讐曰本義烈傳

下  
十一

門成田仁右衛門偶。未垂釣。仁右衛門見洞口有人。怪問曰。汝何為者。傳右衛門曰。吾乞丐也。欲得一夜之宿耳。曰。汝饑歟。曰。然。則汝之命在旦夕。死者一也。吾欲試腰力。汝授性命否。傳右衛門曰。任君之所取也。乃佩長刀出。仁右衛門驚而趨起。太左衛門來見。慰諭且問。傳右衛門來歷。傳右衛門視彼之貞實曰。予金澤之士也。欲索兄仇。西極薩隅。東抵蝦夷。聞仇在此國。求索耳。二人相謂曰。子仇者小林淺右衛門歟。聞彼實左金澤殺人果。莫罪惡。固不容誅。彼彼在萩等掌中。

即夜誘彼來。子速討之。傳右衛門喜。出金若干曰。今知仇所在。亦無所用之。請獻焉。二人却之曰。我等非食言者。勿容疑。二人俱歸家。仁右衛門生惡計。獨行至洞穴傍。徐謂曰。仇來盍出。傳右衛門匍匐出其半身。急斬其首。奪金及佩刀。歸至太左衛門家。太左衛門曰。子來何遲。曰。傳右衛門者係金澤藩士。其實不可知。漫與彼約。欲殺侯寵臣。非吾志。故生一計云云。太左衛門流涕曰。彼見我等有義氣。故告以大事。子既諾之。不告予而殺彼。自為得計。何無情也。取佩刀

古今  
復讐曰本義烈傳

下  
十二

曰。是傳右衛門之遺物歟。急拔之曰。予報傳右衛門之仇也。一截斃之。以狀聞。請代傳右衛門復仇。侯召淺右衛門問故。如其言。遂允其請。太左衛門謂妻子曰。此行也。為人報仇。人謂我何。彼素強壯。難共爭鋒。然為義死。則無所憾。勿以我為意。揚々赴于場。執長槍俟。淺右衛門拔腰刀闖。太左衛門進。突其額。斃跨其骸。將自殺。有司止之。太左衛門曰。為義殺君之寵臣。請賜死。有司以聞。侯賞其義氣。加賜俸云。事在寬保元年。

野史氏曰。士而無義。不可為士也。太左衛門重一諾之約。為義拋身命。以報其仇。可謂偉丈夫。語曰。捨生而取義。太左衛門之謂歟。

紀農夫吉太郎事

河波國那賀郡富丘村有漆工大八郎者。好武善俳句。與同村農夫太及善。寶曆紀元三月。茂平太詣勢之太廟。歸途遊大阪。與新地某樓妓情好親密。囊為之盡。携妓脫歸為妻。妓名也久。大八郎見也久。容色豔美。謀奪之。茂平太坐食不為業。負債成山。大八郎與

古今  
復讐 日本義烈傳

下  
十一

金貸恩。伺茂平太不在。奸其妻。茂平太不知也。亡幾罹病。百劇於一日。大八郎來訪也。久諸借金。大八郎竊謂曰。汝欲醫夫病耶。彼平生造苦路療之。何益不如殺彼與我同歡樂也。也久愕然失色。大八郎曰。不從我言。則汝有死耳。也久懼而從之。大八郎耳語而去。其夜二人伺茂平太眠。絞殺之。大八郎去也。久告隣家以病死。村人來會。告於茂平太弟吉太郎。吉太郎在德島。為劍客小澤某僕。聞訃歸檢其屍。顏貌如怒。非尋常死者狀。心甚怪之。爾後大八郎往茂平太家

古今  
復讐 日本義烈傳

下  
十二

與也久交如夫婦。人往々知之。二人耻之。逃去。吉太郎聞之。就其隣人審聽。兄死狀慨然曰。兄仇不可不報也。五年三月往九州。大八郎在讀岐數月。赴安藝寓俠客田中五郎八家。五郎八者姻戚也。待過尤厚。居亡幾也。久罹癩疾。大八郎憂之。將棄至播磨途中殺之。之江戶寓八下堀。為俳諧師號梅雪。入門者頗多。七年三月。將至京師。聞吉野山花候在近。取路於近江。遇岡部周之亟。周之亟淡路人。嘗與梅雪相識。共憩酒肆。一酌而別。吉太郎在大坂見周之亟。周之亟者其從兄也。互叙往事。吉太郎告以兄死及索仇之由。周之亟驚愕。問仇容貌。吉太郎告之。周之亟曰。子所索仇。非梅雪歟。彼骨相與子所言符。我在江戶與彼尤親。歸途相逢於近江。聞彼欲觀吉野山花。子追蹤計之。吉太郎大喜。至吉野山探之。果見大八郎彷徨於花下。因潛伏於竹林院門前而俟。大八郎至。吉太郎突出曰。汝非大八郎乎。我報兄仇也。直拔刀擊之。大八郎短刀支之。短不敵長。遂死於吉太郎刀下。吉太郎曰。吾事畢矣。屠腹死。觀者無不歎惜。



野史氏曰。吉太郎生於農夫之家。好武事。欲以立身。不幸逢兄之難。辛苦有年於此。遂達其志。可謂偉丈夫矣。觀其所以不求生者。豈義之盡者歟。

### 紀山形忠三郎事

阿波國阿波郡柳原村鄉士山形忠左衛門與杉原軍兵衛為膠漆之交。一日軍兵衛來訪忠左衛門。不在以情挑其妻。妻固執不從。軍兵衛耻而去。既自悔其非。謂曰。彼若以我事告其大。則無面目以對之。忽生惡意。提銃要忠左衛門歸路。一發貫其腰。逃去。隣人

古今  
復讐  
日本義烈傳

下  
十五

見忠左衛門之倒。輿而歸其家。忠左衛門使人招軍兵衛。妻告以故。忠左衛門大怒曰。彼殺我也。切齒不及。創甚。遂死。忠左衛門有男曰忠三郎。與母至大阪寓姻戚某家。學劍於谷街佐川源次兵衛。軍兵衛既殺忠左衛門。流寓無所倚。遂赴越前。居仁宇郡天下村。更名為兵衛。村民好武技者就學劍法。寶曆六年二月。忠三郎至江戶索仇。一年不見形跡。歷水曾至大和。聞越前有杉原兵衛者。探之即軍兵衛也。急書告母。母乃告源次兵衛。源次兵衛曰。自忠三郎之出。憶

之不寧。至今始得報。何喜如之。我將為之援也。追至

大和。見忠三郎。賀無恙。與俱赴越前澤浪村。澤浪村

者天下村之隣邑也。源次兵衛謂忠三郎曰。聞仇善

劍技。其徒亦頗多。且為舉村之望。討之實難。吾偽為

彼之徒。伺其虛以報焉。即遊兵衛之門。居數月。乘夜

密招忠三郎共謀。兵衛就寢。源次兵衛促忠三郎。忠

三郎呼曰。山形忠三郎報父仇也。兵衛蹶起。召源次

兵衛。婦驚將奔去。源次兵衛就縛之。忠三郎與兵衛

鬪。兵衛墮倒。遂為所刺。源次兵衛與忠三郎逃去。其

古今  
復讐  
日本義烈傳

下  
十六

翌村民來解婦縛。具狀以聞。吏來檢。見遺書知其為

報仇也。忠三郎歸告母。以狀。母感泣。謝源次兵衛之

恩。源次兵衛者築前浪土也。後仕于淀侯。養忠三郎

為子云。

野史氏曰。軍兵衛欲掩自己之惡。被害其友。不知應

報之忽至。潛身以為得謀。雖海內廣矣。其罪無所遁。

忠三郎之孝志。源次兵衛之義心。相俟而得復仇。軍

兵衛何得免乎。

### 紀農夫彌藤次事



下野芳賀郡係幕府麾下土屋市之亟采地。文谷村年寄役亦左衛門者。以廉直稱。農夫左十郎者。為人奸狡。與無賴之徒交。好博奕。同村曾左衛門者。聞其善算術。欲養為子。謀於亦左衛門。亦左衛門固惡左十郎為人。不告於里正。答以不允。左十郎怒曰。我曩與少年謀。欲開相撲場。亦左衛門拒之不許。今又如此。恨不可不報也。明和紀元十一月某日。亦左衛門獨在家。妻子詣午頭天皇廟。左十郎時其無人。殺亦左衛門而去。亦左衛門有男五人。長

復讐曰本義烈傳

下二十七

男與右衛門十八歲。次男彌藤次十二歲。三男丹次九歲。餘皆幼。與右衛門與從兄太郎平出。國索仇。安永五年三月。彌藤次聞仇在會津。與丹次赴陸奥。探之。不知所在也。有人告曰。彼在某邑。子等要其歸。路討之。兄弟大喜。潛伏於路傍。左十郎將過。兄弟呼之。左十郎顧眄曰。誰。彌藤次曰。亦左衛門之子報父仇也。忽擊其頭。丹次刺其脇。死。地係本多侯采地。侯賞兄弟。告于土屋氏。以故與右衛門得報。歸土屋之臣。土屋嘉內以彌藤次養為子。

野史氏曰。與右衛門出國索仇不獲。其功成於二弟之手。可謂遺憾也。然多年之辛苦。功亦不在二弟之下也。

紀前田半十郎事

德川幕府麾下士。有前田半之丞。服部安右衛門者。二人同僚。不相善。寬政五年三月。傳奏今出川大納言廣橋中納言之至。江戶幕府前驅士三十人迎之於品川驛。二人與焉。半之丞有病。使青木某代之。半之丞禁錮五十日。以闕公務也。既免。至安右衛門家。

古今復讐曰本義烈傳

下十八

安右衛門曰。卿老衰且有病。辭職。唯此時為然。半之丞不肯。六年四月。將軍詣鶴岡神祠。二人為前驅。半之丞又有病。安右衛門以功進級。在半之丞上。安右衛門欲除半之丞。使人諷之。半之丞在禁錮中。不答。既免。勤仕如故。安右衛門數促其退。半之丞大怒。欲與之鬪。有人停之。既而呈辭表於組頭高木淡路守。以長男半十郎為嗣。七月十五日。夜半之丞入室自殺。翌日。半十郎至父室。流血淋漓已死。抱屍慟哭。傍有一書。有受安右衛門凌辱。不堪憤怒之語。半十郎

大怒曰。使父至此極。此恨不可不報也。以病死。開葬。終乃稱病。使弟鉄之助為嗣。至下總叔父某家謀報仇。某曰。復仇者方今禁令也。汝必止焉。半十郎諾。託事辭去。至京師。為梅小路氏僕。十三年正月。得母書。有安右衛門以三月至京師之語。半十郎大喜。乃乞暇至尾州名古屋俟之。聞大番加番宿於知惠川。探之。安右衛門在焉。然無可討之地。追蹤至近江粟津原。伏路傍。安右衛門乘篠輿而過。半十郎閃刀出。呼曰。前田半十郎復父仇。安右衛門盍出與丁驚走。安

古今  
復讐 日本義烈傳

下  
二十九

右衛門默無語。半十郎自外刺之。安右衛門得傷。自輿中轉出。再刃而絕。同僚千葉與右衛門聞變。馳至。同半十郎訴大津代官。淡路守告於閣老。閣老感其孝義。賜俸云。野史氏曰。半之亟之死。固安右衛門所釀成也。然其跡湮滅。誰能知之。及半十郎之報仇也。其罪炳焉在。安右衛門閣老亦賞其孝義。隱惡之不可掩也。如此。可不慎乎。

### 紀農夫八郎事

美濃大垣戸田氏之臣。有江崎文之進者。以擊劍授徒。為人溫良。有長者之稱。同藩士有森本某者。請試技。文之進心憂之。謀伴助曰。自古抱怨起爭者。無不因刺擊之勝敗也。彼固妬心以謀除君。君請避之。臣親族在讀之高松。臣與君俱往焉。文之進曰。善哉。汝言勝則受怨。敗則得侮。難得兩全。不如出去也。乃請暇至高松原田村里。正勘十郎家。勘十郎者伴助之從兄也。侯聞文之進善擊劍。乃祿之。勘十郎薦之也。文之進亦稱勘十郎功。侯又舉為鄉士。勘十郎以伴助為養子。更名勘左衛門。文之進子宇平太年二十六。放蕩無賴。父憂之。數責之不改。宇平太在高松脩身。慎行。及父受俸。淫蕩如故。勘左衛門屢諫之。文之進懼病。自知不可起。召勘左衛門曰。予命在旦夕。宇平太之污行。予甚憂之。予死。則吾家遺物勿委於彼。請子管之。彼如改心。則與之。勘左衛門諾。亡幾。文之進死。勘左衛門如約。鎖藏庫而歸。宇平太淫行益甚。好博奕。囊為之罄。敗庫出什器鬻之。獨語曰。取我器物。得盜名。拙亦甚矣。公然請彼取金。彼不與。則殺之。

古今  
復讐 日本義烈傳

下  
三十

耳乃至其家請借金。勘左衛門曰：吾受文之進君委託，君不改心，則不敢與也。宇平太曰：悖哉！汝之言，取父之金而不還，以委託為口實。汝如不與，則我將有所為。勘左衛門曰：君如改心，則不俟終日也。宇平太曰：自今請改之。勘左衛門乃出金若干曰：今以救君之急也。宇平太佯拜，拔刀斫之。婦驚抱之，問所欲言。勘左衛門曰：彼者予之故主也。汝必勿仇視彼。言畢而死。寬政七年十月廿五日也。宇平太去，在土佐。侯捕之繫獄。享和紀元，侯有追福之事，國中大赦，文之

古今  
復讐 日本義烈傳

下  
三

進之徒為請宥。宇平太減死一等，被放。即至勘左衛門家。謂寡婦曰：予宇平太也。曩殺汝夫，在獄七年。今過大赦，免罪。乃父委汝以數金，請還之。不還，則寄食於汝家。勘左衛門子八郎年十六，聞之大怒曰：汝吾父仇而不報者，守父遺訓也。吾無與汝之金。蓋速去。曰：予餓矣，死一焉耳。汝欲斬之，凝然不動。八郎將擊之，母止之，出金百圓與之。宇平太懷之去。母謂八郎曰：汝孱弱，何敢當彼刀？法習熟之後，可以報之也。於是八郎精勵有年，將出國。隸德兵衛曰：君

出國索仇，似孝而非孝也。不治家而出國，誰治家者？不如得暇而後出，未為遲也。八郎如其言。三年六月，八郎之藝之宮島索仇。十月十日，歸九龜，詣象頭神祠。人群中見宇平太，不能計而止。宇平太曾遊象頭山下茶肆，與妓親好，遂欲贖之，定約懷金夜往。惡少年知之，搏宇平太將奪之。宇平太怒，捕一人責之。少年詭曰：受妓之託，至於此。言未畢，二人自後揮棒擊宇平太，奪懷中金去。宇平太被傷叫苦。人扶歸家，醫傷。傷愈之日，欲報怨。至茶肆，主人喜迎。妓來，宇平

古今  
復讐 日本義烈傳

下  
三

平太勃然曰：汝何故欲殺我也？忽起，摔其鬚，擊之。主人驚，奪佩刀，將去。宇平太攫投之。主人仰倒，脚蹴宇平太之陰囊。宇平太悶絕，觀者如市。吏捕宇平太，德兵衛見之，仇人也。即告於八郎。八郎以書訴之。鄉役大和源右衛門曰：汝志堪感，雖然彼為罪人，不得報仇。彼罪至小，及放逐之日，討之而可。八郎俟之。廿有五日，聞宇平太被逐之報。至松鼻村要之。宇平太見之，將逃。德兵衛自後迫。宇平太進退維谷，拔刀與八郎接。八郎先傷其頭。宇平太怒，擊八郎左肩。八郎傷淺。

奮鬪斫其右肩斃乃告於源右衛門以故請伏罪源  
右衛門以聞九龜侯賞其孝義

野史氏曰勘左衛門欲使宇平太改行數規諫之恩  
反為仇遂至禍其身而猶委命於天不使報仇君臣  
之分可謂盡矣然八郎安然不問罪而可乎宇平太  
之暴惡天之所不宥也天之所惡者不討而可乎况  
於父仇乎

### 紀土谷又藏事

莊內侯之臣有土谷久右衛門者養堀才藏為子以

古今  
復讐 日本義烈傳

女妻之。久右衛門妻沒繼妻生二子長曰萬次郎次

曰虎松。虎松羸弱不能學武技學醫於久米某。萬次  
郎好酒放肆父戒之不改父歿益甚才藏怒禁錮之

虎松數來訪一日遇家人不在萬次郎曰彼夫妻厭

惡吾如此汝亦將不免吾與汝欲避難於江戶求出

身之地如何虎松許諾乃典衣物為旅資兼風雨夜

脫檻俱逃去萬次郎淫蕩又發以至宇津宮囊已罄

矣悔之曰吾過矣吾過矣吾將還鄉借金來汝先至

江戶在某氏所俟之還鄉至父執莊吉家請借金莊

吉留之告才藏才藏使養子丑藏及族三藏迎之萬

次郎見之將逃二人謂曰我等決非有惡意請歸萬

次郎曰吾一去國又何顏歸家請使吾速去焉二人

將拘萬次郎萬次郎窺隙倒二人將脫躡倒丑藏跨

刺其咽而絕文化紀元五月十六日也虎松怪萬次

郎不至還國探之聞萬次郎遭害之狀悲憤切齒曰

吾必報兄仇再至江戶為麾下士小笠原重左衛門

之僕改名又藏重左衛門以擊劍聞焉又藏就學之

精勵不倦然不得進步眾笑曰拙劣無雙勉勵無比

古今  
復讐 日本義烈傳

又藏不為意重左衛門曰汝矮少無力何劍技是能

為不如廢之為愈也又藏固請不怠有間則揮木刀

為刺擊之狀習練五年如有所悟業忽進重左衛門

感賞代已督業又藏一日謂重左衛門曰蒙君之恩

顧久矣何以謝之今日得郵書母罹病請賜暇重左

衛門許之謝而去既而又來曰不幸母歿謹

姑修業居二年鍊磨習熟極其蘊奧於是始告復仇

之事重左衛門曰汝之技至於此可謂有神助者矣

復仇遂志必矣又藏謝恩還國探丑藏之舉動聞明



曰將展墓要之於途丑藏來又藏躍出曰汝嘗殺吾兄吾報兄之仇也丑藏曰殺子兄者非吾吾族三藏也又藏曰吾已聞知之何用遁辭為汝速接刃丑藏曰吾有父兄在告別來受刃曰今幸逢汝此期不可失乃閃刃而進丑藏侮其短少冒刀照頭擊之又藏得微傷丑藏再擊耳邊又藏奮鬪斷其右腕丑藏倒左手揮刀斬又藏膝又藏亦倒謂丑藏曰欲網刺何如曰可乃拔刀踰跟至墓前相刺而死云

野史氏曰語曰精神一到何事不成又藏矮軀羸弱拙於武事而精神所到拙極為巧遂與勦敵較斷其

古今復讐 日來義烈傳

下 二十一

右腕惜哉身亦受重傷尚能與彼耦刺也其死亦可謂無遺憾者也己

### 紀淺田鉄藏事

大久保加賀守卒成瀬萬助者神心狂亂暴殺其同僚淺田只助其他被創者亦有矣捕萬助繫獄文政己寅七月某日也萬助在獄精神復故翌年二月脫獄不見形跡只助之子門次郎甫十二歲與養子鉄藏出國索仇詣相州鎌倉扮為神道者自東海道至大阪經南海道遂至江戶鉄藏託門次郎於一橋矢

倉邸内某氏獨詣大山石尊蓋祈報仇也去至相州伊勢原神宮寺為虛無僧欲經歷諸州關門不通再歸江戶寓於木挽街馬場某家學劍法一年出為日蓮宗徒乞食露宿探安房一縣歸仕于稻葉對馬守藩中矢島某為奴每晨浴寒水祈神明明年三月辭去仕于村松街醫師印牧某得養母之書知萬助在水戶鉄藏喜歸與門次郎至水戶自下街探那波港過磯濱村祝街詣磐船山歸途窺市街見萬助在家乃入小松山又乘夜來見燭暗不分明翌又來窺不見萬助

古今復讐 日來義烈傳

下 二十二

見萬助至夜來見燭暗不分明翌又來窺不見萬助至夜襲之萬助與婦對酌鉄藏使門次郎開戶抗聲曰汝是七年前殺父之仇速受吾刃萬助驚起以小屏風扞之鉄藏擊之婦掩萬助鉄藏蹴倒之萬助怒將撲鉄藏鉄藏忽向其右肩門次郎擊自左身至腕而斃水戶侯聞之賜金若干及衣服大久保侯賞之賜俸五十石班士籍

野史氏曰萬助一狂人而已矣其舉固非故殺也然精神復故脫檻而逃其罪極多矣於是鉄藏憤然與門次郎出國東奔西走艱苦有年遂達其志得班士



籍之榮。慰父之魂於九原者能祭以孝者歟。

### 紀山崎母子事

德川幕府麾下士神田右京之臣山崎莊右衛門與田邊彦作交誼尤厚。彦作者莊左衛門曾所推舉也。莊左衛門病歿。子平內嗣。遊蕩不在家。資產為之盡。數至彦作家。思父之受恩。與金若干。隨與。隨散。彦作憂其無限規誅之。平內勃然變色。歸家憤怒無措。夜伺彦作之出。遮其路曰。我平內也。報前日之恨。言未畢。一刀截之。彦作不遑拔刀。倒而未絕。平內不顧去。有

古今  
復讐 日本義烈傳

下 二五

人報之。婦々愕然走來。抱之問其仇。彦作切齒呼平內。三而必右京命捕平內。不在。遂沒二人。籍婦携女波留。出居陋巷。以裁縫為業。常謂波留曰。吾雖孱弱。武士之妻也。不報夫仇。則不可立於天地之間。汝亦武士之女也。父仇不可不報也。波留就叔父田邊源吾家學劍技。婦聞仇在尾張。獨往探之。不在。還江戶。母子為人家婢。以覘仇。有年。一日母子過深川六間堀。見平內追至中橋。母子擁前後曰。報夫仇也。曰。報父仇也。兩刃交加。平內不得遁。拔佩刀鬪。母子得傷

不屈。遂斬之。右京聞之。召母子復祿。使平田佐十郎為女壻。繼父家云。

野史氏曰。農工商賈皆有其職。士之所職者非勇武而何。為其婦者。亦不可無勇氣也。彦作之遺害也。婦子憤然。不為女子之態。不屈不撓。凜然敵敵。遂復其家。有其夫而有其婦。其勇愈於男子也。遠矣。

### 紀岩井兄弟事

淀侯臣有岩井善右衛門。松久之亟者。二人在江戶。邸為主簿。數遊花街。資產為盡。相謀竊主家之金。得

古今  
復讐 日本義烈傳

下 二六

罪所放。善右衛門至筑前。知己某家久之。亟至。遠江若林村互通書信。福岡侯聞善右衛門善武技。祿之。久之亟貧困。聞善右衛門得祿仕。携男源次郎至筑前。託於善右衛門。請得仕途。善右衛門許諾。備加恩。卹教讀書授劍技。源次郎精勵異地。頗詣其精。侯召為近習。源次郎暴慢侮人。好爭鬪。人厭惡之。侯減其祿。善右衛門怒。招源次郎責其非。源次郎赧然而去。不堪憤怒。欲殺之以散憾。窺見善右衛門獨坐無人。躍入刺之而去。妻見源次郎走之急。怪之。見夫死而

愕欲追之無及。具狀以聞。侯使吏捕源次郎。不獲。遂沒岩井氏籍。善右衛門子半之丞欲報父仇。至江戶。寓深川。一日賈人萬助者來曰。君非岩井氏之子乎。曰然。何以知之。曰。弔嘗為尊父之僕。蒙恩久矣。來訪尊父之安否也。半之丞深謝告。發之。萬助慨然曰。予未得報尊父之恩。遽遭此難。不報其仇可乎。予在此地探仇。君索之。他州半之丞大喜。至遠江。訪久之。亟居久之。亟出。迎謝源次郎。撫育之恩。半之丞曰。源次郎非人也。曩殺予父去。予

古今  
復讐  
日本義烈傳

下  
三十

欲報仇。來索耳。久之。亟驚且泣曰。彼不知恩。亦伴禽獸。其罪無所償。吾過矣。吾過矣。入一室不出。半之丞往見。乃屠腹而死。半之丞呼隣人告其由。葬之而去。聞仇仕于細川家。至江戶告萬助。萬助入細川邸探之。果真。更姓名森山彈。正在國云。半之丞乃直赴肥後。扮為乞兒。伺仇。罹病臥於路傍。藩士長山某知非尋常乞兒。殺之。奪腰纏。事發覺。伏誅。萬助怪半之丞久無書信。追來聞其死。慟哭不止。去至筑前訪岩井氏居。面其母告狀。母悲泣殆絕。半之丞有二弟。曰善

次郎十三歲。曰半三郎。猶幼。萬助欲扶善次郎復仇。母以其軟弱不肯。萬助曰。今知仇所在。不復何時得與復君家乎。母感泣。托於萬助。萬助與善次郎再至熊水。告監官山路某。以禪正罪惡。請復仇。某以聞。侯使吏鞠問。彈正得實。奪其祿而檻之。允復仇之請。設埒於清閑寺原。善次郎提槍入。萬助副之。獄吏率彈正來解其縛。令決勝敗。善次郎先鬪得傷。萬助代鬪。斬之。善次郎刺其咽。二人喜躍歸國。侯復善次郎祿。使萬助班士籍。

古今  
復讐  
日本義烈傳

下  
三十

野史氏曰。為父報仇。不遂其志者。殆鮮矣。如半之丞。可不謂不幸之極乎。不有萬助。誰使弟繼其志。報其仇乎。如善右衛門者。可謂得其臣者矣。

紀村松藤吉郎事

駿賀國八楠村之農村松藤吉郎之復父之仇也。初藤吉郎父源大夫與次子彌平季子藤吉郎。至江戶。彌平出為某氏隸。源太夫與藤吉郎在津山。侯邸為隸。房長新平者有過失。源太夫代之。公發暴死。蓋新平毒之也。藤吉郎在外聞報。與彌平馳來。父既死。慟

張不保。天保丁酉四月十七日也。彌平歸鄉。藤吉郎留入商家。數年後娶妻生一子。貧窶殊甚。出為雇夫。一日途上逢吉太郎者。嘗在津山邸相知也。互叙舊。吉太郎曰。子不知乎。乃父之死非病。新平毒之也。藤吉郎驚流涕曰。予與父出鄉僅數月。遭此難。此怨不可不報也。問新平之鄉里及面貌。曰。生係南總。年五十許。額上有刀痕。藤吉郎即到津山邸探之。不在。出仕于麾下。士小林權左衛門。權左衛門善刀法。欲授刀法。藤吉郎拜謝。歸家出妻子。未請曰。願以途

古今  
復讐  
日本義烈傳

下  
三十一

暇受業。權左衛門兄之。精勵四年。極其奧旨。謝恩且告以復仇之事。權左衛門曰。汝練磨之功。超越於衆。我知欲有所為也。聞汝先欲經歷總房之地。予妹夫三浦與左衛門者在房之松田村。汝在彼家搜索。尤使以書付之。藤吉郎即至安房留三浦氏三月。不見影跡。壬子二月辭去。至松谷村。寓兼助者之家。授少年以刀法。偶散步海濱。有漁丁森松者。年六十許。未謂曰。難哉。為刀法之師。取敗則招侮。得勝則受怨。我往時在江戶。以怨毒人。飲食尤不得不用意也。藤吉郎

熟視其面。額上有刀痕。心竊知新平。乃按劍曰。吾汝曩所毒殺源太夫之子藤吉郎也。汝自陳其惡。吾索汝久矣。今欲報仇。盍取兵來。新平直執短棹來。忽擊頭上。藤吉郎支之。棹折進洞。其胸絕。將斬其首。漁丁數十人提棍捧來圍曰。汝何故殺我長也。藤吉郎振刀將脫去。兼助來呼曰。孝子報父之仇也。漁丁四散。乃護藤吉郎歸。藤吉郎謝其厚意。在御有年後某侯聞而祿之。

古今  
復讐  
日本義烈傳

下  
三十二

野史氏曰。語曰。父子之道者天性也。能全天性者。世不聞有其人也。藤吉郎蚩々一小民。而聞父死。非命出妻屏子。辛苦十二年。遂報其怨者。可謂全天性者矣。某侯之求忠臣於孝子之門。有故也哉。

### 紀喝凡事

加賀大聖寺藩主前田備後守次子大學。為人姦狡。好遊獵。數出于田野。一日至越中富山清水村。放隼。擊鳩。有川鴈焉。前岸有群鴉。兒童逐之。鴉飛散。隼驚而去。大學大怒。捕兒童斬之。從者索隼急隼。下田間。農夫集。求捕之。里正某之子奪隼而走。農夫持絲不

放謫傷隼脚從者捕某子至。大學斬之。令捕農夫皆逃去。大學怒猶不已。至代官高橋清左衛門家。清左衛門驚出迎。大學曰。汝所管農人妨吾遊獵。吾既誅二人。餘皆逃去。欲使汝悉捕之也。清左衛門曰。農夫之罪。臣職之由。然此地有主在焉。告之斷罪。相報。大學辭屈而歸。清左衛門至大聖寺。以聞。炭召大學責其罪。大學赧然歸。邸憤怒無措。召侍臣曰。誰告炭者。對曰。聞清左衛門曩登城。大學曰。果然。吾將報之。使人窺之。偶清左衛門入城。大學使侍者要歸路。招之。清左

古今  
後傳  
日本義烈傳

下

三十三

衛門至。大學曰。招汝無他。吾購得書。欲請汝之鑒識也。清左衛門乃見之。大學自後飛槍刺之而斃。炭聞之。與老臣議。皆曰。不如秘之也。議遂止。清左衛門有弟曰。作左衛門。在江戶。聞報歸國。慨然曰。兄仇不可不報也。稱病請暇。為修驗者。更名喝凡。常在城下。伺大學之出。大學暴行益甚。老臣等謀幽之於一室。喝凡知事不成。出國經諸州。在外五年。聞大學遇赦而歸。請代官佐々木喜四郎曰。我願結某於加能之境。以弔兄寘禍。兄之喝凡自謂。吾伺仇者也。素無未來

古今  
後傳  
日本義烈傳

下

三十四

成佛之念。於是彫闍羅王石像。建于其傍。大學快々不樂。將之京師。近習里見源吾井口半兵衛僕隸十餘人擁駕。至於柳瀬。喝凡躍然曰。時期至矣。持短槍伏于路傍。駕至。忽起刺輿中。洞大學之脇。倚闍王像為屏。與從者鬪。半兵衛源吾死之。餘或傷或逃。喝凡曰。吾事終矣。刺刃於肚而死。城下聞報騷擾。市尹率步卒來。則喝凡既死。後呼此地曰喝凡衢。野史氏曰。大學之惡。可謂殘賊人民者矣。為之下者。呼吸於壓抑之下。吾聲悲泣耳。雖然。天之賦命於人。何有私乎。積惡之報。不得免。遂死喝凡之手。人將言誅一夫之大學。未聞殺巨室人也。

### 紀井上傳十郎事

弘化中。肥前長崎有本莊茂平次者。得罪至江戶。改名辰輔。仕監官鳥井甲斐守有寵。辰助為人奸狡。陳長崎吏人私曲之事。大被信用。鳥井氏轉為市尹。欲得老中水野忠邦昵近。不得其便。謀於辰輔。辰輔曰。武州大井村有修驗了善者。以善祈禱著焉。臣竊往為其徒弟。暗利。令行非常之咒詛。君即捕了善及臣。鞠問。



則臣自證之。君以彼咒詛秘術。密告之于水野氏。則

水野氏必賞發摘之功。鳥居喜如其言。忠邦果賞其

功。遂昵近之云。辰輔曾以秘詭之計。問於其所親井

上。傳兵衛。傳兵衛善劍法。為人剛直。聞之。規諫辰輔。

辰輔恐其計之洩外。殺傳兵衛於下谷御成巷。天保

九年二月也。傳兵衛弟熊谷傳之丞者。為松平隱岐

守臣。聞兄死。欲報其仇。脫仕籍出國。其子傳十郎亦

從之。然未詳仇人為誰。傳之丞竭心探索。無不至。遂

知辰輔所為。窺之。辰輔亦覺之。誘殺傳之丞。先是十

古今  
復古  
日本義烈傳

下  
三十五

津川人小松典膳者。學劍法於傳兵衛。亦欲報師

仇。至江戶。與傳十郎蹤跡辰輔。辰輔既殺傳之丞。辭

鳥井氏至長崎。潛匿知己之家。故二人不知其所在

者數年。時鳥居氏得幕府之罪。辰輔亦為所捕。致江

戶獄。二人聞之大喜。俟其罪之決。此月六日。辰輔遇

放逐。二人在一橋門外候之。辰輔乘板輿出。評定廳

二人見其來。自輿中曳出。曰。吾二人報父及伯父之

仇也。典膳曰。吾報師仇也。辰輔驚。顏色如土。不出一

語。二人自左右刃之。典膳刺其喉。府下之人惡辰輔。

陰助者居多云。

野史氏曰。甚矣辰輔之惡也。規諫猶不改。恐惡之洩

於他。殺之遂其非。以塞其口。雖然。邪不敵正。應報忽

至。遂為逮捕。授首於路頭。聞者快之。猶恨不齧其肉

云。

紀廣井盤之助事

土州藩有廣井大六者。世為徒士。妻生男熊太郎而

歿。繼娶以某氏。熊太郎仕義母孝。人稱之大六好漁。

一日至浦戶海港。獲魚掉舟將歸。會有鄉社之祭祀。同

古今  
復古  
日本義烈傳

下  
三十六

僚棚橋三郎者。醉步踰踰過堤上。呼曰。汝使吾達前

岸。大六欲責其無禮。與醉人爭。無益。徐謂曰。子欲到

前岸。則有渡船之在焉。三郎怒。拔刀曰。有渡船。吾能

知之。何俟汝教。躍入舟。大六欲避。躓倒沒水中。安政

紀元乙卯十月二日也。熊太郎在仁野村。聞父之橫

死。直歸家。三郎既為官所捕。明年六月三日。被逐。廣

井氏亦沒籍。熊太郎入宗家籍。仕于公孫豐尚君。官

暇。學刀槍。公感其志操。賜名盤之助。恩寵優渥。然報

仇之念不能已。欲出國。則無養養母之人。欲養養母。則



不得報父仇。進退絕谷。不聞仇三郎將航米利堅。慨然決志欲先彼之不出。討之不得其間。在外偽致書於義母。義母披之。則妹之書也。有母病危。薦之語。義母驚走。赴之。盤之助乃歸于家。旅裝遺書。將去。蹢躅熟思。自謂今去國不知歸期。況有疾病事故乎。一拜義母。顏而出國。可也。又脫旅裝。至叔母之家。義母詰盤之助曰。曩所贈之書。出誰之詐術也。予母予母。更無異狀也。盤之助曰。是大母得壽之祥也。請賜壽杯。義母則出酒。有一家團樂互酬。酢宴畢。盤之助伴義母歸途中。謂之曰。予今夕宿直。聞大母公有病。使

古今  
復讐 曰本義烈傳

下  
三十七

人代之候之無恙。欲謝其人。請自是去。獨揮淚而別。六年己未十二月四日也。單劍孑行。欲至條口。失道入北山。一步高於一步。風雪埋途。將沒脛。躑躅陷溪底數十丈。幸得無恙。寸步尺退。至樵舍焚柴取暖。翌日逢人。始知迷途。下溪數里。至蘘荷地宿焉。時有殺人者。追者誤認盤之助。以兵圍之。盤之助知不免。遂就擒。詭曰。我母有病。欲祈象頭神祠也。以示無他。不許。遂繫獄。明年被逐。既而義母亦適他居。歲餘。貧窶特甚。曾與高岡清瀧寺僧宕識者相識。乃投之。為末寺比

地村藥王堂守夫。傍授村童以讀書。明年十月遭赦。歸鄉。聞仇三郎在豫讀之間。請官學掄於鎮西。其年十二月。得官准出國。更姓名吉川岩藏。搜索不在。乃上京師。得諸司代板倉筑前守臣西村敬藏之援。為虛無僧。周遊各地以索仇。遂居河內堀溝。當此時諸藩之遊士。主張攘夷。說天下騷擾。虛無僧亦禁周遊。盤之助犯憲。至大阪居數日。受譴責。遂還俗。至伊豫三島。聞仇在西國。尾而行。至能山。聞則逃入山本長五郎者也。盤之助失望。歸松山。浴溫泉。遺失囊金。

古今  
復讐 曰本義烈傳

下  
三十八

之廣島。就槍術師島末源太借金一方。東上。無旅貲。乞食露宿。至播州須磨。疲困不能眠。臥路傍。有一商人憐之。與團飯及錢若干。盤之助稍得氣力。至大阪。適勝安房守管軍艦在此地。盤之助慕其名。望乃就坂本龍馬高松太郎諸子致意。安房守延見且慰曰。索仇之人。東馳西奔。唯從意所欲。然不如俟時也。我必令達汝志。書依賴狀與之。盤之助拜受之。去。投長街客舍。扮為行商。擔野菜朝出夕歸。此街也。無賴惡徒所薈集。盤之助與之為爾汝之交。偶與衆飲。一人

曰江戶角觥松兵衛者嗜酒與我等相親彼曩在土佐殺人。在此地數年。去居塚之並松。今在紀州加田為砲臺役丁。欲與彼酌。不得。互話往事。盤之助問其容貌。手齡似仇三郎。即至勝氏欲告之。氏上京。不在。將出門。人佐藤高松等曰。先生歸。則我等應尾行也。盤之助謝去。訪安井九兵衛。九兵衛者市中之長吏。受勝氏之命探偵仇家者。九兵衛所聞與盤之助符。因直赴紀州。翌日安房守歸見遺書曰。不意事出倉卒。偶高松氏有病。乃使佐藤某及紀伊人田中昌藏等五人援之。先是三郎得紀州藩嫌疑入獄。盤之助聞之。將有所訴。途逢佐藤某。來與俱至和歌山。其他四士亦來會。既而有三郎被逐於國外之報。人聞此舉。來勞者數十人。水藩之士五六名亦在。相與會飲。盤之助謂田中某曰。三郎無刀必矣。宜買刀與之。某乃就家取而授之。翌未明盤之助發宿行。四里達國境。俟三郎來。遠近之士民聞有復仇。來觀者如雲。午後獄卒率三郎來放於橋上。盤之助突然出曰。汝者土佐之慶次郎耶。曰否。然則為誰。曰棚橋三郎也。

盤之助曰。咄。汝識我歟。我者廣井大六之子。盤之助也。曩我父因汝死。非命。汝記之否。三郎曰。汝父過弱水耳。水藩之士罵曰。汝非武士乎。臨此時猶欲遁。可謂畏怯之甚。蓋決死。三郎知不免。俯將受刃。盤之助曰。不動者倅木偶。取刀授之。佐藤田中等縛三郎於樹。令裝束。水藩人請為授。盤之助辭曰。吾一人足矣。願備仇之道。逃於是。占街路二十間為場。盤之助自東三郎自西進。各拔刀。鬪未數合。烈風暴雨俄然至。眾令止鬪。須臾而風雨頓歇。再接刀。盤之助斫三郎右腕。又斫其頭。倒尚將寸斷之。眾止之。乃刺其咽而絕。盤之助向眾謝之。託屍於里正。以俟罪。明治紀元甲子六月也。距父之死九年於此。遂得達素志。代官致之於塚之官司。烏井越前守延見慰勞之。安房守亦聞之。遣使齎幣謝紀藩。且請幕府使盤之助歸國。七月有命。歸國禁遠遊。盤之助決死。俟命數月。遂得無他。疾舉以為親衛士。九月六日以病歿于家。年二十七。

史氏曰。孝子之遭遇時運之厄。不可不知其所輕

重也。如盤之助欲孝於母。則不得復父仇。欲復父仇。不得養母。於是也。決意收養去國數年。艱楚以得報父仇。若使之安君之恩寵。泰然守養母之一事焉。則人謂之不孝。又無如何也。知其所輕重者。於盤之助也。見之。

紀農夫兄弟事

陸中盤井郡中川村農長大夫者。與同村彌太郎爭田。彌太郎怒。殺長大夫而去。長大夫有二子。兄曰幸治。年十八。弟曰幸七。年十四。兄弟傷父非命。欲報其

古今  
復讐 日本義烈傳

下  
四十一

仇。歷諸州。索仇八年。歸國省母。兄弟有事過江刺郡人首村。路遇彌太郎。彌太郎見二人曰。吾曩殺汝父。潛匿有年。今遇汝者。天也。欲遁可得乎。聞汝索我久矣。汝快意報仇。幸七見仇。不佩刀。脫副刀授之。曰。子持之。彌太郎辭曰。短刀不為吾用。因拔路傍禿木。曰。是足矣。幸七闔數合。勝賊未決。幸七見其虛。斬右肩。斃之事在明治二年。

野史氏曰。彌太郎之惡。固不足論也。然對兄弟自首。有快意報仇焉之語。可謂知其非者矣。觀以木代刀。

比他之仇人。僥倖欲免死者。則固非同日之論也。

紀飯高兄弟事

飯高氏兄弟。長曰直七。次曰竹次郎。季曰秀三郎。安房國長狹郡濱波太村人也。父曰善左衛門。濱波太之為地也。在安房極東海角。民皆以捉鮑鰯。為生業。村豪有平野仁右衛門者。兼并欲網利民懷。不平。推善左衛門為謀首。善左衛門即為一村總代人。慨然許于花房藩廳。藩廳聽之。仁右衛門不利。一日村民遇廣場村。海濱有死

古今  
復讐 日本義烈傳

下  
四十二

屍橫於沙汀。見之善左衛門也。驚走報其家。直七兄弟來視之。顧頂耳後有擊刺之痕。非尋常溺者之狀也。直七泣謂二弟曰。是必仁右衛門之所為。相與謀欲報父仇。明治二年四月也。直七年二十一。竹二郎十五。秀三郎十三。日夜窺仇家之隙。仇家亦自警。平野氏之弟在濱波太海中。據島構宅。牆壁高丈餘。重門堅鎖。是歲十月廿二日夜。直七與二弟乘暗竊浮漁舟上島。皆携刃。二弟在門備遁逃。直七獨進。排戶入其第一室。仁右衛門次子謙藏驚覺。曰。賊誰。直七

不答振刃斬之走入第二室燈影暗淡不辨寢所仁右衛門夫妻方驚起直七擊仁右衛門傷腦及胸後有人自直七之後出將捕之直七反刃擊之斬其面蓋仁右衛門三子勇藏也長子仁惠出關又斬之乃出門仁二弟曰仇既報矣徒死無益與俱奔東京潛匿於各所五年十月官捕直七下獄二弟聞之自首六年八月獄成直七當斬竹次良懲役十年秀三郎以幼弱聽敗贖直七之就刑顏色不變言笑自若觀者為流涕云

古今  
後集  
日本義烈傳

下  
四十三

恣其強暴者如平野氏是也飯高兄弟悲憤不能已不請干官而斬其仇擅殺之罪雖不免其志全出自孝不可輕視也

紀村上兄弟事

赤穗藩主森越中守忠德之臣有村上真輔者為用人役勤仕有年安政三年丙辰春忠德告病致仕子忠弘嗣四年閏五月忠弘卒忠弘有二弟曰遊龜丸曰扇松丸年寄役森續之丞稱忠弘遺命將立扇松丸真輔竊聞之與國老森內膳謀直至江戶請遊龜丸為嗣是為美作守內膳真輔等請忠德曰嗣君尚幼願君與聞政事是國家之幸也忠德曰寡人有病致仕無意執政務汝等宜盡力平國事焉真輔等歸

古今  
後集  
日本義烈傳

予國內膳罹病死先是真輔二子駱之助為同藩士河原某養子聚徒教授其徒銃卒某二子鞍掛寅次郎者有英才出為廣間坊主小林某養子進為茶道役與續之丞深結蓋將有所為也呈辭表於側頭役村上直內真輔長子直內嘗聞駱之助之報不許續之丞為請於側頭役柴田某免其職寅次郎在國隱居上幾至江戶稱入於水野侯儒臣塩谷甲藏之門常在邸中與續之丞及吉村牧太郎入江新之丞醫師三水元叔等結黨與忠德幸在江者謀使忠德再聞政



務。十二月。忠德以牧太郎新之丞爲側頭役。以寅次郎爲勘定奉行。免用人役。西川瀨左衛門。勘定奉行。小川平左衛門。職。國內人士聞之。洶々。五年戊午春。國老森主稅太目附橋村信之進等至江戶。謁忠德曰。曩內膳真輔等請君再聞政務。不許。今無故與聞政務。變更制度。退故老。進年少。臣等甚憂之。忠德覺然曰。寡人非喜聞政務。第從續之丞等之丞請也。續之丞等謂寡人曰。當今之世。不矯。正。因循。姑息之弊。不擢舉英才。智能之士。則國家將衰。寅次郎者。博識

古今  
後發  
日本義烈傳

多才。藩中之俊秀也。使彼掌出納。國可期當矣。寡人信之。舉彼輩者。謀國之隆興也。今聞國內人士洶々始知陷彼輩術中。是寡人之過也。乃禁錮續之丞及牧太郎元淑等。放逐寅次郎。又久二年壬戌春。諸國勸主攘夷之徒上京師。都下騷然。有銃卒某弟西川升吉者。爲人奸黠。往來於京攝之間。與諸國游說。士交。外唱正義。內逞詐欺。藩士山下銳三郎。田河運六。西川邦治。山本隆也。吉田總平。八木源左衛門。濱田豐吉。青木彦四郎。木村寅次。高村廣平。松本善次。松

村茂平。等黨之。稱十三士。煽動藩士。俟使吏捕升吉。及其黨。繫獄。酒井雅樂頭臣河合某。與主稅爲姻戚。寄書告西川升吉等有功無罪之狀。主稅以聞於侯。於是赦升吉等罪。九月。薩長土三藩上京師。俟使直內。探索直內留京師數旬。欲報事情於國。十一月廿七日。去京師。至伏見驛。會國老各務兵庫至。兵庫欲迎忠德于江戶也。共談京師事情。升吉急遽來。謂兵庫曰。聞三藩諸士出大津驛。欲留卿之東下。兵庫乃與直內入京師宿四條旅館。夜半升吉來曰。明日長

古今  
後發  
日本義烈傳

藩士佐々男也。土藩土平井收次郎等。將來會也。直內疑之。翌日訪長藩士村田次郎三郎。土藩士平島八助等。問收次郎等所爲。次郎三郎等皆不知也。直內歸謂兵庫曰。升吉之言。難信也。使彼久在此地。招禍必矣。不如歸之于國也。兵庫不肯。少爲男也。與同藩士小畑某上岡某來。謂兵庫曰。貴藩幽閉之士皆無罪也。盍赦之。兵庫乃謂直內曰。卿歸報于國。予以赦罪狀付之。直內曰諾。兵庫出而不歸。直內至大阪宿旅館。升吉善次來曰。我等直歸于國。欲除奸吏。解



幽閉也。直內益疑之。欲有所問。躡兵庫上京師。不在。乃問收次郎以兵庫等所與謀。收次郎曰。彼口唱正義。未知有幕府遷勅之事。所言不過除奸吏解幽閉而已。使此輩留京師。亦無益于國也。直內聞。耻之。寄書父真輔報事。真輔常惡彼輩。所為升吉等亦忌真輔。目為佞奸阿黨。謀除之。十三士等欲殺真輔及主稅。十二月九日夜。升吉與數名訪真輔。真輔既就寢。怪而問故。升吉等曰。有同志者報云。將有事于京師。故來謀也。真輔出。升吉等急斬之去。豐吉等襲主

古今  
復讐日本義烈傳

稅。登城不在。乃伏城門。主稅出。伏起。主稅曰。賊何者。敢無禮。拔刀鬪。傷豐吉衆圍之。亂擊斬其首。副斬奸狀。按於大目附役宮地萬之助門內去。直內駭之。助皆在京師。乃幽其家族。以續之丞為用人上席。以收太郎為給人上席。奸黨等謀殺直內及駱之助。有人告之。十三日夜。直內與駱之助竊搭船歸。至新濱。聞奸黨等要於途。至讀岐小豆島。匿於知己之家。真輔從兄神吉良輔寄書使歸國。十七日。直內與駱之助歸。即夜幽之。其翌萬之助召駱之助。傳放逐之命。

駱之助愕曰。不知我有何罪。至於茲也。萬之助曰。族以為有罪。何可得問乎。駱之助快々而去。奸黨伏途候之。駱之助快々而有脚疾。不能逃走。親族擁之入福泉寺。祖先墳墓所在也。與僧同哀謝請命。不許。真輔從弟齋半輔請留之大目附役青山某曰。駱之助放逐之臣也。留之者亦有罪也。半輔默。小川省吾謂良輔曰。駱之助既獲罪。欲免豈可得乎。與羅黨人之鋒。不知自刃之勝也。良輔告之。駱之助遂自刃。三年癸亥正月。萬之助召直內及親族告曰。十三士之徒

古今  
復讐日本義烈傳

報國盡忠有功于朝廷。大原卿既奏之。於闕下。長土兩侯亦有賞賜。汝等不可有挾私怨復仇之舉也。直內切齒泣涕。從命。物頭江見又兵衛亦召良輔及津田民右衛門真輔傳命如萬之助之言。忠德既辭政務。族之叔父徹之助代而歸于國。二月某日。奪直內祿。直內有病。寓於須知正路之家。正路者。真輔為須知某養子。後欲報父兄仇。去歸于家。三月十四日。十三士歸于國。囚于獄。升吉總平等在獄中托書於獄丁密報其徒。獄丁獻之於徹之助。徹之助深惡奸徒之罪。續之丞省

吾等大懼。至大坂。面土藩士。謀之。藩士乃至赤穂。說以十三  
 善無罪。六月廿八日赦十三士罪。主稅及真輔駱之  
 助等。亦錄祖先之功。復其祿。真輔五子慥五郎嗣家。  
 真輔駱之助皆得無罪。真輔三子行藏。六子六郎等。  
 悲憤激切。上書請雪。父兄冤。奸吏壅蔽不通。某日。奪  
 續之丞職。徹之助欲罪。奸徒以藩吏多出。自奸徒亦  
 果。將至于江戶。聞奸徒等要於途。留數日。微行而至。  
 不日。復續之丞職。元治元年甲子三月。升吉出奔。七  
 月十五日。銳三郎。邦治。總平。善次。運六。豐吉。廣平。茂

古今  
 復讐 日本義烈傳

平。寅次。隆也。及其徒山下惠助。高田源兵衛等亦出。  
 奔於長門。續之丞謂。族曰。藩士陸續出國者。得無非  
 君失御臣之法乎。族深憂之。遂稱病致仕。以弟扇松  
 丸爲嗣。是爲越後守。九月廿七日。脫走之士。寅次及  
 善次。豐吉等。歸于國。至族之香花所。華岳寺。與僧酌  
 酒談話。就寢。夜。善次與豐吉至先族墓前。刺喉死。寅  
 次驚逃去。慶應元年乙丑二月廿七日夜。升吉與其  
 徒足田久治。幸田豐平。歸于國。至福泉寺。爭鬪。升吉被  
 傷而死。豐平逃去。元治被傷。不能逃。托擁護召其徒

野上鹿之助。大岡武右衛門。室井瀨平山。田五助等。  
 吏捕元治。繫獄。慥五郎請升吉屍不許。四月廿八日。  
 慥彦四郎。五月二日。鹿之助。武右衛門等。繫獄。慥四  
 郎在檻中自殺。三日。戮升吉屍梟首於尾崎河原。十  
 月十八日夜。元治脫獄去。二年丙寅五月。赦直內罪。  
 三年丁巳四月廿八日。赦逐鹿之助。晦日。六郎在播  
 磨赤穂郡。用世村與鹿之助遇。六郎曰。汝殺我父兄。  
 今與汝遇。天也。父兄之仇。汝速受刃。鹿之助逃。六郎  
 急斬之爲兩斷。明治元年戊辰二月十九日。大赦。賜

古今  
 復讐 日本義烈傳

直內。以祿五十石。以駱之助子龜太郎。班給人席。瀨  
 平。武右衛門。及脫士。歸國者。亦復祿。四月十六日。直  
 內訴父冤。中村善右衛門與物頭平井五郎。左衛門  
 謀。諭直內曰。卿今賜俸祿。復士籍。何榮如之。謝父冤。  
 恐非其時。汝暫止焉。直內曰。已知父冤。不得不糾奸  
 徒之罪。是非一家私怨之事。爲國家正典刑也。善右  
 衛門不能答。閏四月。長藩送致脫士。銳三郎。邦治。總  
 平。運六。廣平。茂平。隆也。惠助。等于赤穂。族使善右衛  
 門。致于備前。請裁定。四郎。六郎。主岡山藩廳。謝父冤。三

年丁卯冬。岡山藩亦使監吏送致干赤穗。直內行藏等望有公明正大之處。斷及獄成。仇火止得。暴舉之罪而已。兄弟大失望。仰天歎息。直內病死。行藏等無由謝父冤。憤然決意欲報仇。四年二月。仇人恐有報仇之舉。將逃。紀州高野山。兄弟聞之曰。報仇之期至矣。與池田農夫也。莫輔男出。為幕臣。池田氏養子。及親族津田惣水。谷喜一郎。赤木俊藏。信道至和泉堺。三士為高。窺仇至。廿九日。兄弟至高野山黑石。地名。相刺擊之地。三士報曰。仇將至。各伏路傍候之。仇銳三郎。邦治。總平。隆也。源左衛門。運六等。魚貫來。三士發銃。為號。行藏四郎出其前。六郎農夫也。擁其後。曰。報父仇也。齊拔刀迫之。仇出不意。氣禿。魄矢。欲逃不得。相共接戰。兄弟鋒銳。不可當也。或傷。或倒。三士自傍出。奮擊斃數人。仇悉斃於刃下。兄弟謂三士曰。幸因卿等之援。快意得報仇。三士曰。我等之援。衆敵何得殲之乎。今引敵於要地。不使一人遁者。是非由神明之加護乎。兄弟農夫也。等大喜。乃設父及略之助靈位。斬仇首祭之。慟哭者久之。

古今  
復讐 日本義烈傳

野史氏曰。村上兄弟欲謝父冤。言路壅塞。使冤鬼注于地下者數年矣。直內不得報父仇。而叔可謂遺憾也。假令奸謀欺衆士邪。諷蔽一藩。正道何有不貫通之理乎。天道巡環。悔罪自刃者有焉。野山之舉。遂敵仇首。以慰父冤魂。語云。邪不敵正。信哉。

古今  
復讐 日本義烈傳

日本復讐義烈傳後序

予與福田以成信交十餘年。一日以成以所著日本復讐義烈傳示予。予受而閱之。熟讀數次。遂為之序曰。夫以血氣之忿怒而傷殺人於刃者。其源盡出於私欲私情。其私欲私情也。或嫉妬人之才能。或戀慕人之妻妾。一有不如己意。則

古今  
復讐日本義烈傳後序

怒氣猛然。遂為暴舉。是姦賊惡虐之徒。固不可置於齒牙之間者也。縱然逞私欲私情於一時。其究無不傾覆敗亡者。天道好反。可不畏乎。然而歷百代。其徒不盡滅絕。何也在教化之行不行如何而已矣。我皇國重義之俗。冠絕于萬國。故人以非義傷殺其父兄。則為其

子弟者。雖幼童婦女子。千辛萬苦。沐浴風雨。遂能復其讐。況於儼然大丈夫乎。戊辰以降。制令一新。萬機隨宜。刀劍銃槍之器。藏而不用。文教敷海隅。開化及庶民。近頃拜讀詔書曰。凡復殺人者。有司逮捕。辨明其事實。以加天誅焉。使其復讐者免。沐風浴雨之苦。亦仁政

古今  
復讐日本義烈傳後序

之餘澤也。嗚呼。遭遇聖人之治如斯。而四海億兆之民。安得無姦賊惡虐之徒乎。故施教化之要在抑止私欲私情而已。是以成所以有此著也。以成曰。此著在五六年前。今而觀之。莫是陳腐乎。予曰。否。方今文明之際。詔書既禁復讐之舉。而因此書而上磨孝子義士

之節。下戒姦賊惡虐之徒。教化行而人道正。姦賊惡虐之徒盡滅絕焉。則此書之功豈不洪大哉。予素兄事以成。常欽以成之學之才。今又閱此書。益服其博識強聞。熟玩十日。書以還之。明治六年六月柳所淑撰。



明治十三年六月十五日板權免許  
同年十二月 出版

著者

德島縣士族

福田 宇中

阿波國名東郡富田浦町  
二千三百一十番地

出版人

真部 武助

同南區長城橋上丁目一番地

愛媛縣士族

中西 又市

德島縣河波國名東郡小山路  
百十四番地奇留

發兌人

小川 六郎

同支店台長 町馬市町

植松金兵衛 著

# 日本忠臣録

明治二十一年（一八八八）千葉縣朝野正文堂鉛排本

據明治二十一年（一八八八）千葉縣  
朝野正文堂鉛排本影印

中村正直先生校閱並題辭  
植松金兵衛著

# 日本忠臣錄

發兌書肆

稻田玉山堂  
朝野正文堂

序

以人生為夢幻泡影  
者謂夫尋常庸衆  
與草木同腐者也若

是書所錄我邦忠臣  
則猶日月之光與天  
壤而並存亘萬古而  
常新讀其傳記想其

忠烈百世之下使人  
愛慕忻、焉起而欲  
倣之豈不盛乎哉嗚  
乎鈞是人也或為州

元老院議官中村正直撰

本或為日月在我而  
已矣植松氏需余叙  
于是乎言

明治二十年五月



日本忠臣錄例言

一此書、微淺見氏之靖獻遺言、纂古者名將忠臣、爲十餘卷、基大日本史、臚錄焉、且考其事蹟、附已意、充參考、余之鄙言、不文、覽者其恕焉、

一余之淺學、無識、何足撰忠臣、然就其言、視其行、考其蹟、察其志、如、今井兼平、忠義仲、反王家、是固不可謂忠、如、大石義雄、忠長矩、背官法、得忠之一端、不可謂全忠、故不取焉、如、平重盛、爲人謹讓、非無美玉之一疵、然爲公忘私、至誠惻怛、不得不謂忠、故取焉、

一上古、君仁臣義、民朴、故上下穆々、中古、君奢臣逆、民黠、故上下亂、於斯忠臣代出、及足利氏奪天下、若無君微弱、不可勝言、及織田豐臣、德川氏、亦迫其轍、天子擁虛器耳、雖然、所以致今日

日本忠臣錄

例言

復古之治者、由德川、公興道學、使天下知道也、

一以上古與中古近世、譬之民家、上古、猶創業之時、主勉婢僕、亦從焉、中古、猶中世家、富主、隋婢僕驕、近世、猶子孫極貧、漸挽回家責者、嗚呼、天運有時、復焉、爲臣民者、宜居治不忘亂、在文不遺武、是余所以忘謗陋、成此編也、

植松氏識

日本忠臣錄目錄

和氣清麻呂 仕孝謙光仁二帝  
菅原道真 仕宇多醍醐二帝  
平重盛 仕近衛後白河二條六條高倉五帝  
藤原藤房 仕後醍醐帝  
楠正成 仕後醍醐帝  
楠正行 仕後醍醐後村上二帝  
新田義貞 仕後醍醐帝  
名和長年 仕後醍醐帝  
兒島高德 仕後醍醐後村上二帝  
村上義光 仕建長王

日本忠臣錄

目錄

右共十卷

和氣清麻呂

和氣清麻呂備前藤野郡人其先出自鐸石別命鐸石別命曾孫弟彥王應神帝時以軍功賜吉備磐梨縣因家焉清麻呂蓋弟彥第十二世之孫也舊姓磐梨別公後改藤野別真人爲人抗直叙從六條上爲石兵衛少尉神護中授勳六等改賜姓吉備藤野和氣真人進從五位下遷近衛將監兼美濃大掾賜封五十戶景雲中又改賜姓輔治能真人帝素敬字佐神如事生其所憑語無事不從及龍僧道鏡爲法王大宰主神中臣習宜阿僧麻呂希旨矯奏八幡神教言令道鏡即皇位天下太平於是帝召清麻呂於御床下曰昨夜夢八幡神使來曰大神欲憑汝姊尼法均有所言汝

日本忠臣錄

卷之一

一

宜代法均往臨發道鏡瞋目按劍謂清麻呂曰大神欲使我即位今所以請使者蓋爲此也汝詣字佐奉神教使我得所欲則授汝大政大臣委以國政如違我言則處重刑時真人豐永謂清麻呂曰道鏡登天位吾何面目事之乎吾將與二三子從伯夷而游清麻呂誓死而往詣神宮請教神憑語曰我國家開闢以來君臣之分定矣以臣爲君未之有也天日嗣必立皇緒無道之人宜迅掃蕩清麻呂還奏如其言道鏡大怒解清麻呂本官出爲因幡員外介未之任追咎與其姊法均矯神教欺罔朝廷改姓名別部磯麻呂流于大隅託宜集曰清麻呂詣神宮列神寶將陳宜命神憑曰神寶者聖意所映不忍卻如宜命不待汝言而知不願聞清麻呂祝曰今所請教國家大事巫言難信願示異忽有物而現如滿月清麻呂怖懼莫敢仰視又憑曰我國家君臣分定而道鏡悖無道

觀望神器天日嗣必續皇緒汝還奏如吾言勿畏道鏡吾必濟之

又引畫記曰清麻呂拜神殿俄雲起雷震晦冥清麻呂大恐乞哀稍仰視有五色焰光閃々殿上少間神憑福宜曰自神代至當時皇孫相繼永世不可易而今以僧爲宰輔古所未有况即位乎天下豈得一日晏如哉汝具奏我言清麻呂匍匐而退天即朗然清麻呂歸帝與道鏡並坐召清麻呂問神語以實奏帝悵然道鏡大怒目如瀝血面色乍青乍赤睨視罵曰姦人被人唆賺而陳虛說決非神意請處重刑帝許之斷其膺筋流于伊豫道鏡使人殺清麻呂于道俄雷雨晦冥受命者猶豫會勅使來免參議藤原百川慙其忠烈割備後封二十戶與之寶龜元年三月清麻呂自謫所上書曰伏聞人臣之禮盡忠無貳致命之道泥肝不避遺顯名于後代流功業于無窮斯則忠臣所以臨危致命義士所以忘身存

日本忠臣錄

卷之一

二

節臣清麻呂再奉使字佐大神官請問國家太平大神之教不合西命竊惟信者國之重寶豈可顧身亡寶乎又至尊至威君之與神誰敢乖乎故復命之日直言不避其大神與西方不和非唯今日事明先奏臣依神語作奏文詳畧二通畧本上西方詳本獻御所又禱阿曾麻呂語臣曰大神不和者從前然矣若按前後奏狀涇渭自分神威由致今臣畏罪不言則恐非臣民之道故畧而陳之去年春勅昨夜夢有天神使來曰欲見法均尼有所附奏畧慮以爲此必天位之事差清麻呂代法均受教臣敬畏戰慄自顧任非已分何能堪之歸命佛神結心真信荷重旨而履薄冰引蹇足以臨深淵既而祝曰臣鬼神之所召至尊以代耳目伏願立示靈異顯答聖旨大神憑祝韓島勝與曾吟誠臣吾言莫令聞西方臣祝曰國家大事臣難獨奏先獻憑語之狀即作奏文二通一藏神

官之前、一附使献之、中有大事二條外、有小事一條、大事、一屏、逐汚濁之人、二天之日繼、如人握鏡、正而莫倚、小事、官雖同、殿須異、伏思非神明誰得言之、如不從則恐違神旨、又臣獄中聞民語大神憑曰、吾今遷於此大隅當速立祠、海中造島神等未得所依、亦宜立祠、今之所遷、事理當然、是以敢書腹心、謹奏、是歲光仁踐祚、竄道鏡于下野、復清麻呂姓名召還之、明年復本位、爲播磨員外介、初清磨之被竄、道鏡斷其屬筋、不能起、至是欲詣八幡宮、興病就路、過豐前宇佐郡搭田村、有野猪可三百、夾路前驅十許里、及拜官、起坐復常、神憑語賜神劍二口、神封綿八萬餘屯、乃領官司以下國中百姓面見之、莫不嘆異、遷豐前守先是宇佐八幡官司等、屢託神語、造爲妖言、前後國司一無所問、清磨與太宰府監典主典各一人、卜部三人、詣神宮、灼龜卜神語、實不詣府行黜陟、既

## 日本忠臣錄

卷之一

三

而清磨廣蟲並賜今姓清麻呂先登在備前、遭貶竄後、人伐其木、及赦還、上疏陳狀、詔以清麻呂爲美作備前兩國造、高祖父佐波良以下、並贈國造、天應元年進從四位下、延曆中爲攝津大夫、叙從四位上、兼民部大輔、中官大夫、奏言河內攝津之界、鑿川築堤、自荒陵南導河內河、西通於海、則沃壤益廣、可以墾闢、奏可、遣清麻呂勾當其事、又奏、備前和氣郡河西百姓、一百七十餘人、請曰、奴等、舊赤坂上道二郡、東邊之民也、神護二年、割隸和氣郡、方今郡治在藤野鄉、有大河、每遭雨水、公私難通、河西嚴關公務、請河東依舊爲和氣郡、河西建磐梨郡、其藤野驛家置於河西、以避水害、兼均勞逸、許之、尋進正四位下、時營長岡新都、十歲未成、所費不貲、清麻呂密奏、請託遊獵、相葛野地、以遷都、不報、十五年進從三位、未幾乞骸骨、不許、賜功田二十町、以傳子孫、十八年薨、年六

十七、贈正三位、清麻呂多所通曉、最明故事、撰民部省例二十卷、又奉中官教、撰和氣氏譜上之、帝甚善之、嘗墾田一百町於備前、永爲賑給之資、鄉民賴之、子廣世、眞綱、仲世、皆以文學稱、嘉永四年三月朝廷褒公之忠、贈官賜號、謚王神、距公之薨千餘年、植松氏曰、匹夫而垂忠監、一言而救天下、清麻呂爲之乎、抑八幡神使之乎、曰、非清麻呂爲之、非八幡神使之、一氣貫之耳、其爲氣也、至大至剛、集義所自生、極天地、亘萬世、不可易者也、在天則五行在人則五常、孟子能說之、八幡神能照之、清麻呂能行之、古者伯夷餓首陽、屈原赴汨羅、蘇武嚼雪、諸葛亮斃而已、顏杲卿見鉤斷其舌、顏眞卿赴火、巡遠守睢陽、殺愛妾、文天祥囚土室、岳飛刻盡忠報國字、謝枋得擲藥絕食、方孝儒被扶其口、嗚呼斯數子與清麻呂同類者、而懸穹霄重祿、召之不可奪、

## 日本忠臣錄

卷之一

四

其志以八百國之精兵、威之不可動、其心凜々與天地共立、與日月爭光者也、抑開闢而來、暴君暗主、其人不爲少、然而不聞以我天下與我位讓與其臣者也、天下者、祖宗之天下、而非孝讓之天下、位者、祖宗之位、而非孝讓之位、以神系故、世々相繼耳、而孝讓欲與之一僧、誰不驚愕、且孝讓者、一踐位、一禪位、復重祚、然則非欲棄帝位者、何故至斯、所謂蠱惑于佛者也、道鏡何者、本一僧耳、觀孝讓之易蠱惑也、不託佛而託神者、以孝讓信八幡神、故欲託神教奪帝位、嗚呼道鏡不振、隻手欲取六十餘州、何其惡之大也、嗚呼孝讓以天下之富與萬乘之尊位、欲與一僧、何其無欲之甚也、於斯和氣公清麻呂出、當其任誓天泣地、握拳慷慨、力拔富岳、氣蓋世、天下誰當焉、加之、以神助乎、傳記曰、清麻呂到宇佐拜神殿、雲起雷震、天晦冥、仰視有五色

炤光、閃々殿上、神憑福宜曰、自神代至當時、皇孫相續、永世不可易、而今茲僧爲宰輔、古所未有、況卽位乎、天下豈得一日晏如哉、是清麻呂慮當時之形勢、託神教以才智、救天下乎、將天感清麻呂之誠、忠現異瑞乎、抑八幡神有靈爲救天下、賜神教乎、天之所現神之所賜、人之所爲、皆在清麻呂一身之氣、萬世之下、使人主顧其身、人臣抱義氣、僧奴歸慈悲、可謂忠鑒之至矣、



日本忠臣錄卷之二

菅原道真 仕字多羅關二帝

菅原道真字三品名阿呼參議是善之第三子也其先出自天穗日命々々十四世之孫曰野見宿禰々々之後土師宿禰古人土師宿禰道長奏請改土師爲菅原氏古人子日清公博學多聞清公子日善侍讀清和帝是善之子乃道真也道真幼而穎悟甫十歲是善使嶋田忠臣試詩道真即賦日月耀如晴雪梅花似照星可憐金鏡轉庭上玉房曙是善嘆曰蘭苗而芳信哉從都夏香游會夏香講射道真適至夏香以爲彼儒生未嘗操弓試授弓矢道真發而卽中觀者驚服貞觀四年舉文章生授下野權掾爲得業生對策及第爲玄蕃助轉少內記既而丁母憂罷六年叙從五

日本忠臣錄

卷之二

六

位下歷兵部民部少輔元慶初遷式部少輔兼文章博士詔講後漢書進叙從五位上時攝政基經拜太政大臣下諸儒議其職掌有無道真議曰隨按紀傳之書無大政大臣之文唯本朝職員令義解云大政大臣卽是有德之選非分掌之職爲其無分職故不稱掌如此文者先師之釋更無可疑又漢書表云相國掌承天子助理萬機丞相同之大尉大尉大保皆在其下後漢書志云大傅上公一人掌以善導無掌職大尉司徒司空在其下晉書志曰丞相非常人臣之職相國同之太宰太傅大尉司徒司空並在其下宋書志云太宰所以訓誨人主導以德義也太傅太保同之就此等文按之相國太傅丞相太宰等位冠百僚掌殊常職本朝太政大臣可當漢家相國等唐六典曰三師訓導之官大抵無統職無其人則闕之三公論道之官無所不統故不以一職名其官已曰

無所統職又稱無其人則闕之可以唐三師當太政大臣唯我朝制令之意大乖唐令條何者唐令三師三公獨專其官不備尙書省之官員我朝太政大臣雖無分掌獨爲太政官之職事斯其所爲大乖也七年兼加賀權守自前朝文章博士式部少輔最重其選道真自父祖相襲居兩官至此又兼外任時人榮之勸海聘使裴題來以道真權行治部大輔事與嶋田忠臣接伴之仁和中遷讚岐守叙正五位下寬平三年入爲藏人頭上狀辭曰臣謹檢近代之例任此職者或出自潢流或生於鼎族未有凡夫儒士而能當此任者也聽再爲式部少輔兼左中弁又上表請解藏人頭不聽四年叙從四位下兼左京大夫五年爲參議兼式部太輔左大辨勘解由長官俄兼春官亮時春官每事省署二員學士闕而不補使道真供執經道真以兩職煩劇力不足給舉藤原菅根代

日本忠臣錄

卷之二

七

執經明年唐使來聘以道真爲還唐使紀長谷雄爲副既而不行是歲道真年五十門人設宴賀之有一老父置沙金賀文於案上不顧而去衆見怪之其文曰傳聞管家門客共賀知命之年弟子削跡人間無名世上而數記淳教之風多改恣味之過古人有言無德不報無言不酬深感彼義欲罷不能金以表中誠之不輕沙以祈上壽之無涯真疑其人可求其志遠居北國之以北遙增南向之和南後知帝之所設其被貴重如此七年兼近江守拜中納言叙從三位兼春官大夫八年上狀三條請令議者反觀檢稅使可否曰臣謹言件檢稅使始議之日臣奏曰臣所見唯讚岐一國也以後國之風論之若遣此使者頗有物煩歟其日大納言源朝臣以下二三人同有不快之氣其後令重議之場大納言奏所勘定剩物之內若半分若三分一適被返給於事無妨參議源希朝

臣等意雖無所專許、偏被引公益、遂無所固難、臣某亦復如是、其後使定之日、臣須暫諫、止其點使事、盡愚心、以窮可否、而未得、量決之間、依有所疑、猶豫不奏、議畢之後、伏思起慮、欲罷不能、其間一兩治國、能知制術者、乍聞此事、無不悶悶、越前守小野朝臣葛絃等是也、又大納言以下雖奏、無妨之狀、于今獨有內歎、臣厚蒙國恩、早昇高官、人之所不安、曾不可隱忍、凡此議初起之由、爲勸出帳外之剩物、以相補國用之不足也、以名言之、公益甚多、臣始不固難之故是也、以實論之、物煩不少、臣今所重請是也、何者、天下諸國、其俗各雖小異、其政孰非一同、況乎世衰國弊、民貧物乏、是故或國司垂文法、以廻方畧、遠正道、以施權議、雖動不爲己、其事皆犯法、臣今舉三條之否、謹得一覽之用、臣伏惟、假令或國有百萬之正稅、其見所勘收者五十方、其遺五十方、是返舉也、收納之

日、其返舉之物、只出利稻、不出本稻、使留在民身、是又明年爲返舉者也、如是之例、歷年已久、不可忽變、而其國百万正稅之外、更有得十萬剩物、總而許之、國中雖百十萬之官稻、其所實、在者六十萬也、山舉正稅五十萬、帳外剩物一十萬其返舉之民、不給見稻者、專依借貸、多成公事、其借貸用件剩物、爰借貸無利、正稅有利、給無利之實物、充有利之虛物、斯乃國司之所以成事、百姓之所以均役也、況當于損年、補調庸闕、充租欠之儲、亦此物也、天下分憂之吏、不必有奸盜人、適依有奸人私用之疑、專被取良吏非常之儲、臣所大恐者、後代有割股肉療飢之喻、是爲國司可失治術、其否一也、又假令依實將勘收件剩物、凡剩物者、多是額稻也、諸國額稻者、利稻、利稻用度之外、皆是輕升也、多者三升以下、少者一升以上、雖理不可令然、而天下之風如此、又收件物之後、任邑可充用、其充用之間、又願

施百姓而已、春米則取欠之積、自爲所負、買物則受直之民、隨成損弊、事依有煩置而不用者、勘收之謀、全可相違耳、是爲百姓可致愁苦、其否二也、又今所點使者、在京七人之中、左中辨平季長者、官中要須之人也、聖主所照、不更具陳、式部少輔紀長谷雄者、北堂文選講說未畢、諸道學生、課試有員、勘解由次官大藏善行者、勘不與解由狀、並修貞觀以來國史、主稅頭善世有友者、勘諸國公文職、不可一日無此人、大膳大夫紀清躬者是、可爲官長者也、而明年國國、其大者有數、推計可任之人、兩三人之內、清躬其一、人也、左大史望材者、本職忽劇之上、山崎橋事、是急務也、近日催促殊加恪勤、今日如使者等、取中者、經一年餘、僅可窮使事者、件等要籍之人、東西出去、經一年餘、假令萬分之一、無所實得、各々取預之事、共有擁滯、人々所思之謗、遂無排却是爲公私可無

取得、其否三也、望請未出使等之前、重令大納言以下反覆議定、臣依此事之有公益、不敢進狂味之諫諍、今所請者、欲令群臣重辨議、以聞愚臣之辭結也、使者未點之前、不奏之意、臣不敢避罪、雖然、聖主收視反聽、以協古人一日三省之義、此時左右獄囚徒久不決、敕道眞錄之、多所平反、兼民部卿、餘官如故、九年任權大納言、兼右近衛大將、爲氏長者、帝嘗好遊獵、道眞諫止之、隨事獻替、多所匡弼、醍醐帝即位、詔同藤原時平參決萬機、上皇以禪讓之事、由道眞贊成、戒帝特重之、詔時平及道眞曰、凡可奏可請之事、且誨其趣而奏請之、可宣可行之政、無誤其道、而宣行之、叙正三位、兼中官大夫、昌泰元年、蒙內覽宣旨、二年拜右大臣、大將如元、上表辭曰、臣地非貴種、家是儒林、偏因往年拔擢之恩、自至今日、昇進之次、人心已不縱容、鬼瞰必加、匪貶伏願、陛下高廻聖鑑、

早罷臣官、非唯不著志於匹夫、亦復得從望於衆庶、表三上不聽、三年帝朝朱雀院、與法皇議以爲左右大臣、竝秉朝政、無所統、一不便、因召道真、密諭爲關白、道真固辭不受、且奏曰、既召臣而無事、人必怪之、遂賦春生柳眼中詩、獻之、帝及法皇各賜御衣而罷、尋謂罷大將、不許帝起、就臨閣於神泉苑、屢宴於此、以近衛次將爲別當、道真起翰林、遣過法皇、不次登廟、位極將相、諱練治休、裁決如流、綱紀振肅、人想風采、時平常嫉寵任勝已、及聞有關白詔、而彌不悅、源光、帝舅也、藤原定國、門望素高、而二人位在道真下、居常怏怏、藤原菅根亦有憾於道真、時平交結、協力排陷、謂毀日至、時平密奏道真有異圖、欲廢陛下立齊世親王、而身專國權、道真女適親王、時平以是動之、帝富春秋、在位日淺、迷惑之、延喜元年正月、貶大宰權師、右近衛中將源善坐貶、出雲權守、道真憂悶

## 日本忠臣錄

卷之二

十

不能自白、以和歌哀訴於法皇、法皇欲見帝申救之、菅根過而不通、道真有男女二十三人、皆被貶黜、各異其處、唯聽小男小女隨行、道真愛梅、隨發適開、詠和歌、叙懷、辭甚悽切、聞者憫之、至太宰府、閉門不出、託文墨自遣、後朝廷遣使宇佐、過太宰府、察其舉動、使者歸奏、道真言、我實無意爲善朝臣、所註誤、且法皇有遊承和故事之旨、終至此耳、蓋當時譏者誣奏、源善勸道真圖非舉、故諷使者證成之、文章博士三善清行勸避權寵、道真不能用、至是遂以議貶、三年二月、薨于貶所、年五十九、葬筑前安樂寺、道真能文章最長、詩、仁和、中遊阿波守平某、河西莊、賦二十題、食頃而成、文不加點、又爲官僚時、應令賦二十物、頃刻而成、妙極其趣、渤海裴題見道真詩、以爲近白居易、延喜中、奉教纂所著詩文爲十二卷、今所謂文章是也、並祖清公是善集上之、帝賜詩褒賞、有更有

菅家勝白樣、從茲拋却匣塵深、之句、且書其卷後曰、平生所愛白氏集、今得菅家集、不復開帙、及在府、親寫所著遺紀長谷雄、後草是也、嘗奉詔與諸儒修三代實錄五十卷、又撰類聚國史二百卷、又有新撰萬葉集法明抄、菅家日記等書、後興福寺僧寬建、入唐求法、請齋道真及紀長谷雄、橘廣相、都良香詩集、小野道風行草書、至彼以廣其傳、許之、道真薨、後時平常根相繼而沒、京師數災、文獻彥太子暴薨、世以爲其崇帝後悔悟、延長元年、追復本官、贈正二位、号爲大富天神、左遷宜旨、及外記所藏文書、凡關道真事者、皆焚之、故世不能知其詳焉、天曆元年、建祠于右近衛馬場、以記之、号北野社、畧記曰、靈應七條民家女文子曰、我存日、屢遊右近馬場官城之內、閑勝莫如於此、幽魂每遊此地、得少開憂鬱、爲我建祠、爲依託之所、女貧不能造、故籬舍側事之、五年靈又憑近

## 日本忠臣錄

卷之二

十一

江比良社、福宜神良種兒曰、我有老松富部二從者、使老松所居播松種、松我像貌也、既而右近馬場一夜生松、辭茂爲林、良種爲與朝日寺僧最珍等、勦力作祠、正曆四年、贈左大臣正一位、尋贈太政大臣、詔曰、龍章表德、綿年載而長傳、壽禮旌賢、素簡編而不朽、故贈正一位、左大臣管原朝臣、鍾石銘勳、所常紀績、和鹽梅乎台鉉、蹈風雲乎才壑、朕前加追榮令、昭徵烈於百代之後、今中職命、逾崇靈魂於九原中、嗟乎馬鬣年深、蒼煙之松雖老、龍光露暖、紫泥之草再新、贈以太政大臣、蓋增褒賁之故也、宜極人臣之職、式照泉壤之隆、以八月四日、設祭禮、後遂爲例、郡國往往建社畫像、以祀稱曰、天滿天神、入二十二社之數、寬弘元年、始行幸北野社、自是歷朝相承、奉幣不絕、

植松氏曰、古語有言曰、治亂運也、窮達命也、貴賤時也、當運之

隆也、聖君生之、賢臣輔之、志士翼之、然後成功、丁運之替也、暗君生之、佞人惑之、嬖人親之、然後衰亡、然而命與時自運成君明則賢人見、君暗則姦人出、我嘗公之被貶也、皇運弛紊、外戚專制、雖宇多之英明、有垂拱仰成而已之詔、況於幼主乎、宇多憂之、擢公使與之衡、而身先去位、公之不安可知而已、公亦知之、數上表辭職、不聽乃止、三善清行、贈書勸公退避、人說清行之明公有所不及、余謂不然、公之誠忠、思綱維之將墜、不慮身斃而已、抑神武而來、雖明主更出、暗主時見、以識者視之、則王綱弛而政權下移、兆斯時、天子猶不至擁虛位、故欲擢公除此弊半途而禪位、故丁寧誥、誠後主專聽於公、醍醐不能奉誥、誠矯其弊者也、宇多之遺公於醍醐也、猶武王之遺周公於成王、而時運不同、當武王、武王崩、殷周道一新之際、武王暴崩、周公佐成

王管蔡嫉之、放流言、成王惑之、貶周公、管蔡雖惑、成王天明、雖晦、及秋禾熟、風災至、啓金縢之書、感周公之誠、執書以泣、親逆周公於斯、周室大安、是應天順人、治運屬周而賢者達、君子得時者也、當公之時也、神武創業而來、既千有餘歲、天運不能無衰替、後世政權移、武門世知咎、顯朝而不知兆、此時也、公之誠忠、識監有觀于斯、而欲挽回、不知身墜於地而已、宇多有憂斯、擢公不能遂其志、禪位、公亦有患斯、不能遂其志、貶大宰、薨、嗚呼、使公保其壽、帝悔悟如成王、則政權不移武門矣、亡後悔悟、雖建祠賜贈号、何益之有、所謂王綱弛而賢人窮、志士不得時者也、

又曰、本朝之觀昔公、猶西土之視孔子也、鄉里之子弟、學村塾者、以公歿之日、揭公之像、供酒食以祭、餘肉師弟分焉、世稱之

爲天神講、又鈍於學者、祈公以觀學矣、亘乎其學、雖顏曾程朱有所讓哉、其心常從容正道、而其臨事也敏、其居憂也安、身起翰林、位極將相、直言不忌、以格君致治爲己任、然而忠直迂於主、獨立負於俗、孔子不得時、取譬於桓魋、公亦不合時、得嫉於時、平遂貶大宰府、爲汨羅之身、其在貶所也、閉門不出、以文墨自遣、謠吟曰、去年今夜侍清涼、秋思詩篇獨斷腸、恩賜御衣猶在此、捧持日夕拜餘香、觀此詩、窮而不悲、慕而不怨、可謂文雅矣、嗚呼、爲臣子者、不容於君、反怨其君、不容於父、反怨其父、怨之甚者、敵君父、害其身、慕之甚者、泣君父、棄其身、慕而不怨者、從容不迫、惟聖者能之、公其庶幾乎、楚屈原者、不容於君、與公同耳、然而屈原作離騷、懷沙賦、赴汨羅之淵、懷石自沈而死、朱子曰、原之爲人、其志行雖或過於中庸、而不可以爲法、然皆出

於忠君愛國之誠心、原之爲書、其辭旨雖或流於跌宕怪神、怨懟激發、而不可以爲訓、然皆生於纏綿惻怛、不能自己之至意、嗚呼、使朱子視公之詩、則必曰、學道得道、竭忠得忠、亦何怨、眞周公仲尼之徒矣、公之誠忠、動天地、災異數見、神女建祠、帝亦感悟、賜贈号、表德銘勳、昭微烈於百代、慰靈魂於九原、建社北野、可觀忠貫天地、德感鬼神、學視孔子、千歲之下、誰不仰公之德乎

日本忠臣錄卷之三

平重盛 仕近衛後白河二條六條高倉五帝

平重盛出自桓武天皇太政大臣清盛長子，資性忠謹，沈勇有度，中外屬意。久安六年爲藏人，叙從五位下。久壽二年任中務少輔，保元元年上皇集兵於白河殿，重盛奉勅率禁軍從清盛攻之。其西門將源爲朝能挽強弓射莫不中，清盛部將伊藤景綱及忠清忠直先登爲朝一發胸忠直胸而及忠清鎧軍中傳觀其矢大震，清盛恐曰：「我向此門者非受特命更擣東門以避之，將士皆言爾爲朝所守不如由北門也。」既而天將曙，清盛謂彼寡我衆而却爲見破，恐貽笑於人也，乃引兵而退。重盛奮曰：「奉勅出軍豈有擇便哉？」獨驅輕騎直進，清盛遂還。命左右遏之士卒遮前，重盛不得

日本忠臣錄

卷之三

十四

已而向春日表門，既而源義朝縱火攻之，白河殿遂陷。二年叙正五位下，任左衛門佐，兼遠江守。平治元年從清盛如熊野，至切部宿，聞京師變，清盛猶豫曰：「至此徒回甚爲憾，爲之如何？」重盛曰：「今天子爲逆，徒所逼憂懼莫甚焉，身已爲武臣，曷不亟赴國難？」衆皆從之。乃遣使熊野別當等徵兵，清盛又聞源義平要路以爲衆寡不敵，暫避其鋒。重盛曰：「當今撥亂若及稽緩，賊必矯詔討我，悔之無及。」寡不克衆，非將家羞不如速往戰死。輝名後昆清盛決志赴京師，行至鬼中山見一騎士來，衆以爲義平，使至則六波羅使也。喜問京師消息，曰：「六波羅無他，惟有播磨中將通雅來投，信賴矯詔捕之，勢不能匿，出之，重盛大怒曰：『彼窮而歸我，苟棄之不祥也。』」後有爲我用者乎？既而兵士方集，還京師，迎乘輿於六波羅，與叔父教盛賴盛各將一千騎分攻藤原信賴，重盛勵士卒曰：「年號平

治地曰平安，我爲平氏，此三者協吉，平賊無疑，乃分兵爲二隊，留五百騎於大宮巷，帥其半攻待賢門，信賴大懼而退，士卒從而潰走，進至大庭榎樹下，源義朝使子義平防之，義平率鎌田政家已下曉健十六騎躬自搏戰，頻注目重盛而相馳逐，重盛且闘且却，至太宮巷，杖弓息馬，部將平家貞進贊曰：「可謂義祖平將軍之再生也。」重盛再率其半馳至榎樹下力戰，又爲義平所破，與三左衛門景安進藤左衛門家泰脫身而走，義平垂追及馬蹶而倒，政家射中重盛甲堅不入，又射馬殪，重盛墜兜鍪，政家薄近，重盛以弓突，逡巡間乃着兜鍪，景安馳至，搏倒政家，義平來刺景安，重盛怒欲自當之，家泰進馬當義平，亦爲政家見殺，重盛乘間走六波羅，義朝進次六波羅，重盛勸兵擊而走之，時上皇御仁和寺，信賴等往乞宥死，上皇憐之，手書請之於帝，使未及還，六波羅遣兵士捕

日本忠臣錄

卷之三

十五

信賴及黨與藤原成親等，信賴伏誅，成親亦罪當死，重盛與之有舊，請而宥死，自解其縛，是冬以功兼伊豫守。明年叙從四位上，兼左馬內藏二頭，尋辭內藏頭，爲右兵衛督，應保三年叙從三位，長寬二年進正三位，永萬元年爲參議，是秋帝崩，諸寺僧侶會葬，延曆興福二寺爭次擗兵，時有訛言上皇陰命僧徒討平氏，清盛大驚懼，衆兵自守，重盛堅執以爲妄，乃遣法住寺殿調之，道遇上皇，俄幸六波羅，區從而還，上皇慰諭切至，清盛稱疾不出，重盛諫曰：「我家討逆撥亂有功，于王室多矣，今有何不忠而猝至于此？大人不宜形之於詞色，恐姦人乘機而釀成讒說也。」敬上卹下於身何懼之有？清盛服其恢量，仁安元年任權中納言，兼春宮大夫，二年叙從二位，任權大納言，聽帶劔，三年以疾辭官，嘉應元年叙正二位，二年子實盛路過攝政基房，不下乘，基房從者斫車破簾辱之，



重盛讓資盛曰、人有尊卑、官有高下、等列尚可敬、况攝政乎、汝過十歲、不知禮法、取辱固宜、基房縛過其下手者、以謝、重盛畏懼慰勞還之、淨海聞而盛怒、竊圖報復、重盛諫曰、資盛幼蒙失禮、攝政罪在從者、而不之問、反欲報尊貴、豈非悖耶、夫攝籙臣所以毗輔皇政、撫育民庶、不可以不崇敬也、高下有等、今不可犯、聞之以德勝人者昌、以力勝人者亡、願大人詳思之、淨海不納、陰使武士辱基房、重盛懼、黜預其事者、逐資盛於伊勢、承安元年、復權大納言、四年、源雅通辭右近衛大將、諸卿多望補其闕、重盛附奏曰、官職之設、文武異道、止擇華族與重代、近世之弊跡、而非聖代之嘉猷也、臣本將種、且大臣之子、任大將、古今之通例、冀居此職、因兼右近衛大將、治承元年、轉左近衛大將、尋拜內大臣、是歲、延曆寺僧徒有訟、奉日吉神興入京、師命源平將防之、重盛以三千餘騎守

由本忠臣錄

卷之三

十六

陽明待賢郁芳三門、禦而卻之、先是、藤原成親、結黨竊謀滅平氏、事泄被捕、於是平氏親族、戎服畢集、淨海第、重盛又往、及至中門、人迎謂曰、有大事、何不從兵、重盛曰、所謂大事者、朝家而已、是私事、何得言大事、衆皆皆動、淨海亦爲改服而出、重盛曰、聞今夜將殺成親、願大人熟察之、彼祖顯季仕白河朝已來、傳家既久、位陞正二位、官至大納言、且法皇所親寵也、今忽以私怨殺之、未見其可、惟逐之都外、以儆其餘、則足矣、非以與彼有嫌、故有斯言、爲國爲家、不能默止、昔者嵯峨朝、藤原仲成伏誅、厥後二十五代、永斷死刑、洎保元元年、信西用事、多斬源平二族、發宇治左府墓、後間二年、信西墓亦爲信賴所掘、豈非其報耶、積善之家、必有余慶、願爲子孫少忍之、成親因得不死、重盛還、淨海悲怒不止、欲幽法皇、大召子弟臣僚、重盛後至、宗盛引袖尼之曰、大人既着甲冑、公尙

緩服乎、重盛曰、是何言也、近衛大將、兵權之所歸、而我適忝此職、濫着戎衣、甚匪攸宜、若或賊虜猾夏、王師失利、雖則大臣之重、於被甲執兵乎、何有、我未曉諸君之所爲何如、其所斥爲敵者、誰也、淨海俄起、尙素絹而出曰、來何晚、考治西光、悉知顯末成親姦謀、實由法皇欲幽之、他處以除禍本、重盛垂泣曰、今視大人之舉動、悲懼交至、未聞官昇相國者、躬擐甲冑、況於出家人乎、聞佛說四恩、國恩最重、知之爲人、不知爲禽獸、夫我家者、雖桓武之苗裔、中古以來、絕無顯達者、平將軍之討將門、賞止受領及刑部卿、造得長壽院、始聽昇殿、人尙以爲過獎、大人起自小官、位極人臣、暗愚如重盛、以資蔭叩居顯要、加旂郡國、半爲一門所領、是非希世之恩寵乎、今忽忘厚恩、輕蔑皇威、勳功雖多、盛滿亦極、宜法皇之不悅、今均首謀罪、可罪而足矣、何迫至尊爲、若能忠誠以奉上、恩信

日本忠臣錄

卷之三

十七

以接人、復何懼之有、忠孝難兩全、則擇是與、非孰能去、順就逆、重盛有死士二百餘、足以護法皇、義朝斬爲義、縱以君命、如悖逆何也、人之所寒心、大人之所寒心、大人之所親見也、嗟乎、我欲爲孝子、即爲不忠、欲爲忠臣、即爲不孝、進退維窮、言若不聽、請先斬我、淨海曰、餘命無幾、惟慮子孫而已、自今而後、唯君之所計、起座而入、重盛責諸弟曰、大人衰耄、謀此不長、卿等何不切諫、而反爲贊成乎、又戒將士曰、汝等慎守、我言、莫敢妄動、若欲從大人、即斬我、而後從事、還第、尙慮其爲暴報、急竊嚴、皆謂此公未嘗輕易作事、今忽有此召、何不速赴、難波經遠、妹尾兼康、平家貞、子貞、能等爲首、將士爭先、來集、小松第、乃令平盛國籍兵、有見兵二萬餘、於是使家貞、人能言淨海曰、法皇聞大人謀、震怒下詔、重盛討之、恐大人倉卒間、至有非常事、是以遣二人備防閑、我以身固請、莫深

驚怖、淨海大惶惑曰、唯內府所爲、重盛謂家貞等曰、我以權謀救父過而反傷其心、是豈人子之道哉、泣然淚下、左右皆悽惻、既而勞兵士曰、罷矣、我獨有所聞而召、事適解、諸君不失期約、信義可嘉、今以召無事、勿扭而爲常、法皇聞而垂淚曰、重盛何人哉、以德報怨、朕願先彼終命、勁松彰於歲寒、貞臣見於國危、其此人之謂乎、淨海跋扈日甚、重盛居常憂懼、一夜夢行瀉地、有鳥居、問曰、何神人、對曰、此是春日大明神社也、其所人多相聚、忽有人斬一首、年六旬餘、串刀高揭、又問曰、是何人首、曰、太政入道、過惡充溢、以故本社大明神誅之、覺而悲泣、妹尾兼康謁而謂、問、屏人亦告其夢、與重盛所夢符、重盛感憤、會子維盛來、命飲酒、貞能行酒、重盛使貞能賜維盛太刀、維盛以爲傳家寶刀小鳥、既而視之、乃無文刀也、維盛失色、意疑貞能錯繆、重盛泣曰、汝莫深怪、是我意也、

斯物大臣葬時所佩也、家君百歲後、我時佩之、今我有所思、故與之於汝、維盛不能仰視、攬淚而退、無何重盛詣旅野社、祈死、及拜證誠殿、有光生自身、從者忌而不告、歸路經岩田川、維盛以下諸子水戲、露衣如著、凶服左右惡之、請更衣、重盛不聽、以爲志願遂矣、既而瘵疾、會醫至、自宋、淨海勸令治疾、辭曰、命者天之所賦、治療何爲、我具位大臣、不可私見、異域浮游客、且似國無醫、我雖不復起、豈無爲國所顧惜乎、淨海不能強焉、病日篤、法皇臨視、剃髮、法名證空、八月朔薨、年四十二、初方相撲節、行事、欄人中有竊言、此公多福、至近衛大將、儀貌心術、亦邁人遠矣、饒季之世、不可得見之人也、恨早世乎、果如所言、嘗啓事中、官有蛇至膝下、恐其驚中宮、徐捉其首尾、召藏人源仲綱收之、仲綱袖而出、毫無難色、重盛壯之、翌旦贈駿馬、良刀、手書褒之、曰、昨日舉止、似遠城樂舞、其

性度如此、庭中多植松、世稱小松殿、又其室中四方各置十二佛、佛掛燈籠、妙選美女四十八人、以供其事、每及日沒、禮讚畢、令擊鉦行歌、身座中央聽之、時人稱曰、燈籠太臣、子維盛、資盛、清經、有盛、師盛、忠房、宗實、宗實、爲左大臣、藤原經宗子、餘從宗盛赴西海、後貞能竊負重盛骨、來常陸、葬水戶城西、今稱小松寺、有重盛塔、塔旁又有貞能墓云、

植松氏曰、舜五十而慕父母、重盛四十而慕其父、舜不得乎親、往于田、號泣于旻天、重盛不得乎父、歸于第、悲泣于兆夢、舜者大聖也、居則人化焉、加之帝堯、贊之天下、莫不如意、而獨不得乎父、猶號泣焉、重盛者非大聖、人非化之、皇帝非贊之、諸源在下、父暴虐而諫不容、重盛之禱死亦不宜乎、抑保平之亂、平亂滅賊之功、誰出重盛右、然而重盛隨議、父淨海負功跋扈、帝欲

厭除之、父淨海抗之、重盛在其間、從帝則不孝、從父則不忠、思窮憂迫、不知所爲、重盛之悲泣、非號泣于田之比、遂到以權謀諫其父、使帝垂淚、可謂忠孝兩全、讀重盛之傳者、誰有不爲流涕哉、天亦感其誠、賜兆夢、夫位、人之所欲也、位忝內大臣、猶不足解憂、士衆、人之所欲也、天下之人士任我呼吸、猶不足解憂、平素所好之小松、不足解憂、然則何以解憂、曰、父淨海善容諫、忠以奉上、信以接下、以可解憂、斯憂縈緒於胸裏、至於死不息、孟子曰、大孝終身慕父母、子於重盛見之矣、

日本忠臣錄卷之四

藤原 藤房 仕後醍醐帝

藤原藤房初名惟房權大納言宜房之長子事後醍醐帝任左大辨歷參議至權中納言兼左兵衛督檢非違使別當叙正二位元弘元年北條高時遣兵將謀不軌兵部卿議良親王夜馳人上變藤房及弟季房大納言藤原師賢宿直帝召與議藤房曰事急矣宜疾出官裝車如婦人所乘載帝及神器陽稱中官行啓北山第出陽明門北抵鳥羽尊良親王及公卿數人追至帝更御竹興大膳大夫重康藏人判官清藤樂工豐原兼秋隨身泰久武等昇之藤房等皆微服從入南都遂至笠置敵夜襲行宮放火烟燄四塞風雨適甚諸王公卿迷道相失唯藤房與師賢權中納言源具行

日本忠臣錄

卷之四

二十

扶帝晝伏夜行帝步履大艱三日僅至有王山臣主饑羸倚樹困臥有露墜御衣帝詠歌曰佐志氏由久加佐岐能夜麻遠伊志志與利阿迷加志多瑠波加久禮加毛奈志藤房亦咏歌曰伊加瑠世牟多能牟加解斗色多知與禮波奈保曾我奴羅須麻豆能志多豆由深須某松井某索帝而至藤房望見欲自殺帝方諭止之盛色顯深須曰汝等何不戴天恩以期私榮深須心欲脫帝而憚松井在後不果遂執帝及藤房源具行等而去帝御六波羅南方北條高時縱藤房及左近衛少將源忠顯待焉二年高時流藤房于常陸三年高時伏誅藤房歸京師時四方已平乃敕權中納言藤原實世論恢復之賞將士爭舉功狀集者數萬率多詐冒軍功實世不能辨別經旬月僅得銓定二十餘人尋復以所考踰濫見取奪敕藤房代掌其事藤房乃訪察勤惰甄別真僞擬授畧備而特

旨多所恩賜藤房知不可諫上病不朝帝又以民部卿藤原光經代之光經移問諸將領參驗軍士勳簿將欲經奏行下而內旨以北條高時邑充供御料大佛貞直邑給准后藤原氏北條泰家邑賜征夷大將軍護良親王其餘分賜衛府諸司官闕寺院歌舞雜伎之徒殆無遺地有功將士虛手主者依違而已初帝久憂勞于外恢復之始方銳意於政事郁芳門外置記錄所新決所論理雜訴天下漸無事帝以爲無復可憂遂深居禁中以聲色自娛內寵左右專受請託蔽塞聰明以逞其姦其以巧佞勢財者雖窮賄降卒起獲非望以功勞自居者多淹滯不達有司徒充位給唯諾而已適有所論定即內旨多改易不復由所司主者不得論執是以每相爲矛盾或授一邑者同時數人各爭其主相紛拏大爲擾動天下復思亂矣有作匿名書歷誹時政者首斥綸旨謬濫建武元

日本忠臣錄

卷之四

廿一

年群臣奏內中逼窄百官異司同局不合帝王制度乃命營建大內支費太廣徵諸國地頭租入二十一分而不足也乃更作鈔鑄錢以助用度又起馬場殿于二條高倉車駕屢臨遊宴之次觀騎射以爲樂出雲守護鹽冶高貞獻千里馬形相異常朝出本州暮到京師帝大悅納左馬寮呼爲天馬嘗幸馬場殿問內大臣藤原公賢曰天馬之出未之前聞獨當朕世不求而至其應爲何公賢歷徵故事以獲時瑞群臣稱賀藤房後至帝又問之對曰臣聞周穆愛八駿而政衰漢文光武却千里馬而國昌二者取舍之蹤治亂之效可以見矣天馬之出於聖朝臣愚固不足以知其應何在然竊謂是蓋由時多稅政天將生尤物以蕩其心者也何則方今海內定民瘼未愈此當執政吐哺諫臣抗疏撫卹疾苦協贊化理之秋而百辟庶僚阿諛取容矯縱成風國家安危置而不問臣請

粗陳其一、二陛下幸察之、獨者播蕩之日、天下軍士爭先赴義者、其志在於建勳邀賞、以圖榮富、幸屬澄清、人思蒙澤、群集闕下、日造記錄、所新決所各上其功狀、其始戶庭殆乎爲市、縣首唱望、俟恩命下、其陳告書疏、委積成堆、而主者不時決遣、已而賞典所及、非近倖寵臣、則其參佐僚屬、凡有功將士、概遺叙錄、則憤冤缺望、雖既授狀者、不復待報、相率散歸、里竊歎時政枉鄉、恨有司不公者、不知其幾千人也、然衆人徒視請訴日減、以爲虞芮訟止、無爲所化、何其惑也、陛下謀議之臣、已無深謀遠慮、可爲國家牧人心、却盛興不急之功役、倖課郡縣賦入、亂後兵農重困、誅求至諸國、則國司秉權、使目代賤吏、憑恃其勢、豪奪貞應、以後新建莊園在、應官人、檢非違使、健兒、檀所等、張威福、而守護懷失職之歎、如家人之號、源賴朝分置每國以來、相承有年、乃逮聖世、則不得

日本忠臣錄

卷之四

廿二

稱焉、將門士類降伍、編民怨豈少哉、足利尊氏、新田義貞、楠正成、赤松圓心、名和長年等、同功一體、固莫相後先矣、然圓心一人、觀前所恩補、守護職僅賜本領一所、不知圓心所負何事、陛下遇彼之如此也、古云、賞中其功、則有忠者進、罰當其罪、有咎者退、今之從政、不啻賞罰失常、將俾綸旨有翻覆之譏焉、陛下之政如斯、而此馬適至、以臣觀之、是殆貽亂階、懼非詳瑞、夫德之流行、速於置郵、而傳命聖政所覃、何須此物、第恐異日武人中有英雄起、乘朝綱之弛、挾觀觐之心、而天下不逞之徒、荷櫟雲集、則此馬適足以爲軍國告急之責也、伏願我玩物之志、而務皆施之化、帝大不悅、而罷、後屢上言不聽、藤房謂爲臣之道、於我盡矣、二年冬、因夜待御前、諷以比干夷齊事、至曉而退、即却還車徒、入北山岩藏、爲僧、帝大驚、命宣房索之、將再任用、宣房馳人召之、藤房以歌答曰、奈

珥古斗能、宇羅夜麻志佐珥、加倍流倂幾、奈珥阿利斗氏毛、伊斗比古曾世迷、宜房乃親馳至岩藏、則藤房既去矣、書歌障子曰、須美須津流、夜麻遠宇岐余能、比斗斗波波、阿羅志夜珥波能、麻豆珥古多陪牟、傍又書棄恩入、無爲眞實報恩者、及白頭望斷萬重山、曠却恩波盡底乾、不是胸中藏五逆、出家端的報親難、後村上帝時有牧童、詣藤原實世門曰、晨往西郊、有僧貌悴、要我致此書、書中有歌曰、幾美加須牟、夜斗能阿多利遠、幾美禮波、牟加志珥奴羅須、須美曾迷能曾氏、乃藤房所書也、實世急入朝以聞、詔諸關吏、物色求之、弗得也、新田義助、自越前詣芳野言、家臣畑時能嘗入駕巢山、還言山中逢僧、巖棲草席、安佛經就問之、僧又質時能名、徐向答曰、貧道東方人也、讀經不復言、其肖肖藤房也、義助乃與少將藤原行實、急詣庵所、僧不復在、石上書歌曰、古々毛麻

日本忠臣錄

卷之四

廿三

多、宇岐余能比斗能、斗比久禮波、曾羅由久々毛珥、夜斗毛斗迷氏牟、行實認其藤房手跡也、遍索竟無所見、云異本、太平記曰、藤房爲僧、號侃山子、周遊諸州、如土佐、在船覆而沒、初足利尊氏之反、敕遣人乘天馬召新田義貞於尾張、半道騎殺之、如藤房之言、植松氏曰、有識者之去世也、非避禍亂、從理執義也、股肘之桑、不能止微子、周武之聖、不能屈夷齊、漢高之大度、不能服四皓、光武之英明、不得臣嚴光、陶淵明、不爲五斗米、屈膝、其甘心臥臥、憮梓岩谷、豈必親農夫、樂林艸哉、識鑒有所觀、從理執義而已、荀卿有言曰、道義重、則輕王公也、蒙恥之士、屢黜不去其國、貪祿之徒、數退不棄其職、豈不恥哉、藤房之棄官、由天馬之出、極諫不聽、謂臣道盡矣、果然去、不知所之、帝欲再用之、不可得、父欲親見之、不可得、初其歸於帝也、心期必死、及其恢復也、期

治平及帝之怠惰不可諫也、脫然不顧其將去也、有脚弱不忍之意、故處々記國歌、然而天下所以不能奪其蹤者、知中興不終天下不可復、而身出衰區之外、或國歌、或佛經、以安其身、古語曰、鴻飛冥々、弋者何慕焉、公之謂也、嗚呼自古有識者不爲少然而不有如藤房晦其跡者、何則往年屋漏之疾苦、藤房固不忘、帝亦不忘焉、故數諫雖不聽、不貶、及其去也、百方覓索、不可再見、帝之心又可憫藤房諫不聽去、盡臣道而已、見禍亂之機、非避難急遽之際、不能見其父、藤房之心不悲哉、知帝之必追慕、所以晦其跡也、易曰、遯之時義大矣哉、又曰、嘉遯貞吉、公其行焉、夫公一悴僧耳、後醍醐帝以萬乘之尊、不能止之、宣房以父之威、不能追見之、尊氏以八十萬之師、不得加一兵、公獨高尙其事、縱耳目于山河、巖棲草席、吟歌誦經、履痕滿天下、所

日本忠臣錄

卷之四

又廿三

謂仁者無敵、似孟子爲公云焉

日本忠臣錄卷之四終



## 日本忠臣錄卷之五

楠正成仕後醍醐帝

楠正成、河內人、左大臣、楠諸兄之裔也。世居金剛山西、舍多楠樹、因以爲氏。父正康、母某氏、禪志實山生。正成、山神毗沙門也。以故小字曰多門。元弘元年、帝避北條高時兵、幸笠置寺。四方少勳王者、帝頗憂之。適夢紫雲殿前庭有一大樹、南枝最榮、樹下設南面座、百官班列、忽有二總角來跪指坐泣奏、普天之下、无所容聖體、唯此座可以坐也。覺而自占、木傍南楠、意將有楠氏者出俾朕再正南面位也。召寺僧快元問之、對以正成。帝謂所夢殆是。遣藤原藤房徵之、正成決意詣行在。帝使藤房傳命曰、卿應命卽至、允足深嘉。今日之事、一以煩卿、其有何策、以決廣勝。詳陳其所見。正

日本忠臣錄

卷之五

廿四

成對曰、逆賊暴虐、自取禍譴、天討所加、莫不勝也。但東夷之性、勇而無謀、若以力爭、則武藏相模之兵、天下無敵焉。以謀屈之、則易與也。然成敗兵家常事、或遇小勝、願勿爲回聖慮。有臣在、何憂不濟。辭歸城赤坂、城方可二町、三面平地、守者僅五百人、取民儲以充兵食。虞行在不守、迎駕拒戰也。叛築方畢、而北條高時之將大佛貞直等十余万、已攻陷笠置、乘勝奄至城下。正成先遣弟正季及和田正遠、以兵三百伏城側山中、敵衆視城小易之、曰、直用隻手提去耳。輒薄陣急攻城、兵亂射雨注、殺傷千餘人。敵驚沮而退、脫甲解鞍、爲下營。計正季等敵之分兵爲二、鼓噪而進、城兵連鋒突出、合勢奮擊、敵狼狽而走。器械鞍馬、委棄載路。尋復來攻、圍數重、正成縋索懸外牆、俟其四面爭登、而斷索敵隨墮墮、因投巨木石壓殺七百餘人。敵更蒙楯競進、鐵塔鈞陣殆壞。城中乃以長柄

杓決沸湯、敵皆傷爛。自是退守營棚、計持久以困之。初、正成之築城倉卒、儲糧不多。至此謀衆曰、我數有利而賊勢不挫、內乏資糧、外无救援、欲率先天下以建功業、死固在不顧也。雖然、臨事而懼、好謀而成、亦智士之所尚焉。我今陽死、賊必引歸、人復聚衆出戰、我逸彼勞、制勝之道也。衆皆然之。即夜會風雨晦冥、咫尺不辨。正成爲二大坑、填以死屍、橫薪于上、留一卒戒曰、候我行遠、放火燒城。乃與衆三五分、潛巡敵營而行。敵不之覺。及火起、爭入城、見坑中焚死、以爲正成信死、引兵旋于關東。正成乃匿金剛山、北條仲時、北條時益、道湯淺定佛、守赤坂二年。車駕西狩隱岐、所在官軍皆解。夏、正成以兵五百出攻赤坂、定佛命領邑民夜輸糧米。正成謀知、邀而奪之、更苞戎具如米狀、使卒三百、陽爲輸夫擔致城中。別出兵爲追擊之狀。城中望見、以爲輸夫爲敵所迫、乃開門納

日本忠臣錄

卷之五

廿五

之。既入、被甲譟呼外兵應之、折關並攻、定佛遂降。正成並其兵、狗和泉河內、進屯渡邊橋。京畿大擾。仲時時益、遣隅田通治、高橋宗康、將兵五千餘來攻。正成分二千人爲三伏。天王寺側、弱卒三百守橋。皆羸馬羸輦、及戰戰輒走。誘敵窮追。北過天王寺、伏兵並起、敵大敗。退至橋人馬擁溺、死者無數。逾月、仲時時益、又遣宇都宮公綱、以兵五百來攻。和田孫三郎某謂正成曰、隅田高橋五千兵、我已破之。乘此新勝、以拉公綱、何難之有。請出兵逆擊。正成曰、兵在和不在多。公綱坂東曉將、從以紀清兩黨、旦彼承敗、歸之餘、倚軍孤進、志在必死。使我能拒所亡亦多。天下之事、豈止今日。宜愛士力以圖後舉也。我今輸彼一籌、引退數日、出奇誑之。則坂東標急之士、氣索而去矣。所謂見小敵怯、見大敵勇、不戰而屈人之兵者也。棄陣而却、居數日、遣卒三百、民兵數千、大燃炬火、星布山澤、

如此連夜、滋多滋逼、公綱勅兵嚴備、意其眾日盛也、終潛引退、正成復入天王寺、請寺僧、觀上宮太子未來記、其文曰、當人王九十五代、天下「一亂而主不安、此時東魚來吞四海、日沒西天三百七十餘日、西鳥來食東魚、其後海內歸一、三年如獼猴者、掠天下三十餘年、大凶變歸一元、正成悅曰、讀文所謂人王九十五代、即今上也、東魚吞四海、相模入道也、西鳥食東魚、當有起兵滅關東之人也、日沒西天三百七十餘日、指上在隱岐、歸國返正、當在明年春也、因以金裝刀與僧、益優厚士卒、禁止暴掠、迨還歸望、兵勢彌張、尋還金剛山、築千破、峻據之、使平野將監某守赤坂、明年春高時復大發兵、遣二階堂貞藤、國兵部卿、護良親王於芳野、大佛高直攻千破、阿曾時治攻赤坂、將監拒守旬餘、城有暗槩、為敵所池、時又久旱、兵士困渴、敵仍以火箭焚樓櫓、將監力尽而降、敵送

六波羅斬之、會貞藤陷芳野、護良南走、貞藤與時治兵悉集千破、軍勢太熾、城東西臨谷、南北蔽峯、斗拔數十仞、周可一里、敵恃其眾、蟻附急攻、城中大發矢石拒之、敵死傷无算、令吏十二人注之、三日夜不絕書、乃令軍中禁擅進、安營環守、城有泉五道、雖旱不涸、正成作大槽數百貯水、每日得五斛計、汨以黃土美其性、每兩引屋溜於槽、水常得足、而敵疑其外沒也、令名越々前守某兵三千守東溪、正成伺知守者稍怠、昧爽出兵擊走之、獲其旗幕、翌日張之城上、呼曰、此昨日名越殿所遺、煩部下人願來取之、越前守愧忿、率五千兵拔柵進薄、城兵下巨木乃大發射、死傷累千、敵服其機、益成持久之計、正成乃縛藁人數十、被甲持兵、夜置城外、壯士五百潛蔽其下、昧爽鼓譟誘敵、伺敵來擊、累發數箭、遂巡入城、時方霧昏、敵眾不曉、競赴藁人城上、乃連下巨石、殺傷八百餘

人、敵為飛橋欲入、城中落擲火炬、唧筒灌油、橋燒斷、敵陷深谷、焚死數千人、會近郡民兵奉護良王令、截敵糧道、敵中大困、逃亡相繼、仲時々益又遣宇都宮公綱助貞直、公綱以手兵千人疾攻不能拔、會帝幸名和、諸將攻克六波羅、敵皆解圍潰去、車駕還關、正成乃率兵七千迎謁于兵庫、帝親勞之曰、大事速成一卿所效、正成謝曰、不賴陛下威靈、臣曷得出賊圍、復有今日、詔前驅入京、師後貞直等擁餘眾在南都謀犯京師、正成副左近衛中將源定平、計而降之、建武元年討僧惠法于飯盛山、平之以功為檢非違使、左衛門尉、任攝津河內守護、二年新田義貞東討足利尊氏、正成與諸將留衛京師、延元元年足利尊氏犯關、正成以兵五千禦宇治、尊氏兵攻大渡、官軍敗績、帝幸延曆寺、正成乃與諸將守行在、與義貞結城、宗廣名和長年等攻京師、遇敵兵五万于出雲路、

正成辨楯數百枚、遇敵馳突、乃鉄勾相連、敵以發射、退輒縱精騎乘之、敵披靡而却、是日諸軍得捷、尊氏西走、遇日暮正成謂義貞曰、今日破賊、殺獲莫幾、而不知尊氏所適、以此少眾頓留京師、恐士卒貪財、四出不收、豈得無返襲之虞、如前日事耶、且敵乘勝機、後恐難制、莫若旋軍養力、一舉馳之數十里外也、義貞從之、引返、尊氏復入京師、翌日正成遣僧數十人于戰場、歷索死屍、許泣曰、昨新田北畠等七將戰沒、將求喪收、葬敵聞以為信、乃取屍首似義貞正成者、梟之、於是正成與諸將潛軍夜發、別遣卒持炬、遵山西行、綿々相屬、敵軍望視告尊氏曰、官軍失將領、今皆亡去、尊氏遣兵要諸道、餘眾不復警備、結且正成等進入京師、放火掩擊、敵軍驚敗、尊氏竟西走、遺棄器甲、蔽路、正成乃與諸將迫至豐島河原、與足利直義戰、正成引兵出敵後、直義不戰而退、與尊氏航海

道、夏尊氏直義引大兵、水陸並來、義貞拒之、兵庫、詔正成往助、正成奏曰、賊叔九州、軍勢必昌熾、以我疲兵、恐不能當、宜召返義貞、車駕移、驛山門、縱賊入京師、臣還河內、招聚幾縣兵、塞河道、斷糧運、待其疲散、然後前後齊進、一舉可殲也、搦義貞之計、亦復及之、但不戰而退、涉于物議、故不輒歸耳、夫戰者、雖始之或負、欲終之有利、請加重思、藤原清忠以爲宜速遣正成、決戰都外、帝從其言、正成即以五百騎上道、至櫻井驛、以所賜菊作刀、與子正行、還還河內、遂進陣、湊河、以當尊氏陸軍、義貞陣和田崎、以禦水軍、尊氏先鋒細川定禪率舟師、向神戶、義貞拔軍赴扼、而尊氏全軍既登、兵庫、正成望之、謂正季曰、大軍隔絕、敵滿前後、吾道窮矣、乃赴直義陣、縱橫奮擊、幾獲直義、尊氏遣六千餘人、斷軍後、正成戰數次、士卒殲盡、躬被十一創、退入民屋、謂正季曰、今日送死九界、吾子

日本忠臣錄

卷之五

廿八

欲何所託、魂正季笑曰、願七生人間、以滅朝敵、正成怡然、與之交刺而死、族十三人、殘兵六十餘人、割腹並斃、帝追悼不已、贈正三位左近衛中將、子正行、正時、正儀、

植松氏曰、孔子云、殺身成仁、謂其死于所當死也、孟子曰、養吾浩然之氣、謂集義所生者也、然而成仁不由義不能也、其所養者、即浩然之氣也、其爲氣也、至大至剛、配義與道、極天地亘萬世、不易者、忠正之氣爲尤、非見得道義善養者、不能也、丁皇路之艱難也、或爲逸士、或爲忠臣、其觸物也、日月失明、鬼神夜哭、山岳失高、江海失深、況頑情降夫乎、開闢而來、名將忠信、不爲少、而能全是德者、漢有文天祥、我有楠公、抑公自得王命、日以平賊安駕爲己任、以孤軍當大軍、提疲卒、碎勍敵、一死一生、謀計百出、遂旋天日於己沒、群凶側目、宇內一歸、視公之兵畧、誰

不驚歎、然而朝廷失御、姦臣竊命、禍基閭門、毒徧宇內、皇綱再弛、素於是群賊並起、義徒少耗、遂到不可制、豈可堪慨歎哉、運之方替、勇者不能爲怒、智者不能爲謀、逆賊勢成、王師不利、公雖有建策、小人居其間、議不用、果然戰死、事到于斯、又可哀也、夫天祥者、以狀元爲宰相、身執國權、一敗見虜、幽囚四年、遂就刑、視之于楠公、優劣如何、所貴于彼者、欲返濛汜之日、於中天、不能而見執、議論正々、忠氣凜々、至死不朽、其忠氣則與楠公均而已、若使楠公見執、死足利氏之手、後世誰稱之哉、且公臨終、顧正季曰、死而何爲、曰、願七生人間、殺國賊、正成欣然曰、是獲吾心、嗚呼忠臣、堯舜其君、萬世君裔、獨憂有闕、而況於先君後賊乎、正成之不瞑可知耳、然則從死于斯、寧不如死于後乎、曰、否、受君命死國事、何命是惜、義之從焉、所謂殺身成仁、之秋

日本忠臣錄

卷之五

廿九

矣、惟歎其謀不行、使賊橫行、君至艱苦耳、嗚呼正成前掃蕩天下、安帝座、後不能者、何也、授任之人、異也、

日本忠臣錄卷之五終

日本忠臣錄卷之六

楠正行仕後醍醐後村上二帝

楠正行卿正三位左近衛中將正成之子、正成將防賊尊氏于兵庫、正行亦從焉。時年十一、正成遣歸之河內、且誡曰：「今日之役、我生死不可慮、縱令我雖死、汝勿計較利害、棄義獨利、耻家名、苟可有一臣存、則據金剛山舊址、以身殉國、汝之孝于我、莫過乎此。」因授帝所賜寶刀、訣別。正行揮涕而去。後聞正成死、不堪悲泣、將自殺。母奪刀止之。正行大悟、自是以討賊復讐為志。延元元年冬、叙正四位下、為帶刀檢非違使、左衛門尉、兼河內守。後醍醐帝出花山院、御內山、正行與從弟和田正朝等來赴及帝崩、入宿衛。後村上帝踐祚之初、屢出兵住吉側、以挑敵軍。正平二年、足利尊氏遣

日本忠臣錄

卷之六

三十

將細川顯氏、以兵三千來攻河內、距金剛山下七里而舍、聞正行將攻矢尾城、謀候其出還、徑至金剛山下、斷後壁之。正行探聽、率兵七百、佯向矢尾、縱火所在、潛還蔽譽田林、而陳顯氏、望矢尾煙、以為敵果攻彼、乃馳赴金剛山、无復隊伍、比過譽田、正行兵叫呼突出、顯氏大敗、直奔保天王寺、山名時氏以兵六千援顯氏、屯于住吉。正行計先破住吉、則天王寺兵不煩攻、可自退、乃分兵二千餘、為五隊、放火民舍而進、望敵軍座楊、以謂彼陣四處而兵偕於我、不宜分勢、復併五隊為一大戰、破時氏于瓜生野、餘衆隨潰。至渡部橋、溺者无算、時氏被創走。明年、正行進逼京畿、尊氏憂恐、乃令高師直及弟師泰發兵八万來攻。正行與弟正時、和田正朝等百四十餘人、飲神水誓死、詣行宮奏請、義者先臣正成、展微力、夷强賊、以安宸憂、无幾天下復乱、逆賊西襲、終致命於淡川。臣時年

十一、遺言還河內、保合族黨、復將除滅朝敵、俾宇內再歸皇化也。臣年既壯、常恐以有待之身、遽嬰不測之疾、上而為不忠臣、下而為不孝之子。然今師直師泰將來犯、賢臣報效之秋矣。若非獲彼首、則授臣兄弟首於彼、雖雄之決、在此一戰、願得一拜龍顏而去。言畢泣下。帝親臨口敕曰：「以前兩次之戰、每得克捷、汝累世武功、殊可嘉尚。聞賊復、兵來侵、事勢固弗輕、雖然知進而進、欲不失時也。知退而退、欲保後也。汝朕之爪牙、慎當自惜。正行頓首而出。率衆詣後醍醐帝廟、恭謝曰：「戰如不利、弗一生還叩。鐔而起、題同盟姓氏於如意輪堂壁、書歌於其後曰：「阿豆佐由美、比岐加倍佐志斗、於毛布余利、奈岐加須珥、以流奈於甘斗々、牟流、各截髮納于佛殿、而後發。帝使中納言藤原隆資授之。明年正月、高師直入河內、分兵六万、陣伊駒山南、及飯盛山、外山、四條、啜四處、親將

日本忠臣錄

卷之六

卅一

餘軍居後、隆資率兵三千、由四條、啜而進、飯盛山敵望之、分兵遮擊。正行以先鋒敗之。後軍與四條、啜敵戰、殺傷相半。飯山伊駒山敵兵前後奄至。後軍見敗退走。正行不顧、以兵三百直前奮擊、更大敗。即直兵、聚兵亡百餘人焉。皆被數矢、衆乃下馬據壘坐食、々々舉步進、接戰益勵。遂迫師直陣、上山高元、僞稱師直、冒陣戰死。其甲鏤連環、即高氏紋也。正行大喜、擲首于空中、手承者一再、既而知其僞也。乃投首于地、賊且罵曰：「汝上山高元邪、汝亦無双朝敵矣。而勇則可賞、乃親斷衣袖、裏首置于壘上。此日自卯至申、戰凡三十餘合、殺傷數百千人、吾兵死亡畧尽、乃與餘兵五十餘人、負楠伴走、以誘師直。敵覺之、遣支兵三百追之。正行返戰、斬五千餘級。遂前復迫師直軍、而正行正時、林中數箭、兵皆重創、不可用。正行乃呼曰：「事畢矣。莫為賊所獲。與正時交刺而踏。年二十二、從兵

皆自殺、其他宗族紀六郎左衛門、及二子、野田四郎及二子、楠將監西阿及子、關地良圓舍岸兄弟、畠山與三、及六郎、河邊岩、堀丸、大衆掃部助阿間了顯、畠田某、蔡峯某、凡二十三人、從兵凡九百四十三人、悉戰死、正行嘗朝吉野、路遭高師直誘出宮女辨內侍、遣卒迎之、內侍在輿中啼、正行悉斬師直卒、奉還以聞、帝詔即賜內侍正行辭以歌曰、斗衣毛余瑣、奈加呂布倍玖毛、阿羅奴美能、加利能知岐利遠、以加底半須波半、瓜生野之役、正行援敵溺卒五百人、給衣藥、視養數日、因授證馬、禮而遣之、敵或感恩來降、及戰四條、戰從死者甚衆云、子多門丸先卒、

植松氏曰、孔子云、君々臣々、父々子々、善哉一言、此人道之大經、在國則君臣、在家則父子、然而爲父々子々者、亦君々臣々焉、其歸一而已、如君不君、則臣不臣、父不父、則子不子、臣之所

日本忠臣錄

卷之六

附二

以臣者、在君之所、以君矣、子之所以子者、在父之所以父矣、自古義門忠族、世不乏人、而善爲君臣父子者、未見如楠氏一門、有其人斯行也、抑延元之亂、乃父正成死、湊川則殉死者、七十三人、從兵五百騎、亦死之、未有一降敵者也、又正行與高氏戰、四條、戰則宗族二十三人、從兵九百四十三人、悉戰死、嗚呼楠氏所養者、何等士、所學者、何等書、所行者、何等道、能使子弟忠臣、隸義、所謂一家仁、一國興仁者、其是之謂乎、若使正成正行貪戾、則臣隸豈得如此哉、大學云、其爲父子兄弟足法、而后民法之也、夫治亂世之常、盛衰天之自然、當天下沸亂、逆賊得時也、楠氏一門幾盡矣、就中正行繼父之遺志、以上殲朝敵、下報父讐、爲己任、縱令雖承微受、弊忠淚洒天、義氣動地、一戰決死、人稱其速、余歎其丁艱難、終忠孝之志、何則、昔者屈平不得時、

憂悶無所、遣溺死汨羅、正行亦不得時、君僻在芳野、父戰死湊川、身年少而不得伸志、免自盡者、賴母之善導、得及壯、與賊決戰、亦幸矣、嗚呼正行年少、而承父之遺業、撫敗卒、懷疲民、抗開關而來、未有之奸賊、其敗固宜、其死也、從死者千餘人、義風豈讓乃父哉、使足利氏死禍難、則誰從死哉、是棄義計利也、楠氏之臣隸、誰關利害之算乎、輕死難生、取義棄利者、由正行之爲、正行所以正行之爲、正行者、由所以正成之爲、正成而已矣、

日本忠臣錄

卷之六

附二

日本忠臣錄卷之六終



日本忠臣錄卷之七

新田義貞仕後醍醐天皇

新田義貞、稱小太郎、上野新田郡人、源義家十世孫也、出自皇嘉門院藏人大炊助義兼、生上西門院藏人義房、義房生政義、政義生政氏、政氏生基氏、基氏生朝氏、朝氏生義貞、世食新田郡世良田等邑、由此爲新田氏、元弘三年春、車駕狩隱岐、兵部卿護良親王據吉野山、楠正成城、千畝破山、並聚兵圖恢復、北條高時分遣兵士攻之、護良敗走、乃專力攻正成、時義貞從軍、千畝破、而竊蓄順命之志、密謀、家臣舟田義昌曰、昔者源平在朝、互相鎮制、我家世將、躬歷族豈以失勢故、俯從他人、宜其志也、頃來相模入道、舉動縱肆、自速滅亡、今欲舉兵討彼、除宸憂、以振家聲、可爲之道、

日本忠臣錄

卷之七

卅四

時也、然事非有所稟不可、如聞大塔宮匿在傍近山中、汝能爲我求其令旨乎、大塔即護良也、義昌乃以計請而得之、其文一微、繪旨制曰、敕化而理萬國者、明君之德也、撥亂而鎮四海者、武臣之節也、頃年北條高時、蔑如朝憲、恣振逆威、積惡之至、天誅也、義貞欲安宸襟、將舉義兵、報感尤深、抽賞何淺、宜早運征伐之策、底靜亂之功、義貞大悅、明日遂稱病、還世良田、日會宗親子弟謀誅北條高時、夏高時兵敗于京師、於是增發大兵、調糧郡縣、以世良田素多豪富、特課以錢六千萬、限五日、遣吏驅迫里民、歛卒太急、義貞執而梟之、高時大怒、將移兵來討、義貞乃與弟義助率大館宗氏其子幸氏、氏明、氏兼、堀口貞滿、其弟行義、岩松經家、里見義胤、江田行義、桃井尚義等百五十人、舉義生品祠前、建中黑旗、拜讀令旨、出旅笠懸野、抵日暮、族人大井田經隆、及里見島山羽川氏

等率兵二千人許、自越後至、義貞驚且喜曰、今日之事、未暇相報、諸君何緣遙來、經臨伏鞍對曰、前四日有人、徇越後言、公奉勅舉兵、是以急裝就途、料遠郡枝屬相繼至也、言未畢、越後甲斐信濃諸源兵五千餘人、亦復來會、進至武藏、下野人小山秀朝、下總人千葉貞胤、及旁郡兵士不期投集、衆已二萬餘人、聲勢大振、與北條高時將、櫻田貞國、戰入間河、一日三十餘合、明日又戰、久米川、貞國敗退、分倍、高時遣弟泰家將兵佐之、義貞進攻大敗、退保堀金會、相模人三浦義勝率兵六千餘人來屬、義貞厚禮之、詢以軍事、義勝對曰、天下兩分、雌雄迭起、固當數相勝敗、而終始之勢、必在天心所與、公之事何憂不濟、幸以僕兵加公衆、請復進戰、義貞曰、彼新來氣銳、以我疲兵、恐難犯其鋒、義勝曰、明日之戰、僕爲公保必勝也、夫戰勝而將驕、卒惰、武信君之所以敗、昨遊聞觀其將

日本忠臣錄

卷之七

卅五

驕甚、此將踐宋義之言也、僕請以手兵爲公前行、義貞從之、明早義勝爲先鋒、卷旗徐前、義貞繼之、三面薄攻、敵兵驚潰、北條泰家僅以身免、小山秀朝、千葉貞胤、破高時別將金澤貞將于鶴見、義貞兵勢益盛、進次關戶、一日乃分軍爲三、義貞義助道假枉坂、堀口貞滿、大島守之、道巨福呂坂、大館宗氏、江田行義、道極樂寺坂、行焚民居、迫鎌倉、與敵接戰、兩晝夜、義貞與堀口貞滿、並挺入于山內、大館宗氏進極樂寺坂、敗死、部兵潰散、義貞乃抽精兵二萬、夜從間道赴之、敵兵數百固守、攻上欄絕、蹊要多列、戰艦于海岸、軍不得進、義貞乃下馬向海、免冑伏禱曰、天子方爲逆賊所迫、播遷西土、臣義貞敢執斧鉞、深入敵地、志在靖國、雖而匡王化、伏祈八部龍神、鑒臣忠赤、使得却潮通道、解所佩金裝刀、投之海中、及曉潮退、沙露二十餘町、戰艦皆隨漂散、義貞大悅曰、武師刺

山得泉、神功投珠却潮、倭漢千古之異、我今值焉、大呼應、衆直入府中、守坂敵兵駭愕、不及赴拒、江田行義、堀口貞滿諸軍相踵競進、所在放火、風適怒甚、府第延燒、士女叫號、騰烟焰之中、衆乘勢四面攻闕、殺戮無數、北條高時遂逃、葛西谷舉族自殺、自師出至此、凡十有五日、鎌倉平矣、乃馳使者三輩、奏捷行在、義貞仍居鎌倉、捕誅北條高時子邦時、及狩野重光等、究索黨與、撫納降附、威望日隆、八州豪傑、莫不聽命焉、時帝從隱岐、至船上、以王師復京、議將還關、群臣以北條高時未亡、諫之、不聽而發、比、忽次兵庫、義貞報適至、帝大喜、賜使者官、各有差、遂授義貞左馬助、建武元年入朝、叙從四位上、任左兵衛督、兼播磨守、管上野、播磨二國、守護、宿衛京師、帝方寵任、足利尊氏、聽信異言、執譏良親王、附尊氏、弟直義、幽之鎌倉、義貞與尊氏同宗、嘗因微嫌、不相踏、尊氏固

## 日本忠臣錄

卷之七

卅六

蓄異圖、心懷義貞、每謀除之、未有發也、二年秋、北條時行兵襲鎌倉、直義害譏良而出走、朝廷未知之、更遣尊氏討時行、尊氏遂據鎌倉、拒命、悉奪義貞族人食邑、在關東者、而抗表招兵、皆以誅義貞爲辭、義貞聞亦取管内所有足利氏邑地、奉疏陳其逆狀、曰、王師克成之初、南有楠正成、西有赤松圓心、西遠蜂起、六軍虎視、時足利尊氏從東賊令、舉族入洛、視官軍乘勝、有意救死、觀望擬議、猶挾兩端、及名越高家敗、始會官兵于丹州、抑非義旌、過京、賊將授首、彼豈肯獨操戈、以當強敵乎、顧以功微報重、猜人忠力、欺罔浸潤、欲圖陷害、推其詞、而其逆可觀矣、初、臣賜給旨、起兵上野者、五月八日也、尊氏附官軍、攻六波羅者、同月七日也、道途相去八百餘里、豈此一日中所得傳言、而誣奏臣聞京洛賊敗、然後起兵、其罪一、尊氏男義隆從百餘人而入鎌倉者、六月三日也、臣將百

萬衆、以殲兇師者、五月二十二日也、而僞稱賴幼弱者、得立功効、其罪二、尊氏未有所承、枉施禁令於都下、衆戮親王、卒伍、非司而行法、其罪三、兵革之後、邊遠未靜、故命皇子、開府東國、而尊氏誇恩之餘、計以建勢、立威、覬覦將軍位名、其罪四、尊氏自稱東八箇國管領、養兵而固恩、害民而收利、不臣之跡、固不待辨、其罪五、上天之運、雖無不復、然政令歸一、治化返古、實兵部卿親王之力、而尊氏纒構多端、陷之流刑、其罪六、親王之敗、聖衷所存、冀以懲其移心、而尊氏藉公議、逞私怨、取而幽之、罔圖其罪七、足利直義爲北條時行所迫、不戰而退、時已使人進、勸親王、大逆無道、莫復可尙、事雖未聞、道路既知之矣、其罪八、斯八逆者、措而不問、四維方絕、八柱將傾、後禍騰恐、莫及矣、彼方欲逞悖逆、故盡力排忠義、伏請乾臨明照、下詔討尊氏、直義以下逆黨、審奏下公卿議、參議藤

## 日本忠臣錄

卷之七

卅七

原清忠進言、此校兩奏、足利尊氏之罪爲重、且殺親王、事始上聞、如得其實在、不可容、會譏良親王侍女、歸自鎌倉、上狀、西國又進足利尊氏反書數十通、冬、遂命討足利尊氏、以中務卿尊良親王爲東國管領、義貞爲大將軍、節度使、將兵六萬七千餘人、由東海道、大智院官彈正尹忠房親王、率左衛門督藤原實世等七千人、別由東山道進、義貞陛辭之日、具軍容入、器甲鮮盛、舊制大將軍出征、行中儀、節會、授節刀、驛鈴、而朝廷始用治承中平惟盛東征之例、欲不授節刀、然以其師出不利也、更備禮遇之、義貞亦依平正盛討源義親故事、遣舟田義昌于高倉岡、足利尊氏第三喊放二鎗矢、斫門柱、而後行、尊氏發兵拒矢、矧川義貞遠水而陳、出弓手射以誘敵、果濟川而來、官軍奮戰、殺傷過當、卽夜敵退、鷺坂、宇都宮、公綱、及尾張昌能、仁科某愛會某兵三千餘、前攻鷺坂、又敗

走之、足利直義師二萬餘人來援、陣手越河原、義貞使義助等涉河擊之、日暮始解還、斬獲無算、夜半義貞潛遣兵迫營、亂射、敵衆驚擾、走還、鎌倉義貞連戰累捷、降敵前後數萬人、進入伊豆府、尊氏窮蹙、不知所爲、義貞以東山道兵未至、還府數日、敵散兵復集、雖已投降者復叛附之、號稱三十萬、山守竹下箱根險、義助從尊氏親王攻竹下、輒敗走、義貞憑高指麾諸軍、合勢奮勵、幾克之、日暮始聞尊氏敗、舉軍大怖、終夜逃降、畧盡、通明舟田義昌巡視諸營、旗幕僞在、聞無人聲、馳告義貞、義貞與左右僅一百人許、棄營而還、尾張昌能、菊地武重、及十六騎黨繼至、且戰且還、至浮島原、擊降甲斐源氏兵五百餘、散兵稍集、得七千餘人、抵天龍河、水暴漲、士馬又疲、淹留三日、發民居屋作浮橋、義貞留東岸、斷後、兵衆渡訖乃前、比至矢矧驛、兵又多亡、宇都宮公綱曰、滯此數日、恐賊

日本忠臣錄

卷之七

卅八

徒邀前路、請急移軍近幾之地、阻葦葦洲股水以備之、諸將亦謂久逗遠境、官掖或生他變、義貞從之、退屯尾張、方是時京師政亂、諸國皆叛、應足利尊氏朝廷、延震驚、亟召義貞還、延元元年春、足利尊氏大軍逼京師、民庶洶騷、毀屋運財、竄匿山林、軍士亦多逃逸、在者莫復鬪志、義貞乃分將士守諸路、而自帥兵一万、阻大度、禦之、植代水中建橋、橋上撤板三間、斷橋不殊、使守岸兵、詭敵誘之、敵五百餘人、乘筏而渡、礙板不進、我軍連射、俄而水激筏破、敵悉溺死、守橋兵復詭誘敵、敵出勇卒三人、至橋下、挽柱殆折、我兵佯退、敵乘之競進、桁壤溺者千餘人、明日敵破山崎、長驅向京師、義貞引兵奔還、奉帝保延曆寺、敵將細川定禪據圓城寺爲塞、將來犯行在、會鎮守府將軍源顯家、率陸奥山羽兵五万入援、義貞因謀與攻圓城寺、夜遣諸將陳山下、延曆寺僧兵屯如意嶽、舟軍數

百、泛湖以備旁射、黎明諸軍縱火大津民居、進攻不利而却、敵乘勢來迫、以民居火方熾、湖上舟軍、亂發雨射、不能進、義貞因放兵突擊、敗之、進薄圓城寺、栗生顯友等先登奪門、義貞入、舉火如意嶽、僧兵瞰之、亦下山攻敵後、悉火諸堂宇、表裏誼譴、乘烟奮擊、斬首七千三百餘級、定禪走京師、源顯家歛軍而旋、義貞獨提三万餘兵、屏敵至山階、及之、逼隘擊之、敵驚奔蹂躪、僵尸屬路、義貞已入京師、分軍爲三、一之將軍塚、一之眞如堂、一之二條河原、足利尊氏亦親率兵迎拒、自河合林至七條河原、人馬填咽、連亘南北里餘、義貞上花頂山、望之曰、敵衆倍我、當以奇取也、令軍中相識面者、每五十人、各爲一隊、得几千人、約經旗、撒笠、號詐爲圓城寺還卒、混入敵中、兵交而發、旣而諸軍接戰、尊氏軍多而不整、我軍進退齊一、自午至酉、六十餘合、每合皆捷、向所遣兵俄揚中黑

日本忠臣錄

卷之七

卅九

旗大呼、起于尊氏左右、敵衆驚亂相殺、不知所嚮、大敗走、諸軍追至桂河而還、仍屯京中、卽夜細川定禪返襲、會部伍縱出、莫赴拒者、舟田義昌等爲亂兵所殺、義貞大敗還坂本、尊氏復入京師、會大智院宮忠房親王、率東山道兵二萬至坂本、軍勢復振、義貞乃約諸將乘夜並進、楠正成名和長年結城宗廣陣于下松、源顯家陣于山科、延曆寺僧徒陣于鹿谷、義貞屯于北白河、至明僧徒進抵神樂岡、楠正成等擊破足利高經于山雲路、源顯家與足利尊氏方戰、四條河原、義貞乃以三萬餘人、橫衝敵陣、敵驚顧、旗號曰、中黑來突、望勢崩潰、不可復制、義貞易服來、單騎深入相擊、尊氏不得乃分道追之、抵基引還、尊氏復入京師、後三日義貞又與諸將襲擊尊氏、敗走兵庫、義貞還、謁還京、明日率諸將趨兵庫、擊破足利直義于豐島河原、又破細川和氏于瀬河、會土居通治、得能

道言、以舟師來赴軍、擊破直義于打出驛、尊氏遂浮海西走、義貞收陣具一萬餘人以班師、以功任左近衛中將、居一月、山陰山陽諸國兵復起、應子足利尊氏、詔義貞管領山陰山陽十六國事、征討之、會疾發、不能發、先遣江田行義、大館氏明等二千餘人于播磨、義貞疾愈、尋發、留古河數日、兵士會者六萬人、進次班鳩驛、因攻赤松則村白旗城、則村詐請降、義貞信之、馳取朝旨、往返十餘日、則村既已繕完城備、乃爲慢言、指斥朝廷、義貞怒、合國數重、晝夜攻擊、意期必取、而彌月不能下、使分遣義助及江田行義、大井田氏經、等二萬餘人、攻石橋和義於船坂山、會兒島高德舉兵、熊山應之、前後夾攻克之、義助進圍三石城、江田行義入畧美作、大井田氏經入備中福山城、已而足利尊氏大兵由海東向、足利直義將陸軍二十萬、攻福山城、大井田氏經收退三石、義助馳使告敗、義

日本忠臣錄

卷之七

四十

貞報曰、賊水陸並進、若欲遏陸軍、恐水軍逼入北關、不若且還攝津、以扼兩軍、而蔽帝都、子直釋國還會山、里也、乃遣使美作、召江田行義、義貞終罷白旗、退駐賀古河西、二日、俟義助行義等至、時霖雨水漲、衆以敵兵且逼、謂義貞與諸將領具舟先濟、義貞曰、賊至則走路斷絕、人知必死、所謂背水陣是已、且諸軍濟訖、吾乃發、復何不可、令軍士病創及馬疲不堪、騎者以次而發、及明水落、義助等亦至、因俱濟而至、兵庫士卒亡失過半、驛以聞、舉朝惶駭、遣楠正成與俱拒敵、義貞會正成聞朝議及其所策、謂曰、賊勢張皇、欲驅敗卒當之、固難矣、但去年喪軍關東、以致與議、今又承敕西發、未能攻拔一城、聞賊大軍將至、遽然引還、我竊耻焉、是以不郵勝敗、委命一戰耳、正成曰、見機而進、權時而退、將之道也、紛々之論、何介懷爲、公往歲摧破北條氏、今年困蹙足利尊氏、抑雖聖

運所成、然亦皆公之武畧矣、公之於兵、誰得間然、義貞爲之釋然、明日敵軍水陸數十萬至、旌旗野空、船艦蔽海、義貞部分諸將、使義助將五千餘人、陣于經島、大館氏明三千人、于燈燭堂南、以禦水軍、楠正成以手兵七百餘人、陣湊川驛西、以禦陸軍、義貞自將二萬五千餘人、守和田崎、以策應諸軍、敵先鋒將細川定禪、以舟軍數百隻、進向經島、義助兵擊破之、定禪應舟軍東赴紺途浦、義貞與義助大館氏明悉率兵士、緣岸逐之、而足利尊氏大艦數千艘、登和田崎、足利直義步軍從須磨來、楠正成腹背受敵、全軍覆沒、義貞至西宮、望細川定禪舟上旗幟曰、是皆賊之偏裨、由湊河來者、足利尊氏兄弟、此皆眞賊矣、乃回軍背生田林、分諸將陣三處、殊死戰、遂敗走敵、迫急、義貞自爲後拒力戰、馬中矢、僵乃上路、傍大塚、俟後騎至、敵競至圍之、義貞彎弓射船前一卒、敵爲之遂

日本忠臣錄

卷之七

四十一

巡不近、更發鎗亂射、此日義貞擐名甲、薄金手、揮鬼切鬼丸二寶刀、截飛矢十六、且截且避、輕捷如神、小山田高家馳至、以所乘馬授之、步鬪而死、義貞賴得脫云、由丹波路入京師、車駕倉皇復幸延曆寺、尊氏入據東寺、三道犯行在、義貞及諸將守東坂、鑿塹作橋、樓櫓相望、戰艦鱗次、湖面公卿僧徒守西坂、恃險不設備、敵直進攻、會山上大霧、咫尺不辨、僧兵因擊克之、數日又來攻、官軍戰不利、乃急擊大講堂鐘、報之、義貞提兵六千、馳上四明山、與宇都宮公綱乘高衝之、敵崩潰爭下、死者填谷、義貞因屯大嶽、晨夜接戰十餘日、初軍中約兩坂有急、各鳴鐘相報、詰旦有群猿亂撞鐘、諸軍以爲敵至、爭馳集東西坂、敵陣望而擾動、因下擊大敗之、敵人馬蹂踐、死者相枕、義貞部下生擒敵將高師重僧徒謂而斬、梟首于辛崎、敵兵四散、經十餘日稍集、而官軍謂敵兵猶寡可擊、乃

進攻東寺、敵出兵京中諸巷、要之、大敗退還、敵勢更熾、秋大納言藤原師基、引北國兵三千餘人來援、於是謀復攻東寺、議道所由皆以謂經京中赴東寺、里閭多隘、甚難于進退、是前日所以取敗、分軍爲二、西自內野、東自河原、縱火夾攻之、有叛者、以計報敵、官軍不虞、有備、藤原師基等從河原入、義貞從內野進、復敗還、延曆寺僧徒、貽書與福壽寺、請援、與福壽寺聽之、近幾兵士按甲觀望者、亦相繼送款、請帥、因遣中納言藤原隆資等諸將統之、杜四方趨京路、絕敵餉道、於是諸國兵千百成群、日集行在者、絡繹不絕、敵中人困縮、公卿促義貞進戰、義貞乃遣阿波淡路兵三千于阿彌陀峯、夜焚萬炬、以張軍勢、與藤原隆資等諸路兵期、日四攻京、至期義貞從宗族四十三人入辭、帝溫顏勞獎、義貞伏對曰、勝負任運、非所逆料、但臣今日不薄賊營而納一矢者、莫還、乃分爲三從、大

日本忠臣錄

卷之七

四十二

官猪熊四條、縱火轉鬪而前、敵兵爲之披靡、遂抵東寺、院足利尊氏營、言曰、天下洶々、以吾兩人、毋徒親身功、害民命爲也、願獨身決戰、試與一矢、言訖而前、射尊氏中柱、沒鏃矣、俄而敵兵從後奄至、義貞馳突而出、敵復雲合、圍之數重、射中其額、血蔽而下、而別更整、鎧令將士、馬首皆西、決意進死、初軍發行在、帝親臨解所御紅袴、寸斷以頒將士、皆感激、綴之笠號而出、至是其兵八百殊死奮戰、潰圍入擁義貞而去、此日義貞與藤原隆資等、期以日加已時、並入京師、舉火爲號、會北白河民居失火、藤原隆資因先期進戰、見敗、阿彌陀峯及諸路兵亦並敗、與福壽寺約不至、官軍退保坂下、始帝幸延曆寺、自六月至九月、從鶴士二十萬、皆取給於僧徒、傾資經營、猶不能足、至是敵又斷東北餉道、官軍屢出爭之、不克、軍士饑困、相繼逃亡、部下日減、會帝密納足利尊氏請將還、

京師、藤原實世馳人報告、義貞時引見將校、聽之不信、曰、此使者妄語耳、堀口貞滿先往見、贊與已、爲貞滿伏延泣涕、留之、帝方感悟、義貞與子弟率兵三千入謁、班坐階下、皆色慍而容肅、帝進義貞及義助、曰、方足利尊氏、狂恩謀逆之日、朕謂卿與彼同宗、必相黨援也、乃扶持傾危、一心於義、朕深感其忠、欲仗卿門以鎮海內、而天命未集、兵勢疲極、故今權且與賊講解、旋駕京師、以謀後圖、但恐事易泄、故欲臨發告之、而貞滿驟然來訴、顧未研慮、然朕於其言、亦有所省、今者河島維賴北在越前、氣比神官築城致賀、以應官軍、卿宜趣彼相援、徇北國以謀恢復、料朕已入京師、卿必受賊名、今日傳位春宮、付卿去、其天下之事、一以相煩、謹奉嗣君視之、如朕言、發淚流、衆咸俯伏涕泣、卽夜義貞祈日吉社、曰、神尚垂護、俾臣得先途無恙、再振義軍、以滅兇賊、不然必俾子孫有克

日本忠臣錄

卷之七

四十三

報國起家者、納以寶刀一枚、明日車駕入京師、義貞奉皇太子及尊良親王北行、比抵鹽津、聞敵邀前險、更道木目嶺、時山中雨雪大寒、衆皆露宿、相抱而臥、或凍可矢爲燄、人馬凍死、不可勝計、河野通治得能通言、兵三百遇敵、皆沒、千葉貞胤以五百餘人叛降于敵、義貞聞、關三日、始到致賀津、氣比氏治迎入、金碓城、義貞遣長子義顯於越後、義助赴山山城、招諸州兵、足利高經以二萬餘人、圍金碓、義助義顯途還、以奇擊敗之、義貞乃泛船、大燕皇太子及尊良親王與藤原實世、義貞義助各執器奏樂、適有魚跳入船、藤原實世徵以周武事、割以祭天、天子受胙、衆極歡而罷、敵人發大兵水陸來攻、城兵乘高矢石交發、敵死者日千數、竟不能近、踰月、帝出幸吉野、近幾兵日至行在、乃使巨忠景賜詔書于義貞、圖匡復、二年春、鵲屋義治自山山遣兵來救、道敗、自是外援斷絕、糧



食已竭、採水族以療饑、後乃每旦宰二馬充將士日食、而天暖雪消、道通、敵日集城下、至于十萬、義貞以勢不可支、與義助、藤原實世、潛踰城、趨仙山、圖聚兵以壞敵、旬日僅得五百餘人、鎧馬且不給、遷延又過旬餘、敵遂陷金崎、太子就虜、尊良、義顯自殺、義貞匿仙山、半歲、發間使招舊黨、得三千餘人、足利尊氏復遣足利高經將六千人入越前府禦之、加賀人敷地山岸氏等起兵以應、義貞以如時能為將、據加賀、越前界、拔太聖寺城、平泉寺僧徒亦據三峰、應之、因遣義助統其軍以逼越前府、三年春、義助率百餘人出視營地、敵出兵掩之、義助舉火相報、義貞引三千餘人赴之、高經亦以三千餘人來拒、夾河而陣、時雪消水盛、官軍亂流而進、戰半、三峯僧兵出敵後縱火燒府、敵駭顧而退、義貞乘之追擊入府、高經走、足羽據黑丸城、餘黨望風潰者三十餘營、北陸響震、四方義

日本忠臣錄

卷之七

四十四

軍復起、各據州軍、俟義貞入京、而義貞謀必滅足利高經、而後還征、夏田陣于府近、衛少將藤原行實及細屋秀國、船田經政、攻高經行實等輕敵急攻、敗還、秋大井田氏經發越後兵一万至、義貞軍復振、將攻黑丸城、益治攻具期于必取、時義貞次子義興從源顯家西上、會顯家戰沒、義貞與顯家弟近衛少將顯信、收散兵保男山、為敵所困、帝下詔使義貞引兵赴援、義貞感喜曰、自古源平武臣著勳王室、而未聞有御筆詔也、今我荷至榮、安不於時報効、移牒延曆寺、與之協力、延曆寺僧徒大悅從之、義貞將發、計足利高經為後患、自以三千餘人留于越前、廣之、付兵二萬于義助、先往救男山、未至、聞男山失守、輒還、義貞乃出河合、圍取黑丸城、高經惶恐、大脩守備、築七營相控、援平泉寺僧徒叛營于藤嶋、應之、義貞夢與高經相拒、足羽河數日身化為龍、長二十丈、蜿蜒而

臥、高經驚走、且日以告衆、皆曰、龍能駕雲雨、震天地、而高經喪心驚走、大吉、齊藤道顯聞之私言曰、天下分爭、猶三國時、而臥龍死、蜀先亡、况龍陽物、及陰而贊、今方秋候、見水側、是天示其類也、以吾觀之、未知其為吉、義貞刻日率兵而出、將上馬、々騰蹕、執轡夫幾死、渡足羽河、執旗兵所乘馬頓踣、旗仆中流、衆以為怪、徵師出不利也、義貞陣燈明寺側、遣兵分攻七營、藤島兵擾動、衆乘勢擊、墮而登、僧徒棄死力拒、遇哨官軍幾却、義貞望之、急引騎五十間道赴援、足利高經出步卒三百救藤島、兩軍適遇、敵下塗陰橋、亂射、我兵不持楫、僵以身遮蔽義貞耳、義貞馬被五矢、顛于渾中、有飛矢中額、不能起、終自刎而死、年三十八、中野宗昌及結城親賢、金持重興等、割腹並隨、從者磯島時露、雨昏濛、跬步不可相物色、故餘衆遂莫赴救者、日頃有數騎還于河合者、衆望之以為義貞

日本忠臣錄

卷之七

四十五

也、各自解還、適知其死也、逃散叛降、畧盡、北國不復支、義貞三子、義顯、義興、義宗、

植松氏曰、余續史、到新田氏、未嘗不掩卷而歎、其為人英邁忠誠、用兵如神、而業不成、志不暢者、何也、曰、人盛則克天、天定而克人、藤葛盛則仆青松、青松秀而藤葛萎、自天視之、則藤葛亦生物也、及其盛、不得不與、不得止而已、當青松之得時、望之森々、就之隱然、藤葛豈為之累哉、猶嫡子於其家、父母與之、弟妹賴之、他人豈侮之哉、所謂一家嘉樂者、其是之謂乎、夫時運者、命也、命也者、自天之命也、定於冥兆、不變終身、鬼神不得預聖哲、不能謀、觸山之力、無以抗、倒日之誠、不能感、屈平之慷慨而投汨羅、文山岳飛之忠勇、不得復國、秦之暴而並天下、宋之大國而見取於元、曹公之忠而不能安其位、清麻呂之直而見左

遷道鏡之惡而專政權平相國之虐而滅源氏是皆所以時運之使然而非名將智士之所及矣如我新田義貞亦然當帝之在隱岐奉護良王令一舉殲元惡其功幾許也皇家失政及天下再亂源氏跋扈義貞亦受鼓鐸之任天下洶々人心不向王師不利遂致湊川之敗楠公沒深謀之益賊競六師駭今日之役不盛乎湊川之師兵庫之亂禍有愈乎鎌倉之難帝亦生異心納款反賊枉使元帥趣北陸一差千里再會不可期切齒無及且其死也猶帶詔書其忠死而不止者乎嗚呼一人之死甚乎千萬人之死義徒消沮王師不振諸葛亮曰漢賊不兩立王業不偏安臣不死則賊必亡賊不亡則臣必死以豁爲期亦不重哉義貞知之帝不知之使王業偏安元帥蹉跎可堪歎哉古人有言曰天時不如地利地利不如人和義貞不當此三事其

敗固宜然則天不與忠與賊乎曰否亂不極則治不形治形而子孫出焉天運有時復者乎矣

## 日本忠臣錄卷之八

名和長年 仕後醍醐帝

名和長年、初名長高、稱又太郎、伯耆名和人、村上帝子、具平親王十五世之裔、以故又姓村上、父行高曾祖父行秋承久之役、隨王師禦關東、軍于宇治、爲北條氏奪領邑、長高爲名和地頭、勇健善射、家富族廣、元弘三年帝與左近衛少將源忠顯潛出隱岐、至名和、忠顯聞長高可倚、往造其門、見長高宣旨託以時事、長高適聚族燕飲、聞其言猶豫未答、弟長重進曰、士之所重名也、十善之君、忝被委託、我曹暴尸軍門、以延譽後代耳、度追兵既至、宜先奉駕入船上山、衆皆奮從、長重從數人往迎、扶帝上馬、幸船上山、行值險處、被新鵜甲背負而過、一說云、長年爲名和地頭、帝在隱岐、衛

日本忠臣錄

卷之八

四十七

士多效忠、歟者、弟行氏亦在衛中、召見使還、諭長年奉迎、行氏值風不能發、卽帝先已航海適名和、遂扶長年未知孰是、帝厭甚、藉木葉以上飯、遂御山上鄉寺、長高令邑民能運我倉中穀于船上者、人給錢五百、卽日得致五千餘石、乃火宅率百五十人赴船上、伐木爲塞、多挑戶扉以蔽矢石、弟氏高計以松煙薰布、晝近國將士旗號以作疑兵、翌日佐々木清高與佐々木昌綱、佐渡前司某、以兵三千來攻、望見旌旗大沮、長高以兵寡蔽樹還射、莫不命中、々々必洞甲、昌綱被矢死、佐渡前司陣山後、以兵八百來降、清高不知之、鷹衆競進、遇日昏雷雨驟、至長重及弟長生等乘之突擊、敵崩潰死傷填谷、清高僅以身逃、於是近國將士數萬望風來集、遂遣左近衛中將源忠顯收復京師、帝製文及歌、以稱長高之功、曰、將以垂示汝忠于後世也、任左衛門尉兼伯耆守賜名長年、帝

日本忠臣錄

卷之八

四十八

得京師捷報、欲卽歸闕、詢之群臣、勘解由次官藤原光守曰、六波羅雖敗、鎌倉未舉、賊形勢猶熾也、世言東八州可敵天下、一鎌倉可敵東八州、是以承久之役、取伊賀判官爲力太陽、及與鎌倉兵遇、輒使收折、強弱之勢、雖令可知、宜駐大駕于此、以觀東方之事、長年亦請遲數月、帝親筮占之、得師上六、乃決意治行、建武元年爲因幡伯耆守護、新田義貞之東征、長年與楠正成等留衛京師、延元々年正月、足利尊氏犯京師、長年以二千人禦、勢多橋聞諸軍敗、車駕幸延曆寺、乃以兵三百還京師、與尊氏兵巷戰十七合、死者過半、遂造禁門、俯伏涕泣、願望而行、詣行在、與諸將戮力擊走足利尊氏、護駕而旋、及足利尊氏再入、從駕延曆寺、尊氏兵犯東坂、長年與脇屋義助等擊却之、又與新田義貞攻足利尊氏於京師、比過白鳥、路人相語曰、三木一艸唯有伯耆存、長年聞之、謂

輿論、嘲我死晚也、戰倘不利、今日死矣、蓋結城伯耆楠千種、當時功臣、並承恩眷、故世稱爲三木一艸云、及戰敗、諸將引歸、長年閉後衛門以絕走路、與兵二百人力鬪死、三子、義高、基長、高光、義高、高光死王事、基長爲僧、植松氏曰、夫兵有々名之兵、有無名之兵、有名之兵、其氣實而強、故其爲功也易、無名之兵、其氣虛而弱、故其爲功也難、君父之讐、誰不知報之、故雖怯夫懦夫、必挫強夫勇士、是依其氣之充實、強夫勇士見殺於怯夫、依其氣之虛也、而況國賊於抗王師乎、抑元弘之亂、以孤城當大軍、振一臂挫勁敵、亞楠氏者、以名和氏爲第一、當帝之出隱岐也、四面楚歌、而身無可依、雖長年尙猶豫、當此時長年奮然火第宅、倚船上山、舉義兵、其徒僅百五十人、糧食乃運我倉穀充之、伐木爲塞、以松煙薰布、晝近國

將士旗號以作疑兵、於斯山色皆莫非兵也、所以大沮賊氣也、嗚呼長年當帝之窮投猶豫者計衆情也、其舉事也、火其宅者、固衆心也、孟子曰、天時不如地利、地利不如人和、長年求人和也、其事之成、可知而已、況於乘時勢乎、舉兵而來、五經月、使帝還闕、何其功之速也、然而天不時乎、將人否乎、鯨鯢再出、四海鼎沸、忠臣不得脫甲、謀士不得高枕、前後敗績、死亡相續、可勝嘆哉、史稱路人指長年曰、三木一紳、唯有伯耆存、長年聞之、謂興論嘲我死晚、長年豈信人嘲者也、初許身於帝而來、忘家憂國、捐軀濟難、輟食奮袂、撫劍區駕、志在殉國、雖身雖屠裂、名稱垂於竹帛、車駕還宮、元功既呈、又何望焉、及天下再亂、豺狼橫恣、魍魎糝集、國論紛紜、王師不利、事無可爲、楠氏死、湊川、長年亦欲殉國、雖不忍以賊遺君、造禁門則涕泣不忍去、詣行在、則

惻怛不能已、偶路言入於耳、遂果其死、嗚呼長年終始不撓者、倚忠氣之充實而已矣、

## 日本忠臣錄卷之九

兄嶋高德仕後醍醐後村上二帝

兄嶋高德稱備後三郎備前人也其先本姓三宅氏父曰範長氏和田任備後守高德夙好讀書方後醍醐帝在笠置謀聚兵勤王帝賜以錦旗既而行在失守車駕西遷高德乃聚族謂曰志士仁人者殺身以成仁我欲於路奪駕奉以舉義即足以顯名邪衆奮從俱上舟坂上候之聞謠送兵轉出山陰道乃復詭道至杉坂則車駕既過遠矣衆於是散去高德冀得見帝道其衰獨羸疲踵後數日不得聞及夜入御館祈櫻樹白而書之曰天莫空勾踐時非無范蠡衛士無識字者白之帝亦不知何人所爲然心忻然竊自喜焉及帝在船上高德與範長詣焉遂屬左近衛中將源忠顯攻

## 日本忠臣錄

卷之九

五十

六波羅官軍敗績忠顯走歸峰堂高德及村上行村力戰愈勵忠顯馳人召還謂高德曰敗卒疲劇難于再戰且吾營距賊密邇恐致不虞今欲移營少退以圖後舉何如高德對曰勝敗在運小歸何患但可進不進不可退而退此爲將帥過也赤松圓心僅以千餘人屯山崎三進三敗猶能固守屯營遂不爲退一寸而況今我殘兵比賊尙多軍之所據後山前水得守禦之勝如何棄也倘虞賊夜襲我請往扼七條橋公亦出兵見備遂率三百人屯橋西夜半高德顧望本軍炬火漸少料忠顯棄陣已遁也引兵而歸道遇荻野朝忠曰元帥既遁我亦將退丹波謂子與俱高德曰我誤矣從此懦將作事子先往我當巡視本軍追以相及乃留兵山下獨登峯堂則綿旗器械悉棄狼藉高德大罵曰何不使若人隨坑落壑死取旗往與朝忠守高山寺城及足利尊氏舉兵篠村近郡將

士爭附高德惡屬其下特與朝忠及足立祐秀和田位田本莊平莊氏等轉自若狹入與諸將攻六波羅克之還歸備前建武二年飽浦信胤等據福山城以應足利尊氏高德與淺山條就攻之幾克遇軍中有叛者戰敗還據三石城官兵稍集出戰和氣驛松田盛朝就陳降高德敗走入熊山城即夜又有叛者導敵入城高德與宗族僅免以事上報遂匿山中延元々年新田義貞遣弟脇屋義助攻舟坂久不下高德聞之遣人告義貞曰舟坂險固不易下我當以四月十八日揚兵熊山敵必分衆來攻將軍乃分軍爲二一爲攻狀以綴敵一道三石山南出其不意前後夾擊我卽率兵相會則舟坂可舉舟坂舉則西國何意不附也義貞大悅約以進兵至期前夕高德火其宅以二百餘人天明上熊山敵果出三千人來攻山有七道高德分衆禦之力戰竟日逮夜敵繞嶺奄至高

## 日本忠臣錄

卷之九

五十一

德以十餘騎當之重傷墜馬有二敵卒馳來斫之高德從子和田範氏杉崎範家赴救扶載以歸創甚幾死父範長激之曰往昔錄倉權五郎景政爲敵射中其目不拔矢三日遂射殺傷已者汝今小傷乃委隨若是何得濟大事高德乃蘇息言曰速扶上馬出以決戰範長謂其可濟矣以餘兵十七騎突進敵不測其寡不戰而退官軍遂拔舟坂範長又與高德欲拒飽浦信胤兵從尊氏而東者出陣西川尻聞敵陷福山城欲會脇屋義助兵又聞義助以救退播磨乘夜踰嶺到佐古志浦高德騎行終日創益甚範長託之所識僧而行天既曙遇赤松則村出兵要于嶮隘呼言亡卒速釋甲降範長笑曰前者足利尊氏以書誘我百端我皆扯裂投火今復能隨汝降者汝欲得衣甲即當相與以八十三人破圍東出敵傳呼村落報亡卒遇民兵數十人四集射之範長行戰十八合士



卒死傷所餘僅六人。範長曰：「使我得舉族而來，蹂過一路，何難？事至于此，是我死日。」遂割腸啣刀而死。高德繼爲備後守。三年，新田義貞在越前，欲發兵攻京，以授男山。高德從在軍中，議曰：「櫛官軍敗績，叡山不支，由此賊截路而糧食不給，宜留兵北國，通其運輸。然後遣數千兵往據叡山，日夜以撓京師，是深根固蒂之謀也。」然僧徒視吾少衆，猝至，恐有致叛貳，宜先送牒狀，義貞大然之。高德卽按筆爲牒，立成，乃齎貽之。延曆寺亦報狀，應之。居頃之，義貞戰死。高德從脇屋義助如伊豫，義助病沒，逃歸備前，與國。七年，招脇屋義治于上野，圖舉兵。先是，荻野朝忠降于尊氏，以事怨尊氏。高德因結朝忠期以並起，尊氏聞之，發兵攻朝忠于高山寺城。高德于兄島朝忠出降。高德謂謀不濟，遂擁義治、海路竊入京師，招得義故千人。高德計使衆聚居，必爲敵發，乃分置近郊。期夜襲，尊氏

先期一日，尊氏謀知，遣兵悉殺其匿在壬生者，衆聞之散去。高德亦與義治奔信濃，後剃髮號志純。正平七年，帝御男山，圖京師，詔高德曰：「方今時勢至要，汝其赴東北諸國，起兵以奏功。」高德亟往宣以旨，於是新田義宗及小山某、宇都宮公綱、桃井直常、上杉憲顯、吉良滿貞、石堂義房等發兵來援男山。高德遂不知所終。

植松氏曰：夫字者猶水也。水決諸東方，則東流；決諸西方，則西流。水豈知東西哉？隨人之決耳。字亦然。善人用之，則爲善；惡人用之，則爲惡。字豈知善惡哉？從人之適用耳。孔子說「仁」字，孟子說「義」字，後世文人學士雖交，不過此二字。忠臣義士雖代出，亦不越此二字。如屈平懷砂賦，孔明出師表，陶潛夷齊章，顏真卿移蔡帖，文山衣帶中贊，疊山建寧詩，劉因燕歌行，方孝孺絕命辭，皆出于忠君愛國之誠心，而善用字者也。若我兄嶋高德亦

其人乎？當天步之艱難，潛身入御館，斫櫻樹，書「天莫空」句踐，時非無范蠡數字，動天下人目，使帝歸闕，則其功幾許也。嗚呼！高德逝矣，筆猶有神，櫻樹枯矣，字猶有芳。萬世之下，使人泣忠魂者，是依善用字也。

日本忠臣錄卷之十

村上義光仕護良親王

村上義光、稱彥四郎、爲左馬權頭、子義隆、稱彥五郎、爲兵衛佐藏人、元弘之亂、父子與赤松則祐、平賀三郎等、從護良親王、竄十津川、熊野山、別當定遍索之甚急、護良去如吉野山、土人芋瀬莊司某、以兵要路、護良計無所出、遣從者、說以投託之意、莊司對曰、定遍窮求官軍黨與、錄名以報關東、臣欲納大王、不能也、過前行、亦所不敢、請留錦旗、若從中一人、得以爲辭、二者不許、臣惟有一矢之備、親王默然未應、則祐進曰、見危授命、是士之職、臣請留死、平賀三郎曰、從行之士、皆大王股肱、不可去也、宜以旗見授、護良從之、得過、義光適後、遇莊司擁衆使卒荷綿旗而還、曰、天王之子行、

日本忠臣錄

卷之十

五十四

何物奴敢乃爾、直前奪旗、掀奴數步、莊司錯愕、不顧而去、親王喜曰、我得此三人、於平天下、何有、至吉野、築城守之、賊以大兵來攻、外城已陷、親王親戰、數合、退與左右酌酒慨歌、義光鎧被矢如蟬、毛束跪曰、臣拒中城、數時、適聞歌聲、來敢相會、賊勢強甚、城不可支、臣請假御鎧、証爲大王死、大王乘間出走、親王曰、死則同死、何忍相弄、義光勵聲曰、圖大事者、惡爲此言、起自解、護良鎧、護良顧曰、卿忠易生不忘、我儻得免、厚爲脩禱、不免追從冥途、遂行、義光著鎧、登譙樓、則義隆來欲偕死、義光曰、亟去、爲王拒後、勿徒死、義隆泣訣、義光遙望護良去遠、大呼敵軍曰、先帝第二子護良自刃、汝等行爲、天兵致死、視以作式、乃剗腹抽腸、以投于壁、而斃、賊四集、就斬其首解去、已而吉野執行岩菊丸、將兵數百、追及護良、義隆單身留關、斬數卒、躬蒙二十餘創、入傍竹叢、潰腹死、護良遂得

免、義隆年十八矣、

植松氏曰、所貴于士者、氣也、一士氣振、則萬士氣興矣、一夫氣弛、則萬夫從焉、故烈士殺身救天下、勇將殺一夫、整軍旅、其機如此、不可不慎、國朝風氣純美、武夫剛勁、臨難不苟免、視死如歸者、世不乏人、皆於造次顛沛之際、決然行之、不誤、與聖賢之道合者、雖大人君子、猶有所不及、如村上父子、未聞一日講道義、而所關大、所行果、瞬時間不失君臣之義、所以維持綱常、光耀史冊者、豈有極哉、嗚呼、當護良之在土室、使村上氏再生、則救護良於虎穴、尊氏不至橫行、天步不至困難也、必矣、

日本忠臣錄

卷之十

五十五

日本忠臣錄卷之十終

跋忠臣錄後

世不能無變。國不能無亂。  
或弑其君。或奪其國。忠臣  
出。綱常不墜。名將見國家  
安。國朝風氣純美。

神胤在于上。忠臣列于朝。  
萬方以安矣。中古以後  
王政壞亂。或爲道鏡將門。  
睥睨皇祚。覬覦神器。  
或爲藤氏平氏握權。

專政。或爲北條足利。肆廢  
立。綱常墜地。國家不安。  
於是乎忠臣名將憤然更  
出。爲清麻呂之奏。爲道真  
之詩。爲重盛之祈。爲藤房

之遁。爲正成之忠。爲義貞  
之義。爲高德之書。爲義光  
之死。皆出感憤惻怛不能  
已之至情。然後綱常由以  
立。國家由以安。正氣凜

凜于今。推其志。雖與日月  
爭光可也。間者父君摘嘗  
所閱諸史。撰其卓絕者十  
餘人。敘其事實。末又論其  
忠烈之情。編為十餘卷。命

余跋焉。嗚呼。為人臣者。以  
斯諸公為鑒。則斯書有補  
於世教。豈淺鮮哉。

明治十九年孟冬

十四歲男植松金太郎撰

明治二十年七月廿六日版權免許

同廿一年一月出版

定價金五十錢

著者兼出版人

植松金兵衛

千葉縣平民

下總國海上郡芦崎村  
九十六番地

東京日本橋區通二丁目

稻田佐兵衛

發兌

下總佐原町

正文堂朝野利兵衛

書肆

東京今橋區南箱町

同支店朝野文三郎

下總佐原町

佐原活版社

印刷所



[illegible]

中村鼎五 著

# 尚友小史

明治二十五年（一八九二）京都文石堂刻本

據明治二十五年（一八九二）京都  
文石堂刻本影印

中邦鼎五著

尚友小史  
第一輯

混々舎藏

確堂文宗雅鑒

名香

尚友小史

文美

巖谷修題

題言

確堂生常以迂闊被斥半生轆轤頃寓平安以講讀爲業以一身之勞糊八口東奔西走脛毛不生文思枯渴舌猶存而已會盛夏放課三旬坐蝸廬曝書涼軒且攤且讀興之所適援筆作近古小傳數十篇意在慕古諷今嗚呼在開明之世猶慕古所謂儒者多是古非今者非迂而何雖然迂言亦安知無益世之日乎。

五十川詔堂曰滿腹感慨向此一冊子吐出宜矣有些圭角也余却喜其有些圭角人或笑其迂亦

尚友小史

題言

不敢辭也



與某翁書

誼堂曰一頓  
不幾露如甚

又曰可謂善  
讀史記者

又曰山陽知  
已

又曰善述善  
形非深於文  
者不能知此  
味

又曰一結清  
絕

某白某先生梧下候屬仲秋盆裁桂花漸開樹雖矮  
小其香可聞讀書倦時對之可以遣悶某以暑中放  
課修一書成焉名曰尚友小史僅々小冊子耳然非  
無意也某聞文者莫難於叙事古今史傳能模寫其  
人無若史記同傳勇者西楚霸王與舜陽侯其氣象  
不同故文亦從而不同同傳智者留侯與曲逆侯異  
其撰故文亦從異其撰其他淮陰侯於彭越黥布其  
文皆靡弗如其人是所以爲良史也山陽賴子夙著  
眼于此其著日本外史如吉法師於機山霜臺其雄

尚友小史

略沈毅漂悍各極其神豐太閤與東照公皆精神躍  
躍發筆端非後人著作所及也余嘗欲倣之作一二  
傳而筆如錢椎千篇一律如摸形泥塑人面目雖存  
無足動人者唯投筆長嘆而已今所輯筆固不能如  
其人然奇事易寫且就之而進或有所得乎每篇論  
贊亦聊寓感慨也今寫一本請教并呈桂花一枝著  
花不多然自有馥郁香是亦一種天然文章也先生  
以爲何如

誼堂曰史筆之秘訣一筆鉤出恨不令拙堂載於  
文話中

尚友小史

近江 中村鼎五

藤樹先生傳

石津瀧園  
起法典雅

近江國高島郡小川村僻在琵琶湖之西距大溝一里許一小村也而天降偉人學德爲世師表若藤樹先生即是也先生名原字惟命姓中江氏稱與右衛門家有藤樹因爲號又有嘿軒頤軒之號祖父吉長仕米子侯父吉次不好官仕隱于小川村先生甫九歲祖父携至米子請爲嗣先生代祖父作書札應酬四方辭理暢達如老成人覽者奇之侯移封伊豫大

尚友小史

訟堂曰真儒  
看書總是實  
際

洲祖父從徙焉於是先生始就塾師讀書讀數遍輒成誦年十一始讀大學嘆曰幸哉此經之存聖人豈不可學而至乎感泣久之一日有賊來襲焉初有奸人須卜者竊謀誘衆與俱去大洲祖父詞知詰之須卜佯爲跪謝狀俄起擊祖父祖父怒擊殛之其子欲爲報讎故來襲也先生挺進意氣安閑毫無畏怖色賊竟遁走人服其膽勇時十三歲也年十五祖父歿先生哀痛溢顏色居二年有禪僧自京都來講論語先生就學焉無何僧去先生乃購得四書大全獨自研究之大洲之俗崇武卑文先生每待人定後讀書

又曰以年齒  
一束

又曰處々下  
東語文字不  
緩漫

灌曰亦自有  
生理作用在

諷曰自任至  
大興前文以  
興起斯道爲  
任回顧映照

尚友小史

慨然以興起斯文爲己任年十八父吉次歿母氏思先生不措先生請暇歸省者數後欲奉輿移大洲母氏不欲離鄉里也於是請致仕不允上書執政佃某苦請之誓以不事二君不報乃棄官而去豫賣家什悉償債別購米若干苞留儲于廩而去意在返本年俸米歸鄉之日所贏三百錢耳以其二百與僕遣之蓋自祖父時奉仕者也先生既歸鬻佩刀得銀十錠換米穀貸諸貧民以其子錢充母氏奉養人以其利子薄少無敢誤期者家無餘裕上漏下漏以盥器受漏水居之晏如年三十娶高橋氏母以其容貌醜陋欲令改娶先生固請而止高橋氏能守婦道每事必咨詢而行之正保三年夏四月高橋氏歿先生爲持齋五十日慶安元年八月廿五日先生病歿及其病革隱几端坐斥去婦女召門人曰吾去矣誰能任斯文者噫言畢而瞑門人用文公家禮葬之於小川村玉林寺側隣里鄉黨皆涕泣送柩如喪親戚後邑人修其家爲祠堂曰德本堂至今祭祀不絕焉有三子長宜伯稱太左衛門能繼業仲樹稱藤之丞季重稱彌三郎彌三郎生于先生歿年後仕備前侯久之以病辭歸及歿私謚常省先生始奉程朱學教門人以

又曰先生本領此一悟一筆氣去精彩發揮

又曰起首距大溝一里云云讀去不知何為至此始覺為理筆文心細密

灌曰寬獄事只當見先生過化之一端爾若執政揣摩則如捕繫風影不可以為法

尚友小史

小學門人多執著格法氣象不伸持圭角甚固先生一旦有悟奉陽明良知之說示門人曰株守格套比之求名利不可同日語然其失真性活潑氣象則均吾人唯當信本心而放去拘牽勿拘其跡於是門人皆興起奮進有所成就焉而其最著者為熊澤了介先生好讀孝經論語先躬行後文辭人無賢愚皆化其德雖旅舍茶肆人或有遺物必措諸閣上以俟其還索先生嘗赴京雇輿而行途中談心法轎夫感動流涕其為人所重如此大溝藩臣某嘗繫獄而非其罪也有人請先生言之執政先生一日至執政家欲言之而未得間談話移晷竟不說及獄事而去明日執政議于朝曰某罪不可不宥也昨日藤樹先生來談話移晷吾察其意若欲宥其罪者縱令先生不言豈可不察哉一座皆同焉大洲侯再召先生辭以病使其子弟代仕備前侯亦遙以師禮事焉所著有大學解中庸解論語解孝經啓蒙翁問答鑑草藤樹規鑒荃等鑒荃為門人大野了佐著了佐為人魯鈍先生初授之句讀日口授三兩句讀之三百遍猶不能記明日復習一百遍而不止後遂成業先生誨人不倦如此

詔曰下一束語然後入議

灌曰論頗過激然亦可為耳食一棒矣

尚友小史

中村鼎曰聞往年某侯過小川村欲謁先生墓使前驅告村吏開墓門村吏辭曰欲拜先生墓者雖三公必下輿馬未有騎馬詣墓門者也侯不得拜去嗚呼村人之重先生如此近者余門人衣川某為滋賀縣收稅吏巡高島郡村人以德本堂為舍館某歸語余曰曩德本堂罹災天下之人獻貨修之以其所贏充祭案料使村正管之而後裔某以其金為中江氏有與村正爭訟自洋學之盛行人皆先智後德於是禮義廉恥掃地而盡以小川村之淳樸有此事可嘆余今編此書以先生傳置卷首先生者我近江之人為

學者宗故寓私淑之意也

石津灌園曰論贊如傳序讀此乃見斯傳之所以不得不作非無故掇拾遺蹟轉相祖述者也

詔堂曰古人於書其托始必有所為龍門以五帝置本紀首以太伯置世家首以伯夷置列傳首又溫公以威烈王二十三年起筆皆是也可以見我確堂平日讀書之細

島田見山逸事

詔堂曰豪邁絕倫四字全

父執島田見山以擊劍鳴于天保弘化之際家君嘗為作傳詳叙其豪邁絕倫之實而猶有遺者蓋恐其

文眼目

又曰、先揭出見山擊劍之指針下文者、從是生出、服部愛軒曰、布叙甚重、未讀後段、既覺有異常之事、又曰、使讀者不覺握汗、詎曰天保弘化間、武人之狀態躍々如之

觀

又曰、其論奇其所為步於過激、宜乎先人不叙也、又曰、長沼氏兵法之要、亦在鍊心膽、又曰、借木原節夫之語、叙其逸事、敘妙

又曰、見山真愛曰、武人之本色

跡涉過激或誤人也、然其事在今日、則足興起士氣、故補焉、見山之於擊劍、其意在回復武道、常慨世之講武者、徒爭竹刀之末、故其教子弟、一刺一擊、皆用全力、云、家君嘗東遊、寓其家、一日、門人來報曰、吾師令請先生、觀于演武場、家君即至、場見山、揮竹甲、在上座、延家君、坐其右、門人以次、左右侍坐者數十人、而甲乙二人、出場角技、甲者魁梧多力、乙者矯捷精悍、共為高足弟子、甲擊乙、受乙刺、甲撥掣、電閃燎、觀者握汗、既而投刀相搏、展轉上下、甲遂扼乙、喉而絕、見山乃下座、抱乙、噓氣良久、忽喝一聲、手撲其腋、乙

尚友小史

五

則、蘇拜跪、問曰、死狀何如、見山曰、太好、乙乃謝而退、家君怪、問其故、見山曰、凡人將死時、心神動亂、則死體不正、或吐唾沫、無他、武道之源、在鍊心膽、故也、嗚乎、古人靜坐、以修其心、然未聞就生死之間、以驗之、而見山之徒用心如此、宜哉、其技之入神也、土浦木原節夫嘗語余曰、見山可謂有古武士之風、惜哉、早歿、特以一劍客著、未能盡其技倆也、初見山、以擊劍教于土浦藩、一日、家老某、男年少、視見山、佩刀、指其鐔曰、此鐔可刺、不類先生之佩、見山勃然色變、曰、子能斷吾鐔、則斷之、不能即死、我以武為業、苟係武技

詎曰而字有

又曰一結雙

又曰、特提出  
句、然領  
又曰、特提出  
勝栗毛、用筆

不敢讓一步也、一坐失色、百方為之謝、失言、事漸得釋、節夫兄木原某、為其門人、所目擊、云、見山豪邁而謙虛、自牧、其歸省鄉國、途訪家君、余時猶成童、侍膳、見山苦辭、不敢行酒、捧卮、則起而拜受、其小心如此、見山少、家君數歲、幼而相親、共約揚名于天下、嘗贈家君、以平日所撰竹甲家君遺命藏之、棺、見山既以武自任、終身不娶、為兄買妾、曰、生男、我以為後、而未及見其嗣而歿、詎堂曰、此等之事蹟、不可徒委於風散霧消、今一上吾兄筆、見山於是不朽矣、使今世人士讀之、如

尚友小史

聞、霸王叱咤之聲、必令、麼子、顛越、銷魂也、服部愛軒曰、感慨淋漓、使讀者、不覺、碎破、唾壺、雖由見山、其人之勇武、非先生之文、豈能如此乎、敬服敬服、谷如意曰、此篇一讀、使人感興、可謂、不朽之文、中村櫻溪曰、見山蓋平山、兵原一流、武人、演技一段、尤見其真、十返舍一九傳、一九、重田氏、名貞一、號十返舍、江戶人、為人放逸、不羈、善畫、好作傳奇、嘗作道中膝栗毛、大售、殆貴洛陽

側重  
灌曰為人一  
句括通篇  
百事

紙平日所得財悉投酒肆家唯四壁立自畫其壁以錦幙翠簾新年則畫春鰲歲晚嘗憂討鬼紛擾黎明出家徘徊四方後至柳原友人家共飲醉後起解一九軀幹長大頭誤觸歲神棚因作歌曰正月波神田麻天來利計理筋違仁鈞留歲德濃棚蓋筋違者橋名而在柳原咫尺故也主人大笑示諸隣翁翁亦好奇請一九於其家曰往歲使繪工畫壁作子規啼月圖而余不喜其啼血故事也子贊以禳之一九乃援筆書曰月波笠島濃貌波簑仁似天是也寶濃山子規主人大喜謝以酒痛飲至夜半將辭歸偶見浴

尚友小史

詔曰彌二喜  
太八之行  
最奇者

又曰逐次叙  
出如落花  
水溶々  
筆愈幻事愈  
奇

桶在戶側請曰余好浴暫借此桶主人曰諾明日將命家僮致之子家一九曰不勞僮也倒載之而行僅出二脚耳若浴桶自行者觀者皆笑其明元日早起汲水設浴會友人來賀新一九曰風寒如此子且浴客乃解衣浴焉一九圍以蔽障而竊取其衣裳服之出門而去客出浴不見衣裳呼一九不應大窘問之隣隣人曰先生今著新衣來賀客因知被誑不得已而歸家既而一九至其家謝曰今日得以君為惠者新衣乃脫所服返之一笑而去又一日持一襪來曰典之請借金若干既數月不返主人開襪則負債書

詔曰以狂歌  
應收

又曰起首側  
重勝衆毛至  
此成用心  
微密

灌曰一結絕  
妙僕則於是  
句避十三金

也主人驚責之一九曰前日之金我既沽酒及佳蘇魚飲饒而盡請紙筆書曰借金乎質仁置天毛初經求天食奴利毛食波喰江其達如此野史氏曰昔李龍眠畫馬夢中為踉蹌狀一九作膝栗毛先自行彌二喜太八之行宜矣其書絕妙使讀者捧腹絕倒吾人半生刻苦學文未能有驚人是雖天分有不及者蓋亦思之未至也吾於一九避三舍詔堂曰齒牙伶俐文與其人稱讀之如讀膝栗毛令人抱腹絕倒吾兄一種出色文字妙絕奇絕如意曰奇人奇才亦有所可喜

尚友小史

一九著書箕坐一室書帙筆硯杯盤枕衾亂雜堆積于左右家人不得入其室嘗早起步月至日本橋遊意勃發直歸家單身出門歷遊京阪三月而歸而室中猶如前日一九將死遺言茶毘其屍忽有火迸出棺中蓋藏烟火管至死猶為奇如此享年六十八

記松下忠三郎復讎事

我舊藩圓通公式部少輔時自奧會津移封于石見吉永削四十萬石存一萬石耳蓋有忌而然也皆足公內藏助繼其後好學從學林羅山鷲峰二子以賢



在不言爾恐人或不知之故余特如批點而表出

灌園曰語本孟子

明聞時有早川八之丞者與其僚友大崎長三郎戀數其姿色相爭鬪八之丞擊長三郎殪之歸告之其養父四郎兵衛將自殺四郎兵衛曰士之以事聞者常也汝宜全命他日立功以贖之八之丞乃隱隣國而長三郎姊爲老臣松下源右衛門之妻爲弟涕泣言之源右衛門訴曰四郎兵衛隱其子罪與亡命等因榜曰八之丞若不歸來服罪則使四郎兵衛自殺八之丞聞之欲自訴四郎兵衛止之曰源右衛門聽婦言以罪我誘汝非士也汝宜勿陷其術中固命不許出訴遂自屠腹而死八之丞於是痛恨徹骨曰

尚友小史

九

認曰提句陡轉是龍門遺法

致我父死者源右衛門也將殺之時源右衛門在江戶芝邸一夕抱推兒立八之丞拔刀迫焉源右衛門亦拔刀禦之源右衛門素善擊劍此日以抱持推兒不得如意遂被害邸內騷擾未知誰所爲既而書門柱曰爲父復讎源右衛門有二子兄曰三郎平出爲栗原氏所養弟曰忠三郎猶幼在家僕中田平治右衛門者盡力教養之忠三郎甫十三歲則護之請與俱復讎之事公允焉三郎平亦請焉以其繼他姓不許也栗原某憫其志則絕之復本籍於是三人共去吉永赴大阪兄弟分離搜探而平治右衛門則

灌曰施從亦自七篇來

認曰始點破本名又曰伏後

尚友小史

十

常從忠三郎相約曰得踪跡相報寬文十一年秋忠三郎與平治右衛門過芥川遇虛無僧四人同行其一酷肖八之丞二人乃施從焉彼等皆投旅舍時正秋暑如焚苦熱不能就眠立西廂月下納涼二人密自牆外伺之彼等謂其一人曰聞子工銃銳可得視乎其人曰拙技耳何足挂齒牙乎彼等曰今夕爲我演之其人曰霄深無人且爲子試焉乃探懷出小刀懸的投之無不命中皆感其絕技而忠三郎審知其爲八之丞也欲待明報諸兄平治右衛門曰事急矣若遷延失之悔不可及也何必報兄氏忠三郎可之結束而竣黎明彼等皆俱出旅舍二人尾之八之丞與三人別獨過栗林而行平治右衛門仰天拜喜曰是冥助所致也直自其側過立前頭曰主人仇早川八之丞記我否八之丞驚愕將鬪忠三郎突進自背後斬斷其右腕八之丞左手探懷將出銃銳平治右衛門又斬其左腕因捉其襟曳而倒之八之丞仰仆忠三郎騎之刺喉者二乃絕二人檢之懷有一書曰我殺大崎長三郎於石州吉永又斬松下源右衛門於江戶芝邸爲死後證之二人因知其期死爲之感涕於是土人驚譟平治右衛門曰吾等復讐者請如

又曰應前

法乃告之大阪市尹市尹馳使問之加藤氏得實護送達吉永時肥後侯東觀宿大阪聞其事嘉焉請我藩祿忠三郎三郎平以不及事怨平治右衛門人居間和解之三郎平雖髮為僧名照什以碩德聞平治右衛門亦以三郎平之故改業為商賈稱三好屋五郎不敢面隔障欸語厚贈物以謝其意云

野史氏曰我國俗尚武自古而然中古以來有稱武士道者重廉恥尚氣義元和偃武之後此風猶熾而如我舊藩祖三明公左馬介以武著其藩風剛毅雖

尚友小史

訓曰至此出藩祖等武與志學此等詞匪法植固矣

削封之後猶有遺風存者如八之丞之事固不足言也然亦可以見藩祖磨勵士氣之一斑也惜哉有武無文是皆足公之所以志學歟

灌園曰叙事明細如目覩其狀贊語有抑揚有收束數行文中無限波折

櫻溪曰亡友高槐千馬伯剛嘗為余語此事今讀此篇更得詳其顛末

宗祇法師荒木守武

訓堂曰雙提宗祇法師與伊勢神官荒木守武為友共以善連歌聞宗祇嘗問連歌法于其師師曰須費二十年功力

又曰氣力如此何事不可成

今子既晚十年矣宗祇曰以夜繼日苦學十年可以當二十年師嘆曰如此非吾所及也守武嘗為兒童賦一夜百首寓訓誠世稱伊勢論語一夕有連歌會會者皆雜髮人守武賦曰御座敷遠見礼波伊津禮毛神無月宗祇續句曰此企利時雨乃不利烏帽者天一座哄笑服其敏妙宗祇中秋無月一年乃月速久毛良寸今宵如奈守武元日作元日也神代乃事

毛思波留々皆膾炙人口云

又曰微露圭角豈共唯堂之所好乎哉亦不得已也

野史氏曰連歌之為技小藝也以宗祇之才晝夜學之猶用十年之力而後能有成焉至守武伊勢論語

尚友小史

則益於世深矣今日書生日修五六科業而早眠晏起何得至精妙哉宜猛省之

訓堂曰雙行到底讀去到論贊之結尾見者自竦然動容

森川許六傳

訓曰為人與俳歌兩意提

許六森川氏名百仲字羽鶴號五老井彥根人世仕井伊侯食祿百石以俳歌著為芭蕉翁門下十哲之一為人傲岸不敢屈下人是不與儕輩交通然其於俳歌頗有神悟一出驚人其初調芭蕉於深川探囊出稿請正芭蕉一讀感嘆有傳鉢之意許六常曰

詔曰世傳芭蕉嘗書云畫為師誹諧為弟子其品

可以想

詔曰感慨悲涼

我履屐以入師腹中蓋謂此事也許六以騎士衛彦根牙城終身不移官家在藪下街別買田園於原村原村距彦根一里每公退擔糞桶以灌溉之園中築一小亭以為休憩之處暇則吟咏自樂所謂五老井在其中五老井四勝曰草字藤曰雲花園曰楊揮豆曰紫芝岡今猶存焉許六多才藝書畫射御擊劍兵法皆極其蘊奧故自號許六以正德五年歿所著有風俗文選選擇精當文辭富贍可以見其才學嘗斬庭櫻樹自作芭蕉像後寄贈之智月尼嗣以俳句曰霜乃後像仁添偏幾菊毛無尼藏義仲寺芭蕉堂云

尚友小史

野史氏曰昇平之久資格束人井伊侯以德川氏元勳為京畿之鎮天下所畏服而以許六才藝僅以俳歌著余深憫其屈云

如意曰文辭簡勁類許六為人妙

服部嵐雪傳

服部嵐雪稱久馬助又有不白軒玄峰堂之號淡路國小榎置村人學俳歌于芭蕉為十哲之一嘗赴江戸遊事旗下士新庄隱州井上相州等早有厭名利之志一日飄然辭去衣劍器械一無所携其妻烈子性愛猫衣以錦繡食以魚肉嵐雪不喜曰獸而衣人

詔曰以下以禪理問答與其歌什行文參差錯落亦一法

衣食人食不可烈子癡愛不改也一日外出嵐雪時其亡托猫于人携去烈子歸家求猫不得悵々不樂寢食為廢有失猫歌如喪配者後知嵐雪所為憤怨焉於是夫妻及目人居開始解傳以為笑晚學禪於濟雲行脚而歸濟雲問曰去春臨別贈一片語今秋歸來相見了也即今如何行脚答曰觀音境裡古松樹濟雲曰松無古今色作麼生無古今色的一句答曰春色無高下花枝自短長濟曰既了矣且休去嵐雪字取諸和歌嵐雪之什其不白軒玄峰堂亦取禪錄所謂雪埋千山什麼孤峰不白之義也其集中元

尚友小史

日元日也晴天雀濃物語初秋初秋乃心動幾奴繩簾及東山之什蒲團幾天寢多留姿也東山皆傳世以寶永四年十月歿

野史氏曰余寓京都日夕對東山欲賦一詩記其狀而嵐雪十七字既得驪珠無復加之者也其以愛猫夫妻及目亦何癡古人往々有奇癖可笑

大島蓼太

大島湯喬號蓼太善俳歌嘗示清人程劍南一首譯人解其義曰五月雨也或夜密加仁松濃月劍南感賞作詩和之曰長夏草堂寂連宵聽雨眠何時懸月

色松影落庭前劍南之詩雖巧不及蓼太寸鐵殺人  
也明和九年二月江戸火蓼太時居鹽町火勢猛烈  
將延燒其家蓼太載其稿本于机上盛水于瓶携避  
火於深川要津寺曰心血所注得全幸矣閑坐思俳  
句如平日

### 大野秀和

大野秀和以俳歌名嘗聞其角誹其什大怒一日遇  
兩國橋上秀和撫劍迫之曰汝誹謗我何乎其角曰  
我實誹汝拙耳子欲聞我不敢避也因揭裳脫屣結  
束既畢忽奔而逸秀和愕然不追躡而止

### 尚友小史

#### 魚商杉風

杉風號霍安切而耳聾以驚魚蝦爲業家頗富吟咏  
自樂芭蕉寓深川杉風爲經紀之竭力云亦爲十哲  
之一吾友秋葉猗堂耳聾好文爲翁江門下士蓋杉  
風之流亞而家貧不得專心于文實爲可惜

灌園曰嵐雪傳以下數則佳話可喜文亦簡朴有  
作近來世說者必所首採焉

櫻溪曰猗堂近日罷官家居文章頗進矣

#### 山口素堂傳

素堂有爲之士其行卓々而特以俳歌著所謂爲藝

訊曰伏臘

所掩者歟然山梨之民建生祠其功遂不可掩也  
素堂山口氏名信章字子晉學連歌於北村季吟又  
好俳歌號今日庵來雪讓家於其弟稱官兵衛隱于  
葛飾阿武卜居於芭蕉庵之隣號素堂元禄八年歸  
展鄉里櫻井政能謂素堂曰甲斐府汚水所聚合笛  
吹川下流壅塞於是濁川溢入山梨郡被害者十餘  
村及今不疏通則數村皆爲魚吾嘗上書請之者數  
次未報也子能助我志幹此事否素堂曰人之在世  
固爲天地役者苟利於國家何厭勞苦况父母墳塋  
所有不可不盡力也往年挑青幹神田川之事我所

### 尚友小史

尚不可不做也縣令有命不敢辭也政能大喜素堂  
猜算數指揮役夫夙夜執事導濁川會笛吹川下流  
自高橋至落合築堤二千一百餘間於是池沼皆涸  
變爲良田民大喜爲建生祠于蓬澤村曰櫻井明神  
山口靈神事既竣乃辭職飄然而去再赴葛飾草庵  
專以吟咏自樂其初夏云目仁波青葉山子規初鰥  
晚夏云年毛早半波流礼津御被川皆膾炙人口享  
保元年八月歿或問挑青以俳歌曰有素堂今則已  
矣其見推重如此

野史氏曰俳歌者流大抵雍髮逃禪爲隱逸之行者

而如桃青其人瀟灑超脫而其指臂修神田川以便人民有功于世可謂浩大者在延寶八年六月如素堂亦能至使民建生祠其為德渥矣哉吾儒平生口談經濟然求此等之蹟寥寥罕聞讓於俳歌者多矣可慨也

節齋服善

森田節齋與鹽谷宕陰同在昌平國醫又同在山陽賴子之門節齋夙有文名其視宕陰太卑後宕陰苦學大成家長韜菴亦山陽門下之士也學昌平醫數年將西歸謁宕陰宕陰以其所著隔靴論托韜菴寄

尚友小史

十七

示節齋韜菴歸見節齋節齋曰子東遊數年寧有所齋者乎韜菴乃出示隔靴論節齋曰蟲甲藏之文耶蓋宕陰在山陽之門日貧困敝衣常生蟲也韜菴曰子且讀之節齋讀未半俄然變色曰甲藏果能至此乎我不能及也感嘆久之

野史氏曰節齋以狂名其與小竹拙堂爭罵詈痛論無所不至而服人之善亦如此其成名不亦宜哉今世之士聞人盛名則百方誹謗者比々皆是也使之聞節齋之風亦當愧矣

如意曰節齋真摯之情狀可想見

又曰子且讀之四字妙又曰抑揚極頭與前輕視二筆及映

又曰滿意溢於紙上

又曰整視一筆

又曰輕視二筆

如意曰宛然太史公口吻

童子屠腹

櫻溪曰有此一事而節翁果不狂矣我國士氣剛勇蓋天性也中古以來有稱武士道者益振作之雖或失過激士之就死從容如歸其風習所染雖小兒亦能屠腹是萬國所無也及舊幕府之末太平之久士氣漸不及古然有若太田子者嗚呼是先王之所以愛護養成也可不尚哉

如意曰語十七從容不迫可

尚友小史

十八

軍不利敵兵來侵奈之何父曰宜從母姊入城兒曰若敵陷城則何為父曰是命盡之日也須自及以殉國兒曰唯因請曰兒平日請佩刀而大人未許今幸賜一口父感其志自解佩刀與之而出居月餘官軍破方成嶺而入容保急令其士民入城某家距城較遠從母姊將入城門時日已暮門衛既嚴不許入某哀訴以父命門者感動許之既而圍益急砲丸雨注人々皆懼而某放紙鳶不異平日一日官軍砲擊小田山山有火藥庫火炸響如百雷黑烟蔽天某以為城陷立庭上望煙跪階下把刀自屠腹而死視者莫

見有毅然丈夫之氣象

謂曰中間點綴此兒童可憐之情即反射後文屠腹之精神



又曰、追叙一層、可以當後勢、如意見、明結、不啻殉節

不感動也。初藩老佐川官兵衛奇其為人、欲養以為嗣、謀小兵衛、小兵衛悅、語之、某々辭曰、兒雖為人僕、可也、繼他姓、非志也、聞者咋舌、

野史氏曰、松平容保據險抗官軍、可謂誤大義者、然衆狗吠堯、其罪可恕、抑保科氏自正之以來、以文武磨勵士氣、其遺風傳至今、雖小兒亦能以身殉難、可謂不愧為日本武士也、余為之淚下沾襟、

櫻溪曰、八歲之兒、猶能自及比之白虎隊十七士更烈、保科氏平日之所養、可見矣、○文祿征韓之役、七歲、虜囚賦詩、是漢土崇文之餘効也、明治東

尚友小史

十九

征之難、八歲童兒伏刃、是神州尚武之遺烈也、

好敵手

僧鳳潭與南都般若寺僧某、共稱龍象、二人才學相儕、常不相下、論辯攻擊、仇讐不啻也、某臥病、鳳潭聞之、特往訪焉、徒弟聞鳳潭之名、不敢通、鳳潭長吁曰、我自京師來者、將一見師、告吾所思也、今不得見師、而厭世終天之恨、無止也、請更通我意、徒弟不得已、乃入告焉、某欣然曰、鳳潭師者、我所欣慕也、辱來訪、生前之喜也、使侍者扶出、握手談笑、喜色可掬、鳳潭見其羸、淚下漣然、出贈所携延命酒、其命侍者取杯

認曰、鳳潭亦奇人、

又曰、真情纏綿、於汗青餘

來、徒弟或疑其有毒、遲疑不出、某促之再三、手把杯一嚙而盡、既而鳳潭攬淚拜辭而出、某亦泣別、野史氏曰、上杉謙信聞武田信玄之死、嘆曰、已好敵手、其氣象快豁、使人想像、今鳳潭於某平日互相論難、而聞其病往訪之、其親愛昆季不啻、不徒發已好敵手之歎也、余怪近世文壇執牛耳之人、互相忌害、如洛蜀黨、嗚乎、不憂斯道之衰、而忌人之盛、名比之鳳潭與某、不亦左乎、噫、

灌園曰、無限感喟、

油川櫟齋傳

尚友小史

二十

認曰、起法變化

舊幕府之末運、士之唱勤王攘夷者、棄妻子、離兄弟、來集輦轂下者、不知幾千百人也、其相會意氣投合、則胡越為兄弟、所見不合、則同氣亦推刃、諸藩亦各出人、以伺察其所為、時稱周旋人、余與油川櫟齋共執其事焉、櫟齋名信近、稱鍊三郎、世為舊水口藩臣、江戶邸士、幼喪父母、養姊氏家、及長沈毅果斷、寡言語、事有係大義者、凜乎不可犯也、初幕府移諸藩士、住江戶者、于其國邑、櫟齋亦來家于水口、始聞勤王之說、大有所感焉、於是與諸藩正義之士、通交、或有避幕吏嫌忌、來投者、為之盡力、資旅費、遣之、逋負山

又曰、提出本領、灌園曰、先提挈其人、本領作下文、綱維

積不以爲意於是其名漸著松平容保爲京師守護  
職近畿諸藩受其指揮以衛京郊時我藩守護竹田  
街道九條余因會津藩士野村某橋爪晒齋等有所  
請數往京師既而昭德公欲親伐長州命內外諸藩  
從軍時吾公在江戶亦受從軍之命報達水口櫟齋  
與余謀欲請朝廷止其行而江戶邸士不知上國  
形勢以從軍爲榮議論不合吾公至水口留二日而  
發余以待讀從至伏見公以疾館于本願寺別院先  
是余與櫟齋謀日至朝紳邸有所請願一日櫟齋至  
傳奏飛鳥井公邸乞面陳時夜已初更公未朝退吏

尚友小史

又曰筆々寫  
出其人如親

又曰借他人  
之言以結上  
文一語可代  
贊語尤見結  
構之妙

辭曰國事太殷公夙夜在朝敢辭曰臣之所欲陳者  
係主家重大之事臣不敢退請借廳前咫尺之地以  
陳其意色既決吏不得已許之遂致命而歸飛鳥井  
公謂其人曰加藤氏雖小藩有人可賴也余與櫟齋  
別扈公至大阪互有所謀頃之朝廷命吾公守後月  
輪陵吾公因歸京都既而櫟齋放遊花柳陌頗來物  
議蓋他人不知其中有艱苦之事皆咎其失行議論  
紛紛時使江戶邸士再東歸櫟齋亦在其中先遣妻  
兒獨留寓友人家心知形勢日迫憂悶不措而其妻  
自江戶促歸一日讀家書忽拔佩刀斬其指血書作

又曰真武士  
之語  
舊曰如讀東  
漢黨錮人傳  
之語

訛曰並父者  
范增也筆法

報曰我以身報國不暇顧家汝亦士妻須知大義所  
在代我教育子女莫令油川氏絕後慶應三年十月  
幕府奉還大政赴大阪人心恟々朝廷禁會衆二藩  
入京而新撰隊士近藤勇土方歲三密入京在東本  
願寺泉山守衛士鈴木三樹三郎泰泰之進等欲爲  
伊東甲子太郎復讐來請救援甲子太郎者爲二士  
黨所殺者也時朝廷令我藩巡邏京市櫟齋欲直赴  
捕縛之老臣恐其生事不許曰下京非我藩所管也  
明年正月三日伏水鳥羽變起櫟齋時在水口與其  
黨馳至竄遺書辭吾公脫藩籍稱武田文三從滋野

尚友小史

又曰當時諸  
藩過激之徒  
任々皆然自  
今人見之恐  
爲狂然以吾  
輩迂儒論之  
則不能無孔  
子在陳思魯  
狂士之德

又曰人或非  
笑之人始服  
其勇視者莫  
不感動三所

井綾小路二公募兵徇江濃屯松尾山說降大垣藩  
敗兵進至垂井轉路至四日市滋野井公先進時朝  
廷派遣東海東山二道鎮撫使總督總督訴二公徒  
無狀責其罪執滋野井公從臣數人處斬命二公歸  
京都待命櫟齋訴曰我與此人同謀請其罪吏慰諭  
之而退更遣總督四條公伐仙臺遣櫟齋等從軍櫟  
齋乃悉分贈衣服器玩於知舊不遺一物意在必死  
也發陣之日故舊送至蹴上櫟齋戀々不忍別手人  
或非笑之既進入敵地勇氣百倍及立矢石之地人  
皆喪色櫟齋顏色自若常在陣頭指揮兵士人始服

呼應斐然成

章曰義憤凜

々文亦寫出

淋瀝

認曰勇士情

態寫出筆々

生動筆墨之

神與與勇士

之精神相副

又曰又借他

人之口為贊

語前後照映

也

也

也

也

也

也

也

也

其勇駒阪之役軍監西本祐準中丸而斃櫟齋取其

汚血衣自穿之曰我與祐準約共生死今服其衣以

勦敵足以慰其魂也視者莫不感動與羽平定凱旋

至東京訪其友城多士咸謂曰朝敵既平我將歸藩

以報主恩也曩以國事之殷去藩今賊平歸藩固宜

時柏木忠直在坐嘆曰今日從軍之士莫不邀恩賞

者而子獨欲歸藩可謂廉潔誠忠之士也我幸得結

交因杯酒極歡櫟齋既西歸依余請歸藩々士曰逃

脫之士不可歸藩余百方說老臣則得允許焉櫟齋

既歸朝廷特賜金若干吾公及奉還藩籍赴東京以

櫟齋為家扶明治七年為正院十一等出仕後轉司

法省大審院今為判事在尾張一宮而聲望不及昔

日余亦官修史館數年辭職寓京都不復相往來如

前日也

野史氏曰櫟齋嘗病疫其謔語皆國家事未嘗一言

及他也可見其滿腹皆赤心而一官不移十餘年天

道果是耶非耶噫

詔堂曰勇士眉目精神歷々如畫讀之如親見其

人與事局調排蕩起伏層疊可謂傑作

川島重一傳

櫻漢曰略略二字一節主

川島重一吾黨之有膽略者也家世仕舊藩幼而喪

父家道頗艱甫九歲以童子供藩廳使令來受句讀

于余家長為粗稅小吏其接人民甚懇至是以頗得

人望重一不太讀書而能辨大義性沈重喜怒不見

色臨機應變如豫為處置者人々厭足幕府之末正

義之士來投者家君每使重一接之有一僧陽唱正

論陰為間謀來寓日野水戶士在京都者嫉藩士斬

之藩士相謀作重一書誘出郊外殺之棄屍而歸及

幕吏來檢詰問重一重一顏色不變從容辨其誣會

在揭示僧姦狀者其字係藤田東湖書休因知水戶

士所為事得釋當是時若使重一失措乃其禍蔓延

不可測也明治中興之始朝廷命舊藩舉通民事

者以傭士官內國事務局檢幕府旗下士食邑在畿

甸者重一得大和地乃封園倉籍穀粟三旬而反命

人皆驚其敏捷他受命者經二三月未畢也以徵士

為奈良縣吏進至少參事又任大參事佐縣令春日

潛庵北條小秋為治在職數年頗有聲績及海江田

某代任所見不合辭職而去任千葉縣典事以病辭

家居數年為足柄縣吏時片岡村人分黨相軋數年

不決縣令柏木忠俊使重一檢之重一受命不歸家

又曰以上略略以下奇策

尚友小史

六四

微服爲良諫齋一書函至片岡村々正聞縣廳派吏來檢迎之于途逢重一問曰縣吏至否曰尋至進入村徧就民屋詰桑麻談時事又及訴訟之事略得其情乃投一寺住僧不在有老婆居守說以縣廳之使老婆烹茶供之絮談半晌日亭午供以藜飯重一食畢而卧黃昏村吏歸曰縣吏何不至乎縣廳使何在老婆曰卧奧室曰呼起而來至則重一也皆相顧失色急掃堂鋪席重一曰止我非爲宴遊來者也供茶不飲供飯不食曰我非爲飲食來也悉召村人列庭嚮所共談者在焉皆愕然失色重一曰我既探得其

尚友小史

廿五

誤曰感服以  
瀟遙收綴前  
投爲結如

情然不可無口供也汝等呈口供呈之即曰未盡使改作又却之曰未盡衆不知所爲請待明日重一曰我受命來不得口供不敢休也子等勿退於是相共謀曰不如止訴書以講和遂陳情請返訴重一諾焉於是數年之紛爭一夕而解重一草鞋布襪首懸書函緩步而去後歷數職吏皆奉成案不得復出奇策齡亦漸老家居養病有老驥伏櫪之嘆及晚窮困人不復知其有膽略以其顯達爲僥倖可慨也野史氏曰肥後松田重助來說吾藩也先考使重一接之余亦以事會焉重助謂余曰水口藩昔日以武

聞于天下而今則亡聞也獨有一重一彼一箇小丈夫耳膽略可賴余聞之於重一曰我與彼對談事若不諧將偶刺以死彼知之耳嗚乎此可以知其爲人也

秋葉猗堂曰論贊以自家爲陪襯有情有色櫻溪曰以膽略二字爲主徐々叙去論贊一語尤見其本領

城多耐軒傳

城多董字士威號耐軒近江國甲賀郡牧牛村人與余家相距里許士威爲人豁達有度量雖在農商中

尚友小史

廿六

愛曰僕嘗謂  
諫一親友不  
者不納却憎  
怨終不相往  
來僕始悔之  
謂今日交道  
皆如此今請  
高文知友道  
之猶存也

不屑握籌以爭錙銖好讀野史家乘漸涉書史始無師授伊豫人矢野玄道嘗寓士威家期年士威與之切劘於是其學大進性好酒常痛飲激論以爲樂家產爲之傾不以爲意也余嘗作書戒其輕財破產之非士威喜納焉集其牘爲卷以充佩韋士威數赴京都與憂國之士結交專唱尊攘說爲幕吏所忌使新撰隊士捕之隊士十餘人圍士威家百方搜索不得士威會來在水口得聞而遁走伊勢幕吏追踪不止更赴信濃隱戶隱山中數月歸仕有栖川親王幕府之再伐長州舊藩主在中軍余亦扈從將發輒與士



交情

交情

威同觀大文字火於鴨川酌酒寓訣別之意既而至浪華幕府命守衛後月輪御陵余與藩士寓仁王門街士威亦來寓日久同起卧慶應三年十月幕府奉還大政人情恟々時余與士威等奔走東西以探問其情明治元年正月三日黃昏余至士威家上樓而坐忽見一縷烟起南方門外傳呼失火或曰伏水有戰東西旁午如織余急辭歸衷鎖甲從舊藩主入衛內侍所時火光照天砲聲如雷士威亦從親王入朝來我營曰鳥羽伏水官軍皆利相共欣然立談之間相國寺失火二人驚愕明日官軍有浞八幡之勝東

尚友小史

七

交情

軍遂敗走三月車駕幸大阪余從舊藩主至大阪士威徵爲會計官吏十一月車駕東巡士威以用度司扈從々吏數人門成市爭欲求其知非復昔日一書生也人皆羨之而余獨留侍舊藩主無幾士威辭官家居明治四年廢藩爲縣藩主爲華族士威再徵就官六年余東遊寓士威家既而爲修史館協修士威任熊谷縣參事赴任地罷爲足柄縣參事居歲餘縣合神奈川縣爲元老院書記官被罷士威既罷官而猶與修史事官賜俸可謂天恩優渥也士威始好漢唐古註中奉陽明之學痛自抑損不屑詞章

好結法蓋自歐陽氏轉化來妙甚

然其作文千言立成如腹稿然如告同志文可以見其一斑矣其顯達不近聲色俸祿之餘悉給子弟無學資者配吉川氏素朴不飾其在任地如在鄉甲無子養竹村氏子善九郎配其女以嗣家又養孤野人小津虎雄虎雄入大學業就名漸著以病歿吉川氏繼而逝士威悵々家居養病亦可悲余與士威交四十餘年如一日故知士威莫如余者今叙其平生相共與之事以作傳云

猗堂曰以耐軒爲主以自家爲客主客錯綜打成一篇大文字亦極得合傳之體

尚友小史

八

櫻溪曰不獨傳耐軒又是確堂先生之傳矣愛軒曰耐軒氏與先生維新之際奔走國事粗同而末路不得志亦粗同其合傳體蓋亦自然非初有意而存所以爲絕佳也

長谷川嵐溪村山半牧傳

余壯歲好閱畫鶴巢樓主人多藏近世書畫幅時爲余展觀之其尤者於京都人爲對山爲耕石爲暢堂於豐人爲五岳爲杏雨於中國人爲煙村而於北越人則爲半牧爲嵐溪嵐溪之畫殊有氣韻因思其人偶有傳者曰嵐溪名荃字芳溪弱冠冠遊江戶入大槻

灌園曰入題輕敏



灌曰：銜接極佳。龍門：謂曰：過法亦佳。又曰：點出藤本欽石。灌曰：然不欲云々句一傳中要所處。

灌曰：春塘亦一句可以抵春塘傳矣。

詔曰：一結終不脫其本領。

尚友小史

九

磐溪之門旁學丹青於春水南湖研精有年一日觀管梅開畫欣慕不止乃赴仙臺入其門梅開感其篤志悉傳其秘及梅開歿嵐溪換其粉本得筆意於是更探妙義金洞之勝合之明清諸名家蹟構思經畫大有所發明極山水之妙自成一家慶應紀元五月以病歿年五十有二繼嵐溪者爲半牧半牧名椒字其馨別號荷汀村山氏幼而穎悟長好畫山水弱冠赴江戶學嵐溪更遊京都又赴長崎嘗與藤本錢石共論畫法於是別出一機軸屹然成家然不欲以畫師稱及天下之士唱尊攘之說錢石與松本奎堂等奉侍從中山忠光舉兵于大和戰敗死之半牧時在播磨聞之馳至京都使其門人筒井杵山密護送錢石妻于備前而又與之歸鄉寓上條村小柳春塘家春塘亦慷慨之士也未幾王室中興半牧與春塘遣人入京都報北越之情時與羽北越諸藩連合禦王師五月王師入長岡城於是賊注目於半牧等半牧避之隱片口村賊捕春塘等會有傳春塘既遭害半牧慨然曰義不可獨生也乃作絕命詞自盡年四十一半牧性狷介有求畫者非其人不畀畫爲人如此故畫亦有一種氣骨可尚

又曰：至論贊始點出其鄉里地名尤妙。

尚友小史

三

野史氏曰：嵐溪半牧皆爲越後三條人共以畫聞半牧慷慨之士固非一畫師也然以其早死不得與中興之選僅以畫傳者可謂不幸矣嗚乎三條何多人材哉如對山耕石暢堂余欲別作傳也故不贅詔堂曰嘗讀侯雪苑文集愛徐作霖張渭傳竊謂其挿寫兩人而捧引縈迴忽散忽合之妙得龍門合傳之突奧今於此傳亦云爾

田阿子傳

田阿子性好畫最嗜土佐派畫研精絕倫頗入其妙住江戶牛籠二十騎街寬政乙卯正月牛籠柳街失火時西北風烈延燒及數町田阿子負一大畫幅至所知家托之曰近隣失火延燒及吾家纔持此幅而出朝來未食請賜一飯主人供之田阿子且食且展其幅曰此狩野探幽所畫鷹圖也巧妙入神予得保之幸矣熟視曰子且視其眼如生視其利毛受風而動豈非神畫乎時火益熾人行旁午而阿田子一意對畫如不知火者

野史氏曰：余家藏一謠曲書々笈背有燒痕先妣語予曰：妾父石田某好謠曲所謂金剛派也壯歲赴江戶受曲本於金剛大夫而歸天明某年京師大火延

詔曰：與羅山先生避火災輟中猶讀書不輟自他人

灌園曰：其自若之態寫出宛然如觀

見之同一若  
愚此所謂其  
愚不可及者  
余常歎今人  
不愚故感此  
傳也尤深矣

又曰主客雙  
收

燒其家某負笈而逃至堀川火既及焉知不可免則  
投之於水々淺不及半火移笈上偶有倉庫燒倒者  
火熄焉此書僅存其喜可知也嗚乎如田阿子畫幅  
與某謠曲其嗜好至此宜哉其技之精工今世之人  
視前人大淺然吾知其技之不及古也遠甚蓋由用  
意之淺且輕也

櫻溪曰古人用意之物今人不寶之率皆爲西人  
所羅去余常嘆之今讀此傳重痛惜

僧澄月傳

澄月者備中人幼而聰慧剃髮入玉島天台宗某寺

尚友小史

三十一

詠曰先提出  
志字  
又曰新然露  
主角

苦學絕人一日住僧責其同舍僧曰如澄月沙彌齡  
少汝數歲而苦學如此汝長大早眠晏起何不愧澄  
月乎如澄月者可以住持此寺者汝一菴主耳澄月  
在傍聽焉不樂曰小子勤學志在爲法中龍象以濟  
度衆生僅住持本寺非所願也師笑曰汝亦可謂爲  
大言者居數月澄月謂在僻陬之地與俗僧伍何以  
得成宿志顧比叡山延曆寺爲台教之宗必有學德  
超越者一日竊出寺赴比叡山時年十三半途路費  
竭乞食露宿嘗艱涉苦纔得達山僧以無紹介不許  
留學日暮未得宿舍美僕憫之宿之於其室因懇請

詠曰至論贊  
以可謂有志  
者五字斷定  
文有歸宿

其所知遂得留學於是徧叩其碩學者皆不滿意嘆  
曰本寺且如此佛教之衰可知矣於是一意攻和歌  
遂以和歌名世稱四天王之一四天王者猶言四大  
家也

野史氏曰澄月之爲人可謂有志者以教授無人變  
爲和歌者流是誰之罪耶今也聖賢之道陵夷不振  
後進之子弟變業者比々皆是也雖世運使然亦先  
進之罪也余讀至此冷汗透衣

釋良寬傳

良寬號大愚越後國三島郡出雲崎人父曰橘泰雄

尚友小史

三十二

詠曰寡欲源  
如既盡其爲

良寬幼穎悟長而寡慾不事家人生產意澹如也年  
廿二委家其弟雉髮入光照寺從破了和尚會國仙  
和尚行化國仙以學德聞良寬大喜又從之和尚作  
偈與之曰良也如愚道轉寬騰々任運得誰者爲附  
山形爛藤杖到處壁間千睡間既而破笠敝衣飄然  
出鄉歷詣海內諸寺二十餘年而還住上山五舍庵  
作詩曰索々五舍庵室如懸磬然戶外杉千樹壁上  
偈數篇金中時有塵竈裡更無煙唯有東村叟頻敲  
月下門又夢中得詩曰乞食到朝市路逢舊識翁問  
我師胡爲住彼白雲峰我問師胡爲老此紅塵中欲

又曰詩詞起  
脫不凡

又曰點提一句以下敘奇異之行

又曰數個奇異

灌園曰與三不啻成佳對又曰又施帶文基叙事有姿

答兩不道夢破五更鐘嘗謂人曰貧道有不啻者三詩人之詩書家之書庖人之饌生平多奇異之行最喜小兒之嬉遊常聚兒童鬪草打毬或迷藏以為樂人問其故曰我愛其天真無偽常破衲托鉢人贈以衣服錢財則不辭而受路逢凍餒者皆與焉嘗至一民家其家會喪物以良寬頭髮如蠅毛為脫獄囚縛之良寬低首不言偶有識之者愕曰此高僧良寬師也何故至此村民乃釋縛謝之其人曰師何不辨之乎曰事既至此辨之無益也嘗有惡少年聞其不校誑俱乘舟至中流擠之殆溺而毫無怨色笋生床下

尚友小史

三十三

令撤床成竹吟哦其下人有欲得其書者使兒女子打毬因潤筆以毬則與焉書曰袖裡繡毬直大千誰言好手無等匹箇中得意若相問一二三四五六七鈴木文臺曰師可傳者三曰詩有三隱韵致書有懷素逸趣歌得萬葉遺響文臺越後人以博學聞龜田鵬齋北遊觀良寬書以為神品往訪之會坐禪侍坐半日良寬知其非常人因款語後鵬齋語人曰吾遇良寬師悟草書良寬晚移居島崎垠天保二年寂年七十四先歿數日粟生津里正往訪之良寬曰往年脫擔於子家子能記否其異焉還家檢之得一篋中

諷曰滿腔吐出血淋漓痛快

有三十金因知其備後事也用其金葬之於隆泉寺野史氏曰異端之人固不與我同道者然當消々趨利時超脫如良寬者可謂空谷足音吾故以為一服大承氣湯傳焉

富岡錢齋曰余藏良寬之遺墨草體殊妙其氣象可想像也因知此傳皆係實錄今時亦無此人可嘆

瞽者佐治郎傳

佐治郎者信濃國下諏訪人父曰佐右衛門幼而喪明及父歿依々無依族人某取養之而其家亦貧困

尚友小史

三十四

且多兒子衣食不給佐治郎甫十四聞舅某在江戶欲往依之單身去鄉然自舅去二十有餘年音信久絕傳聞其在高輪而已不審其家徧探高輪而無得也既而路費竭盡乞食於道路行且探之茫無踪跡一夜決死至兩國橋上時夏夕遊舫如織絃歌之聲與水聲相和而佐治郎獨萬感憤胸益嘆吾生之不幸也口念佛號趺足橋欄一躍投水會有一舟過橋下墜其側水波躍入舟々人驚愕急救之得不死坐有樋口檢校與其門人鼓琴聞之使人扶持之謂曰子雖盲年猶少壯何故至此乎子陳其情我將添一

灌園曰叙事如畫

詔曰神情如見

灌曰佐治雖言而其心不

臂之力也佐治即泣謝因說其鄉貫姓名及事顛末檢校愀然曰噫我乃汝所探之舅也我自離鄉無日不思家也我今改姓名宜矣汝不探得今汝墜我舟此由祖先神靈誘汝至此因相抱持泣左右皆感其奇遇檢校即携之歸授其舊名曰諏訪都且曰汝欲學琴瑟我將教之佐治郎曰某生僻陋至如聲曲非素好願爲針黹以救病者檢校曰醫仁術也非曲藝之比其志可嘉爲擇師受業無幾名聲大振

詔堂曰奇事奇文當與姜宸英記劉孝子尋親事文連鑣而并馳

尚友小史

三五

高橋東岡妻

高橋東岡學天文於麻田剛立極其奧精推步嘗受命作寬政曆初東岡微時住大阪庭有大柿樹結實極多賣以資產或有夜竊之者東岡憂之每夜巡視爲之不寐一日東岡外出歸則柿樹既斬伐爲新大驚詰其妻曰妾所爲也君以守柿實之故懈學或爲之不眠若去此樹則無他望念一意專修以爲其業故令斬伐之耳東岡激其言遂成一家

野史氏曰東岡之妻能激其夫使成業可謂賢婦也今世女權之論頗盛然未聞活眼有若此人也

詔曰興樂羊妻引刀斷機使樂羊終學業同賢女哉

草野文右衛門

草野文右衛門仕若狹酒井氏嘗與同僚談及戰陣之事同僚曰我等生晚未見馬上馳逐之事子爲我演之幸甚文右衛門曰止無益也同僚請而不已乃擐甲騎馬手揮長槍啞咤叱馬亦奮迅蹄蹴於是同僚感嘆曰如此乎勇士之鋒不可犯也而令馬奮迅蹄蹴尤不可及也文右衛門笑曰我謂無益果然我之壯馬上揮槍而馬如不知今老矣故使馬勞而子反贊之太平之人不可與語戰陣之事也

野史氏曰皮相之見棄實取虛往往如此俗士所喜

尚友小史

三十六

灌園曰引伸敏妙可謂納約自牖矣

識者厭惡焉嗚乎世無伯樂千里之材空駢死于槽枥之間可慨也

詔堂曰小文短篇耳而戰國武士之狀態寫得赫奕如見令人一讀不覺毛髮豎上

安覺強記

釋良祐號安覺筑前國宗像社座主稱色定坊明敏強記嘗誦法華四功德之文始發願欲寫全藏筆矻矻不輟奔走四方勸誘施紙墨雖行路莫不操筆文治元年二月起業至承元三年二月卒業紙背各書其寄附人姓名凡經律論爲部六千三百三十八爲

卷二千七百四十五爲帙二百五十八安覺留學于宋經十寒暑暗記一藏歸羅大經鶴林王露曰余少年時於鍾陵邂逅日本國一僧名安覺自言離其國已十年欲盡記一部藏經念誦甚苦不舍晝夜每有遺忘則叩頭佛前祈佛陰相是時已記藏經一半矣夷狄之人異教之徒其立志堅苦不退轉如此云々嗚乎古人立志堅苦如此宜哉其有爲也今日學者苟卒一校之業儼然以學士自居教授之外不復手卷設俱樂部相會其事則圍碁衝丸以消却閑日月爲達使此輩見古人之立志堅苦其心果何如哉

尚友小史

三七

錢齋曰安覺之事詳載本朝高僧傳及伊藤東涯孟簪錄而吾兄此文採擇諸書撮其要可謂簡而盡矣

詔堂曰滿腔之憤悶溢於行間今日學者對此當色沮

中村歌右衛門傳

詔曰大阪俳優四字提起妙甚  
又曰與大阪俳優相應

歌右衛門者大阪俳優也夙以絕藝稱其始赴江戶演阿古屋極盡其妙而至演琴曲莫不絕妙由是聲價傾都人皆以不觀歌右衛門之技爲辱江戶俳優深妬其能先是京攝俳優赴江戶者例必招請江戶

又曰寫出通真  
又曰言々可想見月中無江戶之狀上國新曲四字最觀其妙

尚友小史

三八

又曰瞻視月與前注目相顧  
又曰收語無痕豈不可謂文壇中歌右衛門耶

俳優于酒樓開盛宴以結交而獨歌右衛門不肯爲之亦被服儉素如賈人梨園社中心皆賤焉一日相謀欲侮辱之招之一酒樓是日歌右衛門盛服而赴焉既而酒行歌右衛門淺量不堪杯酌一座酒酣市川團十郎在首座自起至歌右衛門前傾一大杯而觴之曰小杯不足以爲歡請爲余贊此一杯命歌妓滿酌淋漓一座注目歌右衛門欣然受之曰首魁所賜不敢辭也然徒飲焉可謂殺風景矣請演上國新曲以供一笑乃命妓誼猩々舞曲因先把杯一嚮未盡直戴之代笠酒流濕新衣殘滴滴席從容起舞

灌園曰寫歌右機警處文能逼真  
詔堂曰歌右機敏與其目中無人之狀寫出痛快如見當日文心文筆兩々相兼文章至此可以謂傑作矣

登蓮篤志



灌園曰漢夏  
侯勝獄中講  
尚書亦此意

登蓮法師性好古一日雨與客小集談及麻須保芒之事一老人曰世所傳有麻須保麻曾保麻須宇三種人未知其別也聞攝津渡邊有僧某善辨識之登蓮聞之起請借蓑笠主人曰何爲曰我將赴渡邊質之皆曰雨甚益待霽而行登蓮曰否人生朝不謀夕若待天霽安保彼我或死乃此事遂不可知也拂衣而起

野史氏曰嗚乎古人用意之厚如此宜哉其技之至精妙今人知重美術而不深用心故論密而技拙若如登蓮之用心何事不成乎

尚友小史

三十九

櫻溪曰僧徒也武夫也俳優也小說家也俳歌者流也畸跡偉行借來寓許多感慨憂世之念極深切

松川三彌傳

灌園曰一句  
提挈通篇

松川三彌初稱辨之助又稱三之助越後蒲原郡井栗村人爲人豪邁有大志家世爲里正家產頗饒而三彌儉素自守蓋將以大有爲也嘉永癸丑年魯西亞使節來求貿易且請正唐太疆界三彌慨然曰形骸者爲處世之實男兒所重在功名方今西洋諸國以吞噬爲志況唐太爲我北門鎖鑰豈可忽諸乃上

認曰語中自  
有豪邁之氣

又曰乃豪邁  
之實

又曰亦豪邁  
之實

書于幕府請以私財開拓之被允許乃先遣人查覈其地四年親募壯丁數十人搭商船赴志禮登巨港更至具志由野伊地雇土人數百人大漁獲鱒魚悉輸之內地以所得之利開道路刻荆棘通溝洫架橋梁建家屋時遇寒病者相枕藉或有戰瘕墜指者三彌不屈也更募人以大船搭載之至呂禮伊麻伊志津加及麻具志巨丹地益拓新地於是稍見功效會一日大風雨漲水大至悉沒所開拓地前功悉廢役夫爲之落膽欲棄去三彌益奮身先役夫就工事築家屋于函館曰新築島將益修其業然以事屬創始

尚友小史

四

費用不貲遂不能支持亦無人援其志者至五年乃獻之官而歸時文久元年辛酉也三彌雖在商賈好武喜挽勁弓嘗試射於京都三十三間堂人驚其絕技明治九年九月病歿年七十二平素以恤孤寡撫貧窮如惟恐不及云

野史氏曰嘗聞水戶義公上書于幕府欲開拓北地事在距今二百餘年前其後烈公亦以爲請幕吏驚怪以爲忌三彌以一商估能着手于此可謂有志之士然孤掌難鳴半途而廢可惜遂至割數百千里之地附與魯國嗚乎天下何日無達見之士其不能成

又曰以豪邁  
有大志五字  
提起而傳中  
叙豪邁之實  
至論贊以志  
字立論作者

苦心可想  
灌曰孔孟以  
來良不違屈  
志也歎々

志者天也。吾恐其大志汨沒無識故作之傳。

櫻溪曰。今所謂豪商大賈者。投機罔利。以逞龍斷之姦計耳。求如三彌者。不可得悲夫。

西村太郎右衛門傳

詔曰於無奈  
何之史探一  
活路亦豪  
傑也大

太郎右衛門者。近江國蒲生郡八幡人也。元和初。將赴鎮西。交市載貨物。而發海上。遇颶漂流。至安南。將買糧及薪水。會安南亂。敵兵圍城。不能得薪水。乃謂衆曰。與飢餓以待死。不如上陸。援一方以謀生存。因探闖卜八幡神社。乃出所藏甲仗。擲之結束而起。吶喊出敵軍後。敵大驚。以爲神兵。來援。城兵開門突出。

尚友小史

四十一

又曰陟轉無  
痕

又曰到底不  
脫八幡宮

挾擊大破之。於是城兵推太郎右衛門爲將。攻擊四隣。皆勝之。威振遠邇。太郎右衛門既得志。而念家不措。欲一歸本邦。而幕府時禁邦人赴外國者。不許再歸。本邦以防異教也。太郎右衛門則使畫工圖其事。蹟以獻之。於其鄉八幡社。長崎市尹更命菱川某。模之以懸之祠前。其原畫留在廳。云其款云。正保四年丁亥三月摹寫。其額今猶存。

野史氏曰。太郎右衛門事頗與山田長政相類。而無世知之者。然八幡社今猶藏其扁額。果然則非虛設者。嗚乎。我國士氣勇猛。以干戈始戢。無所用武。欲向

海外伸驥足者。非獨一長政而已。如太郎右衛門。名爲赴鎮西。其意蓋在海外也。後以鎖海港。毀大艦。致國勢陵夷。不振可惜也。不然。稱雄於亞細亞洲。不難也。如太郎右衛門之事。在今日。宜表出者。余此篇以藤樹先生西村太郎右衛門爲首尾者。非徒然也。

灌園曰。顯微闡幽。真足以供史官之採矣。

詔堂曰。以藤樹先生始。以太郎右衛門終。猶中庸以天命起。以天載終。尤看構造之妙。

櫻溪曰。確堂先生近江人也。此書首揭近江聖人。尾表近江偉人。恭敬桑梓。尸祝鄉人。獨寓意存大

尚友小史

四十二

是見敦篤之情。

尚友小史終

明治二十五年十一月二十日印刷  
同年同月廿八日出版

第二輯續刺出版

滋賀縣士族

著作者

中村鼎五

京都市下京區鳥丸佛光寺下之町三十九番戶

京都府平民

發行兼  
印刷者

北村四郎兵衛

京都市上京區柳馬場御池下八幡町七番戶

尚友小史

吉川半七

東京市京橋區南傳馬町壹丁目

中島精一

東京市日本橋區蛸屋町壹番地

鹿田静七

大坂市心齋橋安土町南百五番地

特約販賣



賴惟完（春水） 著

師友志

皇都聖華房舊刻本



據皇都聖華房舊刻本影印

春水賴先生著

師友志

賴氏藏版

春水遺稿別錄卷三

藝藩 賴惟完千秋 著

男 襄 校

師友志

余藝東一介書生父母以其幼弄筆研大喜期於有成而寒鄉乏師友獨從鹽谷志帥翁授讀焉又有僧獅絃愛人文墨之事多所資焉十七歲丁內艱踰二歲遊浪華所交一時知名之士幸不見棄日夕往來取益爲務後十餘歲歸宦於國乃祇役江戶暇則求友府

春水遺稿別錄卷三

一

下人亦或來問如此亦十歲許余謂學統未必一好尚未必同其交遊久近又未必均也而會合之際各有所契焉今老矣時顧疇昔其見存者僅僅晨星浪華有一履軒京有一幾齋江戶有寒泉精里備有茶山與桃源肥有鹽井而已其嘗相觀而善者何忍泯沒焉

作師友志

志帥翁姓鹽谷名貞敏以道碩行業醫吾竹原人也其祖父菴以醫食祿於小早川氏從朝鮮之役其墓在鄉之照蓮寺余童時翁爲之墓表父曰玄節

如此

春水遺稿別錄卷三

二

暫住大坂云翁少時遊府下問儒學於植田良背講程朱之書至老不倦頗究精微每朝自洒掃堂庭明窓淨几讀書琅琅學極博洽善和歌談話諸謔人無老幼皆盡歡心爲人濶達不事生產愛客酒飯每豐翁多子而不育有弟曰道哲遊學京師從久米訂齋學成而歸亦早沒家有田宅有書數十函人勸養子輒言木村某以某爲子其家壞矣難波某子養某亦已壞矣共公等所目擊也吾之無子天也然借他人之手以壞吾宗其罪更大吾寧任天以自壞公等莫復言焉其天資開朗不凡

赤松惟義字子方以春菴行播州人少時出鄉住河內後徙大坂以醫爲生爲人朴實常談性命不作詞章以道學自居所交必厚知無不言見無不規自謂徑行直情不能巧低昂於交遊間與二洲最善常言吾晚志義理之學而無所造詣是爲終身之憾幸有丈夫子吾欲其爲儒不欲其爲醫也醫易富儒易貧而如吾父子之拙生計醫儒奚異與其餓於醫寧餓於儒後暴病沒托孤於二洲名翼字文平才學兼優下帷張業可謂善繼志者

文平稱本

智越

僧邁字超倫號虎溪藝小谷人爲真宗僧寓竹原照蓮寺其人洒落脫凡無真宗一種陋習善書被酒揮洒字益妙其於佛學亦研究有淵源云蓋不負其超倫之名也鄉人皆崇信如不容口後病癰歸其鄉竹原人往問其差劇往來相踵其爲人所信如此時年六十許遂沒

中南先生初名叔明字士亮後改晉民字房父稱綸右衛門藝忠海人本姓平賀氏幼養於本鄉土生氏年廿歲餘志學寒驛無師獨自苦學躬執賤業

春水遺稿別錄卷五

三

而繙閱十三經廿一史義父沒執三年喪鄉人皆怪之後皆悅服生女子爲求壻後得土生氏同姓一男子以女妻之而身復本姓二家各得其所後遊長崎寓京師又徙大坂而終無子以著書爲志其學不出護園

僧周契字處中號寰海藝佛通寺僧天資聰敏善詩與平賀先生善常往來玉浦三原竹原之間資余啓發亦不少其於人不必勸異教務導之從事文學東西栖栖惟日不足從吏平賀先生西遊問文辭於僧大潮亦此人也健脚無比行五七十里猶

適隣並機警辨捷雅俗皆悅後歸山卧病三年許而逝年未四十有詩集上梓

宇都宮潭字士龍稱龍藏備後三原士人自刀筆小吏累遷至掌郡務爲人端亮淳深有器局言辭安定不苟舉動必由規矩而有風趣嗜騷雅納交都會名士三原妙正寺景勝殊絕士龍爲乞四方寄題一時名家詩集必有其詩其勝大著士龍之力也然皆爲其君謀非自爲也余跋寄題詩卷亦詳言此事

春水遺稿別錄卷五

四

宮敬之字世恭稱彥五郎備後尾道人面醜近視滑誓賦詩敏捷從僧寰海遊長崎高陽谷贈詩一篇盡其爲人是時余十六七歲後就官屢東役往來宿尾道世恭輒必來侍欣然道故老後輩甚嘗有一新事可笑者座客既舉以語我世恭不省客話方畢世恭乃復話起一座笑之則自以爲吾能解人願其談益劇二兒皆才子長善畫夭折島居瓊字子瑤勝島惟恭字敬助亦尾道人島尾謹篤爲親族子弟輩每日講小學勝島亦謹篤島居余爲之墓銘詳其事勝島先世有遊東涯門者爲家誠曰垂裕嘉言東涯序焉

趙養字仲頤號陶齋又號息心居士長崎產也其人蕭散音吐沈靜而性豪宕不羈世罕其倫視權官如小兒初住江戶徙大坂後寓界府而終善書法多受業者

森田政字士德稱六兵衛河內人住大坂爲子錢家洒洒落落毫無銅臭爲人趨急恤窮無有德色善書崇趙陶齋以爲在文徵明董其昌之上愛古書畫有鑒識所藏多奇跡旁好茶器刀劍皆由鑒書畫得之故古骨董無鑒而置者士德或以低價獲之其價倍徙故士德家藏不必費多金而其品極貴者有之

春水遺稿別錄卷三

五

片山猷字孝秩號北海稱中藏越後新潟人爲人耿介精悍處已以謙不脩邊幅初從宇士新於京師一兩年士新後住浪華不以師道自居從遊之士皆朋友待之詩文皆腹稿二者蓋士新家法云詩社曰混沌人皆歸之雖竹山恕齋英邁卓越皆以北海爲一日長性不飲酒善吹橫笛又好茶儀無子墓在浪華梅松院僧大典爲誌盡其梗概河野子龍字伯潛號恕齋稱忠右衛門京儒固白駒之子仕蓮池藩爲大坂邸吏吏績甚多暇輒著書

博學麗藻一時推爲繡虎未四十沒其學窺洛閩而未純使其有年不止如此爲可惜耳

河野蓋其本姓

葛張字子琴號蝨菴以橋本貞元行家在玉江橋北畔世浪華人爲人恬澹樂易接人甚謙而詩名最高都下賞會無子琴不樂世人皆納交爲榮其學博綜於書無不窮學醫于京亦究精奧人特以詩稱可謂不盡子琴矣浪華之俗遊冶爲常輕薄成風子琴笑謔遊行人疑其近俗而不與富漢遊貧窶自安妻子熙熙日夕吟咏爲樂子琴作詩不似苦學者不欲與人評古今詩詩友相會動輒議論

春水遺稿別錄卷三

廿一

蠡起子琴絕不交一語一日獨行遊南紀謁祇園尚濂尚濂伯玉之子亦作家也尚濂喜子琴爲說伯玉平生曰先人所志甚遠詩其餘業耳世以詩知之是非其所刻苦焉而其詩獨尸祝韓退之子琴聞之如得拱璧南歸後逢人輒說之

岡元鳳字公翼稱魯菴浪華人業醫善詩文每一篇出人皆傳誦爲人溫謹不猥交遊有香檜窩集京師江村北海選日本詩選見其集以爲古人曰句法格調非今世所易得焉

田章字子明稱七郎右衛門近江人宅在鳴門橋因



以爲號家世以冶鍋爲業故屋傍列置鍋釜累累在地開愛日園日夕在一小室左右圖書如書生學務博洽詩文皆有一種氣象好客飲膳豐美爲人磊落有長者之風

篠應道字安道號三島稱長兵衛世浪華賈人兄弟三人皆奇士弟先沒兄亦尋沒安道後改業下帷授徒善書徒弟日多爲人濶達處事明快不貳藏古帖頗多無子養二子一曰某在近郊爲里正田宅頗富一曰弼字承弼學識超勝優幹父蠱去春余賜告浴有馬溫湯便路過浪華混沌社存者獨安道時年七十七叙舊歡甚出眎所著草彙浪華風雅皆手書細楷整然安道見入門者唯授修德二字無他語

春水遺稿別錄卷三

七

岡田豹字君章稱善次阿波邸市材文藝武伎皆稱出凡最善詩與畫三十餘歸其國後爲學職修惕齋學爲教授

左鳳字子岳京人業醫以佐佐木魚行有學殖善詩書亦有法風丰高尚非凡流也

鳥山宗成字世章號崧岳越前人業醫居浪華齡過耳順詩社之飲必自居上頭視余及子琴如小兒

人亦以其耆宿推之然其人質實謙虛自以爲子琴公翼我所不及音容溫雅實長者也

平九齡字壽王明石侯邸職以大畠官兵衛行美大夫善詩書亦不拙師事中井竹山

荒木喬字伯遷號李溪稱善右衛門池田人其父亦善詩伯遷從竹山游好論詩有識趣選本邦古今詩稱熙朝詩選爲十餘卷爲人恬淡寡言風趣可愛

五岳山人姓福原名元素字太初一字子絢備後尾道人善畫最長人物性嗜酒有客必留酌賦詩詩

春水遺稿別錄卷三

八

多六言皆有風致非尋常丹青者流與池大雅相師友名亦在伯仲之間

中井兄弟兄積善字子慶號竹山稱善太弟積德字處叔號履軒稱德次其先播龍埜人後徙大坂自其父贅菴己爲名儒兄弟並師五井蘭洲竹山魁梧奇偉治經精密詩文雄渾雅健爲世所推履軒較偏僻而事事超凡詩必用古韻不奉沈約之政文則以爲東坡後無文竹山時有膽張氣傲之態而不害爲好人長子曾弘字伯毅文藻敏捷今古罕比一夜作十賦者再齡三十餘發病不起竹山

創懷德書院次子曾縮嗣爲院長竹山爲人謀事周備又有幹事之才履軒持論奇僻皆與人乖自號幽人兄弟皆有山斗之望但其學信程朱不純爲恨

早野辨之字子譽號仰齋竹山門人勉學勤苦早喪母獨與父居至孝隱約自甘而能樂父志爲人甚瘦如不勝衣自稱太瘦生飲酒無算醉而益謹住大坂西橫堀早沒子稱義藏有才講說爲業

中村有則字伯夷生于二上山下故號兩峯住京師授徒其學與竹山同歸善書早沒無子

春水遺稿別錄卷三

九

小山儀字伯鳳稱半兵衛浪華賣藥鋪之子嗜讀書網羅和漢其書皆奇僻以山海夷堅爲主本舶來新書有奇僻怪異者必讀而記之素有記性叩之如響人目以怪物未弱冠多病至於不起有著書數種竹取物語抄上梓其文辭老成可誦又其天折之兆也送余探梅伏水詩云仁德天皇昔上臺三韓博士奏歌來無何文物今寥落遂使騷人遠問梅

服部保字右甫號栗齋稱善藏攝州小曾根人在江戶築地下帷授徒說洛閩諸書道理爛熟而有條

理其學受諸稻葉迂齋且與村士某善皆崎門之裔也爲人夷曠懇懇言談一時稱儒宗人或議其過高後賜地于糺町開學舍初扁信古堂學士學堂之名也後改麴溪書院鄉里小曾根爲保科侯采邑其父兄爲之宰右甫初亦受一官在江戶邸其學成於江戶初寓大坂懷德書院故善道蘭洲梵菴事中井兄弟爲垂髫之友六十六歲沒黑瀬祖參字子孝稱登內書室扁白茅稱白茅先生本藩士人在江戶邸邸士有森某爲太宰春臺高第弟子子孝初從之學信春臺過於森其學以從

春水遺稿別錄卷三

十

政爲主雖不能當路而其言行要期於輔治正心誠意皆視爲末其教人矩步繩趨無有從容之氣爲兒童授讀僅有失訓輒必誚責人視其塾爲囹圄不恤也余祇役數歲其交益熟口授指畫稍知舊學不足貴而出言處事舊習不脫後向余頌首謝曰吾初謂不從政則無學無道今得聞洒掃應對與移風化俗無適非道也吾心豁然吾何幸享此大錫何日報之爲人端亮剛直讜言正議存人口碑者甚多大凡世人所難率意爲之爲人趨急釋紛如其家事邸內之人信之如著龜親之如親

姻他邦士或問余曹舍子孝多在坐人必注目故無不知吾邸有登內者

官原贊字心大稱文太像人爲人強直狀貌鄙野如不伍文墨者在服部右甫塾數年學治程朱頗爲精微凡於世有所見皆以文發之上林祭酒書謂人雅言我陞某官當興某事廢其事各得其所不亦快乎一旦得到其位則不知所厝大馬高槍揚揚過市而已上紀公子書論蠻器事謂苟以此器爲有益蓋建言以適世用苟無所益婦女子翫物耳此類甚多皆爲可觀後歸官松山藩侯已沒嗣君幼執政將有用焉而嗣君患痘沒必大亦暴疾死歲四十餘其弟繼爲學職名文次今改義平云赤崎楨幹字彥禮號海門稱源助爲薩世子伴讀爲人溫厚和平善詩及和歌句句吐實無有一浮詞亦曰子與余同從世子世子之德一藩盛衰係之輔導之任何可自輕子則實同悲歡者也長余可十歲薩世子襲封每歲從駕東西或同役東都或要之于吾府下二十年間相逢無虛歲彥禮學初主鳩巢又遊肥後從藪孤山識趣甚高又聞彥禮禮性豪壯少時爲任俠余二十年之交毫不見舊態

春水遺稿別錄卷三

十一

蓋其學之所變焉爾特時爲歌詩叙其隱衷持來示我慷慨泣下

栗山柴先生名邦彥字彥輔稱彥助東讚人爲阿波儒臣住京師召爲昌平教官特與林祭酒同田先生共修學政都下書生眩惑謗園赤羽之餘始不知有正學每示諭下輒都下傳聞詆謗百出皆歸咎於先生甚則入室倒戈先生泰然周旋旋一新生力居多又奉命譯十七史名曰國鑑余時得窺其稿老後詩文往往率易狂放然其道辭自在曲盡心事無少遺憾亦人之所不及也愛客容衆風流好事而談笑間事涉節義音詞激烈如風雨余嘗奉命講經于昌平學先生時來視學余適說小學程子人怕寒餓死一節後過其它先生曰疇昔講說沈著痛快使人竦聽往時京儒某著諸葛孔明非王佐辨人問其當否余曰其人受某法主俸米孔明雖汙下必不食浮屠之食欲議孔明不食其俸而後可又一日戲語客謂使我得志清國可取也闔國皆讀書人而北面胡虜豈其本志余航海以諭諸聖賢哲裔孰有不戮力者卒以驅腥羶如振枯拉朽耳豈不大快二洲龍渚自旁

春水遺稿別錄卷三

十二

言曰先生少安無乃被髮纓冠於鄉隣乎一座哄然朝鮮聘禮下議昌平學先生執一事颺言林祭酒曰此議所關非小先生且低聲先生曰奚妨我聲雖大不至聞於朝鮮也衆皆大笑余嘗問其著書曰無一片紙蓋著書謂益於人也如僕迂腐之儒爲不急之著人或閱之是損人心目也故僕不著書乃所以益於人耳謂之有著書亦可先生齒德並高侯伯爭延請後進班布衣遷任侍讀列相每有大議詢謀亦不少云其敬奉先祀哀恤親舊細心謀事皆可以範世余嘗請觀其家祭甚備其

春水遺稿別錄卷三

十三

妻兒嫻禮亦可觀平居破障敗席衣帶稱之人之所難所謂審易安者也然其延客供給甚豐四方贈遺日闐盈其門都下儒門之盛蓋莫過柴氏者無子養侄爲嗣

石井蠡字子彭稱條大夫江戶人仕館林侯閑文辭通關東典故多私著世有三王外紀者不知作者子彭常舉其謬誤以爲話柄皆可聽後著續三王外紀館林侯居相年久子彭爲其書史故熟其事也後歸其本邑掌學務不知其存沒

岡田恕字強卿稱清助居在寒泉坊人號寒泉先生

受業於村士某爲人明朗俊邁旁達醫理又善和歌說經爽快聞者洒然與服右甫善切劘相發賜出身爲教官與柴先生脩昌平學政學者大進尾藤古賀二博士荐至寒泉出爲代官職治數萬石邑有政績後以老病辭官邑人聞于幕相吉田侯之門有借寇之請乃命進秩布衣而職猶如故數年乃得退嘗居外艱著三年間記不輒示人

黑澤萬新字新卿稱右中上毛人爲人真率爲田安邸儒臣白河侯本田安公子問學於新卿侯之當國宇內一新名譽烜赫翁視之猶其童時少遊林

春水遺稿別錄卷三

十四

門學極博洽其子惟直字正甫稱正助力學爲詩甚工陞于麾下爲昌平學直番長後遷林廬

菱川觀字大賓號宇門備前人遊大坂時佐倉侯爲城代聘爲文學後住江戶與二洲善論文甚密謹稱謂之際遂作一書柴先生題曰正名緒言年未五十得病不起

岡兄弟兄名壽卿字元齡稱惣左衛門弟延年字仙孺稱文兵衛備中倉敷人兄弟皆溫謹兄善詩弟善畫母齡九十兄弟侍養盡孝縣令賜銀旌賞凡以孝順被賞多係岷隸巷婦岡兄弟其鄉豪族風

流好事無出其右者而膺此旌典是爲難獲也母  
沒後兄弟相尋沒皆七十餘歲元齡有鶴汀吟稿  
五卷

西山正字士雅以拙齋行備中鴨方村人爲人耿介  
少時游京畿受業於那波主膳歸里下帷遠近群  
至鴨方僻鄉也以有士雅鬱爲一都聚其課門人  
嚴毅不少假借有侯國徵命不就學崇奉程朱以  
闢異衛道爲任柴野先生在東府士雅寄書懇勸  
以此爲言亦穗赤松國嚮寄書栗山以爲學主程  
朱爲偏

春水遺稿別錄卷三

十五

大府之學不可如此栗山無答書士雅爲著一書  
辨之名曰論學書平生接人風流閒雅談多戲謔  
但一言有乖理必辨詰數反人眼而後止遊京師  
聖護親王聞其爲人延請將見以村野之人不嫻  
禮辭焉然王府堂殿屏障皆爲古名畫一日或  
引士雅觀覽將遍府長史佐佐木某過之堂上曰  
親王知子至命延見士雅遂巡固辭如前日且謝  
褻衣不可以見府長史乃辨禮服服之不得已入  
見王太悅有所賜又親爲橫笛一弄曲名曰老  
君子士雅病沒時年六十四葬不用浮屠禮儀可

觀焉門人故舊近鄉送者三千人

倉聖字善卿號龍渚稱善司輿平侯儒臣爲人端愿  
坦率壯歲遊京寓伊藤氏塾後在江戶邸與余往  
來甚密識趣明朗不逐時好詩文成一家讀周官  
有圖解儀禮禮記皆有論讀宋史有宋官抄條理  
可觀多人所不及嗜酒稍醉高論劇談旁若無人  
嘗曰俗士恒嗤書生善談古不可使從政今之從  
政大抵沒字碑耳猶且執政摹稜了事吾輩埋首  
書籍自少至老所學何事寧有游刃不有餘地耶  
特無奈其不相托耳近歲諸藩有閱兵之舉皆以

春水遺稿別錄卷三

十六

金銀紅紫裝飾介冑如婦女子士已縷人之戲夫  
苟有緩急鉏耰棘矜亦足折衝然求其備具不得  
不做縷人今之問政於書生亦然誠當其任咄嗟  
可辨至預論列之不得不以古典爲談資焉爾言  
畢輒劇笑引滿然善卿爲人不矜其才學爲知己  
吐露肝肺人亦不厭其言夙喪偶躬育二子不復  
蓄妻妾門生數輩辨給家事一時諸侯延請講經  
無虛日云沒年六十餘樺島公禮作墓表  
長久保玄珠字子玉號源五兵衛水戶赤濱人因號赤  
水爲人坦易洒落學極該博最長於地理爲圖精



緻其與人言言語啾啾其於文章如無意者而用心極細屑自謂書詩皆拙不可視大方然其詩流暢書亦高古時和漢輿地數圖皆就緒上梓又以侯命撰地理志示其稿本精密特甚又示七道輿圖方一丈餘義公修史時所製云赤水退居其鄉水戶侯習鷹之次過見之召其親族賜謁時赤水諸孫有二十有四人赤水作詩以紀其事

箕浦直彞字迂叔稱右源次土佐文學土佐尚闇齋學迂叔亦其徒也最信淺見氏學極該博神道天文曆算莫不研究其謙虛納交多方無有所擇皆

赤水遺稿別錄卷三

廿七

廣異聞也迂叔兄弟三人兄稱專八爲大目付弟稱乙三郎亦爲文學父母垂九十兄弟皆天資孝友人皆觀感云

辛嶋憲字伯彞號鹽井稱才藏肥後熊本士人世爲儒臣熊本府醫有數士厚爲教授及士厚病發高本敬藏爲教授伯彞及大城文卿爲助教云薩州赤崎彦禮嘗遊熊本雅識伯彞云才藏才不負其名余同祇役江戶兩三次交道最密後柴先生宅壬戌赤壁夕會諸名士伯彞亦與焉白河侯聞之寄書遺鱸於先生索座客詩歌先生使伯彞爲之記

一時傳寫以爲雅舉

和田邵字伯高號一江稱鍊之丞岡山文學爲人溫  
和樂易有長者風旁理天學時備前及薩世子與  
吾世子皆爲同庚一江謂余與赤崎彦禮曰人  
主各成其德在其所輔導儒官爲位雖卑侍左右  
雖日少一語先入其益匪渺余則老矣公等勉旃  
余因一江得聞烈公事跡及其學政多所未聞蓋  
其學校之學出於米川操軒是中村惕齋之流而  
熊澤了芥學無所關也又善言河口靜齋事多可  
聞者同在江戶數閱月而別其子久兵衛祇役江  
戶一再相見善傳家學

赤水遺稿別錄卷三

廿八

木孔恭字世肅稱吉右衛門大坂人家在北堀江瓶  
橋造酒爲業蜜柑酒最著善書畫以好事著號兼  
葭堂客無雅俗無日不至余辭浪華之後有新令  
定釀額世肅家時他人借釀具造酒坐犯額籍沒  
以世肅爲名遂不免家產蕩盡乃携家往勢州長  
嶋亡幾復歸住浪華以鬻文房具爲業沒後官  
命納遺貯書籍賜金五百兩余閱其書皆奇帙僻  
書非經史文章可備研究者也京人伴蒿蹊畸人  
傳叙世肅事頗詳

山口景德字正懋號剛齋稱剛三郎大坂人貌魁梧聲如鐘從余岳父飯岡先生有父師之恩學窮精微又執贄於久米訂齋旁治兵學學屬越後自結陣行軍之法金鼓弓砲器械之制無所不講江戶服部右甫亦治兵學長沼流常嘆稱剛齋講兵如屢經其事者大叩小叩吾所不能竭有兵錄之著善歌詩又治神道學說書明白條理不棼間以其所見不必沿先輩舊套資性謙卑時或豪宕以之初在浪華僦居下帷授徒貧窶特甚後仕龜井侯祇役江戶亦數及與余交態最熟柴野先生嘗招集

春水遺稿別錄卷三

十九

諸友酒一行先生乃請坐客分講論語與點一章人各一二節主人發端說首一節次到剛齋剛齋講說纒纒不已遂至終章辨說昭晰引據的確聞者不知倦蓋剛齋耳聾初不審主人所請以至於此余謂之曰老兄一人終章爲諸客代勞耳一座粲然而剛齋卒不了了也剛齋白髮丹顏氣概磅礴不可犯而情真藹然人莫不愛敬之

警行言字子言號華沼稱勘平島原重臣善詩及書弱冠師事河口靜齋與余交遊時既致仕年過七十飲酒如壯夫兩鬢無髮假髮數莖言談有趣非

常人也 在島原多政績云

樺島公禮字世儀號石梁稱勇七受業於紀德民爲人質厚而有才爲詩文敏捷與會成善卿善善卿世儀簡率不與德民莊重養望同栗山先生嘗謂余曰曩會信古堂皆一時名士德民未必脩邊幅而音吐威儀視諸吾輩鷄群鶴也如箕浦迺叔之朴野是書生真面目德民終未免俗寒泉先生亦曰德民廟堂之器非吾輩也其意與栗山同

師友志稿本亦精神所寓也欲與在津紀事並存擬待暇整頓而一疾不能故以屬汝非要傳

春水遺稿別錄卷三

二十

播人目也苟書而存之不獨叙我得益之誼乃其人之梗槩與交際之熟否皆可以推知焉則此諸君子者後世或有因以識其真邪是我紀述之本意耳在世之人多不及亦欲備載而未暇也每段短長不必齊要得其宜可矣望汝善料理之至囑至囑文化十二年乙亥十二月十七日力疾把筆付襄

補遺

尾藤二洲先生名肇字志尹稱良佐伊豫川上人父業操舟先生少有足疾來浪華讀書於片北海門

與先君相知先君得洛閩書喜之勸先生相共從事焉先生識悟超詣絕倫著素餐錄可抗衡明薛胡二氏餘錄爲漫筆亦益後學又國字發蒙者有正學指掌當路某侯嘗訪士於寒泉先生先生對曰文辨雄豪無若士慶學識純粹志尹爲優於是終徵先生云以其足不良特給官舍於昌平境內策杖上巒其奉朝請者正會一謁而已後賜第壹岐阪退安養老少於先君數歲先沒年六十餘比其來江戶喪配續娶飯岡氏乃與先君連襟呼爲襟兄今嗣後配出也先生肉角大口音吐爽亮詩

春水遺稿別錄卷三

三

文皆高朗簡遠如其人詩初愛陶柳及老又喜白傳精里先生以爲不可論難往復栗山先生爲調停之終不合性嗜酒不多飲微醉輒脩然倚柱喜談本邦群雄事跡又辨和漢名稱當否甚詳晰著有稱謂私言東儒淆亂名分之弊至今日大革先生之功居多

古賀精里先生名樸字淳風稱彌助肥前佐嘉藩士初喜王學及游京坂間與二洲翁及先君交最密終舍舊學純於朱氏後爲藩侯所任用參與機務同藩石井仲車以才藻風流見寵侯嘗謂左右曰

淳風可用者仲車可愛者以故仲車扈駕東西而先生常在藩與先君不相見數年及先生與二洲翁並爲昌平教官乃得相聚於東云二洲翁恬淡簡易而先生則嚴密寡默少所許可先君周旋其間皆莫逆於心先生軀幹豐偉履屨皆特製凡牙營士人賜時服者更裁令窄乃可服用先生則直穿之而稱體矣其學博涉無比詩文使事用字他人所搜索而得者先生取之腹笥咄嗟而成驟見疑其奇僻徐繹皆允當不易雖日用應酬書牘皆可誦法好作字字體秀麗觀人揮洒乃發技痒爲

春水遺稿別錄卷三

三

人短視每作立幅單條展紙於膝右提筆俯就書至紙尾字不歇斜及諸博士病且沒先生鬱然獨執學柄有別第曰復原樓時遊息焉性健啖而不解飲每出遊大囊貯糞糕類以代柑酒後先君一歲卒年六十餘有三男子皆俊才留長齋字淳卿仕舊藩貌酷肖乃翁而風流洒落與襄善次煒出嗣洪氏季煜從而東見爲昌平博士博士之誓先生猶在侯伯贈遺滿庭賓客門生賀者麇集敍核極豐而酒一二行衆乃不敢飲飲茗食肉而罷菅茶山先生名晉帥字禮卿稱太中備後神邊人父

樗平翁母佐藤氏爲人皆不凡使先生及弟信卿就學先生與西山拙齋翁同入京從那波魯堂與先君相知於浪華先君歸省輒過訪其家家在官道後就其宅北私起學舍曰廉塾依林帶流雜種花木比花木叢茂而唔呶之聲鬱起蓋山陽南海諸國苟欲子弟讀書者莫不屬之於管先生先生之鄉爲福山藩管內初藩侯在東見大學頭林公公話次論詩曰方今海內詩當無出太中右者侯問太中何處人曰聞其鄉曰神邊侯愕然戒吏訪問欲擢用之以疾辭乃給俸時召對焉後又召之

春水遺稿別錄卷三

三三

東邸一再給其塾以田塾去廣嶋三日程與先君往復每月一信無信輒遣使問安少於先君二歲先君常言吾終身宦羈而禮卿放曠如此禮卿常病不如吾健天數乘除宜然然先君先沒先生自言少小多病不意生存至此苟知至此不以詩酒費許多歲月也然其骨格岸偉朱顏白髮不似有病者嗜酒日醉二次土木形骸談諧橫生而洞察人情深曉世故卓乎有用之才也信卿比先生更魁梧才敏絕入先先生沒

姬井元哲字仲明號桃源稱貞吉萬波俊誠字伯信

號醒廬稱甚太郎二先生並備前文學居其學館中曹舍蓋烈公遺制桃源與先君契舊醒廬後同役於東相熟也皆覃深理學兼長文詞桃源先沒先君遺言屬埋銘於醒廬

若槻幾齋先生名敬字子寅本京師角倉氏屬吏辭爲儒師爲人沈默寡言而聞見極博意不可一世拙齋翁嘗戲謂先君曰推子寅爲心雖程朱復生或恐不輕合而獨許於君家兄弟何哉家在聖護院村所謂環堵蕭然簞瓢屢空晏如也者大府賜金褒異蓋風勵京儒也

春水遺稿別錄卷三

三四

僧獅絃爲竹原照蓮寺主寺與先君故居鄰先祖父亨翁君欲教先君書而無所獲法帖懇獅絃就覽其所藏日鈎摸數字持歸臨學寺依山樹石幽邃獅絃方丈在其南偏宜於觀月曰澹寧居及先君仕官在本府時告暇展省必一過焉又敬桑梓也先君晚作師友志起艸未全而沒遺屬襄整理之謹閱稿本首錄各人名既了者加勾未了者否否者猶十三四焉而有襄不及知者不敢妄意補之其及知而不敢不補者略叙所聞見如右昔者柳柳州記其先友於其父碑陰曰先君

所友天下善士舉集焉東坡稱其考諸史卓然  
知名者二十人今諸先生亦卓然知名者不必  
待先君之文而傳況於襄續紹乎悉載先友所  
以加耀家乘耳襄謹識

春水遺稿別錄卷三終

春水遺稿別錄卷二

二五



廣金石韻府

金六冊

古今印例

金四冊

漁隱叢話

金三冊

漢篆千字文

金四冊

杜樊川集

金四冊

虞初新誌

金十冊

元遺山詩鈔

金二冊

巾箱小品

金四冊

高青邱詩集

金七冊

山陽詩鈔

金四冊

浙西六家詩評

山陽評  
金三冊

星巖集遺稿

金四冊

忠雅堂詩鈔

金三冊

佛山堂詩鈔

金七冊

張船山詩草

金七冊

詩法纂要

金三冊

皇都寺街通六角南式部町

書林聖華房

山田茂助藏



曾谷學川 編

續浪華鄉友錄

文政六年（一八二三）序刊本

據文政六年（一八一三）序刊本影印

續浪華鄉友錄

人之處世也去就之於天矣。濯之非我固也。貴自立如何耳。值奎運遇昇平。無隻言片行可稱。無文辭華墨之可採。而佚居飽暖壽外期頤上亦復膏粱之噫氣而已。雲卷風馳塵消灰

卷一

滅與草木同榮枯不亦哀乎。若夫孝義忠順固有裨勸之明教。唯藝文之一途有文辭華墨便於不朽而可代譜第誌傳之作焉。是亦學問之緒餘而不能避嫌於數名之蹤。寬政鄉友續錄之刺三十年一轉瞬也。雲卷風

馳存者僅二不遇十數人。頃我友毛必華又續而錄之一藝一才收掇無遺。雖然高門懸薄不敢論江湖之上隱約之士亦不能遍索。廣蒐豐弘文豹猶恐羅網之不容耳。是冊也錄其字號審其鄉貫及其所嗜好之技藝

卷二

後之人觀其華墨文辭猶晤晤於一堂而接其馨咳焉。名山之藏人口之碑其不塵消灰滅不亦偉哉。我是以序  
文政癸未維莫之春黃于密撰



凡例

○此編今時藝苑知名之士之姓名及通稱居趾ヲ舉テ他郷之士之好ム所ニ從テ其好ミヲ通スルニ便アラシム

○姓名列次其聞ク所知ル所之早晚ニ從テ是ヲ錄ス自ラ其人ヲ輕重先後スルニアラス

○書之通編其人多シトイヘトモ或ハ其遺漏アラシク變テ恐ル世上君子補ヒ助ケン事ヲ希フ

續浪華鄉友錄

蘆江 毛生必華父輯錄

以

畏堂

儒業及書 名翔字承翔号小竹齋俗稱  
篠崙長左門住南孫町

一峯齋

狩野家之畫石州流之茶 名長雅字子  
鳳俗稱照左仲五造十折屋敷請士

優游

醫家好古學畫山水 名亮字伯惠一字真  
卿通稱原田真卿住幸安町

韋齋

炮術極中島流與秘旁好家判官事之  
暇醉老以月與學客韻士遊以此名布

藝苑名政正俗稱淺羽隼人錦城門衛騎  
士

易安亭

聞人好茶事 名順字梅七一号紫蘆  
菴通稱杉浦梅七住天満中屋敷

一齋

蘭方醫業 名亮国字伯軒通稱高  
一齋住平野町心齋橋

裕齋

醫及書 名元衡字仲五俗稱篠井  
清吾住平野町心齋橋

一鳳

產科外科 名運亮字一鳳通稱江村  
一鳳羽州米沢人寓居干城南上塩町

有堂

書 名制字子節俗稱史其在平野  
住北安治川

呂

蘆洲

易学好国風 名觀国字孟光一号葦  
廼舍俗稱井上主税在平野之男

鹿山

書及茶更 名泰字一原通稱北條一原  
住今橋井池

呂十

俳諧及琴瑟極奧秘 俗稱前田平次郎  
住尼寄町一丁目

露石

畫 名木義俗稱逸見治兵衛  
住山本町

弄花軒

和歌 俗稱和田祖純住平野町  
中橋

蘆川

書 一号廣割軒俗稱梅園正平  
住薩摩堀

波

反堂

儒業 名正己字子發俗稱早野義藏  
住南坊江

梅堂

儒學書畫和歌 名敬明字標七号又龍  
軒和哥別号緩九通称小澤標七

春門

國學 字玄仲号田雀舍一号樂前  
通称一柳春門住船越町

半江

儒學書畫 名甫字子羽俗稱岡内  
彦兵衛住天滿橋北

法壽

書 名真常住川口止觀島  
觀音堂

梅館

画 号東齋俗稱菅井岳補仙臺人遊  
長崎十有餘年學画清人稼圃

梅菴

醫業 好書画及詩性最愛梅因栽  
梅十小園自就其陰画墨梅客主燒梅花  
香供梅花茶匾其居曰松長者障壁屏帳  
使有名之畫畫梅花者如對春風名梅菴字菴庵  
号梅菴俗稱他田得元人住心齋橋唐物町

梅里

書 俗稱竹安平次郎伊三良之男

白山

画 俗稱古志徳寺街住  
天滿北東町

梅花道人

画 名丹字子育号画仙堂  
俗稱辻清助

白挑齋

画

芳園

画 俗稱西山辰吉

保

北畠

医業 名阜字九陵俗稱三上大輔  
住北濱二丁目

豐洲

書 号香雨菴住天滿東寺町  
龍海寺

卜山

画 名守事号春綢科叙法橋  
俗稱安井卜山住安土町二丁目

茂齋

名明高俗稱松浦好之祐  
長門塚之季子

鳳洲

画山水 名安定字昂甫俗稱竹安  
伊三良住安土寺町松屋町

墨癡

篆刻畫梅 名基鈴字衡陽通稱紀  
聚科南紀新宮處士鈴木氏之男

蓬亭

醫業及畫 俗稱元鬼行藏

邊

片石

畫 俗稱木村六藏住今宮

登

洞龍

書 釋泰住住生玉櫻本坊

東雞

地理風水方位 名久信通稱松浦長門孫  
住瓦屋橋東

東渚

畫及茶事 名謙字子光俗稱谷口  
喜子次住順慶町東坂

吞舟

名射之字藏墨号高塘 一号觀光堂俗  
稱小寺澤鱗介橋州人山蘭字文藝遊浪花

東岳

畫 福原棄之字舉旗

知

中洲

内外醫家 名文獻字子微俗稱  
花岡良平紀州人住中之島

竹窓

書及畫竹 名世黃字謙吉俗稱  
森川曹吾住高麗橋井池

長城

儒業及書 名積字真卿俗稱渡辺  
東左門住難波橋博勞町

長川

兵學書法 名景和字獻可又号獨拙  
俗稱天野幸平樹住江戸堀

竹坡

画山水花卉 名白曼字彩卿俗稱  
西勘右門住助五門橋南

樗堂

画山水花卉 名定字子保号竹泉居  
俗稱高田幸十郎

長港

医業及詩 名元之字伯亨俗稱  
三井脩德玄彌之男

竹圃

書 名知友字益甫俗稱濱四次兵衛  
住淡路町難波橋

竹塘

画山水且添指為画 姓前田名幹字  
子禮住幸橋北

知久亭

聞人好俳諧 号自娛軒 俗称葛井利右門住順慶町

長年

画 俗称中村長年住周防町佐野屋橋西

利

柳莊

蘭學医兼内外 名方雄字一碧一号物閑居士俗称春名一碧住瓦町梅檀木橋

柳堂

文人画 名文靖字子章俗称田辺文平住堂島

遠

屋島

讀書人業俳諧 姓名井名望字好卿号八千房作州人住吳服橋東

和

横塘

儒業及書 名走字有則一号海老俗称春田尚平住伏見町堺筋

横水

画 名安之字世孝俗称谷理右門住齊藤町

加

高洲

儒業及書 名翼字士亮一号常習敏俗称越久平住近江町

確齋

儒業及書 名温字子玉通称武内確麻住船町

漢三

書 号知足新長崎皓堂寺主僧隱居天王寺中

香雪齋

聞人好古家有玉癖多藏玉石名蘇字素惠俗称野村治郎左門住伏見町心斎橋東

看鶴

書画 姓吉野名徹字嗣宗住鐘谷

學習齋

書 俗称田島周五郎住堂島

霞江

医業及画 名泰字青公号鹿城俗称阿部泰藏

峨岳

地理相家 名保久字伯岳俗称加茂丹後筑紫人住通書町心斎橋東

高尚齋

易家 姓原名盛征俗称伊藤雄藏住淡路町梅檀木橋



香雨

画墨蘭 田齊之室

香竹

書名寅字孟敬 俗稱井上佐六衛  
住河波殿橋南

興

抑樓

儒業 名曾宿字子友 俗稱  
中井七郎 住今橋

餘齋

醫業好詩文 名震字子翼 俗稱  
中西大監世家今橋第二街

良政

醫折衷古今方 俗稱村井主節  
住立賣堀三丁目

太

大年

内外醫家旁好茶事 姓根末名櫻 紀州人  
住南本町五丁目

忠友

國學和歌且備藏名區地理 姓大江  
俗稱穗井田飯貞住大目橋北

太岳

國風及画 名嘉言字七郎一 号吉葛庵  
春門之男

檀橋

醫業好詩 名正之字伯龜 俗稱  
三井孝孺可事之男

太室

画山水花卉 名蘇字明卿通稱  
今宮太宮阿波人住浪華

桃李園

上代書法 名眉元字武民号遠之菴  
俗稱長橋間右門住江戸須

陶山居

書画 名安定字文辭号白菊舍  
俗稱橫川惠三郎住瓦町心林橋

曾

吳慶

儒業画山水花卉 名迪字孟率号清香  
書屋俗稱八木兵太阿波人住上人町

蘓山

画 名致遠字德驥号東川 俗稱  
谷本仁重郎 南久宝寺町二丁目

称

拈華

詩歌連繼書画 名類実字子庸  
俗稱上田伊勢住安堂寺町四丁目

奈

南嶺

名綱字君錦別号養和堂俗称本村直記  
周藏之男住浪華醫事

南宮

詩字友茶事名  
弘道字大禮

及上甚右工門

良

蘿月

國學 名雅嘉字有魚一号博古琴堂  
俗称尾寄春藏住北濱二丁目

藍江

画 姓中井名直字子養住伏見町  
心亦橋東

蘭皋齋

画

蘭英

書 渡辺氏之女

蘭岳

書 姓日野

蘭石

画 姓山口

牟

夢長

画茶事俳諧 名吉温字友松俗称  
西尾権三郎 巢居号

宇

禹巢

画蘭 釋貞玄 紀州人住北野  
時習庵

雲溟

詩文書画求蘭竹 名泰字時升号頤寧  
隱居俗称高島在寺崎江戸人住百貫町中橋

乃

來久

御家流書法 俗称相田善三良舊名  
朝久住東天満

久

空居

大師書法 智師門下子氏高野山僧  
每遊北富舍

鶴齋

書及画梅竊拙石并派茶事之奥秘 名保  
興字啓明号文郷青又号雪魂住今橋井他

鶴洲

易学風水相法 名教親字和卿号耕石  
俗称井上主殿住淡路町心亦橋東

環中

書家刻 名長春字醜王俗稱  
藤野一郎

空遍

大師書法 釋鳳光号穿火高野山  
西院地藏院主僧每遊北富舍

空然

大師書法 釋十如家原文殊久藏院  
主僧每遊北富舍

空觀

大師書法且好方位相宅 名通達号  
北富舍俗稱与左衛門住北安治川

空菴

大師書法 姓藤原名正明字素慎号隨心堂  
俗稱加藤左内親州國龜藩中人住上安治川

鶴堂

儒業 姓藪名平字大平住  
鱧谷二丁目

頑石

匠事亦古方不踏艮山東海之觀  
景之樹為家號名錢巨字萬二俗稱  
天野圭山住佐路町中橋東

懷玄堂

醫業 名惟一字子中俗稱山路恭保  
作州人住齊藤町

卧隱

匠業及詩文画 名弘字士毅号雪洞  
俗稱大家昌伯住南久室寺町二丁目

花月菴

号菊井館姓田中住清水町宅中有井  
舊名云浪華清水自後呼云菊之清水

今釀酒以此為井号菊之井清冽且甘常取  
此水煮茶亦異他水

華柳

画及茶事 名成章字伯斐俗稱  
川端半右衛門住道空町

串中

醫家好画 名生字串中号堅固軒  
通稱梅林串中備後府中人住浪華

觀山

画 通稱杉本觀山住今橋塙筋

駒峯

匠業及書 名榮清字樂夫俗稱  
田中主僊住西天満小島町

君山

画 姓宮本名政瓊字伯鳳住  
瓦町心形橋

寬長

俳諧書画 名寬理号鶴鳴号福島  
直井衛住白髮橋南

化童

篆刻茶事 通稱中川化童

也

夜来

俳諧 号菊堂俗稱林治郎兵衛  
住龍造寺町

計

軋齋

醫業 名其字居若 俗稱馬場允進 任敷津搗東

縑洲

篆刻 名溫字伯玉 俗稱阿部良平 濱岐人為故良山嫡嗣 篆彫克濟其義旁

好書畫詩文所著有芥子園畫傳 乘歲時異 祿考等書皆為風人鳴室 任敷津搗東

見明淵

醫業 俗稱田島龍參 任高津搗 一丁目

回齋

篆刻 通稱河合回齋 任新天滿 搗西

迎翠

醫及篆刻 名德字世武 俗稱山崎 主中作州人任江戸堀

月江

篆刻及俳諧 号西海堂 俗稱淺井 清助任上人町

兼山

儒業 名機字世張 俗稱後藤 後藏 任高津搗魚之店

瞽山

書 任天滿

月樵

画 通稱村四月樵

不

風外

画山水人物 名本高 別号好幽 任天滿 西寺町四通院

富草屋

國學和歌 名亮澄 俗稱石津 科捕 任唐物町中搗

文波

画 姓林 任本町

己

崑山

儒業及書 名其原字子達 号云来 居 俗稱三村 貞藏 任西横堀北

梧鳳

名中行 字子文 俗稱政五郎 崑山男

孤月

名貞字子幹 又号竹翁 俗稱木村 周藏 濱岐人 任浪華 隱於医事 旁精武事 又好作書及咏和哥

湖光

書画 別号拙々菴

公長

画 姓上田字有秋号雅州住  
安堂寺町梅檀木槁

五彩

俳諧茶事、挿花及山七作書画且始造大弦  
琴有松風流水之音實為聽人清賞  
通称仁木桐栖住天満坂田

滬城

儒學医事及書 俗称水都次官  
住天満橋北

孔寅

画 姓長山字士亮号紅園住  
平野町中槁

弘毅

好画且遊桐栖門禅六修夢通称  
和田美山住堂島

五竹

画 俗称木村半次郎住南久宝寺町  
心希槁

公雨

画 姓田中名興字子福住三休槁筋  
三津寺

孔直

画 姓長山字方叔住伏見堀

惠

淵譽

書及好茶茶事遊久田之門 釋龍哲  
住卜寺町源聖寺

天

停雲社

儒業 名健字子順俗称中村順茂  
住船越町

徹山

画 姓森名守真字子真  
住徒屋小路

天足

狂哥 字康毅号得一園俗称岩井  
源右工門住西横堀新一槁

天游

画 通称有吉天時

安

愛竹

待及書 称日廣字靈中  
住自安寺

左

棗洲

医業書好待及篆刻 名善之字文卿  
俗称三井之儒住順慶町

三谷

医業之張大同類聚方左之漢蒙修外  
兩道兼產技眼療博學精研業暇以為書画



姓大江名廣彦号木種舍俗稱岩田一二三  
紀州人客居靱新天満町

藻亭

書 俗稱吳又兵衛  
住北濱

桑洲

小児科 名彰字有常俗稱徳田厚徳  
紀州人住長坂字和島町

巢居

和歌俳似狂哥茶事等 名吉柱号琴松菴  
又号人和館俗稱西尾推古工門住備後町

山長

画 姓中川名吉和字子足住西横堀  
炭屋町

三步

書印刻 俗稱淺井龜二  
月江々男

幾

琴溪

儒業及書 通稱判元高  
住平野町中橋東

九鸞

画 名世徵字玄通  
俗稱藤陽平

巨崗

書法 姓勝見名茂徳字桃庵俗稱  
大岡平云工門住上人町

寄松

画松 名政之字明父俗稱  
菊多松兵衛

龜齡堂

蘭方医術其他善製藥法俗稱  
松生心民住尼崎町一丁目

玉潭

通揮理且遊待画茶事 名玄字子徳  
俗稱石原義右衛門住江戸堀三丁目

九畹

讀書人好宋詩 名尚徳字載卿俗稱  
手塚善兵衛住兵服町

魚大

画 姓佐藤号水石住  
通書町

琴岳

画 名敬俗稱岡小三郎  
然岳男

汲古

俳諧 号起雲菴俗稱小森大云工門  
日州延岡人在浪華

龜水

狂歌盆沙号交易堂又有霍雪斎龜月霍声  
等号姓坂上名重郷俗稱山本九云工門

其長

画 号鵬盟觀俗稱谷有一  
住西横堀北

其樂

雜學名貞字高悦号南里平又有万器堂陽米  
市隱号俗稱小林季六住島々内懷筋

鳩方

篆刺 姓大友名知是字子富俗稱  
固本晉平 紀州人住浪華

魚鱗

插花狂歌 字重定号一本亭  
俗稱植田嘉吾衛 安堂寺摘東

由

熊岳

画 名嬰字少年号餘香堂  
俗稱固勝之助住尾張坂

雄仙

画 姓森名季玉字君辨  
住高麗摘井池

熊巒

画 名良字大造數雀堂之男

有之

善造盆上假山故武禪門人俗稱  
櫻香正助住久寶寺町中摘

美

水丸

狂歌 名晉号延壽坊俗稱庄田  
治三郎 玉雲齋門人

之

如龍

燒画及俳諧月居社中人号其龍名勝  
則俗稱牧原奎三郎錦城門衛騎士

如樂

燒画 俗稱米津鞆負錦城  
門衛騎士

松雲庵

姓加古名壽字君齡号角洲阿波德島  
府人也住浪華自為一家著古法體用

傷寒論系傳及傷寒論偽集吐方撮要医  
學鐵燭麻疹約說等書

春溪

画 姓森名有愷字仲光  
住浮世小路

如鶴

書學崔高画筆孔寅俗稱長谷  
寅藏住七郎不工門町

濃山

書 釋禪智住天弓寺町  
風林寺

漆園

行本吉叟名充茂一名宗隆字子慶一  
号兩幅狂叟老畫主人住此久寶寺町

第二街和歌派僧且會系友其所樂聊与  
世違自謂吾為茶外茶者也

二照菴

医業 姓村上名從德字伯基俗稱良  
周湯島取人住浪連診脈稱于時

紫山

醫業 姓源名秀祥字致俗稱中川良平住北久寶寺町二丁目

樟島

名厚生字和仲修稱春田第四郎横塘養子

春崖

書名直養字無害号青霞修稱藤布主衛住本町心齋橋

真空堂

天文測量屋學和漢算術 姓源名真元修稱式田篤進住透修町定屋橋

慎齋

聞人 名敦字子交号舊黃水俗稱三好專藏

周南

善藤乳痕 名壽良字士長俗稱北山善五郎住安堂寺町四丁目

繡霞堂

醫業及俳諧 名猷字伯微修稱博孫若存俗稱村回子并周舟島取人

如潤

書号芙蓉亭俗稱岡本治郎七住河波座坂町

春池

画 名世美字君簡俗稱小畑氏平備前人住浪華

春堂

画

松峰

画

比

百濟

扶門儒業 名元愷字孟美住本町心齋橋西

眉山

醫業 名均字良平通稱安藤良平住今橋心齋橋西

世

蕉川

儒業 名勝字子克俗稱關平堂後日出人僑居淀屋小路淀屋橋東

石鉄

蘭方醫業 名通業字必大俗稱松本寛五位梶本町心齋橋

西濱

儒學 名常純字子宣一号湘江俗稱津田權兵衛住立賣堀

拙寄

名昌善字純吉俗稱雪本院玄純玄中男和因泰純甥以医行干時住瓦町二丁目

星洲

名国祐号泉隣居通稱肥後掾長門掾嫡子

雪蕉

画 姓中尾名新  
字日新

小花

画蝶 竹窓室

小香

画竹 同高之女

小洲

書

石亭

画煎茶 俗称服部勤左衛門  
住上本町

正月堂

書 名敏慎字正言号龍淵俗称井村  
源左衛門住本町井池

石居

画梅煎茶 名孔陽字世輝俗称木村  
吉右衛門住徳屋栲伏貝町

雪窓

医業好書 名尚恒字文成俗称原高  
泰順住天満小島町

積翠

好画及艶笛 名剛陽字子明号松翁  
俗称栢谷左司右衛門伊丹人住浪華

生春堂

医業及画 名真一字寿山俗称大幡  
文徳東天満奥綱

雪齋

画 通称月岡雪舟  
住浪江

雪峰

画 俗称永井大次郎住  
尼崎町二丁目

須

醉石

画山水人物 名有聖字子盈俗称  
奥野有吾

翠園

名寧字大成俗称青林徳岡住島之内  
炭屋町

翠筠

讀書家刻 名更庵字九碧一字大冲  
俗称三上少助

水雲

書 定專坊住天満  
天神表門東

隨双堂

書

隨菴

書及画山水蘭竹 姓左名有哉  
字居貞

補遺

儒

抽園

名環字君玉  
履軒男

泉町

中井雄右衛門

東塢

本姓乾名坤  
字太元一號翠聲

瓦町中橋

岡田立介

千里

旭道一

人文

獨醉

号鐵后子

幸賣區二丁目

西浦周藏

學國

松屋

名高尚備中左備  
神司今遊浪華

藤井長門守

菅雄

業醫

長谷川三折

皋屋

名世靈

江戸區

鶴峯戊申

和歌

儀貫齋

長收男

折込町

南賀長基

夢園

本姓菅原

垣本雪臣

學兵

東山

巴谷町

中富榮法良

俳

月居

本谷町

此之菴

奇淵

雅波

大黒菴

万和

八日菴

貞璵

姓松永

ち原町

あゝの丸屋

義輔

画

天海十丁目

安井太良兵衛

平左丸

高町

鶴廼屋

雛丸

通稱土井見益

竹方町

三日坊

書

寶明

南久本島町

開信寺

指月

渡路町

富井上氏



画

學二齋

龍本流及  
茶種

細合齋之介

愛石

好詩画学大雅  
名真契字默史

寶壽寺

萬楊齋

名德風字子偃  
画及篆刻

郭開牛

獅山

名藝字九晚  
蘭画人解

藤村新吾

明堂

名綿儒別号拙菴

長樂寺

醫

吉益掃部

小泉隆章

大高元恭

竹島立節

尾藤元輔

鶴年堂

小兒科  
橙果亭天地根

島好節

絲漢堂

蘭科  
名鄭字伯敏

橋本宗吉

鶴居

名慈雲字光澤

橫枕寺

赤城

醫家讀書人  
名謙字元恭

北山元章

吾内お達しふかて新治すよりお改  
りしより又近在諸名家君より此篇選  
編しよハ後篇よりお集りしより散り仕  
文政六年癸未冬十二月

中川氏識之



岡本監輔 編

大日本中興先覺志

光緒二十七年（一九〇一）開導社刻本

據光緒二十七年（一九〇一）開導社  
刻本影印

日本岡本監輔著

卷一  
小村俊章

大日本先覺志

武林王同署



光緒廿七年閏  
導社校訂新鐫

先覺志序

韋庵先生年嚮七十。挾其書遨遊東南。及武林。訪余於林伯穎大令家。袖出二書。一曰鍊鞭。一曰日本先覺志。鍊鞭主針砭世士。志則傳其本國之先覺。嗚呼。先生之志偉矣。夫日本力反幕府舊轍。獲有今日者。類皆二三君子決脰洞腹。伏鑽潤鏹。以萬死不敝之節。倔強於刑獄。前顛後踵。左撲右躍。撓弱焚穢。化荆棘為夷坦。遂日臻於文明。此蓋東亞嚮治之先聲。黃種復古之上烈也。吾舊讀渡邊華山傳。深以其人智數武能。為不世出之產。乃一心為國。竟以死繼。吾讀

序

其獄中與人書。至於淚下。而志獨無。特於佐久間象山傳中。偶見其名。而已。嗚乎。志中諸君。其心固皆華山之心。志雖不傳華山。而華山之散見於各傳者。人皆華山耳。余海濱羈客。一心戀吾皇帝。如戀父母。宗旨實與東瀛尊王諸君子合。然吾華民智已大開。如火山之已發。不可遏抑。將來復古之望。尤必同吾兄弟之國。其臻於治。則吾之序此書。即復古之左券也。韋庵愛我。並愛吾國。其亦掀髯而笑。許為知音耶。

大清國光緒二十七年五月東越林紓序



大日本中興先覺誌序

我大日本自明治中興以來。僅僅三十餘年。國勢駸駸上進。如旭日自東而升。雖藉祖宗在天之靈。降鑒啟迪。然非忠勇志士先後奔走禦侮。焉得遽至於此哉。當時開港鎖國之論。徧乎天下。人人憂憤。不能自禁。諸藩倡開港者。率歸和戎。言鎖國者。皆主攘夷。及後和戎者。與佐幕合。攘夷者。與尊皇合。尊皇佐幕。兩黨軋轢。而佐幕之不可勝尊皇。猶子之不可勝父。故幕府俄然奉還大政。皇室俄然回復古道。攘夷變爲和親。天地否變爲地天泰也。攘夷之說。大反人情。而

序

一

尊皇之勢。不得從外人所請。受其簸弄。則彼憂世保民者。不得不出于此。乃知攘夷者。所以救開港之失。而奏中興之功。能全獨立自主之權者也。蓋各藩異論爭競。皆爲君國起見。欲禦外侮。遂顧大義。忽小節。連合爲一。以奉至尊。莫非神祖威德鎮護。其機一發。不可沮遏。以能保合大和。蔽惑不辨而祛。嫌隙不解。而消積年紛紛開鎖之論。一朝泯於無形也。當時予著中興論有言。宜開長崎橫濱箱館三港。以適外人之願。然後漸及諸港。其間專修我內政。察彼情俗。蓋是事理易見。決不可避者。而世人莫之顧者焉。巷議

囂然鼎沸。專主尊攘。不欲毫釐依人。忽致大政復古。振七百餘年之墜緒。猶富家翁按典地券。討索使海外萬國之人。遽望日章。屢空感歎不息。而持節講和之使。無敢悍然抗異議者也。余竊有慨於此。攸維新間人物事蹟。詳其巔末。欲使人知所奮興。適從而平居尙志。不敢失墜。命之曰中興先覺誌。嗚呼。誰知我大日本見今文化。發乎數千年前神聖之大德。而成於忠勇志士奮激殉難之力。有類排雲霧仰天日乎哉。

明治三十四年辛丑第五月阿波岡本監輔撰

序

二

凡例

此書紀明治中興事業。從編年法。造端於率先者。次第編述。自德川公景山。至岩倉三條二公。得三十五人。二公爲中興元勳。克始有終。與諸人列而任最後者。代諸人告成功之意。云爾。行文間。或稱姓名。或字號。不版一例。率從世人平生稱謂。不必拘。而凡姓名字號。其旁施單直地名雙直。使讀者一見了然。言行精要處。施圈點。所以冀人細省也。

此篇所載三十五人。而附錄者甚多。其人多出於天

凡例

保年間。與子前後。其事亦係予所見聞。而後生撰述之書。亦不下數十部。如殉難錄。其最也。予於此等書。考證筆錄頗勞。竊謂諸人紀傳。未有如此之的確者也。

目次

卷上

德川公齊昭

藤田東湖

梁川星巖

藤森天山

佐久間象山

堀田正睦

島津公齊彬

西鄉隆盛

僧月照

僧月性

梅田雲濱

賴三樹三郎

橋本左內

吉田松蔭

金子孫二郎

大橋訥菴

堀利熙

以上十七人

卷下

宮部鼎藏

眞木和泉

平野二郎

有馬新七

中山公子忠光

川上彌一

清水精一郎

武田耕雲齋

久阪元瑞

高杉晉作

月形洗藏

野村望東

駒井躋菴

武市瑞山

坂本龍馬

大村益次郎

岩山公具視

三條公實美

以上十八人

目次

一一

大日本中興先覺志卷上

大日本 岡本監輔撰

德川公齊昭

我國家明治維新之業。自爲古今萬國所未曾有。雖云祖宗英靈使然。抑亦勤王諸臣與有力焉。若德川公齊昭出于義公之裔。尊王遺傳成性。聰明英毅。絕倫有藤田一正相澤正志等輔導。所以能爲諸臣嚆矢。功名赫赫。傳千載而不朽也。歟。公字子信。幼稱敬三郎。號景山。水戶藩主德川公治紀第三子也。母外山氏。以寬政十二年三月十二日生。公于江戶小石

卷上

川邸。年甫四歲。舉止既如成人。一日告父曰。兒不欲爲乳母所育。願以士人代之。乃命近臣二人爲之傳。是歲始讀孝經。明年作國詩。九歲講銃鎗等。未幾窺其蘊奧。稍長。每日發射小銃千彈。以爲課業。嘗與近臣競走。一日行二十餘里。畧無疲困色。十七父薨。哀悼不已。心喪三年。不聽音樂。三十兄齊修公薨。公襲封叙從三位。任左近衛中將。尋任參議。進權中納言。首薦革藩政。沙汰冗吏。正經界。省稅歛。命諸臣每歲。景甲謁藩祖義公廟。屢田獵。以演習隊伍。曰是居治不忘亂之法也。天保十一年庚子。上皇崩。獻議幕府。

卷上

二

請修山陵。獻資厚葬。幕府不省。上書朝廷。請復上占。益法廷議從之。上諡曰光格。天皇十二年。設弘道館。自禮樂射御劍槍銃砲。至算數醫術之類。分課教授。帝親臨視。以獎勵之子弟。學業大進。是歲幕府傳令列藩嚴海防。公大喜。命工鑄造大砲。屢試屢敗。乃自指畫之。終得製巨砲。恐銅材不給。將徵寺院梵鐘以充其料。或陳其不可。公曰。昔在松平信綱。鑄佛像以爲錢。時人無非之者。況以梵鐘鑄大砲乎。夫佛以濟度羣生。自任今鑄大砲者。在保護國民。卽所以濟度羣生也。遂命封內鑄造之。約可百門。既成。乃廢弓槍。編制砲銃諸隊。盡倣泰西新式。名曰太極陣。公銳意攘夷。而其所爲如此。蓋在探長捨短。幕府疑其有異志。弘化五年五月。命罷其職。幽諸駒籠邸。時年四十有五。公在幽禮服。端坐終日。不變。至禮服弊。不敢更其肅。幕府如此。嘉永六年癸丑。美國使節伯爾理率兵艦入浦賀港。呈國書請互市。幕議紛紛不決。閣老阿部正弘素與公善。於是遣人諮之。公陳其策。獻大砲七十門。請供防海之用。天下皆服其先見。正弘勸幕府召公參議事。公辭。正弘自至駒籠。強請。公固辭。起入室。正弘兀坐不退。至夜。公感激。乃諾之。是爲六

月八日。先是公又欲造巨艦。請之幕府。幕府以其祖宗所禁不敢聽。請製第二等艦。見聽。因命船工造之。號曰朝日丸。自是以後船禁漸弛。諸侯稍獲造巨艦。公之參幕政也。盛陳開港不可。幕府不聽而延接美人。公憤懣請罷。幕府慰諭再三。且曰。苟有所見。牙參建議。安政二年乙卯八月。幕府再召公參大議。既而將軍家定罹疾。五年六月。疾病大會。侯伯于城中議。嗣時公第八子慶喜襲一橋氏。拜刑部卿。既長有聲望。尾張侯權中納言德川慶恕。越前侯近衛中將松平慶永等皆屬望焉。欲立爲嗣。勸之公。公意亦在此。

卷上

王

同聲陳說。大老掃部頭井伊直弼排之曰。紀伊宰相家茂爲將軍從弟。其性聰敏。可以爲嗣。公曰。家茂非不聰敏。然其齡僅十二歲耳。當此內外多事之時。而立幼主。非策之得者也。慶喜才過家茂。其年亦長。宜以爲嗣。慶恕慶永等咸自傍贊之。直弼抗辯不已。公將見將軍言之。直弼陳疾篤不敢通。公激怒欲斬之。直弼亦按劍而進。關老問部詮勝急走來曰。將軍召直弼扶入內殿。不復出。公殺氣衝冠而退。怏怏不樂。坐俟時變。七月四日。家定薨。直弼擁立家茂。以田安侯松平慶賴爲之傅。直弼意在擅權。及家茂立。礪公

及慶恕慶永等職而禁錮之。且禁慶喜牙參。物議囂然鼎沸。公不堪憂憤。陰發使者訴朝廷。請其裁可。初朝廷聞幕府與美國訂條約。怒曰。專斷大事。以書奏之。其慢甚矣。會公卿諮議。將召三家與大老問之。直弼奏曰。水尾二侯有罪。開居。紀侯猶幼。臣執掌政務。不能上京。將命老中間部詮勝西上。幸賜諮問。朝廷得報益怒。上一日謂羣臣曰。我國開關以來。未嘗受外人侮辱。及朕躬乃有之。是朕不德所致。今欲雪之。而幕府不奉行。朕無辭告祖宗。當讓位賢者以謝其罪。悄然大息。左右恐惶固諫。上曰。如何則可。前內大

卷上

四

臣三條實萬嘗接諸藩士。聞其所說。知水藩可寄。乃謹對曰。敕強藩輔將軍與列侯協商行事。則無不濟矣。水戶中納言齊昭現任副將軍。唱攘夷忤幕府。屏居於國。其子一橋慶喜材幹過人。今下敕齊昭。齊昭必喜奉命。及公請攘夷。上大然之。八月八日將發。敕書召九條忠尙。忠尙陰與幕吏通款。稱疾不朝。左大臣近衛忠熙。右大臣鷹司輔熙及三條實萬等共奉敕。敕曰。幕府向奏與美國訂約。出於一時不得已。將使問部詮勝上京。以聞。母乃與前令廣詢諸侯者相反乎。違朝命忽國事。縱無外國之釁。猶恐百度弛廢。



乃欲召三家大老使朝幕協和設口實不敢朝今特命卿遵奉朝旨宜與大老老中三卿列侯妥議以輔將軍禦外侮又敕三家忠誠憂國朕所依賴以齊昭班在各藩上故特敕之使告朕旨既而水戶藩京都留守居鶴飼幸吉奉敕書至水戶齊昭以爲敕書不由宗家奉之恐失禮讓會九條尙忠報幕府曰敕書下水藩出於藩人強請非朝廷意也直弼聞之大喜使間部詮勝言於水戶曰詮勝將不日西上請秘敕書勿公九月詮勝西上奏請將軍任官併將具奏內外大事館本能寺稱病不朝使町奉行岡部前常捕

卷上

五

志士黨水戶者檻致江戶黜絕紳言攘夷者說九條忠尙曰齊昭參幕政與阿部勢州等協議與美國通好今唱攘夷歸罪幕府者欲立己子一橋刑部爲將軍已專國政耳朝廷若恤德川氏則請速正位號尙忠然之奏請敘家茂正三位拜征夷大將軍右近衛大將源氏長者淳和將學兩院別當明年六月幕府召公讓之曰奏私見請密勅使微者奉之其罪大矣乃處永禁錮又幽閉其二子慶篤慶喜及土佐侍從山內豐信宇和島侍從伊達宗城等斬鶴飼某及安島某等天下聞之莫不戰慄志士切齒扼腕皆欲啖

直弼肉七年三月三日大風雪水戶藩士等十七人襲直弼於櫻田門外而刺之天下稱快後公患胸痛歲餘癒旣而復發然公性豪邁飲啖自若萬延元年庚申八月十五日夜開觀月宴招諸公子諸公子退遽召重臣遺言是夜三更晏然而薨享年六十有一私謚曰烈公嘗上疏曰造三檣洋船數百千艘鑄大砲數百萬門計天下僧徒蓄妻肉食使習武技供防禦又嘗虞北邊防禦獻書于幕府曰蝦夷之地北接俄羅斯西隣滿州爲我北門鎖鑰如遇俄人蠶食他日隱憂難測請得其地爲封地躬親臨之開拓長靖

卷上

六

北方事終不聽文久二年朝廷追賞其忠節贈從二位大納言明治二年又詔加贈從一位公率先天下以鼓舞勤王之士足爲國家之柱石假使其當將軍之任則可以輝皇威於海表而雄飛宇內卽不然稍聽其所言銳意進取開拓北邊則足以籠絡天下之遊士而創新大邑爲萬里長城矣屢經蹉跌徒貽空言其謂之何乎然使德川氏後世恭順謝罪以保其宗廟不受外人關涉以免臣民肝腦塗地使天下之志士豪傑不忍忘九世之仇百年之計者實公之遺訓餘風使之然也豈不邈哉

藤田東湖

德川公齊昭網羅奇才異能之士。舉世稱其得人。而其言行卓偉尤能動人者。莫如藤田東湖也。東湖名彪。字斌卿。稱虎之助。東湖其號。其先出參議小野篁之裔。父一正號幽谷。稱次郎左衛門。家世業商。至一正始仕水戶藩。爲彰考館總裁。母丹氏。東湖幼而奇。額年十四。從父如江戶。見龜田鵬齋。太田錦城諸子。而不甚喜讀書。專攻武技。學劍於岡田十松。比弱冠。慨然自奮。曰。絳灌無文。隨陸無武。古人所笑大丈夫。奈何不學。遂刻苦讀書。詩賦文章一揮乃成。而辭理

卷上

七

明暢。他人雖精思不能及也。文政七年甲申。美艦抵常陸。剽掠民家。一正慨然命東湖往殲之。曰。我唯有汝一子耳。然汝殺夷賊。從容就官。請自裁。則吾願足矣。東湖急結束至。則幕吏給薪水去。東湖扼腕切齒。者久之。時年十九。尋喪父。襲其祿一百石。二十四攝彰考館總裁。立於先輩諸子之上。心不自安。寄書總裁。青山子世請罷職。且陳館中五弊。曰。心術不正者。不宜預館職。曰。正人實學。不宜廢棄。曰。攝職之選。不宜在彪。曰。史業督責。不宜迫蹙。曰。虛文粉飾。不宜助長。堂堂五千言。文出士大夫傳誦。震動一時。方藩主

齊修公疾篤。繼嗣未定。憤激赴江戶。周旋甚力。公薨。弟齊昭公襲職。三遷至側用人。眷遇至渥。弘化元年。甲辰。幕府命公傳位世子慶篤。東湖獲罪。幽居小梅別墅。益奮勵。和文文山正氣歌。以暢豪懷。其辭曰。天地正大。氣粹然。鍾神州秀爲不二嶽。巍巍聳千秋。注爲大瀛水。洋洋環入洲。發爲萬朵樓。眾芳難與儔。凝爲百鍊鐵。銳利可割。蓋臣皆熊羆。武夫盡好仇。神州孰君臨。萬古仰天皇。皇風洽六合。明德侔太陽。不世無污隆。正氣時放光。乃參大連議。侃侃排瞿曇。乃助明主斷。燄燄焚伽藍。中郎嘗用

卷上

八

之宗社。磐石安。清九。嘗用之妖僧。肝膽寒。忽揮龍口劍。虜使頭足分。忽起西海颶。怒濤殲胡氛。志賀月明。夜陽爲鳳輦。巡芳野。戰酣日。又代帝子屯。或投鎌倉窟。憂憤正憤憤。或伴櫻井驛。遺訓何慙慙。或守伏見城。一身當萬軍。或殉天目山。幽囚不忘君。承平二百歲。斯氣常護仲。然當其鬱屈。生四十七人。乃知人雖亡。英靈未嘗泯。長在天地間。凜然敬彝倫。孰能扶持之。卓立東海濱。忠誠尊皇室。孝敬事天神。修文兼奮武。誓欲清胡塵。一朝天步艱。邦君身先淪。頑鈍不知機。罪戾及孤臣。孤臣困葛

藥君。冤向誰陳。孤子遠墳墓。何以報先親。荏苒二  
周。早獨有斯氣。隨嗟子。雖萬死。豈忍與汝離。屈伸  
付天地。生死又何疑。生當雪君冤。復見張四維。死  
爲忠義鬼。極天護皇基。

學者誦之一時。偏乎天下。使人頓生勤王之念矣。居  
三年。見赦歸鄉。善常陸。帶回天時史等書。勸藩主尊  
崇天朝。輔翼幕府。拓開邊陲。種植人民。反覆辨論。以  
雪齊昭公冤。世人歎服。來請教者。填門嘉永六年。幕  
府起公。諮議防海策。公召東湖復原職。總督學政。藩  
主慶篤親書。誠之進三字。賜之。使爲通稱。安政乙卯

卷上

九

冬十月。地大震。小石川藩邸屋宇傾覆。東湖旣免。見  
母人防火。復入掖母。走出大厦。轉覆。投母于外。母繼  
免。而身壓死。時年五十。訃至京師。天皇悼惜。焉東湖  
狀貌魁岸。眼光射人。性豪爽。清快事君。慷慨每遇大  
節。無所畏避。嘗應土佐侯山內容堂招。抵其邸。容堂  
問時務。東湖低聲應曰。我藩爲三家之一。未能如之  
何而已。如異姓諸侯。以謀叛爲第一良策。容堂笑曰。  
誠之進亦大言乎。其豪宕可想也已。我國自有霸府  
七百餘年。能言尊王者。唯有水府義公子孫相承。至  
景山公尤著稱。而東湖輔佐之專。則大義正人心。其

功偉矣。人或議其矯枉過直。所以激成他日黨派之  
禍。殊不知天使東湖等挫幕吏之凶焰。保恭順之大  
節。莫非國家他日之福也。

梁川星巖

德川氏末年。學者輩出。文教大振。而一心至誠憂國。  
不能自禁者。推梁川星巖。藤滕天山等爲稱首。其人  
言思承前開後。爲功不細矣。梁川星巖名孟緯。字公  
圖。稱新十郎。星巖其號。美濃國安八郡曾根村人也。  
父曰稻津長考。幼從花溪寺大隨和尚受教。年甫十  
二。侍父疾。看護不忘。及沒。悲泣廢寢食。隣里莫不感

卷上

十

賞。十五慨然有四方之志。讓家于弟。改姓曰梁川。東  
遊從古賀精里山本北山學人王子村金輪寺。攻苦  
十年。識見高遠。嗜詩如命。其婦景婉亦解吟哦。夫妻  
相攜。歷遊四方。抵鎮西。探地形。畝入京。與賴山陽貴  
名海屋等締交親善。天保五年甲午。貨廢地于江戶。  
玉池結茅屋。開詩社。曰玉池吟社。與大窪詩佛菊池  
五山等相唱和。生徒日進。名聲四騁。弘化二年乙巳。  
忽售之。西歸。人問其故。不言。強叩之。乃曰。江戶民物  
富庶。人口且五百萬。而其食多海運所輸。如有英夷  
連巨艦。列大礮。闖關。房相之間。則五百萬生靈饑餓。

在且夕。吾徒無用游民不如速去以滅人物也。其實在不欲踏林子平高野長英等遭難之覆轍云。遂去棲遲于京城東北鴨川上。扁其室曰鴨沂小隱。焚香讀書。優優自得。有古逸民之風。其詩取材於漢魏。運以唐宋明清諸家之長。而寄托深婉。皆期乎裨補世道人心。嘉安間外艦屢至。幕府多失政。星巖憂之。見乎詩章。及朝廷下別勅于水戶藩。鞅掌盡力。又與薩摩西鄉隆盛肥後橫井小楠等屢議密事。戊午秋。閣老間部詮勝奉命上京。將收捕尊攘諸子。聞之。竊慨歎星巖嘗與詮勝相識。因欲諫之。作詩二十五首。以

卷上

十一

機切時弊有言云

當年乃祖氣憑陵。叱咤風雲捲地興。今日不能除外費。征夷二字是虛稱。

小籌大策漫紛紛。舉誰能掃海氛。聖慮焦思無晝夜。微臣爭不効忠勤。

勢孤大樹支難得。運去萬牛挽不回。欲壽國家眞命脉。只須竭力拔羣材。

既罹疾是秋九月二日遂歿。享年七十。及諸子就縛。幕吏謂星巖爲巨魁。數其罪。收景婉下獄。乃訊鞠之。景婉夷然對曰。良人男子也。豈洩國家機密于婦女。

子乎。縱令洩之。安得爲人妻。而白其夫。罪案乎。不復言。吏末如之何。遂釋之。實星巖歿後三日事云。星巖容貌清臞。如不勝衣者。顚骨聳峙。眼光射人。性澹泊。不拘于物。嘗在北山塾。放蕩不羈。負債數十金。債主急督之。星巖不知策所出自。剪髻與之。爲僧以謝。自是號曰詩禪。晚年潛心道學。折衷于王陽明。劉念臺。出入乎邵康節。陳白沙。大有所悟。入著春雷餘響。白警編云。要之憂國正氣。至老益勁。溢于詩篇。聳動後進。極偉。一時詩家奉爲泰斗。不亦宜乎。景婉亦有丈夫之氣。不辱其夫。可尚也已。藤森天山詩品。殆與

卷上

十二

星巖匹而論策。則過之。未知其氣節何如也。當時有羽倉簡堂。安井息軒。鹽谷岩陰。諸人皆豪邁競論建。而其詩則不及二人遠矣。余知息軒不識天山。岩陰而及見星巖。簡堂謂之髦老。不欲煩黷。至今爲遺憾。

藤森天山

藤森太雅。字淳風。通稱恭助。號弘庵。後更天山。江戶人。其先出自信州諏訪神祠。大祝父曰義正。仕小松藩。上一柳侯。娶堀越氏。生天山。天山岐嶷夙成。常慨然憂天下之事。弱冠承父後。爲右筆。兼世子侍讀。論事過激。忤執政。致仕去。聚教生徒。賃書板本草。彙以

自給焉。天保甲午。土浦侯聘爲賓師。委以學政。旋兼  
治郡。爲俗吏忌。謝病去。侯尙給廩米三口。弘化丁未。  
飯江戶事教授。弟子常數十百人。侯伯諮詢政事。嘉  
永癸丑。美艦來請互市。頗恣驕傲。天山憤激。著海防  
備論二卷。水府烈公聞其名。傳旨建白。時務。天山乃  
著芻言六卷上之。公擊節稱之。至於手筆批點。要處  
常置之座。右欲聘以充顧問。使藤田東湖說之。天山  
不欲事二君。固辭。公益實之。給廩米十口。安政四年  
丁巳。遊京師。與梁川孟緯。賴醇。僧月照等款語。遂經  
播州。抵兩備。再上京。去如伊勢。主松坂人世古。格太

卷上

主

郎家。格太郎仕紀藩。稱用達。家富好學。出入公卿間。  
嘗問天山以外國事。天山曰。幕府專主和議。然當竟  
及一戰。我軍不利。則必復將議和也。處之頗難矣。今  
人皆言戰。未爲上乘。可戰之機。在於前年。今已後。其  
機則不得不通好也。顧當設之界限。不許踰越耳。某  
欲著交易事宜一卷。異日讀之。則知其詳矣。若有和  
議。破及干戈。自我先動。則曲在我。自彼先動。則曲在  
彼。非使曲歸彼。則決不可戰也。戊午。坐內敷下水  
藩。見逮者甚眾。十月八日。天山就上野凌雲院講書。  
市井廳胥吏來圍其家。入書齋。搜羅手簡。日記等而

去。僕人走來報急。去過三枚橋。胥吏來擁至市廳。市  
井池田某親責問之。無事實可徵而罷。明年二月。再  
召之於評定所。覆實。尋後屢召之。難詰不息。天山的  
俯首而聽。至此昂然。怒形於面。手按膝曰。不知之事。  
附之不知。雖屢承諮問。更何答乎。市尹以爲無禮。命  
投監倉。倉中非類充滿。有倉長稱名主。驅使囚徒。不  
異牛馬。名主素聽天山名。稱先生。延之上座。尊敬猶  
事師。獄中素禁用筆墨。而陰索之。且多出紙。以請寫  
字。天山欣然執筆。終日無倦。名主告天山。謀出獄。乃  
使宣言曰。大雅臥病殆危。吏聞之。命出獄療養。人皆

卷上

主

感其德義。動人。而其在獄也。適暑甚。一夜名主命囚  
徒侍枕邊。持團扇扇之。反爲冷氣冒。歸家大發邪熱。  
云。七月復召之。評定所聽其卧竹蓐。子上加禮服。就  
對當責問。伏而對。其聲遠達隔壁。人感其英氣不屈。  
十月二十七日。罪案讞。評定所傳命。三奉行列坐。其  
文曰。報紀伊藩用達。世古格太郎書稱。此般勅書。有  
關東人言其真譌。未確者。格太郎示之水戶藩家人。  
鶴飼某。某又示之鷹司氏家司小林某。其意在促關  
東遵奉勅旨。近乎搖人心。釀禍亂。且當糾問。初稱絕  
不知。至後有斯事。前後所答。齟齬不似爲人師範者。



其於公甚無禮也。由是處中追放。中追放則不得入武藏一國。而下總國行德驛有相識。因徙住二年。其名益盛。入門受教者日眾。適卧病。至壬戌十月。漸危。篤幕府特赦歸江戶。遂寓于長子脩藏家于本鄉。至八日。遂不起。年六十四。天山身材魁梧。龐眉大耳。顏如渥丹。而藹然和氣。使人心醉。學長經濟。其文章得諸長野豐山。又周旋於柴碧海古賀侗菴諸賢之間。而益有得焉。詩亦古雅雄壯。又善筆札。行草最優。予常所推服者。其人憂國發乎至誠。絕無虛矯之風。矯激之行。其論外事亦莫不確實穩當也。水藩君臣得斯人。以爲謀主。則其非暴虎馮河者。亦可知矣。

卷上

五

佐久間象山

嘉安中言開港者數家。世人多咎之。而其學識深閎。能爲後進領袖者。有若渡邊華山。佐久間象山。象山名啓字子明。稱修理。象山其號。其先出自高望王。居安房國。佐久間莊。因爲氏。後爲信州長沼城主。元祿中坐事藩除。其族某仕松代藩。傳至國美。稱一學號神溪。通文武。尤精易學。是爲象山父。象山生而穎異。旣長。毫邁不羣。慷慨憂國。尤留心海防。藩主眞田幸賢聰慧宏量。善用人。深愛象山。擢爲近侍。給資使游

學。其母送至郊外。戒之曰。汝勤學進德。則雖在千里。猶在膝下也。苟不然。而與俗輩伍。非吾兒也。象山感泣。抵江戶。受業林述齋。佐藤一齋。旁與渡邊華山。坪井信道等交結。研究洋籍。修其銃砲兵制。及築城造艦諸技。嘗創意製迅發銃。裝彈之捷。三倍於西洋舊銃。人服其精妙。諸藩鑄造銃礮。多仿象山云。天保末年。挈家復至江戶。下帷木挽坊。諸藩士來學者日眾。遊相房。歷覽沿海要衝。曰。從來防海。皆不得法。尤屬贅物。嘉永六年癸丑夏。美艦八隻。駛入浦賀。將入江戶。上下洶洶。幕吏川路聖謨。深服其先見云。安政紀

卷上

六

元甲寅春。美艦復至。突入橫濱。藩主奉命警衛。象山參軍議提兵在橫濱。不寐者七日夜。幕府將開伊豆國下田港。爲互市場。象山謂下田天險。不可使外人據此。開下田未如開橫濱也。寄書藤田東湖。建白水藩。說外國奉行堀利。瀝大陳其不可。事遂寢。六月門人吉田松蔭。陰謀航美國。象山密授計。事敗被逮。其行李中有象山詩。往年送松蔭之長崎者也。詩曰。之子有靈骨。久厭鸞鷺羣。奮衣萬里道。心事未語人。雖則不語人。忖度或有因。送行出郭門。孤鶴橫秋旻。環海何茫茫。五洲自作鄰。周遊究形勢。一見

超百聞知者貴投機歸來須及辰

象山亦坐此下獄。著省錄。九月幕府更幽象山于松代。諸藩志士來請教砲術者漸多。或勸謝絕之。象山曰。學期報國。而吾絕之以挫其銳氣可乎。即有禍害及身亦命也。於我何有。文久二年壬戌十二月。幕府特釋象山禁錮。自得罪至此。約經九年。始見宥。蓋因長侯盡力云。元治紀元甲子春。將軍德川家茂召象山於京師。時攘夷之說盛起。處士橫暴殊甚。而象山獨盛唱開港說。家人門生皆危之。而尼其行。象山曰。再有徵命。不可辭也。子等愛余乎。愛國乎。若愛國

卷上

七

則勿止余此行。豈不知開港不行乎。今日爲國家畫長計。捨我而誰也。縱令爲此殞命。他日必有從我說者。門人吞淚而別。既至。奉命管視浪華砲臺。請聘洋人不允。會少將嶋津久光在京。命其臣高崎兵部就象山諮時務。久光說與象山合。象山欣然欲其成天下事。而攘夷之論方盛。久光不得志。將歸國。患象山罹奇禍。令兵部諭象山。象山感激攬淚曰。某持此論。既二十餘年。暴白天下。雖死不能易也。兵部長嘆而去。尋西鄉隆盛又來問時事。將延之其藩。終不果。既而聞水戶藩士入京。乞攘夷詔。愕然將上書。陳其

利害。懷書詣山。階親王邸。遂過木屋坊爲客刺殺。客則肥後藩士。臨死自首懺悔云。先是木戸孝允等亦恐其遭害。勸歸不聽。終及禍。是爲七月十一日。年五十四。象山爲人容貌魁梧。面頗長。軀幹殆入尺。眼光炯炯射人。不可仰視。嘗本親王旨。草勅諭。皆主開港。排攘夷。有言一戰以鼓舞士氣。烈則烈矣。抑兵凶戰危。死生存亡係焉。一旦兵連禍結。將措宗社生靈於何地乎。其見卓矣。其受禍若與渡邊華山等出一轍者。豈不悲哉。華山平生以國人不諳外事爲憂。著書諷之。莫不剴切懇到。遂爲小人所誣陷以死。天下冤

卷上

七

之。象山目擊其事。曾不回顧。視一死猶飯家。非知命者。豈能之乎。開港之說。與大政復古而行。謂之象山等力。誰其容異議乎哉。

堀田正睦

幕人主張開港而不失其正者。有若堀田正睦。世人或咎之。可謂冤已。堀田正睦。下總國佐倉城主也。初召正爲文政八年乙酉四月。始謁大將軍德川家齊。後從五位下。稱曰模守。十二年拜奏者番。天保五年甲午。進寺社奉行。更稱備中守。八年遷大坂城代。敘從四位下。而未赴任。爲西城老中。任侍從。十二年入

爲老中。十四年罷。班溜間格。安政元年甲寅。進班溜。間二年乙卯。入爲老中。班第一位。領外國事。先是三年。美國大統領。使其水師提督伯再理。來請通好。物情騷然。幕府告其臣僚。及大小侯伯。上言可否。正睦主開港。極論和戰利害。我國自幕府下令。申嚴海禁。以來。殊邦船舶。不窺海岸者。二百餘年。而其來訂和好。寔在正睦執政時。而今日朝廷敷文明之化。亦基于此矣。四年。美國使哈里斯來。正睦接見。哈里斯陳上帝一視同仁。四海兄弟之義。請置特派公使于江戶。大行互市。正睦乃建議。欲使哈里斯入呈國書。假

卷上

九

定通交章程。頒布天下。問其所欲言。水戶前中納言首執異議。土佐守山內豐信。亦論其不可。於是士人儒生。橫議滿巷。幕府病之。使正睦上京。奏請其事。正睦奉命。見關白九條氏。因上言曰。方今萬國雄峙。稱帝稱王。猶漢土春秋戰國。及我足利氏末年。孰能一之。合則兄弟。離則寇讐。喜則羹合。怒則糜沸。治亂之機。其所關至大。不止一國一方。故離則不得不戰。合則不得不和。合離之決。和戰所在。未有立乎離合和戰之外。而獨自大自尊者也。如清國自大自尊。終呈近日敗狀。可見已。我邦四周大海。當其衝路。而獨斥

絕之。使其不得停泊。則萬國交惡之。而其相疾相讐者。皆集於我矣。其禍豈小少哉。上帝子愛斯民。四海皆兄弟也。兄弟相依而動。乃無不吉。兄弟相讐而動。斯無不凶。方今宇內萬國。德醜力齊。莫能相越。爲之君者。去彼我之見。循均敵之禮。使聘問遺之數。士商往來之便。監吏駐劄之宜。彼此無不相當。推己及人。取於人以爲善。積而大之。擴而充之。則宇內之廣。萬國之眾。相合歸於一體。亦不甚難也。陛下持自大自尊之心。則禍敗如彼。就兄弟相依之義。則功效如此。然則今日和好。安知非他日爲萬國盟主。混一字內。

卷上

十

之。基乎。且夫神州剖判以來。皇統一系。非如彼朝秦夕漢。而土壤肥沃。物貨豐殖。俗厚人樸。重義敬上。天心所向。可知矣。陛下何疑不決。何顧不行。辭氣懇款。感動聖聽。詔下諸卿議。諸卿固執不可。既使傳奏官傳旨。正睦復諫其不可。而異論滿廷。牢不可拔。上召正睦。厚賜之。使東飯。命侯伯再議。又敕諭將軍。擇其宗賢且長者爲儲貳。意在刑部卿一橋慶喜。諸侯亦多屬意。正睦大然之。既而東飯會井伊直弼。新爲大老。議建儲不協。正睦曰。方今國家多事。非賢且長者不可。直弼曰。制馭天下。自有祖宗制度。何事乎長。其

意屬紀伊公子慶福眾附和而從之。正睦吁嗟不敢復與爭。直爛此議出于將軍家定。遵據舊章。欲立親者。當其未就職時。見正睦談及建儲。謂立年長嫌乎。促君退隱。與廢立無異。故及爲大老。斷然固執不動。以必死自任。而正睦無奈之何云。時哈里斯既持約章。刻期印署。而諸侯再議未及輯諧。正睦察勢不可緩。乃稟行之。居無何。罷班帝鑑問。自是後不復言此事。自號見山。嗜音樂。耽和歌。諷詠自娛。而尊攘之說轉盛。追議其妄斷外交大事。禁錮於家。文久三年癸亥。與英人生隙。都下人心洶洶。荷擔而立。正睦寢病。

卷上

三

請屏居其邑佐倉。明年元治紀元三月二十一日卒。享年五十有五。二十九日命釋禁錮。發喪葬城東甚大。寺謚曰文明正睦。讀書領大意。尙實踐。尤用心藩政。教藩子弟。有不達一藝者。輒減其祿。建德書院于城外。設聖堂。春秋釋奠。命藩士有才學者。講究西洋諸學。開演武塲。習銃戰。鑄巨砲。修養老典。創種痘法。封內民口。大增殖云。其人識見卓越一代。謚曰文明。固非虛稱。據釋奠聖廟。修養老典。決非心醉西說。崇拜外人者。其爲廊廟大器可知矣。先是阿部伊勢守正弘爲老中。嘆國人不通外國事情。慨不能用德

川景山。悲已菲。不當大任。其用心固有足多者焉。正睦承之主張開國。固其所也。并伊氏安藤氏。因此不改。亦豈無所見哉。鎖國陋制。不得不變。而曾無政術。拓開人心。鼓舞士氣。專欲以威力壓之。是其所以一敗塗地也。正睦識見。絕出同儕。而時論往往咎之。意其政術尙有未盡者歟。萬人之警警。莫非愛國精神。唯有一誠。則足以了之。身當大任。而駕馭之。雖使一世游學外國。拓開邊疆。可矣。其間徐接外客。聞其所請。而我眾所不安者。不輒聽。或諭外人相安於無事。有敢侵侮者。從眾捍禦。其又何不可之有。爲政不知

卷上

三

出於此。豈不惜夫。

島津公齊彬

開鎖之說。冠絕一代。能厲士臣。同寅協和。奉公以肇維新之功者。推島津公齊彬爲第一。公稱薩摩守。大隅守。兼宰相。從三位。島津齊興之男也。幼稱邦丸。後改三郎。文化六年己巳四月二十八日。生于江戶芝區。藩邸。文政七年甲申。始謁大將軍德川家齊。敘從四位。稱兵庫頭。家齊賜偏名曰齊彬。時年十六。九年十一月。娶一橋齊敦長女。天保五年甲午正月。任少將。二月。始就封。十四年四月。改稱豐後守。翌年三月。

改修理大夫弘化三年丙午六月法蘭西兵艦抵琉球那霸港。代父飯藩探察。嘉永四年辛亥。襲封安政五年戊午七月。病疫奄逝。享年五十。葬于城北玉龍山。福昌寺先塋。文久三年癸亥十二月。贈中納言從三位。建神祠于城西南泉院址。號照國大明神。明治二年己巳十一月。贈從一位。十五年。列別格官幣社。公性聰明有膽略。久在儲位。父逝後。視藩政僅八年。而革宿弊。破陋習。尊奉天朝。輔翼幕府。其功甚偉。夙諳海外事情。知鎖國不可固守。而恐其輕舉以致國辱。欲定琉球爲外國折衝之地。以緩其進入內地。徐

卷上

三

徐開國。嘆皇室式微。務招四方英俊。明大義正名分。嘉永六年。皇居災。公命近臣上京。就近衛氏候天機。獻金數千兩。以風幕府。微服入京。拜覽皇居。際微雨。不脫笠笠而跪地上。講防海法。大造砲艦。無兵法醫術。工藝文學。皆取外國所長。以補我所短。憤幕府大老井伊直弼擅威權。將率兵入京。以決諸藩去就以定天下之大勢。安政五年。會諸臣拜讀宸翰。振起士氣。益鍊兵甲。弘化乙巳以來。所鑄大砲。約七百九十。九門。裝置諸海岸各處砲臺。及京坂藩邸等。尋薨。公識見卓越羣侯。所以志士勃興。効力維新。號曰照國。

豈虛言哉。其制敵于外者。尤爲良計。當時外侮實自邊疆。如琉球柯太是也。徒國內不平之徒。當折衝禦侮之任。庶幾不暇。紛紛開鎖之爭。而足以伸國威于海外矣。使剛悍男兒。憤懣以死。而猶恐其不盡。是幕府之所以終乎一敗不振。而至今國威不旺也歟。

西鄉隆盛

島津公齊彬之志業。粗成乎西鄉隆盛之手。而隆盛躬破之。可歎也已。隆盛鹿兒島藩士也。稱吉之助。號南洲。父曰吉藏。其先蓋出菊池武光。資性剛毅。容貌魁偉。少好文武。仕齊彬公公。謂之大器。不問有過年

卷上

三

二十二三。抵江戶官藩邸。往來水戶。居藤田東湖塾。東湖嘗語人曰。他日繼我志者。獨有此少年男兒耳。水戶人嘗請其書。乃大書曰。一寸英心。敵萬夫。嘉永中在京師。與清水寺僧月照親善。安政五年戊午朝。廷將下勅書於水戶藩。近衛關白欲使月照先報之。月照欲遣隆盛。不肯強之。乃諾。至水戶。事不成。而還時。幕府逮捕勤王志士甚急。近衛公使月照避難。隆盛與海江田武次。護月照。轎深夜出京。遂走薩摩。薩藩憚幕府。諭意隆盛。送出日州關外。十月十五日夜。半隆盛旅裝訪月照於客舍。致藩命。月照曰。吾離此



地一步必爲幕吏所捕有死而已矣隆盛乃携酒饌上舟落廳令與力某護送其船泊御舟浦時大月中天清朗如晝酒酣慷慨悲憤月照書歌示隆盛隆盛視畢懷之浦上有心岳寺藩主先望在焉隆盛呼月照至舫頭月照向寺一拜隆盛乃從後抱之投海一舟盡驚急搜海中則隆盛兩手抱月照堅不可秋上岸熱火溫屍間一夕隆盛蘇月照遂不活藩乃流隆盛於大島以避物議隆盛得譴流竄大島者至是前後三次因自改稱大島三右衛門居二年藩主召還參議事隆盛抗論旁若無人君側用事者惡之再流

卷上

三

冲永良島至元治紀元甲子赦還復參機密時三條公等奔在筑州幕府將幽諸大坂隆盛百方營救事得寢諸藩勤王之士亦依隆盛免禍者甚眾云明年慶應紀元幕府再起征長之兵先是薩兵擊長多獲其良既而悔之欲連合諸藩以扶翼皇室禮俘囚而還之至此潛遣使與長和謀倒幕府而幕府未之知也遂至告大敗三年十二月朝廷大會議隆盛爲參議戊辰春皇師東下爲參謀入品川勝安房兄之陳慶喜恭順之旨請停師安房與隆盛有舊陳謝甚力隆盛徵謝罪表信之効安房曰期明日致牙城隆盛

從之於是置總督府于江戸與長門藩士大村益次郎共掌軍事既而北征北地悉平賊兵奔蝦夷隆盛又往討之到則賊徒皆降明治二年己巳朝廷賞其功賜祿二千石四年敘正三位任參議六月任陸軍大將兼參議五年任陸軍元帥兼近衛都督六年十月征韓論起隆盛主征韓三條公奏之敕將發而公病作不朝岩倉右府及木戸孝允大久保利通等並持不可論奏甚力事竟寢隆盛辭職販國逍遙吟哦如遺世者辭賞典祿弗聽乃用之建設私學資書生數人留學歐美修月照墓祭之名望愈高當佐賀山

卷上

三

口之變私學校徒皆欲應之隆盛謂篠原國幹等曰卿等狂乎事忽息十年一月隆盛在大隅國高山私學校徒襲彈藥制造所取之捕警視官中原尙雄等二十人誣以刺客作服罪書示隆盛勸舉兵詰問政府隆盛投袂而起部署眾而出入肥後圍熊本城城將谷干城等善拒不能拔朝廷褫隆盛官位發令海陸並進伐之隆盛棄熊本而退官軍破之于保田窪于八吉于延岡城八月隆盛走保熊田村與桐野利秋等數十人踰絕險衝圍而逃入鹿兒島據守城山官軍自諸道齊進九月二十四日薄城四面合擊隆

盛乘竹輿將徙岩崎谷壘飛丸中其腰大呼曰矣已矣別府新助走來刎之時年五十有五於是桐野以下皆斃兵卒潰散自始叛殆半歲據城山二十餘日矣其在城山也穿坑崖下以避彈丸常在其中圍棋吟咏從容如平日其胸中有閑日月可想焉鹿兒島縣令岩村通俊葬隆盛等屍于淨光明寺樹墓表士民行香火者陸續不絕隆盛嘗在江戶陣營夏夜熱甚蚊羣如雷與士卒伍操業身纏毛布橫臥檐端不敢就室內安卧辭職在故山一日入炙鰻店食鰻飯及出投金十圓主人謝其過分隆盛從容曰兵兒粗

卷上

三

暴必苦卿等雖不足償乞受之勿疑其獲人心非無故也膽壯而略粗不能因眾信已大伸征韓之志以答先君之知遇豈不惜哉明治二年余官開拓盛陳北征之說使僚屬掘基見隆盛言余志基薩人余所推薦者也隆盛謂身赴北海爲萬里長城余聞之喜往訪遇其亡未暇再訪而去方其舉兵抗難余主筆兵事新聞爲陳三策登錄紙上謂上策須拉部下壯士直航朝鮮席捲八道誅其亂民勸王與我連合爲一與清人提携爲兄弟進抵東北逐俄人于柯太跨黑龍鼓行而西以請罪于朝廷仰其處分卽遇朝廷

呼已爲賊以追討之身首異所亦不愧爲偉丈夫欲以示隆盛俾改圖終不能達至今爲遺憾老友蒲生子聞著近世偉人傳敘隆盛閱清人鄧子貞讀之評曰南洲有丈夫之氣無英雄之略是則然矣然清人有丈夫之氣者不能多見而其有英雄之略者果有其人否不得不責之於子貞也今者俄人南進如火焚原而我與清國無一人爲長城者豈不悲夫噫我國僧侶効身君國者莫非祖宗遺訓使然而亦能達釋氏濟度之說者也如月照月性不其然乎月照

僧月照

卷上

三

於西鄉隆盛殆所謂同功一體者矣月照初名宗久稱久太坂人玉井鼎齋長男也鼎齋稱宗江以醫爲業文政十年携宗久詣清水寺成就院托其住持藏海上人爲僧時年十五剃髮曰忍鎧爲人慷慨重氣節天保六年乙未年二十有四代師住持其寺改名忍向號月照嘉永七年甲寅春讓寺職於弟信海歷游東北諸國以窺諸藩動靜飯京寓高臺寺春光院廣接四方志士稱和歌會出入諸公卿門或捐私財保庇志士安政四年丁巳冬美艦泊浦賀港天下洶洶先帝深憂之月照嘗在東福寺山莊斷火食所

攘夷左大臣近衛忠熙深嘉其志命在清水寺祈誓。月照大喜謂清水寺喧騷遣信海于高野修法。天皇聞之勅授神鏡寶劍以禳妖氛。月照益感激凝精誠修秘法。天皇賞其誠忠至賜御書御衣及天皇下別勅于水戶藩。月照百方盡心與左府老女村岡謀自後門出入及志士就縛。左府命避禍薩摩。九月十日。月照乃與西鄉隆盛海江田信義等同發京告隆盛等曰有敵來迫者斬之勿疑至伏見捕吏果追及見隆盛等載月照于轎護衛而往不敢迫。聞島津侯稅駕下關買舟而發。十月朔達下關則侯既飯國因投

卷上

五

白石正一郎家以其厚遇勤王志士也。隆盛告月照至筑前留侯已告其主來迎聞幕吏迫踪甚急乃去至博多隱于北條右門家又去至上坐郡大庭村入竹內五百都家遇福岡藩士平野二郎等來勸潛行改名靜溪院鑲水偽裝道士下筑後川經久留米至薩摩市來關關吏誰何不得入轉取迂路十月八日達鹿兒島訪隆盛會薩侯齊彬病薨執政島津豐後等務媚幕府勢不可如何相對而哭隆盛托月照等于其所知僧居數日捕吏又至十五日夜將半隆盛遽訪月照寓月照與二郎出導接之隆盛眼光如炬

長大息而坐憂憤之色顯于面眉月照察之命二郎入厨煎茶隆盛乃謂月照曰幕府命福岡藩捕師與國臣福岡捕吏來探市街參政諭旨使至日向避之月照曰吁我知之矣日州我死所也予頭已托子之一劍苟死同志之手死無遺憾矣隆盛曰不使師獨死也告二郎避難艤舟于御舟浦時大月霽朗銀波蕩漾開宴吟賞隆盛曰今日之談不可涉慷慨酒酣月照書和歌示隆盛隆盛受而懷之與月照出船頭相抱投海國臣等大驚急命舟子拯之隆盛幸蘇而月照則不可救矣隆盛夾囊中有月照國詩曰

卷上

五

大君能爲爾波何加惜加良牟薩摩能瀨門爾身波沉無登毛

月照死時年四十六葬於薩東林禪寺是爲安政五年幕府捕信海訊鞠信海毫無屈色極口罵詈時政無所忌憚明年三月病死于獄中年三十九云月照投海之辭一讀使人悲憤不息何其壯也聞月照學國詩於近衛公登其門籍又善詩其逸題云俄國之時時則然與君把臂稍怡顏感恩一滴丈夫淚期灑三千世界間

其讀橫濱會盟鼓書云

辱莫辱於城下盟。廟堂諸老若爲情。東溟難洗墨。夷勅。日本國王遵奉名。我雖方外亦王臣。敵愾心期靖虜塵。不分滿庭當局者。講和潤色太平春。人評其正氣凜然。不似方外人。殊不知佛法如此。方能成其爲佛也。

僧月性

月性者。周防國大島郡遠崎村明圓寺住僧也。字知圓。爲人佯狂。憂國。嘗讀泰西史。知西班牙以天主教誘哂哇人。遂奪其國。慨然揮淚曰。彼得民心有此教。

卷上

三

而已。我亦宜以宗教團結我民。每說法。寓尊攘意。言言懇摯。聲淚俱下。庶民感激。翕然趨之。聽者常數百千人。聲名噪于遠邇。號海防僧。安政三年丙辰。本願寺法主召月性給俸錢。置之東山別院。嘗與賴三樹飲於月波樓。醉後慷慨說法。陳尊攘意。三樹等皆泣矣。梅田雲濱與月性交善。一日談及紀伊海備。告月性。往說其藩。月性至和歌山。藩老久野某迎見。大嘉其說。歎稱曰。以方外人杞憂如此。吾輩肉食。豈無愧乎。當是時。幕府方墾蝦夷。命本願寺主遣其徒往教導居民。月性膺其選。將往不果。居一年辭飯。喪母。

哀痛親作狀。悲泣淋漓。讀者垂淚。五年春。月性暴病而死。年四十二。月性狀貌魁梧。好酒善詩。自號清狂。蓋取諸陸游詩。酒清狂二十年之句。歷游四方。與天下名士交。一時有名儒家。皆作文貽之。時論比之靈一。浩然其少時出鄉也。題壁曰。男兒立志出鄉關。學若無成死不還。埋骨豈期墳墓地。人間到處有青山。

卷上

重

平生土木形骸。破衲敝履。頭如栗壳。旅舍人往往認爲越獄人。拒之。或戲擬之。剃刀。輒掩頭逃匿如嬰兒。性恢弘。擲金如土。與人議論不合。奮袂叱咤。狀如夜叉云。月性防海之志。深達釋氏之旨者也。余獨恨其不與志士同赴蝦夷。假令幕府諸吏有遠慮於此。以鼓舞一世。則月性等諸人。將爭先奮前。沿海防禦嚴修。而開鎖之權在我。天下又何有不可爲之事哉。

梅田雲濱

嘉安之間。儒生在京師。唱大義者。推梅田雲濱。賴三樹三郎等爲巨擘。雲濱名定明。字義質。稱源次郎。雲濱其號若狹人。世仕小濱藩。父曰矢部重介。雲濱其第二子。父本姓梅田氏。爲矢部某義子。故改焉。幼而好學。天資豪爽。嘗抵江戶。入林大學頭門。八年。與藤

森天山佐久間象山藤田東湖等親善。年三十餘。下帷京師。時藩侯爲京都所司代。召之講書。禮頗倨。雲濱辭使者曰。以舊臣使役之。雖抱關擊柝。不敢奉承乎。若欲迎師聞道。則其禮不可忽。諸使者再三來召之。竟不起。自謂吾爲藩士。故接此不快。若處士則安矣。自是不帶雙刀。甘心放廢。或難其無禮於君。笑曰。此雲濱之所以爲雲濱也。君等焉得知之。日夕會友縱飲。召妓助興。散財如土。芥私計。窘甚。質錢滿沒。妻子歎訴不聽。曰。心大則百物通。旣而游長門。與高杉晉作僧月性等交善。大唱尊攘。安政元年甲寅九月。

卷上

事

俄艦入大坂港。請詣朝貴。人心洶洶。謀逐之。十津川處士會議。推雲濱爲帥。雲濱投袂而起。時妻病泣。尼其行。歎曰。以家事廢國事。吾不能也。賦詩曰。妻卧病牀兒。叫饑挺身直。欲攘戎夷。今朝死。別兼生。別唯有皇天后土知。會俄艦去。飯家則妻已死矣。尋有各國兵艦。窺武相海岸。頗慢侮。朝廷命幕府急攘之。幕府不聽。益唱開港。雲濱憤甚。乃與山科出雲守。豐嶋太宰少貳。小林民部權大輔。高橋兵部權大輔。若松木工頭。春日讃岐守。森寺因幡守。丹羽豐前守。田中河內介。飯田左。

卷上

事

馬伊丹藏人三國大學。宇喜多一蕙。梁川星巖。賴三樹池內陶所。及成就院月照。妙圓寺信海等。密議將奉朝旨。果義舉。有橋本左內。清川八郎。安積五郎等。自江戶來。贊其議。安島帶刀。日下部伊三次。飯泉喜內。藤森弘菴等。在江戶爲應援。雲濱建議。宜莫如推水戶藩前中納言德川齊昭爲帥。眾然之。告青蓮院栗田宮。及左大臣近衛忠熙。右大臣鷹司輔熙。內大臣三條實萬。大納言久我建通。大納言一條實良。大納言中山忠能等。密奏。先是幕府元老井伊直弼。遣其臣長野主膳于京師。說關白九條忠尚。變攘夷。勅主膳聞志士建議。大驚。報諸直弼。直弼將捕志士。命主膳陰索其黨。會尾張越前諸藩主密議。欲立齊昭七子刑部卿一橋慶喜爲將軍。儲嗣奉朝旨。決大局。使橋本左內。日下部伊三次等。奏之。二人告之。小林民部大輔。民部感喜。乃與雲濱三樹。星巖陶所等。謀鞅掌竭力。朝廷傳內旨於齊昭。輔翼慶喜。直弼聞之。遽納紀藩主德川家茂爲將軍。嗣益肆其所欲。五年三月。命閤老問部詮勝。上京稱候。天機獻金帛于諸公卿。十月。遂使町奉行岡部前常等。捕志士二十餘人。雲濱亦在其中。又命所司代酒井忠義。奏請幽青。



蓮院及公卿數人。十二月檻致雲濱三樹等三十餘人于江戶。雲濱在小倉藩邸獄。幕吏謂曰。汝欲托尊攘滅幕府。必有主使者。雲濱夷然曰。吾生知尊攘大義耳。不知其他也。更考訊百方。或使坐圓木上。膝上積石。至肉裂。骨碎。體無完膚。而終不易其言。吏與藥看護。終獲不死。明年九月十四日。遂瘦死于獄中。年四十四。嗚呼雲濱丈夫哉。安政中余在京師。寓池內氏數月而去。當時雲濱聲望。不及陶所遠甚。蓋其學行不滿人意也。假令雲濱無事而死。安得有後世之名。以今言之。當時儒流與雲濱競榮者。果有幾人。雲

卷上

三

濱之學而如此。豈非以其一死報國乎。予於雲濱有感焉。明治初。余辱柯太之任。遇俄人侵侮。苟使予死于彼地乎。其功名決不在雲濱之下矣。予嫌其涉過激。甘爲淮陰胯下之態。可勝歎哉。

賴三樹三郎

賴三樹三郎。名醇。字子春。三樹三郎其稱。號鴨崖。又號古狂生。賴山陽第三子也。山陽名襄。字子成。稱久太郎。山陽其號。安藝儒官。賴惟寬春水之子。年十八。入尾藤二州門。後抵京師。下帷二條木屋坊。教育弟子。常歎名教不振。士氣惰頹。以詩文調世。著日本外

史及政記等。讚列聖之盛德。難武將之專橫。使大義浸潤人心。舉國勤王。慷慨其有功于中興甚大。先歿數日。其門人大雅堂義亮至。請畫像。畫成。乃自題之曰。身偃仰一室。而心闢百世之得失。不恤已鹽齏。而憂人家國。嗟是何物迂拙男兒耶。雖然。焉知無念此迂拙者之時乎。其自任之壯。可想也。山陽才學出于天資。而加以以琢切。不厭嘗曰。謂我才子者。未知我者也。謂我刻苦者。真知我者也。三樹自幼穎悟。山陽殊鍾愛焉。山陽歿。爲母所育。年十七。遊浪華入後藤松陰門。松陰。山陽高足弟子也。明年抵江戶。入昌平

卷上

三

學。從佐藤一齋學。爲人傲慢不羈。好使酒。嘗賞花于東叡山。見堂宇莊嚴。罵其僭越。手推石燈而倒之。友人留之。乃曰。汝亦黨賊乎。拔刀逐之。守門卒來縛之。與錢纔免。如此者數回。遂爲學僚所逐。去遊奧羽北越。抵松前。詳蝦夷之地形。見海防不修。慨然去。飯京嘗飲于圓山。與池內陶所論韓愈藍關詩不合。起唾陶所面。陶所怒將扑之。三樹拔刀邀之。陶所亦拔刀。座客狼狽。或止之。纔息。三樹拔刀。亦未嘗傷人。世謂之猶尾。識其輕佻無爲也。及嘉永癸丑。美人來浦賀幕府。措置失當。乃大唱尊攘。改酷罵之舊習。深沈着

實殆若別。人見諸侯多贖糧食。以謂京師之地常仰他州米穀。一旦緩急。運輸不通。與同志謀將購粟。數萬石以備。非常爲幕吏沮而止。尋與志士謀傳攘夷。勅于水戶幕吏惡之。捕下獄。尋檻致江戶。吏屢召之。鞠其狀。三樹曰。背朝旨者謂之賊臣。我承庭訓。志存尊攘。當今之世。不講尊攘之策者。是國家奸賊。夷狄醜奴也。吾不欲爲國賊醜奴耳。其他毫無與知。言頗激。遂被斬。臨刑殊從容。賦詩曰。

排雲手欲掃妖彗。失脚墮來江戶城。井底癡蛙過憂慮。天邊大月缺光明。身歸鼎鑊家無信。夢斬鯨

卷上

美

鯨劍有聲。風雨他年苔石面。誰題日本古狂生。是爲安政六年己未十月七日。享年三十有五。時棄其屍於小塚原。大橋訥菴陰使人葬之。曰山陽勤王名家。不可使子孫與凡人同。爲建一片石。山陽文儒本無奇節。偉行可見。而三樹率直自禍其身。豈天之使然。以實山陽之言者乎。山陽自曰不恤己鹽齋。而憂人家國。殊不知家國外無己。己卽家國之一分也。今聞山陽子孫無復恤鹽齋者。豈非國家報山陽憂世之德乎。

橋本左內

舊幕府末年。內憂外患。荐臻而其親藩諸侯能言開鎖者。莫如福井藩。由其君信任橋本左內也。左內名綱紀。字伯繼。左內其稱號藜園。福井藩士也。其父長綱以醫爲業。左內幼而穎敏。好學。及長慷慨沈毅。處事果敢。而接人謙讓。寡言慎行。雖在燕室。必正襟端坐。未嘗曲肱抱膝。而其貌溫然。其言藹然。如婦人女子。常慕岳武穆爲人。自號景岳。年甫十六。負笈遊浪華。學醫於緒方洪庵。十八繼父職。班藩醫。藩侯松平慶永命。免醫員。特擢之。編親衛隊。遊學江戶。弘化嘉永間。美英諸國交來乞通商。海內洵洵。而將軍家定

卷上

美

多病無嗣。左內慨然欲扶植幕府衰頽。以翼戴皇室。應接外人。不傷國體。時諸藩有志之士。皆屬望一橋黃門。相議立爲將軍儲貳。佐內謂國家大事。宜與眾共謀之。安政四年丁巳夏。輔藩主與薩土諸藩有志及幕吏川路永井諸子交結。贊成其議。而水戶土佐諸公皆左袒之。獨大老井伊直弼欲排羣議。以立紀藩主德川慶福使閤老堀田正睦入朝。請互市。五年左內受密旨登京。持土藩主山內豐信手書。先謁內大臣三條實萬。具說一橋刑部卿慶喜賢明。內府擊節稱天下之事尚可爲也。往候青蓮院親王上書。遵

奉朝旨。扶植幕府。且言諸藩蔑視幕府。密邇廷臣者。皆爲賣忠獻佞浮薄之徒。時太閤鷹司政通論建儲貳異見。左內使太閤侍講三國大學說其執事。小林筑前守良典大閤問諸左大臣近衛忠熙。左府曰。是薩摩中將意也。大閤以爲然。左內大喜。未幾。廷臣八十八人連署抗疏。論駁互市。且謂將軍非得其人不可。正睦不得意而去。直弼擁立家茂爲儲貳。七月家定薨。家茂襲職。直弼彈劾公卿。譴責尾水。土越四侯。銅於其家。大捕志士。左內恐累及其君。欲自刃。慶永懇諭之。乃止。十月二十二日夜。幕吏闖入左內家。搜

卷上

元

收文書。命禁錮藩邸。六年十月下獄。獄吏踢左內仆之廳上。乃縛之。斬于傳馬坊獄。左內臨刑。從容端坐。受刃。時年二十六。左內狀貌白晢。軀幹短小。而志氣甚大。安政三年。新興文武饗召左內充幹事。左內乃定令。藩士年自十五以上至四十。皆就學。革軍政。購汽艦。造砲銃。製硝藥。鑿石炭。諸政之未張者。悉振刷焉。多所裨益。先是藩學者。率出山崎門。高談性命。無益實用。至是學風一新。左內嘗曰。洋學宜興。善興也。其利甚多。不善興也。其害不可勝言。則其多所取捨。亦可知矣。當訊鞠時。縷述無隱。幕吏語氣及回護其

主。則有感喜色。然至於尊王佐幕大節。係藩主者。則昂然軒眉吐實。不欲使君陷於不義而苟免也。如水尾諸藩臣歸罪一己。曰。出臣等私意。頗有孤忠可憫之狀。而左內則謂不若使仗大義獲罪也。在獄賦詩見志曰。

二十六年如夢過。顧思平昔感滋多。天祥大節。嘗心折土室。猶吟正氣歌。

其人氣象可想也。已。川路聖謨嘗語人曰。昨晤橋本生。其言論剴當。吾半身殆爲截取。吾閱人多矣。未見如生者。武田耕雲齋與左內一見如舊。歎曰。東湖死

卷上

罕

後。復有東湖西鄉隆盛。常曰。吾於先輩服藤田東湖於同儕。推橋本左內。二子才學器識。非吾輩所及也。其爲名士所推服如此。幕吏無狀。專挾猜疑之心。敢果誅殺。不顧玉石俱焚。其斃左內者。所以斃幕府也。坂谷朗廬以爲自裂其肺腑。信矣。

吉田松蔭

長人維新之勳。與薩藩爭美。而開鎖之論。紛紛聚訟。內訌不息。其大節起于微賤之士。而成乎微賤之士。蓋其藩祖以來尊攘餘風使之然也。然而其志操凜然。能爲後進領袖者。推吉田松蔭爲巨擘。松蔭名

方字義卿稱寅次郎松蔭其號又號二十一回猛士父曰常道杉氏其祖出吉田氏吉田氏世爲長門藩兵法師員無子故以松蔭爲嗣松蔭爲人短小面黠痘痕目光爛然以名節自勵深沈有大志或謂常道曰高麗人評豐公眼光射人不可偏視令息眼光類豐公至誠接物不欺雖豐公不如然其不如豐公者亦在此乎年甫十一藩主召之命講武教全書聞之歎曰知方講兵使七書與六經爭光遂爲其弟子弘化初山田賴毅白關東飯舘松蔭曰吾察世運轉變非遠今子專攻詩書徒過歲月可惜盡大開豁眼見

卷上

望

宇內形勢松蔭深感其言始讀洋籍又聞山田公章勸爲北條時宗豐臣秀吉答曰是非某所及而若義律伯麥馬里遜則小才已不足畏也嘉永二年己酉四月率門人講武荻城東羽賀臺遊鎮西如平戶訪葉山左內鑑軒蓋其平生所欽慕五閱月而歸三年從藩土抵江戶巡視相房海岸慨然曰江戶灣嚴浦賀防衛則可以禦外寇唯東北沿海一帶殆與開門無異可乎彼地西連滿州北連俄羅斯經國大業所關宜先察其形勢以講防禦之策與肥後藩上宮部鼎藏約將漫遊東北鼎藏亦奇士也會藩主飯國邸

吏不給關符松蔭重違約不告而發會於常陸自奧羽過北越航佐渡旬歲還邸吏論法捕之追還其國命屏居六年美艦入浦賀海內囂然鼎沸藩主特赦松蔭使遊學四方松蔭乃抵江戶著書大唱攘夷聞信濃國松代藩士佐久間象山爲人傑往訪之一見如舊遂爲其弟子象山爲說歐美事情纂詳且曰男兒須歷遊海外萬里觀察其國形勢以講攻守之策也松蔭感憤一意規圖外航聞俄艦入長崎辭象山而行則俄人既去矣失望殊甚遂訪鼎藏於肥後與俱復赴江戶安政元年甲寅正月美艦五艘碇泊小

卷上

望

柴洋進抵羽田跋扈殊甚幕府設賓館于橫濱饗之志士攘臂憤之松蔭欲刺美將鼎藏止之三月美艦又來泊下田松蔭乃欲駕美艦航外國象山爲之經畫百方松蔭挈其門生金子重輔間行抵下田重輔者毛利氏小臣也有才氣而放蕩不羈既而自新講學一日聞永島三平所論大有所感三平松蔭門人也遂知松蔭有海外志欲與之俱追蹤不及後見松蔭于江戶松蔭曰離地斯無人離人斯無事子苟欲窺人事不若觀地理重輔感服欲成前志恐犯國禁累藩侯出邸亡命變姓名曰澁木松太郎至是二人

相議更變姓名。曰瓜生葛二。市木公太傍徨十餘日。遇一美人托書牘。有言生等欲周遊五大洲。願得假坐貴艦中。百般使役。惟命是聽。吾國海禁未除。此事或傳播。則刎斬立至。恐傷貴大臣仁厚之意。願許所請。委曲包隱。至他年自歸。則國人亦不必追窮往事也。二十七日夜。馳一漁舟。竊詣美艦傍。仰視其大如壑。舟誤入艦梯下。漂蕩殆覆。松蔭咄嗟。直上艦梯。重輔倉皇。攀梯乘艦。遂見美人請載去。美人新與我修好。恐違約不敢聽。論二人速飯。翌日具狀告幕吏。幕吏素嫉象山。謂二人所爲。出象山慫恿。遂捕三人繫

卷上

望

獄幕吏見松蔭。詰其出象山指揮。松蔭正色曰。寅次郎。決非借他人智力者也。吾知國有嚴禁。甘心爲之事。成則上供天朝之用。下報藩主之恩。不成則服斷頭車裂之刑。如此而已。旁人聞之。莫不咋舌。旣而象山被赦。長藩請二人檻致本國。重輔憤慨殊甚。請見父母。然後死。藩侯憐而赦之。未幾果死。年二十五。松蔭在獄。閱歲被處私家禁錮。尋開松下塾。藩士慕風來學者日眾。旣見赦。藩侯見其所著狂夫之言。大喜。命更上言其所見。松蔭感奮。益思報効。會幕府矯朝旨。與美人約開五港。志在大憤。說廷臣上討幕議。五

年五月。閣老間部詮勝奉命上京。收捕黨人。松蔭聞之大憤。激著時勢論一篇。使門人在京者呈諸大原宰相。其大意在合草莽志士。兼論諸藩以畫中興之業。其言稍漏。三位不敢以聞。十月。長井雅樂自江戶。販說者曰。雅樂恐藩主得譴于幕府。勸東觀行賄。免難。又曰。水戶諸藩壯士。謀刺大老井伊直弼。雅樂爲不知者逃去。松蔭憤激殊甚。極言東觀之失。將入京刺詮勝。遂舉義兵。招門人諸友得十七人。作同盟書。竊告之。有司有司畏幕府。再傳命繫獄。松蔭大怒曰。雖死不得從命。門人等亦就有司問罪狀。無敢答者。

卷上

望

先是父常道罹疾。至是漸篤。松蔭仰天號泣。更與有司巽言曰。請得緩數日看護。乃見赦。居家侍父湯藥旬餘。父病少間。因會親戚門生酌酒。泣告別赴獄。常道欣然舉頭曰。往哉。勿患身屈。一時務揚名於萬世。庸何傷焉。明年幕府起大獄。捕志士。傳命檻致松蔭於江戶。松蔭之東也。幕府頗疑長藩。而松蔭常與周布翼長井雅樂議。不相合。松蔭罵之不少假借。於是人或恐其興大獄。松蔭聞之於邑曰。不我知也哉。我以公議罵翼等。翼等恐我過激。誤事故投我於獄。以保護之耳。吾豈不之知邪。吾不能以至誠服幕吏。使



悔過改圖。甯嫁禍他人。以釀國家之害乎。我罵人爲不忠不孝。亦已甚矣。豈不能以一身當國家之難哉。因淚下數行。作歌曰。

嗚呼孤臣。此行萬人觀。生豈容易死。亦難。

既至。吏詰之曰。聞汝向獻匿名書于朝。謀滅幕府。且與梅田雲濱會於長州。密書陰謀信乎。松蔭笑曰。吾何知之上書匿名。丈夫所不屑。吾何爲斯卑劣乎。梅田氏之來我國也。吾既繫獄。吾安得與之謀。公等所問。絕無其實。唯我向疾幕府。專橫上時勢論于大原卿。又謀刺問部詮勝。我唯有此二罪耳。丈夫言誓神。

卷上

聖

明毫無欺。誣從容無畏。憚色幕吏見之大服。其壯烈。遂斬諸小塚原。是爲六年十月二十七日。松蔭死時年二十有九。有絕命歌曰。

親袁思不心爾勝流親心今日能消息何登聞久

良牟

嗚呼松蔭慷慨憂國。遂死于幕吏毒手。可歎也已。然其鼓舞二州志氣。以基維新之運者。全在於此。所以從容就死也歟。其論東北沿海防禦。爲經國急務。尤見着眼之高也。其介松浦竹四郎于阪本鼎齋書。稱此人足跡遍乎天下。尤精蝦夷事。近藤重藏以來一

人其愛才有容亦可以想見矣。文久初。余始識竹四郎。得聞蝦夷之說。而不能服其人。及維新俱官開拓。同升於朝。竹四郎常爭小事。怒見于面。余曲意從之。而已。當時朝廷有若三條岩倉二公。無復松蔭輩豪傑能輔其志者。余承乏柯太全權。竊期有爲。而不能積誠動人。遂致上表辭職。止保一身。可勝慨哉。

金子孫二郎

井伊直弼爭建儲主開港。自爲德川氏一代大事機。遂至擅殺志士。而忽爲金子孫次郎等所刺。若天討之者。豈非人心不可違乎。孫次郎名教孝水戶藩士。

卷上

聖

川瀨七郎右衛門教德二子也。出冒金子氏。初水戶侯中納言德川齊修無子。有弟齊昭。執政等或謀迎立將軍公子孫次郎。與同志力爭。心摧遂立齊昭。天保中爲步目。附時藩有二黨。一曰正。一曰姦。孫次郎與武田正生上書助正黨。後自吟味役。經奧右筆。進郡奉行。弘化三年丙午。齊昭罹讒。得譴。讓國于長子參議慶篤。蟄居別邸。姦黨得勢。停孫次郎職。貶大番組。謂公族松平賴讓訴齊昭冤。本出於孫次郎計。褫食祿。禁錮官舍。後齊昭遇赦。孫次郎得販家。嘉永六年癸丑。復爲郡奉行。後三年進班。先手同心頭。安政三年丙辰。國

中大風雨。田穀不稔。齊昭召孫次於江戶。即問之。孫次細陳其狀。上救卹策。齊昭賜和歌賞之。孫次在職十五年。興學校。均田賦。部內大治。嘗著一書。論檢田法。晝殖產。策名曰恩之露。前此郡宰有吉成信貞。與人頌之。孫次與信貞齊名。五年。朝廷賜別敕于慶篤。孫次與若年寄杉浦安馳赴江戶。即勸慶篤速奉朝旨。幕府聞之。捕水藩家老安島帶刀。京師留守居鵜飼吉左衛門等。使京都所司代酒井若狹守抵傳奏。廣幡中納言奏。請奉還敕書。曰。是爲政令出於二途。乃大亂之基也。強之然後可。於是閣老安藤對馬守

卷上

聖

信正抵慶篤許。勸奉還。正黨諸士聞之。怒曰。主上倚賴我君。特賜赦書。在武門爲無上之榮。如何無故而奉還之乎。萬一有赦奉還。宜直獻之朝廷。甯容幕人關涉乎。藩吏不能制之。告信正。緩還納期。不聽。曰。濡滯則將不利於主家。藩吏懼。報之水戶。羣議紛紛。不決。家老大場主膳正景淑進曰。是殆非眞朝命也。苟從幕人所爲。則必違尊王之道。亦非佐幕之義。一旦雖飯無事。終致國勢不可振起。然亦不忍抗之也。將奉敕書赴江戶。壯士等益怒。將要諸途奪之。屯聚各處。慶篤聞之大驚曰。自非金高。誰能鎮之。金高謂孫

次與高橋多一郎。二人氣節名望。爲一藩所推。故有此稱也。二人受命往諭。使眾退散。而其心大憤之。相議曰。姦臣蔑如朝命。壞亂祖制。親外夷。殺義士。無所顧忌。恐德川氏二百餘年之業。忽焉墜地。宜斬姦臣。斷禍根。乃與薩藩土岩下佐次右衛門方平。有村雄介兼武。堀忠左衛門貞馨等。密相謀以窺之。及幕府命俳齊昭于水戶。孫次等亦將去江戶。同志某來請速舉事。孫次謂大事不得疎忽。萬一有錯。禍且不測。宜潛匿以待時機。約後期歸水戶。則見禰祿屏居。後幕府又傳朝命。督奉還赦書。孫次以爲好機。與多一

卷上

聖

議。報江戶同志。適堀貞馨等將叛國。曰。請姑待之。孫次謂機不可失。且誅一姦臣。不須多人。甯可猶豫乎。多一以爲然。欲抵西國募同志舉事。而孫次意以明年三月三日爲期。明年二月二十八日與其子勇次郎俱發家。書和歌于屏風曰。君能爲米世。能爲米盡。須眞心。波二荒。能神毛見。曾那波須良牟。又贈一封書于藩吏。稱將捨身犯難。以雪前公冤。兼俾公奉行敕旨。請以聞。遂變姓名曰西村東右衛門。取問道抵江戶。見有村雄介告之。雄介感歎。且曰。同

人有故飯藩矣。斬姦一舉。請委我兄弟。孫次不聽。曰。姦人而不得興勤王之兵。則是大業不成也。今日此舉。且試少壯輩伎倆。果能了之。則與君俱上京。乘機舉義兵耳。君馳飯。說君侯率兵東上。則鎮西志士不招而至矣。此事非君不可。雄介以爲然。留其弟治左衛門入斬姦隊。三月朔日。同志士來會于孫次僑居者十餘人。歎寡弱形於色。孫次扼腕曰。所日唯一人耳。以十餘人當之。何難之有。以爲難也。某雖老請先登一座以爲然。且曰。不煩先生下手。吾輩拋身了之。先生宜保餘命。舉義兵。異口同聲而應。孫次乃

卷上

兇

授方略曰。宜分爲二隊。一人走出衝敵前驅。則彼將驚惶失度。因自左右起。日轎斬入。卽獲其首。一人提首而走。一人持訴狀。首告老中邸。一人入大藩諸侯邸。一人馳來報我其狀。飲酒徹曉。乃訣。孫次與雄介俱宿品川驛。以族明日報。翌早遽大雪。十四人身纏簑笠。爲微者裝。在櫻田門外。以埃直弼登營。頃之直弼駕轎而至。從士數百人。擁衛前後。森五六郎奮前向轎。發小銃。攔前驅。敵眾呼狼籍。欲縛之。五六郎捨銃提刀。我眾自左右齊起。稻田重藏與敵格鬪。身受十餘瘡。卽死。山口辰之介遇敵黨河西某。疾鬪傷數

人。大呼好男兒。直斬之。身負傷不能步。屠腹死。有村治左衛門多殺敵眾。隔轎簾刺直弼。身負深瘡。廣岡子之次郎獲直弼首。與治左走至龍口。瘡重不能行。授首邏卒。同治左屠腹死。其餘諸人皆能勇鬪。殺傷過當。敵眾潰散。二人聞之。晝夜兼行。抵伊勢國四日市會薩藩有司坂口某在旅舍待雄介至。將護送之。之其國。雄介告孫次同抵伏見。號召志士。孫次從之。入薩邸。時櫻田變達上國。幕府傳令部索黨與甚嚴。同志之徒所在潛匿。無復一人來會者。將從雄介赴西國。以窺世人動靜。上密書于薩侯。自陳其誅除姦

卷上

平

魁。謂乘此機鼓舞志士。正幕政。除外患。以安宸襟。宣皇威。會某不許。孫次同行。獨監護雄介而去。孫次知其難免。出懷中文書盡焚之。十五日。伏見奉行使捕吏數十人來圍邸門。孫次端坐就縛。吏押送江戶。保管稻葉伊豫守邸。文久元年七月二十六日處斬。時年五十八。三年七月。幕府奉朝旨。追赦其罪。自小塚原歸葬水戶。使子勇次郎繼家。初櫻田事終。佐野竹之介。大關和七郎等。就開老脇坂中務大輔及細川越中守自首。其文陳斬姦意甚詳。皆係孫次與多一草案。多一以二月十八日發水戶。挈子莊左衛門而

行。路經岐蘇。三月三日達太田驛。遇大風雪。欣然顧莊右曰。此天助我也。事必成矣。吾亦急舉義兵耳。兼行抵大坂。會同藩人謀義舉。大喜作主意書。呈緒紳某氏。遂達御覽。而幕府搜索甚嚴。使捕吏數十人來圍。乃遁入四天王寺。剃髮於腹。將布緊縛。提血刀咄嗟向吏。將陳事由。壯氣凜然。眼光射人。捕手皆靡。無敢來近者。遂投坊官小川俊直家。請借一間房。書絕命詞。徐解布深剗。及血淋漓噴迸。莊右以其血大書誅賣國姦賊井伊云。數字於憲紙。亦賦絕命詞。剖腹殉父。多一年四十有七。莊右十有九云。二人暗殺

## 卷上

至

之行。不可爲訓。而天下聞者莫不爲快。豈非井伊氏擅殺使然乎。井伊氏建儲墨守祖法。而攘夷則不從舊章。固如不得已者焉。殊不知賔懷之說。雖非人情。自祖考傳之。以爲舉國大典。人心習與性成。牢不可破。而無善處之者。曾不使諸藩志士遊歷海外各國。以察其形勢情俗。一心進取。以役其不平之氣。必欲以威力克之。以保寵祿。庶幾永世無事。是其所以致自滅之禍。而促幕府之顛覆也。

## 大橋訥庵

嘉安間江戶儒士以正義鳴於世者。其人頗多。而大

橋訥庵實爲之稱首焉。訥庵名正順。字周道。稱順藏。訥庵其號。父曰清水赤城。上野國赤城村人。住江戶。修長沼流兵學。名聲噪于一時。諸侯以高祿招之。不應。訥庵幼好讀書。懷大志。深沈有英略。年可二十。入林氏及佐藤一齋門。夜學無油。至請友人一匕點燈。其學大進。人勸其開門戶。聚弟子。訥庵不聽。曰。無財不得養人。古云。儒者樂清貧。是遁詞已。吾欲爲國家教育英才。可無豪富合力乎。有大橋澹雅者。家素富。識見過人。嘗訪一齋語之曰。吾嘗散金穀救窮民。彼皆不學無智。不能裨益國家。吾熟察世間。有財者無

## 卷上

至

學。有學者無財。若分財於學者。使行其道。則必爲廣益矣。一齋擊節稱善。使見訥庵。淡雅大喜。遂配長女使襲己後。訥庵時年二十六。開家塾於墨水西涯村松坊。聚教生徒。生徒日眾。名聲漸興。尋仕宇都宮藩。列士籍。嘉永末年。美艦來請互市。幕府命大學頭林健等往接。訥庵見健論事。健不能用。訥庵怒。絕交不復踵其門。上書幕府。陳其大害。又著元寇紀略。海內士氣爲之風靡。尋屏居小梅村。著關邪小言。辨耶蘇教流毒。洋人譎詐。其書尤爲世珍賞。幕府不省。迨幕府與外人假訂條約。延接使臣于江戶城。訥庵不堪

痛憤賦詩曰

倉皇折膝拜夷蠻。苟且何知釀後患。恨殺滿朝林  
立士。一人無復似椒山。

聞內勅下水戶藩大喜。詣水戶邸與同志謀。論建甚  
力。安政六年己未十月。賴三樹就刑。訥菴自至小塚  
原收其尸。建石表墓。幕吏見之。命倒之。未幾。大老井  
伊氏遭害。幕吏大按其獄。訥菴上書陳其不可不聽。  
尋聞閣老安藤對馬寺信睦煽井伊氏遺焰。拒逆朝  
旨。按廢帝故典。訥菴益憤。乃與外國奉行堀利熙謀。  
極諫信睦。信睦不納。利熙遺書自盡。訥菴奮激。謂幕

卷上

書

威內衰。外寇外侮。皆非奉還兵權于天朝不可。文久  
元年九月。命門人上京。就正親町岩倉諸卿獻秘策。  
其中有言。今日朝廷似微弱。而實強。幕府似強大。而  
實弱。朝廷會勃興之運。幕府近衰斃之秋。時水藩人  
平山繁藏下野人兒島強助與訥菴妻弟菊池孝兵  
衛謀刺安藤信正。來請教。不聽。曰。時機未熟。有毛利  
氏支族毛利築前家人多賀谷勇武州本莊鄉士尾  
高長七二人。持孝兵衛手書來。謂訥菴曰。輪王寺宮  
在日光。左右無其人。往奉之。使孝兵衛輔之。誘宇都  
宮藩士據築波山。招水戶結城兵。先生坐帷幙。籌畫

則攘夷先鋒必屬我矣。訥菴掉頭曰。尚早。以戒輕舉  
二人心不自安。去江戶馳赴近國。稱訥菴舉義兵。多  
陰來會者。時有佐賀藩士中野晴虎稱方藏。入訥菴  
門。與勇長七等遊說近鄉。爲幕吏捕死于獄中。嘗贈  
書其友大木民平江藤新平等有言曰。有一二大藩  
出兵護京。主上下勅幕府奉還政權。沒收其管轄諸  
地。更給百萬石。使家人有才能者。得列朝臣。其諸藩  
則使保封邑如故。然後改門閥世官之舊制。擢用俊  
傑。無論士庶。陪隸則皇室之中興亦不甚難矣。其見  
蓋出干訥菴而擴充之者也。十一月八日夜。勇長七

卷上

書

及河野通桓小山朝弘等三十餘人。齊迫訥菴斷行。  
訥菴懇諭。前日獻已策於朝。且曰。攘夷勅下。則宜奉  
宮推孝兵衛助之。吾將西上有所爲。苟背勅旨。則雖  
奉宮。無與叛人異也。眾以爲然。約後期去。尋繁藏等  
屢過訪。訥菴乃授方略。作斬奸趣意書。與同盟規約  
書與之。繁藏等大喜。未幾。得京師消息。報之孝兵衛。  
將西上。號招同志。明年正月。宇都宮藩士岡田眞吾  
松本鎮太郎二人。欲推一橋刑部卿爲將。糾合水藩  
諸士以舉義旗。介一橋氏臣山本繁三建言刑部卿  
繁三反覆告之。幕府幕府遠捕訥菴。併幸兵衛囚之。



三島等聞之。恐事覺。誓死決議。十五日。要擊信睦于坂下門外。信睦負傷。而從士多死。三島等亦力盡。皆戰死。訥菴在獄。未知其變。幕吏謂訥菴與謀。嚴加詰責。訥菴應曰。吾與同志議者。在於仰奉朝旨。匡正國家。大典其他。毫無與知也。幕吏疑益甚。拷治愈嚴。身體瘵痺。困臥數月。病漸篤。賦詩曰。

刑屍累累鬼火青。枕頭時覺北風腥。婆心憂世夜難睡。起自窗端見大星。

七月七日。幕府命幽訥菴于藩邸。十二月終病歿。年四十有七。訥菴學術純正。特精性理。初主王學。後歸

卷上

雲

朱子。其講經也。辨舌如流。聽者心醉。兵學據家庭遺訓。參酌新說。尤留心於防海。世或以其主張攘夷。故或目爲不通海外事情。殊不知太平日久。人心怯懦。畏敵如虎。自非一戰。不足以振起之。故爲此說也。一日。諸儒會議時事。或問訥菴曰。近聞先生探查西洋情形。如與平生持論相反者。幕府命先生使外國。則諾之否。訥菴曰。然。隨俗更後。屈膝穹廬。雖死不能耳。堂堂威儀。若古遺唐。使則可應命也。座有小笠原敬齋作色曰。生君子國。汚身醜夷。不似先生之言。豈有異故乎。請教之。訥菴不敢抗曰。吾子誠正直學者也。

卷上

雲

笑而止。訥菴教生徒。不加譴責。諄諄誘導。自然服正。興起忠孝氣節。門人唱尊攘殉國家者甚多。文久初。余見安井息軒。談及訥菴。息軒陋訥菴。又見若山。勿堂問訥菴爲人。勿堂大排訥菴。余未知其孰是非。而歎政府用人之難矣。勿堂阿波人。稱壯吉。受學鉄野復堂。復堂嘗在古賀精里門。飯國與柴碧海齊名。稍相隙。落魄終身。其門有勿堂及余舊師岩本贅菴等。勿堂抵江戶。入佐藤一齋門。爲其女婿。而一齋外孫。盡治爲訥菴義子。勿堂謂其爲訥菴誤。勿堂旁修兵學。不讓清水赤城。下帷兩國坊。與息軒訥菴等爭衡。其門有若勝安房板垣退助。土方元諸人。亦異常人也。余謂假令三人並立於朝。則其不致反目交關者希矣。孰能左右之者。不有君子其如之何。顧息軒訥菴等諸人。有功于世道人心。決非後世少年才子所企及。少年才子則厚祿大官。門庭生光。而諸人則落魄以死。曾無贈位等榮其身者。獨何與。

堀利熙

幕人主攘夷。好容正議。敢進取者。莫如堀利熙。利熙字欽文。初稱省三郎。號有梅。拜織部正。幕府旗下士。堀伊豆守利堅之子也。幼好讀書。長以經國自任。安

政中。擢監察。轉兩館奉行。既而爲外國奉行。當此時。天皇下攘夷之詔。而外人益猖獗。屢侮辱我民。利熙奮激。說諭外人。使之謝無狀。時論違之。而閣老安藤信正等。謗外人。嘲喝將築其館於城南御殿山。利熙切諫。信正勵聲喝之。利熙歸家。慨然作書遣信正。有言曰。

嚮不顧微軀。激論妄答。其罪當萬死。乃碎肝腦絞腸血。聊述鄙言。閣下請少容焉。墨夷都督微行貴邸。專論我政務。閣下共被同餐。尊之如師父。遂許刑典數部。彼醉倒之餘。戲於閣下侍妾。閣下許而

卷上

善

與之。彼請築居館于御殿山。閣下遂許之。此既犯大義者。莫甚焉。竊聞彼專論廢帝之事。閣下使國學者。按我舊典。私議其事。吁。謂之何哉。實天下大賊。天誅所不容也。某今屠死。其言也必善。閣下請少容焉。臨書不勝泣涕。

乃屠腹而死。年四十三。實萬延紀元冬十一月五日也。書入信正。勿聽利熙。乃召其僂從河野顯三曰。古稱主辱臣死。汝勿忘此語。顯三感激。窺時。於是乎有坂下之事焉。初利熙之就任箱館也。專心防海。善御管內。剪榛荆。闢道路。傳種痘法于夷落。始乘兩桅船。

發函館至品川灣。水戶侯德川景山。貽國詩激獎之。嘗巡視蝦夷。過西岸神岬。凡船過此。必具酒牲虔祇盡禮。謂不如此。則風浪忽起。舟乃覆沒。且嚴禁內地婦女至岬。以北謂有大變也。利熙曰。吾奉命巡視邊疆。將大拓開之也。何物妖神。敢妨沮之者。向其祠發巨砲而過焉。土人始悟其妄。婦女亦得到小樽石狩等。札幌。有在住士民。亦創於此時。利熙遂巡視東西岸。抵柯太。撫綏土人。東北至盤香。西北至幌子谷之地。而販文久中。余航柯太。抵雷石香。有小祠。祭八幡太神。土人謂織部公所建。公巡視至此。止嘖嘖賞其

卷上

美

功德。先是行奧地者。有間宮倫宗等。倫宗航滿州。抵寧古塔。而販利熙使從者。視察奧地。而後行者數人。並未達極北。鵝小門也。余自任柯太數年。始獲一周全。嶋八百里。及維新。奉命董督全島。始募男女徙住其地。撫育土人。達極北奧地。聽肉分小六子。諸夷販化服役。皆從幕府撫蝦夷之法。實因利熙等爲之首唱。利熙母林氏。實大內記林述齋之女也。其學術蓋有所自。其在家也。儉素簡朴。絕無幕吏驕奢之風。庭多種梅。退食之後。吟咏其下。因有有梅之號。常慕諸葛亮陶潛爲人。嘗詠懷曰。

曠世奇才。欽兩賢。行藏易地業皆然。氣節千秋出。師表清高。萬古去來篇。苦辛本識。由三顧忠勇。無心戴。二天男子功名應。若此縱教一醉曲肱眠。其抱負蓋如此。殆幕末偉人也。其遺安藤氏書。或稱非其手筆。而安藤氏聰敏忠誠。決非如書中所云。此說也。余喜聞之。然當時其書傳播天下。家家誦之。而無復一人爲之辨駁者。何歟。拓地之事。余推利熙爲第一。余柯太之任。與利熙無異。遇豪傑紛進。責余撫育。照舊。余憂悶欲死。遂辭罷。其慙利熙多矣。

卷上

堯

大日本中興先覺志卷下

大日本 岡本監輔撰

宮部鼎藏

自嘉永中外船始至。開鎖之說。囂然鼎沸。徧乎天下。諸藩有志之士。奔走四方。以企義舉者。前後相望。不堪屈指。而其主攘夷者。不能無過激之弊。動便殺身。不顧。然皆由至誠憂國致之。大適人心。以救開港之失。所以能奏維新之功。不受外客之侮。若宮部鼎藏。眞木和泉。平野次郎。亦爲其出類拔萃者也。宮部鼎藏名增實。號田城子。鼎藏其稱肥後國益城郡田城

卷下

村人也。家世業醫。父曰素直。有子三人。鼎藏其中子也。自幼敏銳。好學。有大志。不屑爲醫。從伯父增美學。山田氏兵法。增美愛其才。養爲子。嘉永二年己酉年三十。奉藩命襲義父職爲師員。益尙氣節。慕高山仲繩爲人。慨然以尊攘自任。遂告藩主。周遊天下。歷訪志士。數歲而返。受業者日多。四方志士遊鎮西者。必叩其門。鼎藏皆善遇之。嘉永六年癸丑。美艦入浦賀。頗驕傲。鼎藏不勝憤慨。再告藩上。赴江戶。同志永島轟二氏尋至。乃與佐久間象山。吉田松蔭等謀。將有所爲。而幕府怯懦。遂講和。松蔭奮然。欲投美艦。以窺

海外形勢。鼎藏壯其志。脫佩刀以瞋之。松蔭事敗。見捕。鼎藏歎曰。大事去矣。上船抵伊勢。拜太廟而飯。大開家塾。講明尊攘大義。弟子愈進。遂爲有司所忌。安政三年丙辰冬。弟大輔以事被幽囚。鼎藏亦從坐。被褫職。而豪氣不屈。躬耕於郊。有詠懷作曰。壯士悲秋。秋已闌。荏苒歲月。曉星殘。一天慘澹。忤氛暗。半世蹉跎。豪骨寒。

文久二年壬戌。出羽人清川八郎來訪曰。幕吏跋扈。不奉勅旨。朝廷大憂之。四方豪傑。奔走王事。吾子何爲安然送日也。鼎藏聞之。遽拉門生。走京師。謁中山

卷下

二

中將。訪草莽志士而飯。遂之陸。見有馬新七。田中謙助等。聞其欲果義舉。於伏見。飯與同志建白藩主。舉國殉大義。時藩士大夫皆主佐幕。謂勤王越俎也。爲勤王公卿士庶擯斥。鼎藏憂之。朝謁公族。夕訪巨室。百方論辨。遂能一定藩論。十一月。藩主使其介弟護美帥兵守衛禁闕。鼎藏與住江轟二氏先入京師。於是熊本藩正議之名始顯于朝野。時有報外船連合將寇浪華者。輦下人心洶洶。朝廷諮問在京諸侯。鼎藏巡視攝泉沿海。作地圖。附防禦策獻之。三年二月。藩主將朝京師。護美飯國。鼎藏等奉藩命留京。四月

飯國五月朝廷復徵護衛之士。鼎藏與五十餘人入京。時諸藩衛士在京者三千餘人。三條公實美爲之總督。推鼎藏爲曹史。詔將詣伊勢太廟。幸大和親征外夷。鼎藏實參其機密。八月廷議遽變。勤王公卿士庶多奔長防。鼎藏乃去京抵阿波。轉向土佐。鎖境不得入。露宿山中者數夕。深秋落木。鹿鳴呦呦。賦和歌數十首。皆寓愛君憂世之意。使人感歎垂淚不已。困頓而還。從三條公于長門。侍其左右。公與長藩議欲奉前勅。明年夏。又使鼎藏諜京師動靜。鼎藏變姓名入京。寓三條橋西客棧池田號。時守護職會津侯容

卷下

三

保搜索勤王諸士甚嚴。鼎藏與同志謀將乘夜襲之。一夕糾合義故。飲于樓上。義故未悉聚。反爲會兵所襲。眾奔逃。鼎藏憤慨大呼曰。何遽受奴輩縛乎。乃自刃。實元治紀元甲子六月五日也。時年四十有五。鼎藏容貌溫和。接人不見圭角。然臨大節則敢言剛直。不可奪也。性至孝。雅言人苟不孝。其才雖美。亦禽獸耳。其教子弟。必自孝經始。幼喪父事祖母。與母苦節。力行多人所不堪者。藩管旌賞之云。是時來會者松田重助。範義肥後人。從鼎藏學兵法。奔走東西。勤勞王事。是夜爲捕手圍。關至死。年三十五。範義嘗在長

卷下

四

州其弟信道自京飯國。途次來見。因謂之曰。汝疾飯灰國。我當灰于輩下。身雖微賤。所任甚重。可不勉哉。揮淚訣別云。吉田年麻呂秀實。毛利氏小臣。從吉田松蔭刻苦學兵法。是夜遇敵來圍。脫走抵河原町。藩邸束裝提兵而出。爲敵眾來蹙。遂殞命。年二十四。松蔭常愛秀實守教。與久坂通武高杉春風并稱爲己良藥云。望月龜彌太義澄。高知藩人。從勝安房修航海術。是夜在樓上。見敵至。拔刀斬一人。飛下而戰。又斬二人。走至戶外。見敵來蹙。傷二三人。敵無復來近者。謂宿志難酬。乃屠腹。年二十七。其餘奮關不克而死者數人。有西川耕藏直純。京都書商。講道學窮易理。不喜記誦詞章。自父時爲北村某別戶。輔幼子再興其家。保庇志士。爲梅田定明修故宅。行追悼儀。坐池田號之變下獄。明年二月病死。年四十二。明治元年官憐直純幽死。給其孤女二口糧終身。鼎藏僕國友常吉。熊本人。嘗從鼎藏上京。當七卿西奔。鼎藏將抵長防。講回復策。志在必死。授金常吉使飯報家人。常吉欲與死。不敢聽。鼎藏感賞曰。吾過矣。明年上京。常吉留守。未幾。聞鼎藏遇刺。大憤。上京戰於輩下。殆死纔免。乃飯長防。欲再從君。及長人謝罪弭戰。不堪



憤慨自刃死。烏呼。鼎藏與吉田松蔭爲膠漆友。忠孝性成。服勤盡養。能得內外懽心。眞廊廟之器也哉。今聞其墓在西京三條。三緣寺中。門人故舊。纓樹石以表之。若與松陰和泉諸士絕席者。何其不偶之甚也。

### 眞木和泉

眞木保臣。稱和泉守。號紫灘。筑後國久留米邑水天宮祠祝也。父曰旋臣。家世敘從五位。并和泉守。是爲神職特例。保臣爲人慷慨。嘗讀會澤正志新論。欽其爲人。負笈抵水戶。爲其弟子。旣而販鄉。論時事上書。

### 卷下

五

藩主得譴幽其弟大鳥居信臣家十餘年。安政五年戊午春。幕府閣老堀田正篤上京。請開互市。保臣聞之大憤慨。竊上封事於三條內大臣實萬。不暴于世而免焉。文久二年壬戌。薩藩士大久保利通自京師販路經筑後。保臣見之。事寢覺。藩議將禁錮之。遽逃亡。夜深入薩。其弟信臣亦逃。自料不免。乃屠腹。無幾島津久光上京。志士會於浪華。謁久光謀義舉。久光止之。徐除幕吏。恢復皇室。不聽。保臣適至。亦從其議。眾推保臣爲首領。薩藩諸士諫其過激敗事。押送筑後而幽囚焉。明年己亥。有朝旨赦之。保臣自長門入。

京出仕學習院。爲公卿所禮遇。益感激盡力王事。三條公尤信任之。議旣決。將託言行幸大和。移蹕函嶺。以正幕府之罪。事覺。毛利氏蒙譴。七卿西奔。保臣隨行。常參帷幄。長兵之入京也。保臣與久坂元瑞等俱爲忠勇軍隊將。據天王山。日詣石清水神祠祈攘夷功。而長藩老臣不勝眾怒。遂率眾而進。來島政久等將攻松平容保於關下。保臣止之弗聽。因出兵應之。元瑞死之。保臣傷股。血流淋漓。不屈。率眾走天王山。自刃。年五十二。是爲元治紀元甲子秋七月二十一日。明治元年戊辰。池尻某爲保臣等十七人。建石於寶寺塔前。五年天皇賞保臣首唱大義。定賜祭資料。每歲十石云。保信筑紫之雄也。不得際會風雲大行其志以死。不亦惜乎。

### 卷下

六

### 平野次郎

平野次郎名國臣。福岡藩士也。自幼好讀書。講武技。慕高山仲繩爲人。嘗抵江戶觀寬永壇上二寺壯麗。有過禁闕。深慨皇威不振。安政初。遮藩主駕。上意見書。殆見禁錮。聞幕府不奉攘夷勅。作歌曰。斯久計惱。流君能御心。袁安美奉禮。那四方能國。

人

蓋討幕之意起於此時也。五年壬子登京。與清水寺僧月照等糾合同志。幕吏探知督捕。遁抵薩摩。倚西鄉隆盛。航海走日向。會隆盛。月照相持投海。命棹夫援之。月照死。隆盛甦。二郎膽落。將自刃。爲月照僕重助者所止。乃登陸。葬月照。變姓名入京。時閣老間部詮勝入朝。搜捕志士益嚴。謁近衛公告月照顛末。呈其密書。公大喜。遂佯爲商賈。奔下關。匿白石正一郎家。往來肥筑。始訪真木保臣。保臣以爲間諜。辭以得譴屏居。二郎作歌示之。保臣一見以爲非常人。乃和之出面。聞其所論。益感服。欲以已女配之。不從而去。

卷下

七

抵肥後。寓宮部鼎藏等家。可一年。遇田中河內介清川八郎等來勸義舉。謂之烏合。不敢從。文久元年辛酉。再入薩。著尊攘英斷錄。及培覆論。培覆言培王室覆幕府也。島津久光覽而大嘉之。賜金十兩。乃去。抵久留米。建石燈一基于高山。仲繩墓前。和泉之將入京也。就伏見墨花院候人吉田重義上書。陳幕吏按廢帝舊例。天下義士扼腕憤激之情。謂速下詔。拔浪華城屠二條城。火彥根城。使久光入京。掃蕩幕吏。解粟田宮幽囚六師。東征以雨嶺爲行宮者。是爲上策。而及中下策。適聞藩主黑田齊博將觀幕府。次播州。

大倉谷將見和泉沮義舉。齊博者久光之從王父也。與薩人伊牟田尙平往謁。陳義旅雲合之狀。以促勤王。齊博大驚。稱病遽返。二郎復諫曰。今興義舉。則其忠烈實爲海內寡二。而託病返藩。則必爲世人所指目。自非他日奏偉功。不得雪此污辱。若病狀虛實。幕府必將探知之。彼有譴我而我不服。或動干兵。則是名不正而事不順矣。未如決志勤王。以鼓舞一藩人心也。且此舉雖使關東知之。毋傷也。僅僅數十百浪士橫行京攝間。而幕吏無如之何。堂堂大藩而上下一致行事。安能抗之乎。今發使熊本。岡二藩以誘之。

卷下

八

熊本有長岡佐渡。岡有中川土佐小河一敏。彼皆主勤王。將爭先來同。猶火就燥。水就濕。三藩合爲一連。久留米。柳川及山陽南海諸藩。以朝京師。是兵法所謂初如處女。後如脫兎者。人將稱今日虛病。曰一時謀略也。此議一決。則臣雖不肖。請直上京。就列卿請綸旨。其爲鎮西勤王之首唱。決不容疑矣。大凡兵貴拙速。藩祖龍光公遺訓有之。雖隻履而行。神速則有功。伏願今日大駕臨藩。必期二十日再上洛。齊博益驚。謂若輩在他國。必釀奇禍。命使扈從抵赤馬關。遽捕之。押送本國。繫諸獄舍。獄中禁用筆硯。因捻紙爲

縷作文字。著盡忠錄二卷。體勢辨。制蠻策。征寇說。固  
圍集。神武必勝論。各一卷。字體巧妙。有雅致。見者莫  
不驚歎。其飯器有稱信玄辨當者。拔已髮貼器底。製  
一絃琴作謠曲。寓獄中日長可樂之意。播琴音以破  
寂寥。明年三月見釋。爲徒罪課屬吏。先是同志田中  
河內介有馬新七等。皆爲人殺。二郎獨以在獄免。五  
月上保國策一篇。陳守衛畿內一處及連衡鹿兒島  
中津久留米三藩等策。八月奉命上京。出仕學習院。  
會中山忠光舉兵大和。奉命往鎮之。而朝議一變。諸  
公卿出奔長門。二郎遁至山陰。爲幕吏追跡。踰山出

卷下

九

播磨。抵周防。謁七卿。將應援大和。遂推澤宣嘉爲首  
領。一隊十六人。以十月五日乘船發三田尻。八日達  
播州鹽濱。聞忠光敗而勢不可中止。十一日夜襲生  
野官衙。取之。遣使於京訴冤。翌日傳檄國中。聲幕吏  
專橫大徵兵食。諸藩聞之。出兵來攻。我兵見之。稍稍  
逃散。存者不過十餘人。十四日自山上馳下。從橫疾  
鬪。力盡自殺。二郎使宣嘉南走。身亦將遁去。爲豐岡  
兵認知。奮鬪殺傷數十人。竟見擒。敵兵檻致京師。繫  
六角獄。明年長藩兵薄禁闕。幕吏恐二郎等脫走。出  
志士三十六人於獄。悉刎其首。國臣時年三十七。是

爲元治元年七月十九日。二郎眞高山仲繩之流亞  
也哉。讀其傳。使人或泣或笑。泣爲二郎笑。由他人鳴  
呼其亦偉矣。

有馬新七

文久中尊攘之論大起。壯士雲合響應。殺身無所回  
顧。後人笑其過激。而未得謂之非正義者。其誠使然  
也。若有馬新七等。不其然乎。有馬新七。名正義。新七  
其稱。鹿兒島藩士也。父曰榊四郎兵衛。出繼有馬氏  
後。四郎兵衛死。正義承之。少壯遊江戶。修闇齋學。善  
詩歌。達劍術。安政五年戊午。外人來謁將軍約貿易。

卷下

十

天皇震怒。別勅水藩攘夷。新七聞之。慨然與同志謀  
將奏關東事情。除姦吏攘夷狄。以達藩主齊彬之宿  
志。與藩人日下部伊三次。水藩人鮎澤伊太夫。江戶  
人勝野豐作。俱西上。聞西鄉吉之助。海江田武次。伊  
知地壯之丞。三人在四條客舍。往訪之。吉之助招其  
友。偕月照。見新七。新七細書時事。示月照。月照呈之  
近衛左大臣。遂供御覽。新七感激告月照。勅諭諸藩  
誅除幕府姦吏。月照大然之。說左大臣。與吉之助謀  
將使新七奉勅書寫本。如江戶。達土佐。越前二藩。會  
月照避難西奔。遽告別。赴關東。先是京都田中河內

介出羽清川八郎筑前平野次郎肥後宮部鼎藏久留米眞木和泉等。前後入薩摩。因屢通密書。謀竅島津久光上京舉事。至是新七與越前橋本左內長門山縣半藏會議方略。無何日下部橋本等就縛。乃曰遷延不決。吾黨無遺類矣。縱除井伊。猶有間部酒井等在。因與常陸櫻任藏竊入京。欲訪大久保要於大坂。任藏聞幕府跡要甚急。勸新七販藩埃機。會新七從之。乘船會風起未發。復間行入京。將刺間部詮勝。不果。聞藩主修理大夫由海路到。伏見往獻一封。討幕攘夷。不通。受命販國陰與田中謙助等謀。日夕揣

卷下

二

摩弗措。文久二年。島津久光將上京。以繼先君遺志。時新七及謙輔等侍左右。將命多藩士來訪者爭欲扈從。扈從者一千餘人。自海路行。四月十日達大坂。久光分兵爲二。留一隊于大坂。以備不虞。命一隊隨行。十三日達伏見。遂入京。先是西鄉吉之助上京。寓其藩邸。眾欲推之爲首領。藩議不聽。送還吉之助。眾大憤。欲果其志。益急。時諸藩浮浪激烈之徒數十人。來往大坂藩邸。屢畫密計。清川八郎遲其議決。罵曰。是何因循也。將挺身舉事。朝廷聞而大憂之。懇諭久光鎮之。久光恐惶奉命。欲以一死謝之。辭色並決。侍

臣察知。而他人傳聞焉。奔走抑制甚力。先是江戶祇役之士柴山愛次郎弟子丸龍助橋口傳藏伊集院直右衛門等。報其老臣島津某脫江戶還大坂。至是與新七謙助等合謀。先襲關白九條氏。除所司代酒井氏。合朝幕爲一。以果攘夷之舉。西鄉新吾大山彌助篠原冬一郎等皆決死贊之。報諸各藩同志。爲留守居某所探知。終達久光耳。而莫旣決。不可中止也。二十三日昧爽。柴山橋口伊集院弟子丸等九人。自中島逆旅發。新七及田中西鄉篠原是枝等二十七人。自藩邸發。皆乘船溯淀川。久光聞之。命奈良原喜

卷下

三

左衛門海江田武次往諭之。二人下淀。見是枝萬助等于船。喜左致命。不聽。喜左大怒。欲斬之。共死。謂君命重。懇諭販報。久光命小松帶刀鎮之。帶刀傳命奈良原幸五郎江夏仲左衛門道島五郎兵衛山口金之進鈴木昌之助鈴木勇右衛門大山格之助森岡善助八人分道馳赴。久光更諭之。口吾受命鎮撫。浪士假令我藩一士黨之。將有何辭謝罪。有拒命者首足異所。幸五等受命而出。抵伏見淀橋。知新七一行會於寺田號客棧。直赴之。請面新七。橋口傳藏醉臥樓上。勵聲曰。無有矣。有馬新七。抑請見者誰。江夏森

聞二人問之曰。是必詐也。直登樓。沒階而窺。眾將出。頗雜沓。見新七謙助愛次郎等團欒而坐。謂之曰。諸君有用談。請下樓來。用談猶云公務也。愛次郎曰。果用談也。則往矣。徐徐下樓。新七壯助謙助亦接踵而下。幸五傳久光命。急抵錦小路邸面陳。且語時勢與久光意中。曰。此舉決意中止。新七等固執不聽。言涉過激。有大聲叫者。曰。事既至茲。何論是非。道島五郎兵衛直呼上意。祈謙助眉間。眼球迸出。卽斃。山口金之進。勵聲叱咤。斫愛次郎肩。愛次郎挺受其刃。愛次郎名道隆。攻苦修文武。嘗歎皇室式微。登霧島山。潔

卷下

三

齋七日。以祈國家安甯。先是語同志以不抗上意。至是。死果如其言。新七見之大怒。拔刀擊五郎。交鬪三四反。互負傷。新七刀折不暇。拔副刀。手搏五郎。壓之壁。大呼曰。與予併刺。有應聲而貫之者。二人俱斃。新七時年三十八。而樓上人曾不之知也。聞紛擾聲。不知有何變異。弟子丸龍助下階。大山格之助自下。斫其腰。創彌重。不屈。舉刀與數人格鬪。斃亂刃中。橋口傳藏繼下格之助。橫擊其足。傳藏直前赴之。轉踏終見殺。西田直五郎亦下。上床敬藏執槍自下突之。乃仆。森山新五左衛門上厝將出。聞爭鬪聲。直橫刀向

之。身負數十創而仆。橋口壯助奮鬪。負深創。自肩及乳。氣息將絕。見幸五在前。請一杯水。幸五汲而與之。壯助欣然曰。我輩雖死。尚有卿等在。毫無遺憾。天下之吏。幸善謀焉。言畢而瞑。時事起倉卒。旅客狼狽欲爭先遁走。紛曉殊甚。美玉三平在後房聞之。以爲伏見奉行使捕手來圍。大呼曰。敵兵至矣。宜縱火快戰。舉坐大驚。吉田清右衛門西鄉新五伊集院直右衛門篠原冬一郎等二十五人。齊起。攜刀劍將突出。柴山龍五郎先之。欲下階。格之助幸五郎等植血刃在其下。如竦諸士至者。幸五抵掌連呼。龍五曰。吾奉君

卷下

四

命來此。姑且緩之。若有意見。宜謁公上陳。眾聞之。如毫不省者。幸五左右袒棄其兵。合掌曰。諸君猶疑于言乎。請速應之。不可有他。龍五郎曰。然則與同志詳議矣。言未畢。西鄉伊集院二人委刀而下。幸五等喜形於面。諸士見之稍安。各就坐。合議。或曰。屠腹謝罪。或曰。謁公具陳意見。紛紜不決。真木和泉田中河內介二人自別階升。坐榻。眾中諭之曰。久光公欲與諸君共大事。而今失其期。不可復爲也。不如謁公謝之。眾以爲然。是夜齊參伏見。謁久光。叩頭謝罪。請隨行。東下。不聽。護送薩摩。命謹慎。關止之時。謙助蘇生。直



五新五二人亦尋蘇明日罰違命賜死謙助等使自刃謙助乃洗眉間血拜京師謝勤王無功更拜藩主屠腹而終新五左衛門亦如之山本四郎爲島津氏重臣關山糺家人藩法陪臣有罪例捕縛之是日見輕卒數人至拔小刀抗之傷一二人屠腹而伏輕卒將縛之橫目附土田某謂其死于王事也載竹與昇之送至藩邸在途死翌日遂葬新七等八人於大黑寺新七爲人痘痕滿面色頗黑而性豪邁不爲物屈自幼抱勤王志罵嘗幕政無所忌憚人稱曰今高山云烏呼新七諸人皆一時豪士敢抗君命豈無所見

卷下

五

哉奉君命殺之亦出於不得已要之莫非憂國精神所在比諸伴食宰相媚外客保寵祿揚揚有得色者奚啻天淵相懸自君子觀之必有任其責者焉若諸人所爲未可以過激毀之也

中山公子忠光

自有霸府以來公卿子孫袖手旁觀無一人堪將兵者靡靡艷歌終身舉世咎之至安政中乃有中山公子忠光姊小路公知等皆豪邁過人而忠光尤爲優異也忠光者正二位大納言忠能第三子也加冠敘從四位下任侍從幼有文武才幹好義俠廣與四方

志士交好絕無執袴子弟之態文久三年癸亥冬脫走長門潛匿白石正一郎家告父請絕繳納官位與兵卒伍擊外船于檀浦眾賞其驍勇未幾飯京時朝議將幸大和遂攘夷狄爲松本衡吉村重鄉等所推挈壯士三十餘人而發八月十五日赴大坂抵常安橋逆旅艤快艇二隻載兵器彈藥稱勅使先驅赴長州解纜出天保山外遽命指泉州遭風順船駛海月照映衡高聲唱曰海乃面月乃伊佐與布間毛侍須忠光乃應曰波耶乘奴計與木津川乃口眾聞之大振因稱天忠組截髻投海中忠光頒軍令有言曰諸

卷下

六

軍每朝遙拜伊勢太廟及京師禁省一心誓報國家之恩勿得貪貨財奸婦女放火神祠佛宇私殺降人懷私怨相棄捐遂達界港入傳舍理裝直向河內次早遣吉村重鄉尾崎孝基於狹山軍營實北條相模守所戍屬相模守臥病使老臣二人出接重鄉曰天皇幸大和且親征吾曹募義兵迎鳳輦請出援今夕當宿甲田村水郡長雄家請來陳貴意乃去投長雄宅製菊章旗等及夜深將發相州老臣馳至曰扈從親征不敢後矣十七日詣村上帝陵于觀心寺拜楠左中將首塚獻幣物以禱戰捷是日藤本眞金率同

志自陸路來會聞五條代官鈴木源內素嘗貪暴率眾襲之源內逃上田政則跟捕島義親刎其首池定勝森下茂時等遞進捕元締長谷川岱助以下四人斬之縱火于廳退次櫻井寺入夜伴林光平等亦尋至翌日梟源內等首于五條驛外榜示曰鳴三百年之私義獲開闢以來之天恩辱國家助夷狄遂召近傍村長等論討幕旨免今年出租徵糧於三歲村適學習院出仕平野國臣傳延臣旨來戒輕舉忠光書意見命鶴田道德從國臣入京以聞既而朝廷遽聽幕吏執奏黜諸公卿言尊攘者停毛利氏禁門護衛

卷下

七

稱親征非上意京師守護職松平容保令諸藩討忠光稱亂賊矯詔忠光將抵十津川謀後舉遇安積武貞岡見經成等二十餘人來援二十日命池定勝等六七人留守五條乘夜至坂本翌日據天之川要害差衡重卿等於高取十津川高野各處徵金徵募兵士容保恐眾蜂起命京尹諭示四鄉捕斬忠光黨而土豪野崎主計等應忠光募率農兵一千二百人來會高野僧徒亦來呈誓書勢頗振二十五日郡山和歌山二藩兵進抵御所高取城主植村駿河守違約據城不敢輸糧忠光怒二十六日早旦砲銃齊發而

進忽斃數人山蹊險絕進退不便敵發石榴彈我軍潰退次天之川二十八日聞尊攘議息我軍負朝敵名會眾議將航西南高取郡山彥根和歌山兵自四面來蹙九月九日森下茂時等十五人與十津川銃兵十人夜襲彥根軍于下市大破之敵軍狼狽潰走十五日敵勢又合自三面奄至彈丸雨注我軍不支放火次舍走次長殿村無復爲後拒者十九日踰玉置山至紀州本宮險峻不可言二十一日橋本綱幸鄉導至攝之白川村遇津兵遮攔燒棄兵器踰伯母峠二十四日暮過厨子口彥根和歌山兵來圍忠光

卷下

六

挺身突入敵陣斬二人傷七人潰圍而過從者十餘人麾之使散去期再會自左山中行欲與死者上田正則等七人出入深翳攀緣巖洞二十五日竄伏陰崖幽谷之間時從高處遠覘砲響殷殷達旦終日入夜踰宇陀間道曉達三輪山潛匿民家二十七日踰河內大和兩界之嶺亭午達大坂入長門藩邸日晡乘漁舟掛席遁抵長門豐浦元治元年甲子十一月五日病卒或曰酖之也或曰遇刺未知孰是年十二月藩主葬遺骸于綾羅木村立祠祭之明治三年十月五日朝廷詔停父子義絕復官位如故贈正四

位。賜祭資料三百圓。烏呼尊王討幕之說。其所由來者久矣。能實踐之。使世注想開闢以來之天恩者。莫先於公子。公子勇義成性。自祖考遺傳使然。雖有輕舉之失。出於疾邪之甚。其有功於皇室亦大矣。安政中。余在京師。聞公子豪邁不羣。欲侍講讀。或謂其暴悍不可親暱者。假令薰陶得其人。以保其身。則其策勳豈止於是哉。或身爲皇室姻戚。首唱大義。而其位不過正四位。使媚愚民阿外客。保祿固寵。臣妾生光者視之。豈不愧且死哉。中山氏臣田中綏猷。本但馬人。小森某子。登京爲田中近江介義子。配其女。稱河

卷下

九

內介。敘正六位。嘗與志士謀攘夷。恐累及主家。見忠光陳意見。辭職隱居。遂巡九州。遊說甚力。當島津久光入朝。走浪華。隱于薩摩。飛檄九州大會。同志將襲關白九條氏。以清君側。滿朝恐懼。命久光鎮撫之。久光斬其藩士八人。餘皆押送其國。綏猷見護抵薩。在途爲人殺。亦一時之豪也。忠光告父請絕。繳納官位。蓋有感於綏猷等賞勳局賞之止於如此。比諸姊小路公知主攘夷。使幕府責其違臣禮。巡攝海嚴守。備爲客所刺。天皇震悼。贈參議。右近衛權中將者。果何如也。當時從公子殉難者甚多。往往贈位。有那須

重民。本土佐巨室深尾氏家臣。濱田某三子。身長六尺。長武技。與吉村重鄉唱尊攘。爲同志所推。刺參政吉田元吉。遁去。登京。遂從忠光與重鄉等同死。特旨敘從四位。今宮內大臣田中子光顯叔父云。

川上彌一

自殺與殺人。皆出於禦侮之志。而不能殺人。則爲人所殺者。世多此例。言之可爲酸鼻。如川上彌一。知爲人所殺。而自殺不敢殺一敵人。不可謂勇。且仁哉。彌一者。長州藩士也。名正義。爲人豪勇。有氣節。夙唱尊攘大義。欲致身報國。文久三年癸亥。代高杉晉作爲

卷下

三

奇兵隊長。砲擊夷艦有功。聞中山忠光舉兵。大和欲應援之。與平野國臣議。推澤主水正宣嘉爲大將。十月二日乘舟。八日達播州鹽濱。聞忠光敗。眾欲散去。正義與戶原卯橘持不可。欲招忠光殘兵。且募但丹志士。主水正以爲然。乃合三十餘人。抵但馬生野。據延應寺。彌一改姓名曰南八郎。取諸唐張巡。南八男兒死耳。不可爲不義屈之語也。十一日舉旗山口村。襲生野代官所。會代官川上伊太郎不在。命吏員盡遁去。遂取之。定爲駐軍所。廣募兵食。免今年田租。國臣後二日。至是日來會。翌日命市人製菊章軍幕。提

燈等有浪士劍客數百人。將行取丹馬入京。訴七卿及長侯父子冤。幕府命姫路明石諸藩追討。諸藩兵自四面來蹙。我軍出戰。多望風遁去者。彌一等奮戰不屈。十四日國臣等會眾議進退。彌一奮然作色曰。我輩舉事而爲幕府討。固當然耳。事勢至此。安得喪膽驚惶。且夫今次之舉。豫已決議。事成必復親征。攘夷之議。不成橫屍原野。今也大和失守。幕兵奄至。是固吾輩宜死之秋也。拋命力戰。傳芳名於千載。不亦愈快乎。議乃決。彌一與卯橋別。從農兵據山口村妙見堂。旣而山城明清寺僧宗行與但馬人高橋孝太

卷下

主

郎多田彌太郎。肥後人。旭竹史阿波人深尾源治郎等。從主水正潛匿。國臣等爲敵驅散。自間道逃去。彌一等十二人盤據其地。不敢退一步。須臾敵大至。農兵望見。遽反覆。自山頂亂墜大石。我兵進退維谷。欲快戰而死。彌一止之曰。吾輩十一人敢當前。後大敵死乎。士民之手恥莫大焉。不若自刃。以爲攘夷先登。交杯訣飲。卯橋呼曰。我乞爲黃泉之東道。乃屠腹。彌一曰。余爲諸君介錯。且爲諸君殿。介錯謂助自盡也。眾聞之一時伏劍。彌一悉殞其首。畢。刺刀于腹。更自刎而死。年二十一。其十一人曰。戶原卯橋曰。中條熊

太郎曰。長野熊之丞曰。下瀬熊之進曰。井關英助曰。伊藤百合五郎曰。白石廉作曰。小田村信之進曰。久高豐曰。和田小傳次曰。西村清太郎曰。卯橋名繼明。秋月藩士。家業醫。嘗爲木下業廣弟子。又入鹽谷世弘門。受命塾居。廣論時事。上之。乘夜脫走。至此。熊太郎名基好。出石藩士。常誦盡忠報國四字。請父上京。遂志不聽。乃遺書于家。去仕姊小路少將。當少將遇刺。拔刀逐賊。傷之。抱少將而飯。朝廷賜白銀五枚。遂從主水正于此。廉作名資敏。赤馬關豪商。正一郎資風之弟。往來薩摩六次。上言時勢。薩侯感賞。托糧米四

卷下

主

萬石。供緩急用。當島津久光上京。傾家產營辦資用。保底中山忠光。極其懇篤。久坂通武砲擊美人。常與通武同烈戰。高杉晉作編奇兵隊。首入其伍。以致國人來集。至家告破。產毫無回顧。藩侯賞之。進列士籍。其餘皆長藩人。與正義同功一體者也。高杉晉作嘗追惜彌一與吉村重卿作詩弔之曰。知己從來懷二君。繫囚不得并雙墳。日東正氣冠天地。休說張巡與雷雲。其末書曰。重卿類張巡。正義類雷雲。然二子節義固非巡雲之所及也。重卿土佐人。慷慨憂世。廣與志士

交。說島津久光以舉義兵。與有馬新七等密議事。覺薩人傳朝命。送致其國。後復上京。與松本奎堂藤本鍊石擁中山忠光舉兵。大和不克。自屠而死云。烏呼。當時人心固執。攘夷如此。無一轉移之術。而欲壓制之。壓制不息。繼以誅斬。是德川氏之所以一敗不振也。彌一等不殺敵而自殺。敵人莫不感歎。久之其名益著。其有功于皇政復古者大矣。

清水精一郎

嘉安中國人惡外客殊甚。由其不悉外客情實。或有至殺身毫不回顧者。謂之忠臣義士。殆不可而謂之。

卷下

五

果非舉則過矣。清水精一郎者。駿州土豪也。爲人慷慨。敢爲。膽氣過人。年二十餘。抵江戶。聞一橋黃門賢往委質。時攘夷論盛起。精一郎謂不可一毫毀辱國體。視外客猶仇敵。一日赴橫濱休茶店。見外客二名。騎過。幕吏數十隨行。外客指精一郎。邦語連呼浪士。精一郎聞之大怒。取捷徑先行。伏篠葦中。候二酋過。跳而出。先斬大酋。小酋聞聲。繞之。精一郎翻身繞。傍馬腹。執足擲之。又斬之。既而諸外人及跟從者。至相視愕。貽膽落。小酋未眠。有一人挾去其眼。將玻璃。照寫之。其羣中有一土人。急裝縛衣袴。背著桔梗花。

章者。外客大憤怒。告幕府使物色。更督之。期七日。間捕獲。否則償金五十萬兩。精一郎既斬二酋。脫去入品川妓樓。痛飲數日。盡散其所懷金。樓主疑之。密告官吏。來將捕縛之。精一郎叱曰。我清水精一郎也。前日斬英夷首。微汝來捕。固將自訴。連飲數杯。就縛。市尹某詰其所以。斬則辨攘夷一點耳。某不復詰。反寬遇之。致諸橫濱。使外人甘心焉。五酋會議。按其刑。美人亞爾格曰。義士也。吾請贖之。四酋許諾。復致之官。請贖死。市尹召精一郎。告以故。精一郎笑曰。公豈喪心乎。我日本男兒也。可死則死耳。何請命于羯奴乎。

卷下

五

遂下獄。元治二年乙丑正月二十八日。磔精一郎於橫濱。以謝五國。勇哉精一郎之舉也。其跡雖暴。其心存報國。一身已死。而五國不致輒侮我。可謂忠矣。以今日言之。固爲狂行。如當時安得以狂行目之。據外八以爲義士。則知尊攘發於赤心者。決不可已。而後議相亦不甚難也。爲政須轉氣運。否則順人心。言心陣歿。吾有餘力。以致其後。又何難之有。是宰相之任也。當時宰相不得其人。使忠志之士吞恨而死。可勝歎哉。



武田耕雲齋

水藩諸臣主張攘夷莫非正黨之士皆在奉其君尊王之旨前後就死幾百千人而天下翕然稱之以爲忠藎所致如武田耕雲齋等其最可愍者乎耕雲齋名正生字伯道稱彥九郎水戶藩士跡部新入正續長子以其系出于武田万代丸遂復武田氏號勇有膽畧好兵法善論時務文政十二年己丑任使番時藩主德川齊修有病無子執政忌其弟齊昭英敏欲迎將軍諸公子爲嗣正生率同志士四十餘人抵江戶力爭事終寢遂立齊昭弘化初爲少老齊昭得

卷下

奎

譴。釐居駒籠邸正生與吉成信貞俱赴江戶上書閤老水野越前守忠邦陳齊昭事幕府極有禮及姦臣結城寅壽結黨流言之狀不聽停職屏居五年見釋號耕雲齋從容自適安政二年乙卯復少老明年進爲執政食祿一千五百石人材彙進藩風一新安政六年齊昭奉攘夷詔將行膺懲之典幕府命止之奉還勅書正生謂使世曰勅書出公強請則朝幕生覺矣天位安危四海治亂未可知也宜發使者謝奉行怠慢之罪明年義徒大唱攘夷屯集于長岡驛多正生所養也遂不至奉還而寢齊昭薨正生等廢市川

三左衛門朝日奈彌太郎等用事捕縛義徒十餘名又久三年壬戌春一橋黃門朝京師起正生謀事正生謁天皇叙從五位稱伊賀守市川等廢時正生黨主尊王攘夷自號誠心組組猶曰黨市川等黨主佐幕開港號諸生組諸生組謗誠心組自負曰天狗以邦俗謂自負者曰天狗也在其中間者曰柳派派亦猶曰黨謂其如柳靡風也明年元治紀元春市川等與幕吏通謀爲執政廢正生等職幽之正生等大奮激欲抵江戶訴幕府糾合三百人發水戶抵下總國小金原先是藤田信竹內延秀等亦聞市川等謀大

卷下

三

怒舉兵屯筑波山號曰監察府遠近騷然正生與田丸直允等議將行而鎮之至則聽其說爲之總督以直允名望尤高推爲軍帥以藤田信竹內延秀巖谷信成爲三總裁餘量才任之部署既定乃作白木輿載齊昭木主大書從二位贈大納言源烈公使白衣卒昇之乘輿而從者四人騎士八人長槍銳砲各一隊鹵簿凡二百餘人發筑波向日光道路舍次用葵章紫幕旣抵日光見日光奉行小倉某曰我烈公奉攘夷之詔事未成而薨堂堂神州遂受蠻夷之侮吾輩傍觀不勝忠憤切齒之至將藉烈祖之神靈以掃

攘橫濱醜虜之巢窟。請借寺院以爲舍館。某日告幕府而後聽之。直允等謁東照公廟。乃退軍太平山。傳檄四方壯士來屬者日眾。諸生黨欲攻之。率藩士三百人赴江戶。請援於幕府。直允率兵復移筑波山。正生提六百餘人屯小金原。將搗橫濱。六月市川等引導幕兵而至。全軍三千餘人。館于下妻各處。筑波軍部署兵士凡一千餘人。直諒傳酒一軍。昂之與戰。斬小林某。次日夜五更。藤田信等五將跨馬帥兵三百餘。鼓螺吶喊而進。亂發大砲。聲震天地。幕吏永見某單身逃。乘勝縱火蹂躪。天明上八幡山命餐。乃還筑

## 卷下

主

波。直諒大悅。傳林犒將士。八月幕府命水府支藩松平大炊頭賴德代藩主鎮撫常野大炊頭抵小金原。先說正生。正生義正言順。大炊頭感服。俱赴水戶。浪士來從者甚眾。全軍四千餘人。八月十日進次吉田村。藥王院遣使水戶。將入城。諸生黨大驚。集議使人來謁曰。公入城亦可。若他士則不得入。大炊頭與正生等怒。諸生黨進軍。正生等乃向朝日奈市川二人宅發大砲。進渡那珂川。襲敵營破之。乘勝疾攻。敵亂射大砲。走那珂湊。十六日正生乘曉霧進軍。吶喊縱火。湊第一街烟焰蔽天。敵皆敗走。正生與大炊頭議

## 卷下

天

欲諭諸生黨休戰入城。遣使說之。不肯。縛使者。砲擊大炊頭營。正生謂彼大逆無道。宜藏之無瞧類。乃連發大砲。既而幕吏帥兵來。諸侯兵來援。我軍連不利。大炊頭爲幕吏所欺。遂降。書生黨傳幕府命。使自裁。殺其從者。榜示衢路。以招降者。我軍不欲抗者。相議而下。正生與田丸藤田等八百餘人。謀上京訴心事。出野州赴上州。會幕府命諸藩追擊。且戰且走。時天方雪。兵士凍餒。崎嶇問關。抵越前。先是慶喜聞正生西上。請爲大將。率會桑諸藩兵擊之。命加賀兵爲先鋒。正生聞之。令兵士解戎裝。遺書加賀陳營。陳情哀訴。加賀藩軍將永原甚七郎等周旋甚力。而幕吏議不納。上書一橋黃門。亦不省。十二月遂降。加賀軍門致書甚七郎。有言曰。正生等業已與幕府兵抗戰。以致大法。自知死尙有餘罪。雖然。正生等心事固青天白日矣。苟蒙流賊之名。則千載之下。死而有遺憾。請尊藩垂武門之情。爲正生等善辨解。爲決死一言止于此。他不知所言。甚七郎置正生等于敦賀本勝寺。及其他二三處。待遇甚厚。而幕吏惡之。殊甚。翌年二月。處斬者正生以下凡三百五十餘人。其餘流竄各處。有差送正生首于水戶。肆諸獄門。於是海內人心盡

離幕府。而其亡也決矣。正生年六十二。田丸直允年六十一。藤田信年二十三。山國共昌年七十三。竹內延秀年三十五。獨岩谷信成適出在外。潛匿得免。正生被刑之日。天陰風烈。尋斬諸囚四次。每一次有陰風至。人皆異之云。

### 久阪元瑞

長藩言尊攘。推吉田松蔭。松蔭死後。其門人久阪元瑞。高杉晉作等。特以節烈著。蓋其智非不察攘夷之難。而其志欲果尊皇之實也。久阪元瑞名通武。字實甫。元瑞其稱一稱義助。號江月齋。長門藩士也。父爲

### 卷下

### 三

醫官早歿。兄眞稱元機。倜儻超羣。常以外事爲憂。折節讀洋文。譯書數十種。率係大砲銃隊事。又嘗譯述種痘書。闔藩多免病痘。有一洋學者。謂元機曰。某月日正當泰西正朔。請置酒會友。元機罵曰。病癡子。吾安奉彼正朔乎。安政初歿。元瑞不欲業醫。受兵學于吉田松蔭。松蔭稱爲少年奇才。國士無雙。後遂以女弟配之。元瑞又欲知海外事。入藩校博習。堂研究洋學。年十七。八遊鎮西。遂經山陽東海。抵江戶。到處審其山河形勢。察諸藩政。敘武備。與志士交結。歲餘而飯二十再抵江戶。入芳野金陵門。講習漢學。見外客

跋扈。大憤。與水戶及薩土二藩志士密議。將襲而殺之。藩主聞之。遽命飯國。及井伊氏遇刺。雀躍曰。世局庶乎其一變邪。文久二年壬戌春。與高杉晉作等俱入京。著同欄條議一篇。述王政改革之策。時藩主父子在京。與薩土二侯議國是。十月藩世子奉朝命。與敕使共赴江戶。與幕臣妥議。元瑞隨行。周旋甚力。久之不決。大歎幕府因循。與高杉晉作議。將抵橫濱。縱火洋館。脫走而行。世子聞之大驚。馳馬到大森。見元瑞等。咎其輕舉。且諭且泣。二人流涕頓首曰。臣等狹中殆誤。公死有餘罪。遂從世子飯邸。世子留江戶數

### 卷下

### 三

月。不得要領而飯。元瑞請留江戶。蓋欲有爲也。先是幕府爲英人築居館于御殿山。極宏壯。志士皆憤之。元瑞謂御殿山爲江戶要衝。而使外客據之。猶使盜守庫也。一夕風烈。潛行其側。舉火焚之。眾呼快。而幕府不知其爲何人所爲也。旣而元瑞益唱尊攘。藩侯恐其獲罪。遽召還之。明年春上京。入學習院。出入公卿門。大唱攘夷。四月見閣老板倉周防守勝靜。促掃攘期。元瑞以爲攘夷之舉。不可一日緩。而遷延如此。君側邪人壅蔽也。與同藩寺島昌昭肥後轟寬胤等謀。將直詣闕請詔。恐陪臣犯闕之罪。沈思默想者良

久乃又自奮曰。赤心報國。甯請之耳。一死以謝則可矣。三人齋戒沐浴。詣關抗疏。伏地不動。時世子在嵯峨方食。聞之大驚。投箸呼馬。直馳詣關。告關白。關白氏請其處分。關白愕然。朝奏請宥。主上感歎。不問其罪。既而朝廷遽召關西諸侯會於京師。謂幕府矯詔遷延攘夷也。將行幸大和。起兵親征。頒告其旨於天下。以五月十日爲期。志士抃舞雀躍。元瑞名高於一世。於是世子飯國衆堡砦嚴守備。遠近志士聞之。雲合響應。忽得數千人名。曰奇兵隊。元瑞爲之長。後晉作代之云。元瑞之爲隊長也。藩侯命爲先鋒。擊洋艦

## 卷下

## 三

于馬關。奮戰激鬪。遂得獲之。朝廷大賞其功。藩主亦進其資格爲參政。既而聞姊小路少將爲人刺殺。元瑞曰。胡爲其然也。八月十八日。廷議俄變。虜三條公以下十二人官職停其參朝。遂長藩所守堺町門兵。命薩摩會津諸藩守之。元瑞聞變。急登京。悲憤竭力。欲回廷議。敕使來諭。因請不聽。謁關白。訟幕府亡狀。禁城九門盡鎖。不許長人出入。元瑞益激怒。破關白後門。直昇殿舍。見關白。切齒扼腕。反復論難。關白與諸公卿不知所答。元瑞乃退。據方廣寺謀擊幕吏。不果。遂奉七卿販長門。自是京師益多事物。論洶洶。元

治元年甲子。藩老臣福原越後益田右衛門國司信濃等。率兵登京。上書訟藩主冤。請允入京。分屯嵯峨。伏見天王山三處。元瑞變姓名曰松野三平。別按兵在天王寺。諸藩志士多來屬者。六月二十四日。元瑞與筑後眞木保臣筑前中村無二及同藩寺島昌昭入江弘毅等作文連署。呈閣老稻葉美濃守。請獻之禁闕。大意謂。讒誣欺罔之徒。誇衒敵人富強。砲艦巨大。艷稱奇技淫巧。濫出日用物貨。不知國家榮辱。在國體嚴立與否。不在一時勝敗。主張武備充實之說。經十年無一驗。十年之後。視今猶今。視癸丑以來而

## 卷下

## 三

已不省。七月十九日。昧爽。元瑞與國司信濃來島政久等合謀。國司來島率九百人自嵯峨入。元瑞與入江弘毅率五百人自山崎入。將殺會津侯松平容保等。入關哀訴。元瑞與來島先破石山八條二氏後門。進入郭內。砲擊容保等所守疑花洞營。進到蛤門內。勸修寺氏門前。時所司代桑名侯兵。戊御庖門。會津兵戍宜秋門。而島津氏出兵援會津。與戰。眾寡不敵。退據鷹司氏邸。井伊福井桑名一橋等兵自四面來圍。彈丸雨注。容保下令放火上風。元瑞馳火焰中。奮戰甚力。既而負傷流血淋漓。殆不能步。自知其不可

免。囑入江弘毅以後事。弘毅欲與死。通武怒而尼之。且曰。諸君退兵。據天王寺。與嵯峨。伏見。兵合謀。再擊。眾乃突圍奔山崎。國司等亦不利而退。元瑞上樓。居腹。投身火焰而死。時年二十有六。寺島昌昭既負傷。在應司氏邸。爲火焰圍。從容吟絕命詩。與元瑞同居。腹年二十二。入江弘毅將突圍出。中敵丸斃于門外。年二十七。諸人皆松陰門人。稱一時之英。松陰深屬望弘毅。愛其誠實。與高杉晉作才識並稱。曰聯璧云。來島政久率眾奮關其力。遇敵彈中胸而歿。部下死者尤多。烏呼元瑞一心尊攘。率先天下。雖云過激。發於至誠。必有此心。然後可處萬變。蓋謂義可爲。以必死當之。而不見事不可爲也。豈尋常人物所能企及乎哉。

卷下

三

高杉晉作

高杉晉作名春風。字暢夫。號東行。晉作其稱。山口藩士高杉春樹之子也。天資英邁。不羣。識見過人。幼時好賦歌詩。已而廢之。惟攻兵書。年十九。從吉田松陰受教。松陰素稱久阪元瑞國士無雙。及獲晉作。大喜。每議事多延晉作。然晉作任才不羈。元瑞守教攻苦。故松陰常稱元瑞動抑晉作。晉作爲之發憤。業大進。

元瑞歎曰。晉作非吾所及也。晉作聞之曰。元瑞天下之奇傑。我可得與之比乎。松陰聞之欣然曰。二生推讓如此。國家之福也。晉作元瑞適同庚。時人稱爲聯璧。文久紀元辛酉春。擢爲世子近侍。是冬。幕吏將航上海。藩主命晉作從行。以謀其狀。賜資五百金。至長崎。則幕吏將俟明春發。晉作謂與彼豪遊。金盡於此。他行亦有嫌。乃以百金買屋。贖妓閑居。以俟明春。至上海。八月復命。其冬游學江戶。入昌平黌。及大橋訥菴塾。委身學事。嘗與元瑞謀燒御殿山英人館。事漏奔京。三年夏。飯坂城藩主憫其志。不問其罪。晉作惶

卷下

四

懼。屏居松下村。六月五日。赤間關之役。長軍不利。藩主召晉作委軍務。晉作大喜。建議編奇兵隊。不擇貴賤。不問士庶。長人揚武。實由此隊編制。未幾。脫藩上京。元瑞不悅曰。若輩下兵。吾指揮之則足矣。至於奇兵隊。非君不可。君何曠職之甚也。晉作以爲然。飯藩則見繫于獄。是爲元治紀元甲子三月。而七月禁門之變。晉作得免乎難。秋八月。英美二國又來寇赤馬關。晉作受命督軍。時執政媚幕府。專事從順。以壯輩疾之。呼爲俗黨。及冬。黨議大起。晉作遁至福岡。窺之。俗黨目國老等。嘗唱勤王者。爲矯命謀國。捕三國老。



及其時用事者。或禁銅之。或下諸獄。幽藩主父子于寺院。遂命三國老以下十餘人自刃。唱勤王者皆被連坐。晉作聞之。潛販赤馬關。時諸軍集合在伊佐村。而唯遊擊一隊在此。晉作人其隊。告眾襲擊俗黨。眾遲疑不決。晉作怒曰。國家危難迫矣。何拘常法。碌碌拱手就戮乎。眾奮袂而起。二年正月。攻伊崎營。遂其隊長藏田豐後。與伊佐諸軍合襲繪堂村。斬其隊長財間新三郎。遂入山口。與片上聞多謀更編一隊曰。鴻城軍。乘勢攻佐佐並俗黨別軍。二月。遂獲夷黨難鳩集一藩人心。初俗黨號令矯君命。其旗章皆用一

## 卷下

## 三

字三星。公家徽號也。我軍望之大沮。晉作笑曰。賊敢用公家徽號。我於用之乎。何有。命作一字三星旗。軍氣大振。先是幕府命國老等自刃。疑惑未解。而有此內亂。聞其出於晉作所爲。命藩主押送晉作等。一藩固結不敢奉命。慶應二年丙寅六月。幕府決議出兵。再攻長紀州藩主爲之總督。井伊神原等兵自藝州鳥取及松江濱田福山兵白石州熊本及小倉中津柳川兵自豐後幕府海軍與松山兵自大島郡同時齊進。晉作與諸士謀定軍所向。太田市之進。石川小五郎向藝州。大村益決郎佐佐木男也向石州。晉作

與山縣狂介向豐前。唯大島郡屬孤島。且非要害。故不留多兵。幕軍偵知之。遽來攻。勢甚急。晉作聞之。與狂介謀。夜潛乘汽船。冒大風雨。突出敵艦中央。猝發巨砲。擊之。乘勢而進。斬松山隊長佐久間一學。敵驚愕失措。晉作激汽煙疾馳。突圍抵豐後洋。敵欲逐之。旣以爲是薩兵來援。長誘我也。乃止。室津以西海濱皆得脫。兵燹十六日。聞九州敵軍來進。去歲我軍與外艦戰。小倉軍傍觀不救。今又引敵來寇。我軍不堪忿忿。晉作將兵艦三隻。攻田浦砲臺。放火奪糧。食兵器而退。明日又襲門司砲臺。殺守將小山左近。進擊

## 卷下

## 美

大浦里營。走其督將小笠原長行。進取小倉城。長藩威震于海西。長防兵權一販。晉作三年丁卯四月。晉作過飲傷肺。十四日歿于馬關。年二十九。其罹疾也。藩主屢慰問之。長人禱於神祇者數萬人。晉作初放逸無賴。爲父所逐。因薙髮謝之。去抵江戶。乘外舶學火技。外人賞其敏捷。後爲奇兵隊長。蓄髮未長。身被白綸子衣。著古錦襪袴。手把蛇眼笠。足穿高木屐。攜妓六七輩。高歌舞蹈入營。一營皆駭。其與肥兵戰于足立山下也。身著綺衣。或曰。盍戎裝。晉作微笑曰。破鼠輩。何須戎衣。藩士富永某赤根某並以才幹稱。晉

作獨不之稱。後二人皆因事敗。人皆服晉作鑒識。嘗在長崎。讀耶蘇教書。慨然歎曰。其言頗似王陽明。而其害國家治安也甚矣。烏呼。晉作所爲。悉出人意表。而發之於正義。能奏成功。蓋由其人物既高。學殖有素。求諸古人亦未易多得也。如耶蘇教流毒。必有善處之者。使其保中壽。動心忍性。以輔翼太政。決不致如今日人心腐壞。侮滅君父也。豈不惜夫。

### 月形洗藏

明治中興之業。推水戶薩長爲第一。皆自祖宗遺傳使然也。就一人言。則諸藩亦多其人。率有儒術助之。

### 卷下

著

儒者之功亦大矣。如筑前人月形洗藏。蓋其巨擘云。洗藏名詳字伯安。號格庵。洗藏其稱。福岡藩士深藏弘之子也。弘字伯重。號漪嵐。嘗至江戶。受學古賀精里。皈依家。襲食祿百石。爲學校助教。轉赤馬驛奉行。無何致仕。性慷慨憂國。尙氣節。觀人多不當意。惡諂諛。一生不伺候權門。爲所構誣。失職。見幽于家。躬秉鋤耨。後圃而傷時之念。不能自禁。用意過當。遂憤發病。文久中歿于家。洗藏自幼好學。受訓家庭。務辨王霸。內外嶽嶽有大節。嘉永三年承父後。班馬迴役。後爲大島定番。未幾辭職。萬延元年庚申五月。藩主將

東觀江戶上書諫之大意。謂今日急務在明尊王。大義繼祖先武功。宜舉賢才。革弊政。勿後機會。八月謁藩主。說以天朝爲共主。幕府非我君。宜賑恤窮民。嚴修海防。開言路。正賞罰。其言甚剴切。藩主深嘉之。洗藏涕泣而退。十一月遽見捕。保放中老立花某家。父及弟順叔父建等盡錮于家。明年沒收家祿。幽御筵郡古賀村。在獄終日。整襟端坐。無惰容。或賦詩讀書。或口授監守者經史。以遣憂悶。倣文天祥正氣歌。作古詩一篇。以述其懷。三年六月。遇大赦還家。然竟不得外出。元治元年甲子五月。見釋復祿。爲町方吟味。

### 卷下

著

役時長。藩將向禁關訟寃。爲會薩兵拒擊。敗還。薩長相隙。洗藏謂諸藩勤王莫厚於薩長。兵強國富。亦推薩長。而二藩交惡如此。何以恢復王室乎。宜莫如使二藩和親。相扶說諸知友。無敢然之者。獨早川養敬大服其說。聞對馬人平田大江素主尊王。使人說之以論長人會長。藩高杉晉作。避難遁來。洗藏素識晉作。因與同志謀使之潛匿。聞尾張人納言慶勝率三十六藩兵攻長。謂不如使長藩謝罪。以圖無事。見執政等說之。皆以爲然。因遣小金丸種美及大江子主米于長。更使數人百方說諭。藩主亦遣使總督。建言

其意且命重臣加藤德成遊說解兵。總督納之。令戮元謀重臣。抵軍門謝罪。而幕吏猶恐有後難。勸總督押送五卿。時長老臣等擁其主據萩城。奇兵隊奉五卿屯高山寺。隊兵謂藩主爲姦黨所擁。以必死奉五卿。於是總督命福岡使臣諭奇兵隊以迎五卿。藩主乃命洗藏往諭。洗藏辭之。然無他人可使也。慨然謂臨難顧身。丈夫所不爲。決死而發。使早川養敬先行。身至小倉。見西卿隆盛。說以薩長從親。養敬抵長。說隊兵等曰。洗藏吾師也。心主尊皇。將謁五卿。請子等爲先容。隊兵皆諾。十二月二日。洗藏達赤馬關。同藩

卷下

竟

士中村無二先在隊中。出面曰。我輩從三條公。若徒之他藩。則又將誰侍乎。況於諸隊兵死生奉之乎。輕發此說。禍且不測。洗藏冷笑曰。與足下別久矣。不圖聞此言也。足下偕弟無可脫藩。無可爲國致身。而足下不知爲天下救生民。唯美服盛裝。專爲己謀。是果何心也。正辭責之。無二慙服曰。吾過矣。吾過矣。請助子周旋。洗藏大喜。與百金資之。三日遂赴高山寺。上謁五卿。陳藩主旨曰。請諸公一爲國家忍辱。西渡。吾藩從總督命奉迎。決非爲一己計也。幕府有司等欲使長侯獻城。護送諸公。然後解兵。總督不聽。俾諸公

移他藩矣。抑征長諸藩。亦皇國臣民耳。彼我交鋒。傷損生命。其害曷限。諸公一出。周防則諸軍一朝解圍。長人得處。寬典外臣。藩主亦當與薩侯等謀。奔走盡力。事無不濟矣。諸卿聞之。以爲大然。三條實美自書倚賴旨以授之。洗藏乃見五卿。從士水野正名說以與西卿隆盛議。俟西渡後。奏請皈洛復職。與諸藩謀斥逐幕府姦吏等事。正名無復異辭。隊兵聞之。騷然或欲以必死拒之。曰。有來迎五卿者。邀擊殲之。洗藏與養敬大驚。往見隊長高杉晉作曰。君罵薩藩爲有姦謀。殆非也。如西卿隆盛尤能辨正邪曲直。欲爲國

卷下

罕

家報效。其言曰。有敢迫禁闕者。毋論何人。不得不捍禦。如其擊退貴藩兵。是公敵也。非私憤也。貴藩自稱正義。而擁五卿爲奇貨。以亂天下。則其義安在也。晉作聞之。有慚色。洗藏又說曰。萩城主張俗論。見三條公書。知其決意西渡。而諸君拒之。則將幾言曰。不唯背君命。兼違諸公意也。曲直所皈。非勝負所分乎。外患既急。內訌相仍。長防顛覆。不遠甯若忍其難忍。與薩藩講和平。晉作稍悟。而隊中猶有流言曰。筑前人誘五卿陷死地。謀將刺洗藏。與養敬者數中村無二筑紫義門等。日夜爲二人防虞。纔得暇無事。既而五

鄉西渡之議決。二月十七日。總督下令解兵。諸藩無復一人死傷者。明年正月復命。臨飯長侯贈名刀一口。銀若干。以賞其勞。及五卿達太宰府。洗藏出迎。厚饗之。適長防大亂。分爲兩黨相戰。幕府疑其出于洗藏等議。命幽閉。從弟七郎亦坐此閉居。九月繫獄。與同志十三人論死。年三十八。是爲慶應元年十月二十三日。洗藏長文武。攻究兵法。精通論語易二經。又窮兵學秘蘊。不欲爲儒生武人。與人交。直言抗論。故屢被嫉。與西卿隆盛意氣相投。隆盛深賞之。惜其不周遊佗國。曰。予欲與月形氏。歷游四方。以成就其才。

卷下

望

果然則今世無復及此人者矣。嗚呼洗藏真儒哉。有大功而不見錄。反陷大辟。何天道報施之左也。顧勢不至此。則不足以顛覆幕府。而興復皇室。故天縱幕府所爲而不之省乎。然則洗藏之死。謂之正命可矣。而又何怨乎。老友蒲生子闇偉人傳。載續正氣歌。慷慨淋漓動人。與藤田東湖正氣歌俱足不朽。可以想見其大節所在矣。

野村望東

維新之際。婦人與有尊攘之功者。筑前有若野村望東。常陸有若黑澤阿時。京都有若近衛氏老女村岡

其節凜然動人。而望東殊爲赫赫可傳也。望東者。福岡藩士。浦野重右衛門勝幸之女也。幼名元子。爲人秀慧。有氣。工和歌筆札。年二十四。嫁同藩士野村新三郎。貞賢爲後妻。有先妻子三人。愛之過所生一家。翁然和輯。年四十二。貞賢致仕。結草庵於城南平尾村。夫婦作歌唱和。以樂山水。人稱其高節。五十二。喪夫。剃髮稱望東尼。邦訓與元通也。自是參禪弔夫。漫遊上國。與諸名家唱酬。聲名大起。時幕吏擅權。蔑如皇室。望東年已六十。深憂之。嘗有京都清水院僧月照。道來福岡。望東與志士議。潛匿山莊。後平野國臣

卷下

望

販國。亦遷其山莊。文久元年辛酉。欲拜禁闕。詣大和橿原陵。十一月。與親戚數人。發福岡。抵京都。謁諸公卿。問和歌。觀大和各處故蹟。而歸。聞國臣下獄。贈歌慰之。後中村無二月形詳等。密議國事。常會其山莊。五卿之將徙福岡。與月形詳等議。百方盡心。對州黨難。務救恤其志士。密謁流寓諸卿。陳已所見。其開毒宴也。三條公賜歌。而望東和之。慨世之情。隱然言外。慶應紀元乙丑。山口藩士高杉晉作避難來于筑。望東匿之山莊。是歲福岡藩殺正義士四十餘人。望東亦以屢與之會。且庇逋逃得罪。減死一等。流姬島囚。

之望東哀同志者死刺血書心經副以和歌各贈其家以弔祭之在島一間小屋鹹風蜚雨上漏下濕雖丈夫所不耐而悠然自得著日乘三卷曰比賣島日記二年秋長門志士相議曰使此女丈夫久屈於荒嶋吾曹之罪也潛航嶋奪以去匿馬關高杉晉作來訪語舊款接既而移之三田尻遣侍婢懇待之無幾罹病長侯遣醫問之且贈衣服糖菓福岡志士聞之走來看護吏卒尙氣者交來訊望東欣然曰蒙斯隆恩死奚憾焉二年冬十一月六日遂歿享年六十有二望東善諸藝尤長和歌然不欲設題專主事實雖

卷下

聖

詠風月自有寓意殊慨皇室之衰云其孫省亦執掌國事下獄瘦死時年二十四嗚呼一寡婦而唱尊攘大義志節凜凜可掬古有女丈夫豈望東之謂乎望東二字蓋寓戀闕之意云是時同藩有仙田阿雪本賤臣女其兄正敏正引二人盡力王事鞠躬盡瘁而死阿雪姿色婉麗而寡居守節爲人縫織過活屢遭饑渴不屈見志士遇窮阨者輒救濟之又且使其潛匿者不知幾人後官賞之給二口俸明治四年歿偃使阿雪不能守節決不能救人據其窮居救人則知其守節之堅此蓋有感二兄之志非聞望東之風而

興者殊爲可貴

駒井躋菴

我國自古醫師感時變慷慨報國者世多有之焉往往顯榮用事不似漢土除秦王侍醫夏無且提藥囊于荆軻外不見一人也今日廟堂君子亦多出醫師者而加賀人駒井躋菴則否可不謂冤哉躋菴名定勝初稱柴田彌次加賀藩小臣柴田某弟也上京游學承醫師駒井氏後號躋菴爲人慷慨憂世常欽長侯勤王欲藩主傲之一日訪某氏座有一冊子紀時事請借之以眎藩人主人曰貴國堂堂百萬石大藩

卷下

聖

而嘗聞有一人爲國家竭力敢死王事者眎之何益躋菴慨然曰我藩爲天下侮眞如君言夫唯然故吾欲盡心以鼓舞上氣也聲淚俱下不能仰視舉座感動焉文久三年五月聞少將姊小路公知爲賊所害大憤之急作匿名書郵送金澤城藩主大驚使老臣上京周旋王事尋知躋菴所作大賞之後屢報京師動靜使藩士交結勤王諸藩是歲癸亥秋長侯俄得遣屏居於國躋菴扼腕切齒奔走四方誓欲洗長侯父子冤屢報本藩藩世子慶常上京不破友風青木秀枝等從之躋菴周旋使諸士交詣長州諸藩締交



出入縉紳家。大陳尊攘志。七月十九日禁門變起。世子在近江。遂奉罷閑命。躋菴被捕。與大野木仲三郎克敏。飯金澤克敏等。屠腹以死。躋菴處終身禁獄。慶應二年八月病歿。後長侯痛悼之。爲建碣于京師云。嗚呼。以一介醫師。動百萬石之大藩。可不謂偉哉。

### 武市瑞山

維新之際。高知藩富人。物次薩長。而德義純粹者。莫如武市瑞山。其才力足有爲者。莫如坂本龍馬。蓋亦一時之豪俊也。瑞山學主實學。殆欲爲君子儒者乎。瑞山名小楯。稱半平太。瑞山其號。其先出武知麻呂。

### 卷下

聖

顏色蒼白。狀甚雄偉。而性沈毅有度。寡言笑。喜怒不形於色。幼好武技。而不好學。殆目無一丁。後有所感。潛心讀書。又善畫。文久元年辛酉。瑞山在江戶。慷慨唱尊攘。與水戶薩長諸藩志士往來。及有和宮降嫁之事。志士或謀奪之於路。瑞山正襟曰。諸君何妄也。今日吾輩決不得逞匹夫之勇。宜速飯藩。直言勸藩主。唱大義於天下。於是諸藩士相約飯國。屢有所建議。而言未行。聞薩人與長人謀。將刻日入京。瑞山乃遣同志吉村重鄉宮地正寬于京。攝與二藩士周旋。而藩廳議亦稍變。如從已言者。六月二十八日。藩主

山內豐信奉勅入京。瑞山從之。蓋從瑞山等議也。十月朝廷特命三條實美姊小路公知往傳勅幕府。決行攘夷。公知說豐信請瑞山爲諸大夫。瑞山隨之。東下。常侍左右。多所翼贊。十二月飯京。三年癸亥二月。在京爲藩邸留守。時薩長有隙。藩忌瑞山等。不與長人和。先是平井義比間崎則弘等。既受譴責。將坐瑞山。於是同志者約。瑞山推戴瑞山。勸投長州。長人久阪通武自側諷之。瑞山慨然曰。諸君等善自處。吾甯直諫藩主以死矣。何忍爲他國隸屬乎。意色甚決。聞者感動。三月奉藩廳命飯國。益盡力鼓舞闔藩士。

### 卷下

聖

氣。六月藩賜平井間崎等死。又有賊殺公知于京師。世疑幕吏嗾使。而薩有櫻島之事。長有馬關之舉。人心洶洶。輿論紛起。多憤激脫國者。瑞山不動。陳大義。鎮眾心。屢上言藩廳。謀矯正時弊。一不見聽。至大受嫌疑。而瑞山盡瘁。夙夜匪懈。八月有京師之變。九月二十一日。藩遂捕瑞山監禁。至明年四月。始鞠訊之。屢鞠訊而獄遂不成。慶應元年乙丑五月。遂論死。時年三十七。無子。以族人繼後。士民聞瑞山死。莫不悼惜。日詣其墓者。以百數。香火不絕。瑞山風采舉止。自有足服人者。久阪元瑞一見。委腹心爲刎頸交。薩人

田中某見瑞山退語人曰。我藩未見如此人物。唯大島流人大島三左衛門。可以比此人也。三左衛門謂西鄉隆盛也。瑞山有偶成詩曰。花以清香愛人將仁義。榮幽囚何可恥。只有赤心明。

嗚呼瑞山性行。有類花發香氣。果君子儒也哉。其人主正義。至死不渝。殆非隆盛所及也。不亦偉乎。

坂本龍馬

坂本龍馬名直柔。高知藩士也。其先出自明智光俊。父曰長兵衛。生二子。龍馬其第二子也。爲人魁梧。跌

卷下

聖

宕不羈。好讀書。嗜武技。嘗從藩士某學。一日烈風迅雨。著簑笠行。途遇某。某曰休矣。今日不可。龍馬曰。入水沾濡。何問。晴雨解衣。泗而歸。弱冠踏屐抵江戶。入劍客千葉某門。會尊攘論起。與一二劍客同。歷游諸藩。迴抵浪華。聞藩主山內豐信爲大老。井伊氏惡。見綱于國。與武市半平太等謀。欲叛國。有所爲。上船於天保山。是日天晴。萬里一碧。龍馬立船首。忽見一點黑煙。截逆浪而至。熟視則英國軍艦。航兵庫者。也。奮迅如飛。快不可言。龍馬茫然如有失。旣而歎曰。使我有此艦十數艘。則和戰之權皆在掌中。今在陸

卷下

聖

而欲防環海之賊。徒疲乎奔命耳。從此用心于航海術。旣叛土佐。兄權平憂其躁妄。不許復出國。聞島津久光入京。而義徒募同志。藩士某等脫走。慷慨不能自禁。僞稱往近里發家。其姊心知其脫走。瞞之以名刀一口。龍馬感泣拜受。佩之登京。至則義徒謀已敗矣。乃又抵江戶。就幕府士勝安房學航海術。爲其門客。先是藩士那須重民刺其參政吉田某。藩論一變。專主尊王。慶應二年丙寅。幕府大舉討長。先是幕人以長三宰伏罪。班師而再。有此舉也。長人高杉晉作大憤之。起兵討俗論黨。收防長兵權。專講戰守之策。龍馬聞之。躍然曰。此可以說也。與同藩士中岡慎太郎等謀。建薩長連衡之策。先詣薩邸。說小松大久保。西鄉三氏曰。諸藩不服幕府。而海內瓜分。各國窺隙。將何以保我獨立乎。三子欣然。告藩主。釋長虜遣叛。先使龍馬說長。龍馬抵長。訪木戶孝允。孝允大喜。以埃薩使至。已而黑田清隆大山巖等來。見長侯父子。長侯會諸臣議。晉作持不可。蓋謂藩士生依賴之心也。龍馬與孝允同往。緩頰說曰。貴藩首唱攘夷。而旣與之和。猶拒薩藩。此乃親異類殊俗。而仇視同胞兄弟也。不亦左乎。晉作拊掌大笑曰。洵然洵然。吾復何

言和遂成。毛利氏亦潛遣使於京師。薩邸交誼日密。而幕府未之知也。及有此舉。薩藩論其無名。幕府始知其爲所賣。憤甚。時龍馬潛匿伏見。逆旅其家。號瀨戶屋。主婦登勢有俠氣。務保勤王諸士。家畜一女。曰阿良。容姿絕美。京師儒人奈良原將監女。將監主勤王。憂憤死。託妻子于登勢。登勢告龍馬娶之。甚稱意。故龍馬往投也。日暮。遭幕兵百許人來圍。阿良走來告龍馬。手短銃。亂射斃數人。拔姊所贈刀。更斬數人。超隣屋遁。潛伏于河岸積材間。乘夜投京師薩邸。薩人虞其罹厄。不使出邸。龍馬頗厭之。說小松西鄉等

卷下

完

日。幕府大軍日進。防長如累卵。余將募浮浪編海軍。以爲防長應援。小松等曰。君之私援也。何妨。時阿良欲隨。因帶往鹿兒島。賃屋命守之。乃赴長州。時浮浪在長者。告晉作委海軍權於已。晉作喜諾之。龍馬友人近藤和等。購求軍艦。標薩旗章。繫赤馬關。長人將選將校。浮浪怒。欲焚馬關。而昶竊附長藩。龍馬至。晉作忤視。責其粗暴。龍馬亦難其食言。長藩遂出金謝。浮浪事得寢。龍馬責昶反覆。逼令自裁。代督其眾。眾情大服。昶士佐人。生于商家。有大志。受漢學于安積良齋。火技于高嶋秋帆。後從勝安房習航海術。與龍

馬俱結義。徒行在博多。會薩長有違言。欲調停之。反致罪戾一身。無由辨解。遂屠腹以明其心。可惜也已。六月。幕軍海陸大進。龍馬授策。晉作乘曉霧。馳汽艦自大嶋東。繞突出敵艦中央。縱橫砲擊。敵將驚愕。失措。晉作疾馳抵豐前洋。上陸攻小倉。龍馬督海軍與幕四艦激戰連日。遂上陸擊小倉。小倉陷。龍馬雄名震于西海。先是土藩後藤象次郎奉命購軍艦。干長崎。見龍馬論時事甚驩。說藩主使併督土藩諸艦。號曰海援隊。而中岡慎太郎亦團結浮浪。爲長軍應援。至是以其所督。聽本藩命。曰陸援隊。土藩兵勢日盛。

卷下

幸

一夕。駕汽艦放洋。航神戶。過三原海峽。霧雨黯淡。衝突紀藩軍艦。明光號爲其下壓。毀機關沈沒。直躍入紀艦。麾眾徒紀艦。命水夫投舢燈于海。乃逼艦將責其不點燈。犯航海規。求贖金。弗聽。遂至長崎。訴諸鎮臺。鎮臺不敢判。因聲言將往焚掠和歌山城下。會上艦至自上海。架大砲向紀艦。以示將戰之狀。又報鎮臺。艦兵憤甚。藩士多脫籍者。恐激變。鎮臺大懼。令紀藩出贖金十餘萬兩。而薩長勢威震動海內。龍馬乃齎英銃二千。飯土佐獻藩主。且說以連謀二藩。是爲九月。時藩主容堂遣象次郎及福岡孝悌等建議。復

皇政如古時。龍馬與慎太登京。遣書象次郎曰。將軍不可此議。則足下自刃於二條城。僕要刺將軍於參朝途次。先是長藩兵已進屯三田尻。及復古議起。薩長並卻兵。既而將軍慶喜上表奉還太政會。桑等元從諸藩不悅。逼二條關。白曰。遽廢將軍。何以製浮浪橫行乎。關白以爲然。小松帶刀聞之。往見關白曰。皇運中興天下。將歸一而殿下在中持異議。何也。因陳才谷梅太激勵後藤象次郎之說。且曰。此輩憤怨。必萃于殿下。一身。臣爲殿下深危之。關白默然。顏色如土。是日遂允慶喜之請。才谷梅太者。龍馬變名也。一

## 卷下

至

日慎太以事訪龍馬於河原町逆旅。談論至深夜。有二客投刺請見。僕夫將命。二客尾而入。揮刀直斬之。尋斫龍馬慎太刀連下。二人重傷垂歿。實十月十五日也。二客見之。莞爾拭刀。高唱義經曲而去。其聲達龍馬耳。龍馬呼慎太曰。幕府猶有猛夫如此者。未可侮也。後聞之。則新選隊長近藤勇及土方歲三云。慎太名道正。亦慷慨氣節士。盡力國事。斃而止。龍馬死時年三十三。慎太年三十。嗚呼龍馬規模之大。膽略之壯。而終死非命。可勝惜哉。是時余寓廷臣清水谷氏。與友人山東直砥同訪龍馬於河原町。陳北邊防

禦之急。龍馬聞之。憤見於而不似幕人因循苟且。後見南摩綱紀于會津邸。飲酒談移晷。遇秋月胤永至。始得相識。聞其與綱紀談及龍馬爲人殺之事。慨然曰。誰爲之者。蓋余志主進取防邊。常咎幕府不徒浮浪於北邊防禦外寇。徒爲紛紛開鎖之說。而謂龍馬可與有爲。故惜之也。既而悔其失言。歎其暗乎時事矣。

## 大村益次郎

雖有學問。不得生徒。則無以收眾望。雖有智識。不達事業。則無以奏實功。如兵部大輔大村益次郎。其能

## 卷下

至

收眾望奏實功者乎。益次郎初稱村田良安。周防國吉敷郡大村人。故後改姓大村。父名孝益。世以醫爲業。益次郎幼時頑鈍。不好學。專事惡戲。年十五抵江戸。遊諸家塾。怠惰廢業。紛爭不息。常爲塾師所逐。後游市井。與無賴漢伍。遂至博暴徒之名。一日有人懇諭士道大誠之。益次郎聞之。翻然悔悟。勉學。就一醫于上野國。略通經史。解醫術。乃去歸鄉。其志在欲得良師。天保十一年庚子。年十七。往豐後。入廣瀨淡窗塾。修儒學。明年赴長崎。就荷蘭人傳習洋學。轉入大坂。就緒方洪菴修洋學及醫學。弘化末。飯國開醫業。

爲人素樸不修邊幅人皆陋之無來請治者乃獨語曰予性不適媚世聞上醫醫國予其爲上醫乎拂袂復抵大坂嘉永初爲宇和島侯所聘謂可以俟他日伸驥足因改名藏六言猶龜之藏頭尾四肢于甲中也自稱兵學者教授洋學六年病眼辭宇和島抵江戶住番町開塾教授洋學醫術後應幕府聘翻譯洋藉有年文久元年正月奉藩命販國慶應二年幕府大舉擊長三十餘藩兵自海陸進而和歌山福山濱田等兵自石州入藏六與井上聞多等率兵當之藏六紀律嚴正應變出奇妙算如神連戰連勝驅逐敵

卷下

聖

軍遂占領濱田城其在軍也譯兵書授部下且講且戰又使人擔梯從行登人家屋上指麾軍所嚮云明治元年戊辰二月討幕之兵起二月藏六在伏見營編制軍隊兼講兵書營外有酒樓絃歌如湧生徒亦多登樓者一夜開講聞絲竹音殊囂顧諸生曰彼何聲也諸生曰合奏三絃鼓笛也藏六曰否不然是金錢逃散之聲也諸生聞之愕然無復登樓者矣旣而官軍自三道東下西鄉隆盛與幕府士勝安房等協議遂收江戶城四月藏六抵江戶會德川氏餘黨據東叡山號曰彰義隊勝安房山岡鐵太郎往諭之不

聽隆盛帥兵往攻半日盡殄滅之其部署方略皆出於藏六隆盛服其戰略謂人曰兵制有大村氏余復何言尋有脫走賊徒據函館勢頗猖獗隆盛將率大軍而發藏六止其行曰賊降不出旬日也隆盛不信至則果如其言後隆盛販國藏六在朝專管兵政建議曰陸軍宜倣法國海軍宜倣英國並以聘良士養士官模造兵器爲急朝廷從之細大就緒二年七月廢軍務官置兵部省藏六任兵部大輔藏六母老在國因欲歸省請休暇三旬見允兼受巡視京坂之命行投京師木屋坊逆旅爲暴徒所刺入大坂病院十

卷下

諸

一月五日遂逝享年四十有七嗚呼藏六幼而頑鈍壯而能改遂爲一世偉人可敬也哉人稱其用兵類程不識極有節制可以爲後人法信矣蓋自老世故通人情得之能計賊徒可平而不能計身死賊手悲夫

岩倉公具視

明治中興之業實藉祖宗在天之靈天皇盛德統御使然而至誠奉公率先天下以翼贊之者莫如岩倉三條二公也岩倉公具視幼稱周丸權中納言堀川康親第二子以文政八年乙酉九月十五日生於京



師出爲參議兼右近衛權中將正三位岩倉具慶義子。幼而英穎。通和漢學。兼習武技。夙憤皇室衰頹。嘗告具慶。見所司代訴之不報。天保九年戊戌年甫十四。敘從五位。加冠聽昇殿。弘化二年乙巳。進正五位。嘉永七年甲寅。任侍從。是歲改元安政。美人來請互市。幕府不候聖旨而允之。公憤甚。二年十月。天皇欲書御製歌。命左右徵筆紙。不得一葉色紙。公乘夜訪所司代某。讓其無狀。某獻私財以補之。四年幕府使大學頭林健上美人書。請勅許。公與公卿八十四人謀。連署陳其不可。勅與諸侯妥議具奏。而上下紛議。

卷下

羣

囂囂不決。萬延元年庚申。將軍家茂請皇妹和宮內親王隆降。公贊之。告關白九條尙忠。奏而可之。公敘正四位。拜右近衛權少將。奉和宮抵江戶。公謂幕府主開港。出不得已。唯其不告。乃爲僭越。因勸權臣協和朝幕。然後復命。志士皆咎公爲無特操。公毅然以它日證之。而幕府舉措。無與前日異。公聲望頓落。朝廷諭尙尙及公等停職。特命公閉居其采邑。岩倉莊公視髮日友山。無復志士過訪者。唯木戶孝允知公衷情。潛來問候。西卿隆盛大久保利通坂本龍馬等亦至。三年正月二十二日。公早起盥漱。望廢垣下。

有一物。熟視則千種氏臣賀川肇之腕也。有書結之云。彥根藩士長野主膳。與九條關白臣島田正臣謀。沮抑朝議。主膳已伏誅。而肇猶不懲。仍爲幕府謀。故誅之。蓋風公也。公從容瘞諸庭隅。乃入室。當時激徒所爲率多此類。慶應三年正月。今上卽位。發先帝喪大赦。三月公入洛。與中山三條中御門三卿同奏復古議。傳內旨于諸藩。與土佐藩士等謀。使其主說幕府。奉還太政。十二月八日。公與中山正親町三條德大寺諸卿。召薩土諸藩士於朝。颺言曰。自今朝廷斷行太政耳。論難至晚。議遂決。是日勅復三條實美以

卷下

美

下五卿官爵。次日傳敕天下。大小政令。悉自朝廷發之。廢攝政關白征夷將軍等官。置總裁。議定參與三職。公任參與。四年德川慶喜東走。改元明治。公進副總裁。時各國公使將期日朝參。以祝復古。諸藩士爲親兵者。聞之大忿憤。陳其違先帝勅旨。且曰。大非志士報國之素志。紛議洶洶。將逞暴舉。公從容不動。召隊長等細說內外事情。懇諭交際之誼。使歸營說諭兵士。積年鎖國之論。一朝變爲開港。遂得舉國皈無事。二月參與大久保利通奏請遷都大坂。公大贊其議。乃曰。未若江戶也。上嘉納焉。十月鳳輦行幸江戶。

改江戸曰東京。二年公進大納言。賞祿五千石。敕曰。國家柱石。四年七月遷外務卿。十月進右大臣。兼特命全權大使。使歐米各國而返。六年征韓之議起。大政大臣三條實美與諸卿議。議幾決。先是公侍先公病不朝。病少間。實美告病。公乃出。大非征韓。參議西鄉隆盛。江藤新平等論駁甚力。公從容曰。前日大臣有失錯。而今日大臣攝理。以歸非決。何妨之有。參議木戸孝允。大久保利通等皆贊其議。公察其難決。曰。明日參內奏請。從上所擇。隆盛等見其言不行。怏怏不樂。次日上表辭職還國。而世多不服公者。七年一

卷下

孝

月十七日夜。公自赤坂離宮退。取途喰違。有賊要馬車斬公。公負傷。躍入濠。洄而遁。詣皇居療瘡。上賜馬車。護送私邸。公語家人曰。余若不航海外。則今既死矣。幸獲與水夫伍。輕捷四體。故能免耳。後捕賊則土佐藩九人也。處殊死。四月征臺之役。公復主和平止之。終不及矣。八年韓人擊我雲揚艦。眾再唱征韓。公與左大臣島津久光論事。久光怒而罷。乃遣參議黑田清隆於漢城。約開港。定通商條規。九年敘從一位勳一等。賜旭日大綬章。十五年敘大勳位。十六年七月十九日公病薨。年五十九。先是車駕親臨存問者

二次。皇后亦下顧焉。至是上發哀輟朝三日。停死刑二十三日。勅贈太政大臣。二十五日葬于南品川海晏寺。公有至性。幽岩倉日。不能面父。日向其館而拜。父欲觀海晏寺楓樹。未果而薨。因贖寺中地葬焉。至是又葬公於其側。云。嗚呼公。眞國家柱石也哉。維新之際。人物濟濟。盈朝未有德量過公者也。當時余官開拓。盛陳柯太防禦之急。屢伺候公邸。公嘗會僚屬設餐協商。余主抗義不屈。甘心爲虜。儻與公見符。余欲徙漁父等。聘英美人以墾拓其地。且開一港以爲互市場。大久保利通大隈重信等種種論建。公與三

卷下

孝

條公聞之。至於汗流被額。余服其憂國之深。既辭官後。往謁陳所見。會參議某來。公召家令使辭曰。岡本未談邊事。予且待之。談畢。謂余曰。政府意見。不必悉與開拓使同。予其勿屈。余感喜而退。盡心經畫。或著書諷世。至七年遊清國而止。則聞柯太既落俄人之手矣。豈公說不行而然也耶。顧乃爲激徒所刺。其果何故。得無觀泰西文物之美。而有陋我者乎。前原江藤西鄉之亂。必有所由來者。而大久保利通亦死於非命。不知天之使然邪。非邪。是時世人多尤公者。而不及三條公也。豈非以公自任之重且大。於一身無

所回顧乎余亦往候不得見而去矣

三條公實美

三條公實美。號梨堂。故從一位右大臣三條公實萬之四男也。母山内氏。天保八年丁酉二月四日生。于京都。生而穎異。溫恭。絕無貴介驕蹇之態。嘉永二年己酉。年十三。叙從五位下。安政六年己未十月六日。父實萬公薨。實萬公志存報國。仕先帝。盡輔弼之道。論幕府違敕。一世仰其風采。而爲幕吏凌蔑。落飾以至捐館。公感憤激勵。誓欲繼遺圖。文久二年壬戌。累遷補左近衛中將。九月敘從三位。任權中納言。時幕

卷下

美

府失政。内外多故。物情騷然。公與朝野志士戮力。首唱大義。十一月奉敕。與姊小路公知俱赴江戶。督幕府釐革政令。明年三月。將軍德川家茂上洛。議決攘夷。公虞外夷憑陵。闕下紛囂。緝合志士。編制親兵。爲之都督。拮据經營。舉世信其有爲。而幕吏猜疑。排斥勤王諸卿。於是朝議俄變。停公等參朝。是爲三年八月十八日。是夜公至大佛。僞裝微者而逃。達妙法院。親兵及長藩士多欲從行者。諭之使悉去。遂孤行。乘舟至長門。乃作書預告四方。使志士來會於長州。居數月。長藩有俗論黨。專主開港。佐幕。驅逐尊攘之士。

卷下

本

公亦爲其所迫。遁至筑前。俗論黨稱幕命。使近國五藩監護之。公在幽囚無聊之間。常扼腕慷慨。弗置。每經一蹉跌。益堅其志。先是長藩老臣國司信濃。益田右衛門等。率兵至山崎。伏見上書。欲復公等官爵。使長侯父子入京。朝廷不允。遂起釐下之變。幕府遣小監察小林某于九州。護送公等于江戶。勢甚急。薩藩固執不可。意在保公等。會有飛報。幕軍大爲長人擊破。小林等狼狽走還。遂得免乎禍。公幽囚凡可五星霜。而其志未嘗有一日忘天下也。或勸納侍女。公大聲叱曰。余豈溺女色者哉。其志行蓋如此。是歲家茂薨。慶喜代嗣。佐幕之徒頓潛跡。薩人小松帶刀。土人後藤象次郎。勸慶喜奉還太政。慶應三年十二月。朝廷遂赦公等歸京。二十七日拜議定職。明治元年正月。任副總裁。兼外國事務。先是有伏見鳥羽之戰。至是乃有親征之舉。公拜關東大監察使。扈龍駕赴江戶。鎮撫東北。尋有遷都之詔。乃止。監察使。兼任關八州鎮將。二年五月。敕賞功臣。賜永世祿五千石。四年七月二十九日。任太政大臣。兼神祇伯宣教長官。五年。天皇巡狩西國。公留守攝萬機。六年。征韓之論起。廟議鼎沸。公病在床。車馬親臨諮詢。是歲公謝其失。

職請骸骨不允。公感激誓益剖心碎首。九年十二月敘勳一等。賜旭日大綬章。十一年三月兼任賞勳局總裁。十五年四月敘大勳位。五月二十七日任皇居造營總裁。十七年七月賞元勳。授公爵。十八年冬朝廷廢太政大臣。置總理大臣。頒責任內閣之制。公讓總理于伊藤博文。任內大臣。二十一年設樞密院。公列顧問官。二十三年開帝國議會。大陳所見。公卓上不列參考一書。聞者莫不歎賞。二十四年二月十八日病薨。享年五十有五。天皇聞疾革。遽臨其第。深慰藉之。特旨敘正一位。勅曰朕踐祚初幼冲。一賴卿輔

卷下

空

弼。卿躬膺重任。將順匡救。誼同師父。彈竭匪懈。終始不渝。洵是中興元勳。實爲臣民龜鑑。嗚呼公之爲國家砥柱。固勿論已。奉職十餘年。曾無世人議其擅威福營私利者。求諸古君子仁人之流。亦豈易輒得乎哉。安政中余寓廷臣清水谷氏。奉中將公正卿書。屢使實萬公許。知其憂國之深。見其落飾。竊爲國家慨。明治二年見公子東京私邸。大陳邊防之急。再三辭罷後。時修謁候起居。亦不敢有所干請。然時聞公語。予於大臣諸公。如憐余狂愚者也。感何已。老友高島吞象嘗謂予曰。世人呼三條公必曰公。未有單呼

三條者也。若倉公次之。其餘齊稱姓而已。未有一人呼公者也。則知公道德之高。爲維新以來第一流人物也。信矣。

卷下

空

跋

吾日本德川幕政之季年。諸志士慨然誓復王政。是以有覆幕之爭。又東亞之與歐美。情誼未若今日之達。是以有鎖國之爭。既爭矣。及至國是大定。直枉大彰。而已軋轢殘殺。流血奚翅千百。嗚呼。其可幸亦可哀矣。以是念我友邦支那。元首正位在上。賢名聞於四鄰。四鄰聘約又久。外事不調可知。故不欲新其國。則已。欲新其國。視吾日本當易易。而反未能更始。若日本者。豈國體之未一。抑人智之未闢耶。韋庵翁既有西學探源鐵鞭等書之刻。開導社又刻其是書。而

大城

賢道復將續刻開導社他書。凡欲廣闢支那人智。使今茲而更始。不必爲日本曩昔之難。此則韋庵翁之心。而亦賢道之心也。

大日本明治三十四年六月伊藤賢道識於西湖蓮華巖寓齋



日本漢文史  
籍叢刊

第四輯

傳記

[General Information]

□ □ =14664110

SS□ =14664110